

唐詩紀一百七十卷(二)

〔明〕黃德水 吳琯等輯

北京大學圖書館藏明萬曆十三年刻本

盛唐第四

唐詩紀六十四

鄆郡吳中珩彙

東吳俞策同校

張子容

先天二年進士爲樂城尉與孟浩然友善

春江花月夜二首

林花發岸口氣色動江新此夜江中月流光花上春分明石潭裏宜照浣紗人

交甫憐瑤珮仙妃難重期沈沈綠江晚惆悵碧雲姿初逢花上月言是弄珠時

詩紀

盛唐卷之四

雲陽驛陪使君邵道士夜宴

一尉東南遠誰知此夜歡諸侯傾臯蓋仙客整黃冠染翰燈花滿飛觴雲氣寒欣承國士遇更借美人看

除夜樂城逢孟浩然

遠客襄陽郡來過海岸家樽開柏葉酒燈發九枝花妙曲逢盧女高才得孟嘉東山行樂意非是競繁華

送蘇倩遊天台

靈異尋滄海笙歌訪翠微水鷗迎共一作狎雲鶴

待將飛琪樹嘗仙果瓊樓試羽衣遙知神女問獨

惟阮郎歸

泛永嘉江日暮迴舟

無雲天欲暮輕一作轉鷁大江清歸路煙中遠迴舟

月上行傍潭窺竹暗出嶼見沙明更值微風起乘

流絲管聲

永嘉卽事寄贛縣袁少府璿

山繞樓臺出谿通里閘斜曾爲謝客郡多有逐臣

詩紀

盛唐卷之四

二

家海氣朝成雨江天晚作霞題書報一作此濕似

長沙

樂城歲日贈孟浩然

一作王維詩

土地窮甌越風光肇建寅挿桃銷瘴癘移竹近堦

墀半是吳風俗仍爲楚歲時更逢習鑿齒言在漢

川湄

永嘉作

拙宦從江左投荒更海邊山將孤嶼近水共惡谿

連地濕梅多雨潭蒸竹起煙未應悲晚髮炎瘴苦

華年

送孟浩然歸襄陽

東越相逢地西亭送別津風濤看解纜雲一作海

去愁人鄉在桃林岸山一作江連楓樹春因懷故園

意歸與孟家鄰

貶樂城尉日作

竄謫邊窮海川原近惡谿有時聞虎嘯無夜不猿

啼地煖花長發巖高日易低故鄉可憶處遙指斗

牛西

詩紀

盛唐卷之四

三

自樂城赴永嘉枉路泛白湖寄松陽李少

府

西行礙淺石北轉入谿橋樹色煙輕重湖光風動

搖百花亂飛雪萬嶺疊青霄猿掛臨潭篠鷗迎出

浦橈惟應賞心客茲路不言遙

九日陪潤州邵使君登北固山

五馬向西椒重陽坐麗譙徐州帶綠水楚國在青

霄張幕連江樹開筵接海潮凌雲詞客語迴雪舞

人嬌一作梅福慙仙吏羊公賞下僚新豐酒舊美



况是菊花朝

壁池望秋月

涼夜窺清沼池空水月秋滿輪沈玉鏡半魄落銀  
鉤蟾影搖輕浪菱花渡淺流漏移光漸潔雲歛色  
偏浮似璧悲三獻疑珠怯再投能持千里意來照  
楚鄉愁

長安早春

又作孟浩然詩

開國維

一作後

東井城池起

一作對

北辰咸歌太平日

共樂建寅春雪盡黃

一作青

山樹冰開黑水津

一作濱

詩紀

盛唐卷之四

四

草迎金埒馬花伴

一作醉

玉樓人鴻漸一作無數鶯歌

一作聲

聽欲頻何當桂枝擢還及柳條新

贈司勳蕭郎中

作相開黃閣爲郎奏赤墀君臣道合體又子貴同  
時國以推賢荅家無內舉疑鳳池真水鏡蘭省得  
華滋未覩風流日先聞新一作所賦詩江山清謝眺  
花木媚丘遲吏部來何暮王言念在茲丹青無不  
可霖雨亦相期昔我投荒處孤煙望島夷羣鷗終  
日狎落葉數年悲漁父一作舊歌詠江妃入興詞今將

獻知己相感勿吾欺

巫山

巫嶺峯堯天際重佳期宿昔願相從朝雲暮雨連  
天暗神女知來第幾峯

盧鴻

新唐書云字顯然其先范陽人徙洛陽博學善書善畫盧山開元初徵至東都謁見

不拜宰相遣問狀答曰禮者忠信之薄臣敢以忠信見召片內殿拜諫議大夫固辭詔許還山歲給米絹又賜隱居服官營草堂恩禮殊渥舊唐書作盧鴻一

嵩山十志十首

并序

草堂

詩紀

盛唐卷之四

五

草堂者蓋因自然之谿阜前當墉洫資人力之  
締構後加茅茨將以避燥濕成棟宇之用昭簡  
易叶乾坤之德道可容膝休閑谷神同道此其  
所貴也及靡者居之則妄爲剪飾失天理矣詞  
曰  
山爲宅兮草爲堂芝蘭兮葍房羅薜蘿兮拍薜蘿  
荃壁兮蘭砌薜蘿無薜荔兮成草堂陰陰邃兮馥馥  
香中有人兮信宜常讀金書兮飲玉漿童顏幽操  
今不易長

倒景臺

倒景臺者蓋太室南麓天門右崖傑峯如臺氣  
凌倒景登路有三處可憩或曰三休臺可以選  
馭風之客會絕塵之子超逸真盪遐襟此其所  
絕也及世人登焉則魂散神越目極心傷矣詞  
曰

天門豁兮僊臺聳傑屹崕兮零瀕湧窮三休兮曠  
一觀忽若登崑崙兮中期汗漫僊聳天開兮倒景  
臺嶺顯氣兮軼囂埃皎皎之子兮自獨立雲可朋

詩紀

盛唐卷之四

六

今般可吸曾何榮辱之所及

樾館

樾館者蓋卽林取材基顛柘架茅茨居不期逸  
爲不至勞清談娛賓斯爲尚矣及盪者鄙其隘  
圓苟事宏洵乖其賓矣詞曰

紫巖隈兮青碕側雲松煙薦兮千古色芳蘿靡兮  
蔭蒙龍幽人構館兮在其中蘿靡蒙龍兮開樾館  
卧風霄兮坐般一作且與有賓兮時戾止樵蘇不  
爨兮清談已永歲終明兮常若此

枕煙庭

枕煙庭者蓋特峯秀起意若枕煙祕庭凝虛宵  
若仙會卽楊雄所謂爰靜神游之庭是也可以  
超絕紛世永潔精神矣及機士登焉則寥閭懔  
恍愁懷情累矣詞曰

臨泱泱兮背青熒吐雲煙兮合宵冥悅歎翁兮杳  
幽靄意縹緲兮羣仙會宵冥僊會兮枕煙庭竦魂  
形兮凝視聽聞夫至誠必感兮祈此巔契一作顯  
氣養丹田終彷彿兮觀靈僊

詩紀

盛唐卷之四

七

雲錦淙

雲錦淙者蓋激湍衝攢傾石叢倚鳴湍疊濯噴  
若雷風詭輝分麗煥若雲錦可以瑩發靈矚幽  
翫忘歸及匪士觀之則反曰寒泉傷玉趾矣詞  
曰

水攢衝兮石叢聳煥雲錦兮噴洶湧苔駮犂兮草  
黃緣芳纂纂兮瀨濺濺石攢叢兮雲錦淙波連珠  
兮文沓絳有潔冥一作者媚此幽漱靈液兮樂天  
休實獲我心兮夫何求

期仙磴

期仙磴者蓋危磴穹隆迴接雲路靈仙髣髴若  
可期及儒者毀所不見則黜之蓋疑氷之談信  
矣詞曰

霏微陰壑兮氣騰虹迤邐危磴兮上凌空青霞杪  
兮紫雲垂鸞歌鳳舞兮吹參差鸞歌鳳舞兮期仙  
磴鴻駕迎兮瑤華贈山人兮好神仙想像聞此  
兮欲升煙鑄月煉液兮竚還年

滌煩磯

詩紀

盛唐卷之四

八

滌煩磯者蓋窮谷峻崖發地盤石飛流攢激積  
漱成渠澡性滌煩迴有幽致可爲智者說難爲  
俗人言詞曰

靈磯盤礴兮溜奔錯漱冷風兮鎮冥壑研苔滋兮  
泉珠潔一飲一憩兮氣想滅磷連清淬兮滌煩磯  
靈仙境兮仁智歸中有琴兮微以玉峨峨湯湯兮  
彈此曲寄聲知音兮同所欲

纂翠庭

纂翠庭者蓋崖巖積陰林蘿蒼翠其上綵蘿其

下深湛可以王神可以冥道矣及喧者遊之則  
酣譁永日汨清薄厚詞曰

青崖陰兮月磻曲重幽疊邃兮隱淪躅草拊綵纂  
兮翠蒙龍當其無兮庭在中當無有用兮纂翠庭  
神可谷兮道可冥有幽人兮張素琴皇徽兮綠水  
陰德之惜兮澹多心

洞元室

洞元室者蓋因巖作室卽理談玄室返自然元  
斯洞矣及邪者居之則假容竊次妄作虛誕竟

詩紀

盛唐卷之四

九

以盜言詞曰

嵐氣肅兮巖翠冥空陰虛兮戶芳迎披蕙帳兮促  
蘿筵談空空兮覈元元蕙帳蘿筵兮洞元室秘而  
幽兮真可吉返自然兮道可冥澤妙思兮草玄經  
結幽門兮在黃庭

金碧潭

金碧潭者蓋水潔石鮮光涵金碧巖葩林蔦有  
助芳陰鑒洞虛道斯勝矣而世生纏乎利害  
則未暇遊之詞曰



水碧色兮石金光灩燿燿今湓湓湓泉葩映今煙  
蔦臨紅灼灼翠陰陰翠相鮮兮金碧潭霜天洞今  
煙景涵有幽人今好冥絕炳其煥今疑其潔悠悠  
千古兮長不滅

李適之

本傳云一名昌恒山王承乾之孫神龍初拜左衛郎開元中歷官至刑部尚書

雅好賓客飲酒一斗不亂天寶中為左相累封清和縣公與李林甫不叶為其陰中罷知政事坐事貶宜春太守仰藥死

朝退

朱門長不閉親友恣相過年今將半百不樂復作

詩紀

盛唐卷之四

十一

待如何

罷相作

本傳云適之為李林甫所構懼不自安乃上軍政求散職以太子少保罷欣然自以為免禍○本事云開元中宰相李適之與林甫相惡之排誣罷免朝客雖知無罪謂問其希適之意憤目飲酣且為詩云林甫愈怒終不免

避賢初罷相樂聖且銜杯借

一作

問門前客今朝

幾箇來

李愷

忠義傳云太原人以明經舉開元中為監

守遷禮部尚書安祿山陷都城遇害諡曰忠懿

和戶部楊員外伯成寓直按韋嗣傳有戶部郎中楊伯成  
落日彌綸地公才畫省郎詞驚起草筆坐引謏  
香雙闕天河近千門夕漏長遙知臺上宿不獨有  
文強

同聖幸新亭賜錢公宴

感夢通玄化覃恩降紫宸賜錢開漢府分帛醉堯  
人地隔朝宗慶亭臨上洛新行看廣雲雨二月次  
東巡

奉和聖製從蓬萊向興慶閣道中留春雨

詩紀

盛唐卷之四

十一

中春聖之作應制

別館春還淑氣催三宮路轉鳳凰臺雲飛北闕輕  
陰散雨歇南山積翠來御柳遙隨天仗發林花不  
待曉風開已知聖澤深無限更喜年芳入睿才

蕭華

徐國公高子開元中為給事中入寶曆累轉兵部侍郎上元初拜中書侍郎平章事

後貶陝州司馬卒見父嵩傳

扈從迴鑾應制

粵在一作

秦京日議平封禪難豈知陶唐主道濟

蒼生安惟彼烈祖事增修建崇觀聲名朝萬國玉



帛禮三壇纂聖德重光建元功載刊仍開一作舊

馳道不記昔廻鑾羽衛一作騎搖晴日弓戈生早寒

猶思檢玉處却望白雲端

崔宗之

名成輔以字行齊國公日用之子少襲父爵好學寬博有風舉韓朝宗薦之干

朝開元中歷左司郎中侍御史後謫金陵與李白詩酒倡和

贈李十二白

涼風八九月白露空園庭耿耿意不暢稍稍一作稍

風葉聲思見雄俊士共話今古情李侯忽來儀把

袂苦不早清論既抵掌玄談又絕倒分明楚漢事

詩紀

盛唐卷之四

三

歷歷王霸道擔囊無俗物訪古千里袖有七首

劍懷中茂陵書雙眸光照人詞賦凌子虛酌酒弦

素琴霜氣正凝潔平生心中事今日為君說我家

有別業寄在嵩之陽明月出高岑清谿澄素光雲

散牕戶靜風吹松桂香子若同斯遊千載不相忘

陳希烈

姦臣傳云宋州人開元中累遷集賢院學士兼崇文館大學士李林甫引與共

政遷左丞相封許國公林甫居位久亦希烈左右焉祿山亂相賊肅宗立賜死於家

賦得雲生棟梁間

一片蒼梧意氛氲生棟梁下簾山足暗開戶日添

光偏使衣裘潤能令枕簟涼無心伴行雨何必夢

荆王

奉和聖製三月三日

上巳迂龍駕中流泛羽觴酒因朝太子詩為樂賢

王錦纜方舟渡瓊筵太樂張風搖垂柳色花發異

林香野老歌無事

一作無公事

朝臣飲歲芳皇情被羣

物中外洽恩光

省試白雲起封中

千年泰山頂雲起漢王封不作奇峯狀寧分觸石

詩紀

盛唐卷之四

三

容為霖雖易得表聖自難逢冉冉排空上依依疊

影重素光非曳練靈貺是從龍豈學無心出東西

任所從

崔惠童

紀事云尚明皇晉國公主

宴城東莊

一月人生

一作主人

笑幾回相逢相識

一作值

且銜杯眼

看春色如流水今日殘花昨日開

崔敏童

紀事云惠童兄也

宴城東莊

一年始有一年春百歲曾無百歲人能向花中幾  
回醉十千沽酒莫辭貧一作頻

李休烈開元中爲洛陽尉

毀天樞

唐新語云長壽三年則天徵天下銅五十餘萬勛鐵一百二十萬餘勛於定鼎門內鑄八梭銅柱紀革命之功開元中詔毀天樞發卒踏鑠彌月不盡休烈賦詩以詠之云云先有訛言云一條麻線挽天樞言其不經久也故休烈詩及之士庶莫不諷詠

天門街上倒天樞火急先須卸火珠計合一條麻線挽何勞兩縣索人夫

詩紀

盛唐卷之四

十四

高力士

宦者傳云馮盎曾孫中人高力士爲子政其姓爲宮闈丞立之在力士國心附結先天中知內省事從帝幸蜀封齊國公肅宗立除籍長流巫州寶應元年赦還見二帝遺詔北向哭嘔血卒

感巫州薺菜

紀事云力士謫巫州山多薺不食因感之作詩寄意云

兩京作勛賣五谿無人采夷夏雖有殊氣味終不改一作固

盛唐第四

盛唐第四

盛唐第五

唐詩紀六十五

鄆郡吳中珣彙編

東吳俞策同校

儲光義

兗州人一章歷監察御史祿山反陷城自歸有集七十卷○殷璠云儲公詩格高調逸趣遠情深剖盡常言挾風騷之迹得浩然之氣璠嘗觀公正論十五卷九經外義疏二十卷言博理當實可謂經國之大才又云光義詩宏贍綏逸務在直置○樂城遺言云儲詩高處似陶淵明平處似王摩詰

五言古詩

野田黃雀行

詩紀

盛唐卷之五

二

嘖嘖野田雀不知軀體微閑穿深叢一作裏爭食復爭飛窮老一積舍棄多桑樹稀無葉猶可一作何食無桑何以衣蕭條空倉暮相引時來歸斜路豈不捷渚田豈不肥水長路且壞惻惻與心違

樵父詞

山北饒朽木山南多枯枝枯枝作采薪寒室私自知詰朝礪斧尋視暮行歌歸先雪隱薜荔迎暄卧茅茨清澗日濯足喬林時曝衣終年登險阻不復憂安危蕩漾與神遊莫知是與非

漁父詞

澤魚好鳴水谿魚好上流漁梁不得意下渚潛垂  
鈎亂荇時礙楫新蘆復隱舟靜言念終始安坐看  
沈浮素髮隨風揚遠心與雲遊逆浪還極浦信潮  
下滄洲非爲徇行役所樂在行休

牧童詞

不言牧田遠不道牧陂深所念牛馴擾不亂牧童  
心圓笠覆我首長簑披我襟方將憂暑雨亦以懼  
寒陰大牛隱層坂小牛穿近林同類相鼓舞觸物  
詩紀 盛唐卷之五 二  
成謳吟取樂須臾間寧問聲與音

采蓮詞

淺渚荇花繁深潭芙蓉疎獨往方自得恥邀淇上  
姝廣江無術阡大澤絕方隅浪中海童語流下鮫  
人居春秋時隱舟新萍復滿湖采采乘日養不思  
賢與愚

采菱詞

濁水菱葉肥清水菱葉鮮義不遊濁水志士多苦  
言潮沒具區藪深雲夢田朝隨北風去暮逐南

風旋浦口多漁家相與邀我船飯稻以終日藥  
將永年方冬水物窮又欲休山樊盡室相隨從所  
貴無憂患

射雉詞

曝暄理新翳迎春射鳴雉原田遙一色臯陸曠千  
里遙聞咿喔聲時見雙飛起幕塵疎蒿下毬毬深  
麥裏顧敵乃忘生爭雄方決死仁心貴勇義豈復  
能傷此超遙下故墟迢遞回高時大夫昔何苦取  
笑歡妻子

詩紀

盛唐卷之五

三

猛虎詞

寒亦不憂雪饑亦不食人人肉豈不甘所惡傷明  
神太室爲我宅孟門爲我鄰百獸爲我膳五龍爲  
我賓蒙一作馬一何威浮江一以仁彩章耀朝日  
爪牙雄武臣高雲逐氣浮厚地隨聲震若能賣餘  
勇日夕長相親

昇天行貽盧六健

真人居闔風時奏清商音聽者卽王母泠泠和瑟  
琴坐對三花枝行隨五雲陰天長崑崙小日夕蓬



萊深上由玉華宮下視首陽岑神州亦清淨要自  
有浮沈惻惻苦哉行呱呱遊子吟廬山逢若士思  
欲化黃金雨雪沒太山誰能無歸心逍遙在雲漢  
可以來相尋

効古二首

晨登涼風臺暮走邯鄲道曜靈何赫烈四野無青  
草火軍北集燕天子西居鎬婦人役州縣丁男事  
征討老幼相別離哭泣無昏早稼穡既殄絕川澤  
復枯槁曠哉遠此憂冥冥商山皓

詩紀

盛唐卷之五

四

東風吹大河河水如倒流河洲塵沙有若黃雲  
浮頰霞燒廣澤洪曜赫高丘野老泣相語無地可  
蔭休翰林有客卿獨負蒼生憂中夜起躑躅思欲  
獻厥謀君門峻且深蹠足空夷猶

雜詩二首

混沌一作渾沌本無象末路多是非達士志寥廓所在  
能忘機耕鑿時未至還山聊采薇虎豹對我蹲鸞  
鷺傍我飛仙人空中來謂我勿復歸格澤爲君駕  
雲一作虹霓爲君衣西遊崑崙墟可與世人違

秋氣一作風

肅天地

太行高崔嵬獫狁一作獫狁

清夜

其聲一何哀寂寥掩圭華夢寐遊蓬萊琪樹

亭玉堂雲中開洪崖吹簫管玉女飄飄來西

師既先後

道一作道

路無纖埃鄙哉楚襄王獨

如雲陽臺一作陽臺

述韋昭應畫犀牛

遐方獻文犀萬里隨南金大邦柔遠人以之居山

林食棘無秋冬絕流無淺深雙角前斬斬三蹄下

駸駸朝賢壯其容未能辨其音有我哀鳥一作哀鳳

郎

詩紀

盛唐卷之五

五

新邑長鳴琴陸閣飛嘉聲仁甸盈仁一作仁閑居命國  
工作繪北堂陰耽耽若有神庶比來儀禽昔有舞  
天庭爲君奏龍吟

述華清宮五首

大寶六年冬十月皇帝幸  
驪山溫泉宮名其宮曰華清

清

上在蓬萊宮莫若居華清朝朝禮玄閣日日聞體  
輕大聖不私已精禪爲羣氓  
上出蓬萊時六龍儼齊首長道舒羽儀彤雲映前  
後天聲殷宇宙真氣到林藪



昔在軒轅朝五城十二樓今我神泉宮獨在驪山  
隙羣芳趨順動百辟隨天遊

正月開陽和通門緝元化穆穆睟容歸豈爲明燈  
夜高山大風起肅肅隨龍駕

上林神君宮此地卽明庭山開鴻濛色天轉招搖  
星三雪報大有孰謂非我靈

雜詠五首

石子松

盤石青巖下松生盤石中冬春無異色朝暮有清

詩紀

盛唐卷之五

六

風五臘何人采西山舊兩童

駕簷藤

得從軒墀下如勝松柏林生枝逐架遠吐葉向門  
深何許荅君子簷間朝暝陰

池邊鶴

舞鶴傍池邊水清毛羽鮮立如依岸雪飛似向池  
泉江海雖言曠無如君子前

釣魚灣

垂釣綠灣春春深杏花亂潭清疑水淺荷動如魚

散日暮待情人維舟綠楊岸

幽人居

幽人下山徑去去夾青林滑處莓苔濕暗中蘿薜  
深春朝煙雨散猶帶浮雲陰

題太玄觀

門外車馬喧門裏宮殿清行卽翳若木坐卽吹玉  
笙所喧旣非我真道其冥冥

至嵩陽觀卽天皇故宮

真人上清室乃在中峯前花霧生玉井霓裳畫列

詩紀

盛唐卷之五

七

仙念茲宮故宇多此地新泉松柏有陰薜蘿亦

自妍一聞步虛子又話逍遙篇忽若在雲漢風中

意泠然

貽韋鍊師

精思莫知日意靜如空虛三鳥自來去九光遙卷

舒新池近天井玉宇停雲車余亦苦山路洗心祈

道書

獻八舅東歸

高位莫能捨捨之世所賢雲車遊日華豈比龍樓

前寢席乃就枕情感惟靈仙帝鴻師道宗臣彭亦  
長年天書加羽服又許歸東川鏡水涵太清禹山  
朝上玄誠亡真混沌玉立方嬋娟素業作仙居子  
孫當自傳門多松柏樹篋有逍遙篇獨往不可羣  
滄海成桑田

與茗粥作

當晝暑氣盛鳥雀靜不飛念君高梧陰復解山中  
衣數片遠雲度曾不蔽炎暉淹留膳茶粥共我飯  
蕨薇敝廬既不遠日暮徐徐歸

詩紀

盛唐卷之五

八一

泛茅山東谿

清晨登仙峯峯遠行未極江海霽初景草木含新  
色而我任天和此時聊動息望鄉白雲裏發棹清  
谿側松柏生深山無心自貞直

游茅山五首

十年別鄉縣西去入皇州此意在觀國不言空逐  
遊九衢平若水利往無輕舟北洛反初路東江還  
故丘春山多秀木碧澗盡清流不見子桑扈當從  
方外求

世業傳儒行行成非不榮其如懷獨善况以聞長  
生家近華陽洞早年深此情巾車雲路入理棹瑞  
谿行天地朝光滿江山春色明王廷有軒冕此日  
方知輕

平生非作者望古懷清芬心以道爲際行將時不  
羣茲山在人境靈貺久傳聞遠勢一峯出近形千  
嶂分冬春有茂草朝暮多鮮雲此去亦何極但言  
西日曛

昔賢居柱下今我去人間良以直心曠兼之外視

詩紀

盛唐卷之五

九一

閑垂綸非釣國好學異希顏落日登高嶼悠然望  
遠山谿流碧水去雲帶清陰還想見中林士巖扉  
長不關

名嶽徵仙事清都訪道書山門入松柏天路涵空  
虛南極見朝采西潭聞夜漁遠心尚雲宿浪跡出  
林居爲已存實際忘形同化初此行良已矣不樂  
復何如

述降聖觀

一山盡天苑一峯開道宮道花飛羽衛天鳥遊雲

空玉殿俯玄水春旗搖素風夾門小松柏覆井新  
梧桐自昔太仙下乃知元化功神皇作桂館此意  
與天通

題明上人禪居

眞王清淨子燕居復行心結宇隣居邑寤言非遠  
尋丹青丈室滿草樹一庭深秀色玄冬發交枝白  
日陰江流映朱戶山鳥鳴香林獨住已寂寂安知  
浮與沈

過新豐道中

一十八年  
有詔種果

詩紀

盛唐卷之五

十一

西下長樂坂東入新豐道雨多車馬喧道上生秋  
草太陰蔽臯陸莫知晚與早雷雨杳冥冥川谷漫  
浩浩詔書植嘉木衆言桃李好自愧作無此容  
歸從漢陰老

夜到洛口入黃河

河洲多青草朝暮增客愁客愁惜朝暮枉渚斷  
聊停舟中宵大川靜解纜逐歸流浦淑既清曠沿  
洄非阻脩登艫望落月擊楫作悲新秋倘遇乘  
槎客永言星漢遊

使過彈箏峽作

鳥雀知天雪羣飛復羣鳴原田無遺粟日暮滿空  
城達士憂世務鄙夫念王程晨過彈箏峽馬足凌  
兢行雙壁隱靈曜莫能知晦明皚皚堅冰白漫漫  
陰雲平始信古人言苦節不可貞

泊舟貽潘少府

時潘在  
後浦

行子苦風潮維舟未能發宵分卷前幔卧視清秋  
月四澤葭葦深中洲煙火絕蒼蒼水霧起落落疎  
星沒所遇盡漁商與言多楚越其如念極浦又以

詩紀

盛唐卷之五

十一

思明哲常若千里餘况之異鄉別

仲夏入園中東陂

方塘深且廣伊昔俯吾廬環岸垂綠柳盈潭發紅  
蕖上延北原秀下屬幽人居暑雨若混沌晴明如  
空虛此鄉多隱逸水陸見樵漁廢賞亦何貴爲歡  
良易攄且言重觀國當此賦歸歟

山居貽裴十二迪

落葉滿山砌蒼煙埋竹扉遠懷青冥士書劒常相  
依霜卧眇茲地琴言紛已違衡陽今萬里南鴈將

何歸出徑惜松引入舟憐釣磯西林有明月夜久  
空微微

秦中歲晏馬舍人宅宴集

冬暮久無樂西行至長安故人處東第清夜多新  
歡廣庭竹陰靜華池月色寒知音盡詞客方見交  
情難

薦玄德公廟

神道本無已成化亦自然君居寥天上德在玉華  
泉真遊踐王豫永日遲雲仙表微在營道明祀將

詩紀

盛唐卷之五

十一

祈年靈山俯新邑松上生彩煙豈知天子遠去  
瑤池邊

上長史王公責躬

覆舟無伯夷覆居無仲尼自咎失明義寧由貝錦  
詩松柏日已堅桃李日已滋顧已獨暗昧所居成  
蒺藜大賢薦時文醜婦用蛾眉惕惕愧不已豈敢  
論其私方朔既有言子建亦有詩惻隱及先世析  
薪成自悲靈鳥酬德輝黃雀報仁慈若公庶伏罪  
此事安能遲

至嶽寺卽大通大照禪塔上溫上人

秋山下映宮宮色宜朝陽迢遞在半嶺參差非一  
行燕息雲滿門出遊花隱房二尊此成道禪宇造  
相望鳳鐸天中鳴巖梯松下長山墟響信鼓蕪薄  
生蕙香起滅一以雪往來亦誠亡悲哉門弟子要  
自知心長

終南幽居獻蘇侍郎三首

時拜太  
祝未上

暮春天氣和登嶺望層城朝日懸清景魏魏宮殿  
明聖君常臨朝達士復懸衡道近無良足歸來卧

詩紀

盛唐卷之五

十一

山楹靈堦曝仙書深室鍊金英春巖松柏秀晨路  
鷗鷄鳴羽化既有言無然悲不成

中歲尚微道始知將谷神抗策還南山水木自相  
親深林開一道青嶂成四鄰平明去采薇日入行  
刈薪雲歸萬壑暗雪罷千巖春始看玄鳥來已見  
瑤華新寄言攀芳者無乃後時人

上築青巖裏雲蘿四垂陰虛室若無人喬木自成  
林時有清風至側聞樵采音鳳皇鳴南岡望望隔  
層岑旣言山路遠復道谿流深倏倏空中遊乳龍



水間吟何當見輕翼爲我達遠心

題應聖觀

空中望小山山下見餘雪皎皎河漢女在茲養真  
骨登門駭天書啓籙問仙訣池光搖水霧燈色連  
松月合塼起花臺折草成玉節天鷄弄白羽王母  
垂玄髮北有上年宮一路在雲霓上心方嚮道時  
復朝金闕

至閑居精舍呈正上人

卽天仰  
故宮

太室三招提其趣皆不同不同非一趣況是天遊

詩紀

盛唐卷之五

十四

宮雙嶺前來門閣道復橫空寶坊若茲積宛轉不  
可窮流泉自成池青松信饒風秋晏景氣迴晶明  
丹素功近將隱者鄰遠與西山通大師假慧照念  
以息微躬

酬綦毋校書夢邪溪見贈之作

校文在仙掖每有滄洲心况以北窓下夢遊清溪  
陰春看湖水漫夜入迴塘深往往纔垂葛出舟望  
前林山人松下飯釣客蘆中吟小隱何足貴長年  
固可尋還車首東道惠言若黃金以我采薇意傳

之天姥岑

後五句一作勝遊在幽尋歷茲山水間  
冷然若鳴琴申章謝來意愧莫酬知音

田家卽事

蒲葉日已長荇花日已滋老農要看此貴不違天  
時迎晨起飯牛雙駕耕東菑蚯蚓土中出田烏隨  
我飛羣合亂啄噪嗷嗷如道饑我心多惻隱顧此  
兩傷悲撥食與田烏日暮空筐歸親戚更相誚我  
心終不移

同王十三維偶然作十首

仲夏日中時草木看欲焦田家惜功力把鋤來東

詩紀

盛唐卷之五

十五

臯顧望浮雲陰往往誤傷苗歸來悲何極兄嫂共  
相饒無錢可沽酒何以解劬勞夜深星漢明庭宇  
虛寥寥高柳三五株可以獨逍遙

北山種松柏南山種蒺藜出入雖同趣所尚各有  
宜孔丘貴仁義老氏好無爲我心若虛空此道將  
安施暫過伊闕間晚晚三伏時高閣入雲中芙蓉  
滿清池要自非我室還望南山隄

野老本貧賤冒雨鋤瓜田一畦未及終樹下高枕  
眠荷篠者誰子皤皤來息肩不復問鄉墟相見但

依然腹中無一物高話羲皇年落日臨層閣逍遙  
望晴川使婦提蠶筐呼兒榜漁船悠悠泛綠水去  
摘浦中蓮蓮花豔且美一作妍使我不能還

浮雲在虛空隨風復卷舒我心方處順動作何憂  
虞但言嬰世網不復得閑居迢遞別東國超遙來  
西都見人乃恭敬曾不問賢愚雖若不能言中心  
亦難誣故鄉滿親戚道遠情日疎偶欲陳此意復  
無南飛鳧

草木花葉生相與命爲春當非草木意信是故時

詩紀

盛唐卷之五

十六

人靜念惻羣物何由知至真狂歌問夫子夫子莫  
能陳鳳凰飛且鳴容裔下天津清淨無言語茲焉  
庶可親

黃河流向東弱水流向西趨舍各有異造化安能  
齊妾本邯鄲女生長在叢臺叶既聞容見寵復想  
玄爲妻刻畫尚風流幸會君招携逶迤歌舞座婉  
孌芙蓉閨日月方向除恩愛忽焉睽棄置誰復道  
但悲生不諧美彼匹婦意偕老常同棲

日暮登春山山鮮雲復輕遠近看春色踟躕新月

明仙人浮丘公對月時吹笙丹鳥飛熠熠蒼龍  
營營羣動汨吾真訛言傷我情安得如子晉與之  
遊太清

耿耿銅鞮宮遙望長數里賓客無多少出入皆殊  
履朴儒亦何爲辛苦讀舊史不道無家舍効他養  
妻子列列玄冬暮衣裳無準擬偶然著道書神人  
養生理公卿時見賞賜賚難具紀莫問身後事且  
論朝夕是

空山暮雨來衆鳥竟棲息斯須照夕陽雙雙復撫

詩紀

盛唐卷之五

十七

翼我念天時好東田有稼穡浮雲蔽叶原新流集  
溝洫徘徊顧衡宇僮僕邀我食卧覽叶牀頭書  
睡看機中織想見明膏煎中夜起唧唧

四鄰競豐屋我獨好卑室窈窕高臺中時閑撫清  
瑟狂飈動地起拔木乃非一相顧始知悲中心憂  
且慄蚩蚩命子弟恨不居高秩日入賓從歸清晨  
冠蓋出中庭有奇樹榮早衰復疾此道猶不知微  
言安可述

盛唐第五

盛唐第六

唐詩紀六十六

鄆郡吳中珩彙編

東吳俞策同校

儲光羲二

五言古詩二

田家雜興八首

春至鵲鷓鳴薄言向田墅不能自力作罷勉娶鄰  
女既念生子孫方思廣園圃閑時相顧笑喜悅好  
禾黍夜夜登嘯臺南望洞庭渚百草被霜露秋山

詩紀

盛唐卷之六

一

響砧杵却美故年時中情無所取

眾人恥貧賤相與尚膏腴我情既浩蕩所樂在畋

漁山澤時晦暝歸家暫閑居滿園植葵蕘繞屋樹

桑榆禽雀知我閑翔集依我廬所願在優游州縣

莫相呼日與南山老兀然傾一壺

逍遙阡陌上遠近無相識落日照秋山千巖同一

色網罟繞深莽鷹鷂始輕翼獵馬既如風奔獸莫

敢息駐旗滄海畔犒士吳宮側楚國有夫人性情

本貞直鮮禽徒自致終歲竟不食

田家趨隴畝當晝掩虛關鄰里無煙火兒童共幽

閑桔槔懸空圃雞犬滿桑間須臾一作農事隙采

藥遊名山但願所采多不言路險艱人生如蜉蝣

一往不可攀君看西王母千歲美容顏

貧士養情性不復知憂樂去家行賣畚留滯南陽

郭秋至黍苗黃無人可刈獲孺子朝來飯把竿逐

鳥雀忽見梁將軍乘車出宛洛意氣軼道路光輝

滿墟落安知負薪者啞啞笑輕薄

楚山有高士梁國有遺老築室既相鄰向一作田

詩紀

盛唐卷之六

二

復同道糗糒常共飯兒孫每紀事更一作田忘此耕耨

勞愧彼風雨好蟬蛄鳴空澤鷓鴣傷秋草日夕寒

風來衣裳苦不早

梧桐蔭我門薜荔網我屋超超兩夫婦朝出暮還

宿稼穡既自務紀事牛羊還自牧日旰一作田鋤登

高望川陸空山足禽獸墟落多喬木白馬誰家兒

聯翩相馳逐

種桑百餘樹種黍三十畝衣食既有餘時時會親

友夏來菰米飯秋至菊花酒孺人喜一作逢迎稚

子解趨走日暮閑園裏團團陰榆柳酩酊乘夜歸  
涼風吹戶牖清淺望河漢低昂看北斗數蟻齋未  
開明朝能飲否

題辨覺精舍

朝隨秋雲陰乃至青松林花閣空中遠方池巖下  
深竹風亂天語谿響成龍吟試問真君子遊山非  
世心

題崔山人別業

南陽隱居者築室丹谿源谿冷懼秋晏室寒欣景  
詩紀 盛唐卷之六 三  
瞰山雞鳴菌閣水霧入衡門東嶺或得嘯北窓時  
討論封君渭川竹逸士漢陰園何必崆峒上獨爲  
堯所尊

行次田家澳梁作

田家俯長道邀我避炎氛當暑日方晝高天無片  
雲桑間禾黍氣柳下牛羊羣野雀栖空屋晨風不  
復聞前登澳梁坂極望溫泉分逆旅方三舍西山  
猶未曛

昭聖觀

主家隱谿口微路入花源數日朝青閣彩雲猶在  
門雙樓夾一殿玉女侍玄元扶棹盡蟠木步欄多  
畫幡新松引天籟一作闕小柏繞山樊坐弄竹陰遠  
行隨谿水喧石池辨春色林獸知人言未逐鳳凰  
去真宮在此原

題辛道士房

全神不言命所尚道家流迨此遠南楚遂令思北  
遊先生秀衡嶽玉立居玄丘門帶江山靜房隨瑤  
草幽逍遙三花發罔象五雲浮自有太清紀曾垂  
詩紀 盛唐卷之六 四  
草髮憂大年方橐籥小智卽蜉蝣七日赤龍至莫  
令余獨留

登秦嶺作

時陷賊  
歸國

朝出猛獸林躩踞登高峯僮僕履雲霧隨我行太  
空羲和舒靈暉倏忽西極通迴首望浮涓隱隱如  
長虹九達合蒼蕪五陵遙腫朦鹿遊大明殿霧濕  
華清宮網羅蛟螭時顧齒熊羆鋒失途走江漢不  
能有其功氣逐招搖星魂隨閭闔風唯言宇宙清  
復使車書同林木被繁霜合沓連山紅鵬鷃勵羽



翼俯視荆棘叢誓將食鵠鴉然後歸崆峒

晦日任橋池亭

溫泉作天邑直北開新洲未有菰蒲生卽聞鳬鴈  
遊六亭在高岸數島居中流晦日望清波相與期  
泛遊西道苦轉轂北堤疲行舟清泠水木陰纔可  
適我憂

望幸亭

五年一巡狩西幸過東畿周國易居守周人多怨  
思君王敷惠政程作貴從時大厦非一木沈沈臨  
詩紀  
盛唐卷之六  
五  
九達慶雲宿飛棟嘉樹羅青堦疏屏空朝享方塘  
堪水嬉雲中仰華蓋析下望春旗天意知如此星  
言歸洛師

哥舒大夫頌德

天紀啓真命君生臣亦生乃知赤帝子復有蒼龍  
精神武建皇極文昌開將星超超渭濱器落落山  
西名畫圖入受服鑿門出扞城戎人昧正朔我有  
軒轅兵隴路起鄠鎬關雲隨旌河湟訓兵甲義  
勇方橫行韓魏多銳士蹶張在幕庭大非四決軋

石堡高崢嶸攻伐若振槁孰云非神明嘉謀卽天  
意驟勝由師貞枯草被西陸烈風昏太清戢戈旄  
頭落牧馬崑崙平賓從儼冠蓋封山紀天聲來朝  
芙蓉闕鳴玉飄華纓直道濟時憲天邦遂輕刑抗  
書報知己松柏亦以榮嘉命列上第德輝照天京  
在車持簡墨粲粲皆詞英顧我搶榆者莫能翔青  
冥遊燕非騏驎躑躅思長鳴

安宜園林獻高使君

直道已三出幸從江上迴新居茅茨迴起見秋雲  
詩紀  
盛唐卷之六  
六  
開十里次丹楹二橋交往來楚言滿鄰里鴈呌喧  
池臺魚鼈樂仁政沈浮亦至哉小山宜大隱要自  
望蓬萊

秋庭貽馬九

并序

扶風馬挺余之元伯也舍人諸昆知己之目挺  
充鄭鄉之賦予乃貽此詩

伊昔好觀國自鄉西入秦徃復萬餘里相逢皆眾  
中大君幸東岳世哲扈時巡予亦從此去閑居清  
洛濱稍稍寒木直彩彩陽華新迭宕孔文舉風流

石季倫妙年一相得白首定相親重此虛賓館款  
言冬及春哲兄盛文史出入馳高軌令德本同人  
深心重知己終衣朝聖主紗帳延才子伯淮與季  
江清濬孤峙羣方趨汎愛萬物通情理而我信  
空虛提携過杞梓夫君美聲德直道斯終始孰謂  
忽離居優游鄭東里東里近王城山連路亦平何  
言相去遠閒言獨淒清萬里鴻鴈度四鄰砧杵鳴  
其如久離別重以霜風驚

河中望鳥灘作貽呂四郎中

詩紀

盛唐卷之六

七一

河流有深曲舟子莫能知弭棹臨沙嶼微吟西日  
馳平明春色霽兩岸好風吹去去川途盡悠悠親  
友離漢宮成羽翼伊水弄參差爲惜淮南子如何  
攀桂枝

秦中初霽獻給事二首

渭水收暮雨處處多新澤宮苑傍山明雲林帶天  
碧君子聳高駕英聲邈今昔鏘珮出中臺影纔入  
仙掖夙心幸清鑒晚志欣良覲鳴盜非足徵願言  
同下客

南國久爲思西都當作賓雲開天地色日照山河  
春善聽在知己揚光唯達人妙年弄柔翰弱冠偶  
良辰擢第文昌閣還家滄海濱寸心何所望東掖  
有賢臣

晚次東亭獻鄭州宋使君文

自初賓上國乃到鄒人鄉曾點與曾子俱升闕里  
堂武皇恢大畧逸翮思寥廓三居清憲臺兩拜文  
昌閣爲道旣貞信處名猶謇諤鐵柱勵風威錦軸  
含光輝夜聞持簡立朝看伏奏歸洞門清珮響廣

詩紀

盛唐卷之六

八一

路玉珂飛驤首入丹掖搏空趨太微經綸逢聖主  
出入飄華組惜惜宿帝梧侃侃居文府海內語三  
獨朝端謀六戶善計在弘羊清嚴歸仲舉侍郎跨  
方朔中丞茂周處天眷擇循良惟賢降寵章分符  
指聊攝爲政本農桑籍籍歌五袴祁祁頌千箱隨  
車微雨灑逐扇清風颺旣以遷列國復茲鄰帝鄉  
褰帷乃仍舊坐嘯非更張居敬物無擾履端人自  
康薄遊出京邑引領東南望林晚鳥雀噪田秋稼  
穡黃成皇天地險廣武征戰場道喪苦兵賦時來

開井疆霏霏渠門色曖曖制巖光徒念京索近猶  
悲溱洧長大明潛照曜淑慝自昭彰昔歲幸西土  
今茲歸洛陽同焉知鄭伯當輔我周王

秋次灞亭寄申大

橘柚植寒陵芙蓉帶脩坂無言不得意得意何由  
展况我行且徒而君往猶蹇旣傷人事近復言天  
道遠薄暮入空亭中夜不能飯南聽鴻鴈盡西見  
招搖轉千門漢主宮百里周王苑杲杲初景出油  
油鮮雲卷會朝幸歲真校獵從秋獮念君久京國  
詩紀 盛唐卷之六 九

舟中別武金壇

曰子輕皎潔坦率實混元忽乃異羣萃高歌信陵  
門信陵好賓客清夜開華軒月光麗池閣野氣浮  
林園偶坐爛明星歸心潛崩奔漾舟清潭裏慰我  
別離魂落日下西山左右慘無言蕭條風雨散宵  
靄江湖昏秋荷尚幽鬱暮鳥復翩翩紙筆亦何爲  
寫我心中冤

鞏城東莊道中作

北陵散寒鳥西山照初日婉孌晉陽京踟躕野人  
室南軒草間去後乘林中出靄靄長路煖遲遲狹  
路歸蟬蛸時蔽月枳棘復傷衣城上東風起河邊  
早鴈飛夏王紀冬令殷人乃正月涯口度新雲山  
陰留故雪幸逢耆耄諾餘待親鄰別總轡出叢薄  
歇鞍登峻隅春源旣蕩潏伏戰亦睢盱未獲遵平  
道徒言信薄夫

赴馮翊作

本自江海人且無寥廓志大明耀天宇靄靄風雨  
詩紀 盛唐卷之六 十一  
被迢遞別荆吳飄飄涉沂泗廣川俟中戢峻坂傷  
騏驥躑躅失歸道崎嶇從下位西出太華陰北走  
少梁地葱蘢墟落色泱泱關河氣恥從俠烈遊甘  
爲刀筆吏寶劒茱萸匣豈忘知音貴大道且泛然  
沈浮未云異

晚霽中園喜赦作

五月黃梅時陰氣蔽遠邇煙雲連晦朔菰菜生鄰  
里落日燒霞明農夫知雨止幾悲衽席濕長歎垣  
墻毀曠朗天宇開家族躍以喜渙汗發大號坤元

更資始散衣出中園小徑尚滑履池光搖萬象倏忽滅復起嘉樹如我心欣欣豈云已

觀范陽遞俘

北河旄星殞鬼方彌林胡羣師舞弓矢電發歸燕墟皇皇軒轅君贊贊皐陶謨方思壯軍實遠近遞生俘車馬踐大達合沓成深渠牧人過橐駝校正引駒駟烈風朝送寒零雪靄天隅草木同一色誰能辨榮枯四履封元戎百金酬勇夫大邦武功爵固與炎皇殊

詩紀

盛唐卷之六

十一

次天元十載華陰發兵作

鬼方生獫狁時寇盧龍營帝念霍嫫姚詔發咸林兵天星下文閣簡師臨我城三陌觀勇夫五餌謀長纓雷野大車發震雲靈鼓鳴太華色莽蒼清渭風交橫胡馬悲雨雪詩人歌旆旌關氏爲女奴單于作邊氓神皇麒麟閣大將不書名

送丘健至州敕放作

時任下邳尉

太史登觀臺天街耀旄頭大君忽霆震詔爵冠軍侯南必梁孫源西將圍崑丘河隴徵擊卒虎符到

我州朝集成林城師言亂啁啾殺氣變木德凜凜如高秋元戎啓神皇廟堂發嘉謀息兵業稼穡歸馬復休牛和風開陰雪大耀中天流歡聲殷河嶽涵蕩非煙浮邦牧新下車德禮被毗謳乾坤日交泰吾亦遂優游

發商丘

河水日夜流客心多殷憂維梢歷宋國結纜登商丘漢皇封子弟周室命諸侯搖搖世紀怨傷古復兼秋鳴鴻念極浦征旅慕前儔太息梁王苑時非詩紀

盛唐卷之六

十二

牧馬遊

羣鴉詠

新宮驪山陰龍袞時出豫朝陽照羽儀清吹肅達路羣鴉隨天車夜滿新豐樹所思在腐餘不復憂霜露河低宮閣深燈隱鼓鐘曙繽紛起寒枝矯翼時相顧家一作宰收琳琅侍臣進一作鷁鷺高舉摩太清永絕矰繳懼茲禽亦翱翔不以微小故尚書省受誓誠貽太廟裴丞

皇家有恒憲齋祭崇明祀嚴車伊洛間受誓文昌



裏沈沈雲閣見稍稍城鳥起曙色照衣冠虛庭鳴  
劍履徘徊念私覲悵望臨清汜點翰欲何言相思  
從此始

夏日尋藍田唐永登高宴集

東望春明門駕言聊出遊南行小徑盡綠竹臨清  
流君出罷六安居此澹忘憂園林與城市間井隨  
人幽披瀝關衡闌置酒登崇丘山河臨咫尺宇宙  
窮寸眸是時春載陽佳氣滿皇州宮殿碧雲裏鴛  
鴦初命儔良辰方在茲志士安得休成名苟有地  
詩紀 盛唐卷之六 十三

何必東陵侯

田家卽事荅崔二東臯作四首

玄鳥雙雙飛杏林初發花  
吟命僮僕可以樹桑  
麻清旦理犁鋤日入未還家  
有客山中至言傳故人訊  
蕩漾敷遠情飄飄吐清  
韻猗歟秦臯上無乃成秋興  
念別求須臾忽至嚶鳴時  
菜田燒故草初樹養新  
枝所寓非幽深夢寐相追隨  
依依親隴畝寂寂無鄰里  
不聞雞犬音日見和風

起賴君遺挾藻憂來散能弭

敬酬陳掾親家翁秋夜有贈

大姬配胡公位乃三恪賓  
盛德百代祀斯言  
浪敬仲爲齊卿當國名益震  
文舉登宰輔  
縉紳武皇受璽圖爵土封其新  
繁祉既駁集  
生賢臣特達踰珪璋節操方松筠  
雲漢一經天  
池三振鱗曳裾朝赤墀酌醴侍紫宸  
大君錫車馬  
時復過平津言則廣台階道亦資  
天鈞清秋忽高  
興振藻若有神曜曜趨宮廷  
泚泚邁徐陳  
鎬京旣

詩紀

盛唐卷之六

十四

賜第門卷交朱輪方將襲伊臯永以崇夏殷  
宗黨無遠近  
依仁人雪蓋宇宙暗鴈歸滄海春沈  
吟白華頌帝闕降綵綸驛騎及蕪城  
相逢在郊野  
別離曠南北譴謫罹苦辛晝遊還荆吳  
迷方客感  
秦惟賢惠重義男女期嘉姻梧桐生  
朝陽鷓鴣鳴  
蕭晨豈不畏時暮坎壈無與鄰中夜涼  
風來顧我  
闕音塵瓊瑤不遐棄寤寐如日新

蘇十三瞻登玉泉寺峯入寺中見贈作

慶門疊華組盛烈鍾英彥貞信發天姿  
文明十邦

選爲情貴深遠作德齊隱見別業在春山懷歸出  
芳甸逖聽多時友招邀及浮賤朝沿灞水窮暮驅  
藍田徧百花照阡陌萬木森鄉縣蘇居世業藍田澗淨綠  
蘿深巖暄新鳥轉依然造華薄豁爾開靈院淹留  
火禁辰愉樂茲歌宴明藍田今肅肅列樽俎鏘鏘  
引纓弁天籟激微風陽光轆奔箭以茲小人腹不  
勝君子饌是日既低迷中宵方眊眊醉枕上思  
獨往曾中理交戰碧雲暗雨來舊原芳色變歡然  
自此絕心賞何由見鴻濛已笑雲列缺仍揮電忽  
詩紀

盛唐卷之六

十五

與去人遠俄逢歸者便時藍田尉朝想像玉泉  
宮依稀明月殿峯巒若登陟水木以遊衍息心幸  
自忘點翰仍留眷恨無荆文璧以荅丹青綯  
酬李處士山中見贈

厥初遊太學相與極周旋舍采其朝暮知言同古  
先孟陽題劍閣子雲獻甘泉斯須曠千里婉婉將  
十年今來艷陽月好鳥鳴翩翩同聲既求友不肖  
亦懷賢引領遲芳信果枉瑤華篇成頌非其德高  
文徒自妍聲塵邈超越比興起孤絕始信郢中人

乃能歌白雪跂予北堂夜搖筆酬明哲綠竹動秋  
風層軒靜華月想像南山下恬然謝朝列猶恐鵝  
鳩鳴坐看芳草歇邀以青松色同知白華潔永願  
登龍門相將持此節李詩云青  
清此松柏

詩紀

盛唐卷之六

十六

盛唐第六

盛唐第七

唐詩紀六十七

鄆郡吳中府彙編

東吳俞策同校

儲光羲三

五言古詩三

同諸公秋日遊昆明池思古

僕人理車騎西出金光逵蒼蒼白帝郊我將遊靈池太陰連晦朔雨與天根違淒風披田原橫汙益山陂農畝盡顛沛顧望稼穡悲皇靈惻羣氓神收詩紀

盛唐卷之七

張天維坤紀戮屏翳元綱扶逶迤迴清滄流大曜懸金暉秋色浮渾沌清光隨漣漪章盡莓苔柳杞成枯枝驟聞漢天子征彼西南夷伐棘開洪淵秉旄訓我師震雲靈鼙鼓照水蛟龍旂銳士千萬人猛氣如熊羆刑罰一以正干戈自有儀坐作河漢傾進退樓船飛羽發鴻鴈落檣動芙蓉披峨峨三雲宮肅肅振旅歸惡德忽小醜器用窮地貲上兵貴伐謀此道不能爲吁哉蒸人苦始日征伐非穆穆軒轅朝耀德守方垂君臣日安閑遠近無

怨思石鯨既蹭蹬女牛亦流離獷獪遊渚鴈葭菼生濬湄坎埴四十里填淤今已微江伯方解纜天吳亟往來桑榆慘無色佇立暮霏霏老幼樵木還賓從迴轡羈帝夢鮮魚索明月當報時

同諸公登慈恩寺塔

金祠起真宇直上青雲垂地靜我亦閑登之秋清時蒼蕪宜春苑片碧昆明池誰道天漢高逍遙方在茲虛形質太極携手行翠微雷雨傍杳冥鬼神中躑踞靈變在倏忽莫能窮天涯冠上閭闔開履詩紀

盛唐卷之七

下鴻鴈飛宮室低迴羣山小參差俯仰宇宙空庶隨了義歸窮芳非大厦久居亦以危

同諸公秋霽曲江俯見南山

天靜終南高俯映江水明有若蓬萊下淺深見澄瀛羣峯懸中流石壁如瑤瓊魚龍隱蒼翠鳥獸遊清泠旅蒲林下秋辟荔波中輕山萼浴蘭止水若居雲屏嵐氣浮渚宮孤光隨曜靈陰陰豫章館宛宛百花亭大君及羣臣宴樂方嚶鳴香薰二三子蕭晨怡性情逍遙滄洲時乃在長安城

同諸公送李雲南伐蠻

昆明濱滇池蠢爾敢逆常天星耀鉄鑕弔彼西南  
方冢宰統元戎太守齒軍行囊括千萬里矢謫在  
廟堂耀耀金虎符一息到炎荒蒐兵自交趾茆舍  
出瀘陽羣山高嶄巖凌越如鳥翔封豕驟踰伏巨  
象搖披攘迴谿深天淵揭厲踰舟梁玄武掃孤賊  
蛟龍除方良雷霆隨神兵礪磔動穹蒼斬伐若草  
木繫纆同犬羊餘醜隱弭河啁啾亂行歲君子惡  
薄險王師耻重傷廣車設且梁太白收光芒邊吏  
詩紀 盛唐卷之七 三

奉和韋判官獻侍郎叔除河南采訪使

天卿小冢宰道大名亦大醜正在權臣建旗千里  
外楚山俯江漢汴水連譙沛兩持方伯珪再轉諸  
侯蓋恬淡輕黜陟優游瀕千載乾象變台衡羣賢  
盡交泰聿來股肱郡河嶽卽襟帶盛德滋薰方仁  
風清汾澮四封盡高足相府輅車最超超青雲器

婉婉竹林會賤士敢知言成頌文明代燕雀依大  
厦期之保貞悔

貽丁主簿仙芝別

赫赫明天子翹翹羣秀才昭昭皇宇廣隱隱雲門  
開搖曳君初起聯翩予復來予次丁侯舉茲年不得意  
相命遊靈臺同爲太學諸生驂騑多逸氣琳琅有清響聯  
行擊水飛獨影凌虛上丁侯關河施芳聽江海徼  
新賞歛衽歸故山敷言播天壤雲峯雖有異楚越  
幸相親既別復遊處道深情更殷下愚忝聞見後

詩紀

盛唐卷之七

四

入第又應上德猶遭迤偃仰東城曲棲遲依水濱  
脫巾從會府結綬歸海裔親知送河門邦族迎江  
滋夫子安恬淡他人悵迢遞飛艤旣眇然洲渚徒  
虧蔽人謀固無準天德諒難知高名處下位逸翮  
棲卑枝去去水中沚搖搖天一涯蓬壺不可見來  
泛躍龍池

京口送別王四詎

江上楓林秋江中秋水流清晨惜分袂秋日尚同  
舟落潮洗漁浦傾河橫樓明年菊花熟洛東泛



觴遊

同房憲部應旋

同

衡山法王子惠見息諸苦落髮自南州燕居在西  
土養正不因晦得中寧患旅曠然長虛閑即理寄  
行補四句了自性一音亦非取橘柚故園枝隨人  
植庭戶我地少安住念天時啓處憲卿文昌歸愉  
悅來晤語車騎踐香草僕人沐花雨長風散繁雲  
萬里靜天宇起滅信易覺清真知有所逍遙高殿  
陰六月無炎暑微言發新偈粲粲如縣圃直心視  
詩紀

盛唐卷之七

五

慧光在此大法鼓

奉別長史庾公太守徐公應召

烈風起江漢白浪忽如山方伯驟勤王祀人亦憂  
天艷鎬項靈晦雲龍召我賢車騎北艱苦艚艚西  
泝沿水靈靜湍瀨猛獸趨後先龍樓開新陽萬里  
出雲間宇宙既焜耀崇德濟巨川受命在神宗振  
兵猶軒輶煌煌踰涿鹿穆穆更坤元明王朝太階  
遠邇望嘉言遊子淡何思江湖將永年

獄中貽姚張薛李鄭柳諸公

直道時莫親起羞見讒口興人是非怪西子言有  
咎誣善不足悲失聽一何醜大來敢遐望小往且  
虛受中夜囹圄深初秋縲紲久踈螢出暗草朔風  
鳴衰柳河漢低在戶鱗蛸垂向牖鴈聲遠天末涼  
氣生霽後負戶愁讀書劍光忿衝斗哀哀害神理  
惻惻傷慈母妻子垂涕泣家僮日奔走書詞苦人  
吏饋食勞交友寒服猶未成繁霜漸將厚吉凶問  
詹尹倚伏信北叟鬼哭知己冤鳥言誠所誘諸公  
深惠愛朝夕相左右東濕雖欲操釣金庶無負傷  
詩紀

盛唐卷之七

六

眷言出深筭永日常携手

貽鼓吹李丞

時信安王北伐李  
公王之所器者也

北伐昧天造王師示有征轅門統元律帝室命宗  
英靈威方首事伏鉞按邊城膏雨被春草黃雲浮  
太清文儒託後乘武旅趨前旌出車發西洛營軍  
臨北平曰予深固陋志氣頗縱橫嘗思驃騎幕願  
逐嫖姚兵惟賢美無度海內依揚聲河間舊相許  
車騎日逢迎折節下謀士深心論客卿忠言雖未

列庶以知君誠

貽王侍御出臺掾丹陽

高高琅琊臺臺下生箇輅照車十二乘光彩不足  
踰旣當少微星復隱高山霧金丘華陽下仙伯餐  
晦處茅茨對三峯梧桐開一路神谿繞臯陸樵牧  
自成趣時登青冥遊若從天江度墟里獻薇蕨群  
公致衣縷深沈復清淨偃仰視太素猛獸識賓僕  
頽霞知早暮峨峨雲龍開忽有方伯遇達人無不  
可壯士且馳騫融泄長離鳴續紛大鵬翮赤墀高

詩紀

盛唐卷之七

七

前芳一見如三顧禮服正邦祀刑冠肅王度三辰  
明昭代光啓玄元祚章臺收杞梓太液滿鵷鷺豐  
澤耀純仁八方晏黔庶沈沈閭闔起殷殷蓬萊曙  
旌戟儼成行雞人傳發煦翔翼一如鸛百辟莫不  
懼清廟奉蒸嘗靈山扈鑾輅天街時蹴踘直指燕  
桂桓四月純陽初雷雨始奮豫逆星敦皇極鐵鎖  
靜天步豐鎬舒曜靈干戈藏武庫析檟增廣運直  
道有好惡迴跡清憲臺傳騎東南去列城異疇昔  
近餞寡徒御纏綿西關道婉孌新豐樹伊洛不敢

息淮河任沿沂鄉亭茱萸津先後非疏附炎時方  
怵惕有若踐霜露惆悵長岑長寂寞梁王傳紛  
家延州結友在童孺岑陽沐天德邦邑持民務  
躅望朝陰如何復淪誤牙曠三千里擊轅非所  
秋濤聯滄溟舟楫湊北固江汜日綿眇朝夕空  
寤中洞松栝新東臯阡陌故餘輝方焜耀可以  
邑聚南華在濠上誰辨魏王瓠登陟芙蓉樓爲  
我一賦

貽劉高士別

詩紀

盛唐卷之七

八

夙駕出東城城傍早霞散初日照龍峨峨在天  
半壯哉麗百常美矣崇兩觀俯視趨朝客簪珥何  
璀璨而我送將歸徘徊灞陵岸北雲去吳越南鴈  
離江漢伊昔蹈丘園翩翩理文翰高談閔仲叔逸  
氣劉公幹每言竹柏貞嘗輕朝市玩山畫猿狖靜  
谿曠魚鳥亂寧止卧崆峒直云期汗漫聖君旣理  
歷族士咸炳煥矯首來天地振羽泛漪瀾元淑命  
不達伯鸞吟可歎東去姑蘇臺乃過陟陽館含纒  
函關道浮舟滄海湄耳目曠曠涼懷抱盈悲惋沈

沈青歲晚靄靄秋雲換自言永遜棲無復從羈絆  
揮手謝知已知已莫能讚

送恂上人還吳

洛城本天邑洛水卽天池君王旣行幸法子復來  
儀虛室香花滿清川楊柳垂乘閑道歸去遠意誰  
能知

送周十一

秋風隕羣木衆草下嚴霜復問子何如自言之帝  
鄉豈無親所愛將欲濟時康握手別征駕返悲岐

詩紀

盛唐卷之七

九

路長

山中貽崔六琪華

恍惚登高嶺徘徊看落日遙想仲長園如親幼安  
室春渚菖蒲登山中撥穀鳴相思不道遠太息未  
知情意君來此地時復踈林薄中夜掃衡一作門  
迎晨閉菌閣屣履清池上家僮奉信歸憂隨落花  
散目送歸雲飛故交在天末新知復千里無人整  
往來獨作中林士

貽余處士

故園至新浦遙復未百里北望是他邦紛吾卽遊  
士潮來津門啓罷楫信流水客意乃成歡舟人亦  
相喜遲遲菱荇上泛泛菰蒲裏漸聞商旅喧猶見  
鳬鷺起市亭忽雲構方物如山峙吳王昔喪元隋  
帝又滅祀停艫一以眺太息興亡理秋苑故池田  
宮門新柳杞我行苦炎月乃及清昊始此地日逢  
迎終思隱君子莫言異卷舒形音在心耳

劉先生閑居

先生及弟後爲道士又從戎而後歸

高第後歸道乃居玉華宮逍遙人間世不異浮丘

詩紀

盛唐卷之七

十一

公甘寢何秉羽出門忽從戎方將遊崑崙又欲小  
崆峒進退旣在我歸來長安中焚香東海君侍坐  
西山童善行無轍迹吾亦安能窮但見神色閑中  
心如虛空期之比天老真德輔帝鴻

京口題崇上人山亭

卽京口京內山也

清旦歷香巖巖徑紆復直花林開宿霧遊目清霄  
極分明牕戶中遠近山川色金沙童子戲香飯諸  
天食呌呌海鴻聲軒軒江燕翼寄言清淨者閭閻  
徒自踣

朝邑蔡主簿期不會一首

下位日趨走久之賓會疎空遲偶詞賦所愧比園  
廬朝念池上酌暮逢林下書方將固封守暫欲混  
畋漁衰柳隱長路秋雲滿太虛遙遙望左右日入  
未迴車  
日入清風至知君在西偏車輿既成列賓僕復能  
賢迢遞下墟坂逍遙看井田蒼山起暮雨極浦浮  
長煙服義大如志交歡數盡年寧言十餘里不見  
空來還

詩紀

盛唐卷之七

十一

輦城南河作寄徐二景暉

初年雨候遲輦洛河流小搖搖芳草岸屢見春山  
曉清露洗雲林輕波戲魚鳥唯言故人遠不念鄉  
川眇舟楫去縈迴湍激行奔峭寄書千里路莫道  
南鴻少

貽閻處士防卜居終南

春風搖雜樹言別還江汜堅水生綠潭又客三千  
里兆夢唯顏色懸情乃文史滌耳貴清言披歡遲  
玉趾秦城疑舊廬佇立問焉如稚子跪而說還山

將隱居竹林既深遠松宇復清虛跡迴事多逸心  
安趣有餘石門動高韻草堂新著書時閻子有石門草堂詩序  
驚飛久超絕蹇足空躊躇猶有昔時意望君當照  
車驅車當六國何以須潛默聖主常徵賢羣公每  
舉德此時方獨徃身志將何欲願謝山中人迴車  
首歸躅

新豐作貽殷四校書

漢皇思舊邑秦地作新豐南出華陽路西分長樂  
宮安知天地久不與昔年同雞犬暮聲合城池秋  
詩紀  
盛唐卷之七  
十二  
霽空紛吾從此去望極咸陽中不見芸香閣徒思  
文雅雄

華陰作貽祖三詠

朝行敷水上暮出華山東高館宿初靜長亭秋轉  
空日餘久淪汨重此聞霜風析歷入谿樹颼颼驚  
夕鴻悽然望伊洛如見息陽宮舊識無高位新知  
盡固窮夫君獨輕舉遠近善文雄豈念千里駕崎  
嶇秦塞中

貽袁三拾遺謫作



傾蓋洛之濱依然心事親龍門何以峻曾是好詞  
人珥筆朝丹陛含章諷紫宸帝城多壯觀被服長  
如春天子儉爲德而能清約身公卿盡虛位天下  
自趣塵如君也望美令德聲何已高帝黜儒生文  
皇謫才子朝廷非不盛譴謫良難恃路出大江陰  
川行碧峯裏斯言徒自玷白玉豈爲滓希聲盡衆  
人深識唯知己知己怨生離悠悠天一涯寸心因  
夢斷孤憤爲年移花滿芙蓉闕春深朝夕池空令  
千萬里長望白雲垂

詩紀

盛唐卷之七

三

洛中貽朝校書衡

朝即日  
本人也

萬國朝天中東隅道最長朝一作生美無度高駕  
仕春坊出入蓬山裏逍遙伊水傍伯鸞遊太學中  
夜一相望落日懸高殿秋風入洞房屢言相去遠  
不覺生朝光

貽崔太祝

天都分禮閣肅肅臨清渠春山照前屏高槐蔭內  
除惟賢尚廩祿弟去兄來居文雅更驥首風流信  
有餘中年幸從事乃遇兩吹噓何以知君子交情

復淡如

貽王處士子文

春草生洞渚春風入上林春臯有黃鶴撫翮未傷  
音王屋嘗嘉遜伊川復陸沈張弦鷗雞弄閑室蓬  
蒿深避地歌三樂遊山賦九吟大君思左右無乃  
化黃金

獻華陰羅丞別

華山薄遊者玄髮當青春道德同仙吏尊卑卽丈  
人縣城俯京路獲見官舍裏淹留瓊樹枝謔浪春

詩紀

盛唐卷之七

十四

泉水昔余在天目總角奉遊從寒暑遞來往今復  
蓮花峯別情無遠近道別方愁予孰想古人言乃  
知悲風雨

獻王威儀

入與真王言又騎天馬來但有華清宮不用神明  
臺肅肅長自閑門靜無人開

閑居

薄遊何所愧所愧在閑居親故不來往中園時讀  
書步欄滴餘雪春塘抽新蒲梧桐漸覆井時鳥自

相呼悠然念故鄉乃在天一隅安得如浮雲來往  
方須臾

同王十三維哭殷遙

生理無不盡念君在中年遊道雖未深舉世莫能  
賢筮仕苦貧賤爲客少田園膏腴不可求乃在許  
西偏四鄰盡桑柘咫尺步開墻垣內艱未及虞形影  
隨化遷茅茨俯苦蓋雙殯兩楹間時聞孤女號迴  
出陌與阡慈烏亂飛鳴猛獸亦以跼故人王夫子  
靜念無生篇哀樂久已絕聞之將泫然太陽蔽空  
詩紀 盛唐卷之七 十五  
虛雨雪浮蒼山迢遞親靈櫬顧予悲絕絃處順與  
安時及此乃空言

一 陸著作挽歌五首

世業江湖側郊原休沐處猶言五日歸未道千秋  
去鄉亭春水綠昌閣寒光暮昔爲畫錦遊今成逝

川路

歸路秦城下寒雲慘平田故園滄海邊綠柳覆平  
川送客異他日還舟殊昔年華亭有明月長向隴  
頭懸

劍水千人石荆江萬里流英英有君子才德滿中  
州明道俟良佐惟賢初薄遊生涯一朝盡寂寞夜  
臺幽

金堂策令名仙掖居清位鳴玉朝雙闕垂纓遊兩  
地朝夕旣論思春秋仍書事何言魯聲伯忽下瓊  
珠淚

令德棄人世明朝降寵章起居存有位著作沒爲  
郎寒水落南浦月華虛北堂松門一長想彷彿見  
清揚

詩紀

盛唐卷之七

十六

七言古詩

新豐主人

新豐主人新酒熟舊客還歸舊堂宿滿酌香合北  
砌花盈樽色泛南軒竹雲散天高秋月明東家少  
女解秦箏醉來忘却巴陵道夢中疑是洛陽城

同張侍御宴北樓

今之太守古諸侯出入雙旌垂七旒朝覽干戈時  
聽訟暮延賓客復登樓西山漠漠崦嵫色北渚沈  
沈江漢流良宵清淨方高會繡服光輝連皂蓋魚

龍恍惚皆除下雲霧杳冥窓戶外水靈慷慨行泣  
珠遊女飄飄思解珮蒼蒼低月半遙城落落踈星  
滿太清不分一作開襟悲楚奏願言吹笛退胡兵  
軒后清丘埋狹獮周王白羽掃攬搶期君武節朝  
龍闕余亦翺翔歸玉京

薔薇篇

裊裊長數尋青青不作林一莖獨秀當庭心數枝  
分作滿庭陰春日遲遲欲將半庭影離離正堪玩  
枝上嬌鶯不畏人葉底飛蛾自相亂秦家女兒愛  
詩紀  
盛唐卷之七  
芳菲畫眉相伴一作采葳蕤高處紅鬢欲就手低  
邊綠刺已牽衣蒲萄架上朝光滿楊柳園中暝鳥  
飛連袂踏歌從此去風吹香氣逐人歸

登戲馬臺作

君不見宋公杖鉞誅燕後英雄踴躍爭趨走小會  
衣冠呂梁壑大徵甲卒礪礪口天開神武樹元勲  
九日茱萸饗六軍泛泛樓船遊極浦搖搖歌吹動  
浮雲居人滿目市朝變霸業猶存齊楚甸泗水南  
浮桐柏川沂山北走瑯琊縣滄海沈沈晨霧開彭

城烈烈秋風來少年自言未得意日暮蕭條登古  
臺

酬李壺關奉使行縣憶諸公

清風江上滄浪吟白月宮中鸚鵡林非有淨清心  
同道同房若斷金離居忽有雲山意清韻遙轉舟  
楫事去時能憶竹園遊來時莫忘桃源記闕誤

貽從軍行

取小非川來朝明光殿東平不足先夢出鳳林  
間夢還滄海闕萬里盡陰色豈爲我離別馬上吹

詩紀

盛唐卷之七

六

笛起寒風道傍舞劒飛春雪男兒懸弧非一日君  
去成高節闕誤

盛唐第七

盛唐第八

唐詩紀六十八

鄆郡吳中

東吳俞策同校

儲光羲

四

五言律詩

臨江亭五詠

并序

建業爲都舊矣晉王來此而禮物盡備雖云在德亦云在險京口其地也嗚呼有邦國者有興亡焉自晉及陳五世而滅以今懷古五篇爲詠

詩紀

盛唐卷之八

臨江亭得其勝槩寄以興言雖未及乎辯士亦

其志也

晉家南作帝京鎮北爲關江水中分地城樓下帶

山金陵事已往青蓋理無還落日空亭上愁看龍

尾灣

山橫小苑前路盡大江邊此地興王業無如宋主

賢潮生建業水風散廣陵煙直望清波裏祗言別

有天

城頭落暮暉城外搗秋衣江水青雲挹蘆花白雪

飛南州王氣疾東國海風微借問商歌客年年何處歸

古木嘯寒禽層城帶夕陰梁園多綠樹

一作楚岸

盡楓林山際空爲險江流長自深平生何以恨天

地本無心

京山千里過孤憤望中來江勢將天合城門向水

開落霞明楚岸夕露濕吳臺去去無相識陳皇安

在哉

奉和中書徐侍郎中書省翫白雲寄潁陽

詩紀

盛唐卷之八

趙大

青闕朝初退白雲遙在天非關取雷雨故欲伴神

仙泛灩鵠池曲飄飄瑣闥前猶多遠山意幸入侍

臣篇

和張太祝冬祭馬步

故壇何肅肅中野自無喧烈火見陳信颺言聞永

房星隱曙色朔氣動寒原今日歌天馬非關征

大宛

祭風伯壇應張太祝作



聖主御青春綸言命使臣將修風伯祀更福太平  
人帝幕宵聯事壇場曉降神帝心矜動物非爲屬  
車塵

貽王客呂郎中

卽皇太子贊諭

上士旣開天中朝爲得賢青雲方羽翼畫省比神  
仙委珮雲霄裏含香日月邊一作前君王倘借問客  
有上林篇

泊江潭貽馬校書

明月挂青天遙遙如目前故人遊畫閣却望似雲

詩紀

盛唐卷之八

三一

邊水宿依漁父歌聲和

一作好

采蓮采蓮江上曲今

夕爲君傳

霽後貽馬十二巽

高天風雨散清氣在園林况我夜初靜當軒鳴綠  
琴雲開北堂月庭滿南山陰不見長裾者空歌遊  
子吟

荅王十三維

門生故來往知欲命浮觴忽奉朝青閣回車入上  
陽落花滿春水疎柳映新塘是日歸來暮勞君奏

雅章

夜觀妓

白雪宜新舞清宵召楚妃嬌童携錦薦侍女整羅  
衣花映垂鬟轉香迎步履飛徐徐歛長袖雙燭送  
將歸

官莊池觀競渡

落日吹簫管清池發棹歌船爭先後渡岸激去來  
波水葉藏魚鳥林花間綺羅踟躕仙女去猶似望  
天河

詩紀

盛唐卷之八

四

題虬上人房

禪宮分兩地釋子一爲心入道無來去清言見古  
今江寒池水綠山暝竹園深別有中天月遙遙散  
夕陰

題山中流泉

山中有流水借問不知名映地爲天色飛空作雨  
聲轉來深澗滿分出小池平恬澹無人見年年長  
自清

題陸山人樓

暮聲雜初鴈夜色涵早秋獨見海中月照君池上樓山雲拂高棟天漢入雲流不惜朝光滿其如千里遊

題慎言法師故房

精廬不住子自有無生鄉過客知何道徘徊鴈子堂浮雲歸故嶺落月還西方日夕虛空裏時時聞異香

石甕寺

遙山起真一作宇西向盡花林下見宮殿小上看

詩紀

盛唐卷之八

五

廊廡深苑花落池水天語聞松音真子又知我焚香期化心

重寄虬上人

一作雲峯別三看花柳朝青山隔遠路明月空長霄鵲浴西江雨雞鳴東海潮此情勞夢寐况道雙林遙

漢陽卽事

楚國千里遠孰知方寸違春遊歡有客夕寢賦無衣江水帶冰綠桃花隨雨飛九歌有深意捐珮乃

言歸

寒夜江口泊舟

寒潮信未起出浦纜孤舟一夜苦風浪自然增旅愁吳山遲海月楚火照江流欲有知音者異鄉誰可求

苑外至龍興院作

朝遊天苑外忽見法筵開山勢當空出雲陰滿地來疎鐘清月殿幽梵靜花臺日暮香林下飄飄一作

仙步廻

詩紀

盛唐卷之八

六

尋徐山人遇馬舍人

泊舟伊川右正見野人歸日暮春山綠我心清且微巖聲風雨度水氣雲霞飛復有金門客來參蘿薜衣

渭橋北亭作

停車渭橋一作陽暮望望入秦京不見鷁鸞道如聞

歌吹聲鄉裏涉江水客路指蒲城獨有故樓月今來亭上明

隴頭水送別

相送隴山頭東西隴水流從來心膽盛今日爲君  
愁暗雪迷征路寒雲隱戍樓唯餘旌旆影相逐去  
悠悠

餞張七珩任宗城

卽環之季也同產  
八人俱以才名知

他日曾遊魏魏家餘趾存可憐宮殿所但見桑榆  
繁此去拜新職爲榮近故園高陽八才子况復在  
君門

留別安慶李太守

明牧念行子又言悲解携初筵方落日醉止到鳴

詩紀

盛唐卷之八

十一

雞過客來自北大軍居在西兵家如討逆敢以庶  
盤谿

洛陽東門送別

東城別故人臘月遲芳辰不惜孤舟去其如兩地  
春花明洛陽苑水綠小平津是日不相見鶯聲徒  
自新

送沈校書吳中搜書

郊外亭臯遠野中岐路分苑門臨渭水山翠雜春  
雲秦閣多遺典吳臺訪闕文君王思校理莫滯清

江濱

京口留別徐大補闕趙二零陵

皇州月初曉處處鼓鐘喧樹出蓬萊殿城開閭闔  
門近臣朝瑣闥詞客向文園獨有三川一作路空  
傷遊子魂

洛橋送別

河橋送客舟河水正安流遠見輕橈動遙憐故國  
遊海禽逢早鴈江月值新秋一聽南津曲分明散  
別愁

詩紀

盛唐卷之八

八

秦中送人覲省

二月清江外遙遙餞故人南山晴有雪東陌霽無  
塵騎別章臺晚舟行洛水春知君梁苑去日見白  
華新

洛中送人還江東

洛城春雨霽相送下江鄉樹綠天津道山明伊水  
陽孤舟從此去客思一何長直望清波裏唯餘落  
日光

送姚六崑客任會稽何大蹇任孟縣

越城臨渤海晉國在河汾仙綬兩鄉意青郊一路  
分野棠春未發田雀作暮成羣他日思吳會嘗  
因西北雲

洛潭送人觀省

清洛帶芝田東流入大川舟輕水復急別望杳如  
仙細草生春岸明霞散早天送君唯一曲當是白  
華篇

送人隨大夫和蕃

西方有六國國願來賓聖主今無外懷柔遣使  
詩紀

盛唐卷之八

九

臣大夫開幕府才子作行人解劍遙相送秦城二  
月春

仲夏餞魏四河北觀叔

落日臨御溝送君還北州樹涼征馬去路暝歸人  
愁吳嶽夏雲盡渭河秋水流東籬摘芳菊想見竹  
林遊

送人尋裴斐

柱史迴清憲謫居臨漢川遲君千里駕方外賞雲  
泉路斷因春水山深由暝煙湘江見遊女寄摘一

枝蓮

送王上人還襄陽

朝看法雲散知有至人還送客臨伊水行車出故  
關天花滿南國精舍在空山雖復詩來去中心長  
日閑

張谷田舍

縣官清且儉深谷有人家一徑入寒竹小橋穿野  
花碓喧春澗滿梯倚綠桑斜自說年來稔前村酒  
可賒

詩紀

盛唐卷之八

十一

藍上芳茨期王維補闕

見王維集

山中人不見雲去夕陽過淺瀨寒魚少蓼蘭秋蝶  
多老年疎世事幽性樂天和酒熟思才子谿頭望  
玉珂

七言律詩

田家即事

桑柘悠悠水醺堤晚風晴景不妨犁高機猶織卧  
蠶子下坂饑逢餉饁妻杏色滿林羊酪熟麥涼浮  
壠雉媒低生時樂死皆由命事在夏天迴不迷



五言排律

獻高使君大酺作

肅穆郊禋畢工歌賞事并三朝遵湛露一道洽仁  
明布德言皆應無爲物自成花添羅綺色鶯亂管  
絃聲獨有同高唱空陪樂太平

觀競渡

大夫沈楚水千祀國人哀習棹江流長迎神雨霧  
開標隨綠雲動船逆清波來下怖魚龍起上驚鳧  
鴈廻能令秋大有鼓吹遠相催

詩紀

盛唐卷之八

十一

大酺得長字韻

時任安宜尉

大道啓元命時人居太康中朝發玄澤下國被天  
光明詔始端午初筵當履霜鼓鼙迎一作爽氣羽  
簷映新陽太守卽玄圃淮夷成葆疆小臣慙下位  
拜手頌靈長

奉酬張五丈垂贈

綵服去江汜白雲生天梁星辰動異色羔鴈成新  
行日望天朝近時憂郢路長情言問邁軸惠念及  
滄浪松柏以之茂江湖亦自忘賈生方弔屈曾敢

比南昌

秦中守歲

衆星已窮次青帝方行春永感易成戚離居難重  
陳開門守初夜燎火到清晨或念無生法多傷未  
出塵廣庭日將宴虛室自爲賓願以桑榆末常逢  
甲子新

太學貽張筠

璧池忝門子俄頃變炎涼綠竹深虛館清流響洞  
房園林在建業新友去咸陽中夜鼓鐘靜初秋漏

詩紀

盛唐卷之八

十二

刻長浮雲開太室華蓋上明堂空此遠相望勞歌  
還自傷

同張侍御鼎和京兆蕭兵曹華歲晚南園

公府傳休沐私庭效陸沈方知從大隱非復在幽  
林闕下忠貞志人間孝友心旣將冠蓋雅仍與薜  
蘿深寒變中園柳春歸上苑禽池涵青草色山帶  
白雲陰潘岳閑居賦鍾期流水琴一經當自足何  
用遺黃金

榮陽馬氏二子

馬鄭人也

聖君封太嶽十月建行旃輦路開千里寒雲霽九  
天故人多侍從二子留伊川河兗水初合關城月  
屢圓暝過滎水上聞說鄭卿賢才蔽行人右名居  
東里先制巖開別業桑柘亦依然待至金園側相  
將居一廛

五言絕句

長安道二首

鳴鞭過酒肆袷服遊倡門百萬一時盡含情無片  
言

詩紀

盛唐卷之八

十三

西行一千里暝色生寒樹暗聞歌吹聲知是長安  
路

洛陽道五首獻呂四郎中

洛水春冰開洛城春樹綠朝看大道上落花亂馬  
足

劇孟不知名千金買寶劍出入平津邸自言嬌且  
艷

大道直如髮春日佳氣多五陵貴公子雙雙鳴玉  
珂

春風二月時道傍柳堪把上枝覆官閣下枝拂作  
覆車馬

洛水照千門千門碧空裏少年不得志走馬遊新  
市

江南曲四首

綠江深見底高浪直翻空慣是湖邊住舟輕不畏  
風

逐流牽荇葉綠岸摘蘆苗爲惜鴛鴦鳥輕輕動畫  
橈

詩紀

盛唐卷之八

十四

日暮長江裏相邀歸渡頭落花如有意來去逐船  
流

隔江看樹色沿月聽歌聲不是長干住那從此路  
行

關山月

一鴈過連營繁霜覆古城胡笳在何處半夜起邊  
聲

同武平一負外遊湖

竹吹留歌扇蓮香入舞衣前谿多曲渚乘興莫先  
歸

歸

玉真公主山居

山北天泉苑山西鳳女家不言沁園好獨隱武陵花

滄浪峽

滄浪臨古道道上若成塵自有滄浪峽誰爲無事人

奉真觀

真門迴向北馳道直向西爲與天光近雲色成虹

詩紀

盛唐卷之八

十五

霓

七言絕句

一 明妃曲四首

西行隴上泣胡天南向雲中指渭川毳幙夜來時  
宛轉何由得似漢王邊

胡王知妾不勝悲樂府皆傳漢國辭朝來馬上笙  
篴引稍似宮中閑夜時

日暮驚沙亂雪飛傍人相勸易羅衣強來前殿看  
歌舞其待單于夜獵歸

彩騎雙雙引寶車羌笛兩兩奏胡笳若爲別得橫  
橋路莫隱一作宮中玉樹花

同武平一負外遊湖五首

時武貶金壇令

紅荷碧篠夜相鮮孔蓋蘭橈浮翠筵舟中對舞邛  
郫曲月下雙彈盧女絃

青林碧嶼暗相期緩楫揮觥欲賦詩借問高歌凡  
幾轉河低月落五更時

朝來仙閣聽絃歌暝入花亭見綺羅池邊命酒憐  
風月浦口迴船惜芰荷

詩紀

盛唐卷之八

十六

朦朧竹影蔽巖扉淡蕩荷風飄舞衣丹舄尋綠水宵  
將半月隱青林人未歸

花潭竹嶼傍幽溪畫楫浮空入夜谿芰荷覆水船  
難進歌舞畱人月易低

題茅山華陽洞

華陽洞口片雲飛細細濛濛欲濕衣玉簫徧滿仙  
壇上應是茅家兄弟歸

寄孫山人

新林二月孤舟還水滿清江花滿山借問故園隱

君子時時來往在一作住人問

詩紀

盛唐卷之八

七

盛唐第八

盛唐第九

唐詩紀六十九

鄆郡吳中珣彙編

東吳俞策同校

王維

文苑傳云字摩詰太原人父從家于蒲遂為河東人開元九年擢進士第一與弟綬

齊名天寶中歷官給事中祿山陷兩都為賊所得服藥佯瘖賊平定罪以凝碧池詩聞于

行在特制之官至尚書右丞元長五言詩書畫特臻其妙兄弟俱好奉佛乾元二年卒代

宗索其樂章弟綬編綴四百餘篇上之○集異記云維年未弱冠文章得名性閑音律岐

王使為伶人贊琵琶引至公主第令獨奏新曲號鬱輪袍公主大奇之維出獻懷中詩公

至驚駭曰皆我素所誦習常謂古人佳作乃子為之乎因命更衣升之客右召試官至第

詩紀

盛唐卷之九

一

道官婢傳教作解頰登第○股肱云維詩詞秀調雅意新却懷在泉成珠看雲綸一句

一字皆出常境○蘇子瞻云味之詩詩中有畫觀摩詰之畫畫中有詩

四言古詩

酬諸公見過

嗟予未喪哀此孤生屏居藍田薄地躬耕歲宴輸

稅以奉桑盛晨往東臯草露未晞暮看煙火負擔

來歸我聞有客足掃荆扉簞食伊何驅瓜抓棗仰

厠羣賢皤然一老愧無莞簞班荆席菜汎汎登陂

折彼荷花靜觀素鮪俯映白沙山鳥羣飛日隱輕



霞登車上馬倏忽雨散雀噪荒村雞鳴空館還復幽獨重欷累歎

五言古詩

奉和聖製登降聖觀與宰臣等同望應制

鳳晨朝碧落龍圖耀金鏡維嶽降二臣戴天臨萬姓山川八校滿井邑三農竟比屋皆可封誰家不相慶林疎遠村出野曠寒山靜帝城雲裏深渭水天邊映佳一作喜氣含風景頌聲溢歌詠端拱能任賢彌彰聖君聖

詩紀

盛唐卷之九

二一

奉和聖製御春明樓臨右相園亭賦樂賢

詩應制

複道通長樂青門臨上路遙聞鳳吹喧閭識龍輿度褰旒明四目伏檻紆三顧小苑接侯家飛甍映宮樹商山原上碧澹水林端素銀漢下天章瓊筵承湛露將非富民寵信以平戎故從來簡帝心詎得迴天步

奉和聖製送不蒙都護兼鴻臚卿歸安西

應制

上卿增服命都護揚歸旆雜虜盡朝周諸胡皆自削鳴笳瀚海曲按節陽關外落日下河源寒山靜秋塞萬方氛祲息六合乾坤泰一作無戰是天心天心同覆載

扶南曲歌詞五首

翠羽流蘇帳春眠曙不開羞從面色起嬌逐語聲來早向昭陽殿君王中使催堂上青絃動堂前綺席陳齊歌盧女曲雙舞洛陽人傾國徒相看寧知心所親

詩紀

盛唐卷之九

三二

香氣傳空滿妝華影箔通歌聞天仗外舞出御樓

一作中日暮歸何處花間長樂宮

宮女還金屋將眠復畏明入春輕衣好半夜薄妝成拂曙朝前殿玉墀多珮聲

朝日照綺牕佳人坐臨鏡散黛恨猶輕杼釵嫌未正同心勿遽遊幸待春妝竟

隴西行

十里一走馬五里一揚鞭都護軍書至匈奴圍酒泉關山正飛雪烽戍斷無煙

從軍行

吹角動行人喧喧行人起笳悲馬嘶亂爭渡金河水日暮沙漠陲戰聲煙塵裏盡繫名王頸歸來獻一作天子

早春行

紫梅發初遍黃鳥歌猶澁誰家折楊女弄春如不及愛水看妝坐羞人映花立香畏風吹散衣愁露霑濕玉閨青門裏日落香車入游衍益相思含啼向綵帷憶君長入夢歸晚更生疑不及紅簷燕雙

詩紀

盛唐卷之九

四

栖綠草時

早朝

皎潔明星高蒼茫遠天曙槐霧暗不開城鴉鳴稍去始聞高閣聲莫辨更衣處銀燭已成行金門儼駟馭

獻始興公

時拜右拾遺

寧棲野樹林寧飲澗水流不用坐梁肉崎嶇見王侯鄙哉匹夫節布褐將白頭任智誠則短守仁固其優側聞大君子安問黨與讐所不賣公器動爲

蒼生謀賤子跪自陳可爲帳下不感激有公議曲私非所求

贈從弟司庫員外綽

少年識事淺強學干名利徒聞躍馬年苦無出人智卽事豈徒言累官非不試旣寡遂性歡恐招負時累清冬見遠山積雪凝蒼翠浩然出東林發我遺世意惠連素清賞夙語塵外事欲緩攜手期流年一何駛

座上走筆贈薛璩慕容損

詩紀

盛唐卷之九

五

希世無高節絕跡有卑棲君徒視人文吾固和天倪緬然萬物始及與羣牧齊分地依后稷用天信一作重黎春風何豫人令我思東谿草色有佳意花枝稍含萼更待風景好與君藉萋萋

贈李頎

聞君餌丹砂甚有好顏色不知從今去幾時生羽翼王母翳華芝望爾崑崙側文螭從赤豹萬里方一息悲哉世上人甘此羶腥食

贈劉藍田

一作盧象詩

籬間

一作中

犬迎吠出屋候荆一作柴扉歲晏輸井稅

山村人夜歸晚田始家食餘布成我衣詎肯無公

事煩君問是非

贈房盧氏瑄

達人無不可忘已愛蒼生豈復少十室絃歌在兩  
楹浮人日已歸但坐事農耕桑榆鬱相望邑里多  
雞鳴秋山一何淨蒼翠臨寒城視事兼偃卧對書  
不簪纓蕭條人吏疎鳥雀下空庭鄙夫心所尚晚  
節異平生將從海岳居守靜解天刑或可累安邑

詩紀

盛唐卷之九

六

茅茨君試營

贈祖三詠

濟州宮舍作

蟪蛄挂虛牖蟋蟀鳴前除歲晏涼風至君子復何  
如高館聞無人離居不可道開門寂已閉落日照  
秋草雖有近音信千里阻河關中復客汝潁去年  
歸舊山結交二十載不得一日展貧病子既深契  
闊余不淺仲秋雖未歸暮秋以爲期良會詎幾日  
終日長相思

春夜竹亭贈錢少府歸藍田

夜靜羣動息時聞隔林犬却憶山中時人家澗西  
遠美君明發去米蕨輕軒冕

戲贈張五弟諱三首

時在常樂東園走筆成

吾弟東山時心尚一何遠日高猶自卧鐘動始能  
飯領上髮未梳牀頭書不卷清川興悠悠空林對  
偃蹇青苔石上淨細草松下軟牕外鳥聲閑階前  
虎心善徒然萬象多澹爾太虛緬一知與物平自  
顧爲人淺對君忽自得浮念不煩遣

詩紀

盛唐卷之九

七

張第五車書讀書仍隱居染翰過草聖賦詩輕子

虛閉門二室下隱居十年餘宛是野人野一作時

從漁父漁秋風自蕭索五柳高且疎望此去人世

渡水向吾廬歲晏同攜手只應君與予

設罝守兔免垂釣同遊鱗此是安口腹非關慕隱

淪吾生好清淨蔬食去情塵今子方豪蕩思爲鼎

食人我家南山下動息自遺身入鳥不相亂見獸

皆相親雲霞成伴侶虛白侍衣巾何事須夫子邀

予谷口真

胡居士卧病遺米因贈

了觀四大因根性何所有妄計苟不生是身孰休  
咎色聲何謂客陰界復誰守徒言蓮花目豈惡楊  
枝肘既飽香積飯不醉聲聞酒有無斷常見生滅  
幻夢受卽病卽實相趨空定狂走無有一法真無  
有一法垢居士素通達隨宜善抖擻牀上無羶卧  
鍋中有粥否齋時不乞食定應空漱口聊持數斗  
米且救浮生取

贈裴十迪

風景日夕佳與君賦新詩澹然望遠空如意方支

詩紀

盛唐卷之九

八

願春風動百草蘭蕙生我籬曖曖日煖閨田家來  
致詞欣欣春還臯淡淡水生陂桃李雖未開萸萸  
滿芳一作其枝請君理還策敢告將農時

贈裴迪

不相見不相見來久日日泉水頭常憶同攜手攜  
手本同心復歎忽分襟相憶今如此相思深不深

與胡居士皆病寄此詩兼示學人二首

一興微塵念橫有朝露身如是觀陰界何方置我  
人礙有固爲主趣空寧捨賓洗心詎懸解悟道正

迷津因愛果生病從貪始覺貧色聲非彼妄浮幻  
卽吾真四達竟何遣萬殊安可塵胡生但高枕寂  
寞與誰鄰戰勝不謀食理齊甘負薪子若未始異  
詎論疎與親

浮空徒漫漫況有定悠悠無乘及乘者所謂智人  
舟詎捨貧病域不疲生死流無煩君喻馬任以我  
爲牛植福祠迦葉求仁笑孔丘何津不鼓棹何路  
不摧輶念此聞思者胡爲多阻修空虛花聚散煩  
惱樹稀稠滅相成無記生心坐有求降吳復歸蜀

詩紀

盛唐卷之九

九

不到莫相尤

奉寄韋太守陟

荒城自蕭索萬里山河空天高秋日迴嘹唳聞歸  
鴻寒塘映衰草高館落疎桐臨此歲方宴顧景詠  
悲翁故人不可見寂寞平陵東

林園卽事寄舍弟統

寓目一蕭散銷憂冀俄頃青草肅澄陂白雲移翠  
嶺後汚通河渭前山包鄢郢松含風裏聲花對池  
中影地多齊后蹟人帶荊州癭徒思赤筆書詎有



丹砂并心悲常欲絕髮亂不能整青簪日何長閑  
門晝方靜顏思茅簷下彌傷好風景

至滑州隔河望黎陽憶丁三寓

隔河見桑柘藹藹黎陽川望望行漸遠孤峯沒雲  
煙故人不可見河水復悠然賴有政聲遠時聞行  
路傳

秋夜獨坐懷內弟崔興宗

夜靜羣動息蟪蛄聲悠悠庭槐北風響日夕方高  
秋思子整羽翰及時當雲浮吾生將白首歲晏思

詩紀

盛唐卷之九

十一

滄洲高足在旦暮肯爲南畝儔

和使君五郎西樓望遠思歸

高樓望所思目極情未畢枕上見千里牕中窺萬  
室悠悠長路人曖曖遠郊日惆悵極浦外迢遞孤  
煙出能賦屬上才思歸同下秩故鄉不可見雲水  
空如一

酬黎居士浙江作

墨壁上人  
院走筆成

儂家真箇去公定隨儂否着處是蓮花無心變楊  
柳松龕藏藥裹石脣安茶臼氣味當共知那能不

攜手

送魏郡李太守赴任

與君伯氏別又欲與君離君行無幾日當復隔山  
陂蒼茫秦川盡日落桃林塞獨樹臨關門黃河向  
天外前經洛陽陌宛洛故人稀故人離別盡淇上  
轉驂駢企予悲送遠惆悵睢陽路古木官渡平秋  
城鄴官故想君行縣日其出從如雲遙思魏公子  
復憶李將軍

送陸員外

詩紀

盛唐卷之九

十二

郎署有伊人居然古人風天子顧河北詔書除征  
東拜手辭上官緩步出南宮九河平原外七國薊  
門中陰風悲枯桑古塞多飛蓬萬里不見虜蕭條  
胡地空無爲費中國更欲邀奇功遲遲前相送握  
手嗟異同行當封侯歸肯訪商山翁

送宇文太守赴宣城

寥落雲外山迢遙舟中賞鏡吹發西江秋空多清  
響地迴古城蕪月明寒潮廣時賽敬亭神復解罟  
師網何處寄相思南風吹一作搖五兩

送綦毋秘書棄官還江東

明時久不達棄置與君同天命無怨色人生有素  
風念君拂衣去四海將安窮秋天萬里淨日暮澄  
江空清夜何悠悠扣舷明月中和光魚鳥際澹爾  
兼葭叢無庸客昭世衰鬢日如蓬頑踈暗人事僻  
陋遠天聰微物縱可采其誰爲至公余亦從此去  
歸耕爲老農

奉送六舅歸陸渾

伯舅吏淮泗卓魯方喟然悠哉自不競退耕東臯

詩紀

盛唐卷之九

十一

田條桑臘月下種杏春風前酌醴賦歸去共知陶  
令賢

送別

下馬飲君酒問君何所之君言不得意歸卧南山  
陲但去莫復問白雲無盡時

送張五歸山

送君盡惆悵復送何人歸幾日同攜手一朝先拂  
衣東山有茅屋幸爲掃荆扉當亦謝官去豈令心  
事違

齊州送祖三

一題作河上  
送趙仙舟

相逢方一笑相送還成泣祖帳已傷離荒城復愁  
入天寒遠山淨日暮長河急解纜君已遙望君猶  
佇立

送綰雲苗太守

手疏謝明主腰章爲長吏方從會稽郊更發汝南  
騎按節下松陽清江響鏡吹露冕見三吳方知百  
城貴

送從弟蕃遊淮南

詩紀

盛唐卷之九

十三

讀書復騎射帶劍遊淮陰淮陰少年輩千里遠相  
尋高義難自隱明時寧陸沈島夷九州外泉館三  
山深席帆聊問罪卉服盡成擒歸來見天子拜爵  
賜黃金忽思鱸魚膾復有滄洲心天寒兼葭渚日  
落雲夢林江城下楓葉淮上聞秋砧送歸青門外  
車馬去駸駸惆悵新豐樹空餘天際禽

送高道弟耽歸臨淮作

少年客淮泗落魄居下邳遨遊向燕趙結客過臨  
淄山東諸侯國迎送紛交馳自爾厭游俠閉戶方

垂帷深明戴家禮頗學毛公詩備知經濟道高卧  
陶唐時聖王詔天下賢人不得遺公吏奉纁組安  
車去茅茨君王蒼龍闕九門十二達羣公朝謁罷  
冠劍下丹墀野鶴終踉蹌威鳳徒參差或問理人  
術但致還山詞天書降北闕賜帛歸東菑都門謝  
親故行路日逶遲一作孤帆萬里外祿漫將何之  
江天海陵郡雲日淮南祠杳冥滄洲上蕩漭無人  
知緯蕭或賣藥出處安能期

送蔡母潛落第還鄉

集作送別

詩紀

盛唐卷之九

十四

聖代無隱者英靈盡來歸遂令東山客不得顧采  
薇既至君一作金門遠執云吾道非江淮度寒食京  
洛縫春衣置酒臨長道同心與我違行當浮桂棹  
未幾拂荆扉遠樹帶行客孤城一作村當落暉吾謀  
適不用勿謂知音稀

送張舍人佐江州同薛據十韻

束帶趨承明守官唯謁者清晨聽銀蚪薄暮辭金  
馬受辭未嘗易當是方知寡清範何風流高文有  
風雅忽佐江上州當自潯陽下逆旅到三湘長途

應百舍香爐遠峯出石鏡澄湖瀉董奉杏成林陶  
潛菊盈把范蠡常好之廬山我心也送君思遠道  
欲以數行灑

送韋大夫東京留守

人外遺世慮空端結遐心曾是巢許淺始知堯舜  
深蒼生詎有物黃屋如喬林上德撫神運冲和穆  
宸襟雲雷康屯難江海遂飛沈天工寄人英龍袞  
瞻君臨名器苟不假保釐固其任素質貫方領清  
景照華簪慷慨念王室從容獻官箴雲旗蔽三川  
詩紀

盛唐卷之九

十五

畫角發龍吟晨揚天漢聲夕卷大河陰窮久業已  
寧逆虜遺之擒然後解金組拂衣東山岑給事黃  
門省秋光正沈沈功名與身退老病隨年侵君子  
從相訪重玄其可尋

資聖寺送甘二

浮生信如寄薄宦夫何有來往本無歸別離方此  
一作受柳色藹春餘槐陰清夏首不學御溝上銜  
悲執杯酒

留別山中溫古上人兄并示舍弟緒

解薛登天朝去師偶時哲豈涯山人兼負松上月宿昔同遊止致身雲霞末開軒臨潁陽卧視飛鳥没好依盤石飯屢對瀑泉渴理齊小狎隱遁勝寧外物舍弟官崇高宗兄此削髮荆扉但灑掃乘閑當過歇

觀別者

青青楊柳陌陌上別離人愛子遊燕趙高堂有老親不行無可養行去百憂新切切委兄弟依依向四鄰都門悵飲畢從此謝親賓揮涕逐前侶含悽詩紀

盛唐卷之九

十六

動征輪車徒望不見時見起行塵吾亦辭家久一作者看之淚滿巾

別弟縉後登青龍寺望藍田山

陌上新別離蒼茫四郊晦登高不見君故人復雲外遠樹蔽行人長天隱秋塞心悲宦遊子何處飛征蓋

別綦毋潛

端笏明光宮歷稔朝雲陛詔刊延閣書高議平津邸適意偶輕人虛心削繁禮盛得江左風彌工建

安體高張多絕絃截河有清濟嚴冬爽羣木伊洛方清泚渭水水下流潼關雪中啓荷蓀幾時還塵纓待君洗

詩紀

盛唐卷之九

十七

盛唐第九



盛唐第十

唐詩紀七十

鄆郡吳中瑒彙

東吳俞策同校

王維二

五言古詩二

晦日遊大理韋卿城南別業四聲次用各

六韻

與世澹無事自然江海人側聞塵外遊解駮軋朱

輪平一作極野照暄景上天垂春雲張組竟北阜汎

詩紀

盛唐卷之十

二

舟過東鄰故鄉信高會牢醴及佳辰幸同擊壤樂

心荷堯爲君

郊居杜陵下永日同攜手仁一作入里竊川陽平原

見峯首園廬鳴春鳩林薄媚新柳上卿始登席故

老前爲壽臨當遊南陂約畧執杯酒歸歎紉微官

惆悵心自咎

冬中餘雪在墟上春流駛風日暢懷抱山川多秀

氣彫胡先晨炊庖膾亦雲一作後至高情浪海嶽浮

生寄天地君子外簪纓埃塵良不啻所樂衡門中

陶然忘其貴

高館臨澄波曠然蕩一作望心目淡蕩動雲天玲瓏

映墟曲鵲巢結空林雉雊響幽谷應接無閑暇徘徊

徊以躑躅紆組上春堤側弁倚喬木弦望忽已晦

後期洲應綠

冬日遊覽

步出城東門試騁千里目青山橫蒼林赤日圓平

陸渭北走邯鄲關東出國谷秦地萬方會來朝九

州牧雞鳴咸陽中冠蓋相追逐丞相過列侯羣公

詩紀

盛唐卷之十

二

餞光祿相如方一作今老病獨歸茂陵宿

華嶽

西嶽出浮雲積翠在太清連天凝黛色百里遙青

冥白日爲之寒森沈華陰城昔聞乾坤閉造一作變

化生巨靈右足踏方止一作山左手推削成天地忽

開拆大河注東溟遂爲西峙嶽雄雄鎮秦京大君

包履載至德被羣生上帝佇昭告金天思奉迎人

一作神祗望幸久何獨禪云亭

同盧拾遺過章給事東山別業二十韻給

事首春休沐維已陪遊及乎是行亦預聞  
命會無車馬不果斯諾

託身侍雲陛昧旦趨華軒遂陪鵷鴻侶霄漢同飛  
翻君子垂惠顧期我於田園側聞景龍際親降南  
面尊萬乘駐山外順風祈一言高陽多夔龍荆山  
積璵璠盛德啓前烈大賢鍾後昆侍郎文昌宮給  
事東掖垣謁帝俱來下冠蓋盈丘樊閨風首邦族  
庭訓延鄉村采地包山河樹井竟川原巖端廻綺  
檻谷口開朱門階下羣峯首雲中瀑水源鳴玉滿  
詩紀 盛唐卷之十 三一

藍田山石門精舍

落日山水好漾舟信歸風探一作玩奇不覺遠因以  
緣一作尋源窮遙愛雲木秀初疑路不同安知清流  
轉偶與前山通捨舟理輕策果然愜所適老僧四  
五人逍遙蔭松柏朝梵林未曙夜禪山更寂道心

及牧童世事問樵客暝宿長林下焚香臥瑤席澗  
芳襲人衣山月映石壁再尋良迷誤明發更登歷  
笑謝桃源人花紅復來覲

青谿

一作題作過  
青谿水作

言入黃花川每逐青谿水隨山將萬轉趣途無百  
里聲喧亂石中色靜深松裏漾漾汎菱荇澄澄映  
葭葦我心素已閑清川澹如此請留盤石上垂釣  
將已矣

崔濮陽兄季重前山興

山西去亦  
對維門

詩紀

盛唐卷之十

四一

秋色有佳興況君池上閑悠悠西林下自識門前  
山千里橫黛色數峯出雲間嵯峨對秦國合沓藏  
荆關殘雨斜日照夕嵐飛鳥還故人今尚爾歎息  
此顏顏

李

一作石

處士山居

君子盈天階小人甘自免方隨鍊金客林上家絕  
巘背嶺花未開入雲樹深淺青晝猶自眠山鳥時  
一轉

丁寓田家有贈

君心尚棲隱久欲傍歸路在朝每爲言解印果成  
趣晨雞鳴鄰里羣動從所務農夫行餉田閨妾起  
縫素開軒御衣服散帙埋章句時吟招隱詩或製  
閑居賦新晴望郊郭日映桑榆暮陰盡小苑城微  
明渭川樹揆予宅間井幽賞何由屢道存終不忘  
迹異難相遇此時惜離別再來芳菲度

### 渭川田家

斜光

一作陽

照墟落窮巷牛羊歸野老念牧童倚杖

候荆扉雉鳴麥苗秀蠶眠桑葉稀田夫荷鋤至相

詩紀

盛唐卷之十

五一

見語依依卽此羨閑逸悵然吟

一作歌

式微

### 春中田園作

屋上春鳩鳴村邊杏花白持斧伐遠楊荷鋤覘泉  
脉歸燕識故巢舊人看新曆臨觴忽不御惆悵遠  
行客

### 過李楫宅

閑門秋草色終日無車馬客來深巷中犬吠寒林  
下散髮時未簪道書行尚把與我同心人樂道安  
貧者一罷宜城酌還歸洛陽社

### 飯覆金山僧

晚知清淨理日與人羣疎將候遠山僧先期掃弊  
廬果從雲峯裏顧我蓬蒿居藉草飯松屑焚香看  
道書然燈晝欲盡鳴磬夜方初一悟寂爲樂此生  
閑有餘思歸何必深身世猶空虛

### 謁璿上人

并序

上人外人內天不定不亂捨法而淵泊無心而  
雲動色空無碍不物物也默語無際不言言也  
故吾徒得神交焉玄關大啓德海羣泳時雨旣

詩紀

盛唐卷之十

六

降春物具美序於詩者人百其言

少年不足言識道年已長事往安可悔餘生幸能  
養誓從斷臂血不復嬰世網浮名寄纓佩空性無  
羈鞅夙承一作從大導師焚香此瞻仰頽然居一室  
覆載紛萬象高柳早鶯啼長廊春雨響牀下阮家  
屐牕前筇竹杖方將見身雲陋彼示天壤一心在  
法要願以無生獎

### 瓜園詩

并序

維瓜園高齋俯視南山形勝二三時輩同賦是

詩兼命詞英數公同用園字爲韻韻任多少時

太子司議郎薛瑋發此題遂同諸公云

余適欲鋤瓜倚鋤聽叩門鳴騶導驄馬常從夾朱  
軒窮巷正傳呼故人儻相存攜手追涼風放心望  
乾坤鵲鵲帝王州官觀一何繁林端出綺道殿頂  
搖一作播華幡素懷在青山若值白雲屯迴風城西  
雨返景原上村酌盈樽酒往往聞清言黃鵬轉  
深木朱槿照中園猶羨松下客石上聞清猿

自大散以往深林密竹磴道盤曲四五十

詩紀

盛唐卷之十

七

里至黃牛嶺見黃花川

危徑幾萬轉數里將三休迴環見徒侶隱映隔林  
丘岷岷松上雨潺潺石中流靜言深谿裏長嘯高  
山頭望見南山陽白露霑悠悠青巖已淨綠樹  
鬱如浮曾是厭蒙密曠然銷人憂

新晴野望

新晴原野曠極目無氛垢郭門臨渡頭村樹連谿  
口白水明田外碧峯出山後農月無閑人傾家事  
南畝

宿鄭州

朝與周人辭暮投鄭人宿他鄉絕僑侶孤客親  
僕死洛望不見秋霖晦平陸田父草際歸村童雨  
中牧主人東臯上時稼遶茅屋蟲思機杼悲雀喧  
禾黍熟明當渡京水昨晚猶金谷此去欲何言窮  
邊狗微祿

渡河到清河作

汎舟大河裏積水窮天涯天波忽開拆郡邑千萬  
家行復見城市宛然有桑麻迴瞻舊鄉國森漫連

詩紀

盛唐卷之十

八

雲霞

苦熱

赤日滿天地火雲成山嶽草木盡焦卷川澤皆竭  
涸輕絃覺衣重密樹苦陰薄莞簞不可近絺綌再  
三濯思出宇宙外曠然在寥廓長風萬里來江海  
蕩煩濁却顧身爲患始知心未覺忽入甘露門宛  
然清涼樂

納涼

喬木萬餘株清流貫其中前臨大川口豁達來長



風連漪涵白沙素鮪如遊空偃臥盤石上翻濤沃  
微躬漱流復濯足前對釣魚翁貪餌凡幾許徒思  
蓮葉東

西施詠

豔色天下重西施寧久微朝仍一作越谿女暮作

吳宮妃賤日豈殊衆貴來方悟稀邀人傳香一作脂

粉不自着羅衣君寵益嬌態君憐無是非當時浣

紗伴莫得同車歸持謝紀事作鄰家子效顰安可

希

詩紀

盛唐卷之十

九

李陵詠時年十九

漢家李將軍三代將門子結髮有奇策少年成壯

士長驅塞上兒深入單于壘旌旗列相向簫鼓悲

何已日暮沙漠陲戰聲煙塵裏將令驕虜滅豈獨

名王侍既失大軍援遂嬰窮廬耻少小蒙漢恩何

堪坐思此深衷欲有報投軀未能死引領望子卿

非君誰相理

濟上四賢詠

崔錄事

解印歸田里賢哉此大夫少年曾任俠晚節更爲  
儒遜跡一作世東山下因家滄海隅已聞能狎鳥余  
欲共乘桴

成文學

寶劍千金裝君白玉堂身爲平原客家有邯鄲

娼使氣公卿座論心游俠場中年不得意謝病客

遊梁

鄭霍二山人

翩翩繁華子多出金張門幸有先人業早蒙明主

詩紀

盛唐卷之十

十一

恩童年且未學肉食驚華軒豈乏中林士無人薦

至尊鄭公老泉石霍子安丘樊賣藥不二價著書

盈萬言息陰無惡木飲水必清源吾賤不及議斯

人竟誰論

燕子龕禪師

山中燕子龕路劇羊腸惡裂地競盤屈插天多峭

嶠瀑泉吼而噴怪石看欲落伯禹訪未知五丁愁

不鑿上人無生緣生長居紫閣六時自遶磬一飲

常帶索種田燒白雲斫漆響丹壑行隨拾栗猿歸

對巢松鶴時許山神請偶逢洞仙博救世多慈悲  
卽心無行作周商倦積阻蜀物多淹泊巖腹乍旁  
穿澗屑時外拓橋因倒樹架柵值垂藤縛鳥道悉  
已平龍宮爲之涸跳波誰揭厲絕壁免捫摸山木  
日陰陰結跣歸舊林一向石門裏任君春草深

羽林騎閨人

秋月臨高城城中管絃思離人堂上愁稚子堦前  
戲出門復映戶望望青絲騎行人過欲盡狂夫終  
不至左右寂無言相看共垂淚

詩紀

盛唐卷之十

十一

偶然作六首

楚國有狂夫茫然無心想散髮不冠帶行歌南陌  
上孔丘與之言仁義莫能獎未嘗肯問天何事須  
擊壤復笑采薇人胡爲乃長往

田舍有老翁垂白衡門裏有時農事閑斗酒呼鄰  
里喧聒茅簷下或坐或復起短褐不爲薄園葵固  
足美動則長子孫不會向城市五帝與三王古來  
稱君子干戈將揖讓畢竟何者是得意苟爲樂野  
田安足鄙且當放忘懷去行行沒餘齒

日夕見太行沈吟未能去問君何以然世網嬰我  
故小妹日成長兄弟未有娶家貧祿既薄儲蓄非  
有素幾迴欲奮飛踟躕復相顧孫登長嘯臺松竹  
有遺處相去詎幾許故人在中路愛染日已薄禪  
寂日已固忽乎吾將行寧俟歲云暮

陶潛任天真其性頗耽酒自從棄官來家貧不能  
有九月九日時菊花空滿手中心竊自思儻有人  
送否白衣攜壺觴果來遺老叟且喜得斟酌安問  
升與斗奮衣野田中今日嗟無負元傲迷東西衰

詩紀

盛唐卷之十

十二

笠不能守傾倒强行行酣歌歸五柳生事不曾問  
肯媿家中婦

趙女彈箏篴復能邯鄲舞夫婿輕薄兒聞雞事齊  
主黃金買歌笑用錢不復數許史相經過高門盈  
四牡客舍有儒生昂藏出鄒魯讀書二十年腰下  
間一作無尺組被服聖人教一生自窮苦

老來懶賦詩惟有老相隨宿世謬詞客前身應畫  
師不能捨餘習偶被時一作人知名字本皆是此  
心還不知

寓言二首

朱紱誰家子無乃金張孫驪駒從白馬出入銅龍  
門問爾何功德多承明主恩鬪雞平樂館射雉上  
林園曲陌車騎盛高堂珠翠繁奈何軒冕貴不與  
布衣言

君家御溝上垂柳夾朱門列鼎會中貴鳴珂朝至  
尊生死在八議窮達由一言須識苦寒士莫矜狐  
白溫

冬夜書懷

詩紀

盛唐卷之十

十三

冬宵寒且永夜漏宮中發草白霜繁霜木衰澄清  
月麗服映顏顏朱燈照華髮漢家方尚少顧影慙  
朝謁

哭殷遥

人生能幾何畢竟歸無形念君等爲死萬事傷人  
情慈母未及葬一女纔十齡決濟寒郊外蕭條聞  
哭聲浮雲爲蒼茫飛鳥不能鳴行人何寂寞白日  
自淒清憶昔君在時問我學無生勸君苦不早令  
君無所成故人各有贈又不及生平負爾非一途

慟哭返柴荆

故南陽夫人樊氏挽歌

石窀恩榮重金吾車騎盛將朝每贈言入室還相  
敬疊鼓秋城動懸旌寒日映不言長不歸環珮猶  
將聽

詩紀

盛唐卷之十

十四

盛唐第十

盛唐第十一

唐詩紀七十一

鄆郡吳中珍彙編

東吳俞策同校

王維三

七言古詩

夷門歌

七雄雄雌猶未分攻城殺將何紛紛秦兵益圍邯鄲急魏王不救平原君公子爲嬴停駟馬執轡愈恭意愈下亥爲屠肆鼓刀人嬴乃夷門抱關者非

詩紀

盛唐卷之十一

但慷慨獻奇

良一作

謀意氣兼將身命酬向風刎頸

送公子七十老翁何所求

隴頭吟

長城少年游俠客夜上戍樓看太白隴頭明月迴臨關隴上行人夜吹笛關西老將不勝愁駐馬聽之雙淚流身經大小百餘戰麾下偏裨萬戶侯蘇武纔爲典屬國節旄空落一作盡海西頭

老將行

少年十五二十時步行奪取胡馬騎射殺山中一作

陰山白額虎肯數鄴下黃鬚兒一身轉戰三千里一

劍曾當百萬師漢兵奮迅如霹靂虜騎崩騰畏疾

蒸衛青不敗由天幸李廣無功緣數奇自從棄置

便衰朽世事蹉跎成白首昔時飛箭當作無全目

今日垂楊生左肘路傍時賣故侯瓜門前學種先

生柳蒼茫一作茫茫古木連一作迷窮巷遼一作寥落寒山

對虛牖誓令疏勒出飛泉不似潁川空使酒賀蘭

山下陣如雲羽檄交馳日夕聞節使三河募年少

詔書五道出將軍試拂鐵衣如雪色聊持寶劍動

詩紀

盛唐卷之十一

二

星文願得燕弓射天將耻令越甲鳴五君一作軍誤莫

嫌舊日雲中守猶堪一戰立一作樹功勳

燕支山

漢家天將才且雄時來謁帝明光宮萬乘親推雙

闕下千官出餞五陵東誓將甲第金門裏身作長

城玉塞中衛霍纔堪一騎將朝廷不數貳師功趙

魏燕韓多勁卒關西俠少何咆勃報讎只是聞嘗

膽飲酒不曾妨刮骨畫戟雕戈白日寒連旗大旆

黃塵沒疊鼓遙翻瀚一作遼海波鳴笳亂動天山月



麒麟錦帶佩吳鈎，颯沓青驪躍紫騮。拔劍已斷大  
驕臂，歸鞍共飲月支頭。漢兵大呼一當百，虜騎相  
看哭。且愁教戰，雖令赴湯火，終知上將先伐謀。

### 桃源行

漁舟逐水愛山春，兩岸桃花夾去津。坐看紅樹不  
知遠，行盡青谿不見人。山口潛行始隈隩，山開曠  
望旋平陸。遙看一處攢雲樹，近入千家散花竹。樵  
客初傳漢姓名，居人未改秦衣服。居人共住武陵  
源，還從物外起田園。月明松下房櫳靜，日出雲中

### 詩紀

盛唐卷之十一

三

雞犬喧驚聞俗客，爭來集競引還家。問都邑平明  
閭巷掃花開，薄暮漁樵乘水入。初因避地去人間，  
及至成仙遂不還。峽裏誰知有人事，世中遙望空  
雲山。不疑靈境難聞見，塵心未盡思鄉縣。出洞無  
論隔山水，辭家終擬長游衍。自謂經過舊不迷，安  
知峯壑今來變。當時只記入山深，青谿幾曲到雲  
林。春來遍是桃花木，不辨仙源何處尋。

### 洛陽女兒行

洛陽女兒對門居，纔可容顏十五餘。良人玉勒乘

驄馬，侍女金盤脍鯉魚。畫閣朱樓盡相望，紅桃綠  
柳垂簷向。羅幃送上七香車，寶扇迎歸九華帳。狂  
夫富貴在青春，意氣驕奢劇李倫。自憐碧玉親教  
舞，不惜珊瑚持與人。春牕曙滅九微火，九微片片  
飛花璫。戲罷曾無理曲時，妝成祇是薰香坐。城中  
相識盡繁華，日夜經過趙李家。誰憐越女顏如玉，  
貧賤江頭自浣紗。

### 同崔傅答賢弟

洛陽才子姑蘇客，桂花苑殊非故鄉。陌九江楓樹幾

### 詩紀

盛唐卷之十一

四

回青一片揚州五湖白，揚州時有下江兵。蘭陵鎮  
前吹笛聲，夜火人歸富春郭。秋風鶴唳石頭城，周  
郎陸弟爲儔侶。對舞前谿歌白紵，曲几書留小史  
家。草堂基賭山陰墅，衣冠若話外臺臣。先數夫君  
席上珍，更聞臺閣求三語。遙想風流第一人。

### 贈吳官

長安客舍熱如煮，無箇茗糜難御暑。空搖白團其  
諦苦，欲向縹囊還歸旅。江鄉鯖鮓不寄來，秦人湯  
餅那堪許。不如儂家任挑達，草屨撈蝦富春渚。

故人張謐工詩善易卜兼能丹青草隸  
以詩見贈聊獲酬之

不逐城東遊俠兒隱囊紗帽坐彈碁蜀中夫子時

開卦洛下書一作諸生解詠詩藥欄花逕衡門裏時

復據梧聊隱几屏風誤點惑孫郎團扇草書輕內

史故園高枕度三春永日垂帷絕四鄰自想一作惜

蔡邕今已老更將書籍與何人

### 送崔五太守

長安廐吏來到門朱文露網動行軒黃花縣西九

詩紀盛唐卷之十一五

折坂玉樹宮南五丈原褒斜谷中不容幘唯有白

雲當露冕子午山裏杜鵑啼嘉陵水頭行客飯劒

門忽斷蜀川開萬井雙流滿眼來霧中遠樹刀州

出天際澄江巴字廻使君年紀一作幾三十餘少年

白哲專城居欲持畫省郎官筆廻與臨邛父老書

### 寒食城東卽事

清谿一道穿桃李演漾綠蒲涵白芷谿上人家凡

幾家落花半落東流水蹴踘屢過飛鳥上鞦韆競

出垂楊裏少年分日作遨遊不用清明兼上巳

### 不遇詠

北闕獻書寢不報南山種田時不登百人會中身

不預五侯門前心不能身投河朔飲君酒家在茂

陵平安否且此登山復臨水莫問春風動楊柳今

人作人多自私我心不說君應知濟人然後拂衣

去肯作徒爾一男兒

### 長短句

### 青雀歌

青雀翅羽短未能遠食玉山禾猶勝黃雀爭上下

詩紀盛唐卷之十一六

唧唧空倉復若何

### 黃雀癡

黃雀癡黃雀癡謂言青鵲是我兒一一口銜食養

得成毛衣到大啁啾解游颺各自東西南北飛薄

暮空巢上羈雌獨自歸鳳凰九雛亦如此慎莫愁

思顚顚損容輝

### 新秦郡松樹歌

青青山上松數里不見今更逢不見君心相憶此

心向君君應識爲君顏色高且閑亭亭迴出浮雲

間

榆林郡歌

山頭松柏林山下泉聲傷客心千里萬里春草色  
黃河東流流不息黃龍戍上游俠兒愁逢漢使不  
相識

問寇校書雙谿

君家少室西爲復少室東別來幾日今春風新買  
雙谿定何似餘生欲寄白雲中

寄崇梵僧

詩紀

盛唐卷之十一

七

崇梵僧崇梵僧秋歸覆釜春不還落花啼鳥紛紛  
亂澗戶山牕寂寂閑峽裏誰知有人事郡中遙望  
空雲山

同比部楊員外十五夜遊有懷靜者季

承明少休沐建禮省文書夜漏行人息歸鞍落日  
餘懸知三五夕萬戶千門闢夜出曙翻歸傾城滿  
南陌陌頭馳騁盡繁華王孫公子五侯家由來月  
明如白日共道春燈勝百花聊看侍中千寶騎強  
識小婦七香車香車寶馬共喧闐箇裏多情俠少

年競向長楊柳市北肯過精舍竹林前獨有仙郎  
心寂寞却將宴坐爲行樂儻覺忘懷其往來去霜  
同舍甘藟藿

荅張五弟

終南有茅屋前對終南山終年無客常閉關終日  
無心長自閑不妨飲酒復垂釣君但能來相往還

雪中憶李楫

積雪滿阡陌故人不可期長安千門復萬戶何處  
蹊蹠黃金羈

詩紀

盛唐卷之十一

八

送李睢陽

將置酒思悲翁使君去出城東麥漸漸雉子斑槐  
陰陰到潼關騎連連

車遲遲心中悲宋又

遠周間之南淮夷東齊兒碎碎織練與素絲遊人  
賈客信難持五穀前熟方可爲下車閑閣君當思  
天子當殿儼衣裳太官尚食陳羽觴彤庭散綬垂  
鳴璫黃紙詔書出東廂輕紈疊綺爛生光宗室子  
弟君最賢分憂當爲百辟先布衣一言相爲死何  
況聖主恩如天鸞聲噦噦魯侯旂明年上計朝京

師須憶今日斗酒別慎勿富貴忘我爲

騷體

奉和聖製天長節賜宰臣歌應制

太陽生兮照萬方開闔闔兮臨玉堂  
儼冕旒兮垂衣裳金天淨兮麗三光  
彤庭曙兮延八荒德合天兮禮神遍  
靈芝生兮慶雲見唐堯后兮稷卨臣  
臣臣宇宙兮華胥人盡九服兮皆四鄰  
乾降瑞兮坤降珍

登樓歌

詩紀

盛唐卷之十一

九

聊上君兮高樓飛甍鱗次兮在下俯十二兮通衢  
綠槐參差兮車馬却瞻兮龍首前眺兮宜春王畿  
鬱兮千里山河壯兮咸秦舍人下兮青宮據胡牀  
兮書空執戟疲於下位老夫好隱兮牆東亦幸有  
張伯英草聖兮龍騰蚪躍擺長雲兮換迴風琥珀  
酒兮彫胡飯君不御兮日將晚秋風兮吹衣夕鳥  
兮爭返孤砧發兮東城林薄暮兮蟬聲遠時不可  
兮再得君何爲兮偃蹇

雙黃鵠歌送別

天路來兮雙黃鵠雲上飛兮水上宿撫翼和鳴整  
羽族不得已忽分飛家在玉京朝紫微主人臨水  
送將歸悲笳嘹唳垂舞衣賓欲散兮復相依幾往  
返兮極浦尚徘徊兮落暉岸塞一作上火兮相迎將  
夜入兮邊城鞍馬歸兮佳人散悵離憂兮獨含情  
贈徐中書望終南山歌

送友人歸山歌二首

離騷題作  
山中八

詩紀

盛唐卷之十一

十一

山寂寂兮無人又蒼蒼兮多木羣龍兮滿朝君何  
爲兮空谷文寡和兮思深道難知兮行獨悅石上  
兮流泉與松間兮草屋入雲中兮養雞上山頭兮  
抱犢神與棗兮如瓜虎賣杏兮收穀愧不才兮妨  
賢嫌既老兮貪祿誓解印兮相從何詹尹兮可卜

又

山中人兮欲歸雲冥冥兮雨霏霏水驚波兮翠管  
靡白鷺忽兮翻飛君不可兮褰衣山萬重兮一雲  
混天地兮不分樹晡曉兮氛氲猿不見兮空聞忽



山西兮夕陽見東臯兮遠村平蕪綠兮千里眇惆悵兮思君

魚山神女祠歌二首

迎神曲

坎坎擊鼓魚山之下吹洞簫望極浦女巫進紛屢舞陳瑶席湛清醕風淒淒一作淒淒今夜雨神之來兮不來使我心兮苦復苦一作不知神之來不來使我心苦

送神曲

紛進拜兮堂前目眷眷兮瓊筵來不語一作言今意

詩紀

盛唐卷之十一

十一

不傳作暮雨兮愁空山悲急管思繁絃靈之駕兮儼欲旋倏雲收兮雨歇山青青兮水潺潺

白鼇渦

南山之瀑水兮激石湍瀑似雷驚人相對兮不聞語聲翻渦跳沫兮蒼苔濕蘚老且厚春草爲之不生獸不敢驚動鳥不敢飛鳴白鼇渦濤戲瀨一作漱今委身以縱橫王人之仁兮不網不釣得遂性以生成

盛唐第十一

盛唐第十二

唐詩紀七十二

鄆郡吳中珩彙編

東吳俞策同校

王維

四

五言律詩

奉和聖製賜史供奉曲江讌應制

侍從有鄒枚瓊筵就水開言陪柏梁宴新下建章來對酒山河滿移舟草樹迴天文同麗日駐景惜行杯

詩紀

盛唐卷之十二

十二

從岐王過楊氏別業應教

楊子談經所

一作處

淮王載酒過興闌啼鳥換一作後

坐久落花多逕轉迴銀燭林開散玉珂嚴城時未

啓前路擁

一作

笙歌

從岐王夜讌衛家山池應教

座客香貂滿宮娃綺幔張澗花輕粉色山月少燈光積翠紗牕暗飛泉繡戶涼還將歌舞出歸路莫愁長

早朝

柳暗百花明春深五鳳城城烏睥睨曉宮井曉  
聲方朔金門侍班姬玉輦迎仍聞遣方士東海訪蓬瀛

同崔員外秋宵寓直

建禮高秋夜承明候曉過九門寒漏徹萬井曙鐘  
多月迴藏珠斗雲消出絳河更慙衰朽質南陌共  
鳴珂

輞川閑居贈裴秀才迪

寒山轉蒼翠秋水日潺湲倚杖柴門外臨風聽暮

詩紀

盛唐卷之十二

二

蟬渡頭餘落日墟里上孤煙復植接輿醉狂歌五

柳前

寄荊州張丞相

所思竟何在悵望深荆門舉世無相識終身思舊  
恩方將與農圃藝植老丘園目盡南無一作飛鴈何  
由寄一言

冬晚對雪憶胡居士家

寒更傳曉箭清鏡覽衰顏隔牖風驚竹開門雪滿  
山灑空深巷靜積素廣庭閑借問袁安舍脩然尚

閉關

和尹諫議史館山池

雲一作雲館接天居霓裳侍玉除春池百子外芳樹  
萬年餘洞有仙人錄山藏太史書君恩深漢帝且  
莫上空虛

奉和楊駙馬六郎秋夜卽事

高樓月似霜秋夜鬱金堂對坐彈廬女同看舞鳳  
凰少兒多送酒小玉更焚香結束平陽騎明朝入  
建章

詩紀

盛唐卷之十二

三

酬虞部蘇員外過藍田別業不見畱之作  
貧居依谷口喬木帶荒村石路枉迴駕山家誰候  
門漁舟膠凍浦獵火燒一作大繞寒原唯有白雲外疎  
鐘聞夜猿

酬比部楊員外暮宿琴臺朝躋書閣率爾

見贈之作

一作盧照鄰詩

舊簡拂塵看鳴琴候月彈桃源迷漢姓松樹有秦  
官空谷歸人少青山背日寒羨君棲隱處遙望白  
雲端

酬嚴少尹徐舍人見過不遇

公門暇日少窮巷故人稀偶值乘藍輦非關避白衣不知炊黍否誰解掃荆扉君但傾茶碗無妨騎馬歸

酬張少府

晚年唯好靜萬事不關心自顧無長策空知返舊林松風吹解帶山月照彈琴君一作若問窮通理漁

歌入浦深

酬賀四贈葛巾之作

詩紀

盛唐卷之十二

四

野巾傳惠好茲貺重兼金嘉此幽棲物能齊隱吏心早朝方暫挂晚沐復來簪坐覺驚塵遠思君共入林

送丘為落第歸江東

憐君不得意況復柳條春為客黃金盡還家白髮

新五湖三畝宅萬里一歸人知禰一作不能薦羞

稱一作為獻納臣

送李判官赴東江

聞道皇華使方隨皐蓋臣封章通左語冠冕化文

身樹色分楊子潮聲滿富春遙知辨壁吏恩到泣珠人

送封太守

忽解羊頭削聊馳熊首轡揚舲發夏口按節向吳門帆映丹陽郭楓攢一作藏赤岸村百城多候吏露

冕一何尊

送嚴秀才還蜀

寧親為令子似舅即賢甥別路經花縣還鄉入錦城山臨青塞斷江向白雲平獻賦何時至明君憶

詩紀

盛唐卷之十二

五

長卿

送張判官赴河西

單車曾出塞報國敢邀勲見逐張征虜今思霍冠軍沙平連白雪蓬卷入黃雲慷慨倚長劍高歌一

送君

送岐州源長史歸

同在崔常侍幕中時常侍已歿

握手一相送心悲安可論秋風正蕭索客散孟嘗門故驛通槐里長亭下槿原征西舊旌節從此向

河源

送張道士歸山

先生何處去王屋訪毛君別婦留丹訣驅雞入白雲人間苦難一作若利住天上復離羣當作遼城鶴仙歌使爾聞

同崔興宗送衡嶽瑗公南歸并序

衡嶽瑗上人者嘗學道於五峰蔭松棲雲與狼虎雜處得無所得矣天寶癸巳歲始遊于長安手提瓶笠至自萬里燕居吐論緇屬高之初給事中房公謫居宜春與上人風土相接因為道

詩紀

盛唐卷之十二

六一

友伏臘往來房公既海內盛名上人亦以此增價秋九月杖錫南返扣門來別秦地草木槭槭已黃蒼梧白雲不日而見滇陽有曹谿學者為我謝之

言從石菌閣新下穆陵關獨向池陽去白雲留故山綻衣秋日裏洗鉢古松間一施傳心法唯將戒定還

送錢少府還藍田

草色日向好桃源人去稀手持平子賦日送老萊

衣每候山櫻發時同海燕歸今年寒食酒應是一作得返柴扉

送丘為往唐州

宛落有風塵君行多苦辛四愁連漢水百口寄隨人槐色陰清晝楊花惹暮春朝端肯相送天子繡衣臣

送元中丞轉運江淮一作錢起詩

薄賦一作稅歸天府輕徭賴使臣歡霑賜帛老恩及卷綃人去問珠官俗來經石蚌春東南卸亭上莫

詩紀

盛唐卷之十二

七

使有風塵石蚌用荀子語卸亭在晉陵見楊用修詩話

送崔九興宗遊蜀

送君從此去轉覺故人稀徒御猶回首田園方掩扉出門當旅食中路授寒衣江漢風流地遊人何歲歸

送崔興宗

已恨親皆遠誰憐友復稀君王未西顧遊宦盡東歸塞迴山河淨天長雲樹微方同菊花節相待洛陽扉



送平澹然判官

不識陽關路新從定遠侯黃雲斷春色畫角起邊  
愁瀚海經年到交河出塞流須令外國使知飲月  
氏頭

送劉司直赴安西

絕域陽關道胡沙與塞塵三春時有鴈萬里少行  
人苜蓿隨天馬葡萄逐漢臣當令外國懼不敢覓  
和親

送趙都督赴代州得青字

詩紀

盛唐卷之十二

八

天官動將星漢上柳條青萬里鳴刁斗二軍出井  
陘忘身辭鳳闕報國取龍庭豈學書生輩牕間老

一經

送方城韋明府

遙思葭葦際寥落楚人行高鳥長淮水平蕪故郢  
城使車聽雉乳縣鼓應雞鳴若見州從事無嫌手  
板迎

送李員外賢郎

少年何處去負米上銅梁借問阿戎父知爲童子

郎魚牋請詩賦橦布作衣裳薏苡扶衰病歸來幸  
可將

送梓州李使君

萬壑樹參天千山響杜鵑山中一夜雨樹杪百重  
泉漢女輸橦布巴人訟芋田文翁翻教授不敢倚  
先賢

送張五諶歸宣城

五湖千萬里況復五湖西漁浦南陵郭人家春穀  
谿欲歸江淼淼未到草萋萋憶想蘭陵鎮可宜猿

詩紀

盛唐卷之十二

九

更一作啼

送友人南歸

萬里春應盡三江鴈亦稀連天漢水廣孤客郢城  
歸鄖國稻苗秀楚人菰米一作菜肥懸知倚門望遙  
識老萊衣

送賀遂負外甥

南國有歸舟荆門汭上流蒼茫葭葦外雲水與昭  
丘檣帶城烏去江連暮雨愁猿聲不可聽莫待楚  
山秋

送楊長史赴果州

裋斜不容憶之子去何之鳥道一千里猿聲十二  
時官橋祭酒客山木女郎祠別後同明月君應聽  
子規

送邢桂州

鏡吹喧京口風波下洞庭赭圻將赤岸擊汰復揚  
舲日落江湖白潮來天地青明珠歸合浦應逐使  
臣星

送宇文三赴河西充行軍司馬

詩紀

盛唐卷之十二

十一

橫吹雜繁笳邊風捲塞沙還聞田司馬更逐李輕  
車蒲類成秦地莎車屬漢家當令大戎國朝聘學

昆邪

送孫二

郊外誰相送夫君道術親書生鄒魯客才子洛陽  
人祖席低寒草行軍起暮塵山川何寂寞長望淚  
沾巾

送崔二往密州觀省

南陌去悠悠東郊不少留同懷扇枕戀獨念

一作解

倚門愁路遶天山雪家臨海徂秋曾連功未報且  
莫蹈滄洲

送孟六歸襄陽

一作張子容詩

杜門不復一作欲出久與世情疎以此爲長策勸君  
歸舊廬醉歌田舍酒笑讀古人書好是一生事無  
勞獻子虛

初出濟州別城中故人

一作被出濟州

微官易得罪謫去濟川陰執政方持法明君照一作集  
無此心間閭河潤上井邑海雲深縱有歸來日各

詩紀

盛唐卷之十二

十二

一作多愁年鬢侵

與盧象集朱家

主人能愛客終日有逢迎賞得新豐酒復聞秦女  
箏柳條疎客舍槐葉下秋城語笑且爲樂吾將達  
此生

登裴秀才迪小臺

端居不出戶滿目望一作空雲山落日鳥邊下秋原  
人外閑遙知遠林際不見此簷間好客多乘月應  
門莫上關

遊李山人所居因題屋壁

世人一作人事皆如夢狂來或一作止自歌問年松樹老

有地竹林多藥倩韓康賣門容尚子過翻嫌枕席

上無那一作柰白雲何

過崔附馬山池

畫樓吹笛妓金碗酒家胡錦石稱貞女青松學大

夫脫貂貫桂醕射鴈與山厨聞道高陽會愚公谷

正愚

過福禪師蘭若

詩紀

盛唐卷之十二

十三

巖壑轉微逕雲林隱法堂羽人飛奏樂天女跪焚

香竹外峯偏曙藤陰水更涼欲知禪坐久行路長

春芳

過香積寺

不知香積寺數里入雲峯古木無人逕深山何處

鐘泉聲咽危石日色冷青松薄暮空潭曲安禪制

毒龍

過感化寺曇興上人山院

暮持筇竹杖相待虎谿頭催客聞山響歸房逐水

流野花叢發好谷鳥一聲幽夜坐空林寂松風直似秋

夏日過青龍寺謁操禪師

龍鐘一老翁徐步謁禪宮欲問義心義遙知空病

空山河天眼裏世界法身中莫恠銷炎熱能生大

地風

登辨覺寺

竹徑從初地蓮峯出化城窓中三楚盡林上九江

平軟草乘跌坐長松響梵聲空居法雲外觀世得

詩紀

盛唐卷之十二

十三

無生

喜祖三至留宿

門前洛陽客下馬拂征衣不枉故人駕平生多掩

扉行人返深巷積雪帶餘暉早歲同袍者高車何

處歸

黎拾遺昕裴秀才迪見過秋夜對雨之作

促織鳴已急輕衣行向重寒燈坐高館秋雨聞疎

鐘白法調狂象玄言問老龍何人顧蓬徑空愧求

羊蹤

慕容承攜素饌見過

紗帽烏皮几閑居懶賦詩門看五柳識年筭六身  
知靈壽君王賜彫胡弟子炊空勞酒食饌持底解  
人頤

晚春嚴少尹與諸公見過

松菊荒三逕圖書共五車烹葵邀上客看竹到貧  
家鵲乳先春草鶯啼過落花自憐黃髮暮一倍惜  
年華

鄭果州相過

詩紀

盛唐卷之十二

十四

麗日照殘春初晴草木新牀前磨鏡客樹下灌園  
人五馬驚窮巷雙童逐老身中厨辦餽飯當恕阮  
家貧

盛唐第十二

盛唐第十三

唐詩紀七十三

鄆郡吳中珩彙編

東吳俞策同校

王維

五

五言律詩二

山居秋暝

空山新雨後天氣晚來秋明月松間照清泉石上  
流竹喧歸浣女蓮動下漁舟隨意春芳歇王孫自  
可留

詩紀

盛唐卷之十三

一

終南別業

原注初至山中又  
入山寄城中故人

中歲頗好道晚家南山陲興來每獨往勝事空自  
知行到水窮處坐看雲起時偶然值林叟談笑無  
期還期

歸嵩山作

清川帶長薄車馬去閑閑流水如有意暮禽相與  
還荒城臨古渡落日滿秋山迢遞嵩高下歸來且  
閉關

歸輞川作



谷口疎鐘動漁樵稍欲稀悠然遠山暮獨向白雲  
歸菱蔓弱難定楊花輕易飛東臯春草色惆悵掩  
柴扉

韋給事山居

幽尋得此地詎有一人曾大壑隨階轉羣山入戶  
登庖厨出深竹印綬隔垂藤卽事辭軒冕誰云病  
未能

山居卽事

寂寞掩柴扉蒼茫對落暉鶴巢松樹遍人訪華門

詩紀

盛唐卷之十三

二

稀綠竹含新粉紅蓮落故衣渡頭煙火起處處采  
菱歸

終南山

太乙近天都連山到海隅白雲迴望合青靄入看  
無分野中峯變陰晴衆壑殊欲投人處徧隔水

問樵夫

輞川閑居

一從歸白社不復到青門時倚檐前樹遠看原上  
村青菰臨水映白鳥山翻寂寞於陵子桔槔方

灌園

春園卽事

宿雨乘輕屐春寒著弊袍開畦分白水間柳發紅  
桃草際成碁局林端舉桔槔還持鹿皮几日暮隱  
蓬蒿

淇上田園卽事

屏居淇水上東野曠無山日隱桑柘外河明閭井  
間牧童望村去獵犬隨人還靜者亦何事荆扉乘  
晝關

詩紀

盛唐卷之十三

三一

涼州郊外遊望

野老纔三戶邊村少四鄰婆婆依里社簫鼓賽田  
神灑酒澆芻狗焚香拜木人女巫紛屢舞羅襪自  
生塵

觀獵

風勁角弓鳴將軍獵渭城草枯鷹眼疾雪盡馬蹄  
輕忽過新豐市還歸細柳營迴看射鵰處千里暮  
雲平

春日上方卽事

好讀高僧傳時看辟穀方鳩形將刻杖龜殼用支  
牀柳色春山映梨花夕鳥藏北牕桃李下閑坐但  
焚香

漢江臨汎

楚塞三湘接荆門九派通江流天地外山色有無  
中郡邑浮前浦波瀾動遠空襄陽好風日一作風日好

畱醉與山翁一作公

汎前陂

秋空自明迴況復遠人間一作衆暢以沙際鶴兼之

詩紀

盛唐卷之十三

四

雲外山澄波一作波澹將夕清月皓方閑此夜任孤

棹夷猶殊未還

登河北城樓作

井邑傳巖上客亭雲霧間高城眺落日極浦映蒼

山岸火孤舟宿漁家夕鳥還寂寥天地暮心與廣

川閑

千塔主人

逆旅逢佳節征帆未可前牕臨汴河水門渡楚人  
船雞犬散墟落桑榆陰遠田所居人不見枕席生

雲煙

使至塞上

單車欲問邊屬國過居延英華作銜命辭天關單車欲問邊征蓬

出漢塞歸鴈入胡天大漠孤煙直長河落日圓蕭

關逢候吏一作騎都護在燕然

晚春歸思

新妝可憐色落日卷羅帷鑪氣清珍簾墻陰上玉

墀春蟲飛網戶暮雀隱花枝向晚多愁思閑牕桃

李時

詩紀

盛唐卷之十三

五

戲題示蕭氏甥

憐爾解臨池渠爺未學詩老夫何足似弊宅倘因

之蘆笋穿一作藏荷葉菱花罨鴈兒邨公不易勝莫

著外家欺

秋夜獨坐

獨坐悲雙鬢空堂欲二更雨中山果落燈下草蟲

鳴白髮終難變黃金不可成欲知除老病唯有學

無生

待儲光義不至

重門朝已啓起坐聽車聲要欲聞清珮方將出戶  
迎晚鐘鳴上苑疎雨過春城了自不相顧臨堂空  
復情

聽宮鶯

春樹遶宮牆宮鶯轉曙光

一作春鶯次第翔

忽驚啼暫斷

移處弄還長隱葉棲承露攀花出未央遊人未應

返爲此始思

一作思故鄉

雜詩

雙燕初命子五桃新作花王昌是東舍宋玉次西

詩紀

盛唐卷之十三

六

家小小能織綺時時出浣紗親勞使君問南陌駐  
香車

過始皇墓

古墓成蒼嶺幽宮象紫臺星辰七曜隔河漢九泉  
開有海人寧渡無春鴈不迴更聞松韻切疑是大  
夫哀

恭懿太子挽歌五首

肅宗十名昭上元元年薨贈恭懿太子

何悟藏環早纔知拜壁年狎天王子去對日聖君  
憐樹轉宮猶出笳悲馬不前雖蒙絕馳道京兆別

開阡

蘭殿新恩切椒宮夕臨幽白雲隨鳳管明月在龍  
樓人向青山哭天臨渭水愁雞鳴常問膳今恨玉  
京留

騎吹凌霜發旌旗夾路陳凱

一作禮

容金節護冊命

玉符新傳母悲香祿君家擁畫輪射熊今夢帝稱  
象問何人

蒼舒留帝寵子晉有仙才五歲過人智三天使鶴

催心悲四祿館目斷望恩臺若道長安近何爲更

詩紀

盛唐卷之十三

七

不來

西望昆池濶東瞻下杜平山朝豫章館樹轉鳳凰  
城五校連旗色千門疊鼓聲金環如有驗還向畫  
堂生

故太子太師徐公挽歌四首

功德冠羣英彌綸有大名軒皇用風后傳說是星  
精就第優遺老來朝詔不名留侯常辟穀何苦不  
長生

謀猷爲相國翊贊奉宸

一作乘

輿劔履升前殿貂蟬

託後車齊侯疏土宇漢室賴圖書僻處田宅仍  
纔十頃餘

舊里趨庭日新年置酒辰聞詩鸞渚客獻賦鳳樓

人北首一作關離明主東堂哭大臣猶思御朱轡不

惜汗車茵

久踐中台座終登上將壇誰言斷車騎空憶盛衣

冠風日咸陽慘笳簫渭水寒無人當便闕應罷太

師官

### 故西河郡杜太守挽歌三首

詩紀

盛唐卷之十三

八

天上去西征雲中護北平生擒白馬將連破黑鵑

城忽見芻靈苦一作徒聞竹使榮空留左氏傳誰

繼卜商名

返葬金符守同歸石窀妻卷衣悲畫翟持翼待鳴

雞容衛都人慘山川駟馬嘶猶聞隴上客相對哭

征西

塗芻去國門祕器出東園太守留金印夫人罷錦

軒旌旄轉衰木簫鼓上寒原墳樹應西靡長思魏

闕恩

### 故南陽夫人樊氏挽詞

錦衣餘翟茀繡轂罷魚軒淑女詩長在夫人法尚

存疑笳隨曉旆行哭向秋原歸去將何見誰能返

戟門

### 吏部達奚侍郎夫人寇氏挽詞二首

束帶將朝日鳴環映牖辰能令諫明主相勸識賢

人遺挂空留壁廻文日覆塵金蠶將畫柳何處更

知春

女史悲彤管夫人罷錦軒卜筮占二室行哭度千

詩紀

盛唐卷之十三

九

門秋日光能淡寒川波自翻一朝成萬古松柏暗

平原

### 七言律詩

奉和聖製從蓬萊向興慶閣道中留春雨

### 中春望之作應制

渭水自縈秦塞

一作甸

曲黃山舊遶漢宮斜鑾輿迴

出仙門柳閣道迴

一作遙

看上苑花雲裏帝城雙鳳

闕雨中春樹萬人家爲乘陽氣行時令不是宸遊

翫

一作重物華



大同殿柱產玉芝龍池上有慶雲神光照

殿百官共覩聖恩便賜宴樂敢書即事

欲笑周文歌宴鎬通輕漢武樂橫汾豈如玉殿生  
三秀詎有銅池出五雲陌上堯樽傾北斗樓前舜  
樂動南薰共歡天意同人意萬歲千秋奉聖君

敕賜百官櫻桃

芙蓉闕下會千官紫禁朱櫻出上闌繞一作是寢

園春薦後非關御苑鳥銜殘歸鞍競帶青絲籠中

使頻傾赤玉盤飽食不須愁內熱大官還有蔗漿

詩紀

盛唐卷之十三

十

寒

敕借岐王九成宮避暑應教

帝子遠辭丹鳳闕天書遙借翠微宮隔牕雲霧生

衣上卷幔山泉入鏡中林下水聲喧語笑巖間樹

色隱房櫳仙家未必能勝此何事吹笙向碧空

和賈舍人早朝大明宮之作

絳幘雞人送一作曉籌尚衣方進翠雲裘九天間

闔開宮殿萬國衣冠拜冕旒日色纔臨仙掌動

煙欲傍袞龍浮朝罷須裁五色詔歸向一作到

鳳池頭

和太常韋主簿五郎溫湯寓日之作

漢主離宮接露臺秦川一半夕陽開青山盡是朱  
旗繞碧澗翻從玉殿來新豐樹裏行人度小苑城  
邊獵騎迴聞道甘泉能獻賦懸知獨有子雲才

苑舍人能書梵字兼達梵音皆曲盡其妙

戲爲之贈

名儒待詔滿公車才子爲郎典石渠蓮花法藏心

懸悟貝葉經文手自書楚詞共許勝楊馬梵字何

詩紀

盛唐卷之十三

十一

人辨魯魚故舊相望在三事願君莫厭承明廬

重酬范郎中

頃輒奉贈忽枉見酬敘末云且久不遷因而嘲

及詩落句云應同羅漢無名欲故作馮唐老歲

年亦解嘲之類也

何幸含香奉至尊多慙未報主人恩草木盡能酬

雨露榮枯安敢問乾坤僊郎有意憐同舍丞相無

私斷掃門楊子解嘲徒自遣馮唐已老復何論

酬郭給事

洞門高閣霽餘輝桃李陰陰柳絮飛禁裏踈鐘官舍晚省中啼鳥吏人稀晨搖玉珮趨金殿夕奉天書拜瑣闥強欲從君無那老將因卧病解朝衣

出塞作

居延城外獵天驕白草連山野火燒暮雲空磧時驅馬秋日平原好射鵬護羌校尉朝乘障破虜將軍夜渡遼玉靶角弓珠勒馬漢家將賜霍嫖姚

既蒙宥罪旋復拜官伏感聖恩竊書鄙意兼奉簡新除使君等諸公

詩紀

盛唐卷之十三

十一

忽蒙漢詔還冠冕始覺殷王解網羅日比皇明猶自暗天齊聖壽未云多花迎喜氣皆知笑鳥識歡心亦解歌聞道百城新佩印還來雙闕共鳴珂

送方尊師歸嵩山

仙官欲往

一作

九龍潭毛

一作

節朱幡倚石龕山

壓天中半天上洞穿江底出江南瀑布杉松常帶雨夕陽彩一作翠忽成嵐借問迎來雙白鶴已曾衡嶽送蘇耽

送楊少府貶郴州

明到衡山與洞庭若爲秋月聽猿聲愁看北渚三湘遠一作惡說南風五兩輕青草瘴時過夏口白頭浪裏出湓城長沙不久留才子賈誼何須吊屈平

過乘如禪師蕭居士嵩丘蘭若

無着天親弟與兄嵩丘蘭若一峯晴食隨鳴磬巢鳥下行踏空林落葉聲迸水定侵香案濕雨花應共石牀平深洞長松何所有儼然天竺古先生

春日與裴迪過新昌里訪呂逸人不遇

詩紀

盛唐卷之十三

十一

桃源一向絕風塵柳市南頭訪隱淪到門不敢題凡鳥看竹何須問主人城上青山如屋裏東家流水入西鄰閉戶著書多歲月種松皆作老龍鱗

酌酒與裴迪

酌酒與君君自寬人情翻覆似波瀾白首相知猶按劍朱門先達笑彈冠草色全經細雨濕花枝欲動春風寒世事浮雲何足問不如高臥且加餐

輞川別業

不到東山向一年歸來纔及種春田雨中草色綠  
堪染水上桃花紅欲然優婁比丘經論學偃僂丈  
人鄉里賢披衣倒屣且相見相歡語笑衡門前

早秋山中作

無才不敢累明時思向東谿守故籬豈厭尚平婚  
嫁早却嫌陶令去官遲草間蛩響臨秋急山裏蟬  
聲薄暮悲寂寞柴門人不到空林獨與白雲期

積雨輞川莊作

積雨空林煙火遲蒸蒸炊黍餉東菑漠漠水田飛

詩紀

盛唐卷之十三

十四

白鷺陰陰夏木嘒黃鸝山中習靜觀朝槿松下清  
齋折露葵野老與人爭席罷海鷗何事一作更相

疑

聽百舌鳥

上蘭門外草萋萋未央宮中花裏栖亦有相隨過  
御苑不知若箇向金堤入春解作十般語拂曙能  
先百鳥啼萬戶千門應覺曉建章何必聽鳴雞

盛唐第十三

盛唐第十四

唐詩紀七十四

鄆郡吳中珩彙編

東吳俞策同校

王維六

五言排律

奉和聖製慶玄元皇帝玉像之作應制

明君夢帝先寶命上齊天秦后徒聞樂周王耻卜  
年玉京移大像金籙會羣仙承露調天供臨空敞  
御筵斗迴迎壽酒山近起鑪煙願奉無爲化齋心

詩紀

盛唐卷之十四

一一

學自然

奉和聖製與太子諸王三月三日龍池春

禊應制

故事修春禊新宮展豫遊明君移鳳輦太子出龍  
樓賦掩陳王作杯如洛水流金人來捧劍畫鸕去  
迴舟苑樹浮宮闕天池照冕旒宸章在雲表一作  
垂象滿皇州

奉和聖製上巳於望春亭觀禊飲應制

長樂青門外宜春小苑東樓開萬井一作上輦過

一作  
人向百花中畫鷁移仙仗一作金貂列上公清歌

邀落日妙舞向春風渭水明秦甸黃山入漢宮君  
王來被袂灞澹亦朝宗

奉和聖製暮春送朝集使歸郡應制

萬國仰宗周衣冠拜冕旒玉乘迎大客金節送諸  
侯祖席傾三省褰帷向九州楊花飛上路槐色蔭  
通溝來預鈞天樂歸分漢主憂宸章類河漢垂象  
滿中州

三月三日曲江侍宴應制

詩紀  
盛唐卷之十四  
二

萬乘親齋祭千官喜豫遊奉迎從上苑被袂向中  
流草樹連容衛山河對冕旒畫旗搖浦淑春服滿  
汀洲仙籙龍媒下神臯鳳蹕留從今億萬歲天寶  
紀春秋

奉和聖製重陽節宰臣及羣官上壽應制

四海方無事三秋大有年百生逢此日萬壽願齊  
天芍藥和金鼎茱萸插玳筵玉堂開右个天樂動  
宮懸御柳疎秋景城鴉拂曙煙無窮菊花節長奉  
柏梁篇

三月三日勤政樓侍宴應制

綵仗連宵合瓊樓拂曙通年光三月裏宮殿百花  
中不數秦王日誰將洛水同酒筵嫌落絮舞袖怯  
春風天保無爲德人歡不戰功仍臨九衢宴更達  
四門聰

春和聖製十五夜然燈繼以酺宴應制

上路笙歌滿春城刻漏長遊人多晝日明月讓燈  
光魚鑰通翔鳳龍輿出建章九衢陳廣樂百福透  
名香仙伎來金殿都人遶玉堂定應偷妙一作舞

詩紀  
盛唐卷之十四  
三

從此學新妝奉引迎三事司儀列萬方願將天地  
壽同以獻君王

奉和聖製幸玉真公主山莊因題石壁十

韻之作應制

碧落風煙外瑤臺道路賒如何連帝苑別自有仙  
家比地迴鸞駕緣谿轉翠華洞中開日月窓裏發  
雲霞庭養冲天鶴谿流上漢查種田生白玉泥竄  
化丹砂谷靜泉逾響山深日易斜御羹和石髓香  
飯進胡麻大道今無外長生詎有涯還瞻九霄上



來往五雲車

春日直門下省早朝

騎省直明光雞鳴謁建章遙聞侍中珮聞識令君  
香玉漏隨一作銅吏天書拜夕郎旌旗映闕  
闔歌吹滿昭陽官舍梅初紫宮門柳欲黃願將遲  
日意同與聖恩長

和僕射晉公扈從溫湯

天子幸新豐旌旗渭水東寒山天仗外一作溫谷

幔城中奠玉羣仙座焚香太乙宮出遊逢牧馬罷

詩紀

盛唐卷之十四

四

獵見

一作非熊

上宰無爲化明時太古同靈芝三

秀紫陳粟萬箱紅王禮尊儒教天兵小戰功謀猷  
歸哲匠詞賦屬文宗司諫方無闕陳詩且未工長  
吟吉甫頌朝夕仰清風

和宋中丞夏日遊福賢觀天長寺卽陳相

宅所施之作

已相殷王國空餘尚父谿釣磯開月殿築道出雲  
梯積水浮香象深山鳴白雞虛空陳伎樂衣服製  
虹霓墨點三千界丹飛六一泥桃源勿遽返再訪

恐君迷

和陳監四郎秋雨思從弟據

嫋嫋秋風動淒淒煙雨繁聲連鵙鵲觀色暗鳳凰  
原細柳疎高閣輕槐落洞門九衢行欲斷萬井寂  
無喧忽有愁霖唱更陳多露言平原思令弟康樂  
謝賢昆逸興方三接衰顏強七奔相如今老病歸  
守茂陵園

上張令公

珥筆趨丹陛垂璫上玉除步檐青瑣闥方憶畫輪

詩紀

盛唐卷之十四

五

車市閱千金字朝聞五色書致君光帝典薦士滿  
公車伏奏廻金駕橫經重石渠從茲罷角觝且復  
幸儲胥天統知堯後王章笑魯初匈奴遙俯伏漢  
相儼簪裾賈生非不遇汲黯自堪疎學易思求我  
言詩或起予當從大夫後何惜隸人餘

贈焦道士

海上遊三島淮南預八公坐知千里外跳向一壺  
中縮地朝珠闕行天使玉童飲人聊割酒送客乍  
分風天老能行氣吾師不養空謝君徒雀躍無可

問鴻濛

贈東嶽焦鍊師

先生千歲餘五嶽遍曾居遙識齊侯鼎新過王母  
廬不能師孔墨何事問長沮玉管時來鳳銅盤即  
釣魚竦身空裏語明自夜中書自有還丹術時論  
太素初頻蒙露版詔時降軟輪車山靜泉逾響松  
高枝轉疎搢一作願問樵客世上復何如

送秘書晁監還日本國并序

舜觀羣后有苗不格禹會諸侯防風後至動干

詩紀

盛唐卷之十四

六

戚之舞興斧鉞之誅乃貢九牧之金始頒五瑞  
之玉我開元天地大寶聖文神武應道皇帝大  
道之行先天布化乾元廣運涵育無垠若華爲  
東道之標戴勝爲西門之候豈甘心於節杖非  
徵貢於包茅亦由呼邪來朝舍於蒲萄之館卑  
彌遣使報以蛟龍之錦犧牲玉帛以將厚意服  
食器用不寶遠物百神受職五老告期况乎戴  
髮含齒得不稽顙屈膝海東國日本爲大服聖  
人之訓有君子之風正朔本乎夏時衣裳同乎

漢制歷歲方達繼舊好於行人滔天無涯貢方

物於天子同儀加等位在王侯之先掌次改似

不居蠻夷之邸我無爾詐爾無我虞彼以好來

廢關弛禁上敷文教虛至實歸故人民襍居往

來如市晁司馬結髮遊聖負笈辭親問禮於老

聃學詩於子夏曾借車馬孔丘遂適於宗周鄭

獻縞衣季札始通於上國名成太學官至客卿

必齊之姜不歸娶於高國在楚猶晉亦何獨於

由余遊宦三年願以君羹遺母不居一國欲其

詩紀

盛唐卷之十四

七

晝錦還鄉莊舄旣顯而思歸關羽報恩而終去  
於是稽首北闕裏足東轅篋命賜之衣懷敬問  
之詔金簡玉字傳道經於絕域之人方鼎彝樽  
致分器於異姓之國琅琊臺上迴望龍門碣石  
館前巖然鳥逝鯨魚噴浪則萬里倒迴鵠首乘  
雲則八風卻走扶桑若薺鬱島如萍沃白日而  
簸三山浮蒼天而吞九域黃雀之風動地黑蜃  
之氣成雲祿不知其所之何相思之可寄嘻去  
帝鄉之故舊謁本朝之君臣詠七子之詩佩兩

國之印恢我王度論彼蕃臣三寸猶在樂毅辭  
燕而未老十年在外信陵歸魏而逾尊子其行  
乎余贈言者

積水不可極安知滄海東九州何處遠一作萬里

若乘空向國唯看日歸帆但信風鰲身映天黑魚  
眼射波紅鄉樹扶桑外主人孤島中別離方異域  
音信若爲通姚合極玄集以此篇歷卷

送禰郎中

東郊春草色驅馬去悠悠况復鄉山外猿啼湘水

詩紀

盛唐卷之十四

八

流鳥夷傳露版江館候鳴騶卉服爲諸吏珠官拜  
本州孤鶯吟遠墅野杏發山郵早晚方歸奏南中  
纔忌秋

送李太守赴上洛

商山包楚鄧積翠藹沈沈驛路飛泉灑開門落照  
深野花開古戍行客響空林板屋春多雨山城晝  
欲陰丹泉通號略白羽抵荆岑若見西山爽應知  
黃綺心

送權二

高人不可有清論復何深一見如舊識一言知道  
心明時當薄宦解薛去中林芳草空隱處白雲徐  
故岑韓侯久攜手河嶽共幽尋悵別千餘里臨堂  
鳴素琴

送熊九赴任安陽

魏國應劉後寂寥文雅空漳河如舊日之子繼清  
風阡陌銅臺下閭閻金虎中送車盈灞上輕騎出  
關東相去千餘里西園明月同

送康太守

詩紀

盛唐卷之十四

九

城下滄江水江邊一作高黃鶴樓朱欄將粉堞江水  
映悠悠鏡吹發夏口使君居上頭郭門隱楓岸候  
吏趨蘆洲何異臨川郡還勞康樂侯

山中示弟等

山林吾喪我冠帶爾成人莫學嵇康懶且安原憲  
貧山陰多北戶泉水在東鄰緣合妄相有性空無  
所親安知廣成子不是老夫身

青龍寺曇壁上人兄院集并序

吾兄大開蔭中明徹物外以定力勝敵以惠用

解嚴深居僧坊傍俯人里高原陸地下映芙蓉  
之池竹林果園中秀菩提之樹八極氛霽萬彙  
塵息太虛寥廓南山爲之端倪皇州蒼茫渭水  
貫於天地經行之後跌坐而閑升堂梵筵餌客  
香飯不起而遊覽不風而清涼得世界於蓮花  
寄文章於貝葉時江寧大兄持片石命維序之  
詩五韻座上成

高處敞招提虛空詎有倪坐看南陌騎下聽秦城  
雞眇眇孤煙起芊芊遠樹齊青山萬井外落日五

詩紀

盛唐卷之十四

十一

陵西眼界今無染心空安可迷

韋侍郎山居

幸忝君子顧遂陪塵外蹤閑花滿巖谷瀑水映杉  
松啼鳥忽臨澗歸雲時抱峯良遊盛簪紱繼跡多  
變龍詎枉青門道胡聞長樂鐘清晨去朝謁車馬  
何從容

濟州過趙叟家宴

雖與入境接閉門成隱居道言莊叟事儒行魯人  
餘深巷斜暉靜閑門高柳疎荷鋤修藥圃散帙曝

農書上客搖芳翰中厨饋野蔬夫君第高飲景晏  
出林間

春過賀遂負外藥園

前年種籬故新作藥欄成香草爲君子名花是長  
卿水穿盤石透藤繫古松生畫畏開厨走來蒙倒  
屣迎蔗漿菰米飯茹醬露葵羹頗識灌園意於陵  
不自輕

過盧四負外宅看飯僧共題七韻

三賢異七賢青眼慕青蓮乞飯從香積裁衣學水

詩紀

盛唐卷之十四

十二

田上人飛錫杖檀越施金錢跌坐檐前日焚香竹  
下煙寒空法雲地秋色淨居天身逐因緣法心過  
次第禪不須愁日暮自有一燈然

河南嚴尹弟見宿弊廬訪別人賦十韻

上客能論道吾生學養蒙貧交世情外才子古人  
中冠上方簪豸車邊已畫熊拂衣迎五馬垂手憑  
雙童花醪和松屑茶香透竹叢薄霜澄夜月殘雪  
帶春風古壁蒼苔黑寒山遠燒紅眼看東候別心  
事北川同爲學輕先輩何能訪老翁欲知今日後



不樂爲車公

過太乙觀賈生房

昔余栖遯日之子煙霞鄰共攜松葉酒俱簪竹皮  
巾攀林遍巖洞采藥無冬春謬以道門子徵爲驂  
御臣常恐丹液就先我紫陽賓天促萬塗盡哀傷  
百慮新跡峻不容俗才多反累真泣對雙泉水還  
山無主人

投道一師蘭若宿

一公栖太白高頂出風煙梵流諸壑遍花雨一峯

詩紀

盛唐卷之十四

三

偏迹爲無心隱名因立教傳鳥來還語法客去更  
安禪晝涉松路盡暮投蘭若邊洞房隱深竹清夜  
聞遙泉向是雲霞裏今成枕席前豈唯暫留宿服  
事將窮年

遊化感寺

翡翠香煙合琉璃寶地平龍宮連棟宇虎穴傍檐  
楹谷靜唯松響山深無鳥聲瓊峯當戶折金澗透  
林鳴一作郢路雲端迴秦川雨外晴鴈王銜果獻  
鹿女踏花行抖擻辭貧里歸依宿化城繞籬生野

蕨空館發山櫻香飯青孤米嘉蔬綠笋莖一作紫芋羹  
誓陪清梵末端坐學無生

遊悟真寺

紀事作王維詩

聞道黃金地仍開白玉田擲山移巨石呪嶺出飛  
泉猛虎同三逕愁猿學四禪買香然綠桂乞火踏  
紅一作蓮草色搖霞上一作松聲汎月邊山河窮  
百二世界接一作三千梵宇聊憑視一作王城遂  
渺然灞陵纔出樹渭水欲連天遠縣分諸紀事作朱郭  
孤村起白煙望雲思聖主披霧隱羣賢薄宦慚尸

詩紀

盛唐卷之十四

三

素一作終身擬尚玄誰知草菴客曾和柏梁篇

與蘇盧二負外期遊方丈寺而蘇不至因

有是作

昌齡詩

共仰頭陀行能忘世諦情迴看雙鳳闕相去一牛  
鳴法向空林說心隨寶地平手巾花氎淨香帔道  
畦成聞道邀同舍相期宿化城安知不來往翻得  
似一作無生

曉行巴峽

際曉投巴峽餘春憶帝京晴江一女浣朝日衆雞

一作禽鳴水國舟中市山橋樹杪行登高萬井出眺

迴二流明人作殊方語鶯爲故一作舊國聲賴多一作作

詩山水趣稍解別離情

早入滎陽界

汎舟入滎澤茲邑乃雄藩河曲間閭隘川中煙火

繁因人見風俗入境聞方言秋野田疇盛朝光市

井喧漁商波上客雞犬岸傍村前路白雲外孤帆

安可論

清如玉壺冰

詩紀

盛唐卷之十四

孟

玉壺何用好偏許素冰居

一作藏冰玉壺未共銷

丹日還同照綺疏抱明中不隱含淨外疑虛氣似

庭霜積光言砌月餘曉凌飛鵲鏡宵映聚螢書若

向夫君比清心尚不如

東谿玩月

月從斷山口遙吐柴門端萬木分空霽流陰中夜

攢光連虛象白氣與風露寒谷靜秋泉響巖深青

靄殘清澄入幽夢破影抱空巒恍惚琴牕裏松谿

曉思難

田家

舊穀行將盡良苗一作田未可希老年方愛粥卒歲

且無衣雀乳青苔井雞鳴白板扉柴車駕羸犂草

屨牧豪猊夕雨紅榴折新秋綠芋肥餉田桑下憩

旁舍草中歸任處名愚谷何煩問是非

沈十四拾遺新竹生讀經處同諸公作

閑居日清靜脩竹自檀欒嫩節留餘籜新叢出舊

欄細枝風響亂疎影月光寒樂府裁龍笛漁家伐

釣竿何如道門裏青翠拂仙壇

詩紀

盛唐卷之十四

圭

雜詩

朝因折楊柳相見洛陽隅楚國無如妾秦家自有

夫對人傳玉腕映燭解羅襦人見東方騎皆言夫

婿殊持謝金吾子煩君提玉壺

哭褚司馬

妄識皆心累浮生定死媒誰言老龍吉未免伯牛

災故有求仙藥仍餘遜俗杯山川秋樹苦牕戶夜

泉哀尚憶青驪去寧知白馬來漢臣修史記莫蔽

褚生才

過沈居士山居哭之

楊朱來此哭桑扈返於真獨自成千古依然舊四鄰  
閑簷喧鳥鵲故榻滿埃塵曙月孤鶯囀空山五柳春  
野花愁對客泉水咽迎人善卷明時隱黔婁  
在日貧逝川嗟爾命丘井歎吾身前後徒言隔相悲  
詎幾晨

哭祖六自虛

否極嘗聞泰嗟君獨不然憫凶纔稚齒羸疾主中  
年餘力文章秀生知禮樂全翰留天帳覽詞入帝

詩紀

盛唐卷之十四

七

宮傳國訝終軍少人知賈誼賢公卿盡虛左朋識  
共推先不恨依窮轍終期濟巨川才雄望羔鴈壽  
促背貂蟬福善聞前錄殲良昧上玄何辜鍛鸞翮  
底事碎龍泉鵬起長沙賦麟終曲阜編域中君道  
廣海內我情偏乍失疑猶見沈思悟絕緣生前不  
忍別死後向誰宣爲此情難盡彌令憶更纏本家  
清渭曲歸葬舊塋邊永去長安道徒聞京兆旌  
車出郊甸鄉國隱雲天定作無期別寧同舊日旋  
候門家屬苦行路國人憐迭客哀難進征途泥復

前贈言爲挽曲莫席是離筵念昔同攜手風期不  
暫捐南山俱隱逸東洛類神仙未省音容間那堪  
生死遷花時金谷飲月夜竹林眠滿地傳都賦傾  
朝看藥船羣公咸屬目微物敢齊肩謬合同人肯  
而將玉樹連不期先掛劍長恐後施鞭爲善吾無  
矣知音子絕焉琴聲縱不沒終亦繼悲絃

詩紀

盛唐卷之十四

十七

盛唐第十四

盛唐第十五

唐詩紀七十五

鄆郡吳中行彙編

東吳俞策同校

王維七

五言絕句

息夫人

本事云寧王曼宅左有賣餅者妻纖白明媚王一日見之愛其厚遺其夫取之寵情逾等歲餘因問曰汝復憶餅師否默然不對王命餅師使見之其妻注視雙淚垂頰若不勝情時王座客十餘人皆當時文士無不懷異王命賦詩維詩先成云云座客無敢繼者王乃歸餅師

詩紀

盛唐卷之十五

一

師妻以終其志

莫以今時寵能忘舊日恩看花滿眼淚不共楚王言

班婕妤三首

玉牕螢影度金殿人聲絕秋夜守羅帷孤燈耿不滅

與

官殿生秋草君王恩幸疎那堪聞鳳吹門外度金輿

與

恠來妝閣閉朝下不相迎總向春園裏花間笑語

聲

輞川集二十首并序

余別業在輞川山谷其遊止有孟城坳華子岡

文杏館斤竹嶺鹿柴木蘭柴茱萸泝宮槐陌臨

湖亭南坨欽湖柳浪樂家瀨金屑泉白石灘北

坨竹里館辛夷塢漆園椒園等與裴迪閑暇各

賦絕句云爾

孟城坳

新家孟城口古木餘衰柳來者復爲誰空悲昔人

詩紀

盛唐卷之十五

二

有

華子岡

飛鳥去不窮連山復秋色上下華子岡惆悵情何

極

文杏館

文杏裁爲梁香茅結爲宇不知棟裏雲去作人間

雨

斤竹嶺

檀欒映空曲青翠漾漣漪暗入商山路樵人不可



知

鹿柴

柴土邁切按韻會云山居以木柵作柴或作柴

空山不見人但聞人語響返景入深林復照青苔上

木蘭柴

秋山歛餘照飛鳥逐前侶彩翠時分明夕嵐無處所

茱萸泚

泚音半切義與泚通

結實紅且綠復如花更開山中儻畱客置此芙蓉

詩紀

盛唐卷之十五

三

杯

宮槐陌

仄逕蔭宮槐幽陰多綠苔應門但迎掃畏有山僧來

臨湖亭

輕舸迎上

一作仙

客悠悠湖上來當軒對樽酒四面

芙蓉開

南垞

輕舟南垞去北垞淼難卽隔浦望人家遙遙不相

識

歌湖

吹簫凌極浦日暮送夫君湖上一迴首青山卷白雲

柳浪

分行接綺樹倒影入清漪不學御溝上春風傷別離

樂家瀨

颯颯秋雨中淺淺石溜瀉跳波自相濺白鷺驚復

詩紀

盛唐卷之十五

四

下

金屑泉

日飲金屑泉少當千餘歲翠鳳翊文螭羽節朝玉帝

白石灘

清淺白石灘綠蒲向堪把家住水東西浣紗明月下

北垞

北垞湖水北雜樹映朱欄逶迤南川水明滅青林

端

竹里館

獨坐幽篁裏彈琴復長嘯深林人不知明月來相照

辛夷塢

木末芙蓉花山中發紅萼澗戶寂無人紛紛開且落

漆園

古人非傲吏自關經世務偶寄一微官婆娑數株

詩紀

盛唐卷之十五

五

樹

椒園

桂尊迎帝子杜若贈佳人椒漿奠瑤席欲下雲中君

皇甫嶽雲谿雜題五首

鳥鳴磧

人閑桂花落夜靜春山空月出驚山鳥時鳴春澗中

蓮花塢

日日采蓮去洲長多暮歸弄篙莫濺水畏濕紅蓮衣

鷓鴣塢

乍向紅蓮沒復出清蒲颺獨立何離徙銜魚古查上

上平田

朝耕上平田暮耕上平田借問問津者寧知沮溺賢

萍池

詩紀

盛唐卷之十五

六

春池深且廣會待輕舟迴靡靡綠萍合垂楊掃復開

荅裴迪輞口遇雨憶終南山之作

淼淼寒流廣蒼蒼秋雨晦君問終南山心知白雲外

山中寄諸弟妹

山中多法侶禪誦自爲羣城郭遙相望唯應見白雲

聞裴秀才迪吟詩因戲贈

猿吟一何苦愁朝復悲夕莫作巫峽聲腸斷秋江客

贈韋穆十八

與君青眼客共有白雲心不向東山去日令春草深

送別

山中相送罷日暮掩柴扉春草明年一作綠王孫

歸不歸

臨高臺送黎拾遺

詩紀

盛唐卷之十五

七

相送臨高臺川原杳何極日暮飛鳥還行人去不息

別輞川別業

依運動車馬惆悵出松蘿忍別青山去其如綠水何

崔九弟欲往南山馬上口號與別

城隅一分手幾日還相見山中有桂花莫待花如霰

題友人雲母障子

君家雲母障時一作向野庭開自有山泉入非因

紅牡丹

綠豔閑且靜紅衣淺復深花心愁欲斷春色豈知

左掖梨花

閑灑堦邊草輕隨箔外風黃鶯弄不足銜入未央宮

菩提寺禁口號又示裴迪

詩紀

盛唐卷之十五

八

安得捨羅網拂衣辭世喧悠然策藜杖歸向桃花源

雜詩

家住孟津河門對孟津口常有江南船寄書家中否

君自故鄉來應知故鄉事來日綺牕前寒梅著花

未

已見寒梅發復聞啼鳥聲心心視春草畏向堦前

生

崔興宗寫真詠

畫君年少時如今君已老今時新識人知君舊時好

山茱萸

朱實山下開清香寒更發幸與叢桂花牕前向秋月

相思

紅豈生南國秋來發故

一作枝願

紀事

君多采擷

一作勸君

此物最相思

紀事云

祿山之亂李龜年

奔於江潭曾於湘中採訪

詩紀

盛唐卷之十五

九

使筵上唱此詞

書事

出天厨

輕陰閣小雨深院書牖開坐看蒼苔色欲上人衣來

哭孟浩然

時為殿中侍御史知南選至襄陽有作

故人不可見漢水日東流借問襄陽老江山空蔡

州

闕題二首

出冷齋夜話

荆谿白石出天寒紅葉稀山路元無雨空翠濕人

衣

相看不忍發慘淡暮潮平語罷更攜手白明洲渚生

六言絕句

田園樂七首

厭見千門萬戶經過北里南鄰官府鳴珂有底崆峒散髮何人

再見封侯萬戶立談賜璧一雙詎勝偶耕南畝何

如高臥東牕

詩紀

盛唐卷之十五

十一

采菱渡頭風急策杖林西日斜杏樹壇邊漁父桃

花源裏人家

萋萋春草秋綠

一作碧

落落長松夏寒牛羊自歸村

巷童稚不識衣冠

山下孤煙遠村天邊獨樹高原一瓢顏回陋巷五

柳先生對門

桃紅復含宿雨柳綠更帶朝煙花落家僮未掃鶯

一作啼山客猶眠

酌酒會臨泉水抱琴好倚長松南園露葵朝折東



谷一作西舍黃梁夜春

七言絕句

少年行四首

新豐美酒斗十千咸陽遊俠多少年相逢意氣爲君飲繫馬高樓垂柳邊

出身仕漢羽林郎初隨驃騎戰漁陽孰知不向邊庭苦

一作死縱死猶聞俠骨香

一身能擘兩雕弧虜騎千重一作群只似無偏坐金鞍調白羽紛紛射殺五單于

詩紀

盛唐卷之十五

士

漢家君臣歡宴終高議雲臺論戰功天子臨軒賜侯印將軍佩出明光宮

贈裴旻將軍

腰間寶劍七星文臂上瑠弓百戰勳見說雲中擒

點虜始知天上有將軍

九月九日憶山東兄弟

時年十七

獨在異鄉爲異客每聞佳節倍思親遙知兄弟登

高處遍插茱萸少一人

送王尊師歸蜀中拜掃

大羅天上神仙客濯錦江頭花柳春不爲碧雞解使者唯令白鶴報鄉人

送元二使安西

渭城朝雨裊輕塵客舍青青柳色新一作楊柳春更盡一杯酒西出陽關無故人

齊州送祖二

送君南浦淚如絲君向東州使我悲爲報顧人顚顚盡如今不似洛陽時

送韋評事

詩紀

盛唐卷之十五

士

欲逐將軍取右賢沙場走馬向居延遙知漢使蕭關外愁見孤城落日邊

靈雲池送從弟

金杯緩酌清歌轉畫舸輕移豔舞迴自歎鵲鴿臨水別不同鴻鴈向池來

送沈子歸江東

楊柳渡頭行客稀罌師盪漿向臨圻唯有相思似春色江南江北送春歸

與盧員外象過崔處士興宗林亭

綠樹重

一作垂

陰蓋四鄰青苔日厚自無塵科頭簪

踞長松

一作林

下白眼看他世上人

寒食汜上作

廣武城邊逢暮春汶陽歸客淚沾巾落花寂寂啼

山鳥楊柳青青渡水人

戲題輞川別業

柳條拂地不須折松樹披雲從更長藤花欲暗藏

孫子柏葉初齊養麝香

戲題盤石

詩紀

盛唐卷之十五

七

可憐盤石臨泉水復有垂楊拂酒杯若道春風不

解意何因吹送落花來

菩提寺禁裴迪來相看說逆賊等疑碧池

上作音樂供奉人等舉聲便一時淚下私

成口號誦示裴迪

紀事云祿山大會疑碧池梨園子弟欲獻泣下樂工雷海青擲樂器西向大慟賊支解於

試馬殿維時拘於菩提寺有詩云云後聞行在賊平皆下獄獨維得免

萬戶傷心生野煙百官

一作流

何日更朝天秋槐葉

落空

一作深

官裏凝碧池頭奏管絃

涼州賽神

涼州城外少人行百尺峯頭望虜塵健兒擊鼓吹

羌笛共賽城東越騎神

劇嘲史憲

清風細雨濕梅花驟馬先過碧玉家正值楚王宮

裏至門前初下七香車

歎白髮

宿昔朱顏成暮齒須臾白髮變垂髫一生幾許傷

心事不向空門何處銷

詩紀

盛唐卷之十五

十四

送殷四葬

送君返葬石樓山松柏蒼蒼賓馭還埋骨白雲長

已矣空餘流水向人間

關題

見董道大畫跋

人家在仙掌雲氣欲生衣

前關

盛唐第十五

盛唐第十六

唐詩紀七十六

鄆郡吳中珩彙編

東吳俞策同校

王縉

本傳云字夏卿河中人與兄維早以文翰著各連應草澤文辭清麗舉累授侍御史祿山亂為太原少尹功効謀畧衆所推先加憲部侍郎歷工部侍郎散騎常侍廣德中拜黃門侍郎同平章事後以元載得罪坐貶括州刺史大曆中除太子賓客留司東都卒

古離別

下階欲離別相對映蘭叢含辭未及吐淚落蘭叢

中高堂靜秋日羅衣飄暮風誰能待明月迴首見

詩紀

盛唐卷之十六

二

牀空

青雀歌

林間青雀兒來往翩翩繞一枝莫言不解銜環報

但問君恩今若爲

送孫秀才

帝城風日好况復建平家玉枕雙紋簾金盤五色

瓜山中無曾酒山下飯胡麻莫厭田家苦歸期遠

復賒

同王昌齡裴迪遊青龍寺曇壁上人兄院

集和兄維

林中空寂舍階下終南山高臥一牀地一作迴看

六合間浮雲幾處滅飛鳥何時還問義天人接無

心世界閑誰知大隱者

一作兄弟自追攀

遊悟真寺

王維集亦載此詩按紀事作縉是必誤入維集今並存之

聞道黃金地仍開白玉田擲山移巨石呪嶺出飛

泉猛虎同三徑愁猿學四禪買香然綠桂乞火踏

紅一作青

蓮草色搖霞上

一作松聲泛月邊

山河窮

百二世界接

一作三千梵宇

聊憑視

一作王城遂

詩紀

盛唐卷之十六

二

渺然灞陵纔出樹渭水欲連天遠縣分朱一作郭

孤村起白煙望雲思聖王披霧憶羣賢薄宦慚尸

素一作祿

終身擬尚玄誰知草菴客曾和柏梁篇

別輞川別業

山月曉仍在林風涼不絕殷勤如有情惆悵令人

別

與盧負外象過崔處士興宗林亭

身名不問十年餘老大誰能更讀書林中獨酌鄰

家酒門外時聞長者車

九日作

莫將邊地比京都八月嚴霜草已枯今日登高樽  
酒裏不知能有菊花無

裴迪

初與王維在興宗俱居終南天寶後爲蜀州刺史

青龍寺曇壁上人院集

靈境信爲絕法堂出塵氛自然成高致向下看浮  
雲迤邐峯岫列參差閣井分林端遠堞見風末疎  
鐘聞吾師久禪寂在世超人羣

青雀歌

詩紀

盛唐卷之十六

三

動息自適性不曾妄與燕雀羣幸忝鸛鷺早相識  
何時提攜致青雲

遊感化寺曇興上人山院

不遠灞陵邊安居向十年入門穿竹徑畱客聽山  
泉鳥嘒深林裏心閑落照前浮名竟何益從此願  
棲禪

夏日過青龍寺謁操禪師

安禪一室內左右竹亭幽有法知不染無言誰敢  
酬鳥飛爭向夕蟬噪已先秋煩暑自茲適清涼何

所求

西塔寺陸羽茶泉

竟陵西塔寺蹤跡尚空虛不獨支公住曾經陸羽  
居草堂荒產蛤茶井冷生魚一汲清泠水一作高  
風味有餘

春日與王右丞過新昌里訪呂逸人不遇

恨不逢君出荷簑青松白屋更無他陶令五男曾  
不有蔣生三逕枉相過芙蓉曲沼春流滿薜荔成  
帷晚靄多聞說桃源好迷客不如高臥眄庭柯

詩紀

盛唐卷之十六

四

輞川集二十首

孟城坳

結廬古城下時登古城上古城非疇昔今人自來  
往

華子岡

落日松風起還家草露晞雲光侵履跡山翠拂人  
衣

文杏館

迢迢文杏館躋攀日已屢南嶺與北湖前看復迴



顧

斤竹嶺

明流紆且直綠篠密復深一逕通山路行歌望舊岑

鹿柴

日夕見寒山便爲獨往客不知深林事但有麝麋跡

木蘭柴

蒼蒼落日時鳥聲亂谿水綠谿路轉深幽興何時

詩總

盛唐卷之十六

五

已

茱萸泚

飄香亂椒桂布葉間檀欒雲日雖迴照森沈猶自寒

宮槐陌

門前宮槐陌是向欽湖道秋來山雨多落葉無人掃

臨湖亭

當軒彌澁漾孤月正徘徊谷雨猿聲發風傳入戶

來

南垞

孤舟信一泊南垞湖水岸落日下崦嵫清波殊淼漫

欽湖

空闊湖水廣青熒天色同艤舟一長嘯四面來清風

柳浪

映池同一色逐吹散如絲結陰旣得地何謝陶家

詩紀

盛唐卷之十六

六

時

樂家瀨

瀨聲喧極浦沿涉向南津汎汎鷗鳬渡時時欲近人

金屑泉

縈渟澹不流金碧如可拾迎晨含素華獨往事朝汲

白石灘

跂石復臨水弄波情未極日下川上寒浮雲澹無

色一作凝碧

北垞

南山北垞下結宇臨歆湖每欲采樵去扁舟出菰蒲

竹里館

來過竹里館日與道相親出入唯山鳥幽深無世人

辛夷塢

綠堤春草合王孫自留翫況有辛夷花色與芙蓉

詩紀盛唐卷之十六

七

亂

漆園

好閑早成性果此諧宿諾今日漆園遊還同莊叟樂

椒園

丹刺罥人衣芳香留過客幸堪調鼎用願君垂采摘

輞口遇雨憶終南山因獻王維

積雨晦空曲平沙滅浮彩輞水去悠悠南山復何

在

崔九欲往南山馬上口號與別

歸山深淺去須盡丘壑美莫學武陵人暫遊桃源裏

過崔處士林亭

喬柯門裏自成陰散髮窓中曾不簪逍遙且喜從吾事榮寵從來非我心

崔興宗

與上維張迪俱居終南後爲右補闕

同王右丞送瑗公南歸

詩紀

盛唐卷之十六

八

行苦神亦秀冷然谿上松銅瓶與竹杖來自祝融峯常願入靈嶽藏經訪遺蹤南歸見長老且爲說心胷

青雀歌

青尾繞青林翩翩陋體一微禽不應長在藩籬下他日凌雲誰見心

和王維勅賜百官櫻桃

未央朝謁正逶迤天上櫻桃錫此時朱實初傳九華殿繁花舊雜萬年枝未勝晏子江南橘莫比潘

家大谷梨聞道令人好顏色神農本草自應知

留別王維

駐馬欲分襟清寒御溝上前山景氣佳獨往還惆悵

酬王維盧象見過林亭

窮巷空林常閉關悠然獨臥對前山今朝忽枉裕生駕倒屣開門遙解顏

苑咸

紀事云咸都人開元末上書拜司經校書中書舍人時推咸文誥之最終永陽太守始咸舉進士在京死三月復蘇云至陰司見劉敬則為冥官問其故曰追滅乃誤召公速

詩經

盛唐卷之十六

九

遺押還咸曰數上京不捷家遠一試闕籍若有科舉官職即願生還劉謂君來春登第主中書舍人

送大理正攝御史判涼州別駕

天子念西

一作邊

疆咨君去不遑垂銀棘庭印持斧

柏臺網雪下天山白泉枯塞草黃佇聞河隴外還

繼海沂康

酬王維

并序

王貞外兄以予嘗學天竺書有戲題見贈然王兄當代詩匠又精禪理枉采知音形於雅作輒

走筆以酬焉且久未遷因而嘲及

蓮花梵宇本從天華省仙郎早悟禪三點成伊猶有想一觀如幻自忘筌為文已變當時體入用還推間氣賢應同羅漢無名欲故作馮唐老歲年

慕容承

攜素饌過王維

見王維集

行行西陌返駐轡問車公挾轂雙官騎應門五尺僅老年如塞北強起離牆東為報壺丘子來人道姓蒙

詩經

盛唐卷之十六

十

丘為

嘉興人舉孝常有靈芝生堂下累官太子右庶子時年八十餘而無恙給祿之半及居憂觀察使韓滉以政仕官給祿所以惠養老臣不可在喪為異唯能春秋里胥立庭下既出乃敢坐經縣署降馬而趨

辛年九十  
六見唐志

尋西山隱者不遇

絕頂一茅茨直下三十里扣關無僮僕窺室唯案几若非巾柴車應是釣秋水差池不相見龜兔空仰止草色新雨中松聲晚牕裏及茲契幽絕自足蕩心耳雖無賓主意頗得清淨理興盡方下山何

必待之子

題農夫廬舍

東風何時

一作處

至已綠湖上山湖上春既早田家

日不開溝塍

一作壑

流水處耒耜平蕪間薄暮飯牛

罷歸來還閉關

泛若耶谿

結廬若耶裏左右若耶水無日不釣魚有時向城

市谿中水流急渡口水流寬每得樵風便往來殊

不難一川草長綠四時那得辨短褐衣妻兒餘糧

詩紀

盛唐卷之十六

十一

及雞犬日暮鳥雀稀稚子呼牛歸住處無鄰里柴

門獨掩扉

湖中寄王侍御

日日湖水上好登湖上樓終年不向郭過午始梳

頭嘗自愛杯酒得無相獻酬小僮能膾鯉少安事

蓮舟每有南浦信仍期後月遊方春轉搖蕩孤興

一作時

淹留驄馬真傲吏翛然無所求晨趨

玉階下心許滄江流少別如昨日何言經數秋應

知方外事獨往非悠悠

尋廬山崔徵君

日高雞犬靜門掩向寒塘夜竹深茅宇秋亭冷石

牀住山年已遠服藥壽偏長虛棄浮生者相逢益

自傷

別留王維

歸鞍白雲外繚繞出前山今日又明日自知心不

閑親勞簪組送欲赴鶯花還一步一回首遲遲向

近關

竹下殘雪

詩紀

盛唐卷之十六

十二

一點消未盡孤月在竹陰晴光夜轉瑩寒氣曉仍

深還對讀書牖且關乘興心已能依此地終不傍

瑤琴

登潤州城

天末江城晚登臨客望迷春潮平島嶼殘雨隔虹

蜺鳥與孤帆遠煙和獨樹低鄉山何處是目斷廣

陵西

送閻校書之越

南入剡中路草雲應轉微湖邊好花照山口細泉



飛此地饒古跡世人多忘歸經年松雪在永日世情稀芸閣應相望芳時不可違

省試夏日可畏

一作張

赫赫溫風扇炎炎夏日徂火威馳迴野畏景爍遙途勢矯翔陽翰功分造化鑪禁城千品燭黃道一輪孤落照頻空簾餘暉卷夕梧如何倦遊子中路獨踟躕

左掖梨花

冷艷全欺雪餘香乍入衣春風且莫定吹向玉階

詩紀

盛唐卷之十六

七

飛

盛唐第十七

唐詩紀七十七

鄆郡吳中珩彙編

東吳俞策同校

孟浩然

文藝傳云字浩然襄陽人隱鹿門山門

九齡爲荊州刺史浩然置於府開元末病疽背卒王維過荊州畫浩然像於刺史亭因曰浩然亭鄭誠更署曰孟亭○王士源序畧曰浩然骨貌清淑風神散朗學不爲儒務掇菁藻文不按古匠心獨妙五言詩天下稱其獨步又曰文不爲仕佇興而作故遲行不爲飾動求真適故誕遊不爲期以放情故貧○殷璠云余嘗謂彌衡不遇趙乙無祿其過在人及觀襄陽孟浩然磬折謙退才名日高天下籍甚竟淪落明代終於布衣悲夫浩然詩文彩

詩紀

盛唐卷之十七

丁

羊茸經緯綿密半遵雅調全用凡體

五言古詩

從張丞相遊南紀城獵戲贈裴迪張參軍

從禽非吾樂不好雲夢田歲暮登城望偏令鄉思

懸公卿有幾幾

一作車一作騎何翩翩世祿金張

貴官曹幕府賢順時行殺氣飛刃爭割鮮十里屈

賓館徵聲匝妓筵高標迴落日平楚散

一作芳煙

何意狂歌客從公亦在旃

登江中孤嶼贈白雲先生王迥

悠悠清江水水落沙嶼出迴潭石下深綠篠岸傍  
密鮫人潛不見漁父歌自逸憶與君別時泛舟如  
昨日夕陽開返照中坐興非一南望鹿門山歸來  
恨如一作相失

晚春卧病寄張八

南陌春將晚北牕猶卧病林園久不遊草木一何  
盛狹逕花障迷閑庭竹掃淨翠羽戲蘭若頰鱗動  
荷柄念我平生好江鄉遠從政雲山阻夢思衾枕  
勞歌詠歌詠復何爲同心恨別離世途皆自媚流  
詩紀

盛唐卷之七

二

秋登蘭山寄張五

北山白雲裏隱者自怡悅相望試登高心飛逐鳥  
滅一作心隨愁因薄暮起興是清境一作發時見  
歸村人沙行一作渡頭歇天邊樹若薺江畔舟一作  
如月何當載酒來共醉重陽節

入峽寄弟

吾昔與爾輩讀書常閉門未嘗冒湍險豈顧垂堂  
言自此歷江湖辛勤難具論往來行旅弊開鑿萬  
功存壁立一作直千巖一作峯峻激流萬壑奔我來凡  
幾宿無夕不聞猿浦上搖一作思歸戀舟中失夢寬  
淚沾明月峽心斷鵲鴿原離閣星難聚秋深露已  
繁因君下南楚書此示一作寄鄉園

湖中旅泊寄閻九司戶防

桂水通百越扁舟期曉發荆雲蔽三巴夕望不見  
家襄王夢行雨才子謫長沙長沙饒瘴癘胡爲苦  
詩紀

盛唐卷之十七

三

大堤行寄萬七

大堤行樂處車馬相馳突歲歲春草生踏青二三  
月王孫挾珠彈遊女矜羅襪攜手今莫同江花爲  
誰發

仲夏歸漢南園寄京邑耆舊

嘗讀高士傳最嘉陶徵君日耽田園趣自謂羲皇  
人予復何爲者栖栖徒問津中年廢丘壑上國旅

風塵忠欲事明主孝思侍老親歸來當炎夏耕稼  
不及春扇枕北窓下采芝南澗濱因聲謝同一作朝  
列吾慕賴陽真

題雲門山寄越府包戶曹徐起居

我行適諸越夢寐懷所歡久負獨往願今來恣遊  
盤台嶺踐磴石耶谿泝林湍捨舟入香界登閣憩  
旃檀晴山秦望近春水鏡湖寬遠懷佇應接卑位  
徒勞安白雲日夕滯滄海去來觀故國眇天末良  
朋在朝端遲爾同攜手何時方挂冠

詩紀

盛唐卷之十七

四

宿楊子津寄潤州長山劉隱士

所思在建業一作夢寐欲往大江深日夕望京口煙波  
愁我心心馳茅山洞目極楓樹林不見少微星一作  
隱風霜徒一作勞夜吟

書懷貽京邑同好

維先自鄒魯家世重儒風詩禮襲遺訓趨庭霑末  
躬晝夜常自強詞翰頗亦工三十既成立嗟吁命  
不通慈親向羸老喜懼在深衷甘脆朝不足簞瓢  
夕屢空執鞭慕夫子捧檄懷毛公感激遂彈冠安

能守固窮當途訴知己投刺匪求家秦楚邈離異  
翻飛何日同

還山貽湛法師

幻聞無生理常欲觀此身心跡罕兼遂嶇崎多在  
塵晚途歸舊壑偶與支公鄰導以微妙法結爲清  
淨因近本無以上二句下有喜得林下契共推  
席上珍念茲汎苦海方便示迷津四句煩  
惱業頓捨山林情轉殷朝來問疑義夕話得清真  
墨妙稱古絕詞華驚世人禪房閑虛靜花藥連冬  
春平石藉琴硯落泉灑衣巾欲知冥滅意朝夕海

詩紀

盛唐卷之十七

五

鷗馴

夏日南亭懷辛大

山光忽西洛池月漸東上散髮乘夕涼開軒卧閑  
敞荷風送香氣竹露滴清響欲取鳴琴彈恨無知  
音賞感此懷故人中宵勞夢想

秋宵月下懷

秋空明月懸光彩露霑濕驚鵲棲未定飛螢捲簾  
入庭槐寒影疎鄰杵夜聲急佳期曠何許望望空  
佇立

將適天台留別臨安李主簿

枳棘君尚棲匏瓜吾豈繫念離當夏首漂泊指炎

喬江海非墮一作遊田園失歸計定山旣早發漁

浦亦宵濟泛泛隨波瀾行行任艫柁故林日已遠

羣木坐成裔羽人在丹丘吾亦從此逝

送丁大鳳進士赴舉呈張九齡

吾觀鷺鷥賦君負王佐才惜無金張援十上空歸

來棄置鄉園老翻飛羽翼摧故人今在位岐路莫

遲迴

詩紀

盛唐卷之十七

六

送吳悅遊韶陽

五色憐鳳雛南飛適鷓鴣楚人不相識何處求椅

梧去去日千里茫茫天一隅安能與斥鷃決起但

槍榆

適越留別譙縣張主簿申屠少府

朝乘汴河流一作夕次譙縣界幸值一作西風吹

得與故人會君學梅福隱余從伯鸞邁別後能相

思浮雲在吳會

送陳七赴西軍

吾觀非常者碌碌在目前君負鴻鵠志蹉跎書劍

凱還

送從弟邕下第後尋會稽

疾風吹征帆倏爾向空沒千里在一作俄頃三江

坐超忽向來共歡娛日夕成楚越落羽更分飛誰

能不驚骨

送辛大之鄂渚不及

送君不相見日暮獨愁緒江上空一作徘徊天邊

詩紀

盛唐卷之十七

七

迷處所郡邑經樊鄧山河一作入嵩汝蒲輪去漸

遙石徑徒延佇

江上別流人

以我越鄉客一作逢君謫居者分飛黃鶴樓流落

蒼梧野驛使乘雲去征帆沿溜下不知從此

分還袂何時把

宴包二融宅

閑居枕清洛左右接大野門庭無雜賓車轍多長

者是時一作方盛夏風物自瀟灑五日休沐歸相

摘竹林下開襟成歡趣對酌不能罷煙暝栖鳥迷

一作余將亦一作歸白社

### 與王昌齡宴王道士房

歸來卧青山常夢遊清都漆園有傲吏惠好在招呼書幌神仙錄畫屏山海圖酌霞復對此宛似入蓬壺

### 襄陽公宅飲

窈窕夕陽一作陰佳萋萋春色好欲覓淹留處無過

狹斜道綺席卷龍鬚香杯浮碼碯北林積脩樹南

詩紀盛唐卷之十七

池生別島手撥金翠花心迷玉紅一作芝草談天光

六義發論明三倒座非陳子驚門還魏公掃榮辱

一作應無間歡娛當共保

### 尋香山湛上人

朝遊訪名山山遠在一作若空翠氛氲亘百里日入

行始至杖策尋故人解鞍暫停騎石門殊豁險篁

逕轉深一作森邃法侶欣相逢清談曉不寐平生慕

真隱累日求一作深奇一作靈異野老朝入田一作雲

山僧暮歸寺松泉多逸一作清響台壁饒古意谷口

聞鐘聲林端識香氣近本以上二句願言投此山

身世永一作兩相棄

### 雲門寺西六七里聞符公蘭若最幽與薛

### 八同往

謂予獨迷方逢子亦在野結交指松柏問法尋蘭

若小谿劣容舟怪石屢驚馬所居最幽絕所任皆

靜者雲簇興座隅天空落階下以上二句一作密

舍上人亦何聞一作閑塵念俱已捨四禪合真如一

切是虛假願承甘露潤喜得惠風灑依止此一作託

詩紀盛唐卷之十七

山門誰能效丘也

### 宿天台桐柏觀

海行信風帆夕宿逗雲島緬尋滄洲趣近愛赤城

好捫蘿亦踐苔輟棹恣探一作窮討息陰憩桐柏采

秀弄芝草鶴唳清露垂雞鳴信潮早願言解纓紱

一作絡從此無一作去煩惱高步凌四明玄蹤得三老

紛吾遠遊意學一作樂彼長生道日夕望三山雲濤

空浩浩

### 峴潭一作作



石潭傍隈隩沙岸一作曉寅緣試垂竹竿釣果得

槎頭編美人騁金錯纖手膾紅鮮因謝陸內史尊

羹何足傳

### 題終南翠微寺空上人房

翠微終南裏雨後宜返照閉關久沈冥杖策一登

眺遂造幽人室始知靜者妙儒道雖異門雲林頗

同調兩心相喜得畢景共談笑暝還高牕眠一作

時見遠山燒緬懷赤城標更憶臨海嶠風泉有清

音何必蘇門嘯

詩紀

盛唐卷之十七

十一

### 初春漢中漾舟

羊公峴山下

宋板作漾舟逗何處

神女漢臯曲雪罷水復開

春潭千丈綠輕舟恣來往探翫無厭足

宋板無以上二句

波影搖妓釵沙光逐人目傾杯魚鳥醉聯句鶯花

續良會難再逢日入須秉燭

宋板無以上二句

### 宿業師山房待丁公不至

夕陽度西嶺羣壑倏已暝松月生夜涼風泉滿清

聽樵人歸欲盡煙鳥栖初定之子期宿來孤琴候

蘿逕

### 耶谿泛舟

落景餘清輝輕橈

一作棹

弄谿渚澄明愛水物臨泛

何容與白首垂釣翁新妝浣紗女相看一作似相

識脉脉不得語

### 彭蠡湖中望廬山

太虛生月暈舟子知天風挂席候明發眇漫平湖

中中流見匡阜勢壓九江雄黥黥容霽色崢嶸當

曉空香爐

一作爐峯

初上日瀑布

一作水

噴成虹久欲追

尚子况茲懷遠公我來限于役未暇息微躬淮海

詩紀

盛唐卷之十七

十二

途將半星霜歲欲窮寄言巖栖者畢趣當來同

### 登鹿門山

清曉因興來乘流越江峴沙禽近方

一作初識浦又作相識浦

樹遙

一作遠

莫辨漸至鹿門山山明翠微淺巖潭多

屈曲舟楫屢迴轉昔聞龐德公采藥遂不返金澗

餌

一作養

芝朮石牀卧苔蘚紛吾感耆舊結纜事攀

踐隱迹今尚存高風邈已遠白雲何時去丹桂空

偃蹇探討意未窮迴艇

一作舫

夕陽晚

### 遊明禪師西山蘭若

西山多奇狀秀出倚前楹停午收彩翠夕陽照分明  
吾師住其下禪坐證無生結廬就嵌窟剪茗一作  
竹通往一作徑行談空對樵叟授法與山精日暮方  
辭去田園歸冶城

登望楚山最高頂

山水觀形勝襄陽美會稽最高唯望楚曾未一攀  
躋石壁疑削成衆山比全低晴明試登陟目極無  
端倪雲夢掌中小武陵花處迷暝還歸騎下蘿月  
映一作深谿

詩紀

盛唐卷之十七

十三

疾愈過龍泉寺精舍呈易業二公

停午聞山鐘起行散愁疾尋林采芝去谷轉松翠  
密傷見精舍開長廊飯僧畢石渠流雪水金  
蘿子耀霜橘竹房思舊遊過憩終永日入洞窺石髓  
傍崖采蜂蜜日暮辭遠公虎谿相送出

萬山潭作

垂釣坐盤石水清心亦閑魚行潭樹下猿挂一作  
島藤一作間游女昔解佩傳聞於此山求之不可  
得沿月棹歌還

與黃侍御北津泛舟

津無蛟龍患日夕常安流本欲避驄馬何如同鷁  
舟豈伊今日幸曾是昔年遊莫奏琴中鶴且隨波  
上鷗隄緣九里郭山面百城樓自顧躬耕者才非  
管樂儔聞君薦草澤從此泛滄洲

洗然弟竹亭

吾與二三子平生結交深俱懷鴻鵠志昔有鵲鵲  
心逸氣假毫翰清風在竹林遠是酒中趣琴上偶  
然音

詩紀

盛唐卷之十七

十三

山中逢道士雲公

春餘草木繁耕種滿田園酌酒聊自勸農夫安與  
言忽聞荆山子時出桃花源采樵過北谷賣藥來  
西村村煙日云夕榛路有歸客杖策前相逢依然  
是疇昔邂逅歡覲止殷勤叙離隔謂予搏扶桑輕  
舉振六翮奈何偶昌運獨見遺草澤既笑接輿狂  
仍憐孔丘厄物情趨勢利吾道貴閑寂偃息西山  
下門庭罕人迹何時還清谿從爾鍊丹液

越中逢天台太乙子

仙穴逢羽人停鱸向前拜問余涉風水何處遠行

邁登陸尋天台順流下吳會茲山夙所尚安得問

靈怪上逼青天高俯臨滄海大雞鳴見日出

常覲仙人旆近本皆作每與仙人會往來赤城中逍遙白雲

外莓苔異人間瀑布當空界福庭長自然一作華

頂舊稱最永此一作從之此遊何當濟所屆

### 家園卧疾畢太祝曜見尋

伏枕舊遊曠笙簧一作勞夢思平生重交結迫此

令人疑冰室無煖氣炎一作雲空赫曦隙駒不暫

詩紀盛唐卷之十七十四

駐日聽涼蟬悲壯圖哀未立斑白恨吾衰夫子自

南楚緬懷嵩汝期顧予衡茅下兼致稟物資脫分

趨庭禮殷勤伐木詩脫君車前鞅設我園中葵斗

酒須寒興明朝難重持近本無以

### 白雲先生王迴見訪

閑歸日無事雲卧晝不起有客款柴扉自云巢居

子居閑好芝朮采藥來城市家在鹿門山常遊澗

澤水手持白羽扇脚步青芒履聞道鶴書徵臨流

還洗耳

### 田園作

弊廬隔塵喧惟先尚一作恬素卜鄰近三徑植果

盈千樹粵余任推遷三十猶未遇書劒時將晚丘

園日已一作空暮晨興自多懷晝坐常寡悟沖天美

鴻鵠爭食嗟一作差鷄鶩望斷金馬門勞歌采樵路

鄉曲無知已朝端乏親故誰能為楊雄一薦甘泉

賦

### 采樵作

采樵入深山山深樹重疊橋崩卧槎擁路險垂藤

詩紀盛唐卷之十七十五

接日落伴將稀山風拂蘿衣長歌負輕策平望野

煙歸

### 自潯陽泛舟經明海

大江分九流一作淼淼成水鄉舟子乘利涉

往來至一作過潯陽因之泛五湖流浪經三湘觀濤

壯枚發弔屈痛沈湘魏闕心恒在金門詔不忘遙

憐上林鴈水泮也一作已回翔

### 早發漁浦潭

東旭早光芒渚禽已驚聒卧聞漁浦口橈聲暗相

撥日出氣象分始知江湖闊美人常晏起照影弄  
流沫飲水畏驚猿祭魚時見獺舟行自無悶況值  
晴景豁

經七里灘

予奉垂堂誠千金非所輕爲多山水樂頻作泛舟  
行五嶽追向子三湘弔屈平湖經洞庭闊江入新  
安清復聞嚴陵瀨乃在茲湍一作路疊嶂數百里  
沿洄非一趣彩翠相氛氲別流亂奔注釣磯平可  
坐苔磴滑難步後飲石下潭鳥還日邊樹觀奇恨

詩紀

盛唐卷之十七

十六

來晚倚棹惜將暮揮手弄潺湲從茲洗塵慮

歲暮海上作

仲尼既云一作歿余亦浮于海昏見斗柄迴方知

歲星改虛舟任所適垂釣非有待爲問乘槎人滄

洲一作浪復誰一作何在

南歸阻雪

我行滯宛許日夕望京豫曠野莽茫茫鄉山在何  
處孤煙村際起歸鴈天邊去積雪覆平臯饑鷹捉  
寒兔少年弄文墨屬意在章句十上恥還家徘徊

守歸路

聽鄭五惜彈琴

阮籍推名飲清風滿竹林半酣下衫袖拂拭龍唇  
琴一杯彈一曲不覺夕陽沈予一作餘意在山水聞  
之諧夙心

同張明府清鏡歎

妾有盤龍鏡清光常晝發自從生塵埃有若霧中  
月愁來試取照坐歎生白髮寄語邊塞人如何久  
離別

詩紀

盛唐卷之十七

十七

庭橘

明發覽羣物萬木何陰森凝霜漸水庭橘似懸  
金女伴爭攀摘窺礙葉深並生憐共蒂相示感  
同心骨刺紅羅被香粘翠羽簪攀來玉盤裏全勝  
在幽林

早梅

園中有早梅年例犯寒開少婦曾一作爭攀折將歸  
挿鏡臺猶言看不足更欲剪刀裁

七言古詩

和盧明府送鄭十三還京兼寄之什

昔時風景登臨地今日衣冠送別筵  
醉坐自傾彭澤酒思歸長望白雲天  
洞庭一葉驚秋早瀟落空嗟滯江島  
寄語朝廷當世人何時重見長安道

高陽池送朱二

當昔襄陽雄盛時山公常醉習家池  
池邊釣女日

一作相隨妝成照影競來窺澄波澹澹芙蓉發綠

岸毵毵楊柳垂一朝物變人亦非  
四面荒涼人徑

一作稀意氣豪華何處在空餘草露濕羅衣此地

詩紀

盛唐卷之十七

大

朝來餞行者翻向此中牧征馬征馬分飛日漸斜  
見此空爲人所嗟殷勤爲訪桃源路予亦歸來松  
子家

鸚鵡洲送王九之江左

昔登江上黃鶴樓遙愛江中鸚鵡洲  
洲勢逶迤還

一作碧流鴛鴦灘鵝滿灘頭灘一作沙頭日落

沙磧長金沙熠燿一作燿燿動颼光舟人牽錦纜浣女

結羅裳月明全見蘆花白風起遙聞杜若香君行

采采莫相忘

送王七尉松滋得陽臺雲

君不見巫山神女作行雲霏紅沓翠曉氛氤裊娟  
流入楚王夢倏忽還隨零雨分空中飛去復飛來  
朝朝暮暮下陽臺愁君此去爲仙尉便逐行雲去  
不迴

夜歸鹿門歌

山寺鳴鐘晝已昏漁陽渡頭爭渡喧人隨沙路向

江村余亦乘舟歸鹿門鹿門月照開煙樹忽到龐

公棲隱處巖扉松徑一作樵長寂寥惟有幽人夜

詩紀

盛唐卷之十七

十九

來去

長樂宮

秦城舊來稱窈窕漢家更衣應不少紅粉邀君在  
何處青樓苦夜長難曉長樂宮中鐘暗來可憐歌  
舞慣相催歡娛此事今寂寞惟有年年陵樹哀

盛唐第十七



盛唐第十八

唐詩紀七十八

鄆郡吳中珩彙編

東吳俞策同校

孟浩然

五言律詩

和張丞相春朝對雪

迎氣當春至承恩喜雪來潤從河漢下花逼豔陽

開不覩豐年瑞焉一作安知燮理才撒鹽如可擬願

糝和羹梅

詩紀

盛唐卷之十八

和張明府登鹿門作

忽示登高作能寬旅寓情絃歌既多暇山水思微

清一作草得風光一作先動虹因雨氣一作後成謬承

巴俚和非敢應同聲

和張二自穰縣還途中遇雪

風吹沙海雪漸一作來作柳園春宛轉隨香騎輕盈

伴玉人歌疑郢中客態比洛川神今日南歸楚雙

飛似入秦

和賈王簿并九日登峴山

楚萬重陽日羣公賞讌來共乘休沐暇同醉菊花

杯逸思高秋發歡情落景催國人咸寡和遙愧洛

陽才

望洞庭湖贈張丞相一作臨洞庭

八月湖水平涵虛混太清氣蒸雲夢澤波撼一作動

岳陽城欲濟無舟楫端居恥聖明坐觀垂釣者空

一作徒有美魚情

贈道士參寥

蜀琴久不弄玉匣細塵生絃脆絃將斷金徽色尚

詩紀

盛唐卷之十八

榮知音徒自惜聾俗本相輕不遇鍾期聽誰知鸞

鳳聲

京還贈張維

拂衣何處去高枕南山南欲徇五斗祿其如七不

堪早朝非晚一作晏起束帶異抽簪因向智者說遊

魚思舊潭

題李十四莊兼贈綦母校書

聞君息陰地東郭柳林間左右瀍澗水門庭綏氏

山抱琴來取醉垂釣坐乘閑歸客莫相待尋一作緣

源殊未還

九日龍沙作寄劉大春虛

龍沙豫章北九日挂帆過風俗因時見湖山發興  
多客中誰送酒棹裏自成歌歌竟乘流去滔滔任  
夕波

寄趙正字

正字芸香閣幽人竹素園經過宛如昨歸卧寂無  
喧高鳥能擇木羝羊漫觸藩物情今已見從此願  
忘言

詩紀

盛唐卷之十八

三

洞庭湖寄閻九

洞庭秋正闊余欲泛歸船莫辨荆吳地唯餘水共  
天渺瀰江樹沒合沓海潮一作湖連遲爾爲舟楫相  
將濟巨川

秦中感秋寄遠上人

一丘常欲卧三徑苦無資北土一作上非吾願東林  
懷我師黃金然桂盡壯志逐年衰日夕涼風至聞  
蟬但益悲

宿永嘉江寄山陰崔少府國輔

我行窮水國君使入京華相去日千里孤帆天一  
涯卧聞海潮至起視江月斜借問同舟客何時到  
永嘉

上巳洛中寄王九迥

上洛成周地浮杯上巳筵關雞寒食下走馬射堂  
前垂柳金堤合平沙翠幙連不知王逸少何處會  
羣賢

聞裴侍御拙自襄州司戶除豫州司戶因  
以投寄

詩紀

盛唐卷之十八

四

故人荆府掾尚有柏臺威移職自樊衍一作芳聲  
聞帝畿昔余卧林巷載酒過柴扉松菊無時賞鄉  
園欲懶歸

江上寄山陰崔少府國輔

春堤楊柳發憶與故人期草木本無意榮枯自有  
時山陰定遠近江上日相思不及蘭亭會空吟被  
襖詩

夜泊廬江聞故人在東寺以詩寄之

江路經廬阜松門入虎谿聞君尋寂樂清夜宿招

提石鏡山精怯禪枝一作怖鳥棲一燈如悟道爲  
照客心迷

宿桐廬江寄廣陵舊遊

山暝聞一作聽猿愁滄江急夜流風鳴兩岸葉月照

一孤舟建德非吾土維揚憶舊遊還將兩一作數行

淚遙寄海西頭

南還舟中寄袁太祝

沿沂非便習風波厭苦辛忽聞遷谷鳥來報五陵

春嶺北迴征帆已東問故人桃花一作花源何處是遊

詩紀

盛唐卷之十八

五

子正迷津

東陂遇雨率爾貽謝南池

田家春事起丁壯就東陂殷殷雷聲作森森雨足

垂海虹晴始見河柳潤初移予意在耕鑿因君問

土宜

一作問田事

行至汝墳寄盧徵君

行乏憩予駕依然見汝墳洛川方罷雪嵩嶂有殘

雲曳曳半空裏明明一作容五色分聊題一時興因

寄盧徵君

寄天台道士

海上求仙客三山望幾時焚香宿華頂裊露采靈芝  
屢躡莓苔滑將尋汗漫期倘因松子去長與世人辭

唐城館中早發寄楊使君

犯霜驅曉駕數里見唐城旅館歸心逼荒村客思  
盈訪人留後信策蹇赴前程欲識離魂斷長空聽鴈聲

澗南卽事貽皎上人

詩紀

盛唐卷之十八

六

弊廬在郭外素產惟田園左右林野曠不開朝一作

城市喧釣竿垂北澗樵唱入南軒書取幽棲事將

尋靜者論一作言

酬李少府見贈

養疾衡簷一作茅下由來浩氣真五行將禁火十步

任一作想尋春致敬惟桑梓邀歡卽主一作故人迴看

後彫色青翠有松筠

九日懷襄陽

去國似一作已如昨倏然一作馬經杪秋峴山不可一作

不見風景令人愁誰采籬下菊應開池上樓宜城  
多美酒歸與葛疆遊

初出關旅亭夜坐懷王大校書

向夕槐煙起葱龍池館曛客中無偶坐關外惜離  
羣燭至螢光滅荷枯雨滴聞永懷芸閣友寂寞滯  
楊雲

人日登南陽驛門亭子懷漢川諸友

朝來登陟處不似豔陽時異縣殊風物羈懷多所  
思剪花驚歲早看柳訝春遲未有南飛鴈裁書欲

詩絕

盛唐卷之十八

士

寄誰

早寒江上有懷

木落鴈南

一作初

度北風江上寒我家襄

一作又作江

水

一作曲

遙隔楚雲

一作山

端鄉淚客中盡孤

一作歸

帆

天際

一作外

看迷津欲有問平海夕漫漫

閑園懷蘇子

林園雖少事幽獨自多違向夕開簾坐庭陰落景

微鳥過

一作從

煙樹宿螢傍水軒飛感念同懷子京

華去不歸

同盧明府餞張郎中除義王府司馬  
上國星一作山河列一作裂賢王甲一作郎第開故人分

職去潘令寵行來冠蓋趨梁苑江山一作相失楚材

豫愁軒騎動賓客散池臺

送張子容進士舉

夕曛山照滅送客出柴門惆悵野中別殷勤岐路

一作醉後

言茂林予偃息喬木爾飛翻無使谷風誚須

今友道存

送張參明經舉兼向涇州觀省

詩絕

盛唐卷之十八

八

十五綵衣年承歡慈母前孝廉因歲貢懷橘向秦

川四座推文舉中郎許仲宣泛舟江上別誰不仰

神仙

送張祥之房陵

我家南渡頭慣習野人舟日夕弄清淺林湍逆上

流山河

一作鄂陵

據形勝天地生豪酋君意在利往

一作步

知音期自投

送吳宣從事

才有幕中士

一作畫

寧

一作而

無塞上勳漢兵將滅虜

王粲始從軍旌旆邊庭去山川地脉分平生一七  
首感激贈夫君

送桓子之郢成禮

聞君馳綵騎躡蹠指南荆一作荆衡爲結潘楊好言過

鄢郢城標梅詩有贈羔鴈禮將行今夜神仙女應  
來感夢情

留別王侍御維

寂寂竟何待朝朝空自歸欲尋芳草去惜與故人

違當路誰相假知音世所稀祗應守索一作寂寞還

詩紀

盛唐卷之十八

九

掩故園扉

早春潤州送從弟還鄉

兄弟遊吳國庭闈戀楚關已多新歲感一作改更餞

白眉還歸泛西江水離筵北固山鄉園欲有贈梅

柳着先攀

峴亭贈房瑄崔宗之

貴賤平生隔軒車是日來青陽一觀止雲路一作霧

豁然開祖道衣冠列分亭驛騎催万期九日聚還

待二星迴

送謝錄事之越

清旦江天迴涼風西北吹白雲向吳會征帆亦相

隨想到耶谿日應探禹穴奇仙書倘相示予在此

一作北山陲

洛中送奚三還揚州

水國無邊際舟行共使風羨君從此去朝夕見鄉

中予亦離家久南行恨不同音書若有問江上會

相逢

送告八從軍

詩紀

盛唐卷之十八

十

男兒一片氣何必五車書好勇方過我多才便起

予運籌將入幕養拙就閑居正待功名遂從君繼

兩踈

送元公之鄂渚尋觀王張驂鸞

桃花春水漲之子忽乘流峴下離一作首辭蛟浦江中

一作邊問鶴樓贈君青竹杖送爾白蘋洲應是神仙

一作子相逢一作期汗漫遊

送王五昆季省覲

公子戀庭闈勞歌涉海涯一作沂水乘舟楫去親望



老萊歸斜日催鳥鳥清江照綵衣平生急難意適  
仰鵲鵲飛

送崔遏

片玉來誇楚治中作主人江山增潤色詞賦動陽  
春別館當虛敞離情任吐伸因聲兩京舊誰念卧  
漳濱

送盧少府使入秦

楚關望秦國相去千里餘州縣勤王事山河轉使  
車祖筵江上列離恨別前書願及芳年賞嬌鶯二

詩紀

盛唐卷之十八

十一

月初

送袁十嶺南尋弟

早聞牛渚詠今見鵲鵲心羽翼嗟零落悲鳴別故  
林蒼梧白雲遠空一作煙水洞庭深萬里獨飛去南

風遲爾音

永嘉別張子容

舊國余歸楚新年子北征挂帆愁海路分手戀朋  
情日夕故園意汀洲春草生何時一杯酒重與季

鷹一作李鷹傾

東京留別諸公一題作京還別新豐諸友

吾道昧所適驅車還向東主人開舊館留客醉新  
豐樹繞溫泉綠塵遮晚日紅拂衣從此去高步躡  
華嵩

送袁太祝尉豫章

何幸遇休明觀光來上京相逢武陵客獨送豫章  
行隨牒牽黃綬離羣會墨卿江南佳麗地山水舊  
難名

都下送辛大之鄂

詩紀

盛唐卷之十八

十二

南國辛居士言歸舊竹林未逢調鼎用徒有濟川  
心予亦忘機者田園在漢陰因君故鄉去遙寄式  
微吟

送席大

惜爾懷其寶迷邦倦客遊江山歷全楚河洛越成  
周道路疲千里鄉園老一丘知君命不偶同病亦  
同憂

送賈昇主簿之荊府

奉使推能者勤王不暫閑觀風隨按察乘騎度荆

關送別登何處開筵舊峴山征軒明日遠  
門間

送王大校書

導漾自蟠冢東流爲漢川維桑君有意解纜我開筵雲雨從茲別林端意渺然尺書能不悵時望鯉魚傳

遊江西留別富陽裴劉二少府

西上遊一作江西臨流恨解攜千山疊成嶂

萬水瀉一作爲谿石淺流難汭藤長險易躋

詩紀

盛唐卷之十八

十三

誰憐問津者一作歲晏此中迷

廣陵別薛八一作題作送友東歸

士有不得志栖栖吳楚間廣陵相遇罷彭蠡泛舟還檣出江中樹波連海上山風帆明日遠何處更追攀

送洗然弟進士舉

獻策金門去承歡綵服違以吾一日長念爾聚足稀昏定須溫席寒多未授衣桂枝如已擢早遂爲南飛

盛唐第十八

盛唐第十九

唐詩紀七十九

鄆郡吳中圻彙編

東吳俞策同校

孟浩然

五言律詩二

崔明府宅夜觀妓

白日旣云暮朱顏亦已酡畫堂初點燭金幌半垂羅長袖平陽曲新聲子夜歌從來慣留客茲夕爲誰多

詩紀

盛唐卷之十九

一

同盧明府早秋宴張郎中海亭

側聽絃歌宰文書游夏徒故園欣賞竹爲邑幸來蘇華省曾聯事仙舟復與俱欲知臨泛久荷露漸成珠

盧明府早秋宴張郎中海園卽事得秋字

一作盧

邑有絃歌宰翔鸞已狎一作野鷗眷言華省舊暫拂海池遊鬱島藏深竹前谿對舞樓更聞書卽事雲物是新秋

宴榮二山池

一作題作宴榮山池亭

甲第開金穴

一作金張宅

榮期樂自多  
櫪嘶支遁馬  
池

養右軍驚竹引携

一作稽

琴入花邀載酒  
一作戴客過山

公來取醉時唱接離歌

夏日與崔二十一同集衛明府宅

言避一時暑池亭五月開  
喜逢金馬客同飲玉人

杯舞鶴乘軒至遊魚擁釣來  
座中殊未起簫管莫

相催

清明日宴梅道士房

詩紀

盛唐卷之十九

二十一

林卧愁春盡開軒  
一作寒覽物華忽逢青鳥使邀我

赤松家金

一作丹

竈初開火仙桃正落  
一作發花童顏

若可駐何惜醉流霞

寒夜張明府宅宴

瑞雪初盈尺開

一作寒

宵始半更列筵邀酒伴刻燭

限詩成香炭金爐煖嬌絃玉指清醉來方欲卧不

覺曉雞鳴

末二句一作厭厭不覺辭歸路曉霞生

宴張別駕新齋

世業傳珪組江城佐股肱  
高齋徵學問虛薄濫先

登講論陪諸子文章得舊朋  
士元多賞激衰病恨無能

與諸子登峴山作

人事有代謝往來成古今  
江山留勝跡我輩復登

臨水落魚梁淺天寒夢澤深  
羊公碑字

一作尚

在讀

罷淚沾襟

與杭州薛司戶登梓亭樓

一作梓亭驛

作

水樓一登眺半出青林高  
帝幕英僚敞芳筵下客

叨山藏伯禹穴城壓伍胥濤  
今日觀溟漲垂綸學

詩紀

盛唐卷之十九

三十一

一作欲釣鰲

尋天台山

吾友太乙子餐霞卧赤城  
欲尋華頂去不憚惡谿

名歇馬憑雲宿揚帆截海行  
高高翠微裏遙見石

梁橫

同曹三御史泛湖歸越

秋入詩人意

一作興

巴歌和者稀泛湖同逸旅吟會

是思歸白簡徒推薦滄洲已拂衣  
杳冥雲外

一作海

去誰不羨鴻飛

晚泊潯陽望廬山

挂席幾千里名山都未逢泊舟潯陽郭始見香爐  
峯嘗讀遠公傳遠懷塵外蹤東林精舍近日暮坐

一作但聞鍾

陪張丞相登嵩陽樓

獨步人何在嵩陽有故樓歲寒問耆舊行縣擁諸  
侯林莽北彌望沮漳東會流客中遇知己無復越  
鄉憂

武陵泛舟

詩紀

盛唐卷之十九

四

武陵川路狹前棹入花林莫測幽源裏仙家信幾  
深水迴青嶂合雲度綠谿陰坐聽閑猿嘯彌清塵  
外心

與顏錢塘登障樓

一作障亭

望潮作  
百里聞雷震鳴絃暫輟彈府中連騎出江上待潮

觀照日秋雲

一作空迴浮天

一作雲

渤澥寬驚濤來似

雪一坐凜生寒

姚開府山池

主人新邸第相國舊池臺館是招賢闢樓因教舞

開軒車人已散簫管鳳初來今日龍門下誰知文  
舉才

夏日浮舟過陳大水亭

水亭涼氣多閑棹晚來過澗影見松一作藤竹潭香

聞芰荷野童扶醉舞山鳥助一作笑酣歌幽賞未云

徧煙光柰夕何

與白明府遊江

故人來自遠邑宰復初臨執手恨爲別同舟無異

心沿洄洲渚趣演漾絃歌音誰爲一作識躬耕者年

詩紀

盛唐卷之十九

五

年梁甫吟

遊鳳林寺西嶺

共喜年華好來遊水石間煙容開遠樹春色滿幽

山壺酒朋情洽琴歌野興閑莫愁歸路暝招月伴

人還

秋日陪李侍御渡松滋江

南紀西江闊皇華御史雄截流寧假楫挂席自生

風僚采爭攀鵠魚龍亦避驄坐聽白雪唱翻入棹

歌中

陪獨孤使君同與蕭員外證登萬山亭

萬山青嶂曲千騎使君遊神女鳴環珮仙郎接獻酬  
遍觀雲夢野自愛江城樓何必東南守空傳沈隱侯

秋登張明府海亭

海亭秋日望委曲見江山  
染翰聊題壁傾壺一解顏  
歌一作歡逢彭澤令歸賞故園間予亦將琴史栖

遲共取閑

臨渙裴明府席遇張十一房六

詩紀

盛唐卷之十九

六

河縣柳林邊河橋晚泊船  
文叨才子會官喜故人連  
笑語同今夕輕肥異往年  
晨風理歸棹吳楚各依然

梅道士水亭

傲吏非凡吏名流卽道流  
隱居不可見高論莫能酬  
水接仙源近山藏鬼谷幽  
再來迷處所花下問漁舟

遊景空寺蘭若

龍象經行處山腰度石關  
屢迷青嶂合時愛綠蘿

閑宴息花林下高談竹嶼間  
寥寥隔塵事疑是入雞山

陪李侍御訪聰上人禪居

欣逢柏臺友共謁聰公禪  
石室無人到繩牀見虎眠  
陰崖常抱雪枯澗爲生泉  
出處雖云異同歡在法筵

遊精思觀迴王白雲在後

出谷未停午至家日已

集作已夕

暝迴瞻下山路但見

牛羊羣樵子暗相失草蟲寒不聞衡門猶未掩佇

詩紀

盛唐卷之十九

七一

立望

一作待

夫君

夏日辨玉法師茅齋

夏日茅齋裏無風坐亦涼  
竹林深

一作新

笋概

一作掃

藤架引梢長燕覓巢窠處蜂來造蜜房物華皆可

玩花藥四時芳

與張折衝遊耆闍寺

釋子彌天秀將軍武庫才  
橫行塞北盡獨步漢南來  
貝葉傳金口山樓作賦開  
因君振嘉藻江楚氣雄哉



遊精思題觀王山房

設入花源裏初憐竹逕深方知仙子宅未有世人  
尋舞鶴過閑砌飛猿嘯密林漸通玄妙理深得坐  
忘心

宿立公房

支遁初求道深公笑買山何如石巖趣自入戶庭  
間苔澗春泉滿蘿軒夜月閑能令許玄度吟卧不  
知還

尋陳逸人故居

詩紀 盛唐卷之十九 八  
人事一朝盡荒蕪三徑休始聞漳浦卧奄作岱宗  
遊池水猶含墨風山一作雲已落秋今宵一作泉壑  
裏何處覓藏舟

尋梅道士

彭澤先生柳山陰道士驚我來從此一作好停策  
漢陰一作多重以觀一作魚樂因之鼓枻歌崔徐  
迹未朽千載揖清波

陪姚使君題惠上人房

帶雪梅初煖含煙柳尚青來窺童子偈得聽法王

經會理知無我觀空厭有形迷心應覺悟客思未  
遑寧

晚春題遠上人南亭

給園支遁隱虛寂養身一作和春晚羣木秀關關  
黃鳥歌林棲居一作良士竹池養右軍鶯炎一作花月

北牕下清風期再過

題大禹寺義公房

義公習禪處結構依空林戶外一峯秀堦前羣一作  
衆壑深夕陽連一作照雨足空翠落庭陰看取蓮花

詩紀 盛唐卷之十九 九  
淨應一作方知不染心

尋白鶴巖張子容隱居

白鶴青巖半幽人有隱居階庭空水石井一作壑  
罷樵漁歲月青松老風霜苦竹疎覩茲懷舊業迴

策返吾廬

題融公蘭若

精舍買金開流泉遶砌迴芰荷薰講席松柏映香  
臺法雨晴飛去天花晝下來談玄殊未已一作未

歸騎夕陽催

過景空寺故融公蘭若

一題作過潛上人舊房

池上青蓮宇林間白馬泉故人成異物過客一作憩獨潸然既禮新松塔還尋舊石筵平生竹如意猶挂草堂前

題

一作憶

張野人園廬

與君園廬並微尚頗亦同耕釣方自逸壺觴趣不空門無俗士駕人有上皇風何處一作必先賢傳惟稱龐德公

李少府與楊

一作王

九再來

詩紀

盛唐卷之十九

十一

弱歲早登龍今來喜再逢如何春月節猶憶歲寒松煙火臨寒食笙歌達曙鐘喧喧闕羅道行樂美朋從

尋張五迴夜園作

聞就龐公隱移居近洞

一作洞

湖興來林是竹歸卧

谷名愚挂席樵風便開軒琴月孤歲寒何用賞霜

露一作零落故園燕

裴司士

一作功

貞司戶

一作士

見尋

府僚能枉駕家醞復新開落日池上酌清風松下

來厨人具雞黍稚子摘楊梅誰道山公醉猶能騎馬回

春中喜王九相尋

一題作晚春

二月湖水清家家春鳥鳴林花掃更落徑草踏還生酒伴來相命開樽共解醒當杯已入手歌妓莫停聲

李氏園卧疾

我愛陶家趣園林無俗情春雷百卉坼寒食四鄰清伏枕嗟公幹歸山羨子平年年白社客空滯洛陽城

詩紀

盛唐卷之十九

十二

過故人莊

故人具雞黍邀我至田家綠樹村邊合青山郭外斜開筵一作軒面場圃把酒話桑麻待到重陽日還來就菊花

張七及辛大見尋南亭醉作

山公能飲酒居士好彈箏世外交初得林中契已弁納涼風颯至逃暑日將傾便就南亭裏餘樽惜解醒

歲暮歸南山

一作題作歸  
效園作

北闕休上書南山歸敝廬不才明主棄多病故人  
疎白髮催年老青陽逼歲除永懷愁不寐松月夜

牕

一作

虛本傳云王維私邀浩然入內署俄而玄  
宗至浩然出於外維取質對帝帝曰朕  
聞其人而不見也詔使由帝問其詩浩然再拜自  
誦此詩至不見明王棄之句帝曰卿不求仕而朕  
未嘗棄卿奈何  
誣我因放還

南山下與老圃期種瓜

樵牧南山近林間北郭賒先人畱素業老圃作鄰

家不種千株橘惟資五色瓜邵平能就我開徑剪

詩紀

一作

蓬麻

盛唐卷之十九  
十二

泝江至武昌

家本洞湖

一作

上歲時歸思催客心徒欲速江路

苦邇迴殘凍因風解新正度

一作  
梅變

臘開行看武昌

柳髮髣映樓臺

舟中曉望

桂席東南望青山水國遙舳艫爭利涉來往接

風潮問我今何去

一作

天台訪石橋坐看霞色

晚疑是赤城標

自洛之越

皇皇三十載書劍兩無成山水尋吳越風塵厭洛  
京扁舟泛湖海長揖謝公卿且樂杯中物誰論世

上名

途中晴

已失巴陵雨猶逢蜀坂泥天開斜景遍山出晚雲  
低餘濕猶霑草殘流尚入谿今宵有明月鄉思遠

悽悽

歸至郢中

詩紀

一作

盛唐卷之十九

十二

遠遊經海嶠返棹歸山阿日夕見喬木鄉關

在伐柯愁隨江路盡喜

一作  
意

入郢門多左右看桑

夕次蔡陽館

日暮馬行疾城荒人住稀聽歌知近楚投館忽如

歸魯堰田疇廣章陵氣色微明朝拜嘉

一作  
慶須

着老萊衣

他鄉七夕

他鄉逢七夕旅館益羈愁不見穿針婦空懷故國

樓緒風初減熱新月始臨一作秋誰忍窺河漢

迢問一作斗牛

夜泊牛渚赴薛八船不及

星羅牛渚夕風退鷁舟遲浦淑嘗同宿煙波忽聞之榜歌空裏失船火望中疑明發泛潮一作海茫茫何處期

曉入南山

瘴氣曉氛氲南山復水雲鯢飛今始見鳥墮舊來聞地接長沙近江從汨渚分賈生曾弔屈子亦痛詩紀盛唐卷之十九 十四 劉三百三

斯文

夜渡湘水

客舟貪利涉一作夜裏渡湘川露氣聞芳杜歌聲

識采蓮榜人投岸火漁子宿潭煙行侶時相問潯陽何處邊

赴京途中遇雪

迢遞秦京道蒼茫歲暮天窮陰連晦朔積雪滿一作

遍山川落鴈迷沙渚饑鳥集一作野田客愁空佇

立不見有人煙

途次望鄉

客行愁落日鄉思重相催況在他山外天寒夕鳥來雪深迷郢路雲暗失陽臺可歎悽惶子高一作狂勞歌誰爲謀

永嘉上浦館逢張八子容

逆旅相逢處江村日暮時衆山遙對酒孤嶼共題詩解宇鄰蛟室人煙接島夷鄉園萬餘里失路一相悲

宿武陽卽事

詩紀盛唐卷之十九 十五

川暗夕陽一作陵盡孤舟泊岸初嶺猿相叫嘯潭嶂

影一作似空虛就枕滅明燭扣舷聞夜漁雞鳴問何處人物是秦餘

渡楊子江見國秀集

挂楫中流望京江兩畔明林開楊子驛山出潤州

城海盡邊陰靜江寒朔吹生更聞楓葉下淅瀝度

秋聲

田家元日

昨夜斗廻北今朝歲起東我年已強仕無祿尚憂

一作農桑野就耕父一作野老就耕去荷鋤隨牧童田家  
占氣候共說此年豐

### 九日得新字

初九一作九日未成句重陽卽此晨登高聞古一作事

載酒訪幽人落帽恣歡飲授衣同試新茱萸正可  
佩折取寄情親

### 除夜樂城逢張少府

雲海泛甌閩風潮泊島濱何知歲除夜得見故鄉  
親余是乘槎客君爲失路人平生復能幾一別十

詩紀

盛唐卷之十九

十六

餘春

### 歲除夜會樂城張少府宅

疇昔通家好相知無間然續明催畫燭守歲接長  
筵舊曲梅花唱新正柏酒傳客行隨處樂不見度  
年年

### 寒夜

閨戶綺窓閉佳人罷縫衣理琴開寶匣就枕卧重  
幃夜久燈花落薰籠香氣微錦衾重自煖遮莫曉  
霜飛

### 賦得盈盈樓上女

夫婿久離別青樓空望歸妝成卷簾坐愁思嬾縫  
衣燕子家家入楊花處處飛空牀難獨守誰爲報

一作金徽

### 春意

一作題作春怨

佳人能畫眉妝罷出簾帷照水空自愛折花將遺  
誰春情多豔逸春意倍相思愁心極楊柳一種一作

動亂如絲

### 閨情

詩紀

盛唐卷之十九

十七

一別隔炎涼君衣忘短長裁縫無處寄以意忖情  
量畏瘦宜一作傷窄一作防寒更厚裝半啼封裏

了知欲寄誰將

### 美人分香

豔色本傾城分香更有情髻鬟垂欲解眉黛拂能  
輕舞學平陽態歌翻子夜聲春風狹斜道含笑待  
逢迎

### 傷峴山雲表觀王

少小學書劍秦吳多歲年歸來一登眺陵谷尚依



然豈意餐霞客一作忽隨朝露先因之問問里把臂幾人全

詩紀

盛唐卷之十九

二八

盛唐第十九

盛唐第二十

唐詩紀八十

鄆郡吳中珩彙編

東吳俞策同校

孟浩然四

七言律詩

登安陽城樓

縣城南面漢江流江漲開成南雍州才子乘春來  
騁望羣公暇日坐銷憂樓臺晚映青山郭羅綺晴  
驕綠水洲向夕波搖明月動更疑神女弄珠遊

詩紀

盛唐卷之二十

登萬歲樓

萬歲樓頭望故鄉獨令鄉思更茫茫天寒鴈度堪  
垂淚日一作月落猿啼欲斷腸曲引古堤臨凍浦斜  
分遠岸近枯楊今朝偶見同袍友却喜家書寄八  
行

除夜有懷

五更鐘漏欲相催四氣推遷往復迴帳裏殘燈纔  
去一作猶有焰爐中香氣盡成灰漸看春逼芙蓉枕頓  
覺寒銷竹葉杯守歲家家應未卧相思那得夢魂

來

春情

青樓曉日一作珠簾映紅粉春妝寶鏡催已厭交  
歡憐枕席相將遊戲繞池臺坐時衣帶縈纖草行  
卽裙裾掃落梅更道明朝不當作相期共鬪管絃  
來

五言排律

長安早春

又作張子容詩

關戍一作開國惟東井城池起北辰咸歌太平日共樂

詩紀

盛唐卷之二十

二

建寅春雪盡青山樹水開黑水濱草迎金埒馬花  
伴玉樓人鴻漸看無數鶯歌聽欲頻何當遂榮一作佳  
擢歸及柳條新

荆門上張丞相

共理分荆國招賢媿楚材召南風更闢丞相閣還  
開觀止欣眉睫沈淪拔草萊坐登徐孺榻頻接李  
膺杯始慰蟬鳴柳俄看雪間梅四時年籥盡千里  
客程催日下瞻歸翼沙邊厭曝鰓佇聞宣室召星  
象列三台一作復中台

陪張丞相登荆城樓因寄荊州一作蘇臺張使

君及浪泊戍主劉家

薊門天北畔銅柱日南端出守聲彌遠投荒法未  
寬側身聊倚望携手莫同歡白壁無瑕玷青松有  
歲寒府中丞相閣江上使君灘興盡迴舟去方知  
茲一作行路難

陪張丞相祠紫蓋山途經王泉寺

望秩宣王命齋心待漏行青衿列冑子從事有參  
卿五馬尋歸路雙林指化城聞鐘度門近照膽玉

詩紀

盛唐卷之二十

三

泉清皂蓋依松憩緇徒擁錫迎天宮上甍率沙界  
豁迷明欲就終焉志先一作恭聞智者名人隨逝水  
沒一作歎波逐覆舟傾想像若在眼周流空復情謝  
公還欲卧誰與濟蒼生

陪張丞相自松滋江東泊渚宮

放溜下松滋登舟命檝師詎一作寧忘經濟日不憚  
沍寒時洗幘豈獨古濯纓良在茲政成人自理機  
息鳥無疑雲物疑孤嶼江山辨四維晚來風稍急  
一作冬至日行遲獵響驚雲夢漁歌激楚辭渚宮

何處是川暝欲安之一作

和張判官登萬山亭因贈洪府都督韓公

韓公是襄士日賞城西岑結構意不淺巖潭趣轉

一作深皇華一動詠荆國幾謠一作吟舊徑蘭勿

剪新堤柳欲陰砌傷餘怪石沙上有閑禽自牧豫

章郡空瞻楓樹林因聲寄流水善聽在知音著舊

眇不接崔徐無處尋物情多貴遠賢俊豈無今遲

爾長江暮澄清一洗心

和宋太史北樓新亭

詩紀盛唐卷之二十四

返耕意未遂日夕登城隅誰謂山林近坐爲符竹

拘麗譙非改作軒檻是新圖遠水自蟠冢長雲吞

具區願爲一作江燕賀羞逐府僚趨欲識狂歌者

一作丘園一豎儒

贈蕭少府

上德如流水安仁道若山聞君秉高節爲一作得

奉清顏鴻漸昇儀一作羽牛刀列下班處腴能不

潤居劇體常閑去詐人無諂除斜吏息姦欲知清

與潔明月照澄灣

秦中苦雨思歸贈袁左丞賀侍郎

苦一作學三十載閉門江漢陰用賢遭聖日一作明

逢聖羈旅屬秋霖豈直昏墊苦亦爲權勢沈二毛

催白髮百鎰罄黃金淚憶峴山墮愁懷湘水深謝

公積憤懣莊舄空謠吟躍馬非吾事狎鷗宜一作真

我心寄言當路者去矣北山岑

同張明府碧谿贈荅

別業聞新製同聲和者多還看碧谿荅不羨綠珠

歌自有陽臺女朝朝拾翠過綺筵鋪錦繡妝牖閉

詩紀盛唐卷之二十五

藤蘿秩滿休閑日春餘景氣一作和仙鳧能作伴

羅襪共凌波曲一作島尋花藥迴潭折芰荷更憐

斜日照紅粉豔青娥

久滯越中貽謝南池會稽賀少府

陳平無產業尼父倦東西負郭昔云翳問津今亦

迷未能忘魏闕空此滯秦稽兩見夏雲起再聞春

鳥啼懷仙梅福市訪舊若耶谿聖主賢爲寶君何

隱遜棲

送韓使君除洪州都曹韓公父常爲袁州使

述職撫荆衡分符襲寵榮往來看擁傳前後頗專  
城勿翦棠猶在波澄水更清重推江漢理一作旋  
改豫章行召父多遺愛羊公有令名衣冠列祖道  
耆舊擁前旌一作峴首晨風送接一作江陵夜火迎  
無才慙孺子千里愧同聲

送莫甥兼諸昆弟從韓司馬入西軍

念爾習詩禮未曾違戶庭平生早偏露一作嚴君先平露

萬里更飄零坐棄三牲養一作行觀八陣形飾裝

辭故里謀策赴邊庭壯志吞鴻鵠遙心伴鵲鴿所

詩紀

盛唐卷之二十

六

從文與武不戰自應寧

峴山送蕭員外之荊州

峴山江岸曲郢水郭門前自古登臨處非今獨黯

然亭樓明落照井邑秀通川澗竹生幽興林風入

管絃再飛鵬激水一舉鶴冲天佇立三荆使看君

駟馬旋

送王昌齡之嶺南

洞庭去遠近楓葉早驚一作經秋峴首羊公愛長沙

賈誼愁土毛無縞紵鄉味有槎頭已抱沈痼疾更

貽贈慰憂數年同筆硯茲夕間衾裯意氣今何在  
相思望斗牛

峴山送張去非遊巴東

峴山南郭外送別每登臨沙岸江村近村門山寺  
深一言子有贈三峽爾將尋祖席宜城酒征途雲  
夢林蹉跎遊子意眷戀故人心去矣勿淹滯巴東  
猿夜吟

奉先張明府休沐還鄉海亭宴集

自君理畿甸予亦經江淮萬里音信斷數年雲雨

詩紀

盛唐卷之二十

七

乖歸來休澣日始得賞心諧朱紱恩蹤重滄洲趣

每懷樹低新舞閣山對舊書齋何以發秋興陰蟲

鳴夜堦

宴張記室宅

甲第金張館門庭車騎多家封漢陽郡文會楚材

過曲島浮觴酌前山入詠歌妓堂花映發書閣柳

逶迤玉指調箏柱金泥飾舞羅一作知書劍者

歲月獨蹉跎

宴崔明府宅夜觀妓

畫堂觀妙妓長夜正留賓燭吐蓮花豔妝成桃李  
春髻鬟低舞席衫袖掩歌脣汗濕偏宜粉羅輕詎  
着身調移箏柱促歡會酒杯頻倘使曹王見應嫌  
洛浦神

外 盧明府九日峴山宴袁使君張郎中崔員

宇宙誰開闢江山此鬱盤登臨今古用風俗歲時  
觀地理荊州分天涯楚塞寬百城今刺史華省舊  
郎官共美重陽節俱懷落帽歡酒邀彭澤載琴輟

詩紀

盛唐卷之二十

八

武城彈獻壽先浮菊尋幽或藉一作蘭煙虹鋪藻  
翰一作松竹挂衣冠叔子神如在山公興欲一作未  
闌傳聞騎馬醉還向習池看

登龍興寺閣

閣道乘空出披軒遠目開逶迤見江勢客至屢緣  
迴茲郡何填委遙山復幾哉蒼蒼皆草木處處盡  
樓臺驟雨一陽散行舟四海來鳥歸餘興遠周覽  
更徘徊

登總持寺浮圖

半空躋寶塔晴望盡京華竹遶渭川遍山連上苑  
斜一作開帝宅阡陌俯人家累劫從初地爲  
童憶聚沙一窺功德見彌益道心加坐覺諸天近  
空香送一作落花

與崔二十一遊鏡湖寄包賀二公

試覽鏡湖物中流到一作底清不知鱸魚味但識  
鷗鳥情帆得樵風送春逢穀雨晴將探一作夏禹  
穴稍背越王城府掾有包子文章推賀生滄浪醉  
後唱因此寄同聲

詩紀

盛唐卷之二十

九

夜登孔伯昭南樓時沈太清朱昇在座  
誰家無風月此地有琴樽山水會稽郡詩書孔氏  
門再來值秋杪高閣夜一作無喧華燭罷然蠟清  
絃方奏鴟沈生隱侯胤朱子買臣孫好我意不淺  
登茲共話言

陪盧明府泛舟迴作

百里行春返清流逸興多鷁舟隨鴈泊一作江火  
共星羅已救田家旱仍醫一作俗化訛文章推後  
輩風雅激頽波高岸迷陵谷新聲滿棹歌猶憐不



才子白首未登科

臘月八日於剡縣石城寺禮拜

石壁開金像香山倚一作繞鐵圍下生彌勒見回向

一心歸竹柏禪庭古樓臺世界稀夕嵐增氣色餘

照發光輝講席邀談柄泉堂施浴衣願承功德水

從此濯塵機

同獨孤使君東齋作

郎官舊華省天子命分憂襄土歲頻旱隨車雨再

流雲陰自南楚河潤及東周廨宇宜新霽田家賀

詩紀

盛唐卷之二十

十一

有秋竹間殘照入池上夕陽浮寄謝東陽守何如

八詠樓

同王九題就師山房

晚憩支公室故人逢右軍軒牕避炎暑翰墨動斯

一作

文竹蔽簷前

一作

日雨隨堦下雲周旋清陰

徧吟卧夕陽暝江靜棹歌歇谿深樵語閑歸途未

忍去攜手戀清芬

冬至後過吳張二子檀谿別業

卜築因自然檀谿更不穿園廬二友接水竹數家

連直與一作取

南山對非關選地偏

近本此下有上鄰依孟母具井

讓王宣曾足歌三樂仍聞詠五篇四句

草堂時偃曝蘭柅日周旋外

事情都遠中流性所便閑垂太公釣興發子猷船

余亦幽棲者經過竊慕焉梅花殘臘月一作日柳色

半春天鳥泊隨陽鴈魚藏縮項鰻停杯問山簡何

似習池邊

韓大使東齋會岳上人諸學士

郡守虛陳榻林間召楚材山川祈雨畢品一作雲物

喜晴開抗禮尊縫掖臨流揖渡杯徒攀朱仲李更

詩紀

盛唐卷之二十

十二

一作誰薦和羹梅翰墨緣情製高深以意裁滄洲趣

不遠何必問蓬萊

上巳日澗南園期王山人陳七諸公不至

搖艇候明發花源弄晚春在山還綺季臨漢憶荀

陳上巳期三月浮杯興十旬坐歌空有待行樂恨

無鄰日晚蘭亭北煙開一作花曲水濱浴蠶逢姹女

采艾值幽人石壁堪題序沙場好解神一作細羣公

望不至虛擲此芳晨

齒坐呈山南諸隱

習公有遺坐高在白雲陲樵子不見識山僧賞自  
知以余爲好事攜手一來窺竹露閑夜滴松風清  
晝吹從來抱微尚况復感前規於此無奇策蒼生  
奚以爲

來閣黎新亭作

入解禪林秀三明給苑才地偏香界遠心淨水亭  
開傍險山查立尋幽石逕廻瑞花長自下靈藥豈  
須栽碧網交紅樹清泉盡綠苔戲魚聞法聚閑鳥  
誦經來棄象玄應悟忘言理必該靜中何所得吟  
詩紀  
盛唐卷之二十  
十一  
百六十一  
詠也徒哉

西山尋辛諤

漾舟尋水便因訪故人居落日清川裏誰言  
獨羨魚石潭窺洞徹沙岸歷紆徐竹嶼見垂釣茅  
齋聞讀書欸言忘景夕清興屬涼初回也一瓢飲  
賢哉常晏如

題長安主人壁

久廢南山田謬一作陪東閣賢欲隨平子去猶未  
獻甘泉枕籍一作琴書滿寒帷遠岫連我來如昨

日庭樹忽鳴蟬促織驚寒女秋風思一作感長年授  
衣當九月無褐竟誰憐

行出東山望漢川

異縣非吾土連山盡綠篁平田出郭少盤坂入雲  
長萬壑歸於漢千峯劃彼蒼猿聲亂楚峽人語帶  
巴鄉石上攢椒樹藤間綴蜜房雪餘春未煖嵐解  
晝初陽征馬疲登頓歸帆愛渺茫坐欣沿溜下信  
宿見維桑

夜泊宣城界

詩紀  
盛唐卷之二十  
十三  
西塞沿江島南陵問驛樓湖平津濟闊風止客帆  
收去去懷前事一作茫茫泛夕流石逢羅刹礙山  
泊敬亭幽火識一作梅根冶煙迷楊葉洲離家復  
水宿相伴賴沙鷗

下瀨石

瀨石三百里沿洄千嶂間沸聲常浩浩洑勢亦潺  
潺跳沫魚龍沸垂藤猿狖攀榜人苦奔峭而我忘  
險艱放溜情深一作愜登艫目自閑暝帆何處宿  
泊一作遙指落星灣

初年樂城館中卧疾懷歸作

異縣天隅僻孤帆海畔過往來鄉信斷留滯客情  
多臘月聞雷震東風感歲和蟄蟲驚戶穴巢鵲鳴  
庭柯徒對芳樽酒其如伏枕何歸歟一作理舟楫  
江海正無波

五言絕句

醉後贈馬一作四

四海重然諾吾嘗聞白眉秦城遊俠窟一作客相得  
半酣時

詩紀

盛唐卷之二十

十四

贈王九

日暮田家遠山中勿久淹歸人須早去稚子望陶  
潛

登峴山亭寄晉陵張少府

峴首風湍急雲帆若鳥飛憑軒試一問張翰欲來  
歸

送朱大入秦

遊人武陵去寶劍直千金分手脫相贈平生一片  
心

送友人之京

君登青雲去予望青山歸雲山從此別淚濕襟  
衣

送張郎中遷京

碧谿常共賞朱邸忽遷榮豫有相思意聞君琴上  
聲

同張將薊門觀燈

異俗非鄉俗新年改故年薊門看火樹疑是燭龍  
然

詩紀

盛唐卷之二十

十五

張郎中梅園中

綺席鋪蘭杜珠盤折芰荷故園留不住應是戀絃  
歌

北澗泛舟

北澗流恒滿浮舟觸處通沿洄自有趣何必五湖  
中

春曉

春眠不覺曉處處聞啼鳥夜來風雨聲花落知多  
少一作欲知昨夜  
風花落無多少

洛中訪袁拾遺不遇

洛陽訪才子江嶺作流人  
聞說梅花早何如北此地春

尋菊花潭主人不遇

行至菊花潭村西日已斜  
主人登高去雞犬空在  
家

檀谿尋故人

花伴成龍竹池分躍馬谿  
田園人不見疑向洞中  
棲一作武陵迷

詩紀

盛唐卷之二十

十六

楊子津望京口

北固臨京口夷山近一作對  
海濱江風白浪起愁殺  
渡頭人

同儲十二洛陽道中作

珠彈繁華子金羈遊俠人  
酒酣白日暮走馬入紅  
塵

初下浙江舟中口號

八月觀潮一作詩罷三江越海濤  
回瞻魏闕路空一作  
復子牟心

宿建德江

移舟泊煙渚日暮客愁新  
野曠天低樹江清月近  
人

問舟子

向夕問舟子前程復一作無  
幾多灣頭正堪一作好泊  
淮裏足風波

戲題

一作戲贈主人

客醉眠未起主人呼解醒  
已言雞黍熟復道一作說  
甕頭清

詩紀

盛唐卷之二十

十三

七言絕句

涼州詞

渾成紫檀金屑文作得琵琶聲  
入雲胡地迢迢三  
萬里那堪馬上送明君

異方之樂令人悲羌笛不用吹  
坐看今夜關

山月思殺邊城游俠兒

送新安張少府歸秦中

試登秦嶺望秦川遙憶青門春  
可憐仲月送君從  
此去瓜時須及邵平田

送杜十四之江南

一題作送杜晃  
進士之東吳

荆吳相接水為鄉君去春江正淼茫日暮征帆何

處泊

一作泊  
何處

天涯一望斷人腸

渡浙江問舟中人

潮落江平未有風扁舟共濟與君同時時引領望

天末何處青山是越中

初秋

不覺初秋夜漸長清風習習重淒涼炎炎暑退茅

齋靜塔下叢莎有露光

詩紀

盛唐卷之二十

十八

盛唐第二十一

盛唐第二十一

唐詩紀八十一

鄆郡吳中詩集編

東吳俞策同校

王昌齡

新唐書云字少伯江寧人第進士補秘書郎又中宏詞科遷汜水尉不護細行

貶龍標尉又中宏詞科遷汜水尉不護細行

詩緒密而思清時謂王江寧云○殷璠云元

嘉以還四百年內曹劉陸謝風骨頓盡頃有

太原王昌齡魯國諸光義充嗣厥迹且兩賢

氣同體別而稍聲峻余嘗觀王公長平伏冤

又弔枳道賦仁有餘也奈何晚節不矜細行

謗議沸騰垂歷遐

荒使知音者歎息

五言古詩

詩紀

盛唐卷之二十一

塞下曲四首

蟬鳴空桑林一作桑八月蕭關道出塞入塞寒

一作桑處處黃蘆草從來幽并客皆共塵沙老莫

學游俠兒矜誇紫驕好

飲馬渡秋水水寒風似刀平沙日未沒黯黯見臨

洮昔日長一作龍城戰咸言意氣高黃塵是今古白

骨亂蓬蒿

奉詔甘泉宮總徵天下兵朝廷備禮出郡國豫郊

迎紛紛幾萬人去者無全生臣願節官廩分以賜



邊城

邊頭何慘慘已葬霍將軍部曲皆相弔燕南代北  
聞功勳多被黜兵馬亦尋分更遣黃龍戍唯當哭  
塞雲

塞上曲

秋風夜渡河吹却鴈門桑遙見胡地獵韉馬宿嚴  
霜五道分兵去孤軍百戰場功多翻下獄士卒但  
心傷

從軍行二首

詩紀

盛唐卷之二十一

二

向夕臨大荒朔風軫歸慮平沙萬里餘飛鳥宿何  
處虜騎獵長原翩翩傍河去邊聲搖白草海氣生  
黃霧百戰苦風塵十年履霜露雖投定遠筆未坐  
將軍樹早知行路難悔不理章句

秋草馬蹄輕角弓持弦急去爲龍城戰正值胡兵  
襲軍氣橫大荒戰酣日將入長風金鼓動白露鐵  
衣濕四起愁邊聲南庭時竚立斷蓬孤自轉寒鴈  
飛相及萬里雲沙漲平原冰霰澀惟聞漢使還  
州獨向刀環泣

少年行二首

西陵俠少年送客短長亭青槐夾兩道路一作白馬  
如流星聞道羽書急單于寇井陘氣高輕赴難誰  
顧一作願燕山銘

走馬遠相尋西樓下夕陰結交期一劍留意贈千  
金高閣歌聲遠重門柳色深夜關須盡飲莫負百  
年心

變行路難

向晚橫吹悲風動馬嘶合前驅引旗一作旌節千里

詩紀

盛唐卷之二十一

三

陣雲匝單于下陰山沙礫空颯颯封侯取一戰豈  
復念閨閣

長歌行

曠野饒悲風颼颼黃一作多蒿草繫馬倚白楊誰知

我懷抱所是同袍者相逢盡衰老北一作况登漢家

陵南望長安道下有枯樹根上有鼯一作鼯鼠窠高

皇子孫盡千載無人過寶玉頻發掘精靈其柰何

人生須達一作信命有酒且長歌

悲哉行

勿聽白頭吟人間易憂怨若非滄浪子安得從所  
願北上太行山臨風閱吹萬長雲數千里倏忽還  
膚寸觀其微滅時精意莫能論百年不容息是處  
生意蔓始悟海上人辭君永飛遯

古意

桃花四面發桃葉一枝開欲暮黃鸝轉傷心玉鏡  
臺清箏向明月半夜春風來

放歌行

南渡洛陽津西望十二樓明堂坐天子月朔朝諸

詩紀

盛唐卷之二十一

四

侯清樂動千門皇風被九州慶雲從東來一作出決

漭抱日流昇平貴論道文墨將何求有詔徵草澤

微誠將獻謀一作獻冠冕如星羅拜揖曹與周望

塵非吾一作君事入賦且遲留幸蒙國士識因脫負

薪裘今者放歌行以慰梁甫愁但營數斗祿奉養

每豐羞若得金骨遂飛雲亦可儔一作求

越女

越女作桂舟還將桂爲楫湖上水渺漫清江不可  
涉摘取芙蓉花莫摘芙蓉葉將歸問夫壻顏色何

如夢

鄭縣宿陶太公館中贈馮六元二

儒有輕王侯脫畧當世務一作本家藍田下一作

非爲漁弋故無何困躬耕且欲馳永路幽居與君

近出谷同所驚一作昨日辭石門五年變秋露雲

龍未相感干謁亦已屢子爲黃綬羈余忝蓬山顧

京門望西嶽百里見郊樹飛雨祠上一作來靄然

關中暮驅車鄭城宿秉燭論往素山月出華陰開

此河渚霧清光比故人豁達展心晤馮公尚戢翼

詩紀

盛唐卷之二十一

五

元子仍跼步拂衣易爲高淪跡難有趣張范善終

始吾等豈不慕罷酒當涼風屈伸備冥數

聽彈風入松闕贈楊補闕

商風入我絃夜竹深有露絃悲與林寂清景不可

度寥落幽居心颼颼青松樹松風吹草白谿水寒

日暮聲意去復還九變一作待一顧空山多雨雪

獨立君始悟

侯氏尉沈興宗置酒南谿留贈

林色與谿古深篁引幽翠山樽在漁舟棹月情已

醉始窮清源口壑絕人境異春泉滴空崖萌草拆  
陰地久之風榛寂遠聞樵聲至海鴈時獨飛永然  
滄洲意古時青冥客滅跡淪一尉吾子躊躇心豈  
其紛埃事緱峯信所尅濟北餘乃遂齊物意已會  
一作可息肩理猶未卷舒形性表脫畧賢哲議仲  
月期角巾飯僧嵩陽寺

爲張儉贈閭使臣

哀哀獻玉人楚國同悲辛泣盡繼以血何由辨其  
真賴承環磨惠復使光輝新猶畏護口疾棄之如

詩紀

盛唐卷之二十一

六

埃塵

贈史昭

東林月未升廓落星與漢是夕鴻始來齋中起長  
歎懷哉望南浦眇然夜將半但有秋水聲愁使心  
神亂握中何爲贈瑤草已衰散海鱗未化時各在  
天一岸

秋山寄陳讜言

巖間寒事早衆山木已黃北風何蕭蕭茲夕露爲  
霜感激未能寐中宵時慨慷黃蟲初悲鳴玄鳥去

我梁獨卧時易晚離羣情更傷思君若一作苦不及  
鴻鴈今南翔

出郴山口至疊石灣野人室中寄張十一

楮枿無冬春柯葉連峯稠陰壁下蒼黑煙含清江  
樓景開獨沿曳響答隨興酬旦夕望吾友如何迅  
孤舟疊沙積爲岡崩剝雨露幽石脉盡橫亘潛潭  
何時流旣見萬古色頗盡一物由永與世人遠氣  
還草木收盈縮理無餘今往何必憂郴土羣山高  
耆老如中州孰云議外降豈是娛宦遊陰火昔所

詩紀

盛唐卷之二十一

七

伏丹砂將爾謀昨臨蘇耽井復向衡陽求同一作問

夜來相依脫身當有籌數月乃離居風湍成阻脩

野人善竹器童子能谿謳寒月波蕩漾羈鴻去悠

悠

宿灞上寄侍御璵弟

獨飲灞上亭寒山青門外長雲驟落日桑棗寂已  
晦古人驅馳者宿此凡幾代佐邑由東南豈不知  
進退吾宗秉全璞楚得璆琳最茅山就一徵柏署  
起三載道契非物理神交無畱礙知我滄溟心脫

畧腐儒輩孟冬變輿出陽谷羣臣會半夜馳道喧  
五侯擁軒蓋是時燕齊客獻術蓬瀛內甚悅我皇  
心得與王母對賤臣欲干謁稽首期殞碎誓弟感  
我情問易窮否泰良馬足尚踧躑寶刀光未淬昨聞  
羽書飛兵氣連朔塞諸將多失律廟堂始追悔安  
能召書生願得論要害戎夷非草木侵逐使狼狽  
雖有屠城功亦有降虜輩兵糧如山積恩澤如雨  
霈羸卒不可興磧地無足愛若用匹夫策坐令重  
圍潰不費黃金資寧求白璧賚明主憂旣遠邊事

詩紀

盛唐卷之二十一

八一

亦可大荷寵務推誠離言深慷慨霜搖直指草燭  
引明光珮公論日夕阻朝廷蹉跎會孤城海門月  
萬里流光帶不應百尺松空老鍾山靄

次汝中寄河南陳贊府

汝山方聯延伊水纔明滅遙見入楚雲又此空館  
月紛然馳夢想不謂遠離別京邑多歡娛衡湘暫  
沿越明湖春草遍秋桂白花發豈惟長思君日夕  
在魏闕

同從弟銷南齋翫月憶山陰崔少府

高卧南齋時開帷月初吐清輝淡水木演漾在牕  
戶冉冉幾盈虛澄澄變今古美人清江畔是夜越  
吟苦千里其如何微風吹蘭芳一作杜

代扶風主人答

殺氣凝不流風悲日一作月彩寒浮埃起四遠遊子  
彌一作迷不歡依然宿扶風沽酒聊自寬寸心亦未  
理長缺誰能彈主人就我飲對我還慨歎便泣數  
行淚因歌行路難十五役邊地三回討樓蘭連年  
不解甲積日無所餐將軍降匈奴國使沒桑乾去

詩紀

盛唐卷之二十一

九一

時三十萬獨自還長安不信沙場苦君看刀箭瘢  
鄉親悉零落塚墓亦摧殘仰攀青松枝慟絕傷心  
肝禽獸悲不去路傍誰忍看幸逢休明代寰宇靜  
波瀾老馬思伏櫪長鳴力已殫少年與運會何事  
發悲端天子初封禪賢良刷羽翰三邊悉如此否  
泰亦須觀

酬鴻臚裴主簿雨後北樓見贈

暮霞照新晴歸雲猶相逐有懷晨昏暇想見登眺  
目問禮侍彤襜題詩訪茅屋高樓多古今陳事滿



陵谷地久微子封臺餘孝王築徘徊顧霄漢  
俯川陸遠水對孤城一作秋長天向喬木公門何清  
靜列戟森已肅不歎携手稀常思着鞭速終當拂  
羽翰輕舉隨鴻鵠

送任五之桂林

楚客醉孤舟越水將引棹山爲兩鄉別月帶千里  
貌羈譴同繪綸僻幽聞虎豹桂林寒色在苦節知  
所効

山中別龐十

詩紀

盛唐卷之二十一

十一

幽娟松篠徑月出寒蟬鳴散髮卧其下誰知孤隱  
情吟時白雲合釣處一作龍玄潭清瓊樹方杳  
靄鳳兮保其貞

留別伊闕張少府郭都尉

遷客就一醉主人空金壘江湖青山底欲去仍徘徊  
郭侯未相識策馬伊川來把手相勸勉不應老  
塵埃孟陽逢山舊仙館留清才日晚勸趣別風長  
雲逐開幸隨板輿遠負譴何憂哉唯有仗忠信音  
書報雲雷

送韋十二兵曹

縣職如長纓終日檢我身平明趨郡府不得展故  
人故人念江湖富貴如埃塵迹在戎府掾心遊天  
台春獨立浦邊鶴白雲長相親南風忽至吳分散  
遷入秦寒夜天光白海靜月色真對坐論歲暮絃  
悲豈一作歌起無因平生馳驅分非謂杯酒仁出處兩  
不合忠貞何由伸看君孤舟去且欲歌垂綸

東京府縣諸公與綦毋潛李頎相送至白

馬寺宿

詩紀

盛唐卷之二十一

十一

鞍馬上東門徘徊入孤舟賢豪相追送卽棹千里  
流赤岸一作落落日在空波微煙收薄宦忘機括醉  
來卽一作復淹留月明見古寺林外登高樓南風開  
長廊夏夜如涼秋江月照吳縣西歸夢中遊

送東林廉上人歸廬山

石谿流已亂蒼徑人漸微日暮東林下山僧還獨  
歸昔爲廬峯意况與遠公違道性深寂寞世情多  
是非會尋名山去豈復望清輝

留別武陵袁丞



皇恩暫遷謫待罪逢知己從此武陵谿孤舟二千  
里桃花遺古岸金澗流春水誰識馬將軍忠貞抱  
生死

別劉諤

天地寒更雨蒼茫楚城陰一樽廣陵酒十載衡陽  
心倚仗不可料悲歡豈易尋相逢成遠別後會何  
如今身在江海上雲連京國深行當務功業策馬  
何駸駸

岳陽別李十七越賓

詩紀

盛唐卷之二十一

十三

相逢楚水寒舟在洞庭驛具陳江波事不異淪棄  
跡杉上秋雨聲悲切兼葭夕彈琴收餘響來送千  
里客平明孤帆心歲晚濟代策時在身未充滿湘  
不盈畫湖小洲渚聯澹煙景碧魚鱉自有性龜  
龍無能易譴黜同所安風土任所適閉門觀玄化  
携手遺損益

留別岑參兄弟

江城建業樓山盡滄海頭副職守茲縣東南棹孤  
舟長安故人宅秣馬經前秋便以風雪暮還爲縱

飲留貂蟬七葉貴鴻鵠萬里遊何必念鍾鼎所在  
烹肥牛爲君嘯一曲且莫彈箜篌徒見枯者豔誰  
言直如鈎岑家雙瓊樹騰光難爲儔誰言青門悲  
俯期吳山幽日西石門嶠月吐金陵洲追隨探靈  
怪豈不驕王侯

送劉春虛歸取宏詞解

太清聞海鶴遊子引鄉眄聲隨羽儀遠勢與歸雲  
便青桂春再榮白雲暮來變遷飛在禮儀豈復淚  
如霰

詩紀

盛唐卷之二十一

十三

巴陵別劉處士

一作巴陵劉處士東齋作

劉生隱岳陽心遠洞庭水偃帆入山郭一宿楚雲  
裏竹映秋館深月寒江風門一作起煙波桂陽接日  
夕數千里嫋嫋清夜猿孤舟坐如此湘中有來鴈  
雨雪候音旨

宿裴氏山莊

蒼蒼竹林暮吾亦知所投靜坐山齋月清谿聞遠  
流西峯下微雨向曉一作晚白雲收遂解塵中組終  
南春可遊

盛唐第二十一

盛唐第二十二

唐詩紀八十二

鄧郡吳中

東吳俞策同校

王昌齡

五言古詩

詠史

荷畚至洛陽胡馬屯北門天下裂其土豺狼滿中原  
明夷方濟世歛翼黃埃昏披雲見龍顏始蒙國士恩  
位重謀亦深所舉無遺奔長策寄臨終東南詩紀  
盛唐卷之二十二  
不可吞賢智苟有時貧賤安所論唯然嵩山老而  
後知我言

雜興

握中銅匕首粉剄楚山鐵義士頻報讎殺人不曾  
缺可悲燕丹事終被狼虎滅一舉無兩全荆軻遂  
爲血誠知匹夫勇何取萬人傑無道吞諸侯坐見  
九州裂

秋興

日暮西北堂涼風洗脩木著書在南窓門館常肅

肅苔草延古意視聽轉幽獨或問余所營刈黍就  
寒谷

齋心

女蘿覆石壁谿水幽濛朧紫葛蔓黃花娟娟寒露  
中朝飲花上露夜卧松下風雲英化爲水光采與  
我同日月蕩精鬼寥寥天府一作空

獨遊

林卧情每閑獨遊景常晏時從灞陵下垂釣往南  
澗手携雙鯉魚目送千里鴈悟彼飛一作有適知

詩紀

盛唐卷之二十二

二

此雁憂患放之清泠泉因得省踈慢永懷青岑客  
迴首白雲間神超物無違一作超然豈繫名與宦

香積寺禮拜萬迴平等二聖僧塔

真無御化來借有乘化歸如彼雙塔內孰能知是  
非愚也駭蒼生聖哉爲帝師當爲時世出不由天  
地資萬迴主一作此方平等性無違今我一禮心  
億劫同不移肅肅松柏下諸天來有時

就道士問周易參同契

仙人騎白鹿髮短耳何長時余采菖蒲忽見嵩之

陽稽首求丹經乃出懷中方披讀了不悟歸家問  
稽康嗟余無道骨發我入太行

諸官遊招隱寺

山館人已空青蘿換風雨自從永明世月向龍宮  
吐鑿井長幽泉白雲今如古應真坐松柏錫杖挂  
窓戶口云七十餘能救諸有苦回指巖樹花如聞  
道場鼓金色身壞滅真如性無主僚友同一心清  
光遣誰取

宴南亭

詩紀

盛唐卷之三十一

三一

寒江映村林亭上納鮮潔楚客共閑飲靜坐金管  
闕酣竟日入山暝來雲歸穴城樓空杳靄猿鳥備  
清切物狀如絲綸上心爲予決訪君東谿事早晚  
樵路絕

何九於客舍集

客有住桂陽亦如巢林鳥羣觴且終宴功業曾未  
了山月空霽時江明高樓曉門前泊舟楫行次入  
松篠此意投贈君滄波風

一作裏裏

洛陽尉劉晏與府掾諸公茶集天宮寺岸

道上人房

良友呼我宿月明懸天宮道安風塵外灑掃青林  
中削去府縣理豁然神機空自從三湘還始得今  
夕同舊居太行北遠宦滄溟東各有四方事白雲  
處處通

觀江淮名勝圖

刻意吟雲山尤知隱淪妙遠公何爲者再詣臨海  
嶠而我高其風披圖得遺照援毫無逃境遂展千  
里眺淡掃荆門煙明標赤城燒青葱林間嶺隱見

詩紀

盛唐卷之三十一

四一

淮海微但指香爐頂無聞白猿嘯沙門旣云滅獨  
往豈殊調感對懷拂衣胡寧事漁釣安期始遺鳥  
千古謝榮耀投跡庶可齊滄浪有孤棹

灞上閑居

鴻都有歸客偃卧滋陽村軒冕無枉顧清川照我  
門空林網夕陽寒鳥赴荒園廓落時得意懷哉莫  
與言庭前有孤鶴欲啄常翩翩爲我銜素書弔彼  
顏與原二君旣不朽所以慰其魂

風涼原上作

陰岑宿雲歸煙霧濕松柏風淒日初晚下嶺望川  
澤遠山無晦一作明秋水千里白佳氣盤未央聖  
人在凝碧關門阻天下信是帝王宅海內方晏然  
廟堂有奇策時貞守全運罷去遊說客予忝蘭臺  
人幽尋免貽責

裴六書堂

閑堂閑空陰竹林一作木但清響窻下長嘯客區中  
無遺想經綸精微言兼濟當獨往

江上聞笛

詩紀

盛唐卷之三十二

五

橫笛怨江月扁舟何處尋聲長楚山外曲遶胡關  
深相去萬餘里遙傳此夜心寒浦淑寒響盡惟  
幽林不知誰家子復奏邯鄲音水客皆擁棹空霜  
遂盈襟羸馬望北走遷人悲越吟何當邊草白旌  
節隴城陰

太湖秋夕

水宿煙雨寒洞庭霜落微月明移舟去夜靜魂夢  
歸暗覺海風度蕭蕭聞鴈飛

趙十四兄見訪

客來舒長簟開閣延清風但有無絃琴共君盡  
中晚來當讀易頃者欲一作獨還嵩世事何須道黃  
精且養蒙嵇康殊寡識張翰獨知終忽憶鱸魚膾  
扁舟往江東

過華陰

雲起太華山雲山一作色互明滅東峯始含景了了

見松雪羈人感幽棲宵映轉奇絕欣然忘所疲永  
望吟不輟信宿百餘里出關玩新月何意昨來心

一作作遇物遂遷別人生屢如此何以肆愉悅

詩紀

盛唐卷之三十二

六

九江口作

漭漭江勢闊雨開潯陽秋驛門是高岸望盡黃蘆  
洲水與五谿合心期萬里遊明時無棄才謫去隨  
孤舟鷺鳥立寒木丈夫佩吳鉤何當報君恩却繫  
單于頭

大梁途中作

怏怏步長道客行渺無端郊原欲下雪天地稜稜  
寒當時每酣醉不覺行路難今日無酒錢悽惶向  
誰歎

途中作

遊人愁歲晏早起遵王畿  
墜葉吹未曉疎林月微  
微驚禽棲不定寒獸相因  
依歎此霜露下復聞鴻鴈  
飛渺然江南意惜與中途  
違羈旅悲壯髮別離念征  
衣永圖豈勞止明節期所  
歸寧厭楚山曲無人長掩  
扉

山行入涇州

倦此山路長停驂問賓御  
林巒信回惑

一作垌林  
往或回

白日落何處徙倚望長風  
滔滔引歸慮微雨隨雲

詩紀

盛唐卷之二十二

七

收濛濛傍山去西臨有邊  
邑北走盡成涇水橫

白煙州城隱寒樹所嗟異  
風俗已自少情趣豈伊

戀懷土解物且欣遇

小敷谷龍潭祠作

崖谷歎疾流地中有雷集  
百泉勢相蕩巨石皆却

立跳波沸崢嶸深處不可  
挹昏爲蛟龍怒

一作清

一作時

見雲雨入靈怪崇偏祠廢  
興自茲邑沈滛頃

多昧檐宇遂不葺吾聞被  
明典盛德惟世及生人

載山川血食報原隰豈伊  
駭微險將以循昨揖

飛振呂梁忠信亦我習波  
流浸已廣悔吝在所汲  
谿水有清源褰裳靡沾濕

段宥廳孤桐

鳳凰所宿處月映孤桐寒  
槁葉零落盡空柯蒼翠  
殘虛心誰能見直影非  
無端響發調尚苦清商勞  
一彈

琴

孤桐秘虛鳴朴素傳幽真  
髣髴絃指外遂見初古  
人意遠風雪苦時來江山  
春高宴未終曲誰能辨

詩紀

盛唐卷之二十二

八

經綸

初日

初日淨金閨先照牀前煖  
斜光入羅幕稍稍親絲  
管雲髮不能梳楊花更吹  
滿

失題

姦雄乃得志遂使羣心搖  
赤風蕩中原烈火無遺  
巢一人計不用萬里空蕭  
條

七言古詩

篴篴引



盧一作谿郡南夜泊舟夜聞兩岸羌戎謳其時月

黑猿啾啾微雨霑衣令人愁有一遷客登高樓不

言不寐彈箏篴彈作薊門桑葉秋風沙颯颯青塚

頭將軍鐵驄汗血流深入匈奴戰未休黃旗一點

兵馬收亂殺胡人積如丘瘡病驅來役一作邊州

仍披漠北羔羊裘顏色饑枯掩面羞眼眶淚滴深

兩眸思還本鄉食羣牛欲語不得指咽喉或有強

壯能咿嘍意說被他邊將讎五世屬藩漢主留碧

毛氊帳河曲遊橐駝五萬部落稠敕賜飛鳳金兜

詩紀 盛唐卷之二十二 九

鏊爲君百戰如過籌靜掃陰山無鳥投家藏鐵券

特承優黃金千一作斤不稱求九族分離作楚囚

深谿寂寞絃苦幽草木悲感聲颼颼僕本東山爲

國憂明光殿前論九疇簾讀兵書盡冥搜爲君掌

上施權謀洞曉山川無與儔紫宸詔發遠懷柔搖

筆飛霜如奪鉤鬼神不得知其由憐愛蒼生比蚍

蜉一作蜉 河屯兵須漸抽盡遣降來拜御溝便令

海內休戈矛何用班超定遠侯史臣書之得已不

烏栖曲

白馬逐朱車黃昏入狹邪柳樹烏爭宿爭枝未得

飛上屋東房少婦墻從軍每聽烏啼知夜分

城傍曲

秋風鳴桑條草白狐兔驕邯鄲飲來酒未消城北

原平掣皂鵬射殺空營兩騰虎迴身却月佩弓殄

行路難

雙絲作綆繫銀瓶百尺寒泉輓轡上懸絲一絕不

可望似妾傾心在君掌人生意氣好遷捐只重狂

花不重賢宴罷調筆奏離鶴迴嬌轉盼泣君前君

詩紀 盛唐卷之二十二 十

不見眼前事豈保須臾心勿異西山日下雨足稀

側有浮雲無所寄但願莫忘前者言剝骨黃塵亦

無愧行路難勸君酒莫辭煩美酒千鍾猶可盡心

中片愧何可論一聞漢王思故劍使妾常嗟萬古

魂

奉贈張荊州

祝融之峯紫雲銜翠如何其雪嶺崑崙西有路緣

石壁我欲從之卧穹嵌魚有心兮脫網罟江無人

今鳴楓杉王君飛鳥仍未去蘇耽宅中意遙緘

五言律詩

駕出長安

一作宋之問詩

聖德超千古皇風扇九圍  
天迴萬象出駕動六龍  
飛淑氣來黃道祥雲覆紫微  
太平多扈從文物有光輝

駕幸河東

晉水千廬合汾橋萬國從  
開唐天業盛入沛聖恩  
濃下輦迴三象題碑任六龍  
睿明懸日月千載一作歲此時逢

詩紀

盛唐卷之二十二

十一

胡笳曲

城南虜已合一夜幾重圍  
自有金笳引能霑出塞  
衣一作能今聽臨關月苦清入海風微  
三奏高樓曉胡人掩涕歸

潞府客亭寄崔鳳童

蕭條郡城閉旅館空寒煙秋月對愁客  
山鐘搖暮天新知偶相訪斗酒情依然  
一宿阻長會清風徒滿川

和振上人秋夜懷士會

白露傷草木山風吹夜寒  
遙林夢親友高興發雲  
端一作巖巒郭外秋聲急城邊月色殘  
瑤琴多遠思更為客中彈

送李擢遊江東

清洛日夜漲微風引孤舟離腸一作腸便千里  
遠夢生江樓楚國橙橘暗吳門煙雨愁  
東南具今古歸望山雲秋一作收

沙苑南渡頭

秋霧連雲白歸心浦淑懸津人空守  
纜村館復臨川蓬隔蒼茫雨波連演漾  
田孤舟未得濟入夢在何年

詩紀

盛唐卷之二十二

十二

客廣陵

樓頭廣陵近九月在南徐秋色明  
海縣寒煙生里間夜帆歸楚客  
昨日度江書為問易名叟垂綸不見魚

靜法師東齋

築室在人境遂得真隱情  
春盡草木變雨來池館清  
琴書全雅道視聽已無生  
閉戶脫三界白雲自

虛盈

素上人影塔

物化同枯木希夷明月珠本來生滅盡何者是虛  
無一坐看如故千齡獨向隅至人非別有方外不  
應殊

謁焦鍊師

中峯青苔壁一點雲生時豈意石堂裏得逢焦鍊  
師爐香淨裴紫松影閑瑤墀拜受長年藥翩翩西  
海期

詩紀

盛唐卷之二十二

十三

宿京江口期劉春虛不至

霜天起長望殘月生海門風靜夜潮滿城高寒氣  
昏故人何寂寞久已乖清言明發不能寐徒盈江  
上樽

寒食卽事

晉陽寒食地風俗舊來傳雨滅龍蛇火春生鴻鴈  
天泣多流水漲歌發舞雲旋西見之推廟空爲人  
所憐

七言律詩

九日登高

青山遠近帶皇州霽景重陽上北樓雨歇亭臯仙  
菊潤霜飛天苑御梨秋茱萸插鬢花宜壽翡翠橫  
釵舞作愁謾說陶潛籬下醉何曾得見此風流

萬歲樓

江上巍巍萬歲樓不知經歷幾千秋年年喜見山  
長在日日悲看水獨流猿狖何曾離暮嶺鷓鴣空  
自泛寒洲誰堪登望雲煙裏向晚茫茫發旅愁

五言排律

詩紀

盛唐卷之二十二

十四

夏月花萼樓酺宴應制

土德三元正堯心萬國同汾陰備冬禮長樂應和  
風賜慶垂天澤流歡舊渚宮樓臺生海上簫鼓出  
天中霧曉筵初接宵長曲未終雨隨青幕合月照  
一作舞羅空玉陛分朝列文章發聖聰愚臣忝書  
賦歌詠頌綵桐

同王維集青龍寺曇壁上人兄院五韻

本來清淨所竹樹引幽陰簷外含山翠人間出世  
心圓通無有象聖境不能侵真是吾兄法何妨友

弟深天香自然會靈異識鐘音

東谿翫月一作王維詩

月從斷山口遙吐柴門端萬木分一作空霽流陰

中夜攢光連虛象白氣與風露寒谷靜秋泉響巖

深青靄殘澄清入幽夢破影抱空巒恍惚琴牕裏

松谿曉思難

送歐陽會稽之任

懷祿貴心賞東流山水長官移會稽郡地邇上虞

鄉緩帶屏紛雜漁舟臨訟堂逶迤迴谿趣一作猿曲

詩紀盛唐卷之二十二十五

嘯飛鳥行萬室霽朝雨千峯迎夕陽輝輝遠洲映

曖曖澄湖光白髮有高士青春期上皇應須枉車

歇爲我訪荷裳

盛唐第二十二

盛唐第二十三

唐詩紀八十三

鄆郡吳中一作吳郡

東吳俞策同校

王昌齡三

五言絕句

朝來曲

月旻鳴珂動花連繡戶春盤龍玉臺鏡唯待畫眉

人

從軍行

詩紀盛唐卷之二十三一

大將軍出戰白日暗榆關二百黃金甲單于破膽

還

答武陵田太守

仗一作劒行千里微軀敢一言曾爲大梁客不負

信陵恩

題灞池二首

腰鎌欲何之東園刈秋韭世事不復論悲歌和樵

叟

開門望長川薄暮見漁者借問白頭翁垂綸幾年

也

題僧房

棕櫚花滿院苔蘚入閑房彼此名言絕空中聞異香

擊磬老人

雙峯褐衣久一磬白眉長誰識野人意徒看春草芳

送胡大

荆門不堪別况乃瀟湘秋何處遙望君江邊明月詩紀

盛唐卷之二十三

二

送郭司倉

映門淮水綠留騎主人明月隨良掾春潮夜夜深

送李十五

怨別秦楚深江中秋雲起天長杳無隔月影在寒水

送張四

楓林已愁暮楚水復堪悲別後冷山月清猿無斷

時

武陵田太守席送司馬盧谿

諸侯分楚郡飲餞五谿春山水清暉遠俱憐一逐臣

送譚八之桂林

客心仍在楚江館復臨湘別意猿鳥外天寒桂水長

送劉十五之郡

平明江霧寒客馬江上發扁舟事洛陽宵宵含楚詩紀

盛唐卷之二十三

三

七言絕句

從軍行七首

烽火城西百尺樓黃昏獨上一作生海風秋更吹羌

笛關山月無那一作誰解金閨萬里愁

琵琶起舞換新聲總是關山舊一作離別情撩亂邊

愁聽一作彈不盡高高秋月照長城

關城榆葉早疎黃日暮雲沙古戰場表請回軍掩

塵骨莫教兵士哭龍荒



青海長雲暗雪山孤城遙望玉一作門關黃沙百

戰穿金甲不破樓蘭終一作不還

大漠風塵日色昏紅旗半捲出轅門前軍夜戰洮

河北已報生擒吐谷渾

胡瓶落膊紫薄汗碎葉城西秋月團明敕星馳封

寶劒辭君一夜取樓蘭

玉門山嶂幾千重山北山南總是烽人依遠戍須

看火馬踏深山不見蹤

### 出塞二首

詩紀 盛唐卷之二十三 四

秦時明月漢時關萬里長征人一作征夫未還但使

龍城飛將在不教胡馬度陰山

騾馬新跨白玉鞍戰罷沙場月色寒城頭鐵鼓聲

猶振匣裏金刀血未乾

### 采蓮曲二首

吳姬越艷楚王妃爭弄蓮舟水濕衣來時浦口花

迎入采罷江頭月送歸

荷葉羅裙一色裁芙蓉向臉兩邊開亂入池中看

不見聞歌始覺有人來

### 殿前曲二首

貴人妝梳殿前催香風吹入殿後來仗引笙歌六

苑馬白蓮花發照池臺

胡部笙歌西殿頭梨園弟子和涼州新聲一段高

樓月聖王千秋樂未休

### 春宮曲

昨夜風開露井桃未央前殿月輪高平陽歌舞新

承寵簾外春寒賜錦袍

### 西宮春怨

詩紀 盛唐卷之二十三 五

西宮夜靜百花香欲捲珠簾春恨長斜抱雲和深

見月朦朧一作朦朧樹色隱昭陽

### 西宮秋怨

芙蓉不及美人妝水殿風來珠翠香誰分含啼一作

却恨掩秋扇空懸明月待君王

### 長信秋詞五首

金井梧桐秋葉黃珠簾不捲夜來霜熏籠玉枕無

顏色卧聽南宮清漏長

高殿秋砧響夜闌霜深猶憶御衣寒銀燈青瑣裁

縫歇還向金城明主看

奉帚平明金殿開且將團扇暫<sub>一作徘徊</sub>玉顏不

及寒鴉色猶帶昭陽日影來

眞成薄命久尋思夢見君王覺後疑火照西宮知

夜飲分明複道奉恩時

長信宮中秋月明昭陽殿下擣衣聲白露堂中細

草跡紅羅帳裏不勝情

青樓曲二首

白馬金鞍從武皇旌旗十萬宿長楊樓頭小婦鳴

詩紀 盛唐卷之二十三

六

箏坐遙見<sub>一作遙見</sub>塵入建章

馳道楊花滿御溝紅妝縵綰上青樓金章紫綬千

餘騎夫壻朝回初拜侯

青樓怨

香幃風動花入樓高調鳴箏緩夜愁腸斷關山不

解說依依殘月下簾鉤

浣紗女

錢塘江畔是誰家江上女兒全勝花吳王在時不

得出今日公然來浣紗

閨怨

閨中少婦不曾愁春日凝妝上翠樓忽見陌頭楊

柳色悔教夫壻覓封侯

甘泉歌

乘輿執玉已登壇細草霑衣春殿寒昨夜雲生拜

初月萬年甘露水晶盤

河上歌

河上老人坐古槎合丹只用青蓮花至今八十如

四十口道滄溟是我家

詩紀

盛唐卷之二十三

七

蕭駙馬宅花燭

青鸞飛入合歡宮紫鳳銜花出禁中可憐今夜千

門裏銀漢星回<sub>一作一道通</sub>

觀獵

角鷹初下秋草稀鐵騾拋鞚去如飛少年獵得平

原兔馬後<sub>一作橫</sub>捎意氣歸

寄穆侍御出幽州

一從恩譴度瀟湘塞北江南萬里長莫道薊門書

信少鴈飛猶得到衡陽

寄陶副使

聞道將軍破海門如何遠謫渡湘沅春來明王封  
西嶽自有還君紫綬恩

至南陵答皇甫岳

與君同病復漂淪昨夜宣城別故人明王恩深非  
歲久長江還共五谿濱

西江寄越弟

南浦逢君嶺外還沅谿更遠洞庭山堯時恩澤如  
春雨夢裡相逢同入關

詩紀

盛唐卷之二十三

八

李四倉曹宅夜飲

霜天留後故情歡銀燭金爐夜不寒欲問吳江別  
來意青山明月夢中看

宴春源

源向春城花幾重江明深翠引諸峯與君醉失松  
谿路山館寥寥傳暝鐘

龍標野宴

沅谿夏晚足涼風春酒相携就竹叢莫道絃歌愁  
遠謫青山明月不曾空

聽流人水調子

孤舟微月對楓林分付鳴箏與客心嶺色千重萬  
重雨斷絃收與淚痕深

梁苑

梁園秋竹古時煙城外風悲欲暮天萬乘旌旗何  
處在平臺賓客有誰憐

武陵龍興觀黃道士房間易因題

齋心問易太陽宮八卦真形一氣中仙老言餘鶴  
飛去玉清壇上雨濛濛

詩紀

盛唐卷之二十三

九

題朱鍊師山房

叩齒焚香出世塵齋壇鳴磬步虛人百花仙醞能  
留客一飯胡麻度幾春

武陵開元觀黃鍊師院三首

松間白髮黃尊師童子燒香禹步時欲訪桃源入  
谿路忽聞雞犬使人疑

先賢盛說桃花源塵忝何堪武陵郡聞道秦時避  
地人至今不與人間問

山觀空虛清靜門從官役吏擾塵喧暫因問俗到

真境便欲投誠依道源

送魏二

醉別江樓橘柚香江風引雨入船涼憶君遙在瀟湘月愁聽清猿夢裏長

別李浦之京

故園今在灞陵西江畔逢君醉不迷小弟鄰莊尚漁獵一封書寄數行啼

送狄宗亨

秋在水清山暮蟬洛陽樹色鳴皋煙送君歸去愁詩紀

盛唐卷之二十三

十一

不盡又惜空度涼風天

送薛大赴安陸

津頭雲雨暗湘山遷客離憂楚地顏送送扁舟安陸郡天邊何處穆陵關

芙蓉樓送辛漸二首

寒雨連天夜入湖平明送客楚山孤洛陽親友如相問一片冰心在玉壺  
丹陽城南秋海陰丹陽城北楚雲深高樓送客不能醉寂寂寒江明月心

重別李評事

莫道秋江離別難舟船明日是長安吳姬緩舞留君醉隨意青楓白露寒

別陶副使歸南海

南越歸人夢海樓廣陵新月海亭秋寶刀留贈長相憶當取戈船萬戶侯

送人歸江夏

寒江綠水楚雲深莫道離憂遷遠心曉夕雙帆歸鄂渚愁將孤月夢中尋

詩紀

盛唐卷之二十三

十二

送李五

玉盤金壘傾送君江西日入起黃雲扁舟乘月暫來去誰道滄浪吳楚分

送十五舅

深林秋水近日空歸棹演漾清陰中夕浦離觴意何已草根寒露悲鳴蟲

留別郭八

長亭駐馬未能前井邑蒼茫含暮煙醉別何須更惆悵回頭不語但一作便垂鞭

送竇七

清江月色傍林秋，波上瑩瑩望一舟。  
鄂渚輕帆須早發，江邊明月爲君留。

巴陵送李十二

搖曳巴陵洲渚分，清江傳語便風聞。  
山長不見秋城色，日暮蒹葭空水雲。

送裴圖南

黃河渡頭歸問津，離家幾日茱萸新。  
漫道閨中飛破鏡，猶看陌上別行人。

詩紀

盛唐卷之二十三

十三

留別司馬太守

辰陽太守念王孫，遠謫沅谿何可論。  
黃鶴青雲當一舉，明珠吐著報君恩。

盧谿主人

武陵谿口駐扁舟，谿水隨君向北流。  
行到荆門上三峽，莫將孤月對猿愁。

送程六

冬夜傷離在五谿，青魚雪落鱸橙蘼。  
武岡前路看斜月，片片舟中雲向西。

送朱越

遠別舟中蔣山暮，君行舉首燕城路。  
薊門秋月隱黃雲，期向金陵醉江樹。

別辛漸

別館蕭條風雨寒，扁舟月色渡江看。  
酒酣不識關西道，却望春江雲尚殘。

送柴侍御

沅水通波接武岡，送君不覺有離傷。  
青山一道同雲雨，明月何曾是兩鄉。

詩紀

盛唐卷之二十三

十三

送萬大歸長沙

桂陽秋水長沙縣，楚竹離聲爲君變。  
青山隱隱孤舟微，白鶴雙飛忽相見。

送吳十九往沅陵

沅江流水到辰陽，谿口逢君驛路長。  
遠謫誰知望雷雨，明年春水共還鄉。

別皇甫五

淞浦潭陽隔楚山，離樽不用起愁顏。  
明祠靈響期昭應，天澤俱從此路還。



送崔參軍往龍谿

龍谿只在龍標上秋月孤山兩相向  
譴謫離心是丈夫鴻恩共待春江漲

送鄭判官

東楚吳山驛樹微軺車銜命奉恩輝  
英僚携出新豐酒半道遙看驄馬歸

送姚司法歸吳

吳掾留觴楚郡心洞庭秋雨海門陰  
但令意遠扁舟近一作送不道滄江百丈深

詩紀

盛唐卷之二十三

十四

送高三之桂林

留君夜飲對瀟湘從此歸舟客夢長  
嶺上梅花侵雪暗歸時還拂桂枝香

闕文

失題

長亭酒未醒千里風動地

又

天仗森森練雪擬身騎駿馬白鷹臂

盛唐第二十三

盛唐第二十四

唐詩紀八十四

鄆郡吳中吟

東吳俞策同校

陶翰

潤州人開元中為禮部員外以水壺賦得名○殷璠云歷代詞人詩筆雙美者鮮矣今陶生實詞兼之既多賦象復備風骨三百年以前方可論其體裁

古塞下曲

進軍飛狐北窮寇勢將變日落沙塵昏  
背河更一戰一作駭馬黃金勒琱弓白羽箭射殺左賢王歸

奏未央殿欲言塞下事天子不召見東出咸陽門

詩紀

盛唐卷之二十四

一

哀哀淚如霰

燕歌行

請君留楚調聽我吟燕歌家在遼水頭  
邊風意氣多出身為漢將正值戎未和雪中凌天山水上度

交河大小百餘戰封侯竟蹉跎歸來灞陵下故舊

無相過雄劒委塵匣空門唯一作垂雀羅玉簪

還趙姝瑤琴付齊娥昔日不為樂時哉今奈何

望太華贈盧司倉

行吏到西華乃觀三峯壯削成元氣中傑出天河

漢一作上如有飛動色不知青冥狀巨靈安在哉  
跡猶可望方此顧一作行旅末由飭一作仙

裝葱龍記星壇明滅數雲嶂良友垂真契宿心所

微尚敢投歸山吟霞徑一相訪

### 贈鄭員外

驄馬拂繡裳按兵遼水陽西分鴈門騎北逐樓煩

王聞道五軍集相邀百戰場風沙暗天起虜騎一作

陣森已行儒服揖一作諸將雄謀吞八一作荒金

門來一作見謁朱紱生輝光數載侍御史稍遷尚

詩紀盛唐卷之二十四二

書郎人生志氣立所貴功業昌何必守章句終年

事蒼一作黃同時獻賦客尚在東陵傍

### 贈房侍御

志士固不羈與道常周旋進則天下仰已之能晏

然褐衣東府召執簡南臺先雄義每一作特立犯

顏豈圖全謫居東南遠逸氣吟芳荃適會寥廓趣

清波更寅緣扁舟入五湖發纜洞庭前浩蕩臨海

曲迢迢濟江壖微奇忽忘返遇興將彌年乃悟范

生智足明漁父賢郡臨新安渚佳氣一作此城偏

日夕對層岫雲霞映晴川閑居戀一作秋色偃卧

含貞堅倚伏自相化行藏互一作推遷君其振羽

翮歲晏將冲天

晚出伊闕寄河南裴中丞

退無偃息資進無當代策冉冉時將一作暮坐爲

周南客前登關塞門永眺伊城陌長川黯已空一作

暮千里寒氣白家本一作渭水西異日同所適秉

志師禽尚微言祖莊易一辭林壑間共繫風塵役

交朋一作忽先進天道何一作紛劇豈念嘉遯時

詩紀盛唐卷之二十四三

依依偶沮溺

送朱大出關

楚客西上書十年不得意平生相知者晚節心各

異長揖五侯門拂衣謝中貴丈夫多別離各有四

方事拔劍因高歌蕭蕭北風至故人有斗酒是夜

共君醉努力長一作加餐當年莫相棄

宿天竺寺

松柏亂巖口山西微徑通天開一峯見宮闕生虛

雲中峯一作翠映湖月泉聲亂谿風心超諸境外  
了與懸解同明發唯改視朝日長崖東以上二句一作明發  
氣候改起湖色濃蕩漾海光漸曠曠葛仙迹尚在  
視長崖東許氏道猶崇獨往古來事幽懷期二公

出蕭關懷古

驅馬擊長劒行役至蕭關悠悠一作然五原上永眺  
關河前北虜三十萬此中常控弦秦城巨宇宙漢  
帝理旌旄一作旄旃刀斗鳴不息一作歇羽書日夜傳五  
軍計莫就三策議空全大漠橫萬里蕭條絕人煙  
詩紀  
盛唐卷之二十四 四  
孤城一作山當瀚海落日照祈連愴矣苦寒奏懷哉  
式微篇更悲秦樓月夜夜出胡天

南楚懷古

南國久蕪漫我來空鬱陶君看章華宮處處生黃  
蒿但見陵與谷豈知賢與豪精蒐托古木寶玉捐  
江臯倚棹下晴景迴舟隨晚濤碧雲暮寥落湖上  
秋天高往事那堪問此心徒自勞獨餘湘水上千  
載聞離騷

經殺子谷

扶蘇秦帝子舉代稱其賢百萬猶在握可爭天下  
權束身就一劒壯志皆棄捐塞下有遺跡千齡人  
共傳踈蕪盡荒草寂歷空寒煙到此盡垂淚非我  
獨潸然

早過臨淮

夜來三渚風紀事作夜泊三風渚晨過臨淮島湖中海氣白  
城上楚雲早鱗鱗魚浦帆潏潏蘆洲草川路日浩  
蕩怒焉心如擣且言任倚伏何暇念枯槁范子名  
屢移遽公志常保古人去已久此理今難道一作古人  
詩紀  
盛唐卷之二十四 五  
已云云此理誰足道

乘潮至漁浦作

艤棹乘早潮潮來如風雨樟臺忽已隱界峯莫及  
覩以上二句紀事作嶂高忽已界峯暗莫及覩崩騰心爲失浩蕩目無  
主一作風停逐浪始聞一作始聞漾漾入魚浦雲景共澄  
霽江山相吞吐偉哉造化工一作靈此事從終古流  
沫誠足誠商歌調易苦頗因忠信全客心一作念猶  
栩栩

秋山夕興

山月松篠下月明山景鮮聊爲高秋酌復此清夜  
絃晤語方獲志栖心亦彌年尚言興未逸更理逍  
遙篇

送集賢學士伊闕史少府敕放歸江東觀

省一作茶  
毋潛詩

墨客鍾張侶材高吳越珍千門來謁帝駟馬去榮  
親吏邑沿清洛鄉山指白蘋歸期應不遠當及未  
央春

送金卿歸新羅

詩紀

盛唐卷之二十四

六一

奉義朝中國殊恩及遠臣鄉心遙渡海客路再經  
春落日誰同望孤舟獨可親拂波銜木鳥偶宿泣  
珠人禮樂夷風變衣冠漢制新青雲已干呂知汝  
重來賓

柳陌聽早鶯

忽來枝上轉還似谷中聲乍使香閣靜偏傷遠客  
情間關難辨處斷續若頻驚玉勒留將久青樓夢  
不成千門候曉發萬井報春生徒有知音賞慙非  
臯鶴鳴

盧象

字綽號汝水人開元中由前進士補秘書  
郎張九齡深器之崔左補闕名盛氣高少  
所卑下爲飛語所中左遷齊汾鄭三都司  
入爲膳部員外受祿山爲官貶永州司戶  
爲主客員外道病留武昌卒○殷璠云象雅  
而平素有人體得國士之風曩在校書名充

閣秘

贈程秘書

客自岐陽來吐音若鳴鳳孤飛畏不偶獨立誰見  
用忽從被褐中召入承明宮聖人借顏色言事無  
不通殷勤拯黎庶感激論諸公將相猜賈誼圖書  
歸馬融顧余久寂寞一歲麒麟閣且共歌太平勿  
嗟名宦薄

詩紀

盛唐卷之二十四

七

家叔徵君東谿草堂二首

開山十餘里青壁森相倚欲識堯時天東谿白雲  
是雷聲轉幽壑雲氣香流水澗影生龍一作蛇巖  
端翳樛梓大道終不易君恩曷能已鶴美無老時  
龜言攝生理浮年笑六甲元化潛一指未暇掃雲  
梯空慙阮家子

今朝共遊者得性閑未歸已到仙人家莫驚鷗鳥  
飛水深嚴子釣松桂巢父衣雲氣轉幽寂谿流無

是非名理未足美腥臊詎所希自惟負貞意何歲當食薇

鄉試後自輦遠田家因謝鄰友見過之作  
雞鳴出東邑馬倦登南巒落日見桑柘翳然丘中寒鄰家多舊識投暝來相看且問春稅苦兼陳行路難園場近陰壑草木易凋殘峯暗雪猶積澗深水已團浮名知何用歲晏不成歡置酒共君飲當歌聊自寬

八月十五日象自江東止田園移莊慶會

詩紀

盛唐卷之二十四

八一

未幾歸汶上小第幼妹尤悲其別兼賦是

詩三首

又見王維集

謝病始告歸依依入桑梓家人皆佇立相候衡門

裏時輩

皆長年成人舊童子上堂家

一作慶

畢顧與姻親齒論舊或餘悲目

一作思

存且相喜田

園轉蕪沒但有寒泉水衰柳日蕭條秋光清邑里

入門乍如客休騎非便止中飯

一作飲

顧王程離憂

從此始

兩妹日長成雙鬟將及人已能持寶瑟自解掩羅

巾念昔別時小未知踈與親今來識離恨拭淚方殷勤

小弟更孩幼歸來不相識同居雖漸慣見人猶默默死作越人語殊甘水鄉食別此最爲難淚盡有餘憶

歎白髮

又見王維集

我年一何長鬢髮日已白俛仰天地間能爲幾時客惆悵故山雲徘徊空日夕何事與時人東城復南陌

詩紀

盛唐卷之二十四

九一

青雀歌

啾啾青雀兒飛來飛去仰天池逍遙飲啄安涯分何假扶搖九萬爲

雜詩二首

家居五原上征戰是平生獨負山西勇誰當塞下

一作上

名死生遼海戰雨雪薊門行諸將封侯盡論

功獨不成

君家御溝上垂柳夾朱門列鼎會中貴鳴珂朝至尊死生在片議窮達由一言須識苦寒士莫矜孤



白溫

贈廣川馬先生

經書滿腹中吾識廣川翁  
年老甘無位家貧懶發  
蒙人歸洙泗學歌盛舞  
雲風願接諸生禮三年  
馬融

早秋宴張郎中海亭即事

又見孟浩然集

邑有絃歌宰翔鸞狎野  
一作鸛言華省舊暫滯  
一作海池遊鬱島藏深竹前谿對舞樓更聞書即

事雲物是新秋

詩紀

盛唐卷之二十四

十一

峽中作

高唐幾百里樹色  
一作接陽臺晚見江山霽宵聞  
風雨來雲從三峽起  
天向數峯開靈境信難  
見輕舟那可回

竹里館

江南水不閉山澤氣潛通  
臘月聞山鳥寒崖見蟄  
熊柳林春半合荻筍亂  
無叢回首金陵岸依依  
向  
北風

永城使風

長風起秋色細雨含落暉  
夕鳥向林去晚帆相逐  
飛蟲聲出亂草水氣薄  
行衣一別故鄉道悠悠  
今始歸

和徐侍郎叢篠詠

一作蔣渙詩

中禁夕沈沈幽篁別作  
林色連雞樹近影落鳳  
池深爲重凌霜節能虛  
應物心年年承雨露長  
對紫庭陰

駕幸溫泉

傳聞聖王幸新豐清蹕  
鳴鑾出禁中細草終朝  
隨

詩紀

盛唐卷之二十四

十一

步輦垂楊幾處繞行宮  
千官扈從驪山北萬國  
來朝渭水東此日小臣  
徒獻賦漢家誰復重楊  
雄

奉和張使君宴加朝散

佐理星辰貴分榮渙汗  
深言從大夫後用荅聖  
人心騎擁軒裳客鸞驚  
翰墨林停杯歌麥秀秉  
燭醉棠陰爽氣凌秋笛  
輕寒散暝砧祗應將四  
子講德謝知音

贈張均員外

公門世緒

一作業

昌才子冠裴王出自平  
津邸還爲

吏部郎神仙餘氣色列宿動一作助輝光夜

宮靜一作近朝趨北禁長時人歸一作炳水鏡明王賜

衣裳翰苑飛鸚鵡天池待鳳凰承歡一作欣疇日願

未紀一作記後時傷去去圖南遠微才幸不忘

### 送祖詠

田家宜伏臘歲晏子言歸石路雪初下荒村雞共

飛東原多煙火北澗隱寒暉滿酌野人酒倦聞鄰

女機胡爲困一作因樵采幾日罷一作解朝衣

### 送綦毋潛

詩紀 盛唐卷之二十四 十三

夫君不得意本自滄海來高足未云踴虛舟空復

迴淮南楓葉落灞岸桃花開出處暫爲耳沈浮安

繫哉如何天覆物還遺世遺才欲識秦將漢嘗聞

王與裴離筵對寒食別雨乘春雷會有辟書至荷

衣莫漫裁

### 送趙都護赴安西

下客候旌麾元戎復在斯門開都護府兵動羽林

兒黠虜多翻覆謀臣有別離智同天所授恩共日

相隨漢使開賓幕胡笳送酒卮風霜迎馬首雨雪

事魚麗上策應無戰深情屬載馳不應行萬里明

### 王寄安危

追涼歷下古城西北隅此地有清泉喬木

謝朓出華省王祥貽佩刀前賢真可慕衰病意空

勞貞悔不自卜遊隨共爾曹未能齊得喪時復誦

離騷閑陰七賢地醉餐三士桃蒼苔虞舜井喬木

古城壕漁父偏相狎堯年不可逃蟬鳴秋雨霽雲

白曉山高咫尺傳雙鯉吹噓借一毛故人皆得路

誰肯念同袍

詩紀 盛唐卷之二十四 十三

### 戲贈邵使君張郎

少婦石榴裙新妝白玉面能迷張公子不許時相

見

### 同王維過崔處士林亭

映竹時聞轉轆轤當窓只見網蜘蛛主人非病常

高卧環堵蒙籠一老儒

### 寄河上段十六

與君相識卽相親聞道君家住孟津爲見行舟試

借問客中時有洛陽人 盛唐第二十四

盛唐第二十五

唐詩紀八十五

鄆郡吳中珩彙編

東吳俞策同校

高適

本傳云字達夫渤海人少濩落不事生業年過五十始留意詩什每吟一篇已爲好事者所稱

事者關中尉有遺科授封丘尉哥舒翰表爲左驍騎兵曹掌書記祿山亂拜監察御史及翰兵敗奔赴行在遷侍御史歷遷至劍南西川節度使代宗時爲刑部侍郎轉散騎常侍封渤海縣侯卒諡曰忠適言王霸大畧務功名尚節義逢時多難以安危爲己任有唐以來詩人之志多難而己○殷璠云常侍性狷落不爲小計以爲常科隱迹博徒才名自遠然適詩多留贈諸將兼有氣骨故詩世通賞其文

詩紀

盛唐卷之二十五

一

五言古詩

銅雀妓

日暮銅雀迴秋深玉座清蕭森松柏望委鬱綺羅情君恩不再得妾舞爲誰輕

塞下曲

結束浮雲駿翩翩出從戎且憑天子怒復倚將軍雄萬鼓雷殷地千旗火生風日輪駐霜戈月魄懸琯弓青海陣雲匝黑山兵氣衝戰酣太白高戰罷旄頭空萬里不惜死一朝得成功畫圖麒麟閣入

朝明光宮大笑向文士一經何足窮古人昧此道往往成老翁

塞上

東出盧龍塞浩然客思孤亭候列萬里漢兵猶備胡邊塵滿北溟虜騎一作塞馬正南驅轉鬪豈長策和親非遠圖惟昔李將軍按節臨此都總戎掃大漠一戰擒單于常懷感激心願効縱橫謨倚劍欲誰語關河空鬱紆

薊門行五首

詩紀

盛唐卷之二十五

二

薊門逢古

一作故

老獨立思氛氲一身旣零丁頭鬢

白紛紛勳庸今已矣不識霍將軍

漢家能用武開拓窮異域戍卒厭糟糠降胡飽衣食關亭試一望吾欲淚沾臆

邊城十一月雨雪亂霏霏元戎號令嚴人馬亦輕

肥羌胡無盡日征戰幾時歸

幽州多騎射結髮重橫行一朝事將軍出入有聲

名紛紛獵秋草相向角弓鳴

黯黯

一作茫

長城外日沒更煙塵胡騎雖憑陵漢兵

不顧身古樹滿空塞黃雲愁殺人

効古贈崔二

十月河洲時一看有歸思風颺生慘烈雨雪暗天地我輩今胡爲浩哉迷所至緬懷當塗者濟濟居聲位邈然在雲霄寧肯更淪躋周旋多燕樂門館列車騎美人芙蓉姿狹室蘭麝氣金鑪陳獸炭談笑正得意豈論草澤中有此枯槁士我慙經濟策久欲甘棄置君負縱橫才如何尚顛顛長歌增鬱怏對酒不能醉窮達自有時夫子莫下淚

詩紀

盛唐卷之二十五

三

鉅鹿贈李少府

李侯雖薄宦時譽何籍籍駿馬常借人黃金每留客投壺華館靜縱酒涼風夕卽此遇神仙吾欣知損益

東平留贈狄司馬

曾與田安西充判官

古人無宿諾茲道以一作未爲難萬里赴知己一言誠可歎馬蹄經月窟劒術指樓蘭地出北庭盡城臨西海寒森然瞻武庫則是一作弄儒翰入幕綰銀綬乘軺兼鐵冠練兵日精銳殺敵無遺殘獻捷

見天子輪功俘可汗激昂丹墀下顧盼青雲端誰謂縱橫策翻爲權勢干將軍旣坎壈使者亦辛酸耿介挹一作揖三事羈離從一官知君不得意他日會鵬搏

過盧明府有贈

良吏不易得古人今可傳靜然本諸已以此知其賢我行挹高風美爾兼少年曾懷豁清夜史漢如流泉明日復行春逶迤出郊壇登高見百里桑野鬱芊芊時平俯鵲巢歲熟多人煙奸猾唯閉戶逃

詩紀

盛唐卷之二十五

四

忘歸種田迴軒自郭南老幼滿馬前一作賀蠶農至一作而無徭役牽君觀黎庶心撫之誠萬全何幸逢大道願言烹小鮮能奏明廷主一作能一試武城絃

單父逢鄧司倉覆倉庫因而有贈

邦牧今坐嘯羣賢趨紀綱四人忽不擾耕者遙相望粲粲府中妙授詞如履霜炎炎伏熱時草木無晶光匹馬度睢水清風何激揚校繆閱帑藏發廩欣斯箱邂逅得相逢歡言至夕陽開襟自公餘載



酒登琴堂舉杯挹山川寓目窮毫芒白鳥向田園  
青蟬歸路長醉中不惜別况乃正遊梁

薊門不遇王之渙郭密之因以畱贈

適遠登薊丘茲晨獨搔屑賢交不可見吾願終難  
說迢遞千里遊羈離十年別才華仰清興功業嗟  
芳節曠蕩阻雲海蕭條帶風雪逢時事多謬失路  
心彌折行矣勿重陳懷君但愁絕

寄孟五少府

秋氣一作風落窮巷離憂兼暮蟬後時已如此高興

詩紀

盛唐卷之二十五

五

亦徒然知君念淹泊憶我屢周旋征路見來鴈歸  
人悲遠天平生感一作各千里相望在貞堅

苦雨寄房四昆季

獨坐見多雨况茲兼索居茫茫十月交窮陰千里  
餘彌望無端倪北風擊林笳白日眇難覩黃雲爭  
卷舒安得造化功曠然一掃除滴瀝簷宇愁寥寥  
談笑踈泥塗擁城郭水潦盤丘墟惆悵憫田農徘  
徊傷里閭曾是力井稅曷爲一作云無斗儲萬事切  
中懷十年思上書君門嗟緬邈身計念居諸沈吟

顧草茅鬱快任盈虛黃鵠不可羨鳴雞時起予故  
人平臺側高館臨通衢兄弟方荀陳才華冠應徐  
彈碁自多暇飲酒更一作復何如知人想林宗直道  
慙史魚携手風流一作風在開襟鄙吝祛寧能訪窮  
巷相與對園一作嘉蔬

和賀蘭判官望北作

聖代務平典輜軒推上才迢遙溟海際曠望滄波  
開四牡未遑息三山安在哉巨鼇不可釣高浪何  
崔嵬湛湛朝百谷茫茫連九垓挹流納廣大觀異

詩紀

盛唐卷之二十五

六

增遲迴日出見魚日月圓知蚌胎跡非想像到心  
以精靈猜遠色帶孤嶼虛聲涵殷雷風行越裳貢  
水過天吳災攬轡隼將擊忘機鷗復來緣情韻騷  
雅獨立遺塵埃吏道竟殊用翰林仍忝陪長鳴謝  
知已所媿非龍媒

和崔二少府登楚丘城作

故人亦不遇異縣久棲託辛勤失路意感歎登樓  
作清晨眺原野獨立窮寥廓雲散芒碭山水還睢  
陽郭遶梁卽襟帶封衛多漂泊事古悲城池年豐



愛壚落相逢俱未展攜手空蕭索何意千里心仍求百金諾公侯皆我輩動用在謀畧聖心思賢才揭來刈葵藿

酬司空璠少府

飄飄未得意感激與誰論昨日遇夫子仍欣吾道存江山滿詞賦札翰起涼溫吾見風雅作人知德業尊驚飈蕩萬木秋氣屯高原燕趙何蒼茫鴻鴈來翩翩此時與君別握手欲無言

酬李少府

詩紀

盛唐卷之二十五

七

出塞竟屢一作驚懷賢意難說誰知五道間乃在客中別日夕捧瓊瑤相思無休歇伊人雖薄宦舉代推高節述作凌江山聲華滿冰雪一登薊丘上四顧何慘烈來鴈無盡時邊風正騷屑將從崖谷遁且與沈浮絕君若登青雲吾當投魏闕

酬裴秀才

男兒貴得意何必相知早飄蕩與物永一作蹉跎覺年一作身老長卿無產業季子慙妻嫂此事難重陳未於一作爲衆人道

酬陸少府

朝臨淇水岸還望衛人邑別意在山阿征途背原隰蕭蕭一作稍稍前村口唯見轉蓬入水渚人去遲霜天鴈飛急固應不遠別一作我行所與路一作終未及欲濟川上舟相思空佇立

奉酬北海李太守丈人夏日平陰亭

天子股肱守丈人山嶽靈出身侍丹墀舉翮凌青冥當昔皇運否人神俱未寧諫官莫敢議酷吏方專刑谷永獨言事匡衡多引經兩朝納深衷萬乘無不聽盛烈播南史雄詞豁東溟誰謂整隼旟翻然憶柴局寄書汶陽客迴首平陰亭開封見千里結念存百齡隱軫江山麗一作來氛氲蘭茝馨自憐遇時休漂泊隨流萍春野變木德夏天臨火星一生徒羨魚四十猶聚螢從此日閑放焉能懷拾青

酬馬八効古見贈

深一作谿崖無綠竹秀色徒氛氲時代種桃李無人顧此君奈何冰雪操尚與蒿萊羣願托靈仙子一聲吹入雲

酬鴻臚裴王簿雨後睢陽北樓見贈之作  
暮霞照新晴歸雲猶相逐有懷晨昏暇想見登眺  
目問禮侍形襜題詩訪茅屋高樓多古今陳事滿  
陵谷地久微子封臺餘孝王築徘徊顧霄漢豁達  
俯川陸遠水對秋城長天向喬木公門何清淨列  
戟森已肅不歎携手稀恒思着鞭速終當拂羽翰  
輕舉隨鴻鵠

酬裴員外以詩代書

少時方浩蕩遇物猶塵埃脫畧身外事交游天下

詩紀

盛唐卷之二十五

九

才單車入燕趙獨立心悠哉寧知戎馬間忽展平  
生懷且欣清論高豈顧夕陽頽題詩碣石館縱酒  
燕王臺北望沙漠垂漫天雪皚皚臨邊無策畧覽  
古空徘徊樂毅吾所憐拔齊翻見猜荆卿吾所悲  
適秦不復迴然諾多死地公忠成禍胎與君從此  
醉每恐流年催如何俱老大始復忘形骸兄弟真  
二陸聲名連八裴乙未將星變賊臣候天災胡騎  
犯龍山乘輿經馬嵬千官無倚着萬姓徒悲哀誅  
呂鬼神動安劉天地開奔波走風塵倏忽值雲雷

擁旄出淮甸入幕徵楚材誓當剪鯨鯢永以竭鴛  
駘小人胡不仁讒我成死灰賴得日月明照耀無  
不該留司洛陽宮詹府唯蒿萊是時掃氛祲尚未  
殲渠魁背河列長圍師老將亦乖歸軍劇風火散  
卒爭椎埋一夕瀝洛空生靈悲曝腮衣冠投草莽  
予欲馳江淮登頓宛葉下栖遑襄鄧隈城池何蕭  
條邑屋更崩摧縱橫荆棘叢但見瓦礫堆行人無  
血色戰骨多青苔遂除彭門守因得朝玉階激昂  
仰鵷鷺獻替欣鹽梅驅傳及遠蕃憂思鬱難排罷

詩紀

盛唐卷之二十五

十

人紛爭訟賦稅如山崖所思在畿甸曾是魯宓儕  
自從拜郎官列宿煥天街那能訪遐僻還復寄瓊  
瓊金玉本高價頃篋終易諧朗詠臨清秋涼風下  
庭槐何意寇盜間獨稱名義偕辛酸陳侯誅陳二補  
銘誄即歎息季鷹杯白日屢分手青春不再來卧  
看中散論愁憶太常齋酬贈徒爲爾長歌還自吟

酬龐十兵曹

憶昔遊京華自言生羽翼懷書訪知己末路空相  
識許國不成名還家有慙色託身從畎畝浪跡初

自得雨澤感天時耕耘忘帝力同人洛陽至問我  
睢水北遂爾欵津涯淨然見胸臆高談懸物象逸  
韻投翰墨別岸迴無垠海鶴鳴不息梁城多古意  
携手共悽惻懷賢想鄒枚登高思荆棘世情惡疵  
賤之子憐孤直酬贈感并深離憂豈終極

同呂員外酬田著作作幕一作莫門軍西宿盤

山秋夜作

磧路天早秋邊城夜應永遙傳戎旅作已報關山  
冷上將頓盤坂諸軍徧泉井綢繆閫外書慷慨慕  
詩紀

盛唐卷之二十五

十一

中請能使勲業高動令氛霧屏遠途能自致短步  
終難騁羽翮時一看窮愁始三省人生感然諾何  
啻若形影白髮知苦心陽春見佳境一作景星河連  
塞絡刀斗兼山靜憶君霜露時使我空引領

酬秘書弟兼寄幕下諸公并序

乙亥歲適徵詣長安時侍御楊公任通事舍人  
詩書起予蓋終日矣今年適自封丘尉統吏卒  
於青夷途經博陵得太守賈公之政相見如舊  
他日之意存焉司業張侯周旋迨茲僅三十載

將疇昔是好匪窮達之異乎族弟秘書鴈序之  
白眉者風塵一別俱東西南北之人愴然相逢  
適與願契旅館之暇長懷益增因賦是詩愧非  
六義之流也

亞相膺時傑羣才遇良工翩翩幕下來拜賜甘泉  
宮信知命世奇適會非常功侍御執邦憲清詞煥  
春叢末路望繡衣他時常發蒙孰云三軍壯懼我  
彈射雄誰謂萬里遙在我樽俎中光祿經濟器精  
微自深衷前席屢榮問長城兼在躬高蹤激頽波

詩紀

盛唐卷之二十五

十二

逸翮馳蒼穹將副節制籌欲令沙漠空司業志應  
徐雅度思冲融相思三十年憶昨猶兒童今來抱  
青紫忽若披鷁鴻說劍增慷慨論交持始終秘書  
卽吾門虛白無不通多才陸平原碩學鄭司農獻  
封到關西獨步歸山東永意久知處嘉言能元宗  
客從梁宋來行役隨轉蓬酬贈欣元弟憶賢瞻數  
公游鱗戲滄浪鳴鳳棲梧桐並負垂天翼俱乘破  
浪風眈眈天府間偃仰誰敢同何意構廣厦翻然  
顧雕蟲應知阮步兵惆悵此途窮

淇上酬薛三據兼寄郭少府微

自從別京華我心乃蕭索十年守章句萬事空寥  
落北上登薊門茫茫見沙漠倚劒對風塵慨然思  
衛霍拂衣去燕趙驅馬恨不樂天長滄洲路日暮  
邯鄲郭酒肆或淹留漁潭屢棲泊獨行備艱險所  
見窮善惡永願拯芻蕘云一作千鼎鑊皇情念  
淳古時俗何浮薄理道資一作任賢安人在求瘼  
故交負靈竒逸氣抱謬謬隱軫經濟具縱橫建安  
作才望忽先鳴風期無宿諾飄風勞州縣迢遞限

詩紀

盛唐卷之二十五

十三

言謔東馳眇貝丘西顧彌號畧淇水徒自流浮雲  
不堪託吾謀適可用天路豈寥廓不然買山田一  
身與耕鑿且欲同鷦鷯焉能志鴻鵠一作鶴

酬岑二十主簿秋夜見贈之作

舍下蛩亂鳴居然自蕭索緬懷高秋興忽枉清夜  
作感物我心勞涼風驚二毛池空一作枯茵茵死月  
出梧桐高如何異鄉縣復得交才彥汨沒嗟後時  
蹉跎恥相見箕山別來久魏闕誰不戀獨有江海  
心悠悠一作然未嘗倦

荅侯少府

常日好讀書晚年學垂綸漆園多喬木睢水清粼  
粼詔書下柴門天命敢逡巡赫赫三伏時十日到  
咸秦褐衣不得見黃綬翻在身吏道頓羈束生涯  
難重陳北使經大寒關山饒苦辛邊兵若芻狗戰  
骨成埃塵行矣勿復言歸歟傷我神如何燕趙騷  
忽遇平生親開館納征騎彈絃娛遠賓飄飄天地  
間一別方茲晨東道有佳作南朝無此人性靈出  
萬象風骨超常倫吾黨謝王粲羣賢推郗詵明時

詩紀

盛唐卷之二十五

十四

取秀才落日過蒲津節著名已富祿微家轉貧相  
逢愧薄遊撫已荷陶鈞心事正堪盡離居一作寧  
太頻兩河歸路遙二月芳草新柳接滹沱暗鶯連  
渤海春誰謂行路難猥當希代珍提握每終日相  
思猶比鄰江海有扁舟丘園有角巾君意定何適  
我懷知所遵浮沈各異宜老大貴全真莫作雲霄  
計遑遑隨縉紳

盛唐第二十五



盛唐第二十六

唐詩紀八十六

鄆郡吳中丞

東吳俞策同校

高適二

五言古詩二

宋中別周梁李三子

曾是不得意適來兼別離如何一樽酒翻作滿堂

悲周子負高價梁生多逸詞周旋梁宋間感激建

安時白雪正如此青雲無自疑李侯懷英雄骭麟

詩紀

盛唐卷之二十六

一

乃天資方寸且無間衣冠當在斯俱為千里遊忽

念兩鄉辭且見壯心在莫嗟携手遲涼風吹北原

落日滿西陂露下草初白天長雲屢滋我心不可

問一作得君去一作今定何之京洛多知己誰能憶左

思

宋中別李八

歲晏誰不歸君歸意可說將趨倚門望還念同人

別駐馬臨長亭飄然事明發蒼茫眺千里正值苦

寒節舊國多轉蓬平臺下明月世情薄疵賤夫子

懷賢哲行矣各勉旃吾當挹餘烈

別王徹

歸客自南楚悵然思北臨一作林蕭條秋風暮迴首

江淮深留君終日歡一作留連或為梁甫吟時輩

想鵬舉他人嗟陸沈載酒登平臺贈君千里心浮

雲暗長路落日有歸禽離別未足悲辛勤當自任

吾知十年後季子多黃金

送蕭十八與房侍御迴還

常苦一作悲古人遠今見斯人古澹泊遺聲華周旋

詩紀

盛唐卷之二十六

二

必鄒魯故交在梁宋遊方出庭戶匹馬鳴朔風一

身濟河滸辛勤采蘭詠欵曲翰林主歲月催別離

庭聞遠風土寥寥寒煙靜莽莽夕陰吐明發不在

茲青天眇難覩

宋中送族姪式顏

時張大夫出州使

大夫擊東胡胡塵不敢起胡人山下哭胡馬海邊

死部曲盡公侯輿臺亦朱紫當時有勳業末路遭

讒毀轉旆燕趙間剖符括蒼裏弟兄莫相見親族

遠枌梓不改青雲心仍招布衣士平生懷感激本



欲侯知己去矣難重陳飄然自茲始遊梁且未遇  
適越今何以鄉山西北愁竹箭東南美崢嶸縉雲  
外蒼莽幾千里旅鴈悲啾啾朝昏孰云已登臨多  
瘴癘動息在風水雖有賢主人終爲客行子我携  
一尊酒滿酌聊勸爾勸爾惟一言家聲勿淪滓

又送族姪式顏

惜君才未遇愛君才若此世上五百年吾家一千  
里俱遊帝城下忽在梁園裏我今行山東離憂不  
能已

詩紀

盛唐卷之二十六

三一

贈別王十七管記

故交吾未測薄宦空年歲晚節蹤曩賢雄詞冠當  
世堂中皆食客門外多酒債產業曾未言衣裘與  
人敝飄飄戎幕下出入關山際轉戰輕壯心立談  
有邊計雲沙自迴合天海空迢遞星高漢將驕月  
盛胡兵銳沙深冷陁斷雪暗遼陽閉亦謂掃欃槍  
旋驚陷蜂蠆歸旌告東捷鬪騎傳西敗遙飛絕漢  
書已築長安第畫龍俱在葉寵鶴先居衛勿辭部  
曲勲不藉將軍勢相逢季冬月悵望窮海裔折劍

留贈人嚴裝遂云邁我行將悠紆及此還歸滯會  
非濟代謀且有臨深誠隨波混清濁與物同醜醜  
眇憶青巖樓寧忘褐衣拜自言愛一作借水石本欲  
親蘭蕙何意薄松筠翻然重管蒯恒深取與分孰  
慢平生契欸曲難忝期酸辛別離袂逢時愧名節  
遇坎悲渝替適趙非解紛遊燕往一作獨無說浩歌  
方振蕩逸翮思凌勵倏若異鵬搏吾當學蟬蛻

連上別王秀才

飄飄經遠道客思滿窮秋浩蕩對長連君行殊未

詩紀

盛唐卷之二十六

四

休崎嶇山海側想像無前儔何意一作照乘珠忽  
然欲暗投東路方蕭條楚歌復悲愁暮帆使人感  
去鳥兼離憂行矣當自愛壯年莫悠悠余亦從此  
辭異鄉難久留贈言豈終極慎勿滯滄洲

贈別沈四逸人

十一作

沈侯未可測其况信浮沈十載常獨坐幾人知此  
心乘舟蹈滄海買劍投黃金世務不足煩有田西  
山岑我來遇知己遂得開清襟何意閩閩間沛然  
江海深疾風掃秋樹渚上多鳴砧耿耿尊酒前聯

鴈飛愁音

一作陰

平生重離別感激對孤琴

一作吟

送韓九

惆悵別離日徘徊岐路前  
歸人望獨樹匹馬隨秋蟬  
常與天下士許君兄弟賢  
良時正可用行矣莫徒然

送崔錄事赴宣城

大國非不理小官皆用才  
欲行宣城印住飲洛陽杯  
晚景爲人別長天無鳥迴  
舉帆風波渺倚棹江山來  
美爾兼乘興蕪湖千里開

詩紀

盛唐卷之二十六

五

別張少府

歸客畱不住朝雲縱復橫  
馬頭向春草斗柄臨高城  
嗟我久離別美君看弟兄  
歸心更難道回首一傷情

淇上別劉少府子英

近來住淇上蕭條惟空林  
又非耕種時閑散多自任  
伊君獨知我驅馬欲招尋  
千里忽携手十年同苦心  
求仁見交態於道喜甘臨  
逸思乃天縱微才應陸沈  
飄然歸故鄉不復問離襟  
南登黎陽渡莽

蒼寒雲陰桑葉原上起河凌山下深途窮更遠別

相對益一作悲吟

別耿都尉

四十能學劍時人無此心  
如何耿夫子感激投知音  
翩翩白馬來二月青草深  
別易小千里與酣傾百金

宋中遇林慮楊十七山人因而有別

昔余涉漳水驅車行鄴西  
遙見林慮山蒼蒼戛天倪  
邂逅逢爾曹說君彼巖棲  
蘿徑垂野蔓石房倚

詩紀

盛唐卷之二十六

六

雲梯秋韭何青青藥苗數百畦  
栗林臨谷口枯樹森迴谿  
耕耘有山田紡績有山妻  
人生苟如

此何必組與珪誰謂遠相訪  
曩情殊不迷簷前舉醇醪  
竈下烹隻雞朔風忽振蕩  
昨夜寒蟬啼遊子

益思歸罷琴傷解攜出門盡  
原野白日黯已低始驚道路  
難終念言笑睽因聲謝岑壑  
歲暮一攀躋

酬別薛三蔡大畱簡韓十四主簿

迢遞辭京華辛勤異鄉縣  
登高俯滄海迴首淚如霰  
同人久離別失路還相見  
薛侯懷直道德業應

時選蔡子負清才當年擢賓薦韓公有奇節詞賦  
凌羣彥讀書嵩岑間作吏滄海甸伊余寡棲託感  
激多愠見縱誕非爾情漂淪任疵賤忽枉瓊瑤作  
乃深平生眷始謂吾道存終嗟客遊倦歸心無晝  
夜別事除言宴復值涼風時蒼茫夏雲變

送虞城劉明府謁魏郡苗太守

天官蒼生望出入承明廬肅肅領舊藩皇皇降璽  
書茂宰多感激良將復吹噓永懷一言合誰謂千  
里疎對酒忽命駕茲情何起予炎天晝如火極目  
詩紀

盛唐卷之二十六

七

途中酬李少府贈別之作

西上逢節換東征私自憐故人今卧疾欲別還留  
連舉酒臨南軒夕陽滿中筵寧知江上興乃在河  
梁偏行李多光輝札翰忽相鮮誰謂歲月晚交情  
尚貞堅終嗟州縣勞官謗復迤邐雖負忠信美其  
如方寸懸連帥扇清風千里猶眼前曾是趨藻鏡

不應翻棄捨日來知自強風氣殊未痊可以加藥  
物胡爲輒憂煎驅馬出大梁原野一悠然柳色感  
行客雲陰愁遠天皇明燭幽遐德澤普昭宣鷓鴣  
列霄漢燕雀何翩翩余亦愜所從漁樵十二年種  
瓜漆園裏鑿井廬門邊去去勿重陳生涯難勉旃  
或期遇春事與爾復周旋投報空回首狂歌謝比  
肩

睢陽酬別暢大判官

吾友遇知己策名逢聖朝高才擅白雪逸翰懷青

詩紀

盛唐卷之二十六

八

霄承詔選嘉兵慨然即馳軺清晝下公館尺書忽  
相邀留歡惜別離畢景駐行鑣言及沙漠事益令  
胡馬驕丈夫拔東蕃聲冠霍嫖姚堦鑿衝矢石鐵  
甲生風颭諸將出冷井一作脛連營濟石橋酋豪盡  
俘馘子弟輸征徭邊庭絕刁斗戰地成漁樵榆關  
夜不扃塞口長蕭蕭降胡滿薊門一一能射鵰軍  
中多宴樂馬上何輕趲戎狄本無厭羈縻非一朝  
饑附誠足用飽飛安可招李牧制僭藍遺風豈寂  
寥君還謝幕府慎勿輕芻蕘

宴韋司戶山亭院

人幽想靈山意愜憐遠水習靜務爲適所居還復  
爾汲流漲華池開酌宴君子苔逕試窺踐石屏可  
攀倚入門見中峯攜手如萬里橫琴了無事垂釣  
應有以高館何沈沈颯然涼風起

同諸公登慈恩寺浮圖

香界泯羣有浮圖豈諸相登臨駭孤高披拂欣大  
壯言是羽翼生迴出虛空上頓疑身世別乃覺形  
神王宮闕皆戶前山河盡簷向秋風昨夜至秦塞  
詩紀 盛唐卷之二十六 九  
多清曠千里何蒼蒼五陵鬱相望盛時慙阮步志  
宜知周防輸效獨無因斯焉可遊放

同薛司直諸公秋霽曲江俯見南山作

南山鬱初霽曲江湛不流若臨瑤池前想望崑崙  
丘迴首見黛色眇然波上秋深沈俯崢嶸清淺延  
阻脩連潭萬木影插岸千巖幽杳靄信難測淵淪  
無暗投片雲對漁父獨鳥隨虛舟我心寄青霞世  
事慙白鷗得意在乘興忘懷非外求良辰自多暇  
欣與數子遊

登廣陵樓靈寺塔

淮南富登臨茲塔信奇最直上造雲族憑虛納天  
籟迴然碧海西獨立飛鳥外始知高興盡適與賞  
心會連山黯吳門喬木吞楚塞城池滿牕下物象  
歸掌內遠思駐江帆暮時一作情結春靄軒車疑蠶  
動造化資大塊何必了無身然後知所退

登百丈峯二首

朝登百丈峯遙望燕支道漢壘青冥間胡天白如  
掃憶昔霍將軍連年此一作北征討匈奴終不滅寒

詩紀

盛唐卷之二十六

十一

山徒草草唯見一作有鴻鴈飛令人傷懷抱

晉武輕後事惠皇終已昏豺狼塞瀝洛胡羯爭乾  
坤四海如鼎沸五原徒自尊而今白庭路猶對青  
陽門朝市不足問君臣隨草根

同羣公秋登琴臺

古跡使人感琴臺空寂寥靜然顧遺塵千載如昨  
朝臨眺自茲始羣賢久相邀德與形神高孰知天  
地遙四時何倏忽六月鳴秋蜩萬象歸白帝平川  
橫赤霄猶是對夏伏幾時有涼颼燕雀滿簷楹鴻



鵠搏扶搖物性各自得我心在漁樵兀然還復醉  
尚握樽中瓢

同羣公出獵海上

畋獵自古昔况伊心賞俱偶與羣公遊曠然出平  
蕪層陰漲溟海殺氣窮幽都鷹隼何翩翩馳驟相  
傳呼豺狼竄榛莽麋鹿罹艱虞高鳥下驛弓困獸  
鬪匹夫塵驚大澤晦火燎深林枯失之有餘恨獲  
者無全軀咄彼工拙間恨非指蹤徒猶懷老氏訓  
感歎此歡娛

詩紀

盛唐卷之二十六

十一

同羣公題鄭少府田家

此公官任白馬尉今當任滑臺

鄭侯應恓惶五十頭盡白昔爲南昌尉今作東郡  
客與語多遠情論心知所益秋林旣清曠窮巷空  
淅瀝蝶舞園更閒鷄鳴日云夕男兒未稱意其道  
固無適勸君且杜門勿歎人事隔

同羣公題中山寺

平原十里外稍稍雲巖深遂及清淨所都無人世  
心名僧旣禮謁高閣復登臨石壁倚松徑山田多  
栗林超遙盡巘嶸逼側仍嶮嶇吾欲休世事於焉

聊自任

同羣公宿開善寺贈陳十六所居

駕車出人境避暑投僧家徘徊龍象側始見香林  
花讀書不及經飲酒不勝茶知君悟此道所未搜  
袈裟談空忘外物持誠破諸邪則是無心地相看  
唯月華

同韓四薛三東亭翫月

遠遊悵不樂茲賞吾道存欵曲故人意辛勤清夜  
言東亭何寥寥佳境無朝昏堦墀近洲渚戶牖當

詩紀

盛唐卷之二十六

十二

郊一作

原矧乃窮周旋游時怡討論樹陰蕩瑤瑟

月氣延清樽明河月一作帶飛鴈野火連荒村對此  
更愁予悠哉懷故園

同敬八盧五汎河間清河

清川在城下沿汎多所宜同濟愜數公翫物欣良  
時飄飄波上興燕婉舟中詞昔陟乃平原今來忽  
漣漪東流達滄海西流延滹池雲樹共晦明井邑  
相逶迤稍隨歸月帆若與沙鷗期漁父更畱我前  
潭水未滋



同房侍御山園新亭與邢判官同遊

隱者城外蒙籠跡深君子顧榛莽與言傷古  
決河導新流疏逕蹤舊林開亭俯川陸時景宜  
尋肅穆逢使軒黃緣事登臨忝遊芝蘭室還對  
李陰岸遠白波來氣喧黃鳥吟因覩歌頌作始  
經濟心灌壇有遺風單父多鳴琴誰爲久州縣  
石生懷德音

同馬太守聽九思法師講金剛經

師晉陽寶傑出山河最途經世諦間心到空王

詩紀

盛唐卷之二十六

十三

外鳴鐘山虎伏說法天龍會了義同建瓴梵法若  
吹籟深知億劫苦善喻恒沙大捨施割肌膚攀緣  
去親愛招提何清淨良牧駐輕蓋露冕衆香中臨  
人覺苑內心持佛印久標割魔軍一作退願開  
初地因永奉彌天對

連上題樊氏水亭

連上非所趣偶爲世務牽經時駐歸棹日夕對平  
川莫論行子愁且得主人賢亭上酒初熟厨中魚  
每鮮自說宦遊來因之居住偏煮鹽滄海曲種稻

長淮邊四時常晏如百口無饑年菱芋藩籬下漁

樵耳目前異縣少朋從我行復迤邐向不逢此君

孤舟已言旋明日又分首一作風濤還眇然

同呂判官從哥舒大夫破洪濟城迴登積

石軍多福七級浮圖

塞口連濁河轅門對山寺寧知鞍馬上獨有登臨  
事七級凌太清千崖列蒼翠飄飄方寓目想像見  
深意高興殊未平涼風颯然至拔城陣雲合轉旆  
胡星墜大將何英靈官軍動天地君一作懷生羽  
詩紀

盛唐卷之二十六

十四

翼本欲厚騏驎款段苦不前青冥信難致一歌陽  
春後三歎終自愧

盛唐第二十六

盛唐第二十七

唐詩紀八十七

鄆郡吳中珩彙編

東吳俞策同校

高適

五言古詩

三君詠

開元中適遊於魏郡郡北有故太師鄭公舊館

里中有故尚書郭公遺業邑外又有故太守狄

公生祠焉觀物增懷遂爲三君詠

詩紀

盛唐卷之二十七

魏鄭公

鄭公經綸日隋氏風塵昏濟代取高位逢時敢直

言道光先帝業義激舊君恩寂寞卧龍處英靈千

載寬

郭代公

代公實英邁津涯浩難識擁兵抗矯徵仗節歸有

德縱橫負才智顧盼安社稷流落勿重陳懷哉爲

悽惻

狄梁公

梁公乃貞固勲烈垂竹帛昌言太后朝潛運儲君

策待賢開相府共理登方伯至今青雲人猶是門

下客

必公琴臺詩三首

甲申歲適登子賤琴臺賦詩三首首章懷必公

之德千祀不朽次章美太守李公能嗣子賤之

政再造琴臺末章多邑宰崔公能思子賤之政

必子昔爲政鳴琴登此臺琴和人亦閑千載稱其

才臨眺忽悽愴人琴安在哉悠悠此天壤唯有頌

聲來

詩紀

盛唐卷之二十七

聲來

邦伯感遺事慨然建琴堂乃知靜者心千載猶相

望入室想其人出門何茫茫唯見白雲合東臨鄒

魯鄉

潘潘邑

知君美開門無犬吠早卧常晏起昔人不忍欺今

我還復爾

李雲南征蠻詩

天寶十一載有詔伐西南夷右相楊公兼節制

之寄乃奏前雲南太守李宓涉海自交趾擊之  
道路險艱往復數萬里蓋百王所未通也十二  
載四月至於長安君子是以知廟堂使能而李  
公効節適忝斯人之舊因賦是詩

聖人赫斯怒詔伐西南戎肅穆廟堂上深沈節制  
雄遂令感激士得建一作非常功料死不料敵顧  
恩寧顧終鼓行天海外轉戰蠻夷中梯巘近高鳥  
穿林經毒蟲鬼門無歸客北戶多南風蜂蠆隔萬  
里雲雷隨九攻長驅大浪破急擊羣山空餉道忽

詩紀

盛唐卷之二十七

三

已遠懸軍垂欲窮精誠動白日憤薄連蒼穹野食  
掘田鼠哺餐兼焚僮收兵列亭堠拓地彌西東臨  
事恥苟免履危能飭躬將星獨照耀邊色何冥濛  
瀘水夜可涉交州今始通歸來長安道召見甘泉  
宮廉藺若未死孫吳知暗同相逢論意氣慷慨謝  
深衷

### 題尉遲將軍新廟

周室旣板蕩賊臣立嬰兒將軍獨激昂誓欲酬恩  
私孤城日無援高節終可悲家國共淪亡精魂空

在斯沈沈積冤氣寂寂無人知良牧懷深仁與君  
建明祠父子俱血食軒車每逶迤我來薦蘋蘩感  
歎興此詞晨光上階闥殺氣翻旌旗明明幽冥理  
至誠信莫欺唯夫二千石多慶方自茲

### 觀李九少府翥樹宓子賤神祠碑

吾友吏茲邑亦嘗懷宓公安知夢寐間忽與精靈  
通一見興永歎再來激深衷賓從何逶迤二十四  
老翁於焉建層碑突兀長林東作者無愧色行人  
感遺風坐令高岸盡獨對秋山空片石勿謂輕斯

詩紀

盛唐卷之二十七

四

言固難窮龍盤色綵外鵲顧偃波中形勝駐羣目  
堅貞指蒼穹我非王仲宣去矣徒發蒙

### 同觀陳十六史興碑

并序

楚人陳章甫繼毛詩而作史興碑遠自周末迨  
乎隋季善惡不隱蓋國風之流未藏名山刊在  
樂石僕美其事而賦是詩焉

荆衡氣偏秀江漢流不歇此地多精靈有時生才  
傑伊人今獨步逸思能間發永懷掩風騷千載常  
矻矻新碑亦崔嵬佳句懸日月則是刊石經終然

繼檣杙我來觀雅製慷慨變毛髮季主盡荒淫前  
王徒貽厥東周既削弱兩漢更淪沒西晉何披猖  
五胡相唐突作歌乃彰善比物仍惡訐感歎將謂  
誰對之空咄咄

宋中十首

梁王昔全盛賓客復多才悠悠一千年陳跡唯高  
臺寂寞向秋草悲風千里來  
朝臨孟諸上忽見芒碭間赤帝終已矣白雲長不  
還時清更何有禾黍徧空山

詩紀

盛唐卷之二十七

五

景公德何廣臨變莫能欺三請皆不忍妖星終自  
移君心本如此天道豈無知

梁苑白日暮梁山秋草時君王不可見脩竹令人  
悲九月桑葉盡寒風鳴樹枝

登高臨舊國懷古對窮秋落日鴻鴈度寒城砧杵  
愁昔賢不復有行矣莫淹留

出門望終古獨立悲且歌憶昔魯仲尼悽悽此經  
過衆人不可向伐樹將如何

逍遙漆園吏冥沒不知年世事浮雲外閑居大道

邊古來同一馬今我亦忘筌

五霸遞征伐宋人無戰功解圍幸奇說易子傷吾  
衷唯見盧門外蕭條多轉蓬

常愛宓子賤鳴琴能自親邑中靜無事豈不由其  
身何意千年後寂寞一作寥無此人

關伯去已久一作遠高丘臨道傍人皆有兄弟爾獨  
爲參商終古猶如此而今一作人安可量

薊中作

策馬自沙漠長驅登塞垣邊城何蕭條白日黃雲

詩紀

盛唐卷之二十七

六

昏一到征戰處每愁胡虜翻豈無安邊書諸將已  
承恩惆悵孫吳事歸來獨閉門

自淇涉黃河途中作十三首

川上常極目世情今已閑去帆帶落日征路隨長  
山親友若雲霄可望不可攀於茲任所愜浩蕩風  
波間

清晨泛中流羽族滿汀渚黃鵠何處來昂藏寡儔  
侶飛鳴無人見飲啄豈得所雲漢爾固知胡爲不  
輕舉

野人頭盡白與我忽相訪手持青竹竿日暮淇水上雖老美容色雖貧亦開放釣魚三十年中心無所向

南登滑臺上却望河淇間竹樹夾流水孤城對遠山念茲川路闊美爾沙鷗閑長想別離處猶一作獨無音信還

東入黃河水茫茫汎紆直北望太行山峨峨半天色山河相映帶深淺未可測自昔有賢才相逢不相識

詩紀

盛唐卷之二十七

七

秋日登滑臺臺高秋已暮獨行既未愜懷土悵無趣晉宋何蕭條羌胡散馳驚當時無戰畧此地卽邊戍兵革徒自勤山河孰云固乘閑喜臨眺感物傷遊寓惆悵落日前飄飄遠帆處北風吹萬里南鴈不知數歸意方浩然雲沙更廻互

亂流自茲遠

一作始

倚檝時一望遙見楚漢城崔嵬

高山上天道昔未測人心無所向屠釣稱侯王龍蛇爭霸王緬懷多殺戮顧此增慘愴聖代休甲兵吾其得閑放

茲川方悠邈雲沙無前後古堰對河壩長林出淇口獨行非吾意東向日已久憂來誰得知且酌樽中酒

朝從北岸來泊船南河滸試共野人言深覺農夫苦去秋雖薄熟今夏猶未雨耕耘日勤勞租稅兼一作薄產爲鹵園蔬空寥落產業不足數尚有獻芹心無因見明主

茫茫濁河汪懷古臨河濱禹功本豁達漢跡方因循坎德昔一作竟滂沱馮夷胡不仁激一作激湔一作激陵隄

詩紀

盛唐卷之二十七

八

防東郡多悲辛天子忽驚悼從官皆以薪畚築豈無謀祈禱如有神宣房今安在高岸空嶙峋

我行倦風湍輟棹將問津空傳歌瓠子感慨獨愁人

孟夏桑葉肥穰陰

一作蒙

夾長津蠶農有時節田

野無閑人臨水狎漁樵望山懷隱淪誰能去京洛

顚顚對風塵

朝景入平川川長復垂柳遙看魏公墓突兀前山

後憶昔大業時羣雄角

一作各

奔走伊人何電邁獨

立風塵首傳檄舉教倉擁兵屯洛口連營一百萬



六合如可有方項終比肩亂隋將假手力爭固難恃驕戰曷能久若使學蕭曹功名當不朽

皤皤河濱叟相遇似有恥輟榜聊問之蒼言盡終始一生雖貧賤九十年未死且喜對兒孫彌慙遠城市結廬黃河曲垂釣長河裏漫漫望雲沙蕭條聽風水所思強飯食永願在鄉里萬事吾不知其心只如此

宋中遇陳二

常忝鮑叔義所期一作王佐才如何守苦節獨此

詩紀

盛唐卷之二十七

九

一作無良媒離別十年外飄飄千里來安知罷官

後惟見柴門開窮巷隱東郭高堂詠南陔籬根長

花草井上生

一作

莓苔伊昔

一作

望霄漢于今倦

蒿萊

一作終然

男兒命未達

一作男兒須命達

且一作又作人生各有命

進手中杯

宋中遇劉書記有別

何代無秀士高門生此才森然覩毛髮若見河

山來幾載困常調一朝時運催白身謁明主待

詔登雲臺相逢梁宋間與我醉蒿萊寒楚渺千里

雪天晝不開末路終別離不能強悲哀男兒爭富貴勸爾莫遲迴

魯郡途中遇徐十八錄事

時此公學

誰謂嵩穎客遂經鄒魯鄉前臨少昊墟始覺東蒙長獨行豈吾心懷古激中腸聖人久已矣游夏遙相望徘徊野澤間左右多悲傷日出見闕里川平知汶陽弱冠負高節十年思自強終然不得意去去任行藏

遇冲和先生

詩紀

盛唐卷之二十七

十一

冲和生何代或謂遊東溟三命謁金殿一言拜銀青自云多方術往往通神靈萬乘親問道六宮無敢聽昔去限霄漢今來覩儀形頭戴鸛鳥冠手搖白鶴翎終日飲醇酒不醉復不醒常憶雞鳴山每誦西昇經拊背念離別依然出戶庭莫見今如此曾爲一客星

魯西至東平

沙岸泊不定石橋水橫流問津見魯俗一作懷古傷家丘寥落千載後空傳褒聖侯

東平路作三首

南園適不就東走豈吾心索索涼風動行行秋水  
深蟬鳴木葉落茲夕更愁霖

明時好畫策動欲干王公今日無成事依依親老  
農扁舟向何處吾愛汶陽中

清曠涼夜月徘徊孤客舟渺然風波上獨愛一作夢  
前山秋秋至復搖落空令行者愁

東平路中遇大水

天災自古有昏墊彌今秋霖霖一作溢川原瀕洞

詩紀

盛唐卷之二十七

十一

油田疇指途適汶陽挂席經蘆洲永望齊魯郊白

雲何悠悠傍沿鉅野澤大水縱橫流蟲蛇擁獨樹

麋鹿奔行舟稼穡隨波瀾西成不可求空居相枕

藉蛙黽聲啾啾仍憐穴蟻漂益美雲禽游農夫無

倚着野老生殷憂聖王當一作多深仁廟堂運良籌

倉廩終爾給田租應罷收我心胡鬱陶征旅亦悲

登壠

壠頭遠行客壠上分流水流水無盡期行人未云

已淺才登一命孤劒通萬里豈不思故鄉從來感  
知已

苦雪四首

二月猶北風天陰雪冥冥寒落一室中悵然慚百  
齡苦愁正如此門柳復青青

惠連發清興袁安念高卧余故非斯人爲性兼嬾  
惰賴茲樽中酒終日聊自過

濛濛灑平陸淅瀝至幽居且喜潤羣物焉能悲斗  
儲故交久不見鳥雀投吾廬

詩紀

盛唐卷之二十七

十二

孰云久閑曠本自保知寡窮巷獨無成春條秬盈

把安能美鵬舉且欲歌牛下乃知古時人亦有如  
我者

哭單父梁九一作少府

開篋淚沾臆見君前日晝夜臺今一作空寂寞猶是

子雲居疇昔貪一作深靈竒登臨賦山水同舟南浦

下一作夜望月西江裏契闊多別離綢繆到生死九

原卽何處萬事皆如此晉山徒嵯峨一作斯人已

冥冥常時祿且薄歿後家復貧妻子在遠道弟兄

無一人十上多苦辛一官常自晒青雲將可致白日忽先一作西盡唯有身後名空留無遠近

哭裴少府

世人誰不死嗟君非生慮扶病適到官田園在何處公才羣吏感葬事他人助余亦未識君深悲哭君去

詩紀

盛唐卷之二十七

十三

盛唐第二十七

盛唐第二十八

唐詩紀八十八

鄆郡吳中

東吳俞策同校

高適

七言古詩

行路難二首

長安少年不少錢能騎駿馬鳴金鞭五侯相逢大道邊美人絃管爭留連黃金如斗不敢惜片言如山莫棄捐安知顓頊讀書者幕宿靈臺私自憐

詩紀

盛唐卷之二十八

君不見富家翁舊

一作時

貧賤誰比數一朝金多

結豪貴百事勝人健如虎子孫成行

一作滿眼前

妻能管絃妾歌

一作能

舞自矜一身忽如此却笑傍

人獨愁苦東鄰少年安所如席門窮巷出無車有

才不肯學干謁何用年年空讀書

秋胡行

妾本邯鄲未嫁時容華倚翠人未知一朝結髮從君子將妾迢迢東魯陞時逢大道無艱阻君方遊宦從陳汝蕙樓獨卧顓頊度春衫閣辭君幾徂暑三

月垂楊蠶未眠攜籠結侶南陌邊道逢行子不相  
識贈妾黃金買少年妾家夫婿經離久寸心誓與  
長相守願言行路莫多情道妾貞心在人口日暮  
蠶饑相命歸攜籠端飾來庭闈勞心苦力終無恨  
所冀一作貴君恩一作那即一作可依聞說行人已歸止乃  
是向來贈金子相看顏色不復言相顧懷慙有何  
已從來自隱無疑背直爲君情也相會如何咫尺  
仍有情況復迢迢千里外一作將此時顧恩不顧身  
念君此日赴河津莫道向來不得意故欲留規誠  
詩紀  
盛唐卷之二十八  
後人

古大梁行

古城莽蒼一作倉饒荆榛驅馬荒城愁殺人魏王宮  
觀一作盡禾黍信陵賓客隨灰塵憶昨雄都舊  
朝市軒車照耀歌鐘起軍容帶甲三十萬國步連  
營一作千里全盛須臾那可論高臺曲池  
無復存遺墟但有一作見狐狸迹一作古地空餘草  
木根暮天搖落傷懷抱撫劍悲歌對秋草俠客猶  
傳朱亥名行人尚識夷門道白壁黃金萬戶侯寶

刀駿馬填山丘年代淒涼不可問往來唯見一作有  
水東流

邯鄲少年行

邯鄲城南游俠子自矜生長邯鄲裏千場縱博家  
仍富幾處報讐身不死宅中歌笑日紛紛門外車  
馬常如雲一作如未知肝膽向誰是令人却憶平  
原君君一本無不見今人一作即今交態薄黃金用盡  
還疎索以茲感歎辭舊遊更於時事無所求且與  
少年飲美酒往來射獵西山頭

詩紀

盛唐卷之二十八

三

燕歌行

并序

開元二十六年客有從御史大夫張公出塞而  
還者作燕歌行以示適感征戍之事因而和焉  
漢家煙塵在東北漢將辭家破殘賊男兒本自重  
橫行天子非常賜一作借顏色提金伐鼓下榆關旌  
旆逶迤碣石間校尉羽書飛瀚海單于獵火照狼  
山山川蕭條極邊土胡騎憑陵雜風雨戰士軍前  
半死生美人帳下猶歌舞大漠窮秋塞草腓孤城  
落日闌兵稀身當恩遇常輕敵力盡關山未解圍

鐵衣遠戍辛勤久玉筋應啼別離後少婦城南欲  
斷腸征人薊北空回首邊庭飄飄那可度絕域蒼  
茫一作黃無一作何所有殺氣三時作陣雲寒聲一夜  
傳刁斗相看白刃血一作雪紛紛死節從來豈顧勳  
君不見沙場征戰苦至今猶憶李將軍

古歌行

君不見漢家三葉從代至高皇舊臣多富貴天子  
垂衣方晏如廟堂拱手無餘議蒼生偃卧休征戰  
露臺百金以爲費田舍老翁不出門洛陽少年莫

詩紀

盛唐卷之二十八

四

論事

人日寄杜三拾遺

人日題詩寄草堂遙憐故人思故鄉柳條弄色不  
忍見梅花滿枝空一作堪斷腸身在遠藩一作南藩無所  
預心懷百憂復千慮今年人日空相憶明年人日  
知何處一卧東山三十春豈知書劍與一作老風塵  
龍鍾還忝二千石愧爾東西南北人

九日酬顏少府

簷前白日應可惜籬下黃花爲誰有行子迎霜未

授衣主人得錢始沽酒蘇秦顛顛人一作時多厭  
澤棲遲一作是世看醜縱使登高只斷腸不如獨坐  
空搔首

留別鄭三韋九兼洛下諸公

憶昨相逢論久要顧君哂我輕常調羈旅雖同白  
社遊詩書已作青雲料蹇質蹉跎竟不成年過四  
十尚躬耕長歌達者杯中物大一作冷笑前人身後  
名幸逢明盛多招隱高山大澤徵求盡此時亦一作  
也得辭漁樵青袍裹身荷聖前犁牛釣竿不復見

詩紀

盛唐卷之二十八

五

縣人邑吏來相邀遠路鳴蟬秋興發華堂美酒離  
憂銷不知何日更攜手應念茲晨去折腰

送楊山人歸嵩陽

不到嵩陽動十年舊時心事已徒然一二故人不  
復見三十六峯猶眼前夷門二月柳條色流鶯數  
聲淚沾臆鑿井耕田不我招知君以此忘帝力山  
人好去嵩陽路惟余眷眷長相憶

送別

昨夜離心正鬱陶三更白露西風高螢飛木落何



浙瀝此時夢見西歸客曙鐘寥亮三四聲東鄰嘶  
馬使人驚攬衣出戶一相送唯見歸雲縱復橫

贈別晉三處士

有人家住清河源渡河問我遊梁園手持道經注  
已畢心知內篇口不言盧門十年見秋草此心惆  
悵誰能道知己從來不易知慕君爲人與君好別  
時九月桑葉疎出門千里無行車愛君且欲君先  
達今上求賢早上書

送渾將軍出塞

詩紀

盛唐卷之二十八

六

將軍族貴兵且強漢家已是渾邪王子孫相承在  
朝野至今部曲燕支下控弦盡用陰山兒登一作  
陣長騎大宛馬銀鞍玉勒繡螭弧每逐嫖姚破骨  
都李廣從來先將士衛青未肯學孫吳傳有沙場  
千萬騎昨日邊庭羽書至城頭畫角三四聲匣裏  
寶刀晝夜鳴意氣能甘萬里去辛勤動一作  
年行黃雲白草無前後朝建旌旄夕刁斗塞下應  
多俠少年關西不見春楊柳從軍借問所從誰擊  
劍酣歌當此時遠別無輕繞朝策平戎早寄仲宣

詩

送蔡山人

東山布衣明古今自言獨未逢知音識者閱見一  
生事到處豁然千里心看書學劍長辛苦近日方  
思謁明主斗酒相留醉復醒悲歌數年淚如雨丈  
夫遭遇不可知買臣王父皆如斯我今蹭蹬無所  
似看爾崩騰何若爲

封丘作

縣一作

我本漁樵孟諸野一生自是悠悠者乍可狂歌草

詩紀

盛唐卷之二十八

七

澤中寧堪作吏風塵下祗言小邑無所爲公門百  
事皆有期拜迎官長心欲碎一作鞭撻黎庶令人  
悲歸一作來向家問妻子舉家盡笑今如此生事  
應須南畝田世情付與東流水夢想舊山安在哉  
爲銜君命日一作遲迴乃知梅福徒爲爾轉憶陶  
潛歸去來

題李別駕壁

去鄉不遠逢知己握手相歡得如此禮樂遙傳魯  
伯禽賓客爭過魏公子酒筵暮散明月上櫪馬長

鳴春風起一生稱意能幾人今日從君問終始

### 寄宿田家

田家老翁住東陂說道平生隱在茲鬢白未曾記  
日月山青每到識春時門前種柳深成巷野谷流  
泉添入池牛壯日耕十畝地人閑常掃一茅茨客  
來滿酌清樽酒感興平吟才子詩巖際窟中藏麝  
鼠潭邊竹裏隱鷓鴣村墟日落行人少醉後無心  
怯路岐今夜只應還寄宿明朝拂曙與君辭

### 長短句

詩紀

盛唐卷之二十八

八

### 別韋參軍

二十解書劍西遊長安城舉頭望君門屈指取公  
卿國風冲融邁三五朝廷歡一作禮樂彌寰宇白壁  
皆言賜近臣布衣不得干明主歸來洛陽無負郭  
東過梁宋非吾土免死爲農歲不登鴈池垂釣心  
長苦世人向一作遇我同衆人唯君於我最一作清相  
親且喜百年有一作見交態未嘗一日辭家貧彈棊  
擊筑白日晚縱酒高歌楊柳春歡娛未盡分散去  
使我惆悵驚心神丈夫一作終當不作兒女別臨岐涕

淚一作沾衣巾

### 送田少府貶蒼梧

沈吟對遷客惆悵西南天昔爲一官未得意今向  
萬里令人憐念茲斗酒成睽間停舟歎君日將晏  
遠樹應憐北地春行人却羨南歸鴈丈夫窮達未  
可知看君不合長數奇江山到處堪乘興楊柳青  
青那足悲

### 平臺夜遇李景參有別

離心忽悵然策馬對秋天孟諸薄暮涼風起歸客

詩紀

盛唐卷之二十八

九

相逢渡睢水昨時攜手已十年今日分途各千里  
歲物蕭條滿路岐此行浩蕩令人悲家貧美爾有  
微祿欲往從之何所之

### 送郭處士往萊蕪兼寄荀山人

君爲東蒙客往來東蒙畔雲卧臨嶧陽山行窮日  
觀少年詞賦皆可聽秀眉白面風清冷身上未曾  
染名利口中猶未知臃腫今日還山意無極豈辭  
世路多相識歸見萊蕪九十翁爲論別後長相憶  
賦得還山吟送沈四山人

還山吟天高日暮寒山深送君還山識君心人生  
老大須恣意看君解作一生事山間偃仰無不至  
石泉淙淙若風雨桂花松子常滿地賣藥囊中應  
有錢還山服藥又長年白雲勸盡杯中物明月相  
隨何處眠眠時憶問醒時事一作意夢竟可以相周  
旋

崔司錄宅燕大理李卿

多雨殊未已秋雲更沈沈洛陽故人初解印山東  
小吏來相尋上卿才大名不朽早朝至尊暮求友  
詩紀 盛唐卷之二十八 十一  
豁達常推海內賢殷勤但酌樽中酒欲醉欲言歸  
剡谿門前駟馬光照衣路傍觀者徒唧唧我公不  
以爲是非

同鮮于洛陽於畢員外宅觀畫馬歌

知君愛鳴琴仍好千里馬永日恒思單父中有時  
心到宛城下遇客丹青天下才白生胡雛控龍媒  
主人娛賓畫障開只言騏驎西極來半壁趨趨勢  
不住滿堂風飄颻然度家僮愕視欲先鞭撫馬驚  
嘶還屢顧始知物妙皆可憐燕昭市駿豈徒然縱

今剪拂無所用猶勝駑駘在眼前

同河南李少尹畢員外宅夜飲時洛陽告  
捷遂作春酒歌

故人美酒勝濁醪故人清詞合風騷長歌滿酌惟  
吾曹高談正可揮塵毛半醉忽然持蟹螯洛陽告  
捷傾前後武侯腰間印如斗郎官無事時飲酒杯  
中綠蟻吹轉來甕上飛花拂還有前年持節將楚  
兵去年留司在東京今年復拜二千石盛夏五月  
西南行彭門劍門蜀山裏昨逢軍人劫奪我到家  
詩紀 盛唐卷之二十八 十一  
但見妻與子賴得飲君春酒數十杯不然今我愁  
欲死

同李九士曹觀壁畫雲作

始知帝鄉客能畫蒼梧雲秋天萬里一片色只疑  
飛盡猶氛氲

見薛大臂鷹作

寒楚十二月蒼鷹八九毛寄言燕雀莫相啁一作思  
自有雲霄萬里高

畫馬篇

同諸公宴睢陽李  
太守各賦一物

君侯櫪上驄貌在丹青中馬毛連錢蹄鐵色圖畫  
光輝驕玉勒馬行不動勢若來權奇蹴踏無塵埃  
感茲絕代稱妙手遂令談者不容口麒麟獨步自  
可珍駑駘萬匹知何有終未如他櫪上驄載華轂  
騁飛鴻荷君剪拂與君用一日千里如旋風

詠馬鞭

龍竹養根凡幾年工人截之爲長鞭一節一目皆  
天然珠重重星連連繞指柔純金堅繩不直規不  
圓把向空中捎一聲良馬有心日馳千

詩紀

盛唐卷之二十八

十二

盛唐第二十八

盛唐第二十九

唐詩紀八十九

鄆郡吳中行

補

東吳俞策同校

高適

五

五言律詩

部落曲

蕃軍傍塞遊代馬噴風秋老將垂金甲闕支着錦  
裘琫戈蒙豹尾紅旆插狼頭日暮天山下鳴笳漢  
使愁

詩紀

盛唐卷之二十九

一

贈杜二拾遺

傳道招提客詩書自討論佛香時入院僧飯屢過  
門聽法還應難尋經剩欲翻草玄今已畢此外復  
一作何言  
後更

醉後贈張九旭

世上謾相識此翁殊不然興來書自聖醉後語尤  
顛白髮老閑事青雲在目前牀頭一壺酒能更幾  
回眠

途中寄徐錄事

比以正  
書兄贈

落日風雨至秋天鴻鴈初離憂不堪比旅館復何  
如君又幾時去我知音信疎空多篋中贈長見右  
軍書

酬衛八雪中見寄

季冬憶淇上落日歸山樊舊宅帶流水平田臨古  
村雪中望來信醉裏開衡門果得希代寶絨之那  
可論

送白少府送兵之隴右

殘更登隴首遠別指臨洮爲問關山近本事何如

詩紀

盛唐卷之二十九

二

州縣勞軍容隨赤羽樹色引青袍誰斷單于臂今  
年太白高

河西送李十七

邊城多遠別此去莫徒然問禮知才子登科及少  
年出門看落日驅馬向秋天高價人爭重行當且  
着鞭

送張瑤貶五谿尉

他日維楨幹明時懸鎮鄒江山遙去國妻子獨還  
家離別無嫌遠沈浮勿強嗟南登有詞賦知爾弔

長沙

別韋五

徒然酌杯酒不覺散人愁相識仍遠別欲歸翻旅  
遊夏雲滿郊甸明月照河洲莫恨征途遠東看漳  
水流

別劉大校書

昔日京華去知君才望新應猶作賦好莫歎在官  
貧且復傷遠別不然愁此身清風一作青楓幾萬里江  
上一歸人

詩紀

盛唐卷之二十九

三

宋中別司功叔各賦一物得商丘

商丘試一望隱隱帶秋天地與星辰在城將大路  
遷于戈悲昔事墟落對窮年卽此傷離緒悽悽賦  
酒筵

送蔡十二之海上

時在  
海

黯然而所爲相對但悲酸季弟念離別賢兄救急  
難河流氷處盡海路雪中寒尚有南飛鴈知君不  
忍看

別韋兵曹



離別長千里相逢數十年此心應不變他事已徒然惆悵春光裏蹉跎柳色前逢時當自取看爾欲先鞭

獨孤判官部送兵

餞君嗟遠別爲客念周旋征路今如此前軍猶眇然出關逢漢壁登隴望胡天亦是封侯地期君早看鞭

別從甥萬盈

諸生曰萬盈四十乃知名宅相予偏重家丘人莫輕美才應自料苦節豈無成莫以山田薄今春又不耕

別崔少府

知君少得意汶上掩柴扉寒食仍畱火春風未授衣皆言黃綬屈早向青雲飛借問他鄉事今年歸不歸

別一作送馮判官

碣石遼西地漁陽薊北天關山唯一道雨雪盡三邊才子方爲客將軍正渴一作慕賢遙知幕府下書

記日翩翩

淇上送韋司倉往滑臺

飲酒莫辭醉醉多適不愁孰知非遠別終念對窮秋滑臺門外見淇水眼前流君去應回首風波滿渡頭

送崔功曹赴越

傳有東南別題詩報客居江山知不厭州縣復何如莫恨吳歆曲嘗看越絕書今朝欲乘興隨爾食鱸魚

詩紀

盛唐卷之三十九

五

送蹇秀才赴臨洮

悵望日千里如何今二毛猶思陽谷去莫厭隴山高倚馬見雄筆隨身唯寶刀料君終自致勲業在臨洮

廣陵別鄭處士

落日知分手春風莫斷腸興來無不愜才在亦何傷谿水堪垂釣江田耐插秧人生只爲此亦足傲羲皇

別孫訢

離人去復留白馬黑貂裘屈指論前事停鞭惜舊  
遊帝鄉那可忘旅館日堪愁誰念無知已年年睚  
水流

送劉評事充朔方判官賦得征馬嘶

征馬向邊州蕭蕭嘶不一作休思深應帶別聲斷  
爲兼秋岐路風將遠關山月共愁贈君從此去何

日大刀頭

送魏八

更沽淇上酒還泛驛前舟爲惜故人去復憐嘶馬

詩紀

盛唐卷之二十九

六一

愁雲山行處合風雨興中秋此路無知己明珠莫  
暗投

贈別褚山人

攜手贈將行山人道姓名光陰薊子訓才術褚先  
生牆上梨花白樽中桂酒清洛陽無二價猶是慕  
風聲

別王八

征馬嘶長路離人挹佩刀客來東道遠歸去北風  
高時候何蕭索鄉心更一作鬱陶傳君遇知己行

日有綈袍

送董判官

逢君說行邁倚劔別交親幕府爲才子將軍作主  
人近關多雨雪出塞有風塵長策須當用男兒莫  
顧身

送鄭侍御謫閩中

謫去君無恨閩中我舊過大都秋鴈少只是夜猿  
多東路雲山合南天瘴癘和自當逢雨露行矣慎  
風波

詩紀

盛唐卷之二十九

七

送李侍御赴安西

行子對飛蓬金鞭指鐵驄功名萬里外心事一杯  
中虜障燕支北秦城太白東離魂莫惆悵看取寶  
刀雄

送裴別將之安西

絕域眇難躋悠然信馬蹄風塵經跋涉搖落怨睽  
攜地出流沙外天長甲子西少年無不可行矣莫  
悽悽

宴郭校書因之有別

綵服趨庭訓分交載酒過芸香名早著蓬轉事仍  
多苦戰一作戰苦知機息窮愁柰別何雲霄莫相待年  
鬢已蹉跎

同李太守北池泛舟宴高平鄭太守

每揖龔黃事還陪李郭舟雲從四岳起一作去水向  
百城流幽意隨登陟嘉言卽獻酬乃知縫掖貴今  
日對諸侯

同崔員外綦母拾遺九日宴京兆府李士

曹

詩紀

盛唐卷之二十九

八

今日好相見羣賢仍廢曹晚晴催翰墨秋興引風  
騷絳葉擁虛砌黃花隨濁醪閉門無不可何事更  
登高

同羣公十月朝宴李太守宅

良牧徵高賞褰帷問考槃歲時當正月甲子入初  
寒已聽甘棠頌欣陪旨酒歡仍憐門下客不作布  
衣看

武威同諸公過楊七山人

詩勝

幕府日多暇田家歲復登相知恨不早乘興乃無

恒窮巷在喬木深齋垂古藤邊城唯有醉此外更  
何能

同羣公登濮陽聖佛寺閣

落日登臨處悠然意不窮佛因初地識人覺四天  
空來鴈清霜後孤帆遠樹中徘徊傷寓目蕭索對  
寒風

同衛八題陸少府書齋

知君薄州縣好靜無冬春散帙至棲鳥明燈留故  
人深房臘酒熟高院梅花新若是周旋地當令風

詩紀

盛唐卷之二十九

九

義親

淇上別業

依依西山下別業桑林邊庭鴨喜多雨鄰雞知暮  
天野八種秋菜古老開原田且向世情遠吾今聊  
自然

入昌松東界山行

鳥道幾登頓馬蹄無暫一作復閑崎嶇出長坂合脊  
猶前山石激水流處天寒松色間王程應未盡且  
莫顧刀環

使青夷軍入居庸三首

匹馬行將久征途去轉難不知邊地別祗訝客衣  
單谿冷泉聲苦山空木葉乾莫言關塞極雲雪尚  
漫漫

古鎮青山口寒風落日時巖巒鳥不過冰雪馬堪  
遲出塞應無策還家賴有期東山足松桂歸去結  
茅茨

登頓驅征騎棲遲愧寶刀遠行今若此微祿果徒  
勞絕坂水連下羣峯雲共高自堪成白首何事一

詩紀

盛唐卷之二十九

十一

青袍

自薊北歸

驅馬薊門北北風邊馬哀蒼茫遠山口豁達胡天  
開五將已深入前軍止半迴誰憐不得意長劒獨  
歸來

七言律詩

東平別前衛縣李宋少府

黃鳥翩翩楊柳垂春風送客使人悲怨別自驚千  
里外論交却憶十年時雲開汶水孤帆遠路繞梁

山匹馬遲此地從來可乘興留君不住益凄其

夜別韋司士

得城字

高館張燈酒復清夜鐘殘月鴈歸聲只言啼鳥堪  
求侶無那春風欲送行黃河曲裏沙爲岸白馬津  
邊柳向城莫怨他鄉暫離別知君到處有逢迎

送李少府貶峽中王少府貶長沙

嗟君此別意何如駐馬銜杯問謫居巫峽啼猿數  
行淚衡陽歸鴈幾封書青楓江上秋天遠白帝城  
邊古木疎聖代即今多雨露暫時分手莫躊躇

詩紀

盛唐卷之二十九

十一

同陳留崔司戶早春宴蓬池

同官載酒出郊圻晴日東馳鴈北飛隔岸春雲邀  
翰墨傍簷垂柳報芳菲池邊轉覺虛無盡臺上偏  
宜酌酒歸州縣徒勞那可度後時連騎莫相違

金城北樓

北樓西望滿晴空積水連山勝畫中湍上急流聲  
若箭城頭殘月勢如弓垂竿已謝磻谿老體道猶  
思塞上翁爲問邊庭更何事至今羌笛怨無窮

同顏六少府旅宦秋中之作

傳君昨夜悵然悲獨坐新齋木落時逸氣舊來凌  
燕雀高才何得混妍媸跡留一作勞黃綬人多歎心  
在青雲世莫知不是鬼神無正直從來州縣有瑕  
疵

重陽

節物驚心兩鬢華東籬空繞未開花百年將半仕  
三已五畝就荒天一涯豈有白衣來剝啄一從烏  
帽自欹斜真成獨坐空搔首門柳蕭蕭噪暮鴉

詩紀

盛唐卷之二十九

十二

盛唐第二十九

盛唐第三十

唐詩紀九十

鄆郡吳中珩景編

東吳俞策同校

高適六

五言排律

古樂府飛龍曲留上陳左相

德以精靈降時膺夢寐求蒼生謝安石天子富平

人一作侯樽俎資高論巖廊挹大猷相門連戶牖卿

族嗣弓裘裕達雲開霽一作景清明月映秋能爲吉

詩紀

盛唐卷之三十

十二

甫頌善用子房籌階砌思攀陟門闌尚阻脩高山  
不易仰大匠本難投跡與松喬合心緣啓沃留公  
才山吏部書癖杜荊州幸沐千年聖何辭一尉休  
折腰知寵辱迴首見沈浮天地莊生馬江湖范蠡  
舟逍遙堪自樂浩蕩信無憂去此從黃綬歸歟任  
白頭風塵與霄漢瞻望日悠悠

留上李右相

風俗登淳古君臣挹大庭深沈謀九德密勿契千  
齡獨立調元氣清心豁宵冥本枝連帝系長策冠



生靈傳說明殷道蕭何律漢刑鈞衡持國柄柱石

總朝一作賢

經隱軫江山藻氛氲鼎彝銘興中皆白

雪身外卽丹青江海呼窮鳥詩書問聚螢吹噓成

羽翼提握動芳馨倚伏悲還笑棲遲一作升沈醉復醒

恩榮初就列含育忝宵形有竊丘山惠無時枕席

寧壯心瞻落景生事感浮一作流萍莫以才難用終

期善易聽未爲門下客徒謝少微星

同李負外賀哥舒大夫破九曲之作

遙傳副丞相昨日破西蕃作氣羣山動揚軍大旆

詩紀

盛唐卷之三十一

二

翻奇兵邀轉戰連弩絕歸奔泉噴諸戎血風驅死

虜鬼頭飛攢萬戟面縛聚轅門鬼哭黃埃暮天愁

白日昏石城與巖險鐵騎皆一作若雲屯長策一言

決高蹤百代存威稜懾沙漠忠義感乾坤老將黯

無色儒生安敢論解圍憑廟筭止殺報君恩唯有

關河渺蒼茫空樹墩

信安王幕府詩并序

開元二十年國家有事林胡詔禮部尚書信安

王總戎大舉時考功郎中王公勳郎中劉公

王客郎中魏公侍御史李公監察御史崔公咸

在幕府詩以頌美數公見于詞凡三十韻

雲紀軒皇代星高太白年廟堂咨上策幕府制中

權盤石藩維固昇壇禮樂先國章榮印綬公服貴

貂蟬樂善旌深德輸忠格上玄剪桐光寵錫題劍

美貞堅聖祚雄圖廣師貞武德虔雷霆七校發旌

旆五營連華省徵羣又霜臺舉二賢豈伊公望遠

曾是茂才遷並秉韜鈴術兼該翰墨延帝思麟閣

像臣獻柏梁篇振玉登遼甸撝金歷薊壩度河飛

詩紀

盛唐卷之三十一

二

羽檄橫海泛樓船北伐聲逾邁東征務以專講戎

喧涿野料敵靜居延軍勢持三畧兵戎自九天朝

瞻授鉞去時聽偃戈旋大漠風沙裏長城雨雪邊

雲端臨碣石波際隱朝鮮夜壁衝高斗寒空駐綵

旂倚弓玄兔月飲馬白狼川庶物隨交泰蒼生解

倒懸四郊增氣象萬里絕風煙關塞鴻勳著京華

甲第全落梅橫吹後春色凱歌前直道常兼濟微

才獨棄捐曳裾誠已矣投筆尚悽然作賦同元淑

能詩匪仲宣雲霄不可望空欲仰神仙

東平旅遊奉贈薛太守二十四韻

頌美馳千古欽賢仰大猷晉公標逸氣汾水注長  
流神與公忠節天生將相儔青雲本自負赤縣獨  
推尤御史風逾勁郎官草屢修鵷鸞粉署起鷹隼  
柏臺秋出入交三事飛鳴揖五侯軍書陳上策廷  
議借前籌肅肅趨朝列雖離引帝求一麾俄出守  
千里再分憂不改任棠水仍傳晏子裘歌謠隨舉  
扇旌旆逐鳴騶郡國長河遶川原大野幽地連堯  
黍嶽山向禹青州汶上春帆渡秦亭晚日愁遺墟  
詩紀

盛唐卷之三十一

四

當少昊懸象逼奎婁卽此逢清鑒終然喜暗投叨  
承解榻禮更得問縑遊高興陪登陟嘉言忝獻酬  
觀基知戰勝探象會冥搜眺聽情何限冲融惠勿  
休祇應齊語默寧肯問沈浮然諾長懷季栖遑輒  
累丘平生感知已方寸豈悠悠

真定卽事奉贈韋使君二十八韻

漂泊懷書客遲迴此路隅問津驚棄置投刺忽踟  
躕方伯思彌重蒼生詠已蘇郡稱廉叔度朝議管  
夷吾乃繼三台側仍將四岳俱江山澄氣象崖谷

倚水壺詔寵金門策官榮葉縣烏擢才登粉署飛  
步躡雲衢起草徵調墨焚香卽宴娛光華揚盛矣  
霄漢在茲乎隱軫推公望逶迤協帝俞軒車辭魏  
闕旌節副幽都始佩仙郎印俄兼太守符尤多蜀  
郡理更得潁川謨城邑推雄鎮山川列簡圖舊燕  
當絕漠全趙對平蕪曠野何瀾漫長亭復鬱紆始  
泉遺俗近活水戰場無月換思鄉陌星迴記斗樞  
歲容歸萬象和氣發鴻鑪淪落而誰遇栖遑有是  
夫不才羞擁腫干祿謝侏儒契闊慚行邁羈離憶  
詩紀

盛唐卷之三十一

五

友于田園同季子儲蓄異陶朱方欲呈高義吹噓  
揖大巫永懷吐肝膽猶憚阻榮枯解榻情何限忘  
言道未殊從來貴縫掖應是念窮途

和寶侍御登涼州七級浮圖之作

化塔屹中起孤高宜上躋鐵冠雄賞眺金界寵招  
攜空色在軒戶邊聲連鼓鼙天寒萬里北地豁九  
州西清興揖才彥峻風和端倪始知陽春後具物  
皆筌蹄

酬河南節度使賀蘭大夫見贈之作

高閣憑欄檻中軍倚旆感時常激切於已卽忘  
情河華屯妖氣伊瀍有戰聲媿無戡難策多謝出  
師名秉鉞知恩重臨戎覺命輕股肱瞻列岳唇齒  
賴長城隱隱摧鋒勢光光弄印榮魯連真義士陸  
遜豈書生直道寧殊智先鞭忽抗行楚雲隨去馬  
淮月尚連營撫劍堪投分悲歌益不平從來重然  
諾况值欲橫行

奉酬睢陽路太守見贈一作之作

盛才膺命代高價動良時帝簡登藩翰人和發詠  
詩紀

盛唐卷之三十一

六

思神仙去華省鵷鷺憶丹墀清淨能無事優游卽  
賦詩江山紛想像雲物共動 姜蕤逸氣劉公幹  
玄言向子期多慙汲引速翻愧激昂遲相馬知何  
限登龍反自疑風塵吏道迫行邁旅心悲拙疾徒  
爲爾窮愁欲問誰秋庭一片葉朝鏡數莖絲州縣  
甘無取丘園悔莫追瓊瑤生篋笥光景借茅茨他  
日青霄裏猶應訪所知

奉酬睢陽李太守

公族稱王佐朝經允帝求本枝疆我李盤石冠諸

劉禮樂光輝盛山河氣象幽系高周柱史名重晉  
陽秋華省膺推擇青雲寵宴遊握蘭多具美前席  
有嘉謀賦得黃金賜言皆白璧酬看鞭驅駟馬操  
刃解全牛出鎮兼方伯承家復列侯朝瞻孔北海  
時用杜荊州廣固纔登陟毘陵忽阻脩三台冀入  
夢四岳尚分憂郡邑連京口山川望石頭海門當  
建節江路引鳴騶俗見中興理人逢至道休先移  
白額橫更息赭衣偷梁國歌來晚徐方怨不留豈  
伊齊政術將以變澆浮訟簡知能吏刑寬察要囚  
詩紀

盛唐卷之三十一

七

坐堂風偃草行縣雨隨輶地是蒙莊宅城遺闕伯  
丘孝王餘井徑微子故田疇冬至招搖轉天寒蟬  
蟬收猿巖飛雨雪兔苑落梧楸列戟霜侵戶褰幃  
月在鈎好賢常解榻乘興每登樓逸足橫千里高  
談注九流詩題青玉案衣贈黑貂裘窮巷軒車靜  
閑齋耳目愁未能方管樂翻欲慕巢由講德良難  
敵觀風豈易儔寸心仍有適江海一扁舟

送柴司戶充劉卿判官之嶺外

嶺外資雄鎮朝端寵節旄月卿臨幕府星使出詞

曹海對羊城閣山連象郡高風霜驅瘴癘忠信涉  
波濤別恨隨流水交情脫寶刀有才無不適行矣  
莫徒勞

送蔡少府赴登州推事

膠東連卽墨萊水入滄溟國小常多事人訛屢抵  
刑公才徵郡邑詔使出郊垌標格誰當犯風謠信  
可聽崢嶸大峴口邈迤汶陽亭地迴雲偏白天秋  
山更青祖筵方卜晝王事急侵星勸爾將爲德斯  
口蓋有聽

詩紀

盛唐卷之三十一

八

秦中送李九赴越

攜手望千里于今將十年如何每離別心事復迤  
邐適越雖有以出關終耿耿然愁霖一作秋霖不可向長  
路或難前吳會獨行客山陰秋夜船謝家徵故事  
禹穴訪遺編鏡水君所憶尊羹余舊便歸來莫忘  
此兼示濟江篇

餞宋八充彭中丞判官之嶺外

覩君濟時畧使我氣填膺長策竟不用高才徒見  
稱一朝知己達累日詔書徵羽翮忽然就風颺誰

敢凌舉鞭趨一作投

嶺嶠一作嶂

屈指冒炎蒸北鴈送

馳驛南人思飲水彼邦本倔強習俗多驕矜翠羽  
千平法黃金撓直繩若將除害馬慎勿信蒼蠅魑  
魅寧無患忠貞適有憑猿啼山不斷鳶跼路難登  
海岸出交趾江城連始興繡衣當節制幕府盛威  
稜勿憚九嶷險須令百越澄立談多感激行李卽  
嚴疑離別胡爲者雲霄遲爾昇

陪竇侍御泛靈雲池

白露時先降清川思不窮江湖仍塞上舟楫在軍

詩紀

盛唐卷之三十一

九

中舞換臨津樹歌饒向迴

一作晚

風夕陽連積水邊

名滿秋空乘興宜投轄邀歡莫避驄誰憐持弱羽  
欲欲伴鷓鴣

陪竇侍御靈雲南亭宴詩

得雷字

涼州近胡高下其池亭蓋以耀蕃落也幕府董  
帥雄勇徑踐戎庭自陽關而西猶枕席矣軍中  
無事君子飲食宴樂宜哉白簡在邊清秋多興  
況水具舟楫山兼亭臺始臨泛而寫煩俄登陟  
以寄傲絲桐徐奏林木更爽觴蒲萄以遞歡指



蘭茝而可掇胡天一望雲物蒼然雨蕭蕭而牧  
馬聲斷風嫋嫋而邊歌幾處又足悲矣負外李  
公曰七日者何牛女之夕也夫賢者何得謹其  
時請賦南亭詩列之於後

人幽宜眺聽目極喜亭臺風景知愁在關山憶夢  
迴祗言殊語默何意忝遊陪連唱波瀾動冥搜物  
象開新秋歸遠樹殘雨擁應一作輕雷簷外長天盡  
樽前獨鳥來常吟塞下曲多謝幕中才河漢徒相  
望嘉期安在哉

詩紀

盛唐卷之三十一

十

同熊少府題盧王簿茅齋

盧王簿人作

虛院野情在茅齋秋興存孝廉趨下位才子出高  
門乃繼幽人靜能令學者尊江山歸謝客神鬼下  
劉根階樹時攀折怱書任討論自堪成獨往何必  
武陵源

同朱五題盧使君義井

高義唯良牧深仁自下車寧知鑿井處還是飲水  
餘地卽泉源久人當汲引初體清能鑒物色洞一作  
每舍虛上善滋來往中和泱里閭濟時應未竭

懷惠復何如

同郭十題楊王簿新廳

華館曙沈沈惟良正在今用材兼柱石聞物象高  
深更得芝蘭地兼管枳棘林向風局戟戶當署近  
棠陰勿改安卑節聊閑理劇心多君有知己一和  
郢中吟

秋日作

端居值秋節此日更愁辛寂寞無一事蒿萊通四  
鄰閉門生白髮回首憶青春歲月不相待交游隨

詩紀

盛唐卷之三十一

十一

衆人雲霄何處託愚直有誰親舉酒聊自勸窮通  
信爾身

辟陽城

荒城在高岸凌眺俯清淇傳道漢天子而封審食  
其奸淫且不戮茅土孰云宜何得英雄主返令兒  
女欺毋儀良已失臣節豈如斯太息一朝事乃令  
人所嗤

赴彭州山行之作

峭壁連崆峒攢峯疊翠微鳥聲堪駐馬林色可忘



機怪石時侵徑輕蘿乍拂衣路長愁作客年老更  
思歸且悅巖巒勝寧嗟意緒違山行應未盡誰與  
玩芳菲

五言絕句

詠史

尚有綈袍贈應憐范叔寒不知天下士猶作布衣  
看

送兵到薊北

積雪與天迴屯軍連塞愁誰知此行邁不爲覓封

侯

盛唐卷之三十一

十三

同羣公題張處士菜園

又見岑參集

肉  
耕地桑柘間地肥菜常熟爲問葵藿資何如廟堂

逢謝偃

紅顏愴

一作

爲別白髮始相逢唯餘昔時慮無復

舊時容

田家春望

出門何所見春色滿平蕪可歎無知己高陽一酒

待

閑居

柳色驚心事春風厭索居方知一杯酒猶勝百家  
書

封丘作

州縣才難適雲山道欲窮揣摩慙黠吏棲隱謝愚  
公

七言絕句

九曲詞三首

詩紀

盛唐卷之三十一

十三

許國從來徼廟堂連年不爲在疆

一作

場將軍天

下討侯印御史臺中異姓王

萬騎爭歌楊柳春千場對舞繡麒麟到處盡逢歡  
洽事相看總是太平人

鐵騎橫行鐵嶺頭西看邏逤取封侯青海只今將

飲馬黃河不用更防秋

營州歌

營州少年厭原野狐

一作

裘蒙茸獵城下虜

一作

酒千鍾不醉人胡兒十歲能騎馬

玉真公主歌

常言龍德本天仙誰謂仙人每學仙更道玄元指  
李日多於王母種桃年

仙宮仙府有真仙天寶天仙秘莫傳爲問軒皇三  
百歲何如大道一千年

和王七玉門關聽吹笛

胡人吹笛戍樓間樓上蕭條海一作月閑借問落

梅凡幾曲從風一夜滿關山一本作塞上聽吹笛云雪淨胡天牧馬還

月明羌笛戍樓間借問梅花何處落風吹一夜滿關山

詩紀

盛唐卷之三

十四

別董大二首

十里黃雲白日曛北風吹鴈雪紛紛莫愁前路無  
知己天下誰人不識君

六翮飄飄私自憐一離京洛十餘年丈夫貧賤應  
未足今日相逢無酒錢

送桂陽孝廉

桂陽少年西入秦數經甲科猶白身卽今江海一  
歸客他日雲霄萬里人

送李少府時在客舍作

相逢旅館意多違暮雪初晴候鴈飛主人酒盡君

未醉薄暮途遙歸不歸

聽張立本女吟

危冠廣袖楚宮妝獨步閑庭逐夜涼自把玉釵敲  
砌竹清歌一曲月如霜

初至封丘作

可憐薄暮宦遊子獨卧虛齋思無已去家百里不  
得歸到官數日秋風起

除夜作

詩紀

盛唐卷之三

十五

旅館寒燈獨不眠客心何事轉悽然故鄉今夜思

千里愁一作霜鬢明朝又一作更一年

盛唐第三十

盛唐第三十一

唐詩紀九十一

鄆郡吳中詩彙編

東吳俞策同校

崔顥

卞州人開元十一年進士有俊才無士行好捕博飲酒及遊京師娶妻悍有貌者稍不愜意即去之前後數四累官司勳員外郎天寶中卒○殷璠云顥少年爲詩屬意浮豔名陷輕薄晚節忽變常調風骨凜然一窺塞垣疏盡戎旅可與鮑照並駕也

五言古詩

古遊俠呈軍中諸將

少年負膽氣好勇復知機仗劍出門去孤城逢合

詩紀

盛唐卷之三十一

一

圍殺人遼水上走馬漁陽歸錯落金鏐甲蒙茸貂

鼠衣還家行且獵一作獵弓矢速如飛地迴鷹犬疾

草深狐兔肥腰間帶一作帶兩綬轉眄生光輝顧謂

今日戰何如隨建威

贈輕車

悠悠遠行歸經春涉長道幽冀桑始青洛陽蠶欲

老憶昨戎馬地別時心草草烽火從北來邊城閉

常早平生少相遇未得展懷抱今日杯酒間見君

交情好

贈王威古

三十羽林將出身常事邊春風吹淺草獵騎何翩

翩插羽兩相顧鳴弓新上弦射麋入深谷飲馬投

荒一作向寒泉馬上共傾酒野中聊割鮮相看未及飲

醉一作雜虜寇幽燕烽火去不息胡塵一作山高際天

長驅救東北戰解城亦全一作轉戰解城全報國行赴難

古來皆共然

贈懷一上人

法師東南秀世實豪家子削髮十二年誦經峨眉

詩紀

盛唐卷之三十一

二

裏自此照羣蒙卓然爲道雄觀生盡入妄悟有皆

成空淨體一作無衆染苦心歸妙宗一朝勅書至

召入承明宮說法金殿裏焚香清禁中傳燈遍都

邑杖錫遊王公天子揖妙道羣僚趨下風我法本

無着時來出林壑因心得化城一作隨病皆與藥

上啓黃屋心下除蒼生縛一從入君門說法無朝

昏帝作轉輪王師爲持戒尊軒風灑甘露佛雨生

慈根但有滅度理而生一作無開濟恩復聞江海曲

好殺成風俗帝曰我上人爲除羶腥欲是日發西

秦東南至蘄春風將衡桂接地與吳楚鄰舊少清  
信士寔多漁獵人一聞吾師至捨網江湖濱作禮  
懺前惡潔誠期後因因成日既久事濟身不守更  
出淮楚間復來荆河口荆河馬卿岑茲地近道林  
入講鳥常狎坐禪獸不侵都非緣未盡曾是教所  
任故我一來事永承微妙音竹房見衣鉢松宇清  
身心早悔業至淺晚成計可尋善哉遠公義清淨  
如黃金

遊天竺寺

詩紀

盛唐卷之三十一

三

晨登天竺山山殿朝陽曉屋一作泉噴薄江岫

相縈繞直上孤頂高平看衆峯小南州十二月地

煖冰雪少青翠滿寒山藤蘿覆冬沼花龕瀑布側

青壁石林杪鳴鐘集人天施飯聚猿鳥洗意歸清

淨澄心悟空了始知世上人萬物一何擾

入若耶谿

輕舟去何疾已到雲林境起坐雲鳥間動搖山水  
影巖中響自答谿裏言彌靜事事令人幽停橈向  
餘景

雜詩

可憐青銅鏡掛在白玉堂玉堂有美女嬌弄明月  
光羅袖拂金鵲綵屏點紅妝妝罷含情坐春風桃  
李香

結定襄郡獄効陶體

我在河東時使往定襄里定襄諸小兒爭訟紛城  
市長老莫敢言太守不能理謗書盈几案文墨相  
填委牽引肆中翁追呼田家子我來折此獄師一作

五聽辨疑似小大必以情未嘗施鞭筆是時三月

詩紀

盛唐卷之三十一

四

暮遍野農桑起里巷鳴春鳩田園引流水此鄉多  
雜俗戎夏殊音旨顧問邊塞人勞情曷云已

七言古詩

長安道

紀事題作  
霍將軍

長安甲第高入雲誰言居住霍將軍日晚朝迴擁  
賓從路傍揖拜何紛紛莫言炙手手可熱須臾火  
盡灰亦滅莫言貧賤即可欺人生富貴自有時一  
朝天子賜顏色世上一作悠悠應一作始知

行路難

君不見建章宮中金明枝萬萬長條拂地垂二月  
三月花如霰九重幽深君不見豔彩朝含四寶宮  
香風旦一作吹入朝雲殿漢家宮女春未闌愛此芳  
香朝暮看看來一作來看去一作去心不忘攀折將安鏡  
臺上雙雙素手剪不成兩兩紅妝笑相向建章昨  
夜起春風一花飛落長信宮長信麗人見花泣憶  
此珍樹何嗟及我昔初在昭陽時朝攀暮折登玉  
墀只言歲歲長相對不悟今朝遙相思

孟門行

詩紀

盛唐卷之三十一

五

黃雀銜黃花翩翩傍簷隙本擬報君恩如何反彈  
射金壘美酒滿座春平原愛才多衆賓滿堂盡是  
忠義士何意得有讒諛人諛言反覆那可道能令  
君心不自保北園新栽桃李枝根株未固何轉移  
成陰結實一作子君自取若一作借問傍人那得知

渭城少年行

洛陽三月梨花飛秦地行人春憶歸揚鞭走馬城  
南陌朝逢驛使秦川客驛使前日發章臺傳道長  
安春早來棠梨宮中燕初至葡萄館裏花正開念

此使人歸更早三月便達一作更踏長安道長安道上  
春可憐搖風蕩日曲江邊萬戶樓臺臨渭水五陵  
花柳滿秦川秦川寒食盛繁華遊子春來不一作喜  
見家關雞下社塵初合走馬章臺日半斜章臺帝  
城稱貴里青樓日晚歌鐘起貴里豪家白馬驕五  
陵年少不相饒雙雙挾彈來金市兩兩鳴鞭上渭  
橋渭城橋一作壚頭酒新熟金鞍白馬誰家宿可憐  
錦瑟箏一作與琵琶玉壺清一作新酒就倡一作君家小  
婦春來不解羞嬌歌一曲楊柳花

詩紀

盛唐卷之三十一

六

盧姬篇

盧姬少小魏王家綠鬢紅脣桃李花魏王綺樓十  
二重水晶簾箔繡芙蓉白玉欄杆金作柱樓上朝  
朝學歌舞前堂後堂羅袖人南牕北牕花發春翠  
幌珠簾關絲管一彈一奏雲欲斷君王日晚下朝  
歸鳴環佩玉一作金生光輝人生今日得嬌貴誰  
道盧姬身細微

江畔老人愁

江南年少十八九乘舟欲渡青谿口青谿口邊一



老翁鬢眉皓白已衰朽自言家代仕梁陳垂朱拖  
紫三十人兩朝出將復入相五世疊鼓垂朱輪父  
兄三葉皆尚主子女四代爲妃嬪南山賜田接御  
苑北宮甲第連紫宸直言榮華未休歇不覺山崩  
海將竭兵戈亂入建康城煙火連燒未央闕衣冠  
士子陷鋒刃良將名臣盡埋沒山川改易失市朝  
衢路縱橫填白骨老人此時尚少年脫身走得投  
海邊罷兵歲餘未敢出去鄉三載方來旋蓬蒿忘  
却五城宅草木不識青谿田雖然得歸到鄉土零

詩紀

盛唐卷之三十一

七

丁貧賤長辛苦采樵屢入歷陽山川常過新林  
浦少年欲知老人歲豈知今年一百五君今少壯  
我已衰我昔少年君不睹人生貴賤各有時莫見  
羸老相輕欺感君相問爲君說說罷不覺令人悲

邯鄲宮人怨

邯鄲陌上三月春暮行逢見一婦人自言鄉里本  
燕趙少小隨家西入秦母兄憐愛無儔侶五歲名  
爲阿嬌女七歲丰茸好顏色八歲黠惠能言語十  
三兄弟教詩書十五青樓學歌舞我家青樓臨道

傍紗牕綺幔暗聞香日暮笙歌君駐馬春日妝梳  
妾斷腸不用城南使君壻本求三十侍中郎何知  
漢帝好容色玉輦攜登歸建章建章宮殿不知數  
萬戶千門深且長百堵塗椒接青瑣九華閣道連  
洞房水精簾箔雲母扇琉璃牕牖玳瑁牀歲歲年  
年奉歡宴嬌貴榮華誰不羨恩情莫比陳皇后寵  
愛全勝趙飛燕瑤房侍寢世莫知金屋更衣人不  
見誰言一朝復一日君王棄世市朝變宮車出葬  
茂陵田賤妾獨留長信殿一朝太子升至尊宮中

詩紀

盛唐卷之三十一

八

人事如掌翻同時侍女見讒毀後來新人莫敢言  
兄弟印綬皆被奪昔年賞賜不復存一旦放歸舊  
鄉里乘車垂淚還入門父母愍我曾富貴嫁與西  
舍金王孫念此翻覆復何道百年盛衰誰能保憶  
昨尚如春日花悲今已作秋時草少年去去能停  
鞭人生萬事由上天非我今日獨如此古今歎薄  
皆共然

川上女

川上女晚妝鮮日落青渚試輕櫂汀長花滿正廻

船暮來浪起風轉緊自言此去橫塘近綠江無伴  
夜獨行獨行心緒愁無盡

鴈門胡人歌

高山代郡東接燕鴈門胡人家近邊解放胡鷹逐  
塞鳥能將代馬獵秋田山頭野火寒多燒雨一作霧  
裏孤峯濕作煙聞道遼一作關西無聞戰時時醉向  
酒家眠

代閨人答輕薄少年

妾家近隔鳳凰池粉壁紗牕楊柳垂本期漢代金

詩紀

盛唐卷之三十一

九

吾婿誤嫁長安遊俠兒兒家夫婿多輕薄借客探  
九重然諾平明挾彈入新豐日晚揮鞭出長樂青  
絲白馬冶遊園能使行人駐馬看自矜陌上繁華  
盛不念閨中花鳥闌花間陌上春將晚走馬聞雞  
猶未返三時出望無消息一去那知行近遠桃李  
花開覆井欄朱樓落日捲簾看愁來欲奏相思曲  
抱得秦箏不忍彈

七夕

長安城中月如練家家此夜持針線仙裙玉珮空

自知天上人間不相見長信深陰夜轉幽瑤階金  
閣數螢流班姬此夕愁無限河漢三更看斗牛

五言律詩

長門怨

君王寵初歇棄妾長門宮紫殿青苔滿高樓明月  
空夜愁生枕席春意罷簾櫳泣盡無人問容華落  
鏡中

王家少婦

十五嫁王昌盈盈入畫堂自矜一作憐年最少復倚

詩紀

盛唐卷之三十一

十

婿爲郎舞愛前谿綠歌憐子夜長閑來關百草度  
日不成妝紀事云李邕聞題名虛舍待之劉至誠  
詩首章云十五嫁王昌當此日小兒無  
禮不與  
接而去

岐王席觀妓

一作盧  
女曲

二月春來半宮中日漸長柳垂金屋煖花發一作  
發  
玉樓香拂匣先臨鏡調笙更炙簧還將歌舞態只  
擬奉君王末二句一作長將盧  
女曲夜夜奉君王

上巳

巳日帝城春傾都被袂晨停車須傍水奏樂要驚

塵弱柳障行騎浮橋擁看人猶言日尚早更向九龍津

贈梁州張都督

聞君爲漢將虜騎罷一作不南侵出塞清沙漠還家拜羽林風霜臣節苦歲月主恩深爲語西河使知余報國心

寄盧八象

客從巴水渡傳爾汴行舟是日風波霽高唐雨半收青山滿蜀道綠水向荊州不作書相問誰能慰詩紀

盛唐卷之三十一

十一

別愁

題潼關樓

客行逢雨霽歇馬上津樓山勢雄三輔關門扼九州川從陝路去河遶華陰流向晚登臨處風煙萬里愁

題沈隱侯八詠樓

梁日東陽守爲樓望越中綠牕明月在青史古人空江靜聞山狝川長數塞鴻登臨白雲晚流恨此遺風

晚入汴水

昨晚南行楚今朝北汴河客愁能幾日鄉路漸無多晴景搖津樹春風起棹歌長淮亦已盡寧復畏潮波

發錦沙村

北上途未半南行歲已闌孤舟下建德江水入新安海近山常雨谿深地早寒行行泊不可須及子陵灘

送單于裴都護赴西河

征馬出翩翩城秋月正圓單于莫近塞都護欲臨邊漢驛通煙火胡沙泛一作乏井泉功成須獻捷未必去經年

七言律詩

黃鶴樓

昔人已乘白雲一作黃鶴去此地空餘黃鶴樓黃鶴一去不復返白雲千載空悠悠晴川歷歷漢陽樹春一作芳草萋萋鸚鵡洲日暮鄉關何處是一作在煙波江上使人愁嚴滄浪云唐人七言律詩當以五題黃鶴樓爲第一〇劉云

八服善李人自登黃鶴樓有眼前有景道不得佳  
題詩在上頭之句至金陵乃作鳳凰臺詩以擬  
之

### 行經華陰

岩峩太華俯咸京天外三峯削不成武帝祠前雲  
欲散仙人掌上雨初晴河山北枕秦關險驛樹西  
連漢時平借問路傍名利客無如此處學長生

### 五言排律

### 相逢行

妾年初二八家住洛橋頭玉戶臨馳道朱門近御

詩紀

盛唐卷之三十一

十三

溝使君何暇問夫婿大長秋女弟新承寵諸兄近  
拜侯春生百子殿花發五城樓出入千門裏年年  
樂未休

### 遼西作

燕郊芳歲晚殘雪凍邊城四月青草合遼陽春水  
生胡人正牧馬漢將日徵兵露重寶刀濕沙虛金  
鼓鳴寒衣著已盡春服與誰一作誰與成寄語洛陽使

爲傳邊塞一作情

### 奉和許給事夜直簡諸公

西掖黃樞近東曹紫禁連地因才子拜人用省郎  
遷夜直千門靜河明萬象懸建章宵漏急閭闔曉  
鐘傳寵列貂蟬位恩深侍從年九重初起草五夜  
卽成篇顧已無官次循涯但自憐遠陪蘭署作空  
此仰神僊

### 舟行入剡

鳴棹下東陽回舟入剡鄉青山行不盡綠水去何  
長地氣秋仍濕江風晚漸涼山梅猶作雨谿橘未  
知霜謝客文逾盛林公未可忘多慙越中好流恨

詩紀

盛唐卷之三十一

十四

閱時芳

### 澄水如鑑

聖賢將立喻上善貯情深潔白依全德澄清有片  
心澆浮知不撓濫濁固難侵方寸懸高鑑生涯詎  
陸沈對泉能自誠如鏡靜相臨廉慎傳家政流芳  
合古今

### 五言絕句

### 長干曲四首

一作江南曲

君家何處住

一作何處

妾住在橫塘停船暫借問或

恐是同鄉

家臨九江水來去九江側同是長于人生小不相識

下渚多風浪蓮舟漸覺稀那能不相待獨自逆一作送潮歸

三江潮水急五湖風浪涌由來花性輕莫畏蓮舟重

七言絕句

維揚送友還蘇州

詩紀

盛唐卷之三十一

十五

長安南下幾程途得到邗溝弔綠蕪沿畔鱸魚舟上釣羨君歸老向東吳

盛唐第三十一

盛唐第三十二

唐詩紀九十二

鄭郡吳中

東吳俞策同校

一常建

開元十五年進士大曆中為盱眙尉○殷璠云高才無貴士誠哉是言襲劉慎死于

文學左思終於記室鮑昭卒於參軍今常建亦淪於一尉悲夫建詩似初發通莊却尋野遠其興僻佳句輒來惟論意表

五言古詩

春詞三首

苑苑黃柳絲濛濛雜花垂日高紅妝卧倚對一作樹

詩紀

盛唐卷之三十二

一一

春光

一作風

遲寧知傍淇水腰裏黃金羈

翳翳陌上桑南枝交北堂美人金梯出素手自提筐非但為一作蠶饑盈盈嬌路傍

階下草猶短墻頭梨花白織女高樓上停梭顧行客問君在何所青鳥舒錦翮

塞上曲

翩翩雲中使來問太原卒百戰苦不歸刀頭怨明月塞雲隨陣落寒日傍城沒城下有寡妻哀哀哭枯骨



古意四首

牧馬古道傍道傍多古墓蕭條愁殺人蟬鳴白楊  
樹回頭望京邑合沓生塵霧富貴安可常歸來保  
貞素

二妃方訪舜萬里南方懸遠道隔江漢孤舟無歲  
年不知蒼梧處氣盡呼青天愁淚變楚竹蛾眉喪  
湘川後人立爲廟累世稱其賢過客設祠祭狐狸  
來坐邊懷古未忍還猿吟徹空山

明月照高閣綵女褰羅幕歌舞臨碧雲簫聲沸珠

詩紀

盛唐卷之三十二

二

箔青鸞臨南海天上雙白鶴萬里齊翼飛意求君  
門樂玉霄九重閉金鎖夜不開兩翅自無力愁鳴  
雲外來態深入空貴世屈無良媒俛仰顧中禁東  
飛白玉臺

楚王竟何去獨自留巫山偏使世人見迢迢江漢  
間駐舟春谿裏皆願拜靈顏寤寐見神女金紗鳴  
珮環閑豔絕世姿令人氣力微含笑竟不語化作  
朝雲飛

古典

漢上逢老翁江口爲僵屍白髮沾黃泥遺骸集鳥  
鵲機巧自此忘精魄今何之風吹釣竿折魚躍安  
能施白水明汀洲菰蒲冒深陂唯留扁舟影繫在  
長江湄突兀枯松枝悠揚女蘿絲託身難憑依生  
死焉相知徧觀今時人舉世皆爾爲將軍死重圍  
漢卒猶爭馳百馬同一銜萬輪同一規名與身孰  
親君子固宜思

贈三侍御

高山臨大澤正月蘆花乾陽色薰兩崖不改青松

詩紀

盛唐卷之三十二

三

寒士賢守孤貞古來皆共難明君錯任一作才臺  
上飛三鸞操與霜雪明量與江海寬束身視天涯  
安能窮波瀾孤鶴在枳棘一枝非所安逸翮望絕  
霄見欲凌雲端層臺何其高山石流洪湍固知非  
天池鳴躍同所歡誰念獨枯槁四十長江干責躬  
貴知己効拙從一官折翮悲高風苦饑候朝餐湖  
月映大海天空何漫漫托身未知所謀道庶不刊  
吟彼喬木詩一夕常三歎

客有自燕而歸哀其老而贈之

羸馬朝自燕一身爲二連憶親拜孤塚移葬雙陵  
前幽願從此畢劒心因獲全孟冬寒氣盛撫轡告  
言旋碣石海北門餘寇惟朝鮮離離一寒騎嫋嫋  
馳白天生別皆自取况爲士卒先寸心漁陽興落  
日旌竿懸

白龍窟汎舟寄天台學道者

夕映翠山深餘暉在龍窟扁舟滄浪意淡淡花影  
沒西浮入天色南望對雲闕因憶莓苔峯初陽濯  
玄髮泉蘿兩幽映松鶴間清越碧海瑩子神玉膏  
詩紀 盛唐卷之三十二 四一  
澤人骨忽然爲枯木微興遂如兀應寂中有天明  
心外無物環廻從所汎夜靜猶不歇澹然意無限  
身與波上月

送陸擢

聖代多才俊 陸生何考槃南山高松樹不合  
空摧殘九月湖上別北風秋雨寒殷勤歎孤鳳早  
食金琅玕

送李十一尉臨谿

泠泠花下琴君唱渡江吟天際一帆影預懸離別

心以言神仙尉因致瑤華音回軫撫商調越谿澄  
碧林

送楚十少府

微風吹霜氣寒影流 一作前除落日未能別蕭蕭  
林木虛愁煙閉千里仙尉其何如因送別鶴操贈  
之雙鯉魚鯉魚在金盤別鶴哀有餘心事則如此  
請君開素書

江上琴興

江上調玉琴一絃清一心泠泠七絃遍萬木澄幽  
詩紀 盛唐卷之三十二 五一  
陰 一作能使江月白又令江水深始知枯桐枝可  
以微黃金

湖中晚霽

湖廣舟自輕江天欲澄霽是時清楚望氣色猶霾  
暄踟躕金霞白波上日初麗煙虹落鏡中樹木生  
天際杳杳涯欲辨蒙蒙雲復閉言乘星漢明又覩  
褰瀛勢微興從此愜悠然不知歲試歌滄浪清遂  
覺乾坤細豈念客衣薄將期永投袂遲廻漁父間  
一鴈聲嘹唳

宿王昌齡隱居

清谿深不測一作極隱處惟孤雲松際露微月清光

猶爲君茅亭宿花影藥院滋苔紋余亦謝時去西

山鸞鶴羣

白湖寺後谿宿雲門

落日山水清亂流鳴淙淙舊蒲雨抽節新花水對

窓谿中日已沒歸鳥多爲雙杉松引直路出谷臨

前湖洲渚晚色靜又觀花與蒲入谿復登嶺草淺

寒流速圓月明高峯春山因獨宿松陰澄初夜曙

詩紀

盛唐卷之三十二

六

色分遠目日出城南隅青青媚川陸亂花覆東郭

碧氣銷長林四郊一清影千里歸寸心前瞻王程

促却戀雲門深畢景有餘興到家彈玉琴

開齋卧雨行藥至山館稍次湖亭二首

旬時結陰霖簾外初白日齋目清病容心竟畏虛

室開梅照前戶明鏡悲舊質同袍四五人何不來

問疾

行藥至石壁東風變萌芽主人山門綠小隱湖中

花時物堪獨往春帆宜別家辭君向滄海爛熳從

天涯

仙谷遇毛女意知是秦宮人

谿口水石淺泠泠明藥叢入谿雙峯峻松枯踈幽

風垂嶺枝一作竹嫋嫋翳泉花濛濛真緣霽人目路

盡心彌通盤石橫陽崖前臨一作流殊未窮回潭清

雲影瀰漫長天空水邊一神女千歲爲玉童羽毛

經漢代珠翠逃秦宮目覲神已寓鶴飛言未終祈

君青雲秘願謁黃仙翁嘗以耕玉田龍鳴西頂中

金梯與天接幾日來相逢

詩紀

盛唐卷之三十二

七

夢太白西峯

夢寐升九崖杳靄逢元君遺我太白峯一作峯寥寥

辭垢氛結宇在星漢宴林閑氤氳檐楹覆餘翠巾

舄生片雲時往谿谷一作水間孤亭晝仍曛松峯引

天影石瀨清霞文怙目緩舟趣霽心投鳥羣春風

又搖櫂潭島花紛紛

鄂渚招王昌齡張儉

刈蘆曠野中沙上飛黃雲天晦無精光茫茫悲遠

君楚山隔湘水湖畔落日曛春鴈又北飛音書固

難聞謫居未爲歎  
讒枉何由分  
午日逐蛟龍  
宜爲弔  
冤文翻覆古共然  
名宦安足云  
貧士任枯槁  
捕魚清江濱  
有時荷鋤犁  
曠野自耕耘  
不然春山隱谿澗  
何氤氲  
山鹿自有場  
賢達亦顧羣  
二賢歸去來  
世上徒紛紛

晦日馬鎧曲稍次中流作

夜寒宿蘆葦  
曉色明西林  
初日在川上  
便澄遊子心  
晴天無纖翳  
郊野浮春陰  
波靜隨釣魚  
舟小綠水深  
出浦見千里  
曠然諧遠尋  
扣船應漁父  
同作一

詩紀

盛唐卷之三十二

八

因唱滄浪吟

宿五度谿仙人得道處

五度谿上花生根  
依兩崖二月尋  
片雲願宿秦人家  
上見懸崖崩下見  
白水湍仙人彈碁  
處石上青蘿盤無  
處求玉童翳翳唯  
林巒前谿遇新月  
聊取玉琴彈

西山

一身爲輕舟  
落日西山際  
常隨去帆影  
遠接長天勢  
物象歸餘清  
林巒分夕麗  
亭亭碧流暗  
日入孤

霞纔渚日遠陰映湖  
雲尚明霽林昏楚色  
來岸遠荆門閉至夜  
轉清迴蕭蕭北風厲  
沙邊鴈鷺泊宿處兼  
葭蔽圓月逗前浦孤  
琴又搖曳泠然夜遂  
深白露霑人袂

第三峯

西山第三頂茅宇依  
雙松杳杳欲至天  
雲梯昇幾重瑩魄澄  
玉虛以求鸞鶴蹤  
逶迤非天人執節乘  
赤龍旁映白日光  
縹緲輕霞容孤輝上  
煙霧餘影明心曾願  
與黃麒麟欲飛而莫  
從因寂清萬象輕

詩紀

盛唐卷之三十二

九

雲自中峯山暝學棲  
鳥月來隨暗蒼尋空  
靜餘響嫋嫋雲谿鐘

張天師草堂

靈谿宴清宇  
傍倚枯松根  
花藥繞方丈  
瀑泉飛至門  
四氣閉炎熱  
兩崖改明昏  
夜深月暫皎  
亭午朝始暎  
信是天人居  
幽幽寂無喧  
萬壑應鳴磬  
諸峯接一覓  
遂登子因田  
生樽時節開  
玉書寶映飛天  
言心化便一作無影目精  
焉累煩忽而舉  
霄漢寥落空南軒



漁浦

春至百草綠陂澤聞鶉鷃別家投釣翁今世滄浪  
情漚紆爲縕袍折麻爲長纓榮譽失本真怪人浮  
此生碧水月自闊安流淨而平扁舟與天際獨往  
誰能名

空靈山應田叟

湖南無村落山舍多黃茅淳朴如太古其人居鳥  
巢牧童唱巴歌野老亦獻嘲泊舟問谿口言語皆  
啞咬土俗不尚農豈暇論肥瘠莫徭射禽獸浮客  
詩紀 盛唐卷之三十三 十一  
烹魚鮫余亦采且人獲麋今尚苞敬君中國來願  
以充其庖日入聞虎鬬空山滿咆哮懷人雖共安  
異域終難交白水可洗心采薇可爲肴拽策背落  
日江風鳴稍稍

張山人彈琴

君去芳草綠西峯彈玉琴豈惟丘中賞兼得清煩  
襟朝從山口還出嶺聞清一作幽音了然雲霞氣  
意照見天地心玄鶴下澄空翩翩舞松林改絃扣  
和一作商聲又聽飛龍吟稍覺此身妄漸知仙事深

其將鍊金鼎永以一作矣投吾簪

高樓夜彈箏

高樓百餘尺直上江水平明月照人苦開簾彈玉  
箏山高猿狖急天靜鴻鴈鳴曲度猶未終東峯霞  
半生

太公哀晚遇

日出渭流白文王畋獵時釣翁在蘆葦川澤無熊  
羆詔書起遺賢匹馬今致辭因稱江海人臣老筋  
力衰遲遲詣天車怏怏悟靈龜兵馬更不獵君臣  
詩紀 盛唐卷之三十三 十二  
皆共怡同車至咸陽心影無磷緇四壯玉墀下一  
言爲帝師王侯擁朱門軒蓋耀長逵古來榮華人  
遭遇誰知之落日懸桑榆光景有頓虧倏忽天地  
人雖貴將何爲

昭君墓

漢宮豈不死異域傷獨沒萬里馱黃金蛾眉爲枯  
骨迴車一作軍夜出塞立馬皆不發共恨丹青人墳

上哭明月

弔王將軍墓



嫖姚北伐時深入疆一作幾千里戰餘落日黃軍敗

鼓聲死嘗聞一作漢飛將可奪單于壘今與山鬼

鄰殘兵哭遼水

### 七言古詩

#### 古意

井底玉水洞地明琥珀轆轤青絲索仙人騎鳳披  
彩霞挽上銀瓶照天閣黃金作身雙飛龍口銜明  
月噴芙蓉一時渡海望不見曉上青樓十二重

#### 古興

詩紀

盛唐卷之三十二

十二

轆轤井上雙梧桐飛鳥銜花日將沒深閨女兒莫  
愁年玉指泠泠怨金碧石榴裙裾蛺蝶飛見人不  
語顰蛾眉青絲素絲紅綠絲織成一作錦衾當爲誰

張公子行

古意一作

日出乘釣舟嫖姚持釣竿涉淇傍荷花驄馬閑金  
鞍俠客白雲中腰間懸轆轤出門事嫖姚爲君西  
擊胡胡兵漢騎相馳逐轉戰孤軍海西曲一作西  
百尺旌竿沈黑雲邊笳落日不堪聞

### 五言律詩

聽琴秋夜贈寇尊師

琴當秋夜聽况是洞中人一指指應法一聲聲爽

神寒蟲臨砌默一作急清吹裏燈頻何必鍾期耳高

閑自可親

送李大都護

單于雖不戰都護事邊深君執幕中祕能爲高士  
心海頭近初月磧裏多愁陰西望郭猶子將分淚

滿襟

詩紀

盛唐卷之三十二

十三

潭州留別

賢達不相識偶然交已深宿帆謁郡佐悵別依禪  
林湘水流入海楚雲千里心望君杉松夜山月清  
依吟

題破山寺後院

清晨入古寺初日照一作朗高林竹逕通幽處禪房  
花木深山光悅鳥性潭影空人心萬籟此俱寂但  
餘鐘磬音

江行

平湖四無際此夜泛孤舟明月異方意吳歌令客  
愁鄉園碧雲外兄弟淥江頭萬里無歸信傷心看  
斗牛

燕居

青苔常滿路流水復入林遠與市朝隔日聞雞犬  
深寥寥丘中想渺渺湖上心嘯傲轉無欲不知成  
陸沈

七言絕句

塞下曲四首

詩紀

盛唐卷之三十二

十四

玉帛朝回望帝鄉烏孫歸去不稱王天涯靜處無  
征戰兵氣銷爲日月光

北海陰風動地來明君祠上望龍堆髑髏皆是長  
城卒日暮沙場飛作灰

龍鬬雌雄勢已分山崩鬼哭恨將軍黃河直北千  
餘里冤氣蒼茫成黑雲

因嫁單于怨在邊蛾眉萬古葬胡天漢家此去三  
千里青塚常無草木煙

塞下

鐵馬胡裘出漢營分麾百道救龍城左賢未遁  
斬旌竿折過在將軍不在兵

送宇文六

花映垂楊漢水清微風林裏一枝輕卽今江北還  
如此愁殺江南離別情

落第長安

家園好一作在尚上一作留秦恥作明時失路人恐  
逢故里鶯花笑且向長安度一春

題法院

詩紀

盛唐卷之三十二

十五

勝景門閑對遠山竹深松老半含煙皎一作皓月又作素月  
殿中三度磬水晶宮裏一僧禪

嶺猿

裏裏淒淒一作淒淒一作淒淒清且切鵲鵲飛處又斜陽相思  
嶺上相思淚不到三聲合斷腸

三日尋李九莊

雨歇楊林東渡頭永和三日盪輕舟故人家在桃  
花岸直到門前谿水流

戲題湖上

湖上老人坐磯<sub>一作島</sub>頭湖裏桃花水却流竹竿嫋嫋白波<sub>一作皮無</sub>際不知何者吞吾鉤

吳故宮

越女歌長君且聽芙蓉香滿水邊城豈知一日終非主猶自如今有怨聲

詩紀

盛唐卷之三十二

十一

盛唐第三十二

盛唐第三十三

唐詩紀九十三

鄆郡吳中珩彙編

鄆郡謝陞同校

岑參

南陽人文本之後天寶中進士試大理評事攝監察御史杜甫薦之轉左補闕起居郎累遷侍御史出爲嘉州刺史退居杜陵山中屬中原多故卒死于蜀有集八卷○杜序畧云岑公屬辭尚清用志尚切其有所得多入佳境迴拔孤秀出於常情每一篇絕筆則人人傳寫雖閭閻士庶戎夷蠻貊莫不吟習焉○殷璠云參詩語奇體峻意亦造奇

五言古詩一

北庭西郊候封大夫受降回軍獻上

詩紀

盛唐卷之三十三

十一

胡地苜蓿美輪臺征馬肥大夫討匈奴前月西出師甲兵未得戰降虜來如歸橐駝何連連穹帳亦累累陰山烽火滅劒水羽書稀却笑霍嫖姚區區徒爾爲西郊候中軍平沙懸落暉驛馬從西來雙節夾路馳喜鵲捧金印蛟龍盤畫旗如公未四十富貴能及時直上排青雲傷看疾若飛前年斬樓蘭去歲平月支天子日殊寵朝廷方見推何幸一書生忽蒙國士知側身佐戎幕歛衽事邊陲自逐定遠侯亦着短後衣近來能走馬不弱并州兒

初至西號官舍南池呈左右省及南宮諸故人

黜官自西掖待罪臨下陽空積犬馬戀豈思鷗鷺  
行素多江湖意偶佐山水鄉滿院池月靜捲簾谿  
雨涼軒牕竹翠濕案牘荷花香白鳥上衣桁青苔  
生筆牀數公不可見一別盡相忘敢恨青瑣客無  
情華省郎早年迷進退晚節悟行藏他日能相訪  
嵩南舊草堂

過梁州奉贈張尚書大夫公

詩紀

盛唐卷之三十三

二

漢中二良將今昔各一時韓信此登壇尚書復來  
斯手把銅虎符身總丈人師錯落北斗星照耀黑  
水湄英雄若神授大材濟時危頃歲遇雷雲精神  
感靈祇勲業振青史恩德繼鴻私羌虜昔未平華  
陽積僵屍人煙絕墟落鬼火依城池巴漢空水流  
褒斜惟鳥飛自公布德政此地生光輝百堵創里  
閭千家恤憚嫠層城重鼓角甲士如熊羆坐嘯風  
自調行春雨仍隨芄芄麥苗長藹藹桑葉肥浮客  
相與來羣盜不敢窺何幸承嘉惠小年卽相知富

貴情易踈相逢心不移置酒宴高館嬌歌雜青絲  
錦席繡拂廬玉盤金屈卮春景透高戟江雲篲長  
麾櫪馬嘶柳陰美人映花枝門傳大夫印世擁上  
將旗承家令名揚許國苦節施戎幕寧久駐台階  
不應遲別有彈冠士希君無見遺

登北庭北樓呈幕中諸公

詩紀

盛唐卷之三十三

三

嘗讀西域傳漢家得輪臺古塞千年空陰山獨崔  
嵬二庭近西海六月秋風來日暮上北樓殺氣凝  
不開大荒無鳥飛但見白龍堆舊國眇天末歸心  
日悠哉上將新破胡西郊絕煙埃邊城寂無事撫  
劒空徘徊幸得趨幕中託身厠羣才早知安邊計  
未盡平生懷

初過隴山途中呈宇文判官

一驛過一驛驛騎如星流平明發咸陽暮及隴山  
頭隴水不可聽嗚咽令人愁沙塵撲馬汗霧露凝  
貂裘西來誰家子自道新封侯前月發安西路上  
無停畱都護猶未到來時在西州十日過沙磧終  
朝風不休馬走碎石中四蹄皆血流萬里奉王事

一身無所求也知塞垣苦豈爲妻子謀山口月欲  
出先照關城樓谿流與松風靜夜相颼颼一作別  
家一作來賴歸夢山塞多離憂與子且攜手不愁前  
路脩

陪狄員外早秋登府西樓因呈院中諸公  
常愛張儀樓西山正相當千峯帶積雪百里臨城  
墻煙氛掃晴空草樹映朝光車馬隘百井里閑盤  
二江亞相自登壇時危安此方威聲振蠻貊惠化  
鍾華陽旌節羅廣庭戈鋌凜秋霜階下貔虎士幕  
詩紀  
盛唐卷之三十三 四  
中鵝鷺行今我忽登臨顧恩不望鄉知已猶未報  
顰毛颯已蒼時命難自知功業豈暫忘蟬鳴秋城  
夕鳥去江天長兵馬休戰爭風塵尚蒼茫誰當共  
攜手賴有冬官郎

秋夜宿仙遊寺南涼堂呈謙道人

太乙連太白兩山知幾重路盤石門窄匹馬行才  
通日西到山寺林下逢支公昨夜山北時星星聞  
此鐘秦女去已久仙臺在中峯簫聲不可聞此地  
畱遺蹤石潭積黛色每歲投金龍亂流爭迅湍噴

薄如雷風夜來聞清磬月出蒼山空空山滿清光  
水樹相玲瓏迴廊映密竹秋殿隱深松燈影落前  
谿夜宿水聲中愛茲林巒好結宇向谿東相識唯  
山僧鄰家一釣翁林晚栗初拆枝寒梨已紅物幽  
興易愜事勝趣彌濃願謝區中緣永依金人宮寄  
報乘輦客簪裾爾何容

潼關鎮國軍勾覆使院早春寄王同州

胡寇尚未盡大軍鎮關門旌旗遍草木兵馬如雲  
屯聖朝正用武諸將皆承恩不見征戰功但聞歌

詩紀

盛唐卷之三十三

五

吹喧儒生有長策閉口不敢言昨從關東來思與  
故人論何爲廊廟器至今居外藩黃霸寧淹畱蒼  
生望騰騫卷簾見西岳仙掌明朝暎昨夜聞春風  
戴勝過後園各自限官守何由叙涼溫離憂不可  
忘襟背思樹萱

青山峽口泊舟懷狄侍御

峽口秋水壯沙邊且停橈奔濤振石壁峯勢如動  
搖九月蘆花新彌令客心焦誰念在江島故人滿  
天朝無處豁心曾憂來醉能銷往來巴山道三見



秋草彫秋生新相知才調凌雲霄賦詩析造化入  
幕生風颺把筆判甲兵戰士不敢驕皆云梁公後  
遇鼎還能調離別倏經時音塵殊寂寥何當見天  
子不歎鄉關遙

寄青城龍谿與道人

五嶽之丈人西望青蒼蒼一作青蒼雲開露崖嶠百里

見石稜龍谿盤中峯上有蓮華僧絕頂小一作少蘭

若四時嵐氣一作疑身同雲虛無心與谿清澄誦

戒龍每聽賦詩人則稱杉風吹袈裟石壁懸孤燈

詩紀

盛唐卷之三十三

木

久欲謝微祿誓將歸大乘願聞開士說庶以心相  
應

梁州對雨懷麴二秀才便呈麴大判官時

疾贈余新詩

江上雲氣黑崑山昨夜雷水惡平明飛雨從嶓冢  
來濛濛隨風過蕭颯鳴庭槐隔簾濕衣巾當暑涼  
幽齋麴生住相近言語阻且乖卧疾不見人午時  
門始開終日看本草藥苗滿前堦兄弟早有名甲  
科皆秀才二人事慈母不弱古老萊昨歎攜手遲

未盡平生懷愛君有佳句一日吟幾迴

潼關使院懷王七季友

王生今才子一作人時輩咸所仰何當見顏色終日

勞夢想驅車到關下欲往阻河廣滿目徒春華思

君罷心賞開門見太華朝日映高掌忽覺蓮花峯

別來更如長無心願微祿有意在獨往不負林中

期終當出塵網

至一作官大梁却寄匡城主人

一從棄魚釣十載干明王無由謁天階却欲歸滄

詩紀

盛唐卷之三十三

七

浪仲秋至東郡遂見天雨霜昨日夢故山蕙草一作芳

黃色已黃平明辭鐵丘薄暮遊大梁仲秋蕭條景

拔刺飛鵝鷖四郊陰氣一作氣閉萬里無晶光長風

吹白茅野火燒枯桑故人南燕吏籍籍名更香聊

以玉壺贈置之君子堂

宿華陰東郭客舍憶閬防

次舍山郭近解鞍鳴鐘時主人炊新粒行子充夜

饑關月生首陽照見華陰祠蒼茫秋山晦蕭瑟寒  
松悲久從園廬別遂與朋知辭舊壑蘭杜晚歸軒

今已遲

宿東谿王屋李隱者

山店不鑿井百家同一泉晚來南村黑雨色和人  
煙霜畦吐寒菜沙鴈噪河田隱者不可見天壇飛  
鳥邊

郊行寄杜位

嶮嶮空城煙淒清一作涼寒山景秋風引歸夢昨夜  
到汝潁近寺聞鐘聲映陂見樹影所思何由見東  
北徒引領

詩紀

盛唐卷之三十三

八

懷葉縣關操姚曠韓涉李叔齊

數子皆故人一時吏宛葉經年總不見書札徒滿  
篋斜日半空庭旋風走梨葉去君千里地言笑何  
時接

西蜀旅舍春歎寄朝中故人呈狄評事

春與人相垂柳青頭轉白生平未得意覽鏡私自  
惜四海猶未安一身無所適自從兵戈動遂覺天  
地窄功業悲後時光陰歎虛擲却爲文章累幸有  
開濟策何負當途人心無矜窘厄回瞻後來者皆

欲肆轡轡起草思南宮寄言憶西掖時危任舒卷  
身退知損益窮巷草轉深開門日將夕橋西暮雨  
黑籬外春江碧昨者初識君相看俱是客聲華同  
道術世業通往昔早須歸天階不得安孔席吾先  
稅歸轡舊國如咫尺

宿太白東谿李老舍卽事寄弟姪

渭上秋雨過北風何騷騷天晴諸山出太白峯最  
高主人東谿老兩耳生長毫遠近知百歲子孫皆  
二毛中庭井欄上一架獼猴桃石泉飯香粳酒甕

詩紀

盛唐卷之三十三

九

開新糟愛茲田中趣始悟世上勞我行有勝事書  
此寄爾曹

上嘉州青衣山中峯題惠淨上人幽居寄

兵部楊郎中

并序

青衣之山在大江之中屹然迴絕崖壁蒼峭周  
廣七里長波四匝有惠淨上人廬于其顛唯繩  
牀竹杖而已恒持蓮花經十年不下山予自公  
浮舟聊一登眺友人夏官弘農楊侯清談之士  
也素工爲文獨立於世與余有方外之約每多

獨往之意今者幽躅勝槩歎不得與此公俱爰  
命小吏刮磨石壁以識其事乃詩以之作達楊

友爾

青衣誰開鑿獨在水中央浮舟一躋攀側逕緣一作

沿穹蒼絕頂詰一作老僧豁然登上方諸嶺一何

小三江奔茫茫蘭若向西開峨眉正相當猿鳥樂

鐘磬松蘿泛天香江雲入袈裟山月吐繩牀早知

清淨理久乃機心忘尚以名宦拘聿來夷獠鄉吾

友不可見鬱爲尚書郎早歲愛丹經畱心向青囊

詩紀

盛唐卷之三十三

十一

渺渺雲智遠幽幽海懷長勝賞欲與俱引領遙相

望爲政愧無術分憂幸時康君子滿天朝老夫憶

滄浪况值廬山遠抽簪歸法王

入劔門作寄杜楊二郎中時二公並爲杜

元帥判官

不知造化初此山誰開坼雙崖倚天立萬仞從地

劈雲飛不到頂鳥去難過壁速駕畏巖傾單行愁

路窄平明地仍黑停午日暫赤凜凜三伏寒巉巖

五丁迹與時忽開閉作因或順逆磅礴跨岷峨巍

蟠限蠻貊星當觚參分地處西南僻陟覺煙景殊

杳將華夏隔劉氏昔顛覆公孫曾敗績始知德不

修恃此險何益相公總師旅遠近罷金革杜母來

何遲蜀人應更惜暫回丹青慮少用開濟策二友

華省郎俱爲幕中客良籌佐戎律精理皆碩畫高

文出詩騷粵學窮討贖聖朝無外戶寰宇被德澤

四海今一家徒然劔門石

鞏北秋興寄崔明允

白露披梧桐玄蟬晝夜號秋風萬里動日暮黃雲

詩紀

盛唐卷之三十三

十二

高君子佐休明小人事蓬蒿所適在魚鳥焉能狗

錐刀孤舟向廣武一鳥歸成臯勝槩日相與思君

心鬱陶

春遇南使貽趙知音

端居春心醉襟背思樹萱美人在南州爲爾歌北

門北風吹煙物戴勝鳴中園枯楊長一作新條芳

草滋舊根網絲結寶琴塵埃被空樽適遇江海信

聊與南客論

冀州客舍酒酣貽王綺寄題南樓

夫子傲常調詔書下徵求知君欲謁帝秣馬趨西  
周逸足何駸駸美聲實風流學富瞻清詞下筆不  
能休君家一何盛赫奕難爲儔伯父四五人同時  
爲諸侯憶昨始相值值君客貝丘相看復乘興攜  
手到冀州前日在南縣與君上北樓野曠不見山  
白日落草頭客舍梨花繁深花隱鳴鳩南鄰新酒  
熟有女彈箏篴醉後或狂歌酒醒滿離憂主人不  
相識此地難淹留吾廬終南下堪與王孫遊何當  
肯相尋漕上一孤舟

詩紀

盛唐卷之三十三

十一

終南雲際精舍尋法澄上人  
不遇歸高冠  
東潭石淙望秦嶺微雨作貽友人

昨夜雲際宿旦從西峯回不見林中僧微雨潭上  
來諸峯皆青翠秦嶺獨不開石鼓有時鳴秦王安  
在哉東南雲開處突兀獼猴臺崖口懸瀑流半空  
白皚皚河嶽英靈無以上四句有水噴壁四時雨  
傍村終日雷北瞻長安道日夕生塵埃若訪張仲  
蔚衡門滿蒿萊

敬酬杜華淇上見贈兼呈熊曜

杜侯寔才子盛名不可及祇曾效一作官今已  
年四十是君同時者已有尚書郎憐君獨未遇淹  
泊在他鄉我從京師來到此喜相見共論窮途事  
不覺淚滿面憶昨癸未歲吾兄自江東得君江湖  
詩骨氣凌謝公熊生尉淇上開館常待客喜我二  
人來歡笑朝復夕縣樓壓春岸戴勝鳴花枝吾徒  
在舟中縱酒兼彈碁三月猶未還客愁滿春草頗  
蒙瑤華贈諷詠慰懷抱

酬成少尹駱谷行見呈

詩紀

盛唐卷之三十三

十一

聞君行路難惆悵臨長衢豈不憚險艱王程剩相  
拘憶昨蓬萊宮新授刺史符明主仍賜衣價直千  
萬餘何幸承命日得與夫子俱攜手出華省連鑣  
赴長途五馬當路嘶按節投蜀都千崖一作巖信縈  
折一徑何盤紆層氷滑征輪密竹礙隼旟深林迷  
昏旦棧道凌空虛飛雪縮馬毛烈風擘我膚峯攢  
望天小亭午見日初夜宿月近人朝行雲滿車泉  
澆石罅坼火入松心枯亞尹同心者風流賢大夫  
榮祿上及親之官隨板輿高價振臺閣清詞出應



徐成都春酒香且用俸錢沽浮名何足道海上堪  
乘桴

號中酬陝西甄判官見贈

微才棄散地拙宦慙清時白髮徒自負青雲難可  
期胡塵暗東洛亞相方出師分陝振鼓鼙二嶠滿  
旌旗夫子廊廟器迴然青冥姿閩外佐戎律幕中  
吐兵竒前者驛使來忽枉行軍詩晝吟庭花落夜  
諷山月移昔君隱蘇門浪跡不可羈詔書自徵用  
令譽天下知別來春草長東望轉相思寂寞山城  
暮空聞畫角悲

詩紀

盛唐卷之三十三

十四

盛唐第三十三

盛唐第三十四

唐詩紀九十四

鄆郡吳中詩彙編

鄆郡謝陞同校

岑參

五言古詩二

送許子擢第歸江寧拜親因寄王大昌齡

建業控京口金陵欵滄溟君家臨秦淮傍對石頭  
城十年自勤學一鼓遊上京青春登甲科動地聞  
香名解榻皆五侯結交盡羣一作時英六月槐花飛

詩紀

盛唐卷之三十四

一一

忽思尊榮跨馬出國門丹陽返柴荆楚雲引歸  
帆淮水浮客程到家拜親時入門有光榮鄉人盡  
來賀置酒相邀迎閑眺北顧樓一作登江樓醉眠  
湖上亭月從海門出照見茅山青昔爲帝王州今  
幸天地一作下平五朝變人世千載空江聲玄元告  
靈符丹洞獲其銘皇帝受玉冊羣臣羅天庭喜氣  
薄太陽祥光徹宵冥奔走朝萬國崩騰集百靈王  
兄尚謫宦屢見秋雲生孤城帶後湖心與湖水清  
一縣無諍辭有時開道經黃鶴垂兩翅徘徊但悲



一作悲且鳴相思不可見空望牛女星

武威送劉單判官赴安西行營便呈高開府

熱海巨鐵門火山赫金方白草磨天涯胡沙莽茫  
茫夫子佐戎幕其鋒利如霜中歲學兵符不能守  
文章功業須及時立身有行藏男兒感忠義萬里  
忘越鄉孟夏邊候遲胡國草木長馬疾過飛鳥天  
窮超夕陽都護新出師五月發軍裝甲兵二百萬  
錯落黃金光楊旗拂崑崙伐鼓震蒲昌太白引官

詩紀

盛唐卷之三十四 二

軍天威臨大荒西望雲似蛇戎夷知喪亡渾驅大  
宛馬繫取樓蘭王曾到交河城風士斷人腸寒驛  
遠如點邊烽互相望赤亭多颼風鼓怒不可當有  
時無人行沙石亂飄揚夜靜天蕭條鬼哭夾道傷  
地上多髑髏皆是古戰場置酒高館夕邊城月蒼  
蒼軍中宰肥牛堂上羅羽觴紅淚金燭盤嬌歌豔  
新妝望君仰青冥短翮難可翔蒼然西郊道握手  
何慨慷

送王大昌齡赴江寧

對酒寂不語悵然悲一作愁送君明時未一作不得用

白首徒攻文澤國從一官滄波幾千里羣公滿天

闕一作闕下獨去過淮水舊家富春渚嘗憶卧江樓自

聞君欲行頻望南徐州窮巷獨閉門寒燈靜深屋

北風吹微雪抱被肯同宿君行到京口正是桃花

時舟中饒孤興湖上多新詩潛虬且深蟠黃鵠舉

未晚一作黃鶴飛來晚惜君青雲器努力加餐飯

送祁樂歸河東

祁樂後來秀挺身出河東往年詣驪山獻賦溫泉

詩紀

盛唐卷之三十四 三

宮天子不召見揮鞭遂從戎前月還長安囊中金

已空有時忽乘興畫出江上峯牀頭蒼梧雲簾下

天台松忽如高堂上颼颼生清風一作清風五月火雲

屯氣燒天地紅鳥且不敢飛子行如轉蓬少華與

首陽隔河勢爭雄新月河上出清光滿關中置酒

灞亭別高歌披心胷君到故山時爲謝五老翁一作老翁

爲君謝老翁

北庭貽宗學士道別

萬事不可料歎君在軍中讀書破萬卷何事來從

戎曾逐李輕車西征出太蒙荷戈月窟外擐甲崑  
崙東兩度皆破胡朝廷輕戰功十年祇一命萬里  
如飄蓬容鬢老胡塵衣裘脆邊風忽來輪臺下相  
見披心曾飲酒對春草彈碁聞夜鐘今且還龜茲  
臂上懸角弓平沙向旅館匹馬隨飛鴻孤城倚大  
碛海氣迎邊空四月猶自寒天山雪濛濛君有賢  
主將何謂泣途窮時來整六翮一舉凌蒼穹

送許拾遺恩歸江寧拜親

詔書下青瑣駟馬還吳洲束帛仍賜衣恩波漲滄

詩紀

盛唐卷之三十四

四

流微祿料及親向家非遠遊看君五斗米不謝萬  
戶侯適出西掖垣如到南徐州歸心望海日鄉夢  
登江樓大江盤金陵諸山橫石頭楓樹隱茅屋橘  
林繫漁舟種藥疏故畦釣魚垂舊釣對月京口夕  
觀濤海門秋天子憐諫官論事不可休早來  
丹墀下高駕無淹留

虢州郡齋南池幽興因與閣二侍御道別

池色淨天碧水涼雨淒淒快風從東南荷葉翻向  
西性本愛魚鳥未能返嚴谿中歲徇微官遂令心

賞賚及茲佐山郡不異尋幽棲小吏趨竹徑訟庭  
侵藜畦胡塵暗河洛二陝震鼓鼙故人佐戎軒逸  
翮凌雲霓行軍在函谷兩度聞鶯啼相看紅旗下  
飲酒白日低聞君欲朝天駟馬臨道嘶仰望浮與  
沈忽如雲與泥夜眠驛樓月曉發關城雞惆悵西  
郊暮鄉書對君題

青龍招提歸一上人遠遊吳楚別詩

久交應真侶最歎青龍僧棄官向二年削髮歸一  
乘了然瑩心身潔念樂空寂名香泛牕戶幽磬清

詩紀

盛唐卷之三十四

五

曉夕往年杖一劍由是佐二庭於焉久從戎兼復  
解論兵世人猶未知天子願相見朝從青蓮宇暮  
入白虎殿宮女擎錫杖御筵出香爐說法開藏經  
論邊窮陣圖忘機厭塵喧浪迹向江海思師石可  
訪惠遠峯猶在今旦飛錫去何時持鉢還湖煙冷  
吳門淮月銜楚山一身如浮雲萬里過江水相思  
眇天外

南望無窮已

送李翥遊江外

相識應十載見君只一官家貧祿尚薄霜降衣仍

單惆悵秋草死蕭條芳歲闌且尋滄洲路遙指一  
吳雲端匹馬關塞遠孤舟江海寬夜眠楚江濕  
曉飯湖山寒砧淨紅鱸落袖香朱橘圓前見禹  
廟枕底聞嚴灘便獲賞心趣豈歌行路駐青門須  
醉別少爲解征鞍

送王著作赴淮西幕府

燕子與百勞一西復一東天空信寥寥翔集何時  
同知己悵難遇良朋非易逢憐君心相親與我家  
又通言笑日無度書札凡幾封湛湛萬頃陂森森

詩紀

盛唐卷之三十四

六

千丈松不知有機巧無事千心曾滿堂皆酒徒豈  
復羨王公早年抱將畧累歲依幕中昨者從淮西  
歸來奏邊功承恩長樂殿醉出明光宮逆旅悲寒  
蟬客夢驚飛鴻發家見春草却去聞秋風月色冷  
楚城淮光透霜空各自務功業當須激深衷別後  
能相思何嗟山水重

送張秘書充劉相公通汴河判官便赴江

外覲省

前年見君時見君正泥鰌去年見君處見君已風

搏朝趨赤墀前高視青雲端新登麒麟閣適脫解  
豸冠劉公領舟楫汴水揚波瀾萬里江海通九州  
天地寬昨夜動使星今日送征鞍老親在吳郡令  
弟雙同官鱸膾剩堪憶尊羹殊可餐旣參幕中畫  
復展膝下歡因送故人行試歌行路難何處路最  
難最難在長安長安多權貴珂珮聲珊珊儒生直  
如弦權貴不須干斗酒取一醉孤琴爲君彈臨岐  
欲有贈持以握中蘭

冬宵家會餞李郎司兵赴同州

詩紀

盛唐卷之三十四

七

急管雜青絲玉瓶金屈卮寒天高堂夜撲地飛雪  
時賀君關西掾新綬腰下垂白面皇家郎逸翮青  
雲姿明日之官去他辰良會稀惜別冬夜短務歡  
杯行遲季女猶自小老夫未令歸且看匹馬行不  
得鳴鳳飛昔歲到馮翊人煙接京師曾上月樓頭  
遙見西嶽祠沙苑通官舍蓮峯壓城池多暇或自  
公讀書復彈碁州縣信徒勞雲霄亦可期應須力  
爲政聊慰此相思

送顏平原

并序

十二年春有詔補尚書十數公爲部守上親賦  
詩觴羣公宴于蓬萊前殿仍贈以繪帛寵餞加  
等參美顏公是行爲寵別章句

天子念黎庶詔書換諸侯仙郎授剖符華省輟分  
憂置酒會前殿賜錢若山丘天章降三光聖澤該  
九州吾兄鎮河朔拜命宣皇猷駟馬辭國門一星  
東北流夏雲照銀印暑雨隨行轡赤津仍在遠鑪  
香惹衣裘此地鄰東溟孤城弔滄洲海風掣金戟  
尊吏呼鳴騶郊原北連燕剗胡風未休魚鹽益且

巷桑柘盈田疇爲郡豈淹旬政成應未秋易俗去  
猛虎化人似馴鷗蒼生已望君黃霸寧久畱

送狄員外巡按西山軍

兵馬守西山中國非得計不知何代策空使蜀人  
弊八州崖谷深千里雲雪閉泉澆閣道滑水凍繩  
橋脆戰士常苦饑糗糧不相繼胡兵猶不歸空山  
積年歲儒生識損益言事皆審諦狄子幕府郎有  
謀必康濟曾中懸明鏡照耀無巨細莫謂冒險艱  
可以裨節制相思江樓夕愁見月澄霽

號州送鄭興宗弟歸扶風別廬

佐郡已三載豈能長後時出關少親友賴汝常相  
隨今旦忽言別愴然俱淚垂平生滄洲意獨有青  
山知州縣不敢說雲霄誰敢期因懷東谿老最憶  
南峯纔爲我多種藥還山應未遲

澧頭送蔣侯

君住澧水北我家澧水西兩村辨喬木五里聞鳴  
雞飲酒谿雨過彈碁山月低徒聞蔣生徑爾去誰  
相攜

送永壽王贊府還

歸縣得蟬

當官接閑暇暫得歸林泉百里路不宿兩鄉山復  
連夜深露濕簟月出風驚蟬且盡主人酒爲君從  
醉眠

南池宴餞辛子賦得蜎斗子

臨池見蜎斗羨爾樂有餘不憂網與釣幸得免爲  
魚且願充文字登君尺素書

登嘉州凌雲寺作

寺出飛鳥外青峯戴朱樓博壁躋半空喜得登上



頭始知宇宙闊下看二江流天晴見峨眉如向波  
上浮迴曠煙景豁陰森棕枿稠願割區中終米從  
塵外遊迴風吹虎穴片雨當龍湫僧房雲濛濛夏  
月寒颼颼迴合俯近郭寥落見遠舟勝槩無端倪  
天官可淹留一官詎足道欲去令人愁

與高適薛據登慈恩寺浮圖

塔勢如湧出孤高聳天宮登臨出世界磴道盤虛  
空突兀壓神州崢嶸如鬼工四角礙白日七層摩  
蒼穹下窺指高鳥俯聽聞驚風連山若波濤奔湊  
似朝東青槐夾馳道官館何玲瓏秋色從西來蒼  
然滿關中五陵北原上萬古青濛濛淨理了可悟  
勝因夙所宗誓將挂冠去覺道資無窮

登千福寺楚金禪師法華院多寶塔

多寶滅已久蓮華付吾師寶塔凌太空忽如湧出  
時數年功不成一志堅自持明主親夢見世人今  
始知千家獻黃金萬匠磨琉璃既空嘉山木亦罄  
天府貲焚香如雲屯幡蓋珊珊垂空翠神繞一作  
護衆魔不敢窺作禮觀靈境焚香方證疑庶割區

中緣脫身恒在茲

出關經華嶽寺訪法華雲公

野寺聊解鞍偶見法華僧開門對西嶽石壁青稜  
層竹徑厚蒼苔松門盤紫藤長廊列古畫高殿懸  
孤燈五月山雨熱三峯火雲蒸側聞樵人言深谷  
猶積氷久願尋此山至今嗟未能謫官忽東走王  
程苦相仍欲去戀雙樹何由窮一乘月輪吐山郭  
夜色空清澄

春半與羣公同遊元處士別業

郭南處士宅門外羅羣峯勝槩忽相引春華今正  
濃山厨竹裏爨野碓藤間春對酒雲數片捲簾花  
萬重巖泉嗟到晚州縣欲歸慵草色帶朝雨灘聲  
兼夜鐘愛茲清俗慮何事老塵容况有林下約轉  
懷方外蹤

陪羣公龍岡寺泛舟

漢水天一色寺樓波底看鐘鳴長空夕月出孤舟  
寒映酒見山火隔簾聞夜灘紫鱗掣芳餌紅燭然  
金盤良友興正愜勝遊情未闌此中堪倒載須盡



主人歡

終南山望峯草堂作

歛跡歸山田息心謝時輩還草堂卧但與夢  
對興來恣佳遊事愜符勝繁著書高牕下日夕見  
城內曩爲世人誤遂負平生愛久與林壑辭及來  
松杉大偶茲精廬近數預名僧會有時逐樵漁盡  
一作日不冠帶崖口上新月石門破蒼靄色向羣  
木深一作光搖一潭碎絢懷鄭生谷頗憶嚴子瀨  
勝事猶可追斯人邈千載

詩紀

盛唐卷之三十四

十一

左僕射相國冀公東齋幽居

丞相百僚長兩朝居此官成功雲雷際翊聖天地  
安不矜南宮貴祗向東山看宅占鳳城勝牕中雲  
嶺寬午時松軒夕六月藤齋寒玉珮胷女蘿金印  
耀牡丹山蟬上衣桁野鼠緣藥盤有時披道書竟  
日不着冠幸得趨省闈常欣在門闌何當復持衡  
短翮期風搏

過緱山王處士黑石谷隱居

舊居緱山下偏識緱山雲處士久不還見雲如見

君別來逾十秋兵馬日紛紛青谿開戰場黑谷屯  
行軍遂令巢由輩遠逐麋鹿羣獨有南澗水潺湲  
如昔聞

緱山西峯草堂作

結廬對中嶽青翠常在門遂耽水木興盡作漁樵  
言頃來闕章句但欲閑心覓日色隱空谷蟬聲喧  
暮村曩聞道士語偶見清淨源隱几閑吹葉乘秋  
眺歸根獨遊念求仲開徑招王孫片雨下南澗孤  
峯出岑原棲遲慮益澹脫畧道彌敦野靄晴拂枕  
詩紀

盛唐卷之三十四

十三

客帆遙入軒尚平今何在此意誰與論佇立雲去  
盡蒼蒼月開園

觀楚國寺璋上人寫一切經院南有曲池

深竹

璋公不出院羣木閉深居誓寫一切經欲向萬卷  
餘揮毫散林鵲研墨警池魚音翻四句偈字譯五  
天書鳴鐘竹陰晚汲水桐花初雨氣潤衣鉢香煙  
泛庭除此地日清淨諸天應未如不知將錫杖早  
晚躡空虛

尋鞏縣南李處士別業

先生近南郭茅屋臨東川桑葉隱村戶蘆花映釣  
船有時著書暇盡日窓中眠且喜間井近灌田同  
一泉

聞崔十二侍御灌口夜宿報恩寺

聞君尋野寺便宿支公房谿月冷深殿江雲擁廻  
廊然燈松林靜煮茗柴門香勝事不可接相思幽  
興長

自潘陵尖還少室居止秋夕憑眺

詩紀

感唐卷之二十四 十四

草堂近少室夜靜聞風松月出潘陵尖照見十六  
峯九月山葉赤谿雲淡秋容火點伊陽村煙深嵩  
角鐘尚子不可見蔣生難再逢勝慙只自知佳趣  
爲誰濃昨詣山僧期上到天壇東向下望雷雨雲  
間見回龍夕與人羣踈轉愛丘壑中心澹水木會  
興幽魚鳥通稀微了自釋出處乃不同况本無宜  
情誓將依道風

南池夜宿思王屋青蘿舊齋

池上卧煩暑不櫛復不巾有時清風來自謂羲皇

人天晴雲歸盡雨洗月色新公事常不閑道書日  
生塵早年家王屋五別青蘿春安得還舊山東谿  
垂釣綸

過王判官西津所居

勝迹不在遠愛君池館幽素懷巖中諾宛得塵外  
遊何必到清谿忽來見滄洲潛移岷山石暗引巴  
江流樹密晝先夜竹深夏已秋沙鳥上筆牀谿花  
簞簾釣夫子賤簪冕注心向林丘落日出公堂垂  
綸乘釣舟賦詩憶楚老載酒隨江鷗翛然一傲吏

詩紀

感唐卷之二十四

十五

獨在西津頭

因假歸白閣西草堂

雷聲傍太白雨在八九峯東望白閣雲半入紫閣  
松勝槩紛滿目衡門趣彌濃幸有數畝田得延二  
仲蹤早聞達士語偶與心相通誤徇一微官還山  
愧塵容釣竿不復把野碓無人春惆悵飛鳥盡南  
谿聞夜鐘

題華嚴寺環公禪房

寺南幾十峯峯翠晴可掬朝從老僧飯昨日崖口

宿錫杖倚枯松繩牀映深竹東谿草堂路來往行  
自熟生事在雲山誰能復羈束

東歸留題太常徐卿草堂

不謝古名將吾知徐太常年纔三十餘勇冠西南  
方項曾策匹馬獨出持兩槍虜騎無數來見君不  
敢當漢將小衛霍蜀將凌關張卿月益清澄將星  
轉光芒復居少城北遙對岷山陽車馬日盈門賓  
客常滿堂曲池蔭高樹小徑穿叢篁江鳥飛入簾  
山雲來到牀題詩芭蕉滑對酒棕花香諸將射獵  
詩紀

盛唐卷之三十四

六

時君在翰墨場聖主賞勲業邊城最輝光與我情  
綢繆相知久芬芳忽作萬里別東歸三峽長

太一石鱉崖口潭舊廬招王學士

驟雨鳴淅瀝颼颼谿谷寒碧潭千餘尺下見蛟龍  
蟠石門吞衆流絕岸呀層巒幽趣倏萬變奇觀非  
一端偶逐干祿徒十年皆小官抱板尋舊圃弊廬  
臨迅湍君子滿清朝小人思挂冠釀酒漉松子引  
泉通竹竿何必濯滄浪不能釣嚴灘此地可遺老  
勸君來考槃

林卧

偶得魚鳥趣復茲水木涼遠峯帶雨色落日搖川  
光白中西山藥袖裏淮南方唯愛隱几時獨遊無  
何鄉

詩紀

盛唐卷之三十四

十七

盛唐第三十五

唐詩紀九十五

鄆郡吳中丞

鄆郡謝陞同校

岑參三

五言古詩三

驪姬墓下作

夷吾重耳墓隔河相去十二里

驪姬北原上閉骨已千秋澮水日東注惡名終不  
流載公心耽惑視子如仇讎此事成蔓草我來逢  
古丘蛾眉山月苦蟬鬢野雲愁欲弔二公子橫汾

詩紀

盛唐卷之三十五

一

無輕舟

東歸晚次潼關懷古

暮春別鄉樹晚景低津樓伯夷在首陽欲往無輕  
舟遂登關城望下見洪河流自從巨靈開流血千  
萬秋行行潘生賦赫赫曹公謀川上多往事淒涼  
滿空洲

楚夕旅泊古興

獨鶴唳江月孤帆凌楚雲秋風冷蕭瑟蘆荻花紛  
紛一作紅忽思湘川老欲訪雲中君麒麟息悲鳴愁

九豺虎羣

先主武侯廟

先主與武侯相逢雲雷際感通君臣分義激魚水  
契遺廟空蕭然英靈貫千歲

文公講堂

文公不可見空使蜀人傳講席何時散高臺豈復  
全豐碑文字滅冥漠不知年

楊雄草玄臺

吾悲子雲居寂寞人已去娟娟西江月猶照草玄

詩紀

盛唐卷之三十五

二

處精怪意無人睢盱藏老樹

司馬相如琴臺

相如琴臺古人去臺亦空臺上寒蕭條至今多悲  
風荒臺漢時月色與舊時同

嚴君平卜肆

君平曾賣卜卜肆蕪已久至今杖頭錢時時地上  
有不知支機石還在人間否

張儀樓

傳是秦時樓巍巍至今在樓南兩江水千古長不

改會聞昔時人歲月不相待

昇僊橋

長橋題柱去猶是未達時及乘駟馬車却從橋上  
歸名共東流水滔滔無盡期

萬里橋

成都與維揚相去萬里地滄江東流疾帆去如鳥  
翅楚客過此橋東看盡垂淚

石犀

江水初蕩滴蜀人幾爲魚向無爾石犀安得有邑

詩紀

盛唐卷之三十五

三

居始知李太守伯禹亦不如

龍女祠

龍女何處來來時乘風雨祠堂青林下宛宛如相  
語蜀人競祈恩捧酒仍擊鼓

使交河郡郡在火山脚其地苦熱無雨雪

獻封大夫

奉使按胡俗平明發輪臺暮投交河城火山赤崔  
嵬九月尚流汗炎風吹沙埃何事陰陽工不遣雨  
雪來吾君方憂邊分聞資大才昨者新破胡安西

兵馬回鐵關控天涯一作萬里何遼哉煙塵不敢  
飛白草空皚皚軍中日無事醉舞傾金鼎漢代李  
將軍微功合可哈

與鮮于庶子自梓州成都少尹自褒城同

行至利州道中作

剖竹向西蜀岷峨眇天涯空深北關戀豈憚南路  
賒前日登七盤曠然見三巴漢水出蟠冢梁山控  
褒斜棧道籠迅湍行人貫層崖巖傾劣通馬石窄  
難容車深林怯魑魅洞穴防龍蛇水種新插秧山  
田正燒畬夜猿嘯山雨曙鳥鳴江花過午方始飯  
經時旋及瓜數公各遊宦千里皆辭家言笑忘羈  
旅還如在京華

下外江舟懷終南舊居

杉冷曉猿悲楚客心欲絕孤舟巴山雨萬里陽臺  
月水宿已淹時蘆花白如雪顏容老難頰把鏡悲  
鬢髮早年好金丹方士傳口訣敝廬終南下久與  
眞侶別道書誰更開藥竈煙遂滅頃來厭塵網安  
得有仙骨巖壑歸去來公卿是何物



安西館中思長安

家在日出處朝來起東風風從帝鄉來不異家信  
通絕域地欲盡孤城天遂窮彌年但走馬終日隨  
飄蓬寂寞不得意辛勤方在公胡塵淨古塞兵氣  
屯邊空鄉路眇天外歸期如夢中遙憑長房術爲  
縮天山東

暮秋山行

疲馬卧長坂夕陽下通津山風吹空林颯颯如有  
人蒼蒼露涼雨石路無飛塵千念集暮節萬籟悲  
詩紀 盛唐卷之三十五 五  
蕭晨鷓鴣昨夜鳴蕙草色已陳况在遠行客自然  
多苦辛

赴犍爲經龍閣道

側徑轉青壁危梁透滄波汗流出鳥道膽碎窺龍  
渦驟雨暗豁口歸雲網松蘿屢聞羌兒笛獻聽巴  
童歌江路險復承夢魂愁更多聖朝幸與部不敢  
嫌岷峨

江上阻風雨

江上風欲來泊舟未能發氣昏雨已過突兀山復

出積浪成高丘盤渦爲嵌窟雲低岸花抔水漲灘  
草沒老樹虺蛰皮崩崖龍退骨平生抱忠信艱險  
殊可忽

經火山

火山今始見突兀蒲昌東赤焰燒虜雲炎氛蒸塞  
空不知陰陽炭何獨然此中我來嚴冬時山下多  
炎風人馬盡汗流孰知造化功

題鐵門關樓

鐵關天西涯極目少行客關門一小吏終日對石  
詩紀 盛唐卷之三十五 六  
壁橋跨千仞危路盤兩崖窄試登西樓望一望頭  
欲白

早上五盤嶺

平旦驅駟馬曠然出五盤江迴兩崖鬪日隱羣峯  
攢蒼翠煙景曙森沈雲樹寒松疎露孤驛花密藏  
迴灘棧道谿雨滑畬田原草乾此行爲知己不覺  
蜀道難

峨眉東脚臨江聽猿懷二室舊廬

峨眉煙翠新昨夜秋雨洗分明峯頭樹倒插秋江

底久別二室間圖他五斗米哀猿不可聽北客欲流涕

東歸發犍爲至泥谿舟中作

前日解侯印泛舟歸山東平旦發犍爲道遙信迴風七月江水大滄波漲秋空復有峨眉僧誦經在舟中夜泊防虎豹朝行逼魚龍一道鳴迅湍兩邊走連峯猿拂岸花落鳥啼簷樹重煙靄吳楚連汴沿湖海通憶昨在西掖復曾入南宮日出朝聖人端笏陪羣公不意今棄置何由豁心胃吾當海上詩經盛唐卷之三十五 七  
去且學乘桴翁

阻戎瀘間羣盜

南州林莽深亡命聚其間殺人無昏曉屍積填江灣餓虎銜髑髏饑鳥啄心肝稂莠灘草死血流江水殷夜雨風蕭蕭思哭連楚山三江行人絕萬里無征船唯有白鳥飛空見秋月圓罷官自南蜀假道來茲川瞻望陽臺雲惆悵不歸舟常聞近日瀘口南連蠻何當遇長房縮地到京關願得隨琴高騎魚向雲煙明主每憂人節使怕在邊兵革方

禦寇爾惡胡不悛吾竊悲爾徒此生安得全

郡齋閒坐

負郭無良田屈身狗微祿平生好踈曠何事就羈束幸曾趨丹墀數得侍黃屋故人盡榮寵誰念此幽獨州縣非宿心雲山欣滿目頃來廢章句終日披案牘佐郡竟何成自悲徒碌碌

衙郡守還

世事何反覆一身難可料頭白翻折腰還家私自笑所嗟無產業妻子嫌不調五斗米留人束谿憶

詩紀

盛唐卷之三十五

八

垂釣

行軍詩二首

時扈從在鳳翔

吾竊悲此生四十幸未老一朝逢世亂終日不自保胡兵奪長安宮殿生野草傷心五陵樹不見二京道我皇在行軍兵馬日浩浩胡雛尚未滅諸將懇征討昨聞咸陽敗殺戮淨如掃積屍若丘山流血漲豐鎬干戈礙鄉國豺虎滿城堡村落皆無人蕭條空桑棗儒生有長策無處豁懷抱塊然傷時人舉首哭蒼昊

早知逢世亂少小謾讀書悔不學彎弓向東射狂  
胡偶從諫官列謬向丹墀趨未能匡吾君虛作一  
丈夫撫劍傷世路哀歌泣良圖功業今已遲覽鏡  
悲白鬚平生抱忠義不敢私微軀

秋夕聽羅山人彈三峽流泉

皤皤岷山老抱琴鬢蒼然衫袖拂玉徽爲彈三峽  
泉此曲彈未半高堂如空山石林何飀飀忽在牕  
戶間繞指弄嗚咽青絲激潺湲演漾怨楚雲虛徐  
韻秋煙疑兼陽臺雨似雜巫山猿幽引鬼神聽淨  
詩紀

盛唐卷之三十五

九

尹相公京兆府中棠樹降甘露詩

相國尹京兆政成人不欺甘露降府庭上天表無  
私非無他人家豈少羣木枝被茲甘棠樹美掩召  
伯詩團團甜如蜜晶晶凝若脂千柯玉光碎萬葉

珠顆垂崑崙何時來慶雲相逐飛魏官銅盤貯漢  
帝金掌持王澤布人和精心動靈祇君臣日同德

禎瑞方潛施何術令大臣感通能及茲忽驚政化  
理暗與神物期却笑趙張輩徒稱今古稀爲君下  
天酒麴蘖將用時

劉相公中書江山畫障

相府徵墨妙揮毫天地窮始知丹青筆能奪造化  
功瀟湘在簾間廬壑橫座中忽疑鳳凰池暗與江  
海通粉白湖上雲黛青天際峯晝日恒見月孤帆  
如有風巖花不飛落澗草無春冬擔錫香鑪緇釣  
魚滄浪翁如何平津意尚想塵外蹤富貴心獨輕  
詩紀

盛唐卷之三十五

十

精衛

負劍出北門乘桴適東溟一鳥海上飛云是帝女  
靈玉顏溺水死精衛空爲名怨積徒有志力微竟  
不成西山木石盡巨壑何時平

石上藤

石上生孤藤弱蔓依石長不逢高枝引未得凌空  
上何處堪託身爲君長萬丈

盛唐第三十五

盛唐第三十六

唐詩紀九十六

鄆郡吳中詩

鄆郡謝陞同校

岑參

七言古詩

臨河客舍呈狄明府兄留題縣南樓

黎陽城南雪正飛黎陽渡頭人未歸

一作黎陽渡人渡稀

河邊酒家堪寄宿主人小女能縫衣故人高卧黎

陽縣一別三年不相見邑中雨雪偏着時隔河東

詩紀

盛唐卷之三十六

郡人遙羨鄴都唯見古時丘漳水還如舊日流城

上望鄉應不見朝來好是懶登樓

客舍悲秋有懷兩省舊遊呈幕中諸公

三度爲郎便白頭一從出守五經秋莫言聖主長

不用其那蒼生應未休人間歲月如流水客舍秋

風今又起不知心事向誰論江上蟬鳴空滿耳

白雪歌送武判官歸京

北風捲地白草折胡天八月卽飛雪忽如一夜春

風來千樹萬樹梨花開散入珠簾濕羅幕狐裘不

煖錦衾薄將軍角

一作

弓不得控都護鐵衣冷難

着瀚海闌干百丈

一作

水愁雲慘淡萬里凝中軍

置酒飲歸客胡琴琵琶與羌笛紛紛暮雪下轅門

風掣紅旗凍不翻輪臺東門送君去去時雪滿天

山路山迴路轉不見君雪上空留馬行處

熱海行送崔侍御還京

側聞陰山胡兒語西頭熱海水如煮海上衆鳥不

敢飛中有鯉魚長且肥

海中有赤鯉

岸傍青草常不歇

空中白雪遙旋滅蒸沙爍石然虜雲沸浪炎波煎

詩紀

盛唐卷之三十六

二

漢月陰火潛燒天地鑪何事偏烘西一隅勢吞月

窟侵太白氣連赤坂通單于送君一醉天山郭正

見夕陽海邊落柏臺霜威寒逼人熱海炎氣爲之

一作薄

輪臺歌奉送封大夫出師西征

輪臺城頭夜吹角輪臺城北旄頭落羽書昨夜過

渠黎單于已在金山西戍樓西望煙塵黑漢兵屯

在輪臺北上將擁旄西出征平明吹笛大軍行四

邊伐鼓雪海湧三軍大呼陰山動虜塞兵氣連雲



屯戰場白骨纏草根  
劒河風急雲片闊沙  
石凍馬蹄脫亞相勤王甘苦辛誓將報主靜邊塵  
古來青史誰不見今見功名勝古人

敷水歌送竇漸入京

羅敷昔時秦氏女千載無人空處所昔時流水至今流  
萬事皆逐東流去此水東流無盡期水聲還似舊來時  
岸花仍自羞紅臉隄柳猶能學翠眉春去秋來不相待  
水中月色長不改羅敷養蠶空耳聞使君五馬今何在  
九月霜天水正寒故人西去

詩紀

盛唐卷之三十六

三十一

度征鞍水底鯉魚幸無數願君別後垂尺素

天山雪歌送蕭治歸京

天山雪雲常不開千峯萬嶺雪崔嵬北風夜捲赤  
亭口一夜天山雪更厚能兼漢月照銀山復逐胡  
風過鐵關交河城邊飛鳥絕輪臺路上馬蹄滑  
靑靑寒氛萬里凝闌干陰崖千丈冰將軍狐裘卧不  
煖都護寶刀凍欲斷正是天山雪下時送君走馬  
歸京師雪中何以贈君別惟有靑靑松樹枝

火山雲歌送別

火山突兀赤亭口火山五月火雲厚火雲滿山凝  
未開飛鳥千里不敢來平明乍逐胡風斷薄暮  
隨塞雨回繚繞斜吞鐵關樹氛氲半掩交河戍  
迢迢征路火山東山上孤雲隨馬去

青門歌送東臺張判官

青門金鎖平旦開城頭日出使車回青門柳枝正  
堪折路傍一日幾人別東出青門路不窮驛樓官  
樹灞陵東花撲征衣看似繡一作雲隨去馬色疑  
驄胡姬酒壚日未午絲繩玉缸酒如乳灞頭落花  
沒馬蹄昨夜微雨花成泥黃鸝翅濕飛轉低關東  
尺書醉嬾題須臾望君不可見揚鞭飛鞚疾於箭  
借問使乎何時來莫作東飛百勞西飛燕

梁園歌送河南王說判官

君不見梁孝王脩竹園頽墻隱轡勢仍存嬌娥曼  
臉成草蔓羅帷珠簾空竹根大梁一旦人代改秋  
月春風不相待池中幾度鴈新來洲上千年鶴應  
在  
梁園二月梨花飛却似梁王雪下時  
當時置酒延枚叟肯料平臺狐兔走萬事翻覆如

詩紀

盛唐卷之三十六

四一



浮雲昔人空在今人口單父古來稱宓生祗今爲  
政有吾兄家兄特宰單父輜軒若過梁園道應傷琴臺關  
政聲

### 走馬川行奉送出師西征

君不見走馬川行雪海邊平沙莽莽黃入天輪臺  
九月風夜吼一川碎石大如斗隨風滿地石亂走  
匈奴草黃馬正肥金山西見煙塵飛漢家大將西  
出師將軍金甲夜不脫半夜軍行戈相撥風頭如  
刀面如割馬毛帶雪汗氣蒸五花連錢旋作冰幕  
中草檄硯水凝虜騎聞之應膽慄料知短兵不敢  
接車師西門佇獻捷

詩紀

盛唐卷之三十六

五一

### 函谷關歌送劉評事使關西

君不見函谷關崩城毀壁至今在樹根草蔓遮古  
道空谷千年長不改寂寞無人空舊山聖朝無外  
事一作不須關白馬公孫何處去青牛老人更不還  
蒼苔白骨空滿地月與古時長相似野花不省見  
行人山鳥何曾識關吏故人方乘使者車吾知郭  
丹却不如請君時憶關外客行到關西多致書

### 胡笳歌送顏真卿使赴河隴

君不聞胡笳聲最悲紫髯綠眼胡人吹吹之  
一曲猶未了愁殺樓蘭征戍兒涼秋八月蕭關道  
北風吹斷天山草崑崙山南月欲斜胡人向月吹  
胡笳胡笳怨今將送君秦山遙望隴山雲邊城夜  
夜多愁夢向月胡笳誰喜聞

### 秦箏歌送外甥蕭正歸京

汝不聞秦箏聲最苦五色纏絃十三柱怨調慢聲  
如欲語一曲未終日移午紅亭水木不知暑忽彈  
黃鍾和白紵清風颯來雲不去聞之酒醒淚如雨  
汝歸秦兮彈秦聲秦聲悲兮聊送汝

詩紀

盛唐卷之三十六

六一

### 與獨孤漸道別長句兼呈嚴八侍御

輪臺客舍春草滿潁陽歸客腸堪斷窮荒絕漠鳥  
不飛萬磧千山夢猶嬾憐君白面一書生讀書千  
卷未成名五侯貴門脚不到數畝山田身自耕興  
來浪跡無遠近及至辭家憶鄉信無事垂鞭信馬  
頭西南幾欲窮天盡奉使三年獨未歸邊頭詞客  
舊來稀借問君來得幾日到家不覺換春衣高齋

清晝卷羅幕紗帽接離慵不看中酒朝眠日色高  
彈棊夜半燈花落冰片高堆金錯盤滿堂凜凜五  
月寒桂林蒲萄新吐蔓武城刺蜜未可餐軍中置  
酒夜過鼓錦筵紅燭月未午花門將軍善胡歌葉  
河蕃王能漢語知爾園林壓渭濱夫人堂上泣羅  
裙魚龍川北盤谿雨鳥鼠山西洮水雲臺中嚴公  
於我厚別後新詩滿人口自憐棄置天西頭因君  
爲問相思否

送費子歸武昌

詩紀

盛唐卷之三十六

七

漢陽歸客悲秋草旅舍葉飛愁不掃秋來倍憶武  
昌魚夢着只在巴陵道曾隨上將過祈連離家十  
年恒在邊劔鋒可惜虛用盡馬蹄無事今已穿知  
君開館常愛客樽蒲百金每一擲平生有錢將與  
人江上故園空四壁吾觀費子毛骨奇廣眉大口  
仍赤髭看君失路尚如此人生貴賤那得知高秋  
八月歸南楚東門一壺聊出祖路指鳳凰山北雲  
衣沾鸚鵡洲邊雨勿歎蹉跎白髮新應須守道勿  
羞貧男兒何必戀妻子莫向江村老却人

送韓巽入都覲省便赴舉

槐葉蒼蒼柳葉黃秋高八月天欲霜青門百壺送  
韓侯白雲千里連嵩丘北堂倚門望君憶東歸扇  
枕後秋色洛陽才子能幾人明年桂枝是君得

送李副使赴磧西官軍

火山六月應更熱赤亭道口行人絕知君慣度祈  
連城豈能愁見輪臺月脫鞍一作暫入酒家壚送  
君萬里西擊胡功名祇向馬上取真是英雄一丈  
夫

詩紀

盛唐卷之三十六

八

涼州館中與諸判官夜集

彎彎月出掛城頭城頭月出照梁州涼州七里作  
城十萬家胡人半解彈琵琶琵琶一曲腸堪斷風  
蕭蕭今夜漫漫河西幕中多故人故人別來三五  
春花門樓前見秋草豈能貧賤相看老一生大笑  
能幾迴斗酒相逢須醉倒

酒泉太守席上醉後作

琵琶長笛曲相和羌兒胡雛齊唱歌渾炙犁牛烹  
野駝交河美酒歸叵羅三更醉後軍中寢無奈秦

山歸夢何

偃師東與韓樽同詣景雲暉上人即事

山陰老僧解楞伽潁陽歸客遠相過煙深草濕昨夜雨雨後秋風渡漕河空山終日塵事少平郊遠見行人小尚書磧上黃昏鐘別駕渡頭一歸鳥

醉題匡城周少府廳壁

婦姑城南風雨秋婦姑城中人獨愁愁雲遮却望鄉處數日不上西南樓故人薄暮公事閑玉壺美酒琥珀殷潁陽秋草今黃盡醉卧君家猶未還

詩紀

盛唐卷之三十一

九

燉煌太守後庭歌

燉煌太守才且賢郡中無事高枕眠太守到來山出泉黃砂磧裏人種田燉煌耆舊贊皓然願留太守更五年城頭月出星滿天曲房置酒張錦筵美人紅妝色正鮮側垂高髻挿金鈿醉坐藏鈎紅燭前不知鈎在若箇邊爲君手把珊瑚鞭射得半段黃金錢此中樂事亦已偏

喜韓樽相過

三月灞陵春已老故人相逢耐醉倒甕頭春酒黃

花脂祿米只充沽酒資長安城中足年少獨共韓侯開口笑桃花點地紅斑斑有酒留君且莫還與君兄弟日攜手世上虛名好是閑

銀山磧西館

銀山磧口風似箭鐵門關西月如練雙雙愁淚沾馬毛颯颯胡沙迸人面丈夫三十未富貴安能終日守筆硯

遇

五花驄馬七香車云是平陽帝子家鳳凰城頭日

詩紀

盛唐卷之三十一

十一

欲斜門前高樹鳴春鴉漢家魯元君不聞今作城西一古墳昔來唯有秦王女獨自吹簫乘白雲

太白胡僧歌

并序

太白中峯絕頂有胡僧不知幾百歲眉長數寸身不製繒帛衣以草葉恒持楞伽經雲壁迴絕人迹罕到嘗東峯有鬬虎弱者將死僧杖而解之西湫有毒龍久而爲患僧器而貯之商山趙叟前年采茯苓深入太白偶值此僧訪我而說予恒有獨往之意聞而悅之乃爲歌曰

聞有胡僧在太白蘭若去天三百尺一持楞伽入  
中峯世人難見但聞鐘磬邊錫杖解兩虎牀下鉢  
孟藏一作盛一龍草衣不針復一作亦不線兩耳垂肩  
眉覆面此僧年幾那得知手種青松今十圍心將  
流水同清淨身與浮雲無是非商山老人已曾識  
願一見之何由得山中有僧人不知城裏看山空  
黛色

衛節度赤驃馬歌

君家赤驃盡不得一團旋風桃花色紅纓紫鞵珊  
詩紀 盛唐卷之三十六 十一

瑚鞭玉鞍錦韉黃金勒請君鞚 出看君騎尾

長牽地如紅絲自矜諸馬皆不及却憶百金新買  
時香街紫陌鳳城內滿城見者誰不愛揚鞭驟急  
白汗流弄影行驕碧蹄碎紫韉相銜金剪刀平明  
剪出三鬣高櫪上看時獨意氣衆中牽出偏雄豪  
騎將獵向南山口城南狐兔不復有草頭一點疾  
如飛卻使蒼鷹翻向後憶昨看君騎不覺鳴珂擁  
蓋滿路香始知邊將真富貴可憐人馬相輝光男  
兒稱意得如此駿馬長鳴北風起待君東去掃胡

塵爲君一日行千里

田使君美人舞如蓮花北鋌歌

美人舞如蓮花旋世人有眼應未見高堂滿地鋪  
紅氍毹試舞一曲天下無此曲胡人傳入漢諸  
客見之驚且歎慢臉嬌娥纖復穠輕羅金縷花葱  
龍回裾轉袖若飛雪左鋌右鋌生旋風琵琶橫笛  
和未匝花門山頭黃雲合忽作出塞入塞聲白草  
胡沙寒颯颯翻身入破如有神前見後見回回新  
始知諸曲不可比采蓮落梅徒聒耳世人學舞祇  
詩紀 盛唐卷之三十六 十二  
是舞恣態豈能得如此

裴將軍宅蘆管歌

遼東九月蘆葉斷遼東小兒采蘆管可憐新管清  
且悲一曲風飄海頭滿海樹蕭索天雨霜管聲寥  
亮月蒼蒼白狼河北堪愁恨玄兔城南皆斷腸遼  
東將軍長安宅美人蘆管會佳客弄調啾飈勝洞  
簫發聲窈窕欺橫笛夜半高堂客未回祗將蘆管  
送君杯巧能陌上驚楊柳復向園中誤落梅諸客  
愛之聽未足高捲珠簾列紅燭將軍醉舞不肯休



更使美人吹一曲

韋員外家花樹歌

今年花似去年好去年人到今年老始知人老不如花可惜落花君莫掃君家兄弟不可當列卿御史尚書郎朝回花底恒會客花撲玉缸春酒香

醉後戲與趙歌兒

秦州歌兒歌調苦偏能立唱濮陽女座中醉客不得意聞之一聲淚如雨向使逢着漢帝憐董賢氣咽不能語

詩紀

盛唐卷之三十六

十三

范公叢竹歌

職方郎中兼侍御史范公乃於陝西使院內種竹新製叢竹詩以見示美范公之清致雅操遂爲歌以和之

世人見竹不解愛知君種竹府庭內此君託根幸得地種來幾時聞已大盛暑脩脩叢色寒閑宵檄檄葉聲乾能清案牘簾下見宜對琴書牕外看爲君成陰將蔽日迸笋穿堦踏還出守節偏凌御史霜虛心願比郎官筆君莫愛南山松樹枝竹色四

時也不移寒天草木黃落盡猶自青青君始知

長短句

玉門關蓋將軍歌

蓋將軍真丈夫行年三十執金吾身長七尺頗有鬚玉門關城迴且孤黃沙萬里白草枯南鄰犬戎北接胡將軍到來備不虞五千甲兵膽力麤軍中無事但歡娛暖屋繡簾紅地爐織成壁衣花氍毹燈前侍婢瀉玉壺金鑪亂點野酡酥紫紱金章左右趨問着只是蒼頭奴美人一雙閑且都朱唇翠

詩紀

盛唐卷之三十六

十四

眉映明臚

一作

清歌一曲世所無今日喜聞鳳將

雛可憐絕勝秦羅敷使君五馬謾踟躕野草繡窠紫羅襦紅牙纓馬對樗蒲玉盤纖手撒作盧象中誇道不曾輸櫪上昂昂皆駿駒桃花叱撥價最殊騎將獵向城南隅臘日射殺千年狐我來塞外按邊儲爲君取醉酒剩沽醉爭酒盞相喧呼忽一作却憶咸陽舊酒徒

贈酒泉韓太守

太守有能政遙聞如古人俸錢盡供客家計常清



貧酒泉西望玉關道千山萬積皆白草辭君走馬歸長安憶君倏忽令人老

贈西嶽山人李岡

君隱處當一星蓮花峯頭飯黃精仙人掌上演丹經鳥可到人莫攀隱來十年不下山袖中短書誰爲達華陰道士賣藥還

送張獻心充副使歸河西雜句

將門子弟君獨賢一夜受命常在邊末年三十已高位腰間金印色赭然前日承恩白虎殿歸來見

詩紀

盛唐卷之三十六

十五

者誰不羨篋中賜衣十重餘案上軍書十二卷看君謀智若有神愛君詞句皆清新澄湖萬頃深見底清水一片光照人雲中昨夜使星動西門驛樓出相送玉瓶素蟻臘酒香金鞭白馬紫遊韁花門南燕支北張掖城頭積雲一作黑送君一去天外憶

送郭又雜言

地上青草出經冬今始歸博陵無近信猶未換春衣憐汝不忍別送汝上酒樓初行莫早發且宿灞

橋頭功名須及早歲月莫虛擲早年已工詩近日兼注易何時過東洛早晚度盟津朝歌城邊柳隄地邯鄲道土花撲人去年四月初我正在河朔會上君家縣北樓樓上分明見恒嶽中山明府待君來須計行程及早回到家速覓長安使待汝書封我自開

送魏升卿

一作叔虹

擢第歸東都因懷魏校書

陸渾喬潭

井上桐葉雨

一作赤

灞亭卷秋風故人適戰勝匹一作

詩紀

盛唐卷之三十六

十六

走馬歸山東問君今年三十幾能使香名滿人耳君不見三峯直上五千仞見君文章亦如此如君兄弟天下稀雄辭健筆皆若飛將軍金印鞶紫綬御史鐵冠重繡衣喬生作尉別來久因君爲問平安否魏侯校理復何如前日人來不得書陸渾山下佳可賞蓬閣閑時日應往自料青雲未有期誰知白髮偏能長壚頭青絲白玉瓶別時相顧酒如傾搖鞭舉袂忽不見千樹萬樹空蟬鳴

送魏四落第還鄉

東歸不稱意客舍戴勝鳴臘酒飲未盡春衫縫已  
成長安柳枝春欲來洛陽梨花在前開魏侯池館  
△尚在猶有太師歌舞臺君家盛德豈徒然時人  
注意在吾賢莫令別後無佳句祇向壚頭空醉眠

送宇文南金放後歸太原寓居因呈太原  
郝主簿

歸去不得意北京關路賒却投晉山老愁見汾陽  
花翻作灞陵客憐君丞相家夜眠旅舍雨曉辭春  
城鴉送君繫馬青門口胡姬壚頭勸君酒爲問太  
詩紀 盛唐卷之三十六 十七

原賢王人春來更有新詩否  
西亭子送李司馬

高高亭子郡城西直上千尺與雲齊盤崖緣壁試  
攀躋羣山向下飛鳥低使君五馬天半嘶絛繩玉  
壺爲君提坐來一望無端倪紅花綠柳鶯亂啼千  
家萬井連迴谿酒行未醉聞暮雞點筆操紙爲君  
題爲君題惜解攜草萋萋沒馬蹄

漁父

扁舟滄浪叟心與滄浪清不自道鄉里無人知姓

名朝從灘上飯暮向蘆中宿歌竟還復歌手持一  
竿竹竿頭釣絲長丈餘鼓棹乘流無定居世人那  
得識一作解深意此翁取適非取魚

登古鄴城

下馬登鄴城城空復何見東風吹野火暮入飛雲  
殿一作入幕城隅南對望陵臺漳水東流不復回  
武帝宮中人去盡年年春色爲誰來

邯鄲客舍歌

客從長安來驅馬邯鄲道傷心叢臺下一帶生蔓

詩紀

盛唐卷之三十六

十八

草客舍門臨漳水邊垂楊下繫釣魚船邯鄲女兒  
夜沽酒對客挑燈誇數錢酩酊醉時日正午一曲  
狂歌壚上眠

宿蒲關東店憶杜陵別業

關門鎖歸客一夜夢還家月落河上曉遙聞秦樹  
鴉長安二月歸正好杜陵樹邊純是花

感遇

北山有芳杜靡靡花正發未及得采之秋風忽吹  
殺君不見拂雲百丈青松柯縱使秋風無柰何四

時常作青黛色可憐杜花不相識

優鉢羅花歌 并序

參嘗讀佛經聞有優鉢羅花目所未見天寶庚申歲參忝大理評事攝監察御史領伊西北庭度支副使自公多暇乃於府庭內栽樹種藥爲山鑿池婆娑乎其間足以寄傲交河小吏有獻此花者云得之於天山之南其狀異於衆草勢龍從如冠弁巖然上聳生不傍引攢花中折駢葉外包異香騰風秀色媚景因賞而歎曰爾不

詩紀

盛唐卷之三十一

九

生於中土僻在遐裔使牡丹價重芙蓉譽高惜哉夫天地無私陰陽無偏各遂其生自物厥性豈以偏地而不生乎豈以無人而不芳乎適此花不遭小吏終委諸山谷亦何異懷才之士未會明王擯于林藪邪因感而爲歌歌曰

白山南赤山北其間有花人不識綠莖碧葉好顏色葉六瓣花九房夜掩朝開多異香何不生彼中國今生西方移根在庭媚我公堂恥與衆草之爲伍何亭亭而獨芳何不爲人之所賞兮深山窮谷

委嚴霜吾竊悲陽關道路長曾不得獻于君王

蜀

一作

葵花歌

英華作劉昫詩注云附見本參集

昨日一花開今日一花開今日花正好昨日花已老人生不得長少年莫惜牀頭沽酒錢請君有錢向酒家君不見蜀葵花

題李士曹廳壁畫度雨雲歌

似出棟梁裏如和風雨飛掾曹有時不敢歸謂言雨過濕人衣

詩紀

盛唐卷之三十一

十

盛唐第三十六

盛唐第三十七

唐詩紀九十七

鄆郡吳中府詩

鄆郡謝陞同校

岑參

五言律詩

長門怨

君王嫌妾妬閉妾在一作長門舞袖垂新寵愁眉

結舊恩綠錢生一作履跡紅粉濕啼痕春被桃花

笑看春獨不言

詩紀

盛唐卷之三十七

寄左省杜拾遺

聯步趨丹陛分曹限紫微曉隨天仗入暮惹御香

歸白髮悲花落青雲羨鳥飛聖朝無闕事自覺諫

書稀

歲暮磧外寄元撫

西風傳戍鼓南望見前軍沙磧人愁月山城犬吠

雲別家逢逼歲出塞獨離羣髮到陽關白書今遠

報君

寄宇文判官

西行殊未已東望何時還終日風與雪連天沙行

山二年領公事兩度過陽關相憶不可見別來頭

已斑

七月二日在內學見有高道舉徵宿關西

客舍寄東山嚴許二山人

雲送關西雨風傳渭北秋孤燈然客夢寒杵搗鄉

愁灘上思嚴子山中憶許由蒼生今有望飛詔下

林丘

丘中春卧寄王子

詩紀

盛唐卷之三十七

田中開白室林下閉玄關卷跡人方處無心雲自

閑竹深喧暮鳥花缺露春山勝事那能說上係去

未還

江行夜宿龍吼灘臨眺思峨眉隱者兼寄

幕中諸公

官舍臨江口灘聲已一作慣聞水煙晴吐月山火

夜燒雲且欲尋方士無心戀使君異鄉何可住况

復久離羣

漢川山行呈成少尹

西蜀方攜手南宮憶比肩平生猶不淺  
憐山店雲迎客江村犬吠船秋來取一醉須待月光眠

奉和杜相公初發京城作

按節辭黃閣登壇戀赤墀銜恩期報主授律遠行  
師野鵲迎金印郊雲拂畫旗叨陪幕中客敢和出  
車詩

敬酬李判官使院即事見呈

公府日無事吾徒只是閑草根侵柱礎苔色上門  
詩紀

盛唐卷之三十七

三

關飲硯時見鳥卷簾晴對山新詩吟未足昨夜夢  
東還

虢州酬辛侍御見贈

門柳葉已大春花今復闌鬢毛方二色愁緒日千  
端夫子屢新命鄙夫仍舊官相思難見面時展尺  
書看

酬崔十三侍御登玉壘山思故園見寄

玉壘天晴望諸峯盡覺低故園江樹北斜日嶺雲  
西曠野看人小長空共鳥齊高山徒仰止不得日

蹇躋

南樓送衛憑

得歸字

近縣多過一作來客似君誠亦稀南樓取凉好便送  
故人歸鳥向望中滅雨侵晴處飛應須乘月去且  
爲解征衣

送王伯倫應制授正字歸

當年最稱意數子不如君戰勝時偏許名高人共  
總一作聞半天城北雨斜日灞西雲科斗皆成字無  
令錯古文

詩紀

盛唐卷之三十七

四

送宇文舍人出宰元城

雙鳬出未央千里過河陽馬帶新行色衣聞舊御  
香縣花迎墨綬關柳拂銅章別後能爲政相思淇  
水長

崔駙馬山池重送宇文文明府

得前字

竹裏過紅橋花間藉綠苗池涼醒別酒山翠拂行  
鑣鳳去妝樓閉鳬飛葉縣遙不逢秦女在何處聽  
吹簫

送李郎尉武康



潘郎腰綬新雪上縣花春山色低官舍湖光映  
人不須嫌邑小真卽恥家貧更作東征賦知君有  
老親

磧西頭送李判官入京

一身從遠使萬里向安西漢月垂鄉淚胡沙費  
馬蹄尋河愁地盡過磧覺天低送子軍中飲家  
書醉裏題

陪使君早春西亭送王贊府赴選

西亭繫五馬爲送故人歸客舍草新出關門花欲

詩紀 盛唐卷之三十七 五

飛到來逢歲酒却去換春衣吏部應相待如君才  
調稀

送劉郎將歸河東

借問虎賁將從軍凡幾年殺人寶刀缺走馬貂裘

穿山雨醒別酒關雲迎渡船謝君賢主將豈忘輪

臺邊 參會北庭事趙中丞故存下句

滄水東店送唐子歸嵩陽

野店臨官路重城壓御隄山開灞水北雨過杜陵  
西歸夢秋能作鄉書醉嬾題橋回忽不見征馬尚

聞嘶

西亭送蔣侍御還京

忽聞驄馬至喜見故人來欲語多時別先愁計日  
回山河宜晚眺雲霧待 一作君開爲報烏臺客須

憐白髮催

水亭送劉顥使還歸節度

無計畱君住應須絆馬蹄紅亭莫惜醉白日眼看  
低解帶憐高柳移牀愛小谿此來相見少正 一作

事各東西

詩紀 盛唐卷之三十七 六

送楊錄事充使

夫子方寸裏清秋澄霽江關西望第一郡內政無  
雙狹室下珠箔連宵傾玉缸使乎仍未醉斜月隱

高 一作 窓

送裴判官自賊中再歸河陽幕府

東郊未解圍忠義似君稀誤落胡塵裏能持漢節  
歸卷簾山對酒上馬雪沾衣却向嫖姚幕翩翩去

若飛

送陝縣王主簿赴襄陽成親

六月兼山道三星漢水邊求凰應不遠去馬騰須  
野店愁中雨江城夢裏蟬襄陽多故事爲我訪  
先賢

送李卿賦得孤島石

一片他山石巉巖映小池綠窠攢刺蘚尖碩坐鸕  
鷗水底看常倒花邊勢欲歆君心能不轉卿月豈  
相離

送王錄事卻歸華陰

王錄事自華陰尉授  
虢州錄事參軍旬日

詩紀

盛唐卷之三十七

七

相送欲狂歌其如此別何攀轅人共惜解印日無  
多仙掌雲重見關門路再過雙魚莫不寄縣外是  
黃河

送二十二兄北遊尋羅中

斗柄欲東指吾兄方北遊無媒謁明王失計干諸  
侯夜雪入穿履朝霜凝敝裘遙知客舍飲醉裏聞  
春鳩

送鄭堪歸東京汜水別業

客舍見春草忽聞思舊山看君灞陵去匹馬成臯

還對酒風與雪向家河復關因悲宦遊子終歲無  
時閑

送崔全被放歸都觀省

夫子不自衒世人知者稀來傾阮氏酒去着老萊  
衣渭北草新出關東花欲飛楚王猶自惑宋玉且  
將歸

送孟孺卿落第歸濟陽

獻賦頭欲白還家衣已穿羞過灞陵樹歸種汶陽  
田客舍少鄉信牀頭無酒錢聖朝徒側席濟上獨

詩紀

盛唐卷之三十七

八

遺賢

送裴校書從大夫淄川觀省

尚書未出守愛子向青州一路通關樹孤城近海  
樓懷中江橘熟倚處戟門秋更奉輕軒去知君無  
客愁

送楊千牛

一作  
婚得寒

赴歲赴汝南郡觀省便成

問古轉征鞍安仁道姓潘歸期明王賜別酒故人  
歡珠箔障爐煖狐裘耐臘寒汝南遙倚望早去及

春盤

送胡象落第歸王屋別業

看君尚少年不第莫悽然可即疲獻賦山村歸種  
田野花迎短褐河柳拂長鞭置酒聊相送青門一  
醉眠

送顏韶

得飛

遷客猶未老聖朝今復歸一從襄陽住幾度梨花  
飛世事了可見憐君人亦稀相逢貪醉卧未得作  
春衣

詩紀

盛唐卷之三十七

九

送杜佐下第歸陸渾別業

正月今一作初欲半陸渾花未開出關見青草春色  
正東來夫子且歸去明時方愛才還須及秋賦莫  
即隱蒿萊

送張郎中赴隴右觀省卿公

詩張卿公亦  
節度西後

中郎鳳一毛世上獨賢豪弱冠已銀印出身唯寶  
刀還家卿月迴度隴將星高幕下多相識邊書醉  
懶操

送楚丘麴少府赴官

青袍美少年黃綬一神仙微子城東面梁王苑北  
邊桃花色似馬榆莢小於錢單父聞相近家書早  
爲傳

送蜀郡李掾

飲酒俱未醉一言聊贈君功曹善爲政明王還應  
聞夜宿劔門月朝行巴水雲江城菊花發滿道香  
氛氲

送鄭少府赴滄湯

子真河朔尉邑里帶清漳春草迎袍色晴花拂綬  
香青山入官舍黃鳥度官墻若到銅臺上應憐魏  
寢荒

還高冠潭口留別舍弟

昨日山有信祗今耕種時遙傳杜陵叟怪我還山  
遲獨向潭上酌無人林下基東谿憶汝處閑卧對  
鸕鷀

醴泉東谿送程皓元鏡微入蜀

蜀郡路漫漫梁州過七盤二人來信宿一縣醉衣  
冠谿通春衫冷林交宴席寒西南如噴酒遙向雨

中看

夏初醴泉南樓送太康顏少府

何地堪相餞南樓出萬家可憐高處送遠見故人  
車野果新成子庭槐欲作花愛君兄弟好書向賴  
中誇

送嚴訥擢第歸蜀

巴江秋月新閣道發征輪戰勝真才子名高動世  
人工文能似舅擢第去榮親十月天官待應須早  
赴秦

詩紀

盛唐卷之三十七

十一

送張直公歸南鄭拜省

夫子思何速世人皆歎奇萬言不加點七步猶嫌  
遲對酒落日後還家飛雪時北堂應久待鄉夢促  
征期

送周子落第遊荆南

足下復不第家貧尋故人且傾湘南酒羞對關西  
塵山店橘花發江城楓葉新若從巫峽過應見楚  
王神

送薛彥偉擢第京歸

時輩似君稀青春戰勝歸名登祁說第身著老萊  
衣稱意人皆美還家馬若飛一枝誰不折棣萼獨  
相輝

送張子尉南海

不擇南州尉高堂有老親樓臺重蜃氣邑里雜蛟  
人海暗三山雨花明五嶺春此鄉多寶玉慎莫厭  
清貧

鳳翔府行軍送程使君赴成州

程侯新出守好日發行軍拜命時人羨能官聖主  
詩紀

盛唐卷之三十七

十二

聞江樓黑塞雨山郭冷秋雲竹馬諸童子朝朝待  
使君

送張昇卿宰新淦

官柳葉尚小長安春未濃送君潯陽宰把酒青門  
鐘水驛楚雲冷山城江樹重遙知南湖上祗對香  
爐峯

送陳子歸陸渾別業

雖不舊相識知君丞相家故園伊川上夜夢方山  
花種藥畏春過出關愁路賒青門酒壚別日暮東

鵝

稠桑驛喜逢嚴河南中丞便別

駟馬映花枝人人夾路窺離心且莫問春華自應  
知不謂青雲客猶思紫禁時

卷之三  
別君能幾

別君能幾

日看取鬢成絲

送蒲秀才擢第歸蜀

去馬疾如飛看君戰勝歸新登祁詵第更看老萊  
衣漢上行人少巴山客舍稀向南風候暖臘月見  
春輝

詩紀

盛唐卷之三十七

七

送郭司馬赴伊吾郡請示李明府

郭子足  
趙節度

同好

安西美少年脫劍卸弓弦不倚將軍勢皆稱司馬

賢秋山城北面古治郡東邊池

一作江

上舟中月遙

思李郭仙

送滕亢擢第歸蘇州拜親

送爾姑蘇客滄波秋正涼橘懷三箇去桂折一枝

將

作香

湖上山當舍天邊水是鄉江村人事少時

作捕魚郎

送任郎中出守明州

罷起郎官草初分刺史符城邊樓枕海郭裏樹侵  
湖郡政徬連楚朝恩獨借吳觀濤秋正好莫不上  
姑蘇

臨洮客舍留別祁四

無事向邊外至今仍不歸三年絕鄉信六月未春  
衣客舍洮水聒孤城胡鴈飛心知別君後開口笑  
應稀

詩紀

盛唐卷之三十七

七

盛唐第三十七



盛唐第三十八

唐詩紀九十八

鄆郡吳中丞

鄆郡謝陞同校

岑參六

五言律詩二

送弘文李校書往漢南拜親

未識已先聞清辭果出羣如逢禰處士似見鮑參軍  
夢巴山雨家連漢水雲慈親思愛子幾度泣  
霑裾

詩紀

盛唐卷之三十八

一

送李別將攝伊吾令充使赴武威便寄崔

員外

詞賦滿書囊胡爲在戰場行間脫寶劍邑里挂銅  
章馬疾飛千里鳬飛向五涼遙知竹林下星使對  
星郎

送四鎮薛侍御東歸

相送淚沾衣天涯獨未歸將軍初得罪門客復何  
依夢去湖山闊書停隴鴈稀園林幸接近爲到  
柴扉

送張都尉東歸

白羽綠弓弦年年只在邊還家劍鋒盡出塞馬蹄  
穿逐虜西踰海平胡北到天封侯應不遠燕領豈  
徒然

送樊侍御使丹陽便覲

卧病窮巷晚忽驚驄馬來知君京口去借問幾時  
回驛舫江風引鄉書海鴈催慈親應倍喜愛子在  
霜臺

送張卿郎君赴硤石尉

詩紀

盛唐卷之三十八

二

卿家送愛子愁見灞頭春草美青袍色花隨黃綬  
新縣西函谷路城北大陽津日暮征鞍去東郊一  
片塵

送顏少府投鄭陳州

一尉便垂白數年唯草玄出關策匹馬逆旅聞秋  
蟬愛客多酒債罷官無俸錢知君羈思少所適主  
人賢

趙少尹南亭送鄭侍御歸東臺

得長

紅亭酒甕香白面繡衣郎砌冷蟲喧座簾疎雨到

牀鐘催離興急絃逐醉歌長關樹應先落隨君滿路霜

祁四再赴江南別詩

萬里來又去三湘東復西別人換鬢行遠馬穿蹄山驛秋雲冷江帆暮雨低憐君不解說相憶在書題

送許員外江外置常平倉

詔置海陵倉朝推畫省郎還家錦服貴出使繡衣香水驛風催舫江樓月透牀仍懷陸氏橘歸獻老詩紀

盛唐卷之三十八

三

親嘗

送秘省虞校書赴虞鄉丞

花綬傍腰新關東縣欲春殘書厭科斗舊閣別麒麟虞坂臨官舍條山映吏人看君有知己坦腹向平津

送江陵泉少府赴任便呈衛荊州

神仙吏姓梅人吏待君來渭北草新出江南花已開城邊宋玉宅峽口楚王臺不畏無知己荊州甚愛才

奉送李太保兼御史大夫充渭北節度使

即太尉  
光弼弟

詔出未央宮登壇近總戎上公周太保副相漢司空弓抱關西月旗翻渭北風弟兄皆許國天地荷成功

送江陵黎少府

悔繫腰間綬翻爲膝下愁那堪漢水遠更值楚山秋新桐香官舍征帆拂縣樓王城不敢住豈是愛荊州

詩紀

盛唐卷之三十八

四

號州送天平何丞入京市馬

關樹晚蒼蒼長安近夕陽回風醒別酒細雨濕行裝習戰邊塵黑防秋塞草黃知君市駿馬不是學燕王

送揚州王司馬

君家舊淮水水上到揚州海樹青官舍江雲黑郡樓東南隨去鳥人吏待行歸一作舟爲報吾兄道如今已白頭

陝州月城樓送辛判官入秦

送客飛鳥外城頭樓最高樽前遇風雨窓裏動波  
濤謁帝向金殿隨身唯寶刀相思灞陵月祇有夢  
偏勞

送王七錄事赴虢州

早歲卽相知嗟君最後時青雲仍未達白髮欲成  
絲小店關門樹長河華岳祠弘農人吏待莫使馬  
行遲

閩鄉送上官秀才歸關西別業

風塵柰汝一作何終日獨波波親老無官養家貧

詩紀

盛唐卷之三十八

五

在外多醉眠輕白髮春夢渡黃河相去關城一作  
近何時更肯過

送羽林長孫將軍赴歙州

剖竹向江濱能名計日聞隼旗新刺史虎劒舊將  
軍驛舫宿湖月州城浸海雲青門酒樓上欲別醉  
醺醺

送崔王簿赴夏陽

常愛夏陽縣往年曾再過縣中饒白鳥郭外是黃  
河地近行程少家貧酒債多知君新稱意好得奈

春何

送梁判官歸女几舊廬

女几知君憶春雲相逐歸草堂開藥裹苔壁取荷  
衣老竹移時小新花舊處飛可憐真傲吏塵事到  
山稀

送懷州吳別駕

灞上柳枝黃壚頭酒正香春流飲去馬暮雨濕行  
裝驛路通函谷州城接太行覃懷人總喜別駕得  
王祥

詩紀

盛唐卷之三十八

六

送人歸江寧

楚客憶鄉信向家湖水長住愁春草綠去喜桂枝  
香海月迎歸楚江雲引到鄉吾兄應借問爲報鬢  
毛霜

送襄州任別駕

別乘向襄州蕭條楚地秋江聲官舍裏山色郡城  
頭莫羨黃公葢須乘彥伯舟高陽諸醉客唯見古  
時丘

送李司諫歸京

得長

別酒爲誰香春官駁正郎醉經秦樹遠夢怯漢川  
長雨過風頭黑雲開日脚黃知君解起草早去入  
文昌

送絳州李司馬秩滿歸京因呈李兵部

久客厭江月罷官思早歸眼看春光老羞見梨花  
飛劒北山居小巴南音信稀因君報兵部愁淚日  
沾衣

送崔貲外入秦因訪故園

欲謁明光殿先應一作趨建禮門仙郎去得意亞相

詩紀

盛唐卷之三十八

七

正承恩竹裏巴山道花間漢水源憑將兩行淚爲  
訪邵平園

送柳錄事赴梁州

英掾柳家郎離亭酒甕香折腰思漢北隨傳過巴  
陽江樹連官舍山雲到卧牀知君歸夢積去去劒  
川長

送韋侍御先歸京

得寬字

聞欲朝龍闕應須拂多冠風霜隨馬去炎暑爲君  
寒客淚題書落鄉愁對酒寬先憑報親友後月到

一作客長安

送裴侍御赴歲入京

得賜字

羨他驄馬郎元日謁明光立處聞天語朝回惹御  
香臺寒柏樹綠江煖柳條黃惜別津亭暮揮戈憶  
魯陽

送顏評事入京

顏子人歎屈宦遊今未遲佇聞明主用豈負青雲  
姿江柳秋吐葉山花寒滿枝知君客一作窮愁處月

滿又一作落巴川時

詩紀

盛唐卷之三十八

八

送趙侍御歸上都

驄馬五花毛青雲歸處高霜隨驅夏暑風逐振江  
濤執簡皆推直勤王豈告勞帝城誰不戀回望動  
離騷

送楊子

斗酒渭城邊壚頭耐醉眠梨花千樹雪楊葉萬條  
煙惜別添壺酒臨岐贈馬鞭看君頰上去新月到  
家圓

送人到安西

上馬帶胡鉤翩翩度隴頭小來思報國不是愛封侯  
萬里鄉爲夢三邊月作愁早須清黠虜無事莫經秋

發臨洮將赴北庭留別

聞說輪臺路連年見雪飛春風曾不到漢使亦應稀  
白草通疎勒青山過武威勤王敢道遠私向夢中歸

臨洮泛舟趙仙舟自北庭罷使還京

白髮輪臺使邊功竟不成雲沙萬里地孤負一書

詩紀

盛唐卷之三十八

九

生池上風迴舫橋西雨過城醉眠鄉夢罷東望美  
歸程

春日醴泉杜明府承恩五品宴席上賦詩

鳬鳥舊稱仙鴻私降自天青袍移草色朱綬奪花  
然邑裏雷仍震臺中星欲懸吾兄此棲棘因得賀  
初筵

早春陪崔中丞同泛浣花谿宴

旌節臨谿口寒郊陡覺暄紅亭移酒席畫舸逗江  
村雲帶歌聲颺風飄舞袖翻花間催秉燭川上欲

黃昏

喜華陰王少府使到南池宴集

有客至鈴下自言身姓梅仙人掌裏使黃帝鼎邊  
來竹影拂棋局荷香隨酒杯池前堪醉卧待月未  
須回

行軍雪後月夜宴王卿家

子夜雪華餘卿家月影初酒香薰枕席鑪氣煖軒  
除晚寒宦情薄行軍歡宴疎相逢剽取醉身外盡  
空虛

詩紀

盛唐卷之三十八

十

梁州陪趙行軍龍岡寺北庭泛舟宴王侍

御得長

誰宴霜臺使行軍粉署郎唱歌江鳥沒吹笛岸花  
香酒影搖新月灘聲聒夕陽江鐘聞已暮歸棹綠  
川長

奉陪封大夫宴得征字時封公兼鴻臚卿

西邊虜盡平何處更專征幕下人無事軍中政已  
成座參殊俗語樂雜異方聲醉裏東樓月偏能照  
列卿



陪封大夫宴瀚海亭納涼

細管雜青絲，千杯倒接羅。軍中乘興出，海上納涼時。  
日沒鳥飛急，山高雲過遲。吾從大夫後，歸路擁旌旗。

虢州西亭陪端公宴集

紅亭出鳥外，駿馬繫雲端。萬嶺牕前睥，千家肘底看。  
開瓶酒色嫩，踏地葉聲乾。爲逼霜臺使，重裘也覺寒。

陪使君早春東郊遊眺

得春字

詩紀

盛唐卷之三十八

十一

太守擁朱輪，東郊物候新。鶯聲隨坐嘯，柳色喚行春。  
谷口雲迎馬，谿邊水照人。郡中叨佐理，何幸接芳塵。

雪後與羣公過慈恩寺

乘興忽相招，僧房暮與朝。雪融雙樹濕，沙闇一燈燒。  
竹外山低塔，藤間院隔橋。歸家如欲嬾，俗慮向來銷。

與鄠縣羣官泛漢陂

萬頃浸天色，千尋窮地根。舟移城入樹，岸闊水浮

村。閑鷺驚簫管，潛蚪傍酒樽。暝來呼小吏，列火儼歸軒。

與鄠縣源少府泛漢陂

載酒入天色，水涼難醉人。清搖縣郭動，碧洗雲山新。  
吹笛驚白鷺，垂竿跳紫鱗。憐君公事後，陂上日娛賓。

終南東谿中作

谿水清於草，潺潺花底流。沙平堪濯足，石淺不勝舟。  
洗藥朝與暮，釣魚春復秋。興來從所適，還欲向

詩紀

盛唐卷之三十八

十一

滄洲

與鮮于庶子泛漢江

急管更須吹，杯行莫遣遲。酒光紅琥珀，江色碧琉璃。  
日影浮歸棹，蘆花背釣絲。山公醉不醉，問取葛疆知。

晦日陪侍御泛北池

春池滿復寬，晦節耐邀歡。月帶蝦蟇冷，霜隨獬豸寒。  
水雲低錦席，岸柳拂金盤。日暮舟中散，都人夾道看。

登涼州尹臺寺

胡地三月半梨花今始開因從老僧飯更上夫人  
臺清唱雲不去彈絃風颯來應須一倒載還似山  
公回

登總持閣

高閣逼諸天登臨近日邊晴開萬井樹愁看五陵  
煙檻外低秦嶺牕中小渭川早知清淨理常願奉  
金仙

奉陪封大夫九日登高

詩紀

盛唐卷之三十八

三

九日黃花酒登高會昔聞霜威逐亞相殺氣傷中  
軍橫笛驚征鴈嬌歌落塞雲邊頭幸無事醉舞荷  
吾君

郡齋平望江山

水路東連楚人煙北接巴山光圍一郡江月照千  
家庭樹純栽橘園畦半種茶夢覺知憶處無夜不  
京華

盛唐第三十八

盛唐第三十九

唐詩紀九十九

岑參七

鄯郡吳中珩彙編  
鄯郡謝陞同校

五言律詩三

宿岐州北郭嚴給事別業

郭外山色暝主人林館秋疎鐘入卧內片月到牀  
頭遙夜惜已半清言殊未休君雖在青瑣心不忘  
滄洲

詩紀

盛唐卷之三十九

一

暮秋會嚴京兆後廳竹齋

京兆小齋寬公庭半藥欄甌香茶色嫩牕冷竹聲  
乾盛德中朝貴清風畫省寒能將吏部鏡照取寸  
心看

省中卽事

華省謬爲郎蹉跎鬢已蒼到來恒襖被隨例且含  
香竹影遮牕暗花陰拂簾涼君王新賜筆草奏向  
明光

尋陽七郎中宅卽事

萬事信蒼蒼機心久已忘無端來出守不是厭爲  
郎雨滴芭蕉赤霜催橘子黃逢君開口笑何處有  
他鄉

攜琴酒尋閭防崇濟寺所居僧院

相訪但尋鐘門寒古殿松彈琴醒暮酒卷幔引諸  
峯事愜林中語人幽物外蹤吾廬幸接近茲地興  
偏慵

春尋河陽陶處士別業

風煖日暎暎黃鸝飛近村花明潘子縣柳暗陶公

詩紀

盛唐卷之三十九

二

門藥椀搖山影魚竿帶水痕南橋車馬客何事苦  
喧喧

晚過盤石寺禮鄭和尚

暫詣高僧話來尋野寺孤岸花藏水碓谿水映風

爐頂上巢新鵲衣中帶

一作得

舊珠談禪未得去輟

棹且踟躕

尋少室張山人聞與偃師周明府同入都

中峯鍊金客昨日遊人間葉縣見共去葛陂龍暫  
還春雲湊深水秋雨懸空山寂寂青谿上空餘丹

竈隙

號州卧疾喜劉判官相過水亭

卧疾嘗晏起朝來頭未梳見君勝服藥清話病能  
除低柳供繫馬小池堪釣魚觀棊不覺暝月出水  
亭初

武威春暮聞宇文判官西使還已到晉昌

片雨過城頭黃鸝上戍樓塞花飄客淚邊柳挂鄉  
愁白髮悲明鏡青春換弊裘君從萬里使聞已到  
瓜州

詩紀

盛唐卷之三十九

三

號州南池候嚴中丞不至

池上日相待知君殊未回徒教柳葉長漫使梨花  
開駟馬去不見雙魚空往來思想

一作相思

不解說孤

負舟中杯

春興思南山舊廬招柳建正字

終歲不得意春風今復來自憐蓬鬢改羞見梨花  
開西掖誠可戀南山思早回園廬幸接近相與歸  
蒿萊

郡齋南池招楊驎

郡僻人事少雲山常一作眼前偶從池上醉便向  
舟中眠與子居最近周官情又偏閑時耐相訪正  
有牀頭錢

高冠谷口招鄭郵

谷口來相訪空齋不見君澗花然暮雨潭樹煖春  
雲門徑稀人迹簷峯下鹿羣衣裳與枕席山靄碧  
氛氲

題新鄉王公廳壁

憐君守一尉家計復清貧祿米嘗不足俸錢供與

詩紀盛唐卷之三十九

四

人城頭蘇門樹陌上黎陽塵不是舊相識聲同心  
自親

題山寺僧房

牕影搖羣木墻陰載一峯野爐風自蕺山碓水能  
春勤學翻知誤爲官好欲慵高僧暝不見月出但  
聞鐘

漢上題韋氏莊

結茅聞楚客卜築漢江邊日落數歸鳥夜深聞扣  
舷水痕侵岸柳山翠借厨煙調笑提筐婦春來蠶

幾眠

題永樂韋少府廳壁

天河南郭外終日氣昏昏白鳥下公府青山當縣  
門故人是邑尉過客駐征軒不憚煙波闊思君一  
笑言

題金城臨河驛樓

古戍依重險高樓見五涼山根盤驛道河水浸城  
墻庭樹果鸚鵡園花隱麝香忽如江浦上憶作捕

魚郎

詩紀

盛唐卷之三十九

五

初授官題高冠草堂

三十始一命宦情多欲闌自憐無舊業不敢恥微  
官澗水吞樵路山花醉藥欄祗緣五斗米辜負一  
漁竿

題虢州西樓

錯料一生事蹉跎今白頭縱橫皆失計妻子也堪  
羞明主雖然棄丹心亦未休愁來無去處祗上郡  
西樓

夜過盤石隔河望永樂寄閨中効齊梁體

盈盈一水隔寂寂二更初波上思羅襪魚邊憶素  
書月如眉已盡雲似鬢新梳春物知人意桃花笑  
索居

河西春暮憶秦中

渭北春已老河西人未歸邊城細草出客館梨花  
飛別後鄉夢數昨來家信稀涼州三月半猶未脫  
寒衣

過酒泉憶杜陵別業

昨夜宿祈連今朝過酒泉黃沙西際海白草北連

詩紀

盛唐卷之三十九

六

天愁裏難消日歸期尚隔年陽關萬里夢知處杜  
陵田

早發烏耆懷終南別業

曉笛別鄉淚秋水鳴馬蹄一身虜雲外萬里胡天  
西終日見征戰連年聞鼓鼙故山在何處昨日夢  
清谿

宿鐵關西館

馬汗踏成泥朝馳幾萬蹄雪中行地角火處宿天  
倪塞迴心常怯鄉遙夢亦迷那知故園月也到鐵

關西

首秋輪臺

異域陰山外孤城雪海邊秋來唯有鴈夏盡不聞  
蟬雨拂氍毹濕風搖毳幕羶輪臺萬里地無事歷  
三年

北庭作

鴈塞通鹽澤龍堆接醋溝孤城天北畔絕域海西  
頭秋雪春仍下朝風夜不休可知年四十猶自未  
封侯

詩紀

盛唐卷之三十九

七

輪臺卽事

輪臺風物異地是古單于三月無青草千家盡白  
榆蕃書文字別胡俗語音殊愁見流沙北天西海  
一隅

還東山洛上作

春流急不淺歸棹去何遲愁客葉舟裏夕陽花水  
時雲晴開蟬疎棹發起鷗鷺莫道東山遠衡門在  
夢思

楊固店



客舍梨葉赤鄰家聞擣衣夜來嘗有夢墜淚緣思  
歸洛水行欲盡緩山看漸微長安秭千里何事信  
音稀

巴南舟中思陸渾別業

瀘水南州遠巴山北客稀嶺雲撩亂起谿鷺等閑  
飛鏡裏愁衰鬢舟中換旅衣夢覓知憶處無夜不  
先歸

晚發五渡

客厭巴南地鄉鄰劔北天江村片雨外野寺夕陽  
詩紀

盛唐卷之三十九

八

邊芋葉藏山徑蘆花雜渚田舟行未可住乘月且  
須牽

巴南舟中夜書事

渡口欲黃昏歸人爭渡喧近鐘清野寺遠火點江  
村見鴈思鄉信聞猿積淚痕孤舟萬里外  
月不堪論

江上春歎

臘月江上暖南橋新柳枝春風觸處到憶得故園  
時終日不如意出門何所之從人覓顏色自笑弱

男兒

初至犍爲作

山色軒檻內灘聲枕席間草生公府靜花落訟庭  
閑雲雨連三峽風塵接百蠻到來能幾日不覺鬢  
毛斑

使院中新栽柏樹子呈李十五栖筠

愛爾青青色移根此地來不曾臺上種畱向磧中  
栽晚葉欺門柳狂花笑院梅不須愁歲晚霜露豈  
能排

詩紀

盛唐卷之三十九

九

詠郡齋壁畫片雲

雲片何人畫塵侵粉色微未曾行雨去不見逐風  
歸只怪偏凝壁回看欲惹衣丹青忽借便移向帝  
鄉飛

臨洮龍興寺玄上人院同詠青木香叢

移根自遠方種得在僧房六月花新吐三春葉已  
長抽莖高錫杖引影到繩牀只爲能除疾傾心向  
藥王

成王挽歌

幽山悲舊桂長坂愴餘蘭地底孤燈冷泉中一鏡  
寒銘旌門客送騎吹路人看漫作琉璃碗淮王誤  
合丹

苗侍中挽歌二首

攝政朝章重持衡國相尊筆端通造化掌內運乾  
坤青史遺芳滿黃樞故事存空悲渭橋路誰對漢  
皇言

天子悲元老都人惜上公優賢几杖在會葬市朝  
空丹旄飛斜日清笳怨暮風平生門下客繼美廟

詩紀

盛唐卷之三十九

十一

堂中

故僕射裴公挽歌三首

盛德資邦傑嘉謨作世程門瞻駟馬貴時仰八龍

一作裴

名罷市秦人送還鄉絳老迎莫埋丞相印畱

着付玄成

五府瞻高位三台喪大賢禮容還故絳寵贈冠

一作

過新田氣歇汾陰鼎覓飛京兆阡先時劔已沒壠

樹久蒼然

富貴徒言久鄉閭歿後歸錦衣都未着丹旄忽先

飛哀挽辭秦塞悲笳出帝畿遙知九原上漸覺吊  
人稀

河西太守杜公挽歌四首

蒙叟悲藏壑殷宗惜濟川長安非舊日京兆是新  
阡黃霸官猶屈蒼生望已愆唯餘卿月在畱向杜  
陵懸

鼓角

一作

城中出墳塋郭外新雨隨思太守雲從

送夫人蒿里埋雙劔松門閉萬春回瞻北堂上金  
印已生塵

詩紀

盛唐卷之三十九

十一

憶昨明光殿新承天子恩剖符移北地授鉞領西  
門塞草迎軍幕邊雲拂使軒至今聞隴外戎虜尚

亡覓

漫漫澄波闊沈沈大厦深秉心常匪席

一作

行義

每揮金汲引窺蘭室招攜入翰林多君有令子猶

注世人心

故河南尹岐國公贈工部尚書蘇公挽歌

二首

河尹恩榮舊尚書寵贈新一門傳畫戟幾世駕朱

輪夜色何時曉泉臺不復春唯餘朝服在金印已生塵

白日局泉戶青春掩夜臺舊堂階草長空院砌花開山晚銘旌去郊寒騎吹迴三川難可見應惜庾公才

韓員外夫人清河縣君崔氏挽歌二首

令德當時重高門舉世推從夫榮已絕封邑寵難追陌上人皆惜花間鳥亦悲仙郎看隴月猶憶畫眉時

詩紀

盛唐卷之三十九

十一

遽聞傷別劍忽復歎藏舟燈冷泉中夜衣寒地下秋青松弔客淚丹旌路人愁徒有清河在空悲逝水流

西河郡太原守張夫人挽歌

鵲印慶仍傳魚軒寵莫先從夫元凱貴訓子孟軻賢龍是雙歸日鸞非獨舞年哀容今共盡悽愴杜陵田

盛唐第三十九

盛唐第四十

唐詩紀一百

鄆郡吳中珩

鄆郡謝陞同校

岑參

七言律詩

奉和中書舍人賈至早朝大明宮

雞鳴紫陌曙光寒鶯囀皇州春色

一作闌金闕

曉鐘開萬戶玉階仙仗擁千官花迎

一作明劍珮

星初落柳拂旌旗露未乾獨有鳳凰池上客陽春

詩紀

盛唐卷之四十一

二

一曲和皆難

和祠部王員外雪後早朝即事

長安雪後似春歸積素凝華連曙暉色借玉珂迷

曉騎光添銀燭晃朝衣西山落月臨天仗北闕晴

雲捧禁闈聞道仙郎歌白雪由來此曲和人稀

奉和相公發益昌

相國臨戎別

一作發

帝京擁麾持節遠橫行朝登劍

閣雲隨馬夜渡巴江雨洗兵山花萬朵迎

一作征

蓋川柳千條拂去旌暫到蜀城應計日須知明主

待持衡

秋夕讀書幽興獻兵部李侍郎

年紀蹉跎四十強自憐頭白始爲郎  
雨滋苔蘚侵堦綠秋颯梧桐覆井黃  
驚蟬也解求高樹旅鴈還應厭後行  
覽卷試穿鄰舍壁明燈何惜借餘光

使君席夜送嚴河南赴長水

嬌歌急管雜青絲銀燭金杯映翠眉  
使君地主能相送河尹天明坐莫辭  
春城月出人皆醉野戍花深馬去遲  
寄聲報爾山翁道今日河南勝昔時

詩紀

盛唐卷之四

二

暮春虢州東亭送李司馬歸扶風別廬

柳鶯嬌花復殷紅亭綠酒送君還  
到來函谷愁中月歸去磻谿夢裏山  
簾前春色應須惜世上浮名好是閑  
西望鄉關腸欲斷對君衫袖淚痕斑

九日使君席奉餞衛中丞赴長水

節使橫行西

一作東

出師鳴弓擐甲羽林兒臺上霜

風凌草木軍中殺氣傷旌旗須

一作預

知漢將宣威

日正是胡塵欲滅時爲報使君多泛菊更將絃管

醉東籬

西掖省卽事

西掖重雲開曙暉北山疎雨點朝衣  
千門柳色連青瑣三殿花香入紫微  
平明端笏陪鵷列薄暮垂鞭信馬歸  
官拙自悲頭白盡不如巖下掩<sub>一作荆</sub>扉

首春渭西郊行呈藍田張二主簿

迴風度雨渭城西細草新花踏作泥  
秦女峯頭雪未盡胡公陂上日初低  
愁窺白髮羞微祿悔別青山憶舊谿  
聞道輞川多勝事玉壺春酒正堪攜

詩紀

盛唐卷之四

三

赴嘉州過城固縣尋永安超禪師房

滿寺枇杷冬着花老僧相見具袈裟  
漢王城北雪初霽韓信臺西日欲斜  
門外不須催五馬林中且聽演三車  
豈料巴川多勝事爲君書此報京華

五言排律

和刑部成員外秋夜寓直寄臺省知己

列宿光三署仙郎直五宵時衣天子賜  
厨膳太官調長樂鐘應近明光漏不遙  
黃門持被覆侍女捧香燒筆爲題詩點  
燈緣起草挑竹喧交砌葉柳輶

拂牕條粉署榮新命霜臺憶舊寮名香播遠  
價蘊瓊瑤擊水翻滄海搏風透赤霄微才喜同舍  
何幸忽聞韶

送盧郎中除杭州赴任

罷起郎官草初分刺史符海雲迎過楚江月引歸  
吳城底濤聲震樓端蜃氣孤千家窺驛舫五馬飲  
春湖柳色供詩用鶯聲送酒須知君望鄉處枉道  
上姑蘇

奉送李賓客荆南迎親

詩紀

盛唐卷之四

四

迎親辭舊苑恩詔下儲闈昨見雙魚去今看駟馬  
歸驛帆湘水闊客舍楚山稀手把黃香扇身披萊  
子衣鵲隨金印喜鳥傍板輿飛勝作東征賦還家  
滿路輝

送嚴維下第還江東

勿歎今不第似君殊未遲且歸滄洲去相送青門  
時望鳥指鄉遠問人愁路疑敝裘沾暮雪歸棹帶  
流澌嚴子灘復在謝公文可追江臯如有信莫不  
寄新詩

六月三十日水亭送華陰王少府還縣

字

亭晚人將別池涼酒未酣關門勞夕夢仙掌引歸  
驂荷葉藏魚艇藤花罨客簪殘雲收夏暑新雨帶  
秋嵐失路情無適離懷思不堪賴茲庭戶裏別有  
小江潭

錢王岑判官赴襄陽道

故人漢陽使走馬向南荆不厭楚山路祇憐襄水  
清津頭習氏宅江上夫人城夜入橘花宿朝穿桐  
葉行害羣應自懾持法固須平慙得青門醉斜光  
速去程

詩紀

盛唐卷之四

五

送薛弁歸河東

薛侯故鄉處五老峯西頭歸路秦樹滅到鄉河水  
流看君馬首去滿耳蟬聲愁獻賦今未售讀書凡  
幾秋應過伯夷廟爲上關城樓樓上能相憶西南  
指雍州

送薛播擢第歸河東

歸去新戰勝盛名人共聞鄉連渭川樹家近條山



雲夫子能好學聖朝全用文弟兄負世譽詞賦超人羣雨氣醒別酒城陰低暮曛遙知出關後一作去更有一終軍

送陶銑棄舉荆南觀省

明時不愛壁浪跡東南遊何必世人識知君輕五侯采蘭度漢水問綰過荊州異國有歸興去鄉無客愁天寒楚塞雨月淨襄陽秋坐見吾道遠令人看白頭

送史司馬赴崔相公幕

一作無名氏詩

詩紀

盛唐卷之四十

六

崢嶸丞相府清切鳳凰池美爾瑤臺鶴高棲瓊樹枝歸飛晴日好吟弄惠風吹正有乘軒樂初當學舞時珍禽在羅網微命若遊絲願托周南羽相銜谿水湄

送嚴黃門拜御史大夫再鎮蜀川兼觀省

授鉞辭金殿承恩戀玉墀登壇漢主用講德蜀人思副相韓安國黃門向子期刀州重入夢劍閣再題詞春草連青綬晴花間赤旗山鶯朝送酒江月夜供詩許國分憂日榮親色養時蒼生望已久來

去不應遲

送郭僕射節制劍南

鐵馬擐紅纓幡旗出禁城明王親授鉞丞相徵玉饌天厨送金杯御酒傾劔門乘嶮過閑道路空行山鳥驚吹笛江猿看洗兵曉雲隨去陣夜月逐行營南仲今時往西戎計日平將心感知已萬里寄懸旌

早秋與諸子登虢州西亭觀眺

亭高出鳥外客到與雲齊樹點千家小天圍萬嶺

詩紀

盛唐卷之四十

七

低殘虹挂陝北急雨過關西酒榼綠青壁瓜田傍綠谿微官何足道愛客且相攜唯有鄉園處依依望不迷

佐郡思舊遊

并序

已亥歲春三月參自補闕轉起居舍人夏四月署虢州長史適見秋草涼風復來昔桓譚出爲六安丞常忽忽不樂今知之矣悲州縣瑣屑思掖垣清閑呈左右省舊遊  
幸得趨紫殿却憶侍丹墀史筆衆推直諫書人莫

窺平生恒自負垂老此安卑同類皆先達非才獨  
後時庭槐宿鳥亂階草夜蟲悲白髮今無數青雲  
未有期

五言絕句

滅胡曲

都護新滅胡士馬氣亦麤蕭條虜塵淨突兀天山  
孤

尚書念舊垂賜袍衣率題絕句獻上以申

感謝

詩紀

盛唐卷之四

八

富貴情還在相逢豈間然綈袍更有贈猶荷故人  
憐

憶長安曲二章寄麗淮

東望望長安正值日初出長安不可見喜一作見

長安日

長安何處在只在馬蹄下明日歸長安爲君急走  
馬

寄韓樽

夫子素多疾別來未得書北庭苦寒地體內今何

如

醉裏送裴子赴鎮西

醉後未能別待醒方送君看君走馬去直上天山  
雲

題井陘雙谿李道士所居

五粒松花酒雙谿道士家唯求縮却地鄉路莫教  
賒

題雲際南峯眼上人讀經堂

眼公不下此堂十五年矣

結宇題三藏焚香老一峯雲間獨坐卧祇是對山

詩紀

盛唐卷之四

九

松

題梁錕城中高居

高一作居住最高處千家恒眼前題詩飲酒後只對  
諸峯眠

題三會寺蒼頡造字臺

野寺荒臺晚寒天古木悲空塔有鳥跡猶似造書  
時

日沒賀延磧作

沙上見日出沙上見日沒悔向萬里來功名是何

物

西過渭州見渭水思秦川

渭水東流去何時到雍州憑添兩行淚寄向故園流

經龍頭分水

隴水何年有潺潺逼路傍東西流不歇曾斷幾人腸

秋思

那知芳歲晚坐見寒葉墮吾不如腐草翻飛作螢

火

行軍九日思長安故園

強欲登高去無人送酒來遙憐故園菊應傷戰場

關

戲題關門

來亦一布衣去亦一布衣羞見關城吏還從舊路歸

歎白髮

白髮生偏一作太速交人不奈何今朝兩鬢上更較

數莖多

題平陽郡汾橋邊柳樹參會居北

此地曾居住今來宛似歸可憐汾上柳相見也依依

失題

帝鄉北近日瀘口南連蠻何當遇長房縮地到京關

七言絕句

獻封大夫破播仙凱歌六首

詩紀

盛唐卷之四十

十二

漢將承恩西破戎捷書先奏未央宮天子預開麟閣待祗今誰數貳師功

官軍西出過樓蘭營幕傍臨月窟寒蒲海曉霜凝

馬尾葱山夜雪撲旌竿

鳴笳疊鼓擁回軍破國平蕃昔未聞大一作夫鵲

印搖邊月天一作將龍旗掣海雲

日落轅門鼓角鳴千羣面縛出蕃城洗兵魚海雲

迎陣秣馬龍堆月照營

蕃軍遙見漢家營滿谷連山遍哭聲萬箭千刀一

夜殺平明流血浸空城

暮雨旌旗濕未乾胡煙

一作塵

白草日光寒昨夜將

軍連曉戰蕃軍只見馬空鞍

春興戲題贈李侯

黃雀始欲銜花來君家種桃花未開長安二月眼看盡寄報春風早爲催

入蒲關先寄秦中故人

秦山數點似青黛渭水一條如白練京師故人不見寄將兩眼看飛燕

詩紀

盛唐卷之四

十三

過燕支寄杜位

燕支山西酒泉道北風吹沙卷白草長安遙在日光邊憶君不見令人老

題首宿峯寄家人

首宿峯邊逢立春胡蘆河上淚沾巾閨中只是空相憶不見沙場愁殺人

玉關寄長安李主簿

東去長安萬里餘故人何惜一行書玉關西望堪腸斷况復明朝是歲除

武威送劉判官赴磧西行軍

火山五月行人少看君馬去疾如鳥都護行營太白西角聲一動胡天曉

號州後亭送李判官使赴晉絳

得秋西原驛路挂城頭客散紅亭雨未收君去試看汾水上白雲猶似漢時秋

五月四日送王少府歸華陰

得留仙掌分明引馬頭西看一點是關樓五月也須應到舍知君不肯更淹留

詩紀

盛唐卷之四

十三

原頭送范侍御

百尺原頭酒色殷路傍驄馬汗斑斑別君祇有相思夢遮莫千山與萬山

送李明府赴睦州便拜覲太夫人

手把銅章望海雲夫人江上泣羅裙嚴灘一點舟中月萬里煙波也夢君

號州西山亭子送范端公

得秋百尺紅亭對萬峯平明相送到齊鐘驄馬勸君皆卸却使君家醞舊來濃

奉送賈侍御使江外

新騎驄馬復承恩使出金陵過海門  
荆南渭北難相見莫惜衫襟着酒痕

崔倉曹席上送殷寅充石相判官赴淮南

清淮無底綠江深宿處津亭楓樹林  
駟馬欲辭丞相府一樽一作須盡故人心

送崔子還京

匹馬西從天外歸揚鞭只共鳥爭飛  
送君九月交河北雪裏題詩淚滿衣

詩紀

盛唐卷之四十

十四

酒泉太守席上醉後作

酒泉太守能劒舞高堂置酒夜擊鼓  
胡笳一曲斷人腸座上相看淚如雨

題觀樓

荒樓荒井閉空山關今乘雲去不還  
羽蓋霓旌何處在空留藥臼向人間

草堂村尋羅生不遇

數株谿柳色依依深巷斜陽暮鳥飛  
門前雪滿無人迹應是先生出未歸

山房春事二首

風恬日暖蕩春光戲蝶遊蜂亂入房  
數枝門柳低垂折一片山花落筆牀

梁園日暮亂飛鴉極目蕭條三兩家  
庭樹不知人死盡春來還發舊時花

逢入京使

故園東望路漫漫雙袖龍鍾淚不乾  
馬上相逢無紙筆憑君傳語報平安

過磧

詩紀

盛唐卷之四十

十五

黃沙磧裏客行迷四望雲天直下低  
爲言地盡天還盡行到安西更向西

磧中作

走馬西來欲到天辭家見月兩回圓  
今夜不知何處宿平沙萬里絕人煙

赴北庭度隴思家

西向輪臺萬里餘也知鄉信日應疎  
隴山鸚鵡能言語爲報家人數寄書

胡歌



黑姓蕃王貂鼠裘葡萄宮錦醉纏頭關西老將能  
書戰上十行兵仍未休

趙將軍歌

九月天山風似刀城南獵馬縮寒毛將軍縱博場  
場勝賭得單于貂鼠袍

醉戲寶子美人

朱唇一點桃花殷宿妝嬌羞偏髻鬟細看只似陽  
臺女醉着莫許歸巫山

秋夜聞笛

詩紀

盛唐卷之四

六

天門街西聞搗帛一夜愁殺湘南客長安城中百  
萬家不知何人夜吹笛

戲問花門酒家翁

老人七十仍沽酒千壺百甕花門口道傍榆莢仍  
似錢摘來沽酒君肯否

春夢

洞房昨夜春風起遙憶美人湘江水枕上片時春  
夢中行盡江南數千里

冬夜

浩汗霜風刮天地溫泉火井無生意澤國龍蛇凍  
不伸南山瘦栢消殘翠

詩紀

盛唐卷之四十

十七

盛唐第四十

盛唐第四十一

唐詩紀一百一

鄆郡吳中珩彙編

鄆郡謝陞同校

李頎

東川人開元十三年賈季鄰榜進士調新鄉尉○殷璠云頎詩發調既新修詞亦秀

黃綬故論其數家往往高於衆作

五言古詩

湘夫人

九疑日已暮三湘雲復愁  
宵靄羅袂色潺湲江水  
流佳期來北渚捐佩在芳洲

詩紀

盛唐卷之四十一

二

塞下曲

黃雲鴈門郡日暮風沙裏  
千騎黑貂裘皆稱羽林  
子金笳吹朔雪鐵馬嘶雲水  
帳下飲蒲萄平生寸心是

古塞下曲

行人朝走馬直指薊城傍  
薊城通漠北萬里別吾鄉  
海上千烽火沙中百戰場  
軍書發上郡春色度河陽  
裏裏漢官柳青青胡地桑  
琵琶山色曲橫笛斷君腸

漁父歌

白首何老人簑笠蔽其身  
避世長不仕釣魚清江濱  
浦沙明濯足山月靜垂綸  
寓宿滄與瀨行歌秋復春  
持竿湘岸竹蕪火蘆洲  
新綠水飯香稻青荷包紫  
鱗於中還自樂所欲全吾  
真而笑獨醒者臨流多苦  
辛

東京

紀事作郊寄萬楚

渡落久無用隱身甘采薇  
仍聞薄宦者還事田家衣  
潁水日夜流故人相見稀  
春山不可望黃鳥東詩紀

盛唐卷之四十一

二

南飛濯足豈長往一樽聊可  
依了然潭上月適我胷中機  
在昔同門友如今出處非  
優游白虎殿偃息紀事作入青瑣闥且一作有薦君表當看携手歸

寄書不待面蘭茝空芳菲

寄焦鍊師

得道凡百歲燒丹惟一身  
悠悠孤峯頂日見三花春  
白鶴翠微裏黃精幽澗濱  
始知世上客不及山中  
人仙境若在夢朝雲  
空自新何由顏色揮手  
謝風塵

望鳴皋山白雲寄洛陽盧主簿

飲馬伊水中白雲鳴皋上氛氲山絕頂行子時一望照日龍虎姿攢空冰雪狀翳從殊未已峻嶒忽相向皎皎橫綠林霏霏澹青嶂遠映村更失孤高鶴來傍勝氣欣有逢仙遊且難訪故人吏京劇每事多開放室畫峨眉峯心搖洞庭浪惜哉清興裏不見予所尚

寄萬齊融

名高不擇仕委世隨虛舟小邑常嘆屈故鄉行可

詩紀

盛唐卷之四

三

遊青楓半村戶香稻盈田疇爲政日清淨何人同海鷗搖巾北林夕把菊東山秋對酒池雲一作風滿向家湖水流岸陰止鳴鵠山色映潛虬靡靡俗中理蕭蕭川上幽昔年至吳一作東郡常隱臨一作憶江樓我有一書札因之芳杜洲

贈張旭

張公性嗜酒豁達無所營皓首窮草隸時稱太湖精露頂據胡牀長叫三五聲興來灑素壁揮筆如流星下舍風蕭條寒草滿戶庭問家何所有生事

猶一作如漢不知醉與醒諸賓且方坐旭日臨東城荷葉裏江魚白甌貯香秬微祿心不屑放神於八紘時人不識者卽是安期生

贈蘇明府

蘇君年幾許狀貌如玉童采藥傍梁宋共言隨日翁常辭小縣宰一往東山東不復有家室悠悠人世中子孫皆老死相識悲轉蓬髮白還更黑身輕行若風汎然無所繫心與孤雲同出入雖一杖一作枝安然知始終願聞素女事去采山花叢誘我爲弟子逍遙尋葛洪

詩紀

盛唐卷之四十一

四

登首陽山謁夷齊廟

古人已不見喬木竟誰過寂寞首陽山白雲空復多蒼苔歸地骨皓首采薇歌畢命無怨色成仁其若何我來入遺廟時候微清和落日弔山鬼回風吹女蘿石門正一作崖西豁引領望黃河千里一飛鳥孤光東逝波驅車層城路惆悵此巖阿

謁張果先生

先生谷神者甲子焉能計自說軒轅師于今幾千  
歲寓遊城郭裏浪跡希夷際應物雲無心逢時舟  
不繫餐霞斷火粒野服兼荷製白雪淨肌膚青松  
一作春養身世韜精殊豹隱鍊骨一作質同蟬蛻忽去  
不知誰偶來寧有契二儀齊壽考六合隨一作同休  
憩彭聃猶嬰孩松期且微細嘗聞穆天子更憶漢  
皇帝親屈萬乘尊將窮四海裔車徒徧草木錦帛  
招談說八駿空往還三山轉虧蔽吾君感至德玄  
老欣來詣受錄金殿開清齋玉堂閉笙歌迎拜首

詩紀

盛唐卷之四十一

五

羽帳崇嚴衛禁柳垂香鑪宮花拂仙袂祈年寶祚  
廣致福蒼生惠何必待龍髯鼎成方取濟

光上座廊下衆山五韻

名嶽在廡下吾師居一牀每聞楞伽經只對清翠  
光百谷聚雪色莓苔侵屋梁氣盤古壁轉勢引幽  
堦長願遊薜蘿下日見金鑪香

九月九日劉十八東堂集

風俗尚九日此情安可忘菊花辟惡酒湯餅茱萸  
香雲入授衣假風吹開宇涼主人盡歡意林景晝

倣茫清切晚砧動東西歸鳥行淹留悵爲別日醉  
秋雲光

宋少府東谿泛舟

登岸還入舟水禽驚笑語晚葉低衆色濕雲帶殘  
一作繁暑落日乘醉歸谿流復幾許

與諸公遊濟瀆泛舟

濟水出王屋其源來不窮狀泉數眼沸平地流清  
通皇帝崇祀典詔書視三公分官禱靈廟奠璧沈  
河宮神應每如荅松篁氣葱蘢蒼螭送飛雨赤鯉

詩紀

盛唐卷之四十一

六

噴迴風灑洒布瑤席吹簫下玉童玄冥掌陰事祝  
史告年豐百谷趨潭底三光懸鏡中淺深露沙石  
蘋藻生虛空晚景臨汎美亭臯輕靄紅晴山傍舟  
櫂白鷺驚絲桐我本家潁北開一作出門見維嵩焉  
知松峯外又有天壇東左手正接羅浩歌眇青穹  
夷猶傲清吏偃仰狎漁翁對此川上閑非君誰與  
同霜凝遠村渚月淨蒹葭叢茲境信難遇爲歡殊  
未終淹留悵言別煙嶼夕微濛

送綦毋三謁房給事

夫子大名下家無鍾石儲惜哉湖海上曾校蓬萊  
書外物非本意此生空澹如所思但乘興遠適唯  
單車高道時坎坷故交願吹噓徒言青瑣闥不愛  
承明廬百里人戶滿片言爭訟疎手持蓮花經目  
送飛鳥餘晚景南路別炎雲中伏初此行儻不遂  
歸食蘆洲魚

送劉四

愛君少岐嶷高視白雲鄉九歲能屬文謁帝遊明  
光奉詔赤墀下拜爲童子郎爾來屢遷易三度尉

詩紀

盛唐卷之四

七

洛陽洛陽十二門官寺鬱相望青槐羅四面淥水  
貫中央聽訟破秋毫應物利干將辭滿如脫屣立  
言無否臧歲暮風雪暗秦中川路長行人飲臘酒  
立馬帶晨霜生事豈須問故園寒草荒從今署右  
職莫笑在農桑

送裴騰

養德爲衆許森然此丈夫放情白雲外爽氣連虬  
鬚衡鏡合知子公心誰謂無還令不得意單馬遂  
長驅桑野蠶忙時憐君久踟躕新晴荷卷葉孟夏

雉將雛令弟爲縣尹高城汾水隅相將簿領閒倚  
望相峯孤香露溥一作百草紫梨分萬株歸來授  
衣假莫使故園蕪

送司農崔丞

黃鸝鳴官寺香草色未已同時皆省郎而我獨留  
此維監太倉粟常對府小史清陰羅廣庭政事如  
流水奉使往長安今承朝野歡宰臣應記識明王  
必遷官塞外貌將虎池中駕與鸞詞人洞簫賦公  
子鵠鷄冠邑里春方晚昆明花欲闌行行取高位

詩紀

盛唐卷之四十一

八

當使路傍看

送崔侍御赴京

綠槐陰長路駿馬垂青絲柱史謁承明翩翩將有  
期千官大朝日奏事臨赤墀肅肅儀仗裏風生鷹  
隼姿一從登甲科三拜皆憲司按俗又如此爲郎  
何太遲送君暮春月花落城南隄惜別醉芳草前  
山勞夢思

送從叔遊襄陽

言別恨非一棄置我宗英向用五經笥今爲千里



行裏糧顧庭草羸馬詰朝鳴斗酒對寒食雜花宜  
晚晴春衣采洲路夜飲南陽城客夢峴山曉漁歌  
江水清楚俗少相知遠遊難稱情同人應館穀刺  
史在郊迎只合侍丹扆翻令辭上京時方春欲暮  
歎息向流鶯

贈別高三十五

五十無產業心輕百萬資屠酤亦與羣不問君是  
誰飲酒復垂釣狂歌兼詠詩焉知漢高士莫識越  
鴟夷寄跡棲霞山蓬頭睢水湄忽然辟命下衆謂

詩紀

盛唐卷之四十一

九

趨丹墀沐浴著賜衣西來馬行遲能令相府重且  
有函關期僂俛從寸祿舊遊梁宋時皤皤邑中叟  
相候鬢如絲官舍柳林靜河梁杏葉滋摘芳雲景  
晏把手秋蟬悲小縣情未愜折腰君莫辭吾觀王  
人意不義召京師

崔五宅送劉跋入京

行人惜寸景繫馬暫留歡昨日辭小沛何時到長  
安鄉中飲酒樽客裏行路難清洛雲鴻度故關風  
日寒維將道可樂不念身無官生事東山遠田園

芳歲蘭東歸余謝病西去子加餐宗伯非徒爾  
時正可干躬耕守貧賤失計在林端宿昔顏色  
慙無雙玉盤

送馬錄事赴永陽

子爲郡從事主印清淮邊談笑一州裏從容羣吏  
先手持三尺令遣決如流泉太守旣相許諸公誰  
不然孤城連海樹萬室帶山煙春日谿湖淨芳洲  
葭莢連炊杭蟹螯熟下筍鱸魚鮮野鶴宿簷際楚  
雲飛面前聽歌送離曲且駐木蘭船贈爾八行字

詩紀

盛唐卷之四十一

十

當聞佳政傳

臨別送張諲入蜀

出門便爲客惘然悲徒御四海一作方維一作維一身茫茫  
欲何去經山復歷水百恨將千慮劒閣望梁州是  
君斷腸處孤雲傷客心落日感君深夢裏蒹葭渚  
天邊橘柚林蜀江流不測蜀路險難尋木有相思  
號猿多愁苦音一作吟莫向禺山隱禺山地非近故  
鄉可歸來眼見芳菲盡

送王昌齡

漕水東去遠送君多暮情淹留野寺出向背孤山  
明前望數千里中無蒲稗生夕陽滿舟楫但愛微  
波清舉酒林月上解衣沙鳥鳴夜來蓮花界夢裏  
金陵城歎息此離別悠悠江海行

留別王盧二拾遺

此別不可道此心當報誰春風灞水上飲馬桃花  
時誤作好文士只令遊宦遲留書下朝客我有故  
山期

贈別穆元林

詩紀

盛唐卷之四十一

十二

貳職久辭

一作九載

滿藏名三十年丹墀策頻獻白首

官不遷明王日徵士吏曹何忽賢空懷濟世業欲  
棹滄浪船舉酒洛門外送君春海邊彼鄉有令弟  
小邑試烹鮮轉浦雲壑媚涉江花島連綠芳暗楚  
水白鳥飛吳煙贈贖亦奚貴流亂期早旋金閨會  
通籍生事豈徒然

不調歸東川別業

寸祿言可取託身將見遺慙無匹夫志悔與名山  
辭絳冕謝知己林園多後時葛巾方濯足蔬食但

垂帷十室對河岸漁樵祗在茲青郊香杜若白水  
映茅茨晝景徹雲樹夕陰澄古達渚花獨開晚田  
鶴靜飛遲且復樂生事前賢爲我歸清歌聊鼓楫  
永日望佳期

晚歸東園

出郭喜見山東行亦未遠夕陽帶歸路一作鷺靄靄  
秋稼晚樵者乘霽歸野夫一作人及星飯請謝朱輪  
客垂竿不復返

龍門西峯曉望劉十八不至

詩紀

盛唐卷之四十一

十二

春臺臨永路跂足望行子片片雲觸峯離離鳥渡  
水叢林遠山上霽景一作色雜花裏不見携手人下  
山采綠芷

裴尹東谿別業

公才

一作朝

廊廟器官亞河南守別墅臨都門驚湍

激前後舊交與羣從十日一攜手幅巾望寒山長  
嘯對高柳清歡信可尚散吏亦何有岸雪青城陰  
水光遠一作搖林首閑觀野人筏或飲川上酒幽雲  
澹徘徊白鷺飛左右庭竹垂卧內村煙隔南阜始

知物外情簪紱同芻狗

無盡上人東林禪居

草堂每多暇時謁山僧門所對但羣木終朝無一言我心愛流水此地臨清源含吐山上日蔽虧松外村孤峯隔身世百衲老寒暄禪戶積朝雪花龕來暮俵顧余守耕稼十載隱田園蘿篠慰春汲巖潭恣討論洩雲豈知限至道莫探元且願啓關鎖於焉微尚存

題綦毋校書所居

詩紀

盛唐卷之四十一

十三

常稱挂冠吏昨日歸滄洲行客暮帆遠主人庭樹秋豈伊問天命但欲爲山遊萬物我何有白雲空自幽蕭條江海上日夕見丹丘生事非漁釣賞心隨去留惜哉曠微月欲濟無輕舟倏忽令人老相思河水流

題盧道士房

秋砧響落木共坐茅君家惟見兩童子林前汲井華空壇靜白日神鼎飛丹砂塵尾拂霜草金鈴搖鸞霞上章人世隔看奕桐陰斜稽首開仙要黃精

堪餌花

題神力師院

大師神傑貌五嶽森禪房堅持日月珠豁見滄江長隨病拔諸苦致身如法王階庭藥草徧飯食天花香樹色向高閣晝陰橫半墻每聞第一義心淨琉璃光

題僧房雙桐

青桐雙拂日傍帶凌霄花綠葉傳僧磬清陰潤井華誰能事音律焦尾蔡邕家

詩紀

盛唐卷之四十一

十四

梁公院各賦一物得初荷

微風和衆草大葉長圓陰晴露珠共  
合夕陽花映深從來不着水清淨本因心

李兵曹壁畫山水各賦得桂水帆

片帆浮桂水落日天涯時飛鴈看其度閑雲相與遲長波無曉夜泛泛欲何之

題合歡

開花復卷葉豔眼又驚心蝶遶西枝露風披東幹陰黃衫漂細藥時拂女郎砧  
盛唐第四十一

盛唐第四十一

唐詩紀一百二

鄆郡吳中府志

鄆郡謝陞同校

李頎

七言古詩

古從軍行

白日登山望烽火，黃昏飲馬傍交河。行人刁斗風沙暗，公主琵琶幽怨多。野雲萬里無城郭，雨雪紛紛連大漠。胡雁哀鳴夜夜飛，胡兒眼淚雙雙落。聞道玉門猶被遮，應將性命逐輕車。年年戰骨埋荒外，空見蒲桃入漢家。

古行路難

漢家名臣楊德祖，四代五公享茅土。父子兄弟綰銀黃，躍馬鳴珂朝建章。火浣單衣繡方領，茱萸錦帶玉盤囊。賓客填街復滿座，片言出口生輝光。世人逐勢爭奔走，漚澹膽隳肝。惟恐後當時，一顧登青雲。自謂生死長隨君，一朝謝病還鄉里。窮巷蒼苔絕知己，已秋風落葉閉重門。昨日論交竟誰是，薄俗

嗟嗟難重陳，深山麋鹿可爲鄰。魯連所以蹈東海，古往今來稱達人。

緩歌行

小來託身攀貴遊，傾財破產無所憂。暮擬紀事經作夜過石渠署，朝將出入銅龍樓。結交杜陵輕薄子，謂言可生復可死。一沈一浮會有時，棄我翻然如脫屣。男兒立身須自強，十年閉戶賴水陽。業就功成見明主，擊鐘鼎食坐華堂。二八蛾眉梳墮馬，美酒清歌曲房下。文昌宮中賜錦衣，長安陌上退朝歸。  
詩紀  
盛唐卷之四十二  
五陵賓從莫敢視，三省官僚揖者稀。早知今日讀書是，悔作從前任一作來俠非。

琴歌

主人有酒歡今夕，請奏鳴琴廣陵客。月照城頭烏半飛，霜淒萬樹風入衣。銅鑪華燭燭增輝，初彈淥水後楚妃。一聲已動物皆靜，四座無言星欲稀。清淮奉使千餘里，敢告雲山從此始。

放歌行答從弟墨卿

小來好文恥學武，世上功名不解取。雖沾寸祿已



後時徒欲出身事明主柏梁賦詩不及宴長楸走  
馬誰相數歛迹俛眉心自甘高歌擊節聲半苦由  
是蹉跎一老夫養雞牧豕城東隅空歌漢代蕭相  
國肯事霍家馮子都徒爾當年聲籍籍濫作詞林  
兩京客故人斗酒安陵橋黃鳥春風洛陽陌吾家  
令弟才不羈五言破的人共推興來逸氣如濤湧  
千里長江歸海時別離短景何蕭索佳句相思能  
間作舉頭遙望魯陽山木葉紛紛向人落

王母歌

詩紀

盛唐卷之四十二

三

武皇齋戒承華殿端拱須臾王母見霓旌照耀麒麟  
車羽蓋淋漓孔雀扇手指玄

紅事  
作交

梨遣帝食可

以長生臨寓縣頭上復

一作上  
元頭

戴九星冠總領玉

童坐南面欲聞要言今告汝帝乃焚香請此語若

能鍊魄去三尸後當見我天皇所顧謂侍女董雙

成酒闌可奏雲和笙紅霞白日儼不動七龍五鳳

紛

一作來

相迎惜哉志驕神不悅歎息馬蹄與車轍

複道歌鐘香將暮深宮桃李飛

一作花

成雪爲

一作何

看青玉五枝燈蟾蜍吐火光欲

一作已

絕

鮫人歌

鮫人潛織水底居側身上下隨游一作能魚輕綃文  
綵不可識夜夜澄波連一作流月色有時寄宿來城  
市海島青冥無極已泣珠報恩君莫辭今年相見  
明年期始知萬族無不有百尺深泉架戶牖鳥沒  
空山誰復望一望雲濤堪白首

夏宴張兵曹東堂

重林華屋堪避暑况乃烹鮮會佳客主人三十朝  
大夫滿座森然見矛戟北窓卧簟連心花竹裏蟬

詩紀

盛唐卷之四十二

四

鳴西日斜羽扇搖風却珠汗玉盆貯水割甘瓜雲  
峯峨峨自冰雪坐對芳樽不知熱醉來但挂葛巾

眠莫道明朝有離別

同張貞外譚詠答之作

洛中高士日沈冥手自灌園方帶經王湛牀頭見  
周易張康傳裏好丹青鶚冠葛屨無名位博奕賦  
詩聊遣意清言只到衛家兒用筆能誇鍾太尉東  
籬二月種蘭蓀窮巷人稀鳥雀喧聞道郎官問生  
事肯令鬢髮老柴門



欲之新鄉答崔顥綦毋潛

數年作吏家屢空誰道黑頭成老翁男兒在世無  
產業行子出門如轉蓬吾屬交歡此何夕南家擣  
衣動歸客銅鑪將炙相歡飲星宿縱橫露華白寒  
風卷葉度渟沱飛雪布地悲峨峨孤城日落見棲  
鳥馬上時聞漁者歌明朝東路把君手臘日辭君  
期歲首自知寂寞無去思敢望縣人致牛酒

荅高三十五留別便呈于十一

累薦賢良皆不就家近陳留訪耆舊韓康雖復在

詩紀

盛唐卷之四十二

五

人間王霸終思隱巖竇清冷池水灌園蔬萬物滄  
江心澹如妻子歡同五株柳雲山老對一牀書昨  
日公車見三事明君賜衣遣爲吏懷章不使郡邸  
驚待詔初從闕庭至散誕由來自不羈低頭授職  
爾何爲故園壁挂烏紗帽官舍塵生白接羅寄書  
寂寂於陵子蓬蒿沒身胡不仕藜羹被褐環堵中  
歲晚將貽故人恥

送康洽入京進樂府歌

識子十年何不遇只愛歡遊兩京路朝吟左氏嬌

女篇夜誦相如美人賦長安春物舊相宜小花蒲  
萄花滿枝柳色偏濃九華殿鸞聲醉殺五陵兒  
裙此日從何所中貴由來盡相許白袂一作快春衫  
仙吏贈烏皮隱几臺郎與新詩樂府唱堪愁御妓  
應傳鵲樓西上雖因長公主終須一見曲陵一作陽侯

送劉十

三十不官亦不娶時人焉識道高下房中唯有老  
氏經樞上空餘少游馬往來蒿華與函秦放歌一

詩紀

盛唐卷之四十二

六

曲前山春西林獨鶴引閑步南澗飛泉清角巾前  
年上書不得意歸卧東窓兀然醉諸兄相繼掌青  
史第五之名齊驃騎烹葵摘果告我行落日夏雲  
縱復橫聞道謝安掩口笑知君不免爲蒼生

送王道士還山

嵩陽道士餐柏實居處三花對石室心窮伏火陽  
精丹口誦淮王萬畢術自言神訣不可求我師聞  
之玄圃遊出入彤庭佩金印承恩赫赫如王侯雙  
峯樹下曾受業應傳肘後長生法吾聞仙地多後

身安知不是具茨人玉膏清泠瀑泉水白雲谿中  
日方此從今不見數十年鬢髮顏容只如是先生  
捨我欲何歸竹杖黃裳登翠微當有巖前白蝙蝠  
迎君日暮雙來飛

別梁錚

梁生個儻心不羈途窮氣蓋長安兒回頭轉盼似  
鵬鷃有志飛鳴人豈知雖云四十無祿位曾與大  
軍掌書記抗辭請刃誅部曲作色論兵犯二帥一  
言不合龍額侯擊劍拂衣從此棄朝朝飲酒黃公

詩紀

盛唐卷之四十二

七

壚脫帽露頂爭叫呼庭中憤鼻昔嘗挂懷裏琅玕  
今在無時人見子多落魄共笑狂歌非遠圖忽然  
遣躍紫騮馬還是昂藏一丈夫洛陽城頭曉霜白  
層冰峨峨滿川澤但聞行路吟新詩不歎舉家無  
擔石莫言貧賤長可欺覆簣成山當有時莫言富  
貴長可託木槿朝看暮還落不見古時塞上翁倚  
伏由來任天作去去滄波勿復陳五湖三江愁殺  
人

送從弟遊江淮兼謁鄱陽劉太守

都門柳色朝朝新念爾今爲江上人穆陵關帶清  
風遠彭蠡湖連芳草春泊舟借問西林寺曉聽猿  
聲在山翠潯陽北望鴻鴈回湓水東流客心醉須  
知聖代舉賢良不使遺才滯一方應見鄱陽虎符  
守思歸共指白雲鄉

雙筍歌送李回兼呈劉四

並抽新筍色漸綠迴出空林雙碧玉春風解箨雨  
潤根一枝半葉清露痕爲君當面拂雲日孤生四  
遠何足論再三抱此悵爲別嵩洛故人與之說

詩紀

盛唐卷之四十二

八

送劉四赴夏縣

九霄特立紅鸞姿萬仞孤生玉樹枝劉侯致身能  
若此天骨自然多歎美聲名播揚二十年足下長  
途幾千里與世皆親丞相閣我心獨愛伊川水脫  
略勢利猶埃塵嘯傲時人而已矣新詩數歲卽文  
雄上書昔召蓬萊官明主拜官麒麟閣光車駿馬  
看玉童高人往來廬山遠隱士往來張長公扶南  
甘蕉甜如蜜雜以荔枝龍州橘赤縣繁詞滿劇曹  
白雲孤峯暉永日朝持手板望飛鳥暮誦楞伽對

空室一朝出宰汾河間明府下車人吏閑端坐訟庭更無事開門咫尺巫咸山男耕女織蒙惠化麥熟雉鳴長秋稼明年九府議功時五辟三徵當在茲聞道桐鄉有遺老邑中還欲置生祠

少室雪晴送王寧

少室衆峯幾峯別一峯晴見一峯雪隔城半山連青松素色峨峨千萬重過景斜臨不可道白雲欲盡難爲容行人與我翫幽境北風切切吹衣冷惜別浮橋駐馬時舉頭試望南山嶺

詩紀

盛唐卷之四十二

九

送陳章甫

四月南風大麥黃棗花未落桐陰長青山朝別暮還見嘶馬出門思舊鄉陳侯立身何坦蕩虬鬚虎眉仍大顙腹中貯書一萬卷不肯低頭在草莽東門酤酒飲我曹心輕萬事如鴻毛醉卧不知白日暮有時空望孤雲高長河浪頭連天黑津吏停舟渡不得鄭國遊人未及家洛陽行子空歎息聞道故林相識多罷官昨日今如何

聽安萬善吹觱篥歌

南山截竹爲觱篥此樂本自龜茲出流傳漢地曲轉奇涼州胡人爲我吹傍鄰聞者多歎息遠客思鄉皆淚垂世人解聽不解賞長飈風中自來往枯桑老柏寒飈颼九雛鳴鳳亂啾啾龍吟虎嘯一時發萬籟百泉相與秋忽然更作漁陽摻黃雲蕭條白日暗變調如聞楊柳春上林繁花照眼新歲夜高堂列明燭美酒一杯聲一曲

魏倉曹東堂櫻樹

愛君雙櫺一樹奇千葉齊生萬葉垂長頭拂石帶

詩紀

盛唐卷之四十二

十

煙雨獨立空山人莫知攢青蓄翠陰滿屋紫穗紅英曾斷目洛陽墨客遊雲間若到麻源第三谷

照公院雙橙

種橙夾階生得地細葉隔簾見雙翠抽條向長未及肩泉水遶根日三四青青何必楚人家帶雨凝煙新着花永願香爐灑甘露夕陽時映東枝斜南庭黃竹爾不敵借問何時堪挂錫

愛敬寺古藤歌

古藤池水盤樹根左攬右擎龍虎蹲橫空直上相

陵突丰茸離纏若無骨風雷霹靂連黑枝人言其  
下藏妖魍空庭落葉作開合十月苦寒常倒垂憶  
昨花飛滿空殿密葉吹香飯僧遍南階雙桐一百  
尺相與年年老霜霰

崔五六圖屏風各賦一物得烏孫佩刀

烏孫腰間佩兩刀刃可吹毛錦爲帶握中枕宿窮  
廬室馬上割飛翳翕塞執之魍魎誰能前氣凜清  
風沙漠邊磨用陰山一片玉洗將胡地獨流泉王  
人屏風寫奇狀鐵鞘金鏤儼相向回頭瞪目時一

詩紀

盛唐卷之四十二

十一

看使予心在江湖上

長短句

古意

男兒事長征少小幽燕客賭勝馬蹄下由來輕七  
尺殺人莫敢前鬚如蝟毛磔黃雲隴底白雪飛未  
得報恩不能一作歸遼東小婦年十五慣彈琵琶  
解歌舞今爲羌笛出塞聲使我三軍淚如雨

采蓮

越谿女越谿蓮齊苗苗雙嬋娟嬉遊向何處采摘

且同船浩唱發容與清波生漪連時逢島嶼泊幾  
伴鴛鴦眠襟袖旣盈溢馨香亦相傳薄暮歸去來  
苧羅生碧煙

雜興

沈沈牛渚磯舊說多靈怪行人夜秉生犀燭洞照  
洪深闊滂湃乘車駕馬往復旋赤紱朱冠何偉然  
波驚海若潛幽石龍抱胡髯卧黑泉水濱丈人曾  
有語物或惡之當害汝武昌妖夢果爲災百代英  
威埋鬼府青青蘭艾本殊香察見泉魚固不祥濟  
水自清河自濁周公大聖接輿狂千年魍魎逢華  
表九日茱萸作佩囊善惡死生齊一貫祗應斗酒  
任蒼蒼

絕纓歌

楚王宴客章華臺章華美人善歌舞玉顏豔豔空  
相向滿堂目成不得語紅燭滅芳酒闌羅衣半醉  
春夜寒絕纓解帶一爲歡君王赦過不知罪  
暗中珠翠鳴珊珊寧愛賢不愛色青娥買死誰能  
識果却一軍全社稷



鄭櫻桃歌

石季龍僭天祿擅雄豪美人姓鄭名櫻桃櫻桃美  
顏香且澤娥娥侍寢專宮掖後庭卷衣三萬人翠  
眉清鏡不得親宮軍女騎一千匹繁花照耀漳河  
春織成花映紅綸巾紅旗掣曳鹵簿新鳴輦走馬  
接飛鳥銅駝瑟瑟隨去塵鳳陽重門如意館百尺  
金梯倚銀漢自言富貴不可量女爲公主男爲王  
赤花雙簾珊瑚牀盤龍斗帳琥珀光淫昏僞位神  
所惡滅石者陵終不悟鄴城蒼蒼白露微世事

詩紀

盛唐卷之四十二

十三

翻覆黃雲飛

送劉昱

八月寒葦花秋江浪頭白北風吹五兩誰是潯陽  
客鷓鴣山頭微雨晴揚州郭裏暮潮生行人夜宿  
金陵渚試聽沙邊有鴈聲

送郝判官

楚城木葉落夏口青山遍鴻鴈向南時君乘  
使者傳楓林帶水驛夜火明山縣千里送行人蔡  
州如眼見江連清漢東逶迤遙望荆雲相蔽虧應

襄陽舊風俗爲余騎馬習家池

送劉方平

綺紈遊上國多作少年行二十二詞賦惟君著美  
名童顏且白哲佩德如瑤瓊荀氏風流盛胡家公  
子清有才不偶誰之過肯卽藏鋒事高卧洛陽草  
色猶自春遊子東歸喜拜親漳水橋頭值鳴鴈朝  
歌縣北少行人別離斗酒心相許落日青郊半微  
雨請君騎馬望西陵爲我殷勤弔魏武

聽董大彈胡笳聲兼寄語弄房給事

詩紀

盛唐卷之四十二

十四

蔡女昔造胡笳聲一彈一十有八拍胡人落淚沾

向一作邊草漢使斷腸對歸客古戍蒼蒼烽火寒大

荒沈一作沈飛雪白先拂商絃後角羽四郊秋葉

驚撼撼董夫子通神明深松一作竊聽來妖精言

遲更速皆應手將往復旋如有情空山百鳥散還

合萬里浮一作雲陰且晴一作嘶酸雛鴈失羣夜

斷絕胡兒戀母聲川爲靜其波鳥亦罷其鳴烏孫

珠一作部落家鄉遠邏娑沙塵哀怨生幽音變調忽

飄灑長風吹林雨墮瓦迸泉颯颯飛木末野鹿呦



叨走堂下長安城連東掖垣鳳凰池對青瑣門高才脫畧名與利日夕望君抱琴至

彈碁歌

崔侯善彈碁巧妙盡於此藍田美石清如砥白黑相分十二子聯翩百中皆造微魏文手巾不足比緣邊度隴未可嘉烏跂星懸正復斜迴颺轉指速飛電拂四取五旋風花坐中齊聲稱絕藝仙人六博何能繼一別常山道路遙爲余更作三五

勢

詩紀

盛唐卷之四十二

五

盛唐第四十二

盛唐第四十三

唐詩紀一百三

鄆郡吳中珩集編

鄆郡謝陞同校

李頎三

五言律詩

塞下曲

少年學騎射勇冠并州兒直愛出身早邊功沙漠垂戎纓腰下插羌笛雪中吹膂力今應盡將軍猶未知

詩紀

盛唐卷之四十三

二

寄鏡湖朱處士

澄霽晚流闊微風吹綠蘋鱗鱗遠峯見淡淡平湖春芳草日堪把白雲心所親何時可爲樂夢裏東山人

宴陳十六樓

樓在陳金谷

西樓對金谷此地古人心白日落庭內黃花生澗陰四鄰見疎木萬井度寒砧石上題詩處千年留至今

送相里造入京

子月過秦正寒雲覆洛城嗟君未得志猶作苦辛  
行煖酒嫌衣薄瞻風候雨晴春官含笑待驅馬速  
前程

送錢子入京

夜夢還京北鄉心恨擣衣朝逢入秦使走馬喚君  
歸驛路清霜下關門黃葉稀還家應信宿看子速  
如飛

送蔡母三寺中賦得紗燈

禪室吐香燼輕紗籠翠煙長繩掛青竹百尺垂紅

詩紀

盛唐卷之四十三

二

蓮燭燭衆星下玲瓏雙塔前含光待明發此別豈  
徒然

送人尉閩中

可歎芳菲日分爲萬里情閩門折垂柳御苑聽殘  
鶯海戍通閩邑江航過楚城客心君莫問春草是  
王程

送人歸沔南

梅花今正發失路復何如舊國雲山在新年風景  
餘春饒漢陽夢日寄武陵書可卽明時老臨川莫

羨魚

送盧逸人

洛陽爲此別攜手更何時不復人間見祇應海上  
期清谿入雲木白首卧茅茨共惜盧敖去天邊望  
所思

送顧朝陽還吳

寂寞俱不偶裏糧空入秦宦途已可識歸卧包山  
春舊國指飛鳥滄波愁旅人開樽洛水上怨別柳  
花新

詩紀

盛唐卷之四十三

三

送竇參軍

城南送歸客舉酒對林巒暄鳥迎風轉春衣度雨  
寒桃花開翠幕柳色拂金鞍公子何時至無令  
草闌

望秦川

秦川朝望迥日出正東峯遠近山河淨遙迤城闕  
重秋聲萬戶竹寒色五陵松客有歸歎歎懷其霜  
露濃

晚歸故園

荆扉帶郊郭稼穡滿東菑倚杖寒山暮鳴梭秋葉  
時回雲覆陰谷返景照霜梨澹泊真吾事清風別  
自茲

覺公院施烏石臺

石臺置香飯齋後施諸禽童子亦知善衆生無懼  
心苔痕蒼曉露盤勢出香林錫杖或圍繞吾師一  
念深

籬筍

東園長新筍映日復穿籬迸出依青嶂攢生伴綠

詩紀

盛唐卷之四十三

四

池色

一作

因林向背行逐地高卑但恐春將老青

青獨爾爲

達奚吏部夫人寇氏挽歌

存歿令名傳青青松柏田事姑稱孝婦生子繼先  
賢露濕銘旌重風吹鹵簿前陰堂從此閉誰誦女  
師篇

七言律詩

寄司勳盧員外

流漸臘月下河陽草色新年發建章秦地立春傳

太史漢官題柱憶仙郎歸鴻欲度千門雪侍女新  
添五夜香早晚薦雄文似者故人今已賦長楊

寄蔡母三

新加大邑綬仍黃遊與單車去洛陽顧眄一過丞  
相府風流三接令公香南川稷稻花侵縣西嶺雲  
霞色滿堂其道進賢蒙上賞看君幾歲作臺郎

送魏萬之京

朝聞遊子唱離歌昨夜微霜初渡河鴻鴈不堪愁  
裏聽雲山况是客中過關城樹

詩紀

盛唐卷之四十三

五

苑砧聲向晚多莫見長安行樂處空今歲月易蹉  
跎

送李回

知君官屬大司農詔幸驪山職事雄歲發金錢供  
御府晝看仙液注離宮千巖曙雪旌門上十月寒  
花輦路中不覩聲名與文物自傷流滯去關東

宿瑩公禪房聞梵

花宮仙梵遠微微月隱高城鐘漏稀夜動霜林驚  
落葉曉聞天籟發清機蕭條已入寒空靜颯沓仍

隨秋雨飛始覺浮生無住着頓令心地欲皈依

題璿公山池

遠公遯跡廬山岑開山

一作云

幽居祇樹林片石孤

峯窺色相清池白

一作皓

月照

一作點

禪心指揮如意

天花落坐卧閑房春草深此外俗塵俱不染惟餘玄度得相尋

題盧五舊居

物在人亡無見期閑庭繫馬不勝悲窓前綠竹生空地門外青山如舊時悵望秋天鳴墜葉噴岼枯

詩紀

盛唐卷之四十三

六

柳宿寒鴟憶君淚落東流水歲歲花開知是誰

五言排律

贈別張兵曹

漢家蕭相國功蓋五諸侯勲業河山重丹青錫命優君爲禁鬱壻爭看玉人遊荀令焚香日潘郎振藻秋新成鸚鵡賦能衣鸛鷖表不憚軒車遠仍尋薜荔幽苑梨飛絳葉伊水淨寒流雪滿故關道雲遮祥鳳樓一身輕寸祿萬物任虛舟別後如相問滄波雙白鷗

宿香山寺石樓

夜宿翠微半高樓聞暗泉漁舟帶遠火山磬發孤

煙衣拂

一作殿

雲松外門清河漢邊峯巒低枕席世

界接人天靄靄花出霧輝輝星映川東林曙鶯滿惆悵欲言旋

聖善閣送裴迪入京

雲

一作雪

華滿

一作歛

高閣苔色上鈎欄藥草空堦靜

梧桐返照寒清吟可愈疾攜手暫同歡墜葉和金磬饑鳥鳴露盤伊流

紀事

惜東別灞水向西看舊

詩紀

盛唐卷之四十三

七

託含香署雲霄何足難

奉送漪叔遊潁川兼謁淮陽太守

罷吏今何適辭家方獨行嵩陽入歸夢潁水半前程聞道淮陽守東南卧理清郡齋觀政日人馬望鄉情疊嶺雪初霽寒砧霜後鳴臨川嗟拜手寂寞事躬耕

二妃廟送裴侍御使桂陽

沅上秋草晚蒼蒼堯女祠無人見精魄萬古寒猿悲桂水身歿後椒漿神降時回雲迎赤豹驟雨颯

文狸受命出炎海焚香徵楚詞乘驄感遺跡一弔清川湄

送暨道士還玉清觀

仙宮

一作官

有名籍度世吳江濱大道本無我青春

長與君中州俄已到至理得而聞明王降黃屋時人看白雲空山何窈窕三秀日氛氲遂此留書客超遙煙駕分

送劉主簿歸金壇

與子十年舊其如離別何宦遊鄰故國歸夢是滄

詩紀

盛唐卷之四十三

八

波京口青山遠金陵芳草多雲帆曉容裔江日晝清和縣郭舟人飲津亭漁者歌茅山有仙洞美爾再經過

送盧少府赴延陵

問君從宦所何日府中趨遙指金陵縣青山天一隅行人懷寸祿小吏獻新圖北固波濤險南天風俗殊春江連橘柚晚景媚菰蒲漠漠花生渚亭亭雲過湖灘沙映春火水霧斂檣鳥回首東門路鄉書不可無

送東陽王太守

江臯杜蘅綠芳草日遲遲檜楫今何去星郎出守時彤襜問風俗明主寄憐嫠令下不徒爾人和當在茲昔年經此地微月有佳期洞口桂花白巖前春草滋素沙靜津瀨青壁帶川坻野鶴每孤立林巖常晝悲

送皇甫曾遊襄陽山水兼謁韋太守

峴山枕襄陽滔滔江漢長山深卧龍宅水淨斬蛟鄉元凱春秋傳昭明文選堂風流滿今古煙島思

詩紀

盛唐卷之四十三

九

微茫白鴈暮衝雪青林寒帶霜蘆花獨戍晚柑實萬家香舊國欲茲別輕舟眇未央百花亭漫漫一柱觀蒼蒼按俗荆南牧持衡吏部郎逢君立五馬應醉習家塘

龍門送裴侍御監五嶺選

萬里番禺地官人繼帝憂君爲枉下史將命出東周歇馬傍川路張燈臨石樓稜稜靜蹕木渾渾響寒流椰葉四荒外梅花五嶺頭明珠尉佗國翠羽夜郎洲夷俗富珍產土風資宦遊心清物不雜弊



華事無留舉善必稱最持姦當去无何辭杜江表  
今日用賢秋

送喬琳

草綠小平津花開伊水濱今君不得意孤負  
帝鄉春口不言金帛心常任屈伸阮公能飲  
酒陶令肯羞貧陽美風流地滄江遊寓人菱歌五  
湖遠桂樹八公鄰青鳥迎孤棹白雲隨一身  
潮隨秣陵上月映石頭新未可逃名利應須在縉  
紳汀洲芳杜色勸爾暫垂綸

詩紀

盛唐卷之四十三

十

題少府監李丞山池

能向府亭內置茲山與林他人驪驪馬而我薜蘿  
心雨止禁門肅鶯啼官柳深長廊闕軍器積水背  
城陰牕外王孫草牀頭中散琴清風多仰慕吾亦  
爾知音

長壽寺榮公院新甃井

僧房來往久露井每同觀白石抱新甃蒼苔依舊  
欄空瓶宛轉下長綆轆轤盤境界因心淨泉源見  
底寒鐘鳴時灌頂對此日閑安

魏倉曹宅各賦一物得當軒石竹

羅生殊衆色獨爲表華滋雖雜蕙蘭處無爭桃李  
時同人趨府暇落日後庭期密葉散紅點靈條驚  
紫蕤芳非看不厭采摘願來茲

五言絕句

奉送五叔入京兼寄綦母三

雲陰帶殘日悵別此何時欲望黃山道無由見所  
思

七言絕句

詩紀

盛唐卷之四十三

十一

寄韓鵬

爲政心閑物自閑朝看飛鳥暮飛還寄書河上神  
明宰羨爾城頭姑射山

百花原

一作王昌齡  
出塞行

百花原頭望京師黃河水流無已時

一作窮秋

秋曠野行人絕馬首東西來知是誰

遇劉五

洛陽一別梨花新黃鳥飛飛逢故人攜手當年共  
爲樂無驚蕙草惜殘春

送崔嬰赴漢陽

中外相連第與兄新加小縣子男名纔年三十佩  
銅印知爾弦歌漢水清

送五叔入京兼寄綦母三

吏部明年拜官後西城必與故人期寄書春草年  
年色莫道相逢玉女祠

野老曝背

百歲老翁不種田惟知曝背樂殘年有時捫虱獨  
搔首目送歸鴻離下眠

詩紀

盛唐卷之四十三

十二

闕文

詠張譔山水

小山破體閑支策落日梨花照空壁詩堪記室妬  
風流畫與將軍作勅敵

失題

紫極殿前朝伏奏龍花會裏日相望別離歲歲如  
流水誰辨他鄉與故鄉

盛唐第四十三

盛唐第四十四

唐詩紀一百四

鄆郡吳中珩彙編

鄆郡謝陞同校

祖詠

洛陽人開元十三年進士張說在并州  
為駕部員外郎殷璠云詠詩力刻省  
思尤苦氣雖不高調頗凌俗亦可稱為才子

古意二首

夫差日淫放舉國求妃嬪自謂得王寵代間無美  
人碧羅象天閣坐輦乘芳春宮女數千騎常

遊江水濱年深玉顏老時薄花妝新拭淚下金殿

詩紀

盛唐卷之四十四

一

嬌多不顧身生前妬歌舞死後同灰塵塚墓令人  
哀哀於銅雀臺

楚王竟何去獨自留巫山偏使世人見迢迢江水

一作間駐舟春谿一作裏誓願拜靈顏夢寐覩神

女金沙鳴珮環閑豔絕世姿令人氣力微含笑默

一作不語化作朝雲飛

渡淮河寄平一

天色混波濤岸陰匝村墅微微漢祖廟隱隱江陵  
渚雲樹森已重時明鬱相拒

歸汝墳山莊留別盧象

淹留歲將宴又廢南山期舊業不見棄還山從此  
辭漚麻入南澗刈麥一作楚向東畱對酒雞黍熟閉  
門風雪時非君一延首誰慰遙相思

夕次圃田店

前路入鄭郊尚經百餘里馬煩時欲歇客歸程未  
已落日桑柘陰遙村一作林煙火起西還不遑宿中  
夜渡涇水

田家即事

詩紀

盛唐卷之四十四

二

舊居東臯上左右俯荒村樵路前傍嶺田家遙對  
門歡娛始披拂愜意在郊原餘霽蕩川霧新秋仍  
晝昏攀條憩林麓引水開泉源稼穡豈云倦桑麻  
今正繁方求靜者賞偶與潛夫論雞黍何必具吾  
心知道尊

扈從御宿池

一作題作御宿池

君王既巡

一作出

狩輦道

一作入

秦京遠樹低槍壘

孤峯

一作山

入幔城寒疎清禁漏夜警羽林兵誰念

迷方客長懷魏闕情

贈苗發員外

宿雨朝來歇空山天氣清盤雲雙鶴下隔水一蟬  
鳴古道黃花落平蕪赤燒生茂陵雖有病猶得伴  
君行

荅王維畱宿

四年不相見相見復何爲握手言未畢却令傷別  
離升堂還駐馬酌醴便呼兒語嘿自相對安用傍  
人知

長樂驛畱別盧象裴綽

詩紀

盛唐卷之四十四

三

朝來已握手宿別更傷心灞水行人渡商山驛路  
深故情君且足謫宦我難任直道皆如此誰能淚  
滿襟

送劉高郵稅使入都

常聞積歸思昨夜又兼秋鄉路京華遠王程江水  
流吳歌喧兩岸楚客醉孤舟漸覺潮初上悽然多  
暮愁

宴吳王宅

吳王承國寵列第禁城東連夜徵詞客當春試舞

童砌分池水岸  
窓度竹林風  
更待西園月  
金樽樂未終

觀華嶽

西入秦關口  
南瞻驛路連  
彩雲生闕下  
松樹到祠邊  
作鎮當官道  
雄都俯大川  
一作爲雄連一作峯

泗上馮使君南樓作

井邑連淮泗  
南樓向晚過  
望灘沙鷺起  
尋岸浴童歌  
近海雲偏出  
兼秋雨更多  
明晨擬回棹  
鄉歸一作

詩紀

盛唐卷之四十四

四

思恨風波

蘇氏別業

別業居幽處  
到來生隱心  
南山當戶牖  
澧水映園林  
屋竹一作覆  
經冬雪庭昏  
未夕陰寥寥  
人境外閑坐聽春禽

汝墳別業

失路農爲業  
移家到汝墳  
獨愁常廢卷  
多病久離羣  
鳥雀垂窓柳  
虹霓出澗雲  
山中無外事  
樵唱有時聞

陸渾水亭

晝眺伊川曲  
巖間霽色明  
淺沙平一作有路流水  
漫無聲  
浴鳥沿波聚  
潛魚觸釣驚  
更憐春岸綠  
幽意滿前楹

過鄭曲

路向榮川谷一作晴來望盡通  
細煙生水上  
圓月在舟中  
岸勢迷行客  
秋聲亂草蟲  
旅懷勞自慰  
淅淅有涼風

宿陳留李少府揆廳

詩紀  
盛唐卷之四十四  
五  
相知有叔卿  
訟簡夜兩清  
旅泊倦愁卧  
空堂聞曙更  
風簾搖燭影  
秋雨帶蟲聲  
歸思那堪說  
悠悠限洛城

題韓少府水亭

梅福幽棲處  
佳期不忘還  
鳥啼當戶竹  
花繞傍池山水氣侵堦  
冷松陰覆座  
閑寧知武陵趣  
宛在市朝間

題遠公經臺

蘭若無人到  
真僧出復稀  
苔侵行道席  
雲濕坐禪

衣澗鼠緣香案山蟬噪竹扉世間長不見寧止暫  
忘歸

中峯居喜見苗發

一作李端詩

自得中峯住深林亦閉關經秋無客到入夜有僧  
還暗澗泉聲小荒岡樹影閑高窓不可望星月滿  
空山

江南旅情

楚山不可極歸路但蕭條海色晴看雨江聲夜聽  
潮劒留南斗近書寄北風遙爲報空潭橘無媒贈

詩紀

盛唐卷之四十四

六一

一作寄洛橋

泊楊子津

纔入維揚郡鄉關此路遙林藏初過

一作地

一作齊雨

風退欲歸潮江火明沙岸雲帆礙浦橋客衣今日

一作正

一作來薄寒氣近

晚泊金陵水亭

江亭當廢國秋景倍蕭騷夕照明殘壘寒潮漲古  
濠就田看鶴大隔水見僧高無限前朝事醒吟易  
覺勞

七夕

閨女求天女更闌意未闌玉庭開粉席羅袖捧金  
盤向月穿鍼易臨風整線難不知誰得巧明旦試  
相看

望荊門

燕臺一望

一作去

客心驚簫鼓喧喧漢將營萬里寒

光生積雪三邊曙色動危

一作旌

沙場烽火連胡

月海畔雲山擁荊城少小雖非投筆吏論功還欲  
請長纓

詩紀

盛唐卷之四十四

七

家園夜坐寄郭微

前堵微雨歇開戶散窺林月出夜方淺水涼池更  
深餘風生竹樹清露薄衣襟遇物遂遙歎懷人滋  
遠心依稀成夢想影響絕徽音誰念窮居者明時  
嗟陸沈

酬汴州李別駕贈

秋風多客思行旅厭艱辛自洛非才子遊梁得主  
人文章參末議榮賤豈同倫歎逝逢三演懷賢憶  
四真

一作歡世同王演家賢憶法真

情因恩舊好契託死生親所



媿能投贈清言益潤身

清明宴司勳劉郎中別業

田家復近臣行樂不違親  
露日園林好清明煙火  
新以文長會友唯德自成鄰  
池照一作牕陰晚杯  
香簾藥味春簷前花覆地  
竹外鳥窺人何必桃源裏  
深居作隱淪

汝墳秋同仙州王長史翰聞百舌鳥

秋天門好鳥驚起出簾帷  
却念殊方月能鳴已後  
時遷喬誠可早出谷此何遲  
顧影慙無對懷羣空

詩紀

盛唐卷之四十四

八

所思淒涼歲欲晚蕭索燕將辭  
畱聽未終曲

彌令心獨悲高飛憑力致巧轉任天姿  
返覆知而靜間關斷若遺花繁上林路  
霜落汝川湄且長凌風翮乘風自有期

寄王長史

汝穎俱宿好往來託層巒終日何寂寞  
繞籬生蕙蘭

別怨

送別到中流秋船倚渡頭  
相看尚不遠未可卽回

舟

終南望餘雪

終南陰嶺秀積雪浮雲端  
林表明霽色城中增暮寒

萬楚

紀事云登開元進士第李嶼有東郊寄楚詩

題江潮莊壁

田家喜秋熟歲宴林葉稀  
禾黍積場圃植梨垂戶扉  
野閑犬時吠日暮牛自歸  
時復落花酒茅齋堪解衣

詩紀

盛唐卷之四十四

九

小山歌

人說淮南有小山淮王昔日此登仙  
城中雞犬皆飛去山上壇場今宛然  
世人貴身不貴壽共笑華陽洞天口  
不知金石變長年謾在人間戀攜手  
君能舉帆至淮南家住盱眙余先諳  
桐柏亂流平入海茱萸一曲沸成潭  
憶記來時覓悄悄想見仙山衆峯小  
今日長歌思不堪君行爲報三春鳥

詠簾

玳瑁昔稱華玲瓏薄絳紗鈎銜門勢曲  
節亂水紋

斜日弄長飛鳥風搖不卷花自當分内外非是爲驕奢

五日觀妓

西施謾道浣春紗碧玉今時關麗華眉黛奪將萱草色紅裙妬殺石榴花新歌一曲令人豔醉舞雙眸歛鬢斜誰道五絲能續命却令今日死君家

驄馬

金絡青認白玉鞍長鞭紫陌野遊盤朝驅東道塵恒滅蒼到河源日未闌汗血每隨邊地苦蹄傷不

詩紀

盛唐卷之四十四

十一

憚隴陰寒君能一飲長城窟爲盡天山行路

難

茱萸女

山陰柳家女九日采茱萸復得東鄰伴雙爲陌上

妹插枝著

一作花向

高髻結子置長裾

性常遲

緩非關詫丈夫平明折林樾日入返城隅俠

客要羅袖行人挑短書蛾眉自有主年少莫踟躕

題情人藥欄

斂眉語芳草何許太無情正見離人別春心相向

生

河上逢落花

河水浮落花花流東不息應見浣紗人爲道長相

憶

王之渙

并出八與兄之成之貢皆有文名與王昌齡崔國輔聯唱唱送和名動一時○集

送別

楊柳東風樹青青夾御河近來攀折苦應爲別離

多

詩紀

盛唐卷之四十四

十二

涼州詞二首

黃河遠

一作沙直

上白雲間一片孤城萬仞山羌笛何

須怨楊柳春光不度玉門關

一本首句作次句次

云開元中渙之與王昌齡高適齊名其詩旗亭賞

酒小飲有梨園伶官十數人會集因避席讓

映擁爐以觀焉俄有妙妓四輩各奏一曲名部

昌齡等以密約約曰我輩各擅詩名每不自定甲乙

今者可以密觀諸伶所誦若詩入歌詞之多者爲

優初誦昌齡詩次誦高適詩又次復誦昌齡詩渙之

自以得名已久因詰諸妓中最佳者曰子所

唱如非我詩即終身不敢與子爭高矣○後發

神武不肯和親歸去來

九日送別

薊庭蕭瑟故人稀何處登高且送歸今日暫同芳  
菊酒明朝應作斷蓬飛

宴詞

長堤春水綠悠悠映入漳河一道流莫聽聲聲催  
去棹桃谿一棹處不勝舟

張旭

張旭字季長吳郡人善書草書時號張顛初見其書者無不稱其神  
求其筆法又來旭責之其人曰觀公筆勢如神

詩紀

盛唐卷之四十四

十三

張旭以草書名世其筆法意觀公孫舞劍器得其神

清谿泛舟

旅人倚征棹薄暮起勞歌笑攬清谿月清輝不厭  
多

桃花谿

隱隱飛橋隔野煙石磯西畔問漁船桃花盡日隨  
流水洞在清谿何處邊

山行畱客

山光物態弄春輝莫爲輕陰便擬歸縱使晴明無  
雨色入雲深處亦沾衣

春遊值雨

欲尋軒檻列清樽江上煙雲向晚昏須倩東風吹  
散雨明朝却待入華園

一日書

春草青青萬里餘邊城落日見離居情知海上三  
年別不寄雲間一紙書

柳

詩紀

盛唐卷之四十四

十三

濯濯煙條拂地垂城邊樓畔結春思請君細看風  
流意未減靈和殿裏時

王諲

紀事云登開元進士第  
國秀集云官右補闕

後庭怨

君不見紅閨少女端正時天天桃李仙容姿幸得  
君王憐巧笑披香殿裏薦蛾眉蛾眉雙雙入共進  
常恐妾身從此擯甄妃爲妬出層官班女因猜下  
長信長信官門閉不開昭陽歌吹風送來夢中覓  
魄猶言是覺後精神尚未迴念君嬌愛無終始使

妾長啼後庭裏獨立每看斜日盡孤眠直至殘燈  
死秋日聞蟲翡翠簾春晴照面鴛鴦水紅顏舊來  
花不勝白髮如今雪相似傳聞紈扇思未歇預想  
蛾眉上初月如君貴僞不貴真還同棄妾逐新人  
借問南山松葉意何如北砌槿花新

夜坐看搗筆

調箏夜坐燈光裏却挂羅帷露纖指朱絃一一聲  
不同玉柱連連影相似不知何處學新聲曲曲彈  
來未覩名應是石家金谷裏流傳未滿洛陽城

詩紀

盛唐卷之四十四

十四

長信怨

飛燕倚身輕爭人巧笑名生君棄妾意增妾怨君  
情日落昭陽壁秋來長信城寥寥金殿裏歌吹夜  
無聲

閨情

日暮裁縫歇深嫌氣力微纔能收篋筩懶起下簾  
帷怨坐空然燭愁眠不解衣昨來頻夢見夫婿莫  
應知

十五夜觀燈

暫得金吾夜通看火樹春停車傍明月走馬入紅  
塵妓雜歌偏勝場移舞更新應須盡記取說向  
與不來人

詩紀

盛唐卷之四十四

十五

盛唐第四十四

盛唐第四十五

唐詩紀一百五

鄆郡吳中珩彙編

鄆郡謝陞同校

賈至

字幼鄰洛陽人曾之子擢明經第爲單父尉玄宗幸蜀拜起居舍人知制誥帝傳位至讓册帝曰昔先王命乃父爲之今又爾爲之爾朝盛典出卿家父子手可謂繼美累封信都縣伯以右散騎常侍卒諡曰文

五言古詩

自蜀奉册命往朔方途中呈韋左相文部房尚書門下崔侍郎

詩紀

盛唐卷之四十五

一

胡羯亂中夏鑾輿忽南巡衣冠陷戎寇狼狽隨風塵函公秉大節臨難不顧身激昂白刃前濺血下沾巾尚書抱忠義歷險披荆榛扈從出劍門登翼岷江濱時望挹侍郎公才標縉紳亭亭崑山玉皎皎無緇磷顧惟乏經濟扞牧陪從臣永願雪會稽仗一作劍清咸秦太皇時內禪神器付嗣君新命集舊邦至德被遠人捧册自南服奉詔趨北軍覬謁心載馳違離難重陳策馬出蜀山畏途上緣雲飲啄叢箐間棲息虎豹羣崎嶇凌危棧惴慄一作陳

驚心神峭壁上嶽岑大江下沄沄皇風扇八極異類懷深仁元兇誘黠虜肘腋生妖氛明主信英武威聲赫四一作鄰誓師自朔方旗幟何繽紛鐵騎照白日旄頭拂秋旻將來一作湓滄溟寧止蹴崑崙古來有屯難否泰長相因夏康續禹績代祖復漢勲于役各勤王驅馳拱紫宸豈惟太公望往昔逢周文誰謂三傑才功業獨殊倫感此惻行邁無爲歌苦辛

贈裴九侍御昌江草堂彈琴

詩紀

盛唐卷之四十五

二

朔風吹疎林積雪在崖巘鳴琴草堂響小澗清且淺沈吟東山意欲去芳歲晚悵望黃綺心白雲若在眼

巴陵早秋寄荊州崔司馬吏部閭功曹舍人

人

謫居瀟湘渚再見洞庭秋極目連江漢西南浸斗牛滔滔盪雲夢澹澹搖巴丘曠如臨渤澥窅疑造瀛洲君山麗中波蒼翠長夜浮帝子去永久楚詞尚悲愁我同長沙行時事加百憂登高望舊國胡



馬滿東周宛葉遍蓬蒿樊鄧無良疇獨攀青楓樹  
淚灑滄江流故人西掖寮同扈岐陽蒐差池盡三  
黜蹭蹬各南州相去雖地接不得從之遊耿耿雲  
陽臺迢迢王粲樓跂予暮霞裏誰謂無輕舟

閑居秋懷寄楊翟陸賡府封丘高少府

今日霖雨霽颯然高館涼秋風吹二毛烈士加慨  
慷憶昔皇運初衆賓俱龍驤解巾佐幕府脫劔升  
明堂郁郁被慶雲朝朝翼太陽鯨魚縱大壑鸞鷟  
鳴高岡信矣草創時太階速賢良一言頓遭逢片

詩紀

盛唐卷之四十五

三

善蒙恩光我生屬聖明感激竊自彊崎嶇郡  
邑權連騫翰墨場天朝富英髦多士如珪璋盛才  
溢下位蹇步徒猖狂閉門對羣書几案在我旁枕  
席想遠遊聊欲浮滄浪八月白露降玄蟬號枯桑  
艤舟臨清川迢遞愁思長我有同懷友各在天一  
方離披不相見浩蕩隔兩鄉平生霞外期宿昔共  
行藏豈無蓬萊樹歲晏空蒼蒼

送友人使河源

送君魯郊外下車上高丘蕭條千里暮日落黃雲

秋舉酒有餘恨論邊無遠謀河源望不見旌旆去  
悠悠

送李侍御

我年四十餘已歎前路短羈離洞庭上安得不引  
滿李侯忘情者與我同疎懶孤帆泣瀟湘望遠心  
欲斷

送耿副使歸長沙

畫舸欲南歸江亭且留宴日暮湖上雲蕭蕭若流  
霞昨夜相知者明發不可見惆悵西北風高帆爲  
詩紀

盛唐卷之四十五

四

送夏侯子之江夏

扣楫洞庭上清風千里來留歡一杯酒欲別復徘  
徊相見楚山下漁舟憶釣臺美君還舊里歸念獨  
悠哉

寓言二首

春草紛碧色佳人曠無期悠哉千里心欲采商山  
芝歎息良會晚如何桃李時懷君晴川上佇立夏  
雲滋

凜凜秋閨夕綺羅早知寒玉砧調鳴杵始擣機  
純憶昨別離日桐花覆井欄今來思君時白露  
皆溥聞有關河信欲寄雙玉盤王以委貞心盤以  
薦嘉餐嗟君在萬里使妾衣帶寬

七言古詩

燕歌行

國之重鎮惟幽都東威九夷北制胡五軍精卒三  
十萬百戰百勝擒單于前臨滹沱後易水崇山沃  
野亘千里昔時燕山重賢士黃金築臺從隗始條

詩紀

盛唐卷之四十五

五

忽興亡空薊丘漢家又以封王侯蕭條魏晉爲橫  
流鮮卑竊據朝五州我唐區夏餘十紀軍容武備  
赫萬祀彤弓黃鉞授元帥懇耕大漠爲內地季秋  
膠析邊草腓治兵羽獵因出師千營萬隊連旌旗  
望之如火忽電馳匈奴懾竄窮髮北大荒萬里無  
塵飛君不見隋家昔爲天下宰窮兵黷武征遼海  
南風不競多死聲鼓卧旗折黃雲橫六軍將士皆  
死盡戰馬空鞍歸故營時遷道革天下平白環入  
貢滄海清自有農夫已高枕無勞校尉重橫行

巴陵寄李二戶部張十四禮部

江南春

一作芳

草初纂纂愁殺江南獨愁客秦中楊

柳也應新轉憶秦中相憶人萬里鶯花不相見登  
高一望淚沾巾

五言律詩

長門怨

獨坐思千里春庭曉景長鶯喧翡翠幙柳暗  
鬱金堂舞蝶紫愁緒繁花對靚妝深情託瑤瑟絃  
斷不成章

詩紀

盛唐卷之四十五

六

銅雀臺

日暮銅臺靜西陵鳥雀歸撫絃心斷絕聽管淚霏  
微靈几臨朝奠空牀卷夜衣蒼蒼川上月應照妾  
魂飛

侍宴曲

雲陛褰珠扆天墀覆綠楊隔簾妝隱映映向席  
舞低昂鳴珮長廊靜開水廣殿涼軟餘劍履散同  
輦入昭陽

對酒曲二首

梅發柳依依黃鸝歷亂飛當歌憐景色對酒惜芳菲  
曲水浮花氣流風散舞衣通宵留暮雨上客莫言歸

春來酒味濃舉酒對春叢一酌千憂散三杯萬事空  
放歌乘美景醉舞向東風寄語尊前客生涯任轉蓬

送陸協律赴端州

一作題作南州有贈

越井人南去湘川水北流江邊數杯酒海內

一作

一孤舟嶺嶠同仙客京華卽舊遊春心將別恨萬

詩紀

盛唐卷之四十五

七

里共悠悠

送王貞外赴長沙

攜手登臨處巴陵天一隅春生雲夢澤水溢洞庭

湖共歎虞翻枉同悲阮籍途長沙舊卑濕今古不

應殊

送夏侯參軍赴廣州

聞道衡陽外由來鴈不飛送君從此去書信定應

稀雲海南溟遠煙波北渚微勉哉孫楚吏綵服正

光輝

長沙別李六侍御

月明湘水白霜落洞庭乾放逐長沙外相逢路正  
難雲歸帝鄉遠鴈報朔方寒此別盈襟淚雍門不  
假彈

岳陽樓宴王貞外貶長沙

一作題作南州有贈

極浦三春草高樓萬里心楚山晴靄碧湘水暮流  
深忽與朝中舊同爲澤畔吟停杯試北望還欲淚  
沾巾

詠馮昭儀當熊

詩紀

盛唐卷之四十五

八一

白羽插雕弓蜺旌動朔風平明出金屋扈輦上林

中逐獸長廊靜呼鷹御苑空王孫莫諫獵賤妾解

一作當熊

七言律詩

早朝大明宮呈兩省僚友

銀燭薰天紫陌長禁城春色曉蒼蒼千條弱

柳垂青璫百轉流鶯繞建章劒珮聲隨玉墀

步衣冠身惹御爐香共沐恩波鳳池上

朝朝染翰侍君王

五言絕句

白馬

白馬紫連乾嘶鳴丹闕前  
聞珂自蹀躞不要下金鞭

贈薛瑤英

舞怯銖衣重笑疑桃臉開  
方知漢成帝虛築避風臺

七言絕句

出塞曲

詩紀

盛唐卷之四十五

九

萬里平沙一聚塵南飛羽檄北來人  
傳道五原烽火急單于昨夜寇新秦

春思二首

草色青青柳色黃桃花歷亂李花香  
東風不爲吹愁去春日偏能惹恨長

紅粉當爐弱柳垂合花臘酒解酴醾  
笙歌日暮能畱客醉殺長安輕薄兒

勤政樓觀樂

銀河帝女下三清紫禁笙歌出九城  
爲報延州來

聽樂須知天下欲昇平

贈陝掾梁宏

梁子工文四十年詩顛名過草書顛  
白頭仍作功曹掾祿薄難供沽酒錢

荅嚴大夫

今夕秦天一鴈來梧桐墜葉搗衣催  
思君獨步華亭月舊館秋陰生綠苔

送南給事貶崖州

詩紀

盛唐卷之四十五

十

疇昔丹墀與鳳池卽今相見兩相悲  
朱崖雲夢三千里欲別俱爲慟哭時

送李侍郎赴常州

雪晴雲散北風寒楚水吳山道路難  
今日送君須盡醉明朝相憶路漫漫

洞庭送李十二赴零陵

今日相逢落葉前洞庭秋水遠連天  
共說金華舊游處回看北斗欲潸然

江南送李卿

雙鶴南飛度楚山楚南相見憶秦關  
願值迴風吹

羽翼早隨陽鴈及春還

送王道士還京

一片仙雲入帝鄉  
數聲秋鴈至衡陽  
借問清都舊  
花月豈知遷客泣  
瀟湘

巴陵夜別王八員外

作蕭靜詩題  
三湘有懷

柳絮飛時別洛陽  
梅花發後到三湘  
世情已逐浮雲散  
離恨空隨江水長

別裴九弟

西江萬里向東流  
今夜江邊駐客舟  
月色更添春色好

詩紀

盛唐卷之四十五

十二

色好蘆風似勝竹風幽

重別南給事

謫宦三年尚未回  
故人今日又重來  
聞道崖州一千里  
今朝須盡數千杯

岳陽樓重宴別王八員外貶長沙

江路東連千里潮  
青雲北望紫微遙  
莫道巴陵湖水闊  
長沙南畔更蕭條

初至巴陵與李十二白裴九同泛洞庭湖

三首

江上相逢皆舊遊  
湘山永望不堪愁  
明月秋風洞庭水  
孤鴻落葉一扁舟

楓岸紛紛落葉多  
洞庭秋水晚來波  
乘興輕舟無近遠  
白雲明月弔湘娥

江畔楓葉初帶霜  
渚邊菊花亦已黃  
輕舟落日興不盡  
三湘五湖意何長

西亭春望

日長風暖柳青青  
北鴈歸飛入窅冥  
岳陽城上聞吹笛  
能使春心滿洞庭

詩紀

盛唐卷之四十五

十二

盛唐第四十五



盛唐第四十六

唐詩紀一百六

鄆郡吳中

鄆郡謝陞同校

崔國輔

吳郡人明皇時應縣令舉授許昌令累遷集賢直學士禮部員外郎後生王鉉

從軍行

塞北胡霜下營州索兵救夜裏偷道行將軍馬亦  
瘦刀光照塞月陣色明如晝傳聞賊滿山已共前  
鋒鬪

詩紀

盛唐卷之四十六

雜詩

逢着平樂兒論交鞍馬前與酤一作一斗酒恰用  
十千錢後余在關內作事多迢迢何肯相救援紀  
肯相救徒聞寶劍篇

古意

紅荷楚水曲彪炳爍晨霞未得兩回摘秋風吹却  
花時芳不待妾玉珮無處誇悔不盛年時嫁與青  
樓家

宿法華寺

松雨時復滴寺門清且涼此心竟誰證回憩支公  
牀壁畫感靈跡龕經傳異香獨遊寄象外忽忽歸  
南昌

題豫章館

楊柳映春江江南轉佳麗吳門綠波裏越國青山  
際遊宦常往來津亭暫臨憩驛前蒼石沒浦外湖  
沙細向晚宴且平孤舟罔然逝雲留西北客氣歇  
東南帝獨有萋萋心誰知怨芳歲

石頭灘作

詩紀

盛唐卷之四十六

二

悵矣秋風時余臨石頭瀨因高見超遠盡此數州  
內一作羽山一點青海岸一作雜光一作碎離離  
樹木少潏潏一作湖波大日暮千里帆南飛落天  
外須臾遂入夜楚色有微靄尋遠跡一作已窮遺  
榮事多昧一身猶未理安得濟時代且泛朝夕潮  
荷衣蕙爲帶

漂母岸

泗水入淮處南邊古岸存秦時有漂母於此飯一作  
饋王孫王孫初未遇寄食何足論後爲楚王來誓

春毋恩事迹遺在此空傷千載竟茫茫水中流  
上有一孤墩一作寒洲漲未解荒隴草空繁遙望不可到蒼蒼煙  
樹昏幾年崩塚色每一作暮日落潮痕古地多塵圯  
時哉不敢言向夕淚沾裳只一作遂宿蘆洲村

對酒吟

行行日將夕荒村古塚一作路無人跡蒙籠荆棘一  
鳥吟一作飛屢勸一作唱提壺沽酒喫古人不達酒不  
足遺恨精靈傳此曲寄言世上一作當代諸少年平生  
且盡杯中醪

詩紀

盛唐卷之四十六

三

奉和華清宮觀行香應制

天子藻一作藻珠宮樓臺碧落通豫遊皆汗漫齋處  
卽崆峒雲物三光裏君臣一氣中道言何所說寶  
曆自無窮

宿范浦

月暗潮又落西陵渡暫停村煙和海霧丹火亂江  
星路轉定山遶一作遠塘連范浦橫鴟夷近何去空  
山臨滄溟

奉和上巳被禊應制

元巳秦中節吾君灞上游鳴鑾通禁苑別館遶芳  
洲鴟鷺千官列魚龍百戲浮桃花春欲盡穀雨夜  
來收慶向堯樽祝歡從楚棹謳逸詩何足對宵作  
掩東周

九日侍宴應制

運偶千年聖時傳九日神堯樽列鐘鼓漢闕關鉤  
陳金錄三清降瓊筵五老巡始驚蘭佩出復詠柏  
梁新雲鴈樓前晚霜花酒裏春歡娛無限極書劔  
太平人

詩紀

盛唐卷之四十六

四

杭州北郭戴氏荷池送侯愉

秋近萬物肅况當臨水時折花贈歸客離緒斷荷  
絲誰謂江國永故人感在茲道存過北郭情極望  
東菑喬木故園意鳴蟬窮巷悲扁舟竟何待中路  
每遲遲

怨詞二首

妾有羅衣裳秦王在時作爲舞春風多秋來不堪  
看

樓前一作頭桃李疎池上芙蓉落織錦猶未成蛩聲

入羅幕

古意二首

玉籠薰繡裳看罷眠洞房不能春風裏吹却蘭麝香

種棘遮靡蕪畏人來采一作綺殺比至狂夫還看看

幾花發

襄陽曲二首

蕙草嬌紅萼時光舞碧雞城中美年少相見白銅

鞮

詩紀

盛唐卷之四十六

五

少年襄陽地來往襄陽城城中輕薄子知妾解秦

箏

魏宮詞

朝日照一作點紅妝擬上銅雀臺畫眉猶未竟一作了

魏帝使人催

長信草一作宮

長信宮中草年年愁處生故一作時侵珠履跡不使

玉階行

長樂少年行一作古意

遺却珊瑚鞭白馬驕不行章臺折楊柳春日路傍情

湖南曲

湖南送一作與君去湖北送一作憶君歸湖裏鴛鴦鳥

雙雙他自飛

中流曲

歸時一作日尚早更欲向芳洲渡口水流急迴船

不自由

王孫遊

詩紀

盛唐卷之四十六

六

自與王孫別頻看黃鳥飛應由春草誤着處不成

歸

采蓮

玉淑花爭發金塘水亂流相逢畏相失並着采蓮

舟

子夜冬歌

寂寥抱冬心裁羅又絮絮夜久頻挑燈霜寒剪刀

冷

麗人曲

紅顏稱絕代欲並真無侶獨有鏡中人由來自相許

小長干曲

月暗送潮風相尋路不通菱歌唱不徹知在此塘中

王昭君

漢使南還盡胡中妾獨存紫臺綿望絕秋草不堪論

秦女卷衣

詩紀

盛唐卷之四十六

七

雖入秦帝宮不上秦帝牀夜夜玉牕裏與他卷衣

作裳

今別離

送別未能旋相望連水口船行欲映洲幾度急搖手

衛豔詞

洪上桑葉青青樓舍白日比時遙望君車馬城中

出

渭水西別李崧

隴右一作外長亭堠山陰古塞秋不知嗚咽水何事向西流

送韓十四被魯王推遞往濟南府

西候情何極南冠怨有餘梁王雖好事不察獄中書

白紵辭二首

洛陽梨花落如霰河陽桃葉生復齊坐惜一作怨又作恐

玉一作樓春欲盡紅綿粉絮裛妝啼

董賢女弟在椒風窈窕繁華貴後宮壁帶金釭皆

詩紀

盛唐卷之四十六

八

翡翠一朝零落變成空

九日

江邊楓落菊花黃少長登高一望鄉九日陶家雖

載酒三年楚客已沾裳

崔曙

宋州人開元二十六年登進士第以試明堂人珠詩得名○殷璠云曙詩多歎辭要

妙情意悲涼送別登樓俱堪淚下

古意

綠筍總成竹紅花亦成子能當此時好獨自幽閨裏夜夜苦更長愁來不一作劇如死

宿大通和尚塔敬贈如上人兼呈常孫二

山人

支公已寂滅影塔山上古更有真僧來道場救諸  
苦一承微妙法寓宿清淨土身心能自觀色相了  
無取森森松映月漠漠雲近戶嶺一作雲外飛電明  
夜來前山雨然燈見棲鴿作禮聞信鼓曉霽南軒  
開秋華淨天宇願言出世塵謝爾申及甫

送薛據之宋州

無媒嗟失路有道亦乘流客處不堪別異鄉應共

詩紀

盛唐卷之四十六

九

愁我生早孤賤淪落居此州風土至今憶山河皆

昔遊一從文章事

一作士

兩京春復秋君去問相識

幾人今

一作成

白頭

山下晚晴

寥寥遠天淨谿路何空濛斜光照疎雨秋氣生白

虹雲盡山色暝蕭條西北風故林歸宿處一葉下

梧桐

潁陽東谿懷古

靈谿氛霧歇皎鏡清心顏空色不

一作下

映水秋聲

多在山世人久疎曠萬物皆自閉白鷺寒更浴孤

雲晴未還昔時讓王者此地閉玄

一作紫

關無以躡

高步淒涼岑

一作林

壑間

早發交崖山還太室作

東林氣微白寒鳥忽

一作急

高翔吾亦自茲去北山

歸草堂仲

一作冬

正三五日月遙相望蕭蕭

一作蕭蕭

過潁上曉曉辨少陽川冰生積雪野火出枯桑獨

往路難盡窮陰人易傷傷此無衣客如何蒙雨

一作作

霜

詩紀

盛唐卷之四十六

十

奉試明堂火珠

正位開重屋凌空

一作紀事

出火珠夜來雙月滿

一作紀事

曙後一星孤天淨光難滅雲生望欲無遙知太

平代

紀事作還知聖明代

國寶在名都

紀事云曙以是詩得

其識也

途中曉發

曉

一作晚

霽長風裏勞歌赴遠期雲輕歸海疾月滿

下山遲旅望因高盡鄉心遇物悲故林遙不見况

在落花時



緱山廟

遺廟宿陰陰孤峯映綠林步隨仙路遠意入道門  
深澗水流年月山雲變古今祇聞風竹裏猶有鳳  
笙音

同諸公謁啓母祠

闕宮凌紫微芳草閉閑扉帝子復何在王孫遊不  
歸春風鳴玉珮暮雨拂靈衣豈但湘江口能令懷  
二妃

九日登望仙臺仍呈劉明府容

詩紀

盛唐卷之四十六

十二

漢文皇帝有高臺此日登臨曙色開三晉雲山皆  
北向二陵風雨自東來一作西關門令尹誰能識河  
上仙翁去不回且欲近尋彭澤宰陶然共醉菊花  
杯

奉酬中書相公至日圓丘攝事合於中書

後閣宿齋移止於集賢院叙懷見寄之作  
典籍開書府恩榮避鼎司郊丘資有事齋戒守無  
爲宿霧蒙瓊樹餘香覆玉墀進經逢乙夜展禮值  
明時勲共山河列名同竹帛垂年年佐堯舜相與

致雍熙

登水門樓見亡友張貞期題望黃河詩因  
以感興

吾友東南美昔聞登此樓人從一作隨川上逝書向

壁中留嚴子好真隱謝公舫遠遊清風初作

頌暇日復銷憂一作愁時與文字古跡隨一作將山水

幽已孤蒼生望空一作生見黃河流流落年一作落春

將晚悲涼物已一作似秋天高不可問掩泣赴行舟

對雨送鄭陵

詩紀

盛唐卷之四十六

十二

別愁復經雨別淚還如霰寄心海上雲千里常相  
見

嵩山尋馮鍊師不遇

青谿訪道凌煙曙王子仙成已飛去更值空山雷

雨時雲林薄暮歸何處

賀蘭進明

開元十六年進士祿山亂以御史大

遣南霽雲乞師不應至德中爲南海太守嶺

南節度使終負外郎殷璠云其外好古博

達經籍滿腹其所著述一百餘篇頗究天人  
之際又有古詩八十一首大體符于阮公行路  
難五首並  
多新興

古意二首

秦庭初指鹿羣盜滿山東忤意皆誅死所言誰肯  
忠武關猶未啓兵入望夷宮爲崇非涇水人君道  
自窮

崇蘭生澗底香氣滿幽林采采欲爲贈何人是同  
心日暮徒盈把徘徊憂思深慨然紉雜佩重奏丘  
中琴

行路難五首

君不見巖下井百尺不及泉君不見山上苗數寸

詩紀

盛唐卷之四十六

十三

凌雲煙人生相命亦如此何苦太息自憂煎但願  
親友長含笑相逢不乏杖頭錢寒夜邀歡須  
秉燭時得長思花柳年

君不見門前柳榮耀幾

一作

時蕭索久君不見陌

上花狂風吹去落誰家鄰

一作

家思婦見之歎蓬

首不梳心歷亂盛年夫壻長別離歲暮相逢色凋

換

君不見芳樹枝春花落盡蜂不窺君不見梁上泥  
秋風始高燕不棲蕩子從軍事征戰娥眉嬋娟守

空閨獨宿自然堪下淚況復時聞烏夜啼

君不見雲中月暫盈還復缺君不見林下風聲遠  
意難窮親故平生或聚散歡娛未盡樽酒空歎息  
青青陵上柏歲寒能有幾人同

君不見東流水一去無窮已君不見西郊雲日夕  
空氣氤羣鴈徘徊不能去一鴈悲鳴復失羣  
人生結交在終始莫以升沈中路分

詩紀

盛唐卷之四十六

十四

盛唐第四十六

盛唐第四十七

唐詩紀一百七

鄆郡吳中

鄆郡謝陸同校

綦毋潛

字季通荆南人開元十四年舉進士山宜壽尉入為集賢待制遷右拾遺終著作郎○殷璠云潛詩屹崱嶭峭藉足佳句善為方外之詩舉體清秀蕭蕭跨俗借使若人加氣質減雕飾則高視三百年之外

冬夜寓居寄儲太祝

又作薛據詩

自為洛陽客夫子吾知音盡

愛一作

義能下士時人

無此心奈何離居夜巢鳥悲

飛一作

空林愁坐至月

詩紀

盛唐卷之四十七

上復聞南鄰砧

春泛若耶谿

幽意無斷絕此去隨所偶晚

好一作

風吹行舟花路

入谿口際夜轉西壑隔山望南斗潭煙飛溶溶林

月低向後生事且瀟漫願為持竿叟

題鶴林寺

道林

一作門

隱形勝向背臨層霄松覆山殿冷花藏

谿路遙珊珊寶幡挂焰焰明燈燒遲日半空谷春

風連上潮少憑

一作適

水木與暫令身心調願謝攜

手客茲山禪誦

一作饒

題栖霞寺

南山勢迴合靈境依此住殿轉雲崖陰僧採石泉

度龍蛇爭翕習神鬼皆密護萬壑奔道場羣峯向

雙樹天花飛不着水月白成路今日觀身我歸心

復何處

送儲十二還莊城

西坂何繚繞青林問子家天寒噪野雀日晚度城

鴉寂歷道傍樹曠隴原上霞茲情不可說長恨隱

詩紀

盛唐卷之四十七

淪賒

送章彝下第

長安渭

一作灞

橋路行客別時心獻賦溫泉畢無媒

魏闕深黃鶯啼就馬白日暗歸林三十名未立君

還惜寸陰

送崔員外黔中監選

持衡出帝畿星指夜郎飛神女雲迎馬荆門雨濕

衣聽猿收淚罷繫鴈待書稀蠻貊雖殊俗知君肝

膽微

送賈恒明府兼寄溫張二司戶

越客新安別秦人舊國情  
舟乘晚風便月帶上潮  
平花路西施石雪峯句踐城  
明州報兩掾相憶二毛生

送宋秀才

冠古積榮盛當時數戟門  
舊交丞相子繼世五侯  
孫長劒倚天外短書盈萬言  
秋風一送別江上黯消魂

送平判官入秦

一作盧象詩

詩紀

盛唐卷之四十七

三

謫遠自安命三年已忘歸  
同聲

願執手驛騎

到門扉云是帝鄉去軍書謁紫微  
曾爲金馬客向日淚沾衣

送鄭務拜伯父

名公作逐臣驅馬拂行塵  
舊國問鄖子勞歌過郢人  
一川花送客二月柳宜春  
奉料竹林興寬懷此別晨

題招隱寺絢公房

開士度人久空巖

一作山

花霧深徒知燕坐處不見

有爲心蘭若門對壑田家路  
隔林還言證一作澄性歸去比黃金

宿太平觀

夕到玉京寢宵冥雲漢低  
竟交仙室蝶曙聽羽人  
雞滴澀花上露清泠松下谿  
明堂訪真隱揮手入無倪

題靈隱寺山頂禪院

招提此山頂下界不相聞  
塔影挂清漢鐘聲和白雲  
觀空靜室掩行道衆香焚  
且駐西來駕人天日

詩紀

盛唐卷之四十二

四

未曛

若耶谿逢孔九

相逢此谿曲勝託在煙霞  
潭影竹間動巖陰簷外  
斜人言一作生上皇代犬吠  
武陵家借問淹留日春風  
滿若耶

宿龍興寺

香刹夜忘歸松清古殿扉  
燈明方丈室珠繫比丘衣  
白月傳心靜青蓮喻法微  
天花落不盡處處鳥銜飛

題沈東美員外山池

仙郎偏好道鑿沼象瀛洲魚樂隨情性船行任去  
留秦人辨雞犬堯日識巢由歸客衡門外仍憐返  
景幽

茅山洞口

華陽仙洞口半嶺拂雲看窈窕穿苔壁差池對石  
壇方隨地脉轉稍覺水晶寒未果變金骨歸來茲  
路難

過方尊師院

詩紀

盛唐卷之四十七

五

羽客北山尋草堂松徑深養神示法得道不知  
心洞戶逢雙履寥天有一琴 更登玄圃上仍  
種杏成林

經陸補闕隱居

不敢要君徵亦起致君全得似唐虞謫言昨歎離  
天聽新象今聞入縣圖琴鎖壞窓風自響鶴歸喬  
木隱難呼學書弟子何人在點檢猶存諫草無

登天竺寺

郡有化城最西窮疊嶂深松門當澗口石路在峯

心幽見夕陽霽高逢暮雨陰佛身瞻紺髮寶地踐  
黃金雲向竹谿盡月從花洞臨因物成真悟遺世  
在茲一作孤 岑

滿公房

世界蓮花藏行人香火緣燈王照不盡中夜寂相  
傳

過融上人蘭若

山頭禪室挂僧衣窓外無人谿一作水鳥飛黃昏  
半在下山路却聽鐘一作泉聲連一作連翠微

詩紀

盛唐卷之四十七

六

薛處

河中寶鼎人開元大寶間安史亂時相  
繼登封終禮部侍郎為人所害至太  
子司議郎○殷璠云璠為人守氣魄其  
文亦爾爾自傷不早遠因著古興詩怨憤頗深

懷哉行

明時無廢人廣厦無棄材良工不我顧有用寧自  
媒懷策望君門歲晏空遲迴秦城多車馬日夕飛  
塵埃伐鼓千門啓鳴珂雙闕來我聞雷雨施天澤  
一作罔不該何意斯人徒棄之如死灰王好臣必  
効時禁權不一作開俗流實驕矜得志輕草萊文  
王賴多士漢帝資羣才一言並拜相片善咸居台



夫君何不遇爲泣黃金臺

古興

日中望雙闕軒蓋揚飛塵鳴珮初罷朝自言皆近  
臣光華滿道路意氣安可親歸來宴高堂廣筵羅  
八珍僕妾盡綺紈歌舞夜達晨四時固相代誰能  
久要津已看覆前車未見易後輪丈夫須兼濟豈  
能一作樂一身君今皆得志肯顧憔悴人

冬夜寓居寄儲太祝

又作恭母潛詩

自爲洛陽客夫子吾知音愛義能下士時人無此

詩紀

盛唐卷之四十一

七

心奈何離居夜巢鳥飛空林愁坐至月上復聞南  
鄰砧

登秦望山

南登秦望山目極大海空朝陽半蕩漾晃朗天水  
紅谿壑爭噴薄江湖遞交通而多漁商客不悟歲  
月窮振緝迎早潮弭棹候長一作遠風予本萍泛者  
乘流任西東茫茫天際帆栖泊何時同將尋會稽  
迹從此訪任公

西陵口觀海

長江漫湯湯近海勢彌廣在昔坯混一作凝融爲  
百川決一作長地形失端倪天色潛滉瀆東南際萬  
里極目遠無象山影乍浮沈潮波忽來往孤帆或  
不見棹歌猶想像日暮長風起客心空振蕩浦口  
霞未收潭心月初上林嶼幾迴迴亭臯時偃仰歲  
晏訪蓬瀛真遊非外獎

初去郡齋書懷

肅徒辭汝潁懷古獨悽然尚想文王化猶思巢父  
賢時移多讒巧大道竟誰傳况是一作見疾風起悠

詩紀

盛唐卷之四十一

八

悠旌旆懸征鳥

一作鴻

無返翼歸流不停川已經霜

雪下乃

一作乃

驗松柏堅回首望城邑迢迢間雲煙

志士不傷物小人皆自妍感時惟責已在道非怨

天從此適樂土東歸知

一作得幾年

出青門往南山下別業

舊居在南山夙駕自伊一作戚闕榛莽相蔽虧去爾  
漸超忽散漫餘雪晴蒼茫季冬月寒風吹長林白  
日原上沒懷抱曠莫伸相知阻胡越弱年好棲隱  
鍊藥在巖窟及此離垢氛輒來亦因物末路期赤

松斯言庶不伐

泊震澤口

日落草木陰舟徒泊江汜蒼茫萬象開合沓聞風  
水洄沿值漁翁穿篠一作逢樵子雲開天宇靜月  
明照萬里早鴈湖上飛晨鐘海邊起獨坐嗟遠遊  
登岸望孤洲零落星欲盡臃腫氣漸收行藏空自  
秉智識仍未周伍胥既仗劍范蠡亦乘流歌竟鼓  
楫去三江多客愁

題丹陽陶司馬廳壁

詩紀

盛唐卷之四十七

九

高鑒清源徹儒風入進難詔書增寵命才子益能  
官門帶山光晚城臨江水寒唯餘好文客時得詠  
幽蘭

古興

投珠恐見疑抱玉但垂泣道在君不舉功成歎何  
及

早發上東門

十五能文西入秦三十無家作路人時命不將明

主合布

一作素

衣空惹

一作洛陽塵

洛陽塵

閻防

防在開元天寶間有文稱嘗與薛稷讀書終南山豐德寺○殷璠云防爲人好古博雅其詩警策語多直率

雅其詩警策語多直率

晚秋石門禮拜

輕策臨絕壁招提謁金仙舟車無遊一作徑崖嶠  
乃屬天躑躅淹景夷猶望新弦石門變溟色谷  
口生人煙陽鴈叫平楚秋風急寒川馳暉苦代謝  
浮脆暫貞堅永欲卧丘壑息心依梵筵誓將歷劫  
願無以外物牽

宿岸道人精舍

詩紀

盛唐卷之四十七

十一

早歲參道風放情入一作寒廓重因息心侶遂果  
巖下諾歛迹辭人間杜門守寂寞秋風剪蘭蕙霜  
氣冷淙壑山牖見然燈竹房聞搗藥願言捨塵事  
所趣非龍蠖

夕次鹿門山作

龐公嘉遯所浪迹難追攀浮舟暝始至抱杖聊自  
閑雙巖開鹿門百谷集珠灣噴薄湍上水春容  
裏山焦原不足險梁壑未成艱我行自春仲夏鳥  
忽歸巖意草色已晚客心殊倦一作還遠遊非避

地訪道愛童顏安能徇機巧爭奪錐刀間

百丈谿新理茅茨讀書

浪迹棄人世還山自幽獨始傍巢由蹤吾其獲心  
曲荒庭何所有老樹半空腹秋蛩鳴北林暮鳥穿  
我屋栖遲樂遵渚恬曠寡所欲開卦推盈虛散帙  
攻節目養閑度人事達命知止足不學東國儒俟  
時勞伐幅

興永樂諸公夜泛黃河作

煙深載酒入但覺暮川虛映水見山火鳴榔聞夜

詩紀

盛唐卷之四十七

五十二

漁愛茲山水趣忽與人世一  
然官  
燭中流有望舒

盛唐第四十七

盛唐第四十八

唐詩紀一百八

鄆郡吳中珩彙編

鄆郡謝陞同校

丁仙芝

潤州曲阿人登開元進士第爲舒州尉  
殷璠云仙芝詩婉麗清新迴出凡俗  
以其文多質少

贈朱中書

十年種田濱五湖十年遭滂盡爲蕪頻年井稅常  
不足今年緡錢誰爲輸東鄰轉穀五之利西鄰販  
繒日已貴而我守道不遷業誰能肯敢效此事紫  
詩紀

盛唐卷之四十八

五十三

戲贈姚侍御

繁霜曉幕鳴柏鳥侍子獸炭然金爐重門啓鎖紫  
髯胡新披駟馬隴西駒頭戴獬豸急晨趨明光殿  
前見天子今日應彈佞倖夫

餘杭醉歌贈吳山人

曉幙紅襟燕春城白項烏只來梁上語不向府中

趨城頭坎坎鼓聲曙滿庭新種櫻桃樹桃花臨  
撩亂開當軒發色映樓臺十千允得餘杭酒二  
春城長命杯酒後留君待明月還將明月送君回

剡谿館聞笛

夜久聞羌笛寥寥虛客堂山空響不散谿靜曲宜  
長草木生邊氣城池泛一作夕涼虛然異風出髣  
髴宿平陽

渡楊子江

一作孟浩然詩

旌節中流望空波兩畔明林開楊子驛山出潤州

詩紀

盛唐卷之四十八

二

城海盡邊陰靜江寒朔吹生更聞楓葉下浙瀝度  
秋聲

長寧公主舊山池

平陽舊池館寂寞使人愁座卷流黃簾簾垂白玉  
鈎庭閑花自落門閉水空流追想吹簫處應隨仙

鶴一作騎遊

京中守歲

守歲多然燭通宵莫掩扉客愁當暗滿春色向明  
歸玉斗巡初匝銀河落漸微開正獻歲酒千里間

庭闈

和薦福寺英公新構禪堂

上人久棄世中道自忘筌寂照出羣有了心清衆  
緣所以於此地築館開青蓮果藥羅砌下煙虹垂  
戶前呪中灑甘露指處流香泉神遠日無事體清  
宵不眠枳聞廬山法松入漢陽禪一枕西山外虛  
舟常浩然

越裳貢白雉

一作孫昌胤詩

聖哲承一作付

休運伊夔列上台覃恩丹徼遠入貢

詩紀

盛唐卷之四十八

三

素輦來北闕欣初見南枝顧未迴餘客殘雪淨矯  
翼片霜開馴擾將無懼翻飛幸不猜甘從上  
林一作苑裏飲啄自徘徊

江南曲五首

長干斜路北近浦是兒家有意來相訪明朝出浣  
沙

發向橫塘口船開值急流知郎舊時意且請攬船  
頭

昨暝逗南陵風聲波浪阻入浦不逢人歸家誰信

汝

未曉已成妝乘潮去茫茫因從京口渡使報邵陵

王

始下芙蓉樓言發瑯琊岸急為打船開惡許傷人

見

闕題見吟牕雜錄

窮巷常閉戶秋城聞擣衣闕

又

樹迴秋色川長遲落暉闕

詩紀

盛唐卷之四十八

四

張潮

一作張朝曲阿人處士○廣譜云潮詩委曲怨切頗多悲涼

江風行

壻貧如珠玉壻富如埃塵貧時不忘舊富日多寵  
新妾本富家女與君為偶匹惠好一何深中門不  
曾出妾有繡衣裳葳蕤金縷光念君貧且賤易此  
從遠方遠方三千里思君心未已一作發去日暮  
情更來空望去時水孟夏麥始秀江上多南風商  
賈歸欲盡君今尚巴東巴東有巫山窈窕神女顏  
常恐遊此方果然不知還

長干行

李白集載此詩而黃魯直辨為李益作及攷益集亦無此作按顧陶

類詩作張潮或有所據

憶妾

一作昔

深閨裏煙塵不會識嫁與長干人沙頭

候風色五月南風興思君下巴一作陵八月西

秋風起想君發楊子去來一作悲如何見少離別

多湘潭幾日一作人到妾夢越風波昨夜狂

風度吹折江頭樹森森暗無邊行人在何處北客

真一作王公朱衣滿江中薄一作暮來投宿

數朝不肯東今本無以好乘浮雲驄佳期蘭渚東

詩紀

盛唐卷之四十八

五

鴛鴦綠浦上翡翠錦屏中自憐十五餘顏色桃花

紅那作商人婦愁水復愁風

襄陽行

玉盤轉明珠君心無定準昨見襄陽客刺說襄陽  
好無盡襄漢水峴山垂漢水東流風北吹只言一  
世長嬌寵那悟今朝見別離君渡清羌渚知人獨  
不語妾見木栖林憶君相思深莫作雲間鴻離聲  
顧儔侶尚如匣中劍分形會同處是君婦識君情  
怨君恨君為此行下牀一宿不可保况乃萬里襄



陽城襄陽傳近大堤北君到襄陽莫回感大  
堤諸女兒憐錢不憚德

采蓮詞

朝出沙頭日正紅晚來雲起半江中  
賴逢鄰女曾相識並着蓮舟不畏風

江南行

茨菰葉爛別西灣蓮子花開一作猶未還妾夢不  
離江水上人傳郎在鳳凰山

李疑

殷璠云疑詩鮮潔有規矩其少年行  
三百詞雖不多翻然俠氣在目

詩紀

盛唐卷之四十八

六

少年行三首

十八羽林郎戎衣侍一作漢王臂鷹金殿側挾彈  
玉輿傍馳道春風起陪遊出建章

侍獵長楊下承恩更射飛塵生馬影滅箭落鴈行  
稀薄暮隨天仗聯翩入瑣闥

王劔膝邊

一作

橫金杯馬上傾朝遊茂陵道依宿

鳳凰城豪吏多猜忌無勞問姓名

淮南秋夜呈周偁

天淨河漢高夜閑砧杵發清秋忽如此離恨應難

歌風亂池上萍一作露光竹間月與君共遊處勿  
作他鄉別

林園秋夜作

林卧避殘暑白雪長在天賞心既如此對酒非徒  
然月色徧秋露竹聲兼夜泉涼風懷袖裏茲意與  
誰傳

讀前漢外戚傳

人錄尚書事家臨御路傍鑿池通渭水避暑借明  
光印綬妻封邑軒車子拜郎寵因官掖裏勢極必

詩紀

盛唐卷之四十八

七

先亡

袁瑾

紀事云明皇時人○張子  
容有寄贛縣袁少府詩

鴻門行

少年買意氣百金不辭費學劔西入秦結交北遊  
魏秦魏多報人與代亦殊倫由來不相識皆是暗  
相親寶馬青絲轡狐裘貂鼠服晨過劇孟遊暮投  
咸陽宿然諾本云云諸侯莫不聞猶思百戰術更  
逐李將軍始從灞陵下遙遙度朔野北風聞楚歌  
南庭見胡馬胡馬秋正肥相邀夜合圍戰酣烽火

滅路斷救兵稀白刃縱橫逼黃塵飛不息虜騎血  
灑衣單于淚沾臆獻凱雲臺中自言塞上雄將軍  
行失勢部曲遂無功新人不如舊舊人不相救萬  
里長飄颻十年計不就棄置難重論驅馬度鴻門  
行看楚漢事不覺風塵昏寶劍中夜撫悲歌聊自  
舞此曲不可終曲終淚如雨

一 惠文太子挽歌

開元十四年夏四月岐王範卒贈諡惠文太子

寒仗丹旄引陰堂白日遠暗燈明象物畫水濕靈  
衣羽化淮王去仙迎太子歸空餘燕銜土朝夕向

詩紀

盛唐卷之四十八

八

陵飛

薛維翰

紀事云登開元進士第

古歌二首

美人怨何深含情倚金閣不嘖復不語紅一作珠淚

雙雙落

美人閉紅燭獨坐裁新錦頻放剪刀聲夜寒知未  
寢

春夜裁縫

珠箔因風起飛蛾入最能不教人夜作方便殺明

燈

春女怨

白玉堂前一樹梅今朝忽見數花一作夜開兒家門

戶尋常一作重閉春色因何入得來一作何緣

怨歌

百尺珠樓臨狹斜新妝能唱美人車皆言賤妾紅

顏好要自狂夫不憶家

房琯

本傳云河南人玄宗將討吐蕃授其節度使封禪書文獻之授校書郎累遷憲部侍郎文宗幸蜀之行在機務多取決焉肅宗復京師為賊所敗

詩紀

盛唐卷之四十八

九

題漢州西湖

高流纏峻隅城下緬丘墟決渠信浩蕩潭島成江

湖結宇依廻渚水中信可居三伏氣不蒸四達暑

自徂同人千里駕鄰國五馬車月出共登舟風生

隨所如舉麾指極浦欲極更盤紆繚繞各殊致夜

盡情有餘遭亂意不開卽理還暫祛安得長晤語

使我憂更除

蕭昕

本傳云字中明梁都陽王七世孫世居河南中傳學宏詞制詩安引是左傳關哥

舒翰字公直舒收僞道走蜀肅宗立奉詔册見行在歷禮部尚書後以太子少師致仕  
日誌

洛出書

海內昔凋瘵天綱斯渟滴龜靈啓聖圖龍馬負書  
出大哉明德盛遠矣彝倫秩地敷作又功人免爲  
魚恤旣彰千國理豈止百川溢永賴至於今疇庸  
未云畢

臨風舒錦

麗錦正云終襜襜展向風花開翻覆翠色亂動搖

詩紀

盛唐卷之四十八

十一

紅縷散悠揚裏文迴照灼中低垂疑步障吹起作  
晴虹旣與丘遲夢深知卓氏功還鄉將製服從此  
表亨通

蘇源明

天寶中舉遷太子論德出爲東平太守召爲國子司業泰山陷京師以病不受  
僞官肅宗復兩京權考功郎中知制誥

宴濮陽守崔季重魯郡李蘭濟南田琦濟

陽李陵于洄源亭

天寶十二載時源明在東平

小洞庭今寓方舟風嫋嫋今離平流寓方舟今小

洞庭雲微微今連絕崕層瀾壯今緬以沒重巖轉

今超以忽馮夷逝今護輕橈蛟龍行今落增潮泊  
中潮今澹而閑並曲淑今悵而還適予手今非予  
期將解袂今藁予思尚君子今壽厥身承明主今  
憂斯人

以國子司業召須尉袁廣餞于小洞庭

浮漲湖兮莽條遙川后禮兮扈予橈橫增沃一作沒

今蓬仙延川后福兮易一作翼予船月澄凝兮明空

波星磊落兮耿秋河夜旣良兮酒且多樂方作兮

柰別何

詩紀

盛唐卷之四十八

十一

敬括

本傳云字叔弓河東人少以文詞稱應制登科累遷殿中侍御史出爲忠州刺史不附已者以括爲累用刺史後至御史大夫性深厚尚簡淡在職不務求名大曆中卒

省試七月流火

前庭一葉下言念忽悲秋變節金初至分寒一作空

火正流氣含涼夜早光拂夏雲收助月微明散沿

河麗景浮禮標時令爽詩興國風幽自此觀邦正

深知王綦休

許宣平

新安人也嘗仕一花瓢于曲竹枝

醉歌

負薪朝出賣沽酒日西歸借問家何在穿雲入翠

微紀事云好事者嘗題此詩于壁李白自翰林出東遊覽詩歎曰此仙人也

李陽冰善篆書會宰當塗太白依之

阮客舊居

阮客身何在仙雲洞口橫人間不到處今日此中行

間丘曉官至刺史王昌齡為丘曉所殺

夜渡淮

舟人自相報落日下芳潭夜火連淮市春風滿客

詩紀盛唐卷之四十八

帆水窮滄海畔路盡小山南且喜鄉園近言榮意

未甘

盛唐第四十八

盛唐第四十九

唐詩紀一百九

鄣郡吳中珩彙編

永嘉周才甫同校

李白

新唐書云字太白興聖皇帝九世孫其先以罪徙西域神龍初還客巴西母夢長庚星而生因名之十歲通詩書既長喜縱橫術擊劍為任俠輕財重施客仕城與孔巢父輩居徂徠山號竹谿六逸天寶初至長安賀知章見其文歎曰子謫仙人也言於玄宗召入金鸞殿帝賜食親為調羹有詔供奉翰林以當侍帝醉使高力士脫鞵力士耻之適其

詩紀

盛唐卷之四十九

一

令白依之代宗以左拾遺召而白已卒葬青山文宗詔以白歌詩斐然舞張旭草為三絕。按舊唐書云白山東人父為任城尉因家焉魏顆李陽冰序其文劉全白撰墓碣皆云廣漢人東蜀楊天惠彰明遺事云白本邑人微時募為縣小吏後棄去隱居大匡山今山有讀書臺非匡廬也。有子曰伯禽女曰平陽諸說不同。殷璠云白性嗜酒志不拘檢嘗林棲十數載故其為文章率皆縱逸至如蜀道難等篇可謂奇之又奇然自騷人以還鮮有此體調也

四言古詩

來日大難

來日一身攜糧負薪道長

今本作長鳴

食盡苦口焦唇

今日醉飽樂過千春仙人相存誘我遠學海凌一作

上三山陸憩五嶽乘龍天飛目瞻兩角授以神一作

仙藥金丹滿握螭蛄蒙恩深愧短促思填東海強

銜一木道重天地軒師廣成蟬翼九五以求長生

下士大笑如蒼蠅聲

上崔相百憂章

時在潯陽獄

共工赫怒天維中摧鯢鯨噴蕩揚擣起雷魚龍陷

人成此禍胎火焚崑山玉石相碰仰希霖雨灑寶

炎煨箭發石開戈揮日迴鄒衍慟哭燕霜颯來微

詩紀

盛唐卷之四十九

二

誠不感猶繫夏臺蒼鷹搏攫丹棘崔巍豪聖凋枯

王風傷哀斯文未喪東嶽豈頽穆逃楚難鄒脫吳

災見機苦遲二公所哈驥不驟進麟何來哉星離

一門草擲二孩萬憤結緝一作習又作緝憂從中催金瑟

玉壺盡爲愁媒舉酒太息泣血盈杯台星再朗天

網重恢屈法申恩棄瑕取材治長非罪尼父無猜

覆盆儻舉應照寒灰

五言古詩

俠客行

趙客縵胡纓吳鉤霜雪明銀鞍照白馬颯沓如流

星十步殺一人千里不留行事了拂衣去深藏身

與名閑過信陵飲脫劍膝前一作橫將炙啖朱亥

持觴勸侯嬴三杯吐然諾五嶽倒爲輕眼花耳熱

後意氣素霓生救趙揮金槌邯鄲先震驚千秋二

壯士烜赫大梁城縱死俠骨香不慙世上英誰能

書閣下白首太玄經

關山月

明月出天山蒼茫雲海間一作蒼蒼長風幾萬里

詩紀

盛唐卷之四十九

三

吹度玉門關漢下白登道胡窺青海灣由來征戰

地不見有人還戍客望邊色一作思歸多苦顏高

樓當此夜歎息未應閑

結客少年場行

紫燕黃金瞳稜稜一作搖綠鬣平明相馳逐結客

洛門東少年學劍術凌轢白猿公珠袍曳錦帶七

首插吳鴻出來萬夫勇挾此生雄一作風託交從

劇孟買醉入新豐笑盡一杯酒殺人都市中羞道

易水寒從一作今日貫虹燕丹事不立虛沒秦帝



宮舞陽死灰人安可與成功

長干行

妾髮初覆額折花門前劇郎騎竹馬來遶牀弄青

梅同居長千里兩小無嫌猜十四為君婦羞顏未

嘗一作尚開低頭向暗壁千喚不一迴十五始展眉

顏同塵與灰常存抱柱信豈一作耻上望夫臺十六

君遠行瞿塘滯滯堆五月不可觸猿聲一作鳴天上

哀門前遲一作舊行跡一一生綠一作苔苔深不能

掃落葉秋風早八月蝴蝶黃俗本作來雙飛西園草感

詩紀 盛唐卷之四十九 四

此傷妾心坐愁紅顏老早晚下三巴預將書報家

相迎不道遠直至長風沙長風沙地名在池州之馬漢下八十里

古朗月行

小時不識月呼作白玉盤又疑瑤臺鏡飛上一作在

青一作白雲端仙人垂兩足桂樹何今本作作團團白兔

擣藥成問言誰與餐蟾蜍蝕圓影大明夜已殘羿

昔落九烏天人清且安陰精此淪惑去去不足觀

憂來其如何惻今本作悵悵摧心肝

上之回

三十六離宮樓臺與天通閣道步行月美人愁煙

空恩疎寵不及桃李傷春風淫樂意何極金輿向

回中萬乘出黃道千旗揚彩虹前軍細柳北後騎

甘泉東豈問渭川老寧邀襄野童但一作抵慕一作秋暮

瑤池宴歸來樂未窮

獨不見

白馬誰家子黃龍邊塞兒天山三丈雪豈是遠行

時春意忽秋草莎雞鳴曲今本作西池風摧一作催寒樓

作一作響月入霜閨悲憶與君別年種桃齊蛾眉桃

詩紀 盛唐卷之四十九 五

今百餘尺花落成枯枝終然獨不見流淚空自知

妾薄命

漢帝重一作寵阿嬌貯之黃金屋咳唾落九天隨風

生珠玉寵極愛還歇妬深情却踈長門一步地不

肯暫迴車雨落不上天水覆難再一作一作故難收君

情一作怨與妾意各自東西流昔日芙蓉花今成斷

腸今本作根草以色事他人能得幾時好陶弘景仙方云斷腸不可

食其名美好名芙蓉按白詩日二句正用此語

幽州胡馬客歌

幽州胡馬客綠眼虎皮冠笑拂兩隻箭萬人不可  
干彎弓若轉月白鴈落雲端雙雙掉鞭行遊獵向  
樓蘭出門不顧後報國死何難天驕五單于狼戾  
好兇殘牛馬散北海割鮮若虎餐雖居燕支山不  
道朔雪寒婦女馬上笑顏如頰玉盤翻飛射鳥獸  
花月醉雕鞍旄頭四光芒爭戰如今本作蜂攢白刃  
灑赤血流沙爲之丹名將古誰是疲兵良可歎何  
時天狼滅父子得閑安

門有車馬客行

詩紀

盛唐卷之四十九

六

門有車馬客

一作金鞍耀朱輪謂從雲

一作霄落

乃是故鄉親呼兒掃中堂坐客謂悲辛對酒兩不

飲停觴淚盈巾歎我萬里遊飄飄今本作飄飄三十春

空談霸

一作帝

王畧紫綬不挂身雄劍藏玉匣陰符

生素塵廓落無所合流離湘水濱借問宗黨間多

爲泉下人生苦百戰役死託萬鬼鄰北風揚胡沙

靈翳周與秦大運且如此蒼穹寧匪仁惻愴竟何

道存亡任天

今本作大鈞

君子有所思行

紫閣連終南青冥天倪色憑崖望咸陽宮闕羅北  
極萬井驚畫出九衢如弦直渭水清銀河今本作銀河清  
橫天流不息朝野盛文物衣冠何翕赭廐馬散連  
山軍容威絕域伊臯運元化衛霍輸筋力歌鍾樂  
未休一作榮去老還逼圓光過滿缺太陽移  
中曷不散東海金何爭今本作西輝匿無作牛  
山悲惻愴淚沾臆

東海有勇婦

代漢韓舞歌關中有賢女

梁山感杞妻慟哭爲之傾金石忽暫開都由激深

詩紀

盛唐卷之四十九

七

情東海有勇婦何慙蘇子卿學劍越處子超騰一作

若流星捐軀報夫讎萬死不顧生白刃耀素雪

蒼天感精誠十步兩跳躍三呼一交兵斬首

掉國門蹴踏五藏行豁此伉儷憤粲然大義明北

海李史君飛章奏天庭捨罪警風俗流芳播滄瀛

志今本作在列女籍竹帛以光榮淳于免詔獄漢主

爲緹縈津妾一棹歌脫父於嚴刑十子若不肖不

如一女英豫讓斬空衣有心竟無成要離殺慶忌

壯夫所素輕妻子亦何辜焚之買虛聲豈如東海

婦事立獨揚名

黃葛篇

黃葛生洛谿黃花自綿幕青煙蔓長條繚繞幾百  
尺閨人費素手采緝作絺綌縫宋本為絕國衣遠  
寄日南客蒼梧大火落暑服莫輕擲此物雖過時  
是妾手中跡

白馬篇

龍馬花雪毛一作金鞍五陵豪秋霜切玉劒落日  
明珠袍關雞事萬乘軒蓋一何高弓摧南宋本山

詩紀

盛唐卷之四十九

八

虎手接太行猱酒後競風采三杯弄寶刀殺人如  
剪草劇孟同遊遨發憤去函谷從軍向臨洮叱咤  
經百戰今本作萬戰匈奴盡奔逃宋本作歸來使酒氣  
未肯拜一作蕭曹羞入原憲室荒徑一作隱蓬蒿

怨歌行

十五入漢宮花顏笑一作春紅君王選玉色侍寢  
金屏中薦枕嬌夕月卷衣戀香一作風寧知  
趙飛燕奪寵恨無窮沈憂能傷人綠鬢成霜蓬一  
朝不得意世事徒一作信為空鷓鴣換美酒舞衣罷

雕龍一作寒苦不忍言為君奏絲桐腸斷絃亦絕  
悲心夜忡忡

塞下曲三首

天兵下北荒胡馬欲南飲橫戈從百戰直為衛恩  
甚握雪海上餐拂沙隴頭寢何當破月氏然後方  
高枕

白馬黃金塞雲沙遶夢思那堪愁苦節遠憶邊城  
兒螢飛秋牕滿月度霜閨遲摧殘梧桐葉蕭颯沙  
棠枝無時獨不見流淚空自知

詩紀

盛唐卷之四十九

九

烽火動沙漠連照甘泉雲漢皇按劒起還召李將  
軍兵一作殺氣天上合鼓聲隴底聞橫行負勇氣一  
戰淨妖氛

塞上曲

大漠無中策匈奴犯渭橋五原秋草綠胡馬一何  
驕命將征西極橫行陰山側燕支落漢家婦女無  
花色轉戰渡黃河休兵樂事多蕭條清萬里瀚海  
寂無波

大堤曲

漢水橫一作襄陽花開大堤煖佳期大堤下淚向  
南雲滿春風復無情吹我夢魂散不見眼中人天  
長音信斷

湖邊采蓮婦

小姑織白紵未解將人語大嫂采芙蓉谿湖千萬  
重長兄行不在莫使外人逢願學秋胡婦貞心比  
古松

鼓吹入朝曲

金陵控海浦淥水帶吳京鏡歌列騎吹颯沓引公

詩紀

盛唐卷之四十九

十

卿槌鐘速嚴妝伐鼓啟重城天子憑玉几劔履若  
雲行日出照萬戶簪裾爛明星朝罷沐浴閑遨遊  
閨風亭濟濟雙闕下歡娛樂恩榮

秦女休行

西門秦氏女秀色如瓊花手揮白楊刀清晝殺讎  
家羅袖灑赤血英聲凌紫霞直上西山去關吏相  
邀遮堦爲燕國王身被詔獄加犯刑若履虎不畏  
落爪牙素頸未及斷摧眉伏泥沙金雞忽放赦大  
辟得寬賒何慙薛政姊萬古共驚嗟

秦女卷衣

天子居未央妾來今本卷衣裳顧無紫宮寵敢拂  
黃金牀水至亦不去熊來尚可當微身奉日月飄  
若螢火一作光願君采葑菲無以下體妨

東武吟

一作題作出東門後書

好古笑流俗素聞賢達風方希佐明主長揖辭成  
功白日在高天迴光燭微躬恭承鳳凰詔欵起雲  
蘿中清切紫霄一作迴優游丹禁通君王賜顏色  
聲價凌煙虹乘輿擁翠蓋扈從金城東寶馬麗絕

詩紀

盛唐卷之四十九

十一

景錦衣入新豐倚今本巖望松雪對酒鳴絲桐因  
學楊子雲獻賦甘泉宮天書美片善清芬播無窮  
歸來入咸陽談笑皆王公今本無以一朝去金馬  
飄落成飛蓬賓客一作日疎散玉樽亦已空

才力猶可恃

一作

不慙世上雄閑作東武吟曲盡

情未終書此謝知己吾尋黃綺翁

一作扁舟

邯鄲才人嫁爲廝養卒婦

妾今崇臺女楊蛾入丹闕自倚顏如花寧知有凋  
歇一辭玉階下去若朝雲沒每憶邯鄲城深宮夢



秋月君王不可見惆悵至明發

出自薊北門行

虜陣橫北荒胡星耀精芒羽書速驚電烽火晝連  
光虎竹救邊急戎車森已行明主不安席按劍心  
飛揚推轂出猛將連旗登戰場兵威衝絕漠殺氣  
凌穹蒼列陣一作赤山下開營紫塞傍孟冬風沙  
緊旌旗颯凋傷畫角悲海月征衣卷天霜揮刃斬  
樓蘭彎弓射賢王單于一平蕩種落自奔亡收功  
報天子歌舞一作行歌歸咸陽

詩紀

盛唐卷之四十九

十二

北上行

北上何所苦北上緣太行磴道盤且峻巉巖凌穹  
蒼馬足蹶側石車輪摧高岡沙塵接幽州烽火連  
朔方殺氣毒劍戟嚴風裂衣裳奔鯨夾黃河鑿齒  
屯洛陽前行無歸日返顧思舊鄉慘慼水雪裏悲  
號絕中腸尺布不掩體皮膚劇枯桑汲水澗谷阻  
採薪隴坂長猛虎又掉尾磨牙皓秋霜草木不可  
餐饑飲零露漿歎此北上苦停驂爲之傷何日王  
道平開顏覩天光

短歌行

白日何短短百年苦易滿蒼穹浩茫茫萬劫太極  
長麻姑垂兩鬢一半已成霜天公見玉女大笑億  
千場吾欲攬六龍迴車挂扶桑北斗酌美酒勸龍  
各一觴富貴非所願爲今本人駐顏一作流光

空城雀

嗷嗷空城雀身計何戚促本與鷦鷯羣不隨鳳凰  
族提攜四黃口飲乳未嘗足食君糠粃餘常恐烏  
鴛逐一作恥涉太行險羞營覆車粟天命有定端

詩紀

盛唐卷之四十九

十三

守分絕所欲

發白馬

將軍發白馬旌節渡黃河蕭鼓聒川嶽滄溟湧  
波武安有振瓦易水無寒歌鐵騎若雪山飲  
流涸滹沱揚兵獵月窟轉戰畧朝那倚劍登燕然  
邊鋒列嵯峨蕭條萬里外耕作五原多一掃清大  
漠包虎戢金戈

陌上桑

美女渭橋東

一作遊女細綺衣

春還事蠶作五馬如飛龍



宋板作花青絲結金絡不知誰家子調笑來一作還相

謹妾本秦羅敷玉顏豔名都綠條映素手採桑向

城隅使君且不顧况復論秋胡寒蟄愛碧草鳴鳳

棲青梧託心自有處但恠傍人愚徒令白日暮高

駕空踟躕

### 枯魚過河泣

白龍改常服偶被豫且制誰使爾為魚徒勞訴天

帝一作帝報鯨鯢勿恃風濤勢濤落歸泥沙翻遭螻

蟻噬萬乘慎出入柏人以爲識一作識

詩紀

盛唐卷之四十九

十四

### 丁督護歌

雲陽上征去兩岸饒商賈吳牛喘月時拖船一何

苦水濁不可飲壺漿半成土一唱都護歌心摧淚

如雨萬人鑿盤石無由達江汭君看石芒碭掩淚

悲千古

### 相逢行

朝騎五花馬謁帝出銀臺秀色誰家子雲車一作中

珠箔開金鞭遙指點玉勒近一作作遲回來轂相借

問疑一作知從天上來一本此下有憐腸愁欲斷斜日復相催下車何輕盈飄飄

似落梅邀一作入青綺門當歌共銜杯以上二句一作嬌羞

初解佩語銜杯映歌扇似月雲中見相見不得一作相

親不如不相見相見情已深未語可知心胡爲

守空閨孤眠愁錦衾錦衾與羅幃纏綿會有時春

風正澹蕩一作暮雨來何遲願因三青鳥更報一作

長相思光景不待人須臾髮成絲當一作年失

行樂老去一作徒傷悲持此道密意毋令曠佳期

### 千里思

李陵沒胡沙蘇武還漢家迢迢五原關朔雪亂邊

詩紀

盛唐卷之四十九

十五

花一作愁見一作去隔絕國思歸但長嗟鴻鴈向西

北因一作書報天涯

### 樹中草

鳥銜野田草誤入枯。米裏客土植危根逢春猶不

死草木雖無情因依尚可生如何同枝葉各自有

枯榮

### 折楊柳

垂楊一作楊柳拂淥水搖盪一作東風年花明玉關雪

葉煖金牕煙美人結長想一作對此心悽然攀條

折春色遠寄龍庭前一作沙邊

少年子

青雲少年子挾彈章臺左鞍馬四邊開突如流星  
過金丸落飛鳥夜入瓊樓卧夷齊是何人獨守西  
山餓

少年行

擊筑飲美酒劒歌易水湄經過燕太子結託并州  
兒少年負壯氣奮烈自有時因聲今本作擊非魯勾踐  
爭搏勿相欺

詩紀

盛唐卷之四十九

十六

豫章行

胡風吹代馬一作燕人北擁魯陽關吳兵照海雪

西討何時還半渡上遼津黃雲慘無顏老母與子

別呼天野草間百鳥一作馬繞旌旗悲鳴相追攀白

楊秋月苦早落豫章山本爲休明人斬虜素不閑

豈惜戰鬪死爲君掃兇頑精感石沒羽豈云憚險

艱樓船若鯨飛波蕩落星灣此曲不可奏三軍鬢

一作髮成斑

沐浴子

沐芳莫彈冠浴蘭莫振衣處世忌太潔志今本人作至  
貴藏輝滄浪有釣叟吾與爾同歸

鳳凰曲

羸女吹玉簫吟弄天上春青鸞不獨去更有攜手  
人影滅彩雲斷遺聲落西秦

秋思

春陽如昨日碧樹鳴黃鸝蕪然蕙草暮颯爾涼風  
吹天秋木葉下月冷莎雞悲坐愁羣芳歇白露凋  
華滋

詩紀

盛唐卷之四十九

十七

春思

燕草如碧絲秦桑低綠枝當君懷歸日是妾斷腸  
時春風不相識何事入羅幃

子夜四時歌四首

秦地羅敷女采桑綠水邊素手青條上紅妝白日  
鮮蠶饑妾欲去五馬莫留連

鏡湖三百里菡萏發荷花五月西施采人看隘若

耶回舟不待月歸去越王家

長安一片月萬戶擣衣聲秋風吹不盡總是玉關

明朝驛使發一夜絮征袍素手抽針冷那堪把剪刀裁縫寄遠道幾日到臨洮

對酒行二首

松子棲金華安期入蓬海此人古之仙羽化竟何  
在浮生速流電倏忽變光彩天地無彫換容顏有  
遷改對酒不肯飲含情欲誰待

勸君莫拒杯春風笑人來桃李如舊識傾花向我

開流鶯啼碧樹明月窺金壘昨來朱顏子今日白

詩紀

盛唐卷之四十九

太

髮催棘生石虎殿鹿走姑蘇臺自古帝王宅城闕

閑黃埃君若不飲酒昔人安在哉

長歌行

桃李得

待——作

日開榮華照當年東風動百物草木

盡欲言枯枝無醜葉涸水吐清泉大力運天地義

和無停鞭功名不早著竹帛將何宣桃李務青春

誰能貫白日富貴與神仙蹉跎成兩失金石猶銷

鑠風霜無久質畏落日月後強歡歌與酒秋霜不

惜人倏忽侵蒲柳

南都行

南都信佳麗武關橫西關白水真人居萬商羅鄺  
闔高樓對紫陌甲第連青山此地多英豪邈然不  
可攀陶朱與五穀名播天壤間麗華秀玉色漢女  
嬌朱顏清歌遏流雲豔舞有餘閑遨遊盛宛洛冠  
蓋隨風還走馬紅陽城呼鷹白河灣誰識臥龍客  
長吟愁鬢斑

秋浦歌二首

秋浦長似秋蕭條使人愁客愁不可度行上東大

詩紀

盛唐卷之四十九

丸

樓正西望長安下見江水流寄言向江水汝意憶

儂不遙傳一掬淚爲我達揚州

千千石楠樹萬萬女貞林  
山山白鷺滿澗澗白猿

吟君莫向秋浦猿聲碎客心

玉真仙詞

字持盈始

鄒大河三章法說天集 歲上言曰先  
帝詩安諸字今詩明 和賦願去

公主號雁色一乃歸之王曰玄宗上許又言安南宗之世不示之天陛下之女弟

於天下不爲賤何必名繫王號貢湯沐  
然後爲貴帝知至意乃許之實應時薨

玉真之仙

眞一作作

人時往太華峯清晨鳴天鼓颺歛

騰雙龍弄電不輟手行雲本無蹤幾時入少室王  
母應相逢

清谿行

一題作宜州清谿

清谿清我心水色異諸水借問新安江見底何如  
此人行明鏡中鳥度屏風裏向晚猩猩啼空悲遠  
遊子

歷陽壯士勤將軍名思齊歌

并序

歷陽壯士勤將軍神力出於百夫則天太后召  
見奇之授遊擊將軍賜錦袍玉帶朝野榮之後

詩紀

盛唐卷之四十九

二十一

拜橫南將軍大臣慕義結十友即燕公張說館  
陶公郭元振爲首余壯之遂作詩

太古歷陽郡化爲洪川在江山猶鬱盤龍虎秘光  
彩蓄洩數千載風雲何霍霍特生勤將軍神  
力百夫倍

擬古

融融白玉輝映我青蛾眉寶鏡似空水落花如風  
吹出門望帝宋板作同子蕩漾不可期安得黃鶴羽一  
報佳人知

古意

君爲女蘿草妾作兔絲花輕條不自引爲逐春風  
斜百丈託遠松纏綿成一家誰言會面一作各在青山崖女蘿發馨香兔絲斷人腸枝枝相糾結  
葉葉競飄揚生子不知根因誰共芬芳中巢雙翡翠上宿紫鴛鴦若識二草心海潮亦可量

詩紀

盛唐卷之四十九

二十二

盛唐第四十九

盛唐第五十

唐詩紀一百十

郭郡吳中行集

永嘉周才甫同校

李白二

五言古詩二

古風六十一首

大雅久不作吾衰竟誰陳王風委蔓草戰國多荆榛龍虎相啖食兵戈逮狂秦正聲何微茫哀怨起騷人揚馬激頽波開流蕩無垠廢興雖萬變憲章詩紀

盛唐卷之五十

亦已淪自從

建

安來綺麗不足珍聖代復元

古垂衣貴清真羣才屬休明乘運共躍鱗文質相炳煥衆星羅秋旻我志在刪述垂輝映千春希聖如有立絕筆於獲麟

蟾蜍薄太清蝕此瑤臺月圓光虧中天金魄遂淪沒蟬蜩入紫微大明夷朝暉浮雲隔兩曜萬象昏陰霏蕭蕭長門宮昔是今已非桂蠹花不實天霜下嚴威沈歎終永夕感我涕沾衣

秦皇掃六合虎視何雄哉揮

作

劍決浮雲諸侯

盡西來明斷自天啓

一作雄圖

大畧駕羣才收兵

鑄金人函谷正東開銘功會稽嶺騁望瑯琊臺刑

徒七十萬起土驪山隈尚采不死藥茫然使人

心哀連弩射海魚長鯨正崔嵬額鼻象五嶽揚波

噴雲雷鬚鬣蔽青天何由覩蓬萊徐氏

載秦

女樓船幾時迴但見三泉下金棺葬寒灰

鳳飛九千仞五章備綵珍銜書且虛歸空入周與

秦橫絕歷四海所居未得鄰吾營紫河車千載落

風塵藥物秘海嶽採鉛清谿濱時登大樓山舉手

詩紀

盛唐卷之五十

二

望仙真羽駕滅去影飈車絕迴輪尚恐丹液遲志

願不及申徒霜鏡中髮羞彼鶴上人桃李何處開

此花非我春唯應清都境長與韓衆親

太白何蒼蒼星辰上森列去天三百里邈爾與世

絕中有綠髮翁披雲

一作卧松雪

不笑亦不語冥

棲在巖穴我來逢真人長跪問寶訣粲然忽自哂

授以鍊藥說銘骨傳其語竦身已電滅仰

望不可及蒼然五情熱吾將營丹砂永與世人別

岱馬不思越越禽不戀燕情性有所習土風固其



然昔別鴈門關今戍龍庭前驚沙亂海日飛雪迷

胡天蟣蝨生虎鵬心蒐逐旌旆苦戰功不賞忠誠

難可宣誰憐李飛將白首沒三邊

客有鶴上仙一作五鶴飛飛凌太清揚言碧雲裏

一作仙人自道安期名兩兩白玉童雙吹紫鸞笙

去影忽不見迴風送天聲一作忽然下倒舉首遠

望之一作欲飄然若流星願餐金光草壽與天

齊傾一作一本作遺我金光草服之

咸陽二三月宮柳黃金枝一作石鳥綠幘誰家子

詩紀盛唐卷之五十三

賣珠輕薄兒一作秦女日暮醉酒歸白馬驕

且馳意氣人所仰一作治遊方及時子雲不曉事

晚獻長楊辭賦達身已老草玄鬢若絲投閣良可

歎但爲此輩嗤

莊周夢胡蝶胡蝶爲莊同一體更變易萬事良悠

悠乃一作知蓬萊水復作清淺流青門種瓜人舊

一作日東陵侯富貴固一作如此營營何所求

齊有個儻生魯連特高妙明月出海底一朝開光

曜却秦振英聲後世仰末照意輕千金贈顧向平

原笑吾亦澹蕩人拂衣可同調

黃河走東溟白日落西海逝川與流光飄忽不相

待春容捨我去秋髮已衰改人生非寒松年貌

豈長在吾當乘雲螭吸景駐光彩一作學天飛

松柏本孤直難爲桃李顏昭昭嚴子陵垂釣滄波

間身將客星隱心與浮雲閑長揖萬乘君還歸富

春山清風灑六合邈然不可攀使我長歎息冥棲

巖石間

詩紀盛唐卷之五十四

君平既棄世世亦棄君平觀變窮太易探元

化羣生寂寞綴道論空簾閉幽情騁虞不虛

來鸞鷟有時鳴安知天漢上白日懸高名海客去

已久誰人能一作測沉冥

胡關饒風沙蕭索一作竟終古歲一作落秋草黃

登高望戎虜荒城空大漠邊邑無遺堵白骨橫千

霜嵯峨蔽榛莽借問誰凌雲天驕毒威武赫怒我

聖皇勞師事鼙鼓陽和變殺氣發卒騷中土三十

六萬人哀哀淚如雨且悲就行役安得營農圃不

見征戍兒豈知關山苦

一本此下有字終徒死節

將軍獲主

李牧

一作衛霍

今不在邊人飼豺虎

燕昭延郭隗遂築黃金臺劇辛方趙至

鄒衍

復齊來奈何青雲士棄我如塵埃珠玉買歌笑糟

糠養賢才方知黃鶴舉千里獨徘徊

寶劍雙蛟龍雪花照芙蓉精光射天地雷騰不可

衝一去別金匣飛沈失相從風胡滅已久所以潛

其鋒吳水深萬丈楚山邈千里雌雄終不隔神物

會當

一作相逢

詩紀

盛唐卷之五十

五

金華牧羊兒乃是紫煙客我願從之遊未去髮已

白不知繁華

一作朱顏

子擾擾何所迫崑山采瓊蕊

可以煉精魄

天津三月時千門桃與李朝爲斷腸花暮逐東流

水前水復後水古今相續流

一作今

人非舊人年

年橋上游雞鳴海色動謁帝羅公侯月落西上陽

陽州

餘輝半城樓衣冠照雲日朝下散皇州鞍

馬如飛龍黃金絡馬頭行人皆辟易志氣橫高丘

入門上高堂列鼎錯珍羞香風引趙舞清管隨齊

謳七十紫鴛鴦雙雙戲庭幽行樂爭晝夜自言度

千秋功成身不退自古多愆尤黃犬空歎息綠珠

成纈離何如鴟夷子散髮棹

一作扁舟

西嶽

宋板

蓮花山迢迢見明星素手把芙蓉虛步

躡太清霓裳曳廣帶飄拂昇天行邀我登雲臺高

揖衛叔卿恍恍與之去駕鴻凌紫冥俯視洛陽川

茫茫走胡兵流血塗野草豺狼盡冠纓

昔我遊齊都登華不注峯茲山何峻秀綠翠如芙

蓉蕭颯古仙人了知是赤松借予一白鹿自挾兩

詩紀

盛唐卷之五十

六

青龍含笑凌倒景欣然願相從

一作下

各千里去

一作今

泣與親友別欲語再三咽勗君青松心努力保霜

雪世路多險艱白日欺紅顏分首

去何時還

在世復幾時倏如飄風度空聞紫金經白首愁相

哭撫已忽自笑沈吟爲誰故名利徒煎熬安得閑

余步終畱赤玉舄東上蓬萊

一作

路秦帝如我求

蒼蒼但煙霧

蒼蒼但煙霧

郢客吟白雪遺響飛青天徒勞歌此曲舉世誰爲  
傳試爲巴人唱和者乃數千吞聲何足道歎息空  
悽然

秦水別隴首幽咽多悲聲胡馬顧朔雪蹊蹠長嘶  
鳴感物動我心緬然含歸情昔視秋蛾飛今見春  
蠶生嫋嫋桑柘一作結葉萋萋柳垂榮急節謝流水  
羈心搖懸旌揮涕且復去惻愴何時平

秋露白如玉團團下庭綠我行忽見之寒早悲歲  
促人生猶鳥過宋板作生猶鳥過胡乃自結束景公一何

詩紀

盛唐卷之五十

七

愚牛山淚相續物苦不知足登一作得隴又望蜀人

心若波瀾世路多一作有屈曲三萬六千日夜夜當

秉燭

大車揚飛塵亭午暗阡陌中貴多黃金連雲開甲

宅路逢鬪雞者冠蓋何輝赫鼻息干虹蜺行人皆

怵惕世無洗耳翁誰知堯與跖

世道日交喪澆風散淳源不采芳桂枝反棲惡木

根所以桃李樹吐花竟不言大運有興沒羣動爭

飛奔歸來廣成子去入無窮門

碧荷生幽泉朝日豔且鮮秋花冒綠水密葉羅青  
煙秀色空絕世馨香竟誰一作誰傳坐看飛霜滿凋  
此紅芳年結根未得所願託華池邊

燕趙有秀色綺樓青雲端眉目豔皎月一笑傾城  
歡常恐碧草晚坐泣秋風寒纖手怨玉琴清晨起  
長歎焉得偶君子共乘雙飛鸞

容顏若飛電時景如飄風草綠霜已白日西月復  
東華髮不耐秋颯然成衰蓬古來賢聖人一一誰  
成功君子變猿鶴小人爲沙蟲不及廣成子乘雲

詩紀

盛唐卷之五十

八

駕輕鴻

三季分戰國七雄成亂麻王風何怨怒世道終紛

拏至人洞玄宋板作元象高舉凌紫霞仲尼亦一作欲浮

海吾祖之流沙聖賢共淪沒臨岐胡咄嗟

玄風變太古道喪無時還擾擾季葉一作市井人雞鳴

趨四關但識金馬門誰一作詎知蓬萊山白首死羅

綺笑歌無時一作休閑綠酒晒丹液青娥凋素顏一作

妾妾千金骨大儒揮金槌琢之宋板作發塚詩禮間蒼

蒼三珠樹冥目焉能攀

鄭客西入關行行未能已白馬華山君相逢平原  
里壁遺鎬池君明年祖龍死秦人相謂曰吾屬可  
去矣一往桃花源千春隔流水

蓐收肅金氣西陸弦海月秋蟬號階軒感物憂不  
歇良辰竟何許大運有淪忽天寒悲風生夜久衆  
星沒則則不忍言哀歌逮一作明發

北溟有巨魚身長數千里仰噴三山雪橫吞百川  
水憑一作隨海運烜一作赫因風起吾觀摩天飛九  
萬方未已

詩紀 盛唐卷之五十 九

羽檄如流星虎符合專城喧呼救邊急羣鳥皆夜  
鳴白日曜紫微三公運權衡天地皆得一澹然四  
海清借問此何爲荅言楚徵兵渡瀘及五月將赴  
雲南征怯卒非戰士炎方難遠行長號別嚴親日  
月慘光晶泣盡繼以血心摧兩無聲困獸當猛虎  
窮魚餌奔鯨千去不一回投軀豈全生如何舞干  
戚一使有苗平

醜女來效顰還家驚四鄰壽陵失本步笑殺邯鄲  
人一曲一作曲斐然子雕蟲喪天真棘刺造沐猴三

年費精神功成無所用楚楚且華一作榮身大雅思  
文王頌聲久崩淪安得郢中質一揮成斧斤一作承風

抱玉入楚國見疑古所聞良寶終見棄徒勞三獻  
君直木忌先伐芳蘭哀目焚盈滿天所損沈冥道  
爲羣東海汎碧水一作流西關乘紫雲魯連及柱史

可以躡清芬按感興第七首云竭來荆山客誰爲  
珉玉分良寶絕見棄虛持三獻君直  
木思先伐芬蘭哀目焚盈滿天所損沈冥道所羣  
東海有碧水西山多白雲魯連及夷齊可以躡清  
芬止異十餘字今附于此

詩紀 盛唐卷之五十 十

燕臣昔慟哭五月飛秋霜庶女號蒼天震風擊齊  
堂精誠有所感造化爲悲傷而我竟何辜遠身金  
殿傍一本無以浮雲蔽紫闥白日難回光羣沙穢  
明珠衆草凌孤芳古來共歎息流淚空沾裳  
孤蘭生幽園衆草共蕪沒雖照陽春暉復悲高秋  
月飛霜草漸瀝綠豔恐休歇若無清風吹香氣爲  
誰發

登高望四海天地何漫漫霜被羣物秋風飄大荒  
寒榮華東流水萬事皆波瀾白日掩徂輝浮雲無



定端梧桐巢燕雀枳棘棲鷓鴣且復歸去來劒歌

行一作路難一本作登高望四海天地何漫漫一作悲

無心亦盤桓一作思曲終涕泗濁濁一作悲

鳳饑不啄粟所食唯琅玕焉能與羣雞刺一作促

爭一餐朝鳴崑丘樹夕飲砥柱湍歸飛海路遠獨

宿天霜寒幸遇王子晉結交青雲端懷思未得報

感別空長歎

朝弄紫泥海一作朝駕夕披丹霞裳揮手折若木

出紀本盛唐卷之五十十一

拂此西日光雲舉今本遊八極玉顏已千霜

飄飄入無倪稽首祈上皇呼我遊太素玉杯賜瓊

漿一餐歷萬歲何用還故鄉永隨長風去天外恣

飄揚

搖裔雙白鷗鳴飛滄江流宜與海人狎豈伊雲鶴

儔寄形宿沙月沿芳戲秦洲吾亦洗心者忘機從

爾遊

周穆八荒意漢皇萬乘尊滛樂心不極雄豪安足

論西海宴王母北宮邀上元瑤水聞遺歌玉杯竟

空言靈跡成蔓草徒悲千載寬

綠蘿紛葳蕤繚繞松柏枝草木有所託歲寒尚不

移奈何天桃色坐歎葑菲詩玉顏豔紅彩雲髮非

素絲君子恩已畢賤妾將何爲

八荒馳驚飈萬物盡凋落浮雲蔽頽陽洪波振大

壑龍鳳脫網罟飄飄將安託去去乘白駒空山詠

場藿

一百四十年國容何赫然隱隱五鳳樓峨峨橫三

川王侯象星月賓客如雲煙以上六句一本作帝

詩紀盛唐卷之五十十一

然劍戟擁九關歌鐘沸三川關雞金宮裏蹴踘瑤

臺邊一作走馬舉動搖白日指揮回青天當塗何

翁忽失路長棄捐獨有揚執戟閉關草太玄

桃花開東園含笑誇白日偶蒙東風榮生一作此

豔陽質豈無佳人色但恐花不實宛轉龍火飛零

落早相失詎知南山松獨立自蕭颯按威興第四

緜波桃李誇白日偶蒙春風榮生此豔陽質豈無

佳人色但恐花不實宛轉龍火飛零落互相失詎

秦王按寶劒赫怒震威神逐日巡海右驅石駕滄



津徵卒空九寓作橋傷萬人但求蓬島藥豈思農  
屬春力盡功不贍千載為悲辛

美人出南國灼灼芙蓉姿皓齒終不發芳心空自  
持由來紫宮女共妬青蛾眉歸去瀟湘沚沈吟何  
足悲

宋國梧臺東野人得燕石首二句一作宋人枉誇  
千金去國買燕石

作天下珍却晒趙王璧趙璧無緇磷燕石非貞真  
流俗多錯誤豈知玉與珉

殷后亂天紀楚懷亦已昏夷羊滿中野菰施盈高

詩紀盛唐卷之五十

門比干諫而死屈平竄湘源虎口何婉孌女須空

嬋媛一作彭咸久淪沒此意與誰論

青春流驚湍朱明一作驟迴薄不忍看秋蓬飄揚

竟何托光風滅蘭蕙白露灑葵藿一作委美人不

我期草木日零落

戰國何紛紛兵戈亂浮雲趙倚兩虎鬪晉為六卿

分姦臣欲竊位樹黨自相群果然田成子一旦殺

齊君

倚劍登高臺悠悠送春日蒼榛蔽層丘瓊草隱深

谷鳳鳥鳴西海欲集無珍木鸞斯得所一作居一作

棲蒿下盈萬族晉風日已頽窮途方慟哭以上六句一作

翻翻衆鳥飛翱翔在珍木羣花亦便娟  
榮耀非一族歸來愴途窮日暮還慟哭

齊瑟彈一作東吟秦絃弄西音慷慨動顏魄使人

成荒淫彼美佞邪子婉孌來相尋一笑雙白璧再

歌千黃金珍色不貴道詎惜飛光沈安識紫霞客

瑤臺鳴玉今本素琴

越客采明珠提攜出南隅清輝照海月美價傾鴻

一作都獻君君按劍懷寶空長吁魚目復相晒寸

詩紀盛唐卷之五十

心增煩紆

羽族稟萬化小大各有依周周亦何辜六翮掩不

揮願銜衆禽翼一向黃河飛飛者莫我顧歎息將

安歸

我行一作巫山渚尋古登陽臺天空彩雲滅地遠

清風來神女去已久襄王安在哉荒淫竟淪沒一作

替樵牧徒悲哀

惻惻泣路岐哀哀悲素絲路岐有南北素絲易變

移今本此下有萬事固如此人生無定  
期田實相傾奪賓客互盈虧四句谷風刺輕

薄今本作世途多翻覆交道方嶮巇斗酒強然諾寸心終自

疑張陳竟火滅蕭朱亦星離衆鳥集榮柯窮魚守

枯一作空池嗟嗟失歡客勤問何所規一作悲

詩紀

盛唐卷之五十

五

盛唐第五十

盛唐第五十一

唐詩記一百十一

鄧郡吳中珩彙編

永嘉周才甫同校

李白三

五言古詩三

獻從叔當塗宰陽冰

金鏡靈六國亡新一作秦

亂天經焉知高光起自有

羽翼生蕭曹安峴岬耿賈摧機槍吾家有季父傑

出聖代英雄雖無三台位不借四豪名激昂風雲氣

詩紀

盛唐卷之五十一

二

終協龍虎精弱冠燕趙來賢彥多逢迎魯運善談

笑季布折公卿遙知禮數絕常恐不合并惕想結

宵夢素心久已冥顧慙青雲器謬奉玉樽傾山陽

五百年綠水忽再榮高歌振林木大笑喧雷霆落

筆灑篆文崩雲使人驚吐辭又炳煥五色羅華星

秀句滿江國高才挾天庭宰邑艱難時浮雲空古

城居人若薙草掃地無纖莖惠澤及飛走農夫盡

歸耕廣漢水萬里長流玉琴聲雅頌播吳越還如

太階平小子別金陵來時白下亭羣鳳憐客鳥差

池相哀鳴各拔五色毛意重太山輕贈微所費廣  
斗水澆長鯨彈劍歌苦寒嚴風起前楹月銜天門  
曉霜落牛渚清長歎即歸路臨川空屏營

翰林讀書言懷呈集賢院內諸學士

晨趨紫禁中夕待金門詔觀書散遺帙探古窮至  
妙片言苟會心掩卷忽而笑青蠅易相點白雪難  
同調本是疎散人屢貽編促誚雲天屬清朗林壑  
憶遊眺或時清風來閑倚欄一作下嘯嚴光桐廬  
谿謝客臨海嶠功成謝人君一作從此一投釣

詩紀

盛唐卷之五十一

二

繫潯陽上崔相渙

毛遂不墮井曾參寧殺人虛言誤公子投杼感慈  
親白璧雙明月方知一玉真

獄中上崔相渙

胡馬渡洛水血流征戰場千門閉秋景萬姓危朝  
霜賢相燮元氣再欣海縣康台庭有雙龍列宿粲  
成行羽翼三元聖發輝兩太陽應念覆盆下雪泣  
拜天光

贈張相鎬二首

時逃難在  
官山作

神器難竊弄天狼窺紫宸六龍遷一作駕白日四海

一作九洛暗胡塵昊穹降元宰君子方經綸澹然養浩

氣歛起持天今本作大鈞秀骨象山嶽英謀合鬼神佐

漢解鴻門興一作生唐為後身一作思功成擁旄秉金

鉞伐鼓乘朱輪虎將如雷電一作思總戎向東巡諸

侯拜馬首猛士騎鯨鱗澤被魚鳥悅令行草木春

逢聖一作聖智不失時建功及良辰醜虜安足紀一作絕

可貽輞與巾倒瀉溟海珠盡為入幕珍馮異獻赤

伏鄧生倏來臻庶同昆陽舉再覩漢儀新昔為管

詩紀

盛唐卷之五十一

三

將鮑中奔吳隔秦一生欲報主百代期榮親其事

竟不就哀哉難重陳臥病古松滋一作宿蒼山一作

空四鄰風雲激壯志枯槁驚常倫聞君自天來

目張氣益振亞夫得劇孟七一作國空一作定無人

捫蝨對桓公願得論悲辛大塊方噫氣何辭鼓青

蘋斯言儻不合歸老漢江濱

本家一作家本隴西人先代一作代為漢邊將功畧天地中

一作蓋名飛青雲上苦戰竟不侯當一作富年頗惆

悵世傳崆峒勇氣激金風壯英烈遺厥孫百代神

猶王十五觀奇書作賦凌相如龍顏惠殊寵麟閣

憑天居一作作明晚途未云已一作作明贈贈遭讒毀想像

晉末時崩騰胡塵起衣冠陷鋒鏑戎虜盈一作作明

朝市石勒窺神州劉聰劫天子撫劍夜吟嘯雄心

日千里誓欲斬鯨鯢澄清洛陽水六合一作作明灑霖

雨萬物一作作明無彫枯我揮一杯水自笑何區區因

人耻成事貴欲決良圖滅虜不言功飄然陟

蓬壺惟有安期舄留之滄海隅

贈從兄襄陽少府皓

詩紀 盛唐卷之五十一 四一

結髮未識事所交盡豪雄却秦不受賞救趙一作作明

寧為功託身白刃裏殺人紅塵中當朝揖高義舉

世欽英風小節豈足言退耕春陵東歸來無產業

生事如轉蓬一朝烏裘敝百鑑黃金空彈劍徒激

昂出門悲路窮吾兄青雲士然諾聞諸公所以陳

片言片言貴情通棣華儻不接甘與秋草同

淮海對雪贈傅靄一作作明

朔雪落吳天從風渡溟渤海樹成陽春江沙皓明

月飄飄四荒外想像千花發瑤草生階墀玉塵散

庭闕今本無以剡谿與空在郢路歌未歇寄君梁

父吟曲盡心斷絕後四句一作與從劉絕

絕

贈徐安宜

白田見楚老歌詠徐安宜製錦不擇地操刀良在

茲清風動百里惠化聞京師浮人若雲歸耕種滿

郊岐川光淨麥隴日色明桑枝訟息但長嘯賓來

或解頤青槐拂戶牖碧山一作作明水流園池遊子滯安

邑懷恩未忍辭繁君樹桃李歲晚託深期

詩紀 盛唐卷之五十一 五一

早秋贈裴十七仲堪

遠海動風色吹秋一作作明落天涯南星變大火熱氣

餘丹霞光景不可迴六龍轉天車荆人泣美玉魯

叟悲匏瓜功業若夢中一作作明推一作作明琴發長嗟裴

生信一作作明英邁崛起多才華歷抵海岱豪結交魯

朱家一作作明良圖竟未展意欲飛

丹砂破產且救人遺身不為家今本無以復攜兩

少妾一作作明豔色驚荷花雙歌入青雲但惜白日斜

窮一作作明溟出寶貝大澤饒龍蛇明主儻一作作明見收



煙霧路非賒知飛萬里道勿使歲寒嗟末二句今本不食歸應鍊丹砂

贈范金卿二首

君子枉清盼不知東走迷離家未幾月絡緯鳴中  
閨桃李君不言攀花願成蹊那能吐芳信惠好相  
招攜我有結綠珍久藏濁水泥時人棄此物乃與  
燕珉一作今人齊撫拭欲贈之弔眉路無梯遶東慙白  
豕楚客羞山雞徒有獻芹心終流泣玉啼祗應自  
索漠留舌示山妻

詩紀

盛唐卷之五十一

六一

范宰不買名絃歌對前楹爲邦默自化日覺冰壺  
清百里雞犬靜千廬機杼鳴浮人少蕩析愛客多  
逢迎遊子覩嘉政因之聽頌聲

贈瑕丘王少府

皎皎鸞鳳姿飄飄神仙氣梅生亦何事來作南昌  
尉清風佐鳴琴寂寞道爲貴一見過所聞操持難  
與羣毫揮魯邑訟目送瀛洲雲我隱屠釣下爾當  
玉石分無由接高論空此仰清芬

贈丹陽橫山周處士惟長

周子橫山隱開門臨城隅連峯入戶牖勝槩凌方  
壺一作在時作一作白紵詞放歌丹陽湖水色傲溟渤川  
光秀振蒲當其得意時心與天壤俱閑雲隨卷舒  
安識身有無抱石耻獻玉沈泉笑探珠羽化如可  
作相攜上清都一作攜手

玉真公主別館苦雨贈衛尉張卿二首

秋一作愁坐金張館繁陰晝不開空煙迷雨色蕭颯  
望中來翳翳昏墊苦沈沈憂恨催清秋何以慰白  
酒盈吾杯吟咏思管樂此人已成灰獨酌聊自勉

詩紀

盛唐卷之五十一

七二

誰貴經綸才彈劍謝公子無魚良可哀

苦雨思白日浮雲何由卷稷卨和天人陰陽仍驕  
蹇秋霖劇倒井昏霧橫絕巘欲往咫尺塗遂成山  
川限淥淥奔湍瀉一作聞浩浩驚波轉泥沙塞中途  
牛馬不可辨饑從漂母食閑綴羽陵簡園家逢秋  
蔬藜藿不滿眼蠨蛸結思幽蟋蟀傷偏淺厨竈無  
青煙刀機生綠蘚投筴解鵝鶩換酒醉北堂丹徒  
布衣者慷慨未可量何時黃金盤一斛薦擯擲功  
成拂衣去搖裔一作滄洲傍



贈韋秘書子春

此詩世本自注爲秘書子春

以下另作一首而髮韻作

谷口鄭子真躬耕在巖口高名動京師天下皆籍  
籍斯文竟不起雲卧從所適苟無濟代心獨善亦  
何益惟君家世者偃息逢休明談天信浩蕩說劍  
紛縱橫謝公不徒然起來爲蒼生秘書何寂寂無  
少騎蒙英且復歸碧山安能戀金闕舊宅樵漁地  
一官已白髮一作氣同萬里合訪我來瓊都披  
詩紀盛唐卷之五十一八

雲觀青天捫蝨話良圖留侯將綺季

一作出處未

云殊終與安社稷功成去五湖

贈韋

一作

侍御黃裳二首

太華生長松亭亭凌霜雪天與百尺高豈爲微颺  
折桃李賣搖一作陽豔路人行且迷春光掃一作拂地  
盡碧葉成黃泥願君學長松慎勿作桃李受屈不  
改心然後知君子

見君乘驄馬知上太山

一作行

道此地果摧輪全身

以爲寶我如豐年玉棄置秋田草但勗永壺心無

爲歎衰老

贈何七判官昌浩

有時忽惆悵匡坐至夜分平明空嘯咤思欲解世  
紛心隨長風去吹散萬里雲一作濟南生九  
十誦古文不然拂劍起沙漠收奇勲老死田一作  
陌間何因揚清芬夫子今管樂英才冠三軍終與  
同出處豈將沮溺羣

讀諸葛武侯傳懷贈長安崔少府叔圭長

季

詩紀

盛唐卷之五十一

九

漢道昔云季羣雄方戰爭霸圖各未立割據資豪  
英赤伏起頽運臥龍得孔明當其南陽時隴畝躬  
自耕魚水三顧合風雲四海生武侯立岷蜀壯志  
吞咸京何人先見許但有崔州平余亦草間士一作  
人頗懷拯物情晚途值子玉華髮同衰榮託意在  
經濟結交爲弟兄母令管與鮑千載獨知名

贈崔侍郎

黃河二尺鯉本在孟津居點額不成龍歸來伴凡  
魚故人東海客一見借吹噓風濤儻相因一作見更

欲凌崑墟

一本此下有河當亦作使再往召相如二句

贈參寥子

白鶴飛天書南荆訪高士五雲在峴山果得參寥子  
骭辭辭故園昂藏入君門天子分玉帛百官接話言  
毫墨時灑落探玄有奇作著論窮天人千春秘麟閣  
長揖不受官拂衣歸林巒余亦去金馬藤羅同所歡  
相思在何處桂樹青雲端

贈饒陽張司戶燧

朝飲蒼梧泉夕棲蒼海煙寧知鸞鳳意遠託椅桐

詩紀

盛唐卷之五十一

十一

前慕蘭豈曩古攀稽是當年愧非黃石老安識子  
房賢功業嗟落日容華棄徂川一語已道意三山  
期着鞭蹉跎人間世寥落壺中天獨見遊物祖探  
元窮化先何當共攜手相與排冥筌

贈清潭明府姪聿

我李百萬葉柯條布中州天開青雲器日爲蒼生  
憂小邑且割雞大刀佇烹羊雷聲動四境惠與清  
潭流絃歌詠唐堯脫落簪組心和得天真風俗  
猶太古牛羊散阡陌夜寢不扃戶問此何以然賢

人宰五王舉邑樹桃李垂陰亦流芬河堤繞綠水

桑柘連青雲趙女不冶容提籠晝成羣綠絲鳴機

杼百里聲相聞訟息鳥下階高臥披道帙蒲鞭挂

簪枝示耻無撲扶琴清月當戶人寂風入室長嘯

無一言陶然上皇逸白玉壺冰水壺中見底清清

光洞宅髮皎潔照羣情趙北美佳政燕南播高名

過客鑒

行謠因之頌德聲

贈臨洛縣令浩弟

陶令去彭澤茫然元

今本

古心大音自成曲但奏

詩紀

盛唐卷之五十一

十二

無絃琴釣水路非遠連鰲意何深終期龍伯國與  
余今本相招尋

鄴中贈王大

今本

大勳

一身竟無託遠與孤蓬征千里失所依復將落葉  
井中途偶良朋問我將何行欲獻濟時策此心誰  
見明君王制六合海塞無交兵壯士伏草間沈憂  
亂縱橫飄飄不得意昨發南都城紫燕擁下一一作  
嘶青萍匣中鳴投軀寄天下長嘯尋豪英耻學瑯  
琊人龍蟠事躬耕富貴吾自取建功及春榮我願

執爾手爾方達我情相知同一已豈惟弟與兄抱  
子弄白雲琴歌發清聲臨別意難盡各希存令名

贈盧徵君昆弟

明主訪賢逸雲泉今已空二盧竟不起萬乘高其  
風河上喜相得壺中趣每同滄洲即此地觀化游  
無窮水落海上青一作鰲背觀方蓬與君弄倒景  
攜手凌星虹

新平少年

韓信在淮陰少年相欺凌屈體若無骨壯心有所

詩紀

盛唐卷之五十一

三

憑一遭龍顏君嘯咤從此興千金荅漂母萬古共  
嗟稱而我竟胡一作爲寒苦坐相仍長風入短袂  
內一作手如懷冰故友不相恤新交寧見矜摧殘  
檻中虎羈紲韉上鷹何時騰風雲搏擊申所能

贈嵩山焦鍊師

并序

嵩丘

今本

有神人焦鍊師者不知何許婦人也

又云生於齊梁時其年貌可稱五六十常胎息  
絕穀居少室廬遊行若飛倏忽萬里世或傳其  
入東海登蓬萊竟莫能測其往也余訪道少室

盡登三十六峯聞風有寄灑翰遙贈

二室凌青天三花含紫煙中有蓬海客宛疑麻姑  
仙道在喧莫染跡高想已縣時餐金鵝藥屢讀青  
苔篇八極恣遊憩九垓長周旋下瓢酌潁水舞鶴  
來伊川還歸空山上獨拂秋霞眠蘿月掛朝鏡松  
風鳴夜絃潛光隱嵩嶽鍊鳬棲雲幄霓裳何飄颻  
一作鳳吹轉縣邈願同西王母下顧東方朔紫書  
儻可傳今本作銘一作書一作和學

贈張公洲革處士

詩紀

盛唐卷之五十一

三

列子居鄭圃不將衆庶分革侯遁南浦常恐楚人  
聞抱甕灌秋蔬心閑遊天雲每將爪田叟耕種漢  
水濱時登張公洲入獸不亂羣井無桔槔事門絕  
刺繡文長揖二千石遠辭百里君斯爲真隱者吾  
黨慕清芬

秋日鍊藥院鑷白髮贈元六兄林宗

木落識歲秋瓶冰知天寒桂枝日已綠拂雪凌雲  
端弱齡接光景矯翼攀鴻鸞投分三十載榮枯同  
所歡長吁望青雲鑷白坐相看秋顏入曉鏡壯髮

凋危冠窮與鮑生賈饑從漂母餐時來極天人道  
在豈吟歎樂毅方適趙蘇秦初說韓卷舒固在我  
何事空擁殘

書情贈蔡舍人雄

嘗高謝太傅

一作嘗開謝安石

攜妓東山門楚舞醉碧雲

吳歌斷清猿暫因蒼生起談笑安黎元余亦愛此  
人丹霄冀飛翮遭逢聖明主敢進興亡言蛾眉積  
讒妬名目嗤璵璠今本無以白璧竟何辜一作本  
青蠅遂成冤一朝去京國十載客梁園猛犬吠九

詩紀

盛唐卷之五十一

五

關殺人憤精蒐皇穹雪冤枉白日開昏氛太階得  
雙龍桃李滿中原倒海索明月泰山采芣苢無  
橫草功虛負雨露恩跡謝雲臺閣心隨天馬轅夫  
子王佐才而今復誰論層飈振六翮不日思騰鶩  
我縱五湖棹煙濤恣崩奔夢釣子陵湍英芬今本  
緬猶存彼希客星隱弱植不足援千里一回首萬  
里一長歌黃鶴不復來清風奈愁一作何舟浮瀟  
湘月一作舟橫山倒洞庭波投汨笑古人臨濠得  
天和閑時田畝中搔背牧雞鵝別離解相訪應在

武陵多

憶襄陽舊遊贈濟陰馬少府巨

昔爲大堤客曾上山公樓開牕碧嶂滿拂鏡滄江  
流高冠佩雄劔長揖韓荊州此地別夫子今來思  
舊遊朱顏君未老白髮我先秋壯志恐蹉跎功名  
若雲浮歸心結遠夢落日懸春愁空思羊叔子墮  
淚峴山頭本二句一作何時共攜手更醉峴山頭

詩紀

盛唐卷之五十一

五

唐第五十一

盛唐第五十二

唐詩紀一百十二

鄧郡吳中珩彙編

永嘉周才甫同校

李白

四  
五言古詩

訪道安陵遇蓋還爲余造直錄臨別留贈

清水見白石仙人識青童安陵蓋夫子十歲與天

通顯河身言言安可窮能令二千石撫背驚

神聰揮毫贈新詩高價掩山東至今平原客感激

詩紀

盛唐卷之五十二

慕清風學道北海仙傳書藥珠官丹田了玉闕白

日思雲空爲我草直錄天人慙妙工七元洞豁落

八角輝星虹三災蕩璿璣蛟龍翼微躬舉手謝天

地虛無齊始終黃金獻今本高堂荅荷難克充下

笑世上士沈寃北羅鄩昔日萬乘墳今成一科蓬

贈言若可重寶此輕華高

贈崔郎中宗之詩宗之謫官金陵故有此贈

胡鴈拂海翼翔翔鳴素秋驚雲辭沙朔飄薄一作

迷河洲以上四句一作胡鴈度日邊兩龍有乃一作

如飛蓬人去逐一作萬里遊登高望浮雲彷彿如

舊丘日從海傍沒水向天邊流長嘯倚孤劒目極

心悠悠歲晏歸去來富貴安所求仲尼七十說歷

聘莫見收曾連逃千金珪組豈可一作酬時哉苟

不會草木爲我儔希君同攜手長往南山幽

贈崔諮議

騄驥本天馬素非伏櫪駒長嘶向清風一作起條

忽凌九區何言西北至却走東南隅世道有翻覆

前期一作程難預圖希君一作相剪拂一作望君

詩紀

盛唐卷之五十二

猶可騁中衢

贈裴司馬

翡翠黃金縷繡成歌舞衣若無雲間月誰可比光

輝秀色一如此多爲衆女譏君恩移昔愛失寵秋

風歸愁苦不窺鄰泣上流黃機天寒素手冷夜長

燭復微十日不滿匹鬢蓬亂若絲猶是可憐人容

華世中稀向君發皓齒顧我莫相違

叙舊贈江陽宰陸調

太伯讓天下仲雍揚波濤清風蕩萬古跡與星辰



高開吳食東溟陸氏世英髦夫子特峻秀岳立冠  
人曹風流少年時京洛事遊遨驂驪紅陽燕玉劍

明珠袍一諾許他人千金雙錯刀滿堂青雲士望

美期丹霄我昔北門厄摧如一枝蒿有虎挾雞徒

連延五陵豪邀遮來組織呵嚇相煎熬君披萬人

叢脫我如狴牢此耻竟未刷且食綏山桃非天雨

文章所祖託風騷蒼蓬老壯髮長策未逢遭別君

幾何時君無相思否鳴琴坐高樓淥水淨牕牖政

成聞雅頌人吏皆拱手投刃有餘地迴車攝江陽

詩紀 盛唐卷之五十二 三

錯雜非易理先威挫豪強城門何肅穆五月飛秋

霜好鳥集珍木高才列華堂時 從府中歸絲

管儼成行但苦隔遠道無由共銜觴江北荷花開

江南楊梅鮮挂席拾海月乘風下長川多沾新豐

醪滿載剡谿船中途不遇人直到爾門前大笑同

一醉取樂平生年 一本作太伯讓天下仲雍揚波

吳食東溟陸氏世英髦多居古節微立冠人曹

風流少年時京洛事遊遨腰間延陵劍玉帶明珠

煎熬君開萬叢人鞍馬皆避易告急清憲臺脫余

北門厄間宰江陽邑剪棘樹蘭芳城門何肅穆五

絲管儼成行但苦隔遠道無由共銜觴江北荷花  
開江南楊梅熟正好飲酒時懷賢在心目挂席拾

海月乘風下長川多沾新豐醪滿載剡谿船中途  
不遇人直到爾門前大笑同一醉取樂平生年

贈從孫義興宰銘

天子思茂宰天枝得英才朗然清秋月獨出映吳

臺落筆生絢繡操刀振風雷螻蛄雖百里鵬騫望

三台退食無外事琴堂向山開綠水寂以閑白雲

有時來河陽富奇藻彭澤縱名杯所恨不見之猶

如仰昭回元惡昔滔天疲人散幽草驚川無活鱗

舉邑罕遺老誓雪會稽耻將奔宛陵道亞相素所

詩紀 盛唐卷之五十二 四

重投刃應桑林獨坐傷激揚神融一開襟絃歌欣

再理和樂醉人心蠹政除害馬傾巢有歸禽壺漿

候君來聚舞共謳吟農夫棄簞笠蠶女墮纓簪歡

笑相拜賀則知惠愛深歷職吾所聞稱賢爾為最

化洽一邦上名馳三江外峻節貫雲霄通方堪遠

大能文變風俗好客畱軒蓋他日一來遊因之嚴

光瀨

草創大還贈柳官迪

天地為橐籥周流行太易造化令元符交媾騰精

鬼自然成妙用孰知其指的羅絡四季間絲微無  
一隙日月更出沒雙光豈云隻姹女乘河車黃金  
充轅軛執樞相管轄摧伏傷羽翮朱鳥張炎威白  
虎守本宅相煎成苦老銷鑠凝津液髣髴明牕塵  
死灰同至寂鑄一作冶入赤色十二周律曆赫然  
稱大還與道本無隔白日可撫弄清都在咫尺北  
鄴落死名南斗上生籍抑予是何者身在方士格  
才疏一作縱橫世途自輕擲吾求仙棄俗君曉損勝  
益不向金闕遊思爲玉皇客鸞車速風電龍騎無  
詩紀 盛唐卷之五十二 五

鞭策一舉上九天相攜同所適

贈崔司戶文昆季

雙珠出海底俱是連城珍明月兩特達餘輝傍照  
人英聲振名都高價動殊鄰豈伊箕山故特以風  
期親惟昔不自媒擔簦西入秦攀龍九天上別忝  
一作歲星臣布衣侍丹墀密勿草絲綸才微惠渥  
重讒巧生緇磷一去已十年今來復盈旬清霜入  
曉鬢白露生衣巾側見淥水亭開門列華茵千金  
散義士四坐無凡賓欲折月中桂持爲寒者薪路

傍已竊笑天路將何因垂恩儻丘山報德有微身

贈溧陽宋少府陟

李斯未相秦且逐東門兔宋玉事襄王能爲高唐  
賦常聞淥水曲忽此相逢遇掃灑青天開豁然披  
雲霧葳蕤紫鸞鳥巢在崑山樹驚風西北吹飛落  
南溟去早懷經濟策特受龍顏顧白玉棲青蠅君  
臣忽行路人生感分義貴欲呈丹素何日清中原  
相期廓天步

戲贈鄭溧陽

詩紀

盛唐卷之五十二

六

陶令日日醉不知五柳春素琴本無絃漉酒用葛  
巾清風北牕下自謂羲皇人何時到栗里一見平  
生親

贈僧崖公

昔在朗陵東學禪白眉空大地了鏡徹迴旋寄輪  
風攬彼造化力持爲我神通晚謁太山君親見日  
沒雲中夜臥山月一作夜臥雪上月拂衣迷人羣授余金  
仙道曠劫未始聞冥機發天光獨朗謝垢氛虛舟  
不繫物觀化遊江濱江濱遇同聲道崖乃僧英說

法動海嶽遊方化公卿手秉玉塵尾如登白樓亭  
微言注百川疊疊信可聽一風鼓羣有萬籟各自  
鳴啓閉七八一作牕牖託宿掣電霆自言歷天台搏  
壁躡翠屏凌競石橋去恍惚入青冥昔往今來歸  
絕景無不經何日更攜手乘杯向蓬瀛

遊溧陽北湖亭望瓦屋山懷古贈同旅

朝登北湖亭遙望瓦屋山天清白露下始覺一作  
秋風還遊子託主人仰觀眉睫間目一作色送飛  
鴻邈然不可攀長吁相勸勉何事來吳關聞有貞

詩紀

盛唐卷之五十二

七

義女振窮溧水灣清光了在眼白日如披顏高墳  
五六墩萃兀棲猛虎遺跡翳九泉芳名動千古子  
胥昔乞食此女傾壺漿運開展宿憤入楚鞭平王  
察列天地間聞名若懷霜壯士一作或末達十步  
九太行與君拂衣去萬里同翱翔

贈秋浦柳少府

秋浦舊蕭索公庭人吏稀因君樹桃李此地忽芳  
菲搖筆望白雲開簾當翠微時來引山月縱酒酣  
清暉而我愛夫子淹留未忍歸

贈王判官時余歸隱居廬山屏風疊

昔別黃鶴樓蹉跎淮海秋俱飄零落葉各散洞庭  
流中年不相見蹭蹬遊吳越何處我思君天台綠  
蘿月會稽風月好却遶剡谿迴雲山海上出人物  
鏡中來一度浙江北十年醉楚臺荆門倒屈宋梁  
苑傾鄒枚若笑我誇誕知音安在哉大盜割鴻溝  
如風掃秋葉吾非濟代人且隱屏風疊中夜天中  
望憶君思見君明朝拂衣去永與海鷗羣

在水軍宴贈幕府諸侍御

永王軍中

詩紀

盛唐卷之五十二

八

月化五白龍翻飛凌九天胡沙驚北海電掃洛陽  
川虜箭雨宮闕皇輿成播遷英王受廟畧秉越清  
南邊雲旗卷海雪金戟羅江煙聚散百萬人弛張  
在一賢霜臺降羣彥水國奉戎旃繡服開宴語天  
人借樓船如登黃金臺遙謁紫霞仙卷身編蓬下  
冥機四十年寧知草間人腰下有龍泉浮雲在一  
決誓欲清幽燕願與四座公靜談金匱篇齊心戴  
朝恩不惜微軀捐所冀旄頭滅功成追管連

贈武十七諤

并序

門人武諤深於義者也質木沈悍慕要離之風  
潛釣江川一作海不數數於世間事聞中原作難  
西來訪余余愛子伯禽在魯許將冒胡兵以致  
之酒酣感激援筆而贈

馬如一匹練明日過吳門乃是要離客西來欲報  
恩笑開燕七首拂拭竟無言狄犬吠清洛天津成  
塞垣愛子隔東魯空悲斷腸猿林回棄白璧千里  
阻同奔君爲我致之輕齋涉淮源精誠合天道不  
愧鄧攸一作寇

詩紀

盛唐卷之五十二

九

贈間丘宿松

阮籍爲太守乘驢上東平剖竹十日間一朝風化  
清偶來拂衣去誰測主人情夫子理宿松浮雲知  
古城掃地物莽然秋來百草生飛鳥還舊巢遷人  
返躬耕何慙宓子賤不減陶淵明吾知千載後却  
掩二賢名

贈劉都使

東平劉公幹南國秀餘芳一鳴卽朱紱五十佩銀  
章飲冰事戎幕衣錦華水鄉銅官幾萬人諍訟清

玉堂吐言貴珠玉落筆迴風霜而我謝明主銜哀  
投夜郎歸家酒債多門客粲成行高談滿四座一  
日傾千觴所求竟無緒裘馬欲摧藏主人若不顧  
明發釣滄浪

贈常侍御

安石在東山無心濟天下一起振橫流功成復瀟  
灑大賢有卷舒季葉輕風雅匡復屬何人君爲知  
音者傳聞武安將氣振長平瓦燕趙期洗清周秦  
保宗社登朝若有言爲訪南遷賈

詩紀

盛唐卷之五十二

十

經亂離後天恩流夜郎憶舊遊書懷贈江

夏韋太守良宰

天上白玉京十二樓五城僊人撫我頂結髮受長  
生誤逐世間樂頗窮理亂情九十六聖君浮雲挂  
空名天地賭一擲未能忘戰爭試涉霸王畧將期  
軒冕榮時命乃大謬棄之海上行學劍翻自哂爲  
文竟何成劍非萬人敵文竊四海聲兒戲不足道  
五噫出西京臨當欲去時慷慨淚沾纓歎君倜儻  
才標舉冠羣英開筵引祖帳慰此遠徂征鞍馬若



浮雲送余驃騎亭歌鐘不盡意白日落昆明十月

到幽州戈鋌若羅星君王棄北海掃地借長鯨呼

吸走百川燕然可摧傾心知不得語一作却欲棲

蓬瀛變弧懼天狼挾矢不敢張攬涕黃金臺呼天

哭昭王無人貴駿骨騷耳空騰驤樂毅儻再生于

今亦奔亡蹉跎一作不得意驅馬還貴鄉逢君聽

絃歌肅穆坐華堂百里獨太古陶然臥羲皇徵樂

昌樂館開筵列壺觴賢豪間青娥對燭儼成行醉

舞紛綺席清歌繞飛梁歡娛未終朝秩滿一作歸

詩紀 盛唐卷之五十二 十一

咸陽祖道擁萬人供帳遙相望一別隔千里榮枯

異炎涼炎涼幾度改九土中橫貴莫甲車胡兵少

塵暗雲海草木搖殺氣星辰無光彩白骨成丘山

蒼生竟何罪函關壯帝居國命懸哥舒長戟三十

萬開門納兇渠公卿如犬羊忠讜醢與道二聖出

遊豫兩京遂丘墟帝子許專征秉旄控強楚節制

非桓文軍師擁熊虎人心失去就賊勢騰風雨惟

君固房陵誠節冠終古僕臥香爐頂餐霞漱瑤泉

門開九江轉枕下五湖連半夜水軍來潯陽滿旌

旆空名適自誤迫脅上樓船徒賜五百金棄之若

浮煙辭官不受賞翻謫夜郎天夜郎萬里道西上

令人老掃蕩六合清仍爲負霜草日月無偏照何

由訴蒼昊良牧稱神明深仁恤交道一忝青雲客

三登黃鶴樓顧慙爾處士虛對鸚鵡洲樊宋本山

霸氣盡寥落天地秋一作形勝冠白江帶峨眉雪

橫穿今本作三峽流萬舸此中來連帆過揚州送

此萬里目曠然散我一作愁紗牕倚天開水樹綠

一作如髮窺日畏銜山促酒喜得一作月吳娃與

詩紀 盛唐卷之五十二 十二

越豔窈窕誇鉛紅呼來上雲梯含笑出簾櫳對客

小垂手羅衣舞春風賓客請木一作人情未

極覽君荆山作江鮑堪動色清水出芙蓉天然去

雕飾逸興橫素襟無時不招尋朱門一作擁虎士

列戟何森森剪鑿竹石開紫流漲清深登樓一作

坐水閣吐論多英一作音片辭貴白璧一諾輕黃

金謂我不愧君青鳥問一作丹心五色雲間鵲飛

鳴天上來傳聞赦書至却放夜郎迴煖氣變寒谷

炎煙生死灰君登鳳池去忽棄賈生才桀犬尚吠



堯句奴笑千秋中夜四五歎常爲大國憂旌旆夾  
兩山黃河當中流連雞不得進飲馬空夷猶安得  
羿善射一箭落旄頭

詩紀

盛唐卷之五十二

三

盛唐第五十二

盛唐第五十三

唐詩記一百十三

鄆郡吳中珩彙編

永嘉周才甫同校

李白

五

五言古詩

五

贈王漢陽

天落白

一作

玉棺王喬辭葉縣一去未千年漢陽

復相見猶乘飛鳧舄尚識仙人面鬢髮何青青童  
顏皎如練吾曾弄海水清淺嗟三變果慙麻姑言

詩紀

盛唐卷之五十三

一

時光速流電與君數杯酒可以窮歡宴白雲歸去  
來何事坐交戰

贈盧司戶

秋色無遠近出門盡寒山白雲遙相識待我蒼梧  
間借問盧耽鶴西飛幾歲還

贈從弟南平太守之遙

東平與南平今古兩步兵素心愛美酒不是顧專  
城謫官桃源去尋花幾處行秦人如舊識出戶笑  
相迎

醉後贈王歷陽

書是千兔毫詩裁兩牛腰筆蹤起龍虎舞袖拂雲

霄雙歌二

一作

胡姬更奏遠

一作清朝舉酒挑朝

雪從君不相饒

贈歷陽褚司馬時此公爲稚子舞故作是

詩

北堂千萬壽侍奉有光輝先同稚子舞更看老萊

衣因爲小兒啼醉倒月下歸人間無此樂此樂世

中稀

詩紀

盛唐卷之五十三

二

贈宣城宇文太守兼呈崔侍御

白若白鷺鮮青如青吳單受氣有本生不爲外物

遷飲水箕山上食雪首陽巔迴車避朝歌掩口去

盜泉岩堯廣成子僊儻曾仲連卓絕二公外丹心

無間然昔攀六龍飛今作百鍊鉛懷恩欲報主投

佩向北燕彎弓綠弦開滿月不憚堅閒騎駿馬獵

一射兩虎穿迴旋若流光轉背落雙鳶胡虜三歎

息兼知五兵權鎗鎗突雲將却掩我之妍多逢勦

絕兒生看祖生鞭撻鞍空矍鑠壯志竟誰宣蹉跎

復來歸憂恨坐相煎無風難破浪失計長江邊危

苦惜顏光金波忽三圓時遊敬亭上閒聽松風眠

或弄宛谿月虛舟信洄沿顏公二一作三一作十萬盡付

酒家錢興發每取之聊向醉中仙過此無一事靜

談秋小篇君從九卿來水國有豐年魚鹽滿市井

布帛如雲煙下馬不作威水壺照清川霜眉邑中

叟皆美太守賢時時慰風俗往往出東田竹馬數

小兒拜迎白鹿前含笑問使君日晚可迴旋還作

歸池上酌掩抑清風絃曾標橫浮雲一作遊下

詩紀

盛唐卷之五十三

三

撫謝眺肩樓高碧海出樹古青蘿懸光祿紫霞杯

任青丞相傳長圖掃滅列帝統旌旆富貴日成

疎願言杳無緣登龍有直道倚玉阻芳筵敢獻繞

朝策思同郭泰船何言一水淺似隔九重天崔生

何傲岸縱酒復談玄身爲公子英才苦迺遭鳴

鳳托高梧凌風何翩翩安知慕羣客彈劍拂秋蓮

贈宣城趙太守悅

趙得寶符盛山河功業存三千堂上客出入擁平

原六國揚清風英聲何喧喧大賢茂遠業虎竹光

南藩錯落千丈松，虬龍盤古根。枝下無俗草，所植唯蘭蓀。憶在南陽時，始承國士恩。公爲柱下史，脫繡歸田園。伊昔簪白筆，幽都逐遊魂。持斧冠三軍，霜清天北門。差池宰兩邑，鶚立重飛翻。焚香入蘭臺，起草多芳言。夔龍一顧重，矯翼凌翔鷄。赤縣揚雷聲，疆項聞至尊。驚飈摧一作秀木跡，屈道荆敦出牧歷。三郡所居猛獸奔，遷人同衛鶴。謬上

詩紀

盛唐卷之三十三

四

亭馬夾雙轅，願借羲皇景。爲人照覆盆，漠海不震蕩。何由縱鵬鵬，所期要津日。惆悵假騰鸞。

贈從弟宣州長史昭

淮南

北

望江南千里碧山對我行倦

作過之

半落青天外，宗英佐雄郡。水陸相控帶，長川豁中流。千里瀉吳會，君心亦如此。包納無小大，搖筆起風霜。推誠結仁愛，訟庭垂桃李。賓館羅軒蓋，何意蒼梧雲。飄然忽相會，才將聖不偶。命與時俱背，獨立山海間。空老聖明代，知音不易得。撫劍增感慨。

當結九萬期中途莫先退

於五松山贈南陵常贊府

爲草當作蘭，爲木當作松。蘭秋香風遠，松寒不改容。松蘭相因依，蕭艾徒丰茸。雞與雞並食，鸞與鸞同枝。採珠去沙礫，但有珠相隨。遠客投名賢，真堪寫懷抱。若惜方寸心，待誰可傾倒。虞卿棄趙相，便與鍾離行。海上五百人，同日死田橫。當時不好賢，豈傳千古名。願君同心人，於我少留情。寂寂還寂寂，出門迷所適。長缺一作歸來乎秋風思

詩紀

盛唐卷之五十三

五

歸客

自梁園至敬亭山見會公談陵陽山水兼期同遊因有此贈

我隨秋風來，瑤草恐衰歇。中途寡名山，安得弄雲月。渡江如昨日，黃葉向人飛。敬亭愜素尚，弭棹流清輝。水谷明且秀，陵巒抱江城。粲粲吳與史，衣冠耀天京。水國饒英奇，潛光卧幽草。會公真名僧，所在卽爲寶。開堂振白拂，高論橫青雲。雪山掃粉壁，墨客多新文。爲余話幽棲，且述陵陽美。天開白龍

潭月映清秋水黃山望石柱突兀誰開張一作白

誰開張黃鶴久不來子安在蒼茫東南焉可窮山

鳥飛絕處一作猿狖絕行處稠疊千萬峯相連入雲去聞

此期振策歸來空閉關相思如明月可望不可攀

何當移白足早晚凌蒼山且寄一書札令予解愁

顏

贈友人三首

蘭生不當戶別是閑庭草夙被霜露欺紅榮已先

老謬接瑤華枝結根君王池顧無馨香美叨沐清

詩紀 盛唐卷之五十三 六

風吹餘芳若可佩卒歲長相隨

由中道七首買自余夫人玉匣閉霜雪經年復歷

秦其事竟不捷淪落歸沙塵持此願投贈與君同

急難一作歲寒荆卿一去後壯士多摧殘長號易水上

為我揚波瀾鑿井當及泉張帆當濟一作涉川廉夫

唯重義駿馬不勞鞭人生貴相知何必金與錢

慢世薄功業非無胷中畫謔浪萬古賢以為兒童

劇立產如廣費匡君懷長策但苦山北寒誰知一作

分道南宅歲酒上逐風霜鬢兩邊白蜀主思孔明

晉家望安石時人一作來列五鼎談笑期一擲虎伏

被胡塵漁歌遊海濱弊裘耻妻嫂長劍托交親夫

子秉家義羣公難與鄰莫持西江水空許東溟臣

他日青雲去黃金報主人

陳情贈友人

延陵有寶劍價重千黃金觀風歷上國暗許故人

深歸來挂墳松萬古知其心懦夫感達節壯氣今

激素一作衿鮑生薦夷吾一舉置齊相斯人無

良朋豈有青雲望臨財不苟取推一作分固辭讓

詩紀 盛唐卷之五十三 七

後世稱其賢英風邈難尚論交但若此友一作道

執云喪多君聘逸藻掩映當時人付文振顏波美

德一作冠彝一作倫卜居乃此地共井為比鄰清

琴弄雲月美酒娛冬春薄德中見指忽之如遺塵

英豪未豹變自古多艱辛他人縱以疎君意宜獨

親柰何成離居相去復幾許飄風吹雲霓蔽目不

得語投珠冀有一作報按劍恐相拒一作所思采

芳蘭欲贈隔脩一作渚沈憂心若醉積恨淚如雨

願假東壁輝餘光照貧女

贈從弟列

楚人不識鳳重一作高價求山雞獻主昔云是今來

方覺迷自居漆園北久別今本咸陽西風飄落日

去節變流鶯啼桃李寒未開幽關豈來蹊逢君發

花萼若與青雲齊及此桑葉綠春蠶起中閨日出

撥今本轂鳴田家擁鋤犁顧余乏尺土東作誰相

携傳說降霖雨公輸造雲梯羌一作華戎事未息君

子悲塗泥報國有長策成功羞執珪無由謁明王

杖策還蓬萊他年爾相訪知我在礪谿

詩紀

盛唐卷之五十三

八

贈間丘處士

賢人有素業乃在沙塘陂竹影掃秋月荷花一作衣

落古池閑讀山海經散帙卧遙帷且耽田家樂遂

曠林中期野酌勸芳酒園蔬烹露葵如能樹桃李

爲我結茅茨

贈宣州靈源寺仲濬公

敬亭白雲氣秀色連蒼梧下映雙谿水如天落鏡

湖此中積龍象獨許濬公殊風韻逸江左文章動

海隅觀一作丁心同水月解領得明一作神珠今日逢

支遁高談出有無

贈僧朝美

水客凌洪波長鯨湧溟海北川隨龍舟噓吸竟安

在中有不死者探得明月珠高價傾宇宙餘輝照

江湖花卷金縷褐蕭然若空無誰人識此寶竊笑

有狂夫了心何言說各勉黃金軀

贈僧行融

梁日一作湯惠休常從鮑照遊峨眉史懷一獨映

陳公出卓絕二道人結交鳳與麟行融亦俊發吾

詩紀

盛唐卷之五十三

九

知有英骨海若不隱珠驪龍吐明月大海乘虛舟

隨波任安流賦詩旃檀閣縱酒鸚鵡洲待我適東

越相攜上白樓

贈黃山胡公求白鵬

聞黃山胡公有雙白鵬蓋是家雞所伏自小馴

狎了無驚猜以其名呼之皆就掌取食然此鳥

耿介尤難畜之余平生酷好竟莫能致而胡公

輟贈於我唯求一詩聞之欣然適會宿意因援

筆三叫文不加點以贈之



請以雙白璧買君雙白鵬白鵬白如錦白雪耻容  
顏照影玉潭裏刷毛琪樹間夜棲寒月靜朝步落  
花閑我願得此鳥翫之坐碧山胡公能輟贈籠寄  
野人還

登敬亭山南望懷古贈竇主簿

敬亭一迴首目盡天南端仙者五六人常聞此遊

盤谿流一作深琴高水石聳麻姑壇白龍降陵陽黃

鶴呼子安羽化騎日月雲行翼鵞一作鷗鸞下視宇

宙間四溟空一作皆波瀾決一作太絕目下事從之復

詩紀

盛唐卷之五十三

十

何難百歲一作年落半途前期浩漫漫強食不成味

青晨起長歎願適子明去來人燒金丹

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長

嘯中原走豺虎烈火焚宗廟太白晝經天顏陽掩

餘照王城皆蕩覆世路成奔峭四海望長安嘔眉

寡西笑蒼生疑落葉白骨空相弔連兵似雪山破

敵誰能料我垂北溟翼且學南山豹崔子賢主人

歡娛每相召胡牀紫玉笛却坐青雲叫楊花滿州

城置酒同臨眺忽思剡谿去水石遠清妙雪晝天  
地明風開湖山貌悶爲洛生詠醉發吳越調赤霞  
動金光日足森海嶠獨散萬古意閑垂一谿釣猿  
近天上啼人移月邊棹無以墨綬苦來求丹砂要  
華髮長折腰將貽陶公誚

登梅岡望金陵贈族姪亭座寺僧中孚

鍾山抱金陵霸氣昔騰發天開帝王居海色照宮

闕羣峯如逐鹿奔走相馳突江水九道來雲端遙

明沒時遷大運去龍虎勢休歇我來屬天清登覽

詩紀

盛唐卷之五十三

士

窮楚越吾宗挺禪伯一作吾家特秀一作鸞鳳骨

不剪伐煙窓引薔薇石壁老野蕨吳風謝安屐白

足傲履襪幾宿一下山蕭然忘千謁談經演金偈

降鶴舞海雪時聞天香來了與世事絕佳遊不可

得春風一作立惜遠別賦詩留巖屏千載庶不滅

書懷贈南陵常贊府

歲星入漢年方朔見明主調笑當時人中天謝雲

雨一去麒麟閣遂將朝市乖故交不過門秋草日

上階當時何特達獨與我心諧置酒凌歊臺歡娛  
未曾歇歌動白紵山舞迴天門月問我心中事爲  
君前致辭君看我才能何似魯仲尼大聖猶不遇  
小儒安足悲雲南五月中頻喪渡瀘師毒草殺漢  
馬張兵奪秦一作旗至今西二河流血擁僵屍將  
無七擒畧魯女惜園葵咸陽天下樞累歲人不足  
雖有數斗玉不如一盤一作粟賴得契宰衡持鈞  
慰風俗自顧無所用辭家方未歸霜驚壯士髮淚  
滿逐臣衣以此不安席蹉跎因世違終當滅衛謗

盛唐卷之五十三

三

詩紀

不受魯人譏

登巴陵開元寺西閣贈衡嶽僧方外  
衡嶽有開士五峯秀真骨見君萬里心海水照秋  
月大臣南溟去問道皆請謁灑以甘露言清涼潤  
肌髮明湖落天鏡香閣凌銀闕登眺餐惠風新花  
期啓發

盛唐第五十三

盛唐第五十四

唐詩紀一百十四

郭郡吳中珩彙編

永嘉周才甫同校

李白

五言古詩

安陸白兆山桃花巖寄劉侍御綰

一作春歸桃花

山巖贈許侍御

雲卧三十年好閒後愛仙蓬壺雖更絕鸞鶴心然  
歸來桃花巖得憩雲牕眠以上六句一作幼采紫房談早愛滄溟仙

詩紀

盛唐卷之五十四

二

心跡頗相誤世事空但遷歸來丹巖曲得憩青霞眠對嶺人共語飲潭猿相

連時昇翠微上邈若羅浮巔兩岑抱東壑一嶂橫  
西天樹雜日易隱崖傾月難圓芳草換野色飛蘿  
搖春煙入遠構石室選幽開山田獨此林下意杳  
無區中緣永辭霜臺一作繡衣客千載方來旋

淮南卧病書懷寄蜀中趙徵君蕤

吳會一浮雲飄如遠行客

一作萬里無主客

功業莫

從就歲光屢奔迫良圖俄棄捐衰疾乃綿劇古琴

藏虛匣長劍挂空壁楚冠懷鍾儀

宋本作楚懷奏鍾儀越吟

比莊舄國門遙天外鄉路遠山隔

一作別來恨已久興發思逾積

朝憶相如臺夜夢子雲宅旅情初結緝秋氣方寂

歷風入松下清露出草間白故人不可見幽夢

一作我誰與適寄書西飛鴻贈爾慰離析

### 寄弄月谿吳山人

嘗聞龐德公家住洞湖水終身棲鹿門不入襄陽

市夫君弄明月滅景清淮裏高蹤邈難追可與古

人比清揚杳莫覩白雲空望美待號辭人間攜手

訪松子

詩紀

盛唐卷之五十四

二

### 望終南山寄紫閣隱者

出門見南山引領意無限秀色難爲名蒼翠日在

眼有時白雲起天際自舒卷心中與之然託興每

不淺何當造幽人滅跡棲絕巘

### 夕霽杜陵登樓寄韋繇

浮雲

滅霽景

一作滅

萬物生秋容登樓送

遠目伏檻觀羣峯原野曠超緬關河紛錯

一作重

清輝映竹日

一作水

翠色明雲松蹈海寄遐想還山

迷舊蹤徒然迫晚暮未果諧心胃結桂空佇立折

府恨莫從

一作采菊竟誰思

思君達永夜長樂聞疎鐘

### 秋山寄衛尉張卿及王徵君

何以折相贈白花青桂枝月華若夜雪見此令人

思雖然刻谿興不異山陰時明發懷二子空吟招

隱詩

### 秋夜宿龍門香山寺奉寄王方城十七丈

奉國瑩上人從弟幼成令問

朝發汝海東暮棲龍門中水寒夕波急木落秋山

詩紀

盛唐卷之五十四

三

空望極九霄迴賞幽萬壑通目皓沙上月心清松

下風玉斗橫網戶銀河耿花宮興在趣方逸歡餘

情未終

一作咫尺世喧隔微真與理誠

鳳駕憶王子虎谿懷遠公

桂枝坐銷歇

一作蕭瑟

棣華不復同流恨寄伊水盈盈

焉可窮

聞丹丘子於城北營石門幽居中有高鳳

遺跡僕離羣遠懷亦有棲遁之志因叙舊

以寄之

春華滄江月秋色碧海雲離居盈寒暑對此長思

君思君楚水南望君淮山北夢魂雖飛來會面不  
可得疇昔在嵩陽同衾卧羲皇綠蘿笑簪紋丹壑  
賤巖廊晚途各分析乘興任所適僕在鴈門關君  
爲峨眉客心懸萬里外影滯兩鄉隔長劍復歸來  
相逢洛陽陌陌上何喧喧都令心意煩迷津覺路  
失託勢隨風翻以茲謝朝列長嘯歸故園故園恣  
閑逸求古散縹帙久欲尋名山婚嫁殊未畢人生  
信多故世事豈惟一念此憂如焚悵然若有失聞  
君臥石門宿昔契彌敦方從桂樹隱不羨桃花源

詩紀

盛唐卷之五十四

四

高鳳

一作風

起遐曠幽人跡復存松風清瑤瑟谿月

湛芳樽安居偶佳賞丹心期此論

淮陰書懷寄王宗成

沙墩至梁苑二十五長亭大舶夾雙櫓中流鵝鸛  
鳴雲天掃空碧川嶽涵餘清飛鳬從西來適與佳  
興并眷言王喬鳥婉孌故人情復此親懿會而增  
交道榮沿沿且不定飄忽悵徂征暝投淮陰宿欣  
得漂母迎斗酒烹黃雞一餐感素誠子爲楚壯士  
不是魯諸生有德必報之千金耻爲輕緬書羈孤

意遠寄棹歌聲

月夜江行寄崔員外宗之

飄飄

一作風

江風起蕭颯海樹秋登艫美清夜挂席

移輕舟月隨碧山轉水合青天流杳如星河上但  
覺雲林幽歸路方浩浩但川去悠悠徒悲蕙草歇  
復聽菱歌愁岸曲迷後浦沙明瞰前洲懷君不可  
見望遠增離憂

宿白鷺洲寄楊江寧

朝別朱雀門暮棲白鷺洲波

一作沙

光搖海月星影

詩紀

盛唐卷之五十四

五

入城樓望美金陵宰如思瓊樹憂徒令覓入

一作作

夢翻覺夜成秋綠水解人意爲余西北流因聲玉  
琴裏蕩漾寄君愁

新林浦阻風寄友人

潮水定可信天風難與期清晨西北轉薄暮東南

吹以此難挂席佳期

一作期

益相思海月破圓景菰

蔣生綠池昨日北湖梅開已滿枝

一作初開

今

朝白

一作東

門柳夾道垂青絲歲物忽如此我來定

幾時紛紛江上雪草草客中悲明發新林浦空吟



謝朓詩一本題作金陵阻風雪書懷寄楊江寧云  
暮東南吹以此難挂席沿河頗淹遲使索金陵書  
又叨賢宰知絃歌止過客惠化聞京師歲物忽如  
此我來後幾時紛紛江上雪草草  
客中悲明發新林浦空吟謝朓詩

### 北山獨酌寄韋六

巢父將許由未聞買山隱道存跡自高何憚去人  
近紛吾下茲嶺地閑喧亦泯門橫羣岫開水鑿衆  
泉引屏高而在雲竇深莫能準川光晝昏凝林氣  
夕棲繫於焉摘朱果兼得養玄牝坐月觀寶書拂  
霜弄瑤軫傾壺事幽酌顧影還獨盡念君風塵遊

詩紀

盛唐卷之五十四

六

傲爾令自哂

一本此下有安知世上  
人名刊空蠢蠢二句

吳地桑葉綠吳蠶已三眠我家寄東魯誰種龜茲

田春事已不及江行復茫然南風吹歸心飛墮酒

樓前樓東一株桃枝葉拂青煙此樹我所種別來

向三年桃今與樓齊我行尚未旋嬌女字平陽折

花倚桃邊折花不見我淚下如流泉小兒名伯禽

與姊亦齊肩雙行桃樹下撫背復誰憐念此失次

第肝腸日憂煎裂素寫遠意因之汶陽川

### 獨酌清谿江石上寄權昭夷

我攜一樽酒獨上江祖石自從天地開更長幾千  
尺舉杯向天笑天迴日西照永願坐此石長垂巖  
陵釣寄謝山中人可與爾同調

禪房懷友人岑倫時南遊羅浮兼泛桂海  
自春徂秋不返僕旅江外書情寄之

嬋娟羅浮月搖盪桂水雲美人竟獨往而我安能

羣一朝語笑隔萬里歡情分沈吟綵霞沒夢寐瓊

峯芳歇歸鴻度三湘遊子在百粵邊塵染衣劍

詩紀

盛唐卷之五十四

七

白日彫華髮春氣

今本變楚關秋聲落吳山草木

飄今本限江裔想像空留滯離憂每醉心別淚徒

盈袂坐愁青天末出望黃雲蔽目極何悠悠梅花

南一作嶺頭空長減征鳥水濶無還舟寶劍終難

託金囊非易求歸來儻有問桂樹山之幽

下尋陽城汎彭蠡寄黃判官

浪動灌嬰井尋陽

一作江上風開帆入天鏡直向

彭湖東落景轉疎雨晴雲散遠空

一作返景照疎  
雨輕煙澹遠空



名山發佳興

一作中流得佳興

清賞亦何窮石鏡挂遙月

香鑪滅彩虹

一作瀑布灑清壁遙山挂彩虹

相思俱對此舉目與

君同

### 書情寄從弟邠州長史昭

自笑客行久我行定幾時綠楊已可折攀取最長

枝翩翩弄春色延佇寄相思誰言貴此物意願一作

重瓊蕤昨夢見惠連朝吟謝公詩東風引碧草

不覺生華池臨翫忽云夕杜鵑夜鳴悲懷君芳歲

歎庭樹落紅滋

詩紀

盛唐卷之五十四

八

### 流夜郎永華寺寄尋陽羣官

朝別凌煙樓賢豪滿行舟

今本此作第三句

暝投永華寺

今本此作第二句

賓散予獨醉願借

一作

九江流添成萬

行淚寫意寄廬嶽何當來此地天地有所懸安得

苦愁思

### 流夜郎至西塞驛寄裴隱

揚帆借天風水驛苦不緩平明及西塞已先投沙

伴迴巒引羣峯橫蹙楚山斷砮

披水切

衝萬壑會震

脊百川滿龍怪潛溟波俟

一作候

時救災旱我行望

雷雨安得沾枯散鳥去天路長人悲

一作愁

春光短

空將澤畔吟寄爾江南管

### 江夏寄漢陽輔錄事

誰道此水廣狹如一匹練江夏黃鶴樓青山漢陽

縣大語猶可聞故人難可見石草陳琳檄我書魯

連箭報國有壯心龍顏不迴眷西飛精衛鳥東海

何由填鼓角徒悲鳴樓船習征戰抽劍步霜月夜

行空庭徧長呼結浮雲埋沒顧榮扇他日觀軍容

投壺接高宴

詩紀

盛唐卷之五十四

九

### 江上寄元六林宗

霜落江始寒楓葉綠未脫客行悲清秋永路苦不

達滄波眇川汜白石隱天末停棹依林巒驚猿相

叫聒夜分河漢轉起視溟漲濶涼風何蕭蕭流水

鳴活活浦沙淨如洗海月明可掇蘭交空懷思瓊

樹詎解渴勗哉滄洲心歲晚庶不奪幽賞頗自得

興遠與誰豁

宣州

一作城

九日聞崔四侍御與宇文太守

遊敬亭余時登響山不同此賞醉後寄崔

侍御

九日茱萸熟插鬢傷早白登高望山海滿目悲古

昔遠訪投沙人因為逃名一作客故交竟誰在獨

有崔亭伯重陽不相知載酒任所適手持一枝一作把

菊調笑二千石日暮岸幘歸傳呼隘一作阡陌

形襟雙白鹿賓從何輝赫夫子在其間遂成雲霄

隔良辰與美景兩地方虛擲晚從南峯歸蘿月下

水壁却登郡樓望松色寒轉碧咫尺一作不可親

棄我如遺焉

詩紀

盛唐卷之五十四

十

涇谿南藍山下有落星潭可以卜築余泊

舟石上寄何判官昌浩

藍岑竦天壁突兀如鯨額奔蹙橫澄潭勢吞落星

石沙帶秋月明水搖寒山碧佳境宜緩棹清輝能

留客恨君阻歡遊使我自驚惕所期俱卜築結茅

鍊金液

早過漆林渡寄萬巨

西經大藍山南來漆林渡水色倒空青林煙橫積

素漏流昔吞翁脊浪競奔注潭落天上星龍開水

中霧曉一作巖注公柵突兀陳焦墓嶺峭紛上干

川明屢迴顧因思萬夫子解渴同瓊樹何日覩清

光相歡詠佳句

遊敬亭寄崔侍御

一作登古城望

我家敬亭下輒繼謝公作一作我登謝公樓輒繼謝公作相去數

百年風期宛如昨登高素秋月下望青山郭府中

鴻鸞羣飲啄自鳴躍夫子雖踴躍瑤臺雪

中鶴獨立窺浮雲其心在寥廓時來一顧我一作願

笑一作飯葵與藿世路如秋風相逢盡蕭索腰

間玉巨今本劍意許無遺諾一作願為經冬壯士

不可輕相期在雲閣

自金陵泝流過白壁山翫月達天門寄句

容王主簿

滄江泝流歸白壁見秋月秋月照白壁皓如山陰

雪幽人停宵征賈客忘早發進帆天門山迴首牛

渚沒川長信風來日出宿霧歇故人在咫尺新賞

成胡越寄君青蘭花惠好庶不絕

寄上吳王

英明廬江守聲譽廣平籍灑掃黃金臺招邀青雲客客會與天通出入清禁中襄王憐宋玉願入蘭臺宮

### 江行寄遠

剝木出吳楚危槎百餘尺疾風吹片帆日暮千里隔別時酒猶在已爲異鄉客思君不可得愁見江水碧

流夜郎半道承恩放還兼欣尅復之美書懷示息秀才

### 詩紀

盛唐卷之五十四

三

黃口爲人羅白龍乃魚服得罪豈怨天以愚陷網

今本

目鯨鯢未剪滅豺狼

一作虎

屢翻覆悲作楚地

囚何由

一作日

秦庭哭遭逢二明王前後兩遷逐去

國愁夜郎投身竄荒谷半道雪屯蒙曠如鳥出籠

遙欣尅復美光武安可同天子巡劍閣儲皇守扶

風揚袂正北辰開襟攬羣雄胡兵出月窟雷破關

之東左掃因右拂旋收洛陽宮迴輿入咸京席卷

六合通叱咤開帝業

一作宇

手成天地功大駕還長

安兩日忽再中一朝讓寶位劍璽傳無窮愧無秋

毫力誰念矍鑠翁弋者何所慕高飛仰冥鴻棄劍學丹砂臨爐雙玉童寄言息夫子歲晚陟方蓬

### 酬談少府

一尉居條忽梅生有仙骨三事或可羞匈奴晒千秋壯心屈黃綬浪跡寄滄洲昨觀荆峴作如從雲漢遊老夫當暮矣蹠足懼驂騑

五月東魯行荅汶上君

一作翁

五月梅始黃蠶凋桑柘空魯人重織作機杼鳴簾櫳顧余不及仕學劍來山東舉鞭訪前途獲笑汶

### 詩紀

盛唐卷之五十四

三

上翁下惠

一作宵人

忽壯士未足論窮通我以一箭書

能取聊城功終然不受賞羞與時人同西歸去直

道落日昏陰虹此

一作我

去爾勿言甘心如轉蓬

荅長安崔少府叔封遊終南翠微寺太宗

皇帝金沙泉見寄

河伯見海若傲然誇秋水小物昧

一作暗

遠圖寧知

一作識

通方士

一作理

多君紫霄意獨往蒼山裏地古

寒雲深巖高長風起初登翠微嶺復憩金沙泉踐

苔朝霜滑弄波夕月圓飲彼石下流

一作潭

結蘿宿

谿煙鼎湖夢淥水龍駕空一作茫然早行子午間

一作關頗識關路遠一作却歎拂琴聽霜猿滅宋

作燭乃星飯人煙無明一作異鳥道絕往返攀崖

倒青天下視白日晚既過一作石門隱還唱

石潭歌涉雪寒紫芳一作濯纓想清波斯

一作人不可見此地君自過爲余謝風泉其如幽

意何

### 訓崔五郎中

朔雲橫高天萬里起秋色壯士心飛揚落日空歎

詩紀

盛唐卷之五十四

十四

息長嘯出原野凜然寒風生幸遭聖明時功業猶

未成奈何懷良圖鬱悒獨愁一作坐杖策尋英豪

立談乃知我崔公生民一作秀絕邈青雲姿制作

參造化託諷含神祇海嶽尚可傾吐諾終不移是

時霜飈寒逸興臨華池起舞拂長劍四座皆揚眉

因得窮歡情贈我以新詩又結汗漫期九垓遠相

待舉身憩蓬壺濯足弄滄海從此凌倒景一去無

時還朝遊明光宮暮入閶闔關但得長把袂何必

嵩丘山

### 以詩代書答元丹丘

青鳥海上來今朝發何處口銜雲錦字一作與我

忽飛去鳥去凌紫煙書畱綺牕前開緘方一作一

笑乃是故人傳故人深相勗憶我勞心曲雜居在

咸陽三見秦草綠置書雙袂間引領不暫閑長望

一作歎杳難見浮雲橫遠山

### 金門答蘇秀才

君還石門日朱火始改木春草如有情山中尚含

綠折芳愧遙憶永路當自勗遠見故人心平生以

詩紀

盛唐卷之五十四

十五

此足巨海納百川麟閣多才賢獻書入金闕酌醴

奉瓊筵屢忝白雲唱恭聞黃竹篇恩光照拙薄雲

漢希騰遷銘鼎儻云遂扁舟方渺然我畱在金門

君去卧丹壑未果三山期遙欣一丘樂玄珠寄象

罔赤水非寥廓願狎東海鷗共營西山藥栖巖君

寂茂一作處世余龍蠖良辰不同賞永日應

閑居鳥吟簷間樹花落牕下書綠谿見綠篠隔岫

窺紅蕖采薇行笑歌眷我情何已月出石鏡間風

鳴松琴裏得心自虛妙外物空顏靡身世如兩忘



從君老煙水

訓坊州王司馬與閻正字對雪見贈

遊子東南來自宛適京國飄然無心雲倏忽復西  
北訪戴昔未偶尋嵇此相得愁顏發新歡終宴叙  
前識閻公漢庭舊沈鬱富才力價重銅龍樓聲高  
重門側寧期此相遇華館陪遊息積雪明遠峯寒  
城<sub>今本</sub>泫<sub>作陳</sub>春色主人蒼生望假我青雲翼風水如  
見資投竿佐皇極

訓張卿夜宿南陵見贈

詩紀

盛唐卷之五十四

六

月出魯城東明如天上雪魯女驚莎雞鳴機應秋  
節當君相思夜火落金風高河漢挂戶牖欲濟無  
輕舠我昔辭林丘雲龍忽相見客星動太微朝去  
洛陽殿爾來得茂彥七葉仕漢餘身爲下邳客家  
有圯橋書傳說未夢時終當起巖野萬古騎辰星  
光輝照天下與君各未遇長策委蒿萊寶刀隱玉  
匣繡澀空莓苔遂令世上愚輕我土與灰一朝攀  
龍去鼃鼃安在哉故山定有酒與爾傾金罍

訓岑勛見尋就元丹丘對酒相待以詩見

招

黃鶴東南來寄書寫心曲倚松開其緘憶我腸斷  
續不以千里遙命駕來相招中逢元丹丘登嶺宴  
碧霄對酒忽思我長嘯臨清飈寒予未相知茫茫  
綠雲垂俄然素書及解此長渴饑策馬望山月途  
窮造階墀喜茲一會面若覩瓊樹枝憶君我遠來  
我歡方速至開顏酌美酒樂極忽成醉我情旣不  
淺君意方亦深相知兩相得一顧輕千金且向山  
客笑與君論素心

詩紀

盛唐卷之五十四

七

答從弟幼成過西園見贈

一身自瀟灑萬物何囂喧拙薄謝明時棲閑歸<sub>一作</sub>  
故園二季過舊壑四鄰馳華軒衣劍照松宇賓  
徒光石門山童薦珍果野老開芳樽上陳樵漁事  
下叙農圃言昨來荷花滿今見蘭苕繁一笑復一  
歌不知夕景昏醉罷同所樂此情難具論<sub>今本</sub>

酬王補闕惠翼莊廟宋丞泚贈別

學道三十<sub>一作</sub>春自言羲和人軒蓋宛若夢雲松  
長相親偶將二公合復與三山鄰喜結海上契自



爲天外賓鸞翮我先鍛龍性君莫馴朴散不尚本  
何古時訛皆失真勿踏荒谿城竭來浩然津薜帶  
何辭楚桃源堪避秦世迫且離別心在期隱淪訓  
贈非炯戒永言銘佩紳

訓裴侍御對雨感時見贈

雨色秋來寒風嚴清江爽孤高繡衣人蕭灑青霞  
賞平生多感激忠義非外獎禍連積怨生事及徂  
川往楚邦有壯士鄢郢翻掃蕩申包哭秦庭泣血  
將安仰鞭屍辱已及堂上羅宿莽頗似今之人蟲  
詩紀  
盛唐卷之五十四 六  
賊一作 陷忠謹渺然一水隔何由稅歸鞅日夕聽  
猿愁懷賢盈夢想

荅族姪僧中孚贈玉泉仙人掌茶并序

余聞荊州玉泉寺近清谿諸山山洞往往有乳  
窟窟中多玉泉交流中有白蝙蝠大如鴉按仙  
經蝙蝠一名仙鼠千歲之後體白如雪一作棲  
則倒懸蓋飲乳水而長生也其水邊處處有茗  
草羅生枝葉如碧玉唯玉泉真公常采而飲之  
年八十餘歲顏色如桃花而此茗清香滑熟異

於他者所以能還童振枯扶人壽也余遊金陵  
見宗僧中孚示余茶數十片拳然重疊其狀如  
手號爲仙人掌茶蓋新出乎玉泉之山曠古未  
覲因持之見遺兼贈詩要余荅之遂有此作後  
之高僧大隱知仙人掌茶發乎中孚禪子及青  
蓮居士李白也

嘗聞玉泉山山洞多乳窟仙鼠如白鴉倒懸深一作

谿月茗生此中石玉泉流不歇根柯灑芳津采

服潤肌骨楚一作老卷綠葉枝枝相接連曝成仙

詩紀  
盛唐卷之五十四 五

人掌似拍洪崖肩舉世未見之其名定誰傳宗英  
乃禪伯投贈有佳篇清鏡燭無鹽顧慙西子妍朝  
坐有餘興長吟播諸天

訓裴侍御留岫師彈琴見寄

君同鮑明遠邀彼休上人鼓琴亂白雪秋變江上  
春瑤草綠未衰攀翻寄情親相思雨不見流淚空  
盈巾

荅裴侍御先行至石頭驛以書見招期月  
滿泛洞庭

君至石頭驛寄書黃鶴樓開緘識遠意速此南行

舟風水無定準湍波或一作滯留憶昨新一作月

生西簷若瓊鈎今來何所似破鏡懸清秋恨不三

五明平湖泛澄流此歡竟莫遂狂一作殺王子猷

巴陵定近遠持贈解人憂

### 荅高山人兼呈權顧二侯

虹霓掩天光哲后起康濟應運生夔龍開元掃氛

翳太微廓金鏡端拱清遐裔輕塵集蒿獄虛照聖

明意謬揮紫泥詔獻納青雲際讒惑英主心

詩紀盛唐卷之五十四 主

恩疎佞臣計彷徨庭闕下歎息光陰逝未作仲宣

詩先流賈生涕挂帆秋江上不爲雲羅制山海向

東傾百川無盡勢我於鴟夷子相去千餘歲運濶

英達稀同風遙執袂登艫望遠水忽見滄浪棹高

士何處來虛舟渺安繫衣貌本淳古文章多佳麗

延引故鄉人風義未淪替顧侯達語默權子識通

敵曾是無心雲俱爲此畱滯雙萍易飄轉獨鶴思

凌厲明晨去瀟湘共謁蒼梧帝

### 至陵陽山登天柱石訓韓侍御見招隱黃

### 山

韓衆騎白鹿西往華山中玉女千餘人相隨在雲

空見我傳秘訣精誠與天通何意到陵陽遊目送

飛鴻天子昔避秋與君亦乘駟擁兵五陵下長策

馭一作胡戎時泰解繡衣脫身若飛蓬鸞鳳翻羽

翼咏粟坐樊籠海鶴一笑之思歸向遼東黃山過

石柱巘嶸上攢叢因巢翠玉樹忽見浮丘公又引

王子喬吹笙舞松風朗詠紫霞篇請開藥珠宮步

網繞碧落倚樹招青童何日可攜手遺形入無窮

詩紀盛唐卷之五十四 主

### 訓崔十五見招

爾有鳥折一作書相招琴谿飲手跡尺素中如天

落雲錦讀罷向空笑疑君在我前長吟字不滅懷

袖且三年

### 盛唐第五十四

盛唐第五十五

唐詩紀一百十五

鄧郡吳中珩彙編

永嘉周才甫同校

李白

五言古詩

送王屋山人魏萬還王屋

并序

王屋山人魏萬云自嵩宋沿吳相送數千里不遇乘興遊台越經永嘉觀謝公石門後於廣陵相見美其愛文好古浪跡方外因述其行而贈

詩紀

盛唐卷之五十五

是詩

一本序云見王屋山人魏萬云自嵩歷充遊梁入吳計程三千里相訪不遇因下江東尋諸名山往後百越後於廣陵一面途乘與上過金陵此公愛奇好古獨出物表因述其行李有此詩

仙人東方生浩蕩弄雲海沛然乘天遊獨往失所

在

首四句一作東方不辭家獨訪累泥海時人少相逢往往失所在

魏侯繼大名

本家聊攝城卷舒入元化

仙隱

跡與古賢并

三弄文史揮筆如振綺辯折田巴生心齊魯連子

西涉清洛源頗驚人世喧采秀臥王屋因窺洞天

門竭來遊嵩峯羽客何雙雙朝攜月光子暮宿玉

女牕鬼谷上窈窕龍潭下奔潒

東浮汴河水訪

我三千里逸興滿吳雲飄飄浙江汜揮手杭越間

樟亭

今本作章臺非

望潮還濤捲海門石雲橫天際山白

馬走素車雷奔駭心顏遙聞會稽美且度

一作耶

谿水萬壑與千巖崢嶸鏡湖裏秀色不可名清輝

滿江城人遊月邊去舟在空中行此中久延佇入

剡尋王許笑讀曹娥碑沈吟黃絹語天台連四明

日入向國清五峯轉月色百里行松聲靈谿恣沿

越華頂殊超忽石梁橫青天側足履半月眷

一作忽

詩紀

盛唐卷之五十五

二

然思永嘉不憚海路賒挂席歷海嶠迴瞻赤城霞

赤城漸微沒孤嶼前曉兀水續萬古流亭空千霜

月縉雲川谷難石門最可觀瀑布挂北斗莫窮此

水端噴壁灑素雪空濛生晝寒却尋惡谿去寧懼

惡谿惡咆哮七十灘水石相噴薄路創李北海巖

開謝康樂松風和猿聲搜索連洞壑徑出

岸接梅

花橋雙谿納歸潮落帆金華岸赤松若可招沈約

八詠樓城西孤岩堯堯四荒外曠望羣川會雲

卷天地開波連浙西大亂流新安口北指嚴光瀨

釣臺碧雲中邈與蒼梧一作嶺對稍稍來吳都徘徊

上姑蘇煙絲橫九疑潏蕩一作潏見五湖目極心更

遠悲歌但長吁迴梳楚江濱揮策楊子津身著日

本裘昂藏出風塵五月造我語知非儻一作儻人

相逢樂無限水石日在眼徒干五諸侯不致百金

產吾友楊子雲絃歌播清芬雖爲江寧宰好與山

公羣乘興但一行且知我愛君君來幾何時仙臺

應有期東牕綠玉樹定長三五枝至今天壇人當

笑爾歸遲我苦昔遠別茫然使心悲黃河若不斷

詩紀 盛唐卷之五十五 三

白首長相思

送當塗趙少府赴長蘆

我來揚都市送客回輕舸因誇吳太子便覩廣陵

濤仙尉趙家玉英風凌四豪維舟至長蘆目送煙

雲高搖扇對酒樓持袂把蟹螯前途儻相思登嶽

一長謠

送友人遊梅湖

送君遊梅湖應見梅花發有使寄我來無令紅芳

歇暫行新林浦定醉金陵月莫惜一鴈書音塵坐

胡越

送崔十二遊天竺寺

還聞天竺寺夢想懷東越每年海樹霜桂子落秋

月送君遊此地已屬流芳歇待我來歲行相隨浮

溟渤

送楊山人歸天台

客有思天台東行路超忽濤落浙江秋沙明浦陽

月今遊方厭楚昨夢先歸越且盡秉燭歡無辭凌

晨發我家小阮賢剖竹赤城邊詩人多見重官燭

詩紀 盛唐卷之五十五 四

未曾然興引登山履情催泛海船石橋如可渡攜

手弄雲煙

送溫處士歸黃山白鷺峯舊居

黃山四千仞三十二蓮峯丹崖夾石柱菡萏金芙

蓉伊昔昇絕頂下窺天目松仙人鍊玉處羽化留

餘蹤亦聞溫伯雪獨往今相逢采秀辭五嶽攀巖

歷萬重歸休白鷺嶺渴飲丹沙井鳳吹我時來雲

車爾當整去去陵陽東行行芳桂叢迴谿十六度

碧嶂盡晴空他日還相訪乘橋躡彩虹



送方士趙叟之東平

長桑曉洞視五藏無全牛趙叟得秘訣還從方士  
遊西過獲麟臺爲我弔孔丘念別復懷古潸然空  
淚流

送韓準裴政孔巢父還山

獵客張兎豕不能挂龍虎所以青雲人高歌在巖  
戶韓生信英彥裴子含清真孔侯復秀出俱與雲  
霞親峻節凌遠松同衾臥盤石斧冰漱寒泉三子  
同傳一作二展時時或乘興去去一作雲無心出山

詩紀

盛唐卷之五十五

五

揖牧伯長嘯輕衣簪昨宵夢裏還云弄竹谿月今  
晨魯東門悵飲與君別雪崖滑去馬羅徑迷歸人  
相思若煙草歷亂無冬春

送楊少府赴選

大國置衡鏡準平天地心羣賢無邪人朗鑒窮清  
深吾君詠南風袞冕彈鳴琴時泰多美士京國會  
纓簪山苗落磻底幽松出高岑夫子有盛才主司  
得球琳流水非鄭曲前行遇知音衣工剪綺繡一  
悞傷千金何惜刀尺餘不裁寒女衾我非彈冠者

感別但開襟空谷無白駒賢人豈悲一作吟大道

安棄物時來或招尋爾見山吏部當應無陸沈

對雪奉餞任城六父秩滿歸京

龍虎謝鞭策鸛鸞不司晨君看海上鶴何似籠中  
鵠獨用天地心浮雲乃吾身雖將簪組狎若與煙  
霞親季父有英風白眉超常倫一官卽夢寐脫屣  
歸西秦竇公敞華筵墨客盡來臻燕歌落胡鴈郢  
曲迴陽春征馬百度嘶遊車動行塵躊躇未忍去  
戀此四座人餞離駐高駕惜別空殷勤何時竹林

詩紀

盛唐卷之五十五

六

下更與步兵鄰

魯郡堯祠送吳五之瑯琊

堯沒三千歲青松古廟存送行奠桂酒拜舞清心  
魂日色促歸人連歌倒芳樽馬嘶俱醉起分手更  
何言

金鄉送韋八之西京

客自長安來還歸長安去狂風吹我心西挂咸陽  
樹此情不可道此別何時遇望望不見君連山起  
煙霧



送薛九被讒去魯

宋人不辨玉魯賤東家丘我笑薛一作而夫子胡

為兩地遊黃金銷眾口白璧竟難投梧桐生疾藜

綠竹乏佳實鳳凰宿誰家送與羣雞匹田家養老

馬窮士歸其門蛾眉笑蹙者賓客去平原却斬美

人首三千還駿奔毛公一挺劍楚趙兩相存孟嘗

習一作狡兔三窟賴馮諼信陵奪兵符為用侯生

言一作言為感信陵恩春申一何愚刎首為李園賢哉

四公子撫掌黃泉裏借問笑何人笑人不好士爾

詩紀 盛唐卷之五十五 七

去且勿論一作桃李竟何言沙丘無漂母誰肯飯

王孫

送族弟凝至晏垆單父三十里

雪滿原野白戎裝出盤遊揮鞭布獵騎四顧登高

丘兔起馬足間蒼鷹下平疇喧呼相馳逐取樂銷

人憂捨此戒禽荒微聲列齊謳鳴雞發宴垆別鴈

驚淶溝西行有東音寄與長河流

魯城北郭曲腰桑下送張子還嵩陽

送別枯桑下凋葉落半空我行情道遠爾獨知天

風誰念張仲蔚還依蒿與蓬何時一杯酒更與李  
膺同

送魯郡劉長史遷弘農長史

魯國一杯水難容橫海鱗仲尼且不敬况乃尋常

人白玉換斗粟黃金買尺薪閉門木葉下始覺秋

非春聞君向西遷地即鼎湖鄰寶鏡匣蒼蘚丹經

埋素塵軒后上天時攀龍遺一作小臣及此留惠

愛庶幾風化淳魯縞如白煙五緜不成束臨行贈

貧交一尺重山嶽相國齊晏子贈行不及言託陰

詩紀 盛唐卷之五十五 八

當樹李忘憂當樹萱他日見張祿綈袍懷舊恩

送族弟單父主簿凝攝宋城主簿至郭南

月橋却迴棲霞山留飲贈之

吾家青萍劍操割有餘閑往來糾二邑此去何時

還鞍馬月橋南光輝岐路間賢豪相追餞却到棲

霞山羣花散芳園斗酒開離顏樂酣相顧起征馬

無由攀

魯郡東石門送杜二甫

醉別復幾日登臨徧池臺何時石門下一作重有

金樽開秋波落泗水海色明徂徠飛蓬各自遠且

盡林一作手中杯

魯郡堯祠送張十四遊河北

猛虎伏尺草雖藏難蔽身有如張公子骭髀在風塵豈無橫腰劍屈彼淮陰人擊筑向北燕燕歌易水濱歸來太山上當與爾爲鄰

送張遙之壽陽幕府

壽陽信天險天險橫荆關符堅百萬衆遙阻八公山不假築長城大賢在其間戰夫若熊虎破敵有詩紀

盛唐卷之五十五

九

餘閑張子勇且英少輕衛霍偏投軀紫髯將千里望風顏最爾効才畧功成衣錦還

送裴十八圖南歸嵩山二首

何處可爲別長安青綺門胡姬招素手延一作客

醉金樽臨當上馬時我獨與一作君言風吹一作驚

芳蘭折日沒烏雀喧舉手指飛鴻此情一作心難具

論同歸無早晚潁水有清源

君思潁水綠忽復歸嵩岑歸時莫洗耳爲我洗其

心洗心得真情洗耳徒賣一作買名謝公終一起相

與濟蒼生

同王昌齡送族弟襄歸桂陽

李舟歸  
郴州

秦地見碧草楚謠對清樽把酒爾何思鵬鵠啼南園余一作一欲羅浮隱猶懷明主恩躊躇紫宮戀孤

不淺幽桂有芳根一作芳根送于十八應四子舉落第還嵩山

吾祖吹橐籥天人信森羅歸根復太素羣動熙元

詩紀

盛唐卷之五十五

一一

和炎炎四真人摘辯若濤波交流無時寂楊墨日成科夫子聞洛誦誇才才故多爲金好踴躍久客

方蹉跎道可束一作賣之五寶溢山河勸君還嵩

丘開酌眄庭柯三花如未落乘興一來過

送張秀才從軍

六駃食猛虎耻從駕馬羣一朝長鳴去矯若龍行雲壯士懷遠畧志存解世紛周粟猶不顧齊珪安

肯分抱劍辭高堂將投崔冠軍長策掃河洛寧親

歸汝墳當令千古後麟閣著奇勲

送崔度還吳

度故人禮部員外補國之

幽燕沙雪地萬里盡黃雲朝吹歸秋鴈南飛日幾  
羣中有孤鳳雛哀鳴九天聞我乃重此鳥綵章五  
色分胡爲雜凡禽雞鷺輕賤君舉手捧爾足疾心  
若火焚拂羽淚滿面送之吳江濱去影忽不見躊  
躇日將曛

魯中送二從弟赴舉之西京

一作送

魯客回西笑君門若夢中霜凋逐臣髮日憶明光  
宮復羨二龍去才華冠世雄平衢騁高足逸翰凌  
詩紀  
盛唐卷之五十五  
長風舞袖拂秋月歌筵聞早鴻送君日千里良會  
何由同

送楊燕之東魯

關西楊伯起漢日舊稱賢四代三一作公族清風  
播人天夫子華陰居開門對玉蓮何事歷衡霍雲  
帆今始還君坐稍解顏爲君歌此篇我固侯門士  
謬登聖主筵一辭金華殿踳躑長江邊二子魯門  
東別來已經年因君此中不覺淚如泉

送蔡山人

我本不棄世世人自棄我一乘無倪舟八極縱遠  
施燕客期躍馬唐生安可譏采珠勿驚龍大道可  
暗歸故山有松月遲爾翫清暉

送岑徵君歸鳴皋山

岑公相門子雅望歸安石奕世皆夔龍中台竟一作  
有三折至人達機兆高揖九州伯奈何天地間而  
作隱淪客貴道能一作全真潛輝臥幽鱗一作探  
元一作入宵默觀化遊無垠光武有天下嚴陵爲  
故人雖登洛陽殿不屈巢由身余亦謝明主今稱

詩紀

盛唐卷之五十五

三

偃蹇臣登高覺萬古思與廣成鄰蹈海寧受賞還  
山非問津西來一作終明一搖扇共拂元規塵

送范山人歸太山

魯客抱白雞一作別余往泰山初行若片雪一作  
杳在青崖間高高至天門海日一作近可攀雲山  
望不及此去何時還

送張秀才謁高中丞

并序

余時繫尋陽獄中正讀留侯傳秀才張孟熊蘊  
滅胡之策將之廣陵謁高中丞余嘉一作子房

之風感激於斯人因作是詩以送之

秦帝淪玉鏡

一作六雄  
滅金虎

留侯降氛氲感激黃石老

經過滄海君壯士揮金槌報讐六國

一作聞智勇

冠終古蕭陳難與羣兩龍爭鬪時天地動風雲酒

酣

一作縱橫

舞長劒倉卒解漢紛宇宙初倒懸鴻溝勢

將分夫子稱卓絕超然繼清芬

一作英謀信奇  
絕夫子揚清芬

月入紫微三光亂天文高公鎮淮海談笑却

一作

妖氛採爾幕中畫

一作所期  
振雄畧

戡難光殊勲我無燕

霜感玉石俱燒焚但灑一行淚臨岐竟何云

詩紀

盛唐卷之五十五

三

尋陽送弟昌岨

一作

鄱陽司馬作

桑落洲渚連滄江無雲煙尋陽非剡水忽見子猷

船飄然

一作

欲相近來遲杳若仙人乘海上月帆

落湖中天一覩無二諾朝歡更勝昨爾則吾惠連

吾非爾康樂朱紱白銀章上官佐鄱陽松門拂中

道石鏡迴清光搖扇及干越水亭風氣涼與爾期

此亭期在秋月滿時過或未來兩鄉心已斷吳山

對楚岸彭蠡當中州相思定如此有窮盡年愁

錢校書叔雲

少年費白石歌笑矜朱顏不知忽已老喜見春風

還惜別且爲歡徘徊桃李間看花飲美酒聽鳥臨

晴山向晚竹林寂無人空閉關

洞庭醉後送絳州呂使君杲

一作

流澧州

昔別若夢中天涯忽相逢洞庭破秋月縱酒開愁

容贈劒刻玉字延平兩蛟龍送君不盡意書及鴈

迴峯

送趙判官赴黔府中丞叔幕

廓落青雲心結交黃金盡富貴翻相忘令人忽自

詩紀

盛唐卷之五十五

四

哂蹭蹭鬚毛斑盛時難再還巨源咄石生何事馬

蹄間綠蘿長不厭却欲還東山君爲魯曾子拜揖

高堂裏叔繼趙平原偏承明主恩風霜推獨坐旌

節鎮雄藩虎士秉金鉞蛾眉開玉樽才高幕下去

義重林中言水宿五谿月霜啼三峽猿東風春草

綠江上候歸軒

江夏祖友人

雪點翠雲裘送君黃鶴樓黃鶴振玉羽西飛帝王

州鳳無琅玕食何以贈遠遊徘徊相顧影淚下漢

江流

江西送友人之羅浮

桂水分五嶺衡山朝九疑鄉關渺安西流浪將何  
之素色愁明湖秋渚晦寒姿疇昔紫芳意已過黃  
髮期君王縱跡散雲壑借巢夷爾去之羅浮我還  
憇峨眉中潤道萬里霞月遙相思如尋楚狂子瓊  
樹有芳枝

宣城送劉副使入秦

君卽劉越石雄豪冠當時淒清橫吹曲慷慨扶風

詩紀

盛唐卷之五十五

五

詞虎嘯俟騰躍雞鳴遭亂離千金市駿馬萬里逐  
王師結交樓煩將侍從羽林兒統兵捍吳越豺虎  
不敢窺大勲竟莫叙已過秋風吹秉鉞有季公凜  
然負英姿寄深且戎幕望重必台司感激一然諾  
縱橫兩無疑伏奏歸北闕鳴騶忽西馳列將咸出  
祖英寮惜分離斗酒滿四筵歌嘯宛谿湄君攜東  
山妓我詠北門詩貴賤交不易恐傷中園葵昔贈  
紫騮駒今傾白玉卮同歡萬斛酒未足解相思此  
別又千里

一作此  
別又千里

秦吳眇天涯月明關山苦水

劇隴頭悲借問幾時還春風入黃池無令長相思  
折斷綠楊枝

涇川送族弟錞

涇川三百里若耶羞見之錦石照碧山兩邊白鷺  
鷺佳境千萬曲客行無歇時上有琴高水下有陵  
陽祠仙人不見我明月空相知問我何事來盧敖  
結幽期蓬山振雄筆繡服揮清詞江湖發秀色草  
木含榮滋置酒送惠連吾家稱白眉愧無海嶠作  
敢闕河梁詩見爾復幾朝俄然告將離中流漾彩

詩紀

盛唐卷之五十五

六

鷗列岸叢金羈歎息蒼梧鳳分棲瓊樹枝清晨各  
飛去飄落天南垂望極落日盡秋深暝猿悲寄情  
與流水但有長相思

五松山送殷淑

秀色發江左風流奈若何仲文了不還獨立揚清  
波載酒五松山頽然白雲歌中天度落月萬里遙  
相過撫酒惜此月流光畏蹉跎明日別離去連峯  
鬱嵯峨

送崔氏昆季之金陵

一作秋夜崔氏入  
水亭送崔二



放

一作吳

歌倚東樓行子期曉發秋風渡江來吹落

山上月主人出美酒滅燭延清光二崔向金陵安

得不盡觴水客弄歸棹雲帆卷輕霜扁舟敬亭下

五兩先飄揚峽石入水花碧流日更長思君無歲

月西笑阻河梁

登黃山凌歊臺送族弟溧陽尉濟充泛舟

赴華陰

鸞乃鳳之族翱翔紫雲霓文章輝

一作輝

五色雙

蛟樹棲一朝各飛去鳳與鸞俱啼炎赫五月

詩紀

盛唐卷之五十五

七

曦爍河隄爾從泛舟役使我心魂悽秦地無草木

南雲喧鼓鼙君王戒玉膳早起思鳴鷄漕引救關

輔疲人免塗泥宰相作霖雨農夫得耕犁靜者伏

草間羣才滿金閨空手無壯士窮居使人低送君

登黃山長嘯倚天梯小舟若鳬鴈大舟若鯨鯢開

帆散長風舒卷與雲齊日入牛渚晦蒼然夕煙迷

相思在

一作定

何許

一作所

杏在洛陽西

題瓜州新河餞族叔舍人貢

齊公鑿新河萬古流不絕豐功利生人天地同朽

滅兩橋對雙閣芳樹有行列愛此如甘棠誰云敢

攀折吳關倚北固天險自茲設海水落斗門潮平

見沙汭我行送季父弭棹徒流悅楊花滿江來疑

是隴上

一作山

雪惜此林

一作花

下興愴爲山陽別瞻

望清路塵歸來空寂蔑

送內尋廬山女道士李騰空二首

君尋騰空子應到碧山家水春雲母碓風掃石楠

花若戀幽居好相邀弄紫霞

多君相門女學道愛神仙素手掬

一作握

青靄羅衣

詩紀

盛唐卷之五十五

六

曳紫煙一往屏風疊乘鸞着玉鞭

一作不着鞭

盛唐第五十五

盛唐第五十六

唐詩紀一百十六

鄆郡吳中珩彙編

永嘉周才甫同校

李白

五言古詩

贈別王山人歸布山

王子析道論微言破秋毫還歸布山隱興入天雲

高爾去安可遲瑤草恐衰歇我心亦懷歸屢夢松

上月宋本傲然遂獨往長嘯開巖扉林壑久已蕪

詩紀

盛唐卷之五十六

一

石道生薔薇願言弄笙鶴歲晚來相依

博平鄭太守自廬山千里相尋入江夏北

市門見訪却之武陵立馬贈別

大梁貴公子氣蓋蒼梧雲若無三千客誰道信陵

君救趙復存魏英威天下聞邯鄲能屈節訪博從

毛薛夷門得隱淪而與侯生親仍要鼓刀者乃是

袖槌人好士不盡心何能保其身多君重然諾意

氣遙相託五馬入市門金鞍照城郭都忘虎竹貴

且與荷衣樂去去桃花源何時見歸軒相思無終

極腸斷朗陵一作江猿

贈別舍人弟臺卿之江南

去國客行遠還山秋夢長梧桐落金井一葉飛銀

杯覺罷攬朝今本鏡鬢毛颯已霜良圖委蔓草古

貌成枯桑欲道心下事時人疑夜光因為洞庭葉

飄落之瀟湘一作流浪令弟經濟士一作才謫居我

何傷一作出門潛蚪隱尺一作斗水著論談興亡客

遇一作王王子喬口傳不死方入洞過天地登真朝

玉皇吾將撫爾背揮手遂翱翔一作交蒼

詩紀

盛唐卷之五十六

二

贈別從甥高五

魚目高太山不如一璵璠賢甥即明月聲價動天

門能成吾宅相不減魏陽元自顧寡儔畧功名安

所存五木思一擲如繩繫窮猿檻中駿馬空堂上

醉人喧黃金久已聲為報故交恩聞君隴西行使

我驚心魂與爾共飄飄雲天各飛翻江水流或卷

此心難具論貧居羞好客語拙覺辭繁三朝空錯

莫對飯一作飲却慚寃自笑我非夫生事多契闊積

蓄萬古憤向誰得開豁天地一浮雲此身乃毫末

忽見無端倪太虛可包括去去何足道臨岐空復  
愁肝膽不楚越山河亦衾裯雲龍將相從明主會  
見收成功若今本作解相訪谿一作水桃花流

秋日魯郡堯祠亭上宴別杜補闕范侍御

我覺秋興逸誰云秋興悲山將落日去水與情空

宜魯酒白玉壺送行駐金羈宋本鞍憇古木解

帶挂橫枝歌鼓川上亭曲度神飈吹一本無以上

東野客東轉見齊姬清波忽忽濤陽日雪歸碧

海夕鴈沒青天時相失各萬里茫然空爾思

詩紀

盛唐卷之五十六

三

留別魯頌

誰道泰山高下却魯連節誰云秦軍衆摧却魯連

舌獨立天地間清風灑蘭雪夫子還個儻攻文繼

前烈錯落石上松無爲秋霜折贈言鏤寶刀千歲

庶不滅

留別曹南羣官之江南

我昔釣白龍放龍谿水傍道成本欲去揮手凌蒼

蒼時來不關人談笑遊軒皇獻納少成事歸休辭

建章十年罷西笑覽鏡如秋霜閉劒琉璃匣鍊丹

紫翠房身佩谿落圖腰垂虎盤囊仙人借一作綵

鳳志在窮遐荒戀子四五人徘徊未翺翔東流送

白日驟歌蘭蕙芳仙宮兩無從人間久摧藏范蠡

說勾踐屈平去懷王飄飄紫霞心流浪憶江鄉愁

爲萬里別復此一銜觴一作淮水帝王州金陵繞

丹陽樓臺照海色衣馬搖川光及此北望君相思

淚成行朝雲落夢渚瑤草空高堂帝子隔洞庭清

風一作青滿瀟湘懷歸一作君路縣邈覽古情淒涼登

嶽眺百川杳然萬恨長却戀峨眉去弄景偶騎羊

詩紀

盛唐卷之五十六

四

留別王司馬嵩

魯連賣談笑豈是顧千金陶朱雖相越本有五一作

湖心余亦南陽子時爲梁甫吟蒼山容偃蹇白

日惜顏侵願一佐明主功成還舊林西來何所爲

孤劒託知音鳥愛碧山遠一作竹鳳集魚遊江海深

呼鷹過上蔡賣畚音本向嵩岑他日閑相訪丘中有

素琴

出金門後書懷留別翰林諸公一作還山

已知

好古笑流俗素聞賢達風方希佐明主長揖辭成

功白日在青天迴光矚一作照微躬恭承鳳凰詔歛

一作起雲羅今本作雲蘿又作藤蘿中清切紫霄迴優游丹

禁通君王賜顏色聲價凌煙虹乘輿擁翠蓋扈從

金一作京城東寶馬驟絕景錦衣入新豐倚巖望松

雪對酒鳴絲桐方一作因學楊子雲獻賦甘泉宮天

書美片善清芬宋本一作芳播無窮歸來入咸陽談笑皆

王公一朝去金馬飄落成飛蓬賓友一作從日踈散

玉樽亦一作尋已空才力一作長才猶可倚不慚世上雄

詩紀盛唐卷之五十六五

閑作一作來東武吟曲盡情未終書此謝知己扁舟

一作滄波又作倉浪尋釣翁

### 夜別張五

吾多張公子別酌酣高堂聽歌舞銀燭把酒輕羅

霜橫笛弄秋月琵琶彈陌桑龍泉解錦帶為爾傾

千觴

### 魏郡別蘇明府因北遊

魏郡接燕趙美女誇芙蓉淇水流碧玉舟車日奔

衝青樓夾兩岸萬室喧歌鍾天下稱豪貴遊此每

相逢一作遊此中每相逢洛陽蘇季子劒戟森詞鋒六

印雖未佩一作復過秦軒車若飛龍黃金數百鎰白

璧有幾雙散盡空掉臂高歌賦還印一本此下有合從又連衡

其意未可落拓乃如此何人不相從遠別隔兩河

雲山杳千重一作雲天滿愁容何時更杯酒再得論心胃

### 留別西河劉少府

我一作秋髮已種種所為竟無成閑傾魯壺酒笑對

劉公榮謂我是方朔人間落歲星白衣千萬乘何

事去天庭君亦不得意高歌美鴻冥世人若醯雞

詩紀盛唐卷之五十六六

安可識梅生雖為刀筆吏緬懷在赤城余亦如流

萍隨波樂休明自有兩少妾雙騎駿馬行東山春

酒綠歸隱謝浮名

### 潁陽別元丹丘之淮陽

吾將元夫子異姓為天倫本無軒裳契素以煙霞

親嘗恨迫世網銘意俱未伸松柏雖寒苦羞逐桃

李春悠悠市朝間玉顏日緇磷所共重山嶽所得

輕埃塵精魄漸蕪穢衰老相憑因我有錦囊訣可

以持君身當餐黃金藥去為紫陽賓萬事難並立



百年猶崇晨別爾東南去悠悠多悲辛前志庶不  
易遠途期所遵已矣歸去來白雲飛天津

留別廣陵諸公

一作留別  
邯鄲故人

憶昔作少年結交趙與燕金羈絡駿馬錦帶橫龍  
泉寸心無疑事所向非徒然晚節覺此踈獵精草  
太玄空名束壯士薄俗棄高賢中廻聖明顧揮翰  
凌雲煙騎虎不敢下攀龍忽墮天還家守清真孤  
潔勵秋蟬煉丹費火石采藥窮山川臥海不關人  
租稅遼東田乘興忽復起棹歌谿中船臨醉謝葛  
詩紀

盛唐卷之五十六

七

強山公欲倒鞭狂歌自此別垂釣滄浪前

感時留別從兄徐王延年

一作  
從弟延陵

天籟何參差

一作  
融怡

噫然大塊吹玄元苞

一作  
包

橐籥

紫氣何逶迤七葉運皇化千齡光本枝仙風生指  
樹大雅歌螽斯諸王若鸞蚪肅穆列藩維哲兄錫  
茅土聖代含

一作  
羅

榮滋九卿領徐方七步繼陳思

伊昔全盛日雄豪動京師冠劍朝鳳闕樓船侍龍  
池鼓鐘出朱邸金翠照丹墀君王一顧盼選色獻  
蛾眉列戟十八年未曾輒遷移大臣小暗鳴謫竄

天南垂長沙不足舞貝錦且成詩佐郡浙江西病  
閑絕趨

一作  
驛

馳階軒日苔蘚鳥雀噪簷帷時乘平

肩輿出入畏人知北宅聊偃憩歡愉恤惻嫠

羞言梁苑地烜赫耀旌旗兄弟八九人吳秦各分  
離大賢遠機兆豈獨慮安危小子謝麟閣鴈行忝  
肩隨令弟字延陵鳳毛出天姿清英神仙骨芬馥  
蒹葭夢得春草句將非惠連誰深心紫河車與  
我特相宜金膏猶罔象玉液尚磷緇伏枕寄賓館  
宛同清漳湄藥物多見饋珍羞亦兼之誰道溟渤

詩紀

盛唐卷之五十六

八

深猶言淺恩慈鳴蟬遊子意促織念歸期驕陽何

太

今本  
作火

赫海水燦龍龜百川盡涸枯舟楫閣中達

策馬搖

宋本  
作涼

涼月通宵出郊岐

一作  
泣

別目眷眷

傷心步遲遲願言保明德王室佇清夷摻袂何所  
道援毫投此辭

留別金陵諸公

海水昔飛動三龍紛戰爭鍾山危波瀾傾側駭奔  
鯨黃旗一掃蕩割壤開吳京六代更霸王遺跡見  
都城

一作  
見空城

至今秦淮間禮樂秀羣英地扇鄒



詩鵬顏謝名五月金陵西祖余白下亭欲尋  
康峯頂先達漢水行香爐紫煙滅瀑布落太清若  
攀星辰去揮手絕含情

### 金陵白下亭留別

驛亭三楊樹正當白下門吳煙暝長條漢水齧古  
根向來送行處迴首阻笑言別後若見之爲余一  
攀翻

### 竄夜郎於烏江留別宗十六璟

君家全盛日台鼎何陸離斬鼉翼媧皇鍊石補天

詩紀

盛唐卷之五

九

維一迴日月顧三入鳳皇池失勢青門傍種瓜復  
幾時猶會衆賓客三千光路岐皇恩雪憤憊松柏  
含榮滋我非東林人令姊忝齊眉浪跡未出世空  
名動京師過遭雲羅解翻謫一作夜郎悲拙妻莫  
邪劒及此一作二龍隨慙君湍波苦千里遠從之  
白帝曉猿斷黃牛過客遲遙瞻明月峽西去益相  
思

將遊衡嶽過漢陽雙松亭留別族弟浮屠

談皓

秦欺趙氏璧却入邯鄲宮本是楚家玉還來荆山  
中符一作彩照滄溟精一作輝凌白虹青蛇一相  
點流落此時同卓絕道門秀談玄乃支公延蘿結  
幽居剪竹繞芳叢涼花拂戶牖天籟一作鳴虛空  
憶我初來時葡萄開景風今茲大火落秋葉黃梧  
桐水色夢沅湘長沙去何窮寄書訪衡嶠但與南  
飛鴻

### 留別賈舍人至二首

大梁白雲起飄飄來南洲徘徊蒼梧野十見羅浮

詩紀

盛唐卷之五

十

秋鰲抃今本

作換

山海傾四溟揚洪流意欲托孤鳳一作

從之摩天遊鳳苦道路難翱翔還崑丘不肯銜

我去哀鳴慙不周一作

遠客謝主人明珠難暗投

拂拭倚天劒西登岳陽樓長嘯萬里風掃清胃中

憂誰念劉越石化爲繞指柔

秋風吹胡霜凋此簷下芳折芳怨歲晚離別悽以

傷謬攀青瑣賢延我於此一作

堂君爲長沙客我

獨之夜郎勸此一杯酒豈惟道路長割珠兩分贈

寸心貴不忘何必見女仁相看淚成行

聞李太尉大舉秦兵百萬出征東南懦夫  
請纓冀申一割之用半道病還留別金陵

崔侍御十九韻

秦出天下兵蹴踏燕趙傾黃河飲馬竭赤羽連天  
明太尉仗旄鉞雲旗繞彭城三軍校號令千里肅  
雷霆函谷絕飛鳥武關擁連營意在斬巨鼇何論  
鯢與鯨一作鯢恨無左車畧多愧魯連生拂劍照  
嚴霜雕戈鬣胡纓願雪會稽耻將期報恩榮半道  
謝病還無因一作由東南征亞夫未見顧劇孟阻先

詩紀

盛唐卷之五十六

主

行天奪壯士心長吁別吳京金陵遇太守倒屣欣  
一作逢迎羣公咸祖餞四座羅朝英初發臨滄觀  
酌棲征虜亭舊國見秋月長江流寒聲帝車信廻  
轉河漢復縱橫孤鳳向西海飛鴻辭北溟因之出  
廖廓揮手謝公卿

別韋少府

西出蒼龍門南登白鹿原欲尋商山皓猶戀漢皇  
恩水國遠行邁仙經深討論洗心向谿月清  
耳敬亭猿築室在人境閉關無世喧多君枉高駕

贈我以微言交乃意氣合道因風雅存別離有相  
思瑤瑟與金樽

詩紀

盛唐卷之五十六

主

盛唐第五十六

盛唐第五十七

唐詩紀一百十七

鄧郡吳中珩彙編

永嘉周才甫同校

李白九

五言古詩九

遊泰山六首

一作天寶元年四月從故御道上天

四月上泰山石平

一作屏

御道開六龍過萬壑澗谷

隨縈迴馬跡遶碧峯于今滿青苔飛流灑絕巘水

急松聲哀北眺崕嶂奇傾崖向東摧洞門閉石扇

詩紀

盛唐卷之五十七

地底

一作興

雲雷登高望蓬瀛想像金銀

宋本臺作錄

天門一長嘯萬里清風來玉女四五人飄飄下九

垓含笑引素手遺我流霞杯稽首再拜之自愧非

仙才曠然小宇宙棄世何悠哉

清曉騎白鹿直上天門山山際逢羽人方瞳好容

顏捫蘿欲就語却掩青雲關遺我鳥跡書飄然落

巖間其字乃上古讀之了不閑感此三歎息從師

方未還

平明登日觀舉手開雲關精神四飛揚如出天地

聞黃河從西來窈窕入遠山憑崖覽

八極目

盡長空閑偶然值青童綠髮雙雲鬟笑我晚學仙

蹉跎凋朱顏躊躇忽不見浩蕩難追攀

清齋三十日裂素寫道經吟誦有所得衆神衛我

形雲行信長風颯若羽翼生攀崖上日觀伏檻窺

東溟海色動遠山天雞已先鳴銀臺出倒景白浪

翻長鯨安得不死藥高飛向蓬瀛

日觀東北傾兩崖夾雙石海水落眼前天光遙空

碧千峯爭攢聚萬壑絕凌歷緬彼鶴上仙去無雲

詩紀

盛唐卷之五十七

中跡長松入霄漢遠望不盈尺山花異人間五月

雪中白終當遇安期於此鍊玉液

朝飲王母池暝投天門關獨抱綠綺琴夜行青山

間山明月露白夜靜松風歇仙人遊碧峯處處笙

歌發寂聽娛清暉玉真連翠微想像鸞鳳舞飄飄

龍虎衣捫天摘瓠瓜恍惚不憶歸舉手弄清淺誤

攀織女機明晨坐相失但見五雲飛

遊南陽白水登石激作

朝涉白水源暫與人俗踈島嶼佳境色江天涵清

虛目送去海雲心閑遊川魚長歌盡落日乘月歸田廬

遊南陽清冷泉

惜彼落日暮愛此寒泉清西輝逐流水蕩漾遊子情空歌望雲月曲盡長松聲

尋魯城北范居士失道落蒼耳中見范置

酒摘蒼耳作

鴈度秋色遠日靜無雲時客心不自得浩漫將何之忽憶范野人閑園養幽姿茫然起逸興但恐行

詩紀

盛唐卷之五十七

三

來遲城壕失往路馬首迷荒陂不惜翠雲裘遂爲蒼耳欺入門且一笑把臂君爲誰酒客愛秋蔬山盤薦霜梨他筵不下筯此席忘朝饑酸棗垂北郭寒瓜蔓東籬還傾四五酌自詠猛虎詞近作十日歡遠爲千載期風流自簸蕩誰浪偏相宜酣來上馬去却笑高陽池

秋獵孟諸夜歸置酒單父東觀妓

傾暉速短炬走海無停川冀餐圓丘草欲以還頗年此事不可得微生若浮煙駿發跨名駒雕弓控

鳴弦鷹豪魯草白狐兔多肥鮮邀遮栢馳逐遂出城東田一掃四野空喧呼鞍馬前歸來獻所獲炮炙宜霜天出舞兩美人飄飄若雲仙畱歡不知疲清曉方來旋

與從姪杭州刺史良遊天竺寺

挂席凌蓬丘觀濤憩樟樓三山動逸興五馬同遨遊天竺森在眼松風颯驚秋覽雲測變化弄水窮清幽疊障隔遙海一作當軒寫歸流詩一作成傲

雲月佳趣滿吳洲

詩紀

盛唐卷之五十七

四

同友人舟行遊台越作

楚臣傷江楓謝客拾海月懷沙去瀟湘挂席泛溟渤蹇予訪前跡獨往造窮髮古人不可攀去若浮雲沒願言弄倒影從此鍊真骨華頂窺絕溟蓬壺望超忽不知青春度但怪綠芳歇空持釣鰲心從此謝魏闕

下終南山過斛斯山人宿置酒

暮從碧山下山月隨人歸却顧所來徑蒼蒼橫翠微相攜及田家童稚一作開荆扉綠竹入幽軒

青蘿拂行衣歡言得所憩美酒聊共揮長歌吟  
松風曲盡河星稀我醉君復樂陶然共忘機

朝下過盧郎中叙舊遊

君登金華省我入銀臺門幸逢聖明主俱承雲雨  
恩復此休浣時閑爲疇昔言却詔山海事宛然林  
壑存明湖思曉月疊嶂憶清猿何由返初服田野  
醉芳樽

邙鄆南亭觀妓

歌鼓一作妓燕趙兒魏姝弄鳴絲粉色豔月彩一作粉豔

詩紀

盛唐卷之五十七

五

舞袖一作彩拂花枝把酒顧美人請歌邙鄆詞

清箏何繚繞度曲綠雲垂平原君安在科斗生古  
池座客三千人于今知有誰我輩不作樂但爲後  
代悲

春遊羅敷潭

行歌入谷口路盡無人躋攀崖度絕壑弄水尋迴  
谿雲從石上起客到花間迷淹留未盡興日落羣  
峯西

春陪商州裴使君遊石娥谿時欲東歸遂有此贈

裴公有仙標拔俗數千丈澹蕩滄洲雲飄颻紫霞  
想剖竹商洛間政成心已閑蕭條出世表冥寂閉  
玄關我來屬芳節解榻時相悅舉帷對雲峯揚袂  
指松雪暫出東城邊遂遊西巖前橫天聳翠壁噴  
壑鳴紅泉尋幽殊未歇愛此春光發谿傍饒名花  
石上有好月命駕歸去來露華生綠苔苔淹留  
惜將晚復聽清猿哀清猿斷人腸遊子思故鄉明  
發首東路此歡焉可忘

春日陪楊江寧及諸官宴北湖感古作

詩紀

盛唐卷之五十七

六

昔聞顏光祿攀龍宴重一作京湖樓船入天鏡帳

殿開雲衢君王歌大風如樂豐沛都延年獻佳作  
邈與詩人俱我來不及此獨立鍾山孤楊宰穆清

瓊林敷鵲首弄倒影蛾眉綴明珠新絃采一作來

梨園古舞嬌吳歆曲度繞雲一作清漢聽者一作四座皆

歡娛雞棲何嘈嘈一作作江月沸笙竽古之帝宮

苑今乃人樵蘇感此勸一觴願君覆瓢壺榮盛一作

當作樂無令後賢吁



宴鄭參卿山池

爾恐碧草晚我畏朱顏移愁看楊花飛置酒正相  
宜歌聲送落日舞影迴清池今夕不盡杯留歡更  
邀誰

遊謝氏山亭

淪老卧江海再歡天地清病閑久寂寞歲物徒芬  
榮借君西地遊聊以散我情掃雪松下去捫  
蘿石首行謝公池塘上春草蠟已生花枝拂  
人來山鳥向我鳴田家有美酒落日與之傾醉罷  
弄歸月遥欣稚子迎

金陵鳳凰臺置酒

置酒延落景金陵鳳凰臺長波寫萬古心與雲俱  
開借問往昔時鳳凰爲誰來鳳凰去已久正當今  
日迴明君越義軒天老坐三台豪士無所用彈絃  
醉金壘東風吹山花安可不盡杯六帝沒幽草深  
宮冥綠苔置酒勿復道歌鐘但相催

秋浦清谿雪夜對酒客有唱山鷓鴣者

披我貂襜褕對君白玉壺雪花酒上滅頓覺夜寒

無客有桂陽至能吟山鷓鴣清風動忽竹越鳥起  
相呼持此足爲樂何煩笙與箏

與周剛清谿玉鏡潭宴別

清谿玉鏡潭宴別

康樂上宮去永嘉遊石門江中有孤嶼千載跡猶  
存我來憩秋浦三入桃陂源千峯照一壑雪萬  
壑盡啼猿興與謝公合文因周子論歸至王落葉  
帶一月開酒樽谿當大樓南谿水正南奔  
迴作玉鏡潭澄明洗心覓此中得佳境可以絕羣  
喧清夜方歸來酣歌出平原別後經此地爲余謝  
蘭蓀

泛沔州城南郎官湖

乾元歲秋八月白遷於夜郎遇故人尚書郎張  
謂出使夏口沔州牧杜公漢陽宰王公觴于江  
城之南湖樂天下之再平也方夜水月如練清  
光可掇張公殊有勝槩四望超然乃顧白曰此  
湖古來賢豪遊者非一而枉踐佳景寂寥無聞  
夫子可爲我標之嘉名以傳不朽白因舉酒酌

水號之曰郎官湖亦猶鄴園之有僕射陂也席  
上文士輔翼岑靜以爲知言乃命賦詩紀事刻  
石湖側將與大別山共相磨滅焉

張公多逸興共泛沔城隅當時秋月好不減武昌  
都四座醉清光爲歡古來無郎官愛此水因號郎  
官湖風流若未減名與此山俱

夜泛洞庭尋裴侍御清酌

日晚湘水綠孤舟無端倪明湖漲秋月獨泛巴陵  
西遇憩裴逸人巖居陵丹梯抱琴出深竹爲我彈

詩紀

盛唐卷之五十七

鷓鴣曲盡酒亦傾北窓醉如泥人生且行樂何必  
組與珪

與南陵常贊府遊五松山

安石泛溟渤獨嘯長風還逸韻動海上高情出人  
間靈異可並跡澹然與世閑我來五松下置酒窮  
躋攀徵古絕遺老因名五松山五松何清幽勝境  
美沃州蕭颯鳴洞壑終年風雨秋響入百泉去聽  
如三峽流剪竹掃天花且從傲吏遊龍堂若可憩  
吾欲歸精修

宣城青谿二首

一作入青谿山

青谿勝桐廬水木有佳色山貌日高古石容天傾  
側彩鳥昔未名白猿初相識不見同懷人對之空  
歎息

青谿清我心水色異諸水借問新安江見底何如  
此人行明鏡中鳥弄<sub>一作度</sub>屏風裏向晚猩猩啼空  
悲遠遊子

遊水西簡鄭明府

天宮水西寺雲錦照東郭清湍鳴迴谿綠水繞飛

詩紀

盛唐卷之五十七

十

閣涼風日瀟灑幽客時憩泊五月思貂裘謂言秋  
霜落石蘿引古蔓岸筍開新籜吟翫空復情相思  
爾佳作鄭公詩人秀逸韻宏寥廓何當一來遊愜  
我雪山諾

九日登山

淵明歸去來不與世相逐爲無杯中物遂偶本州  
牧因招白衣人笑酌黃花菊我來不得意虛過重  
陽時題輿何俊發遂結城南期築土按響山俯臨  
宛水湄胡人叫玉笛越女彈霜絲自作英王胄斯

樂不可窺赤鯉湧琴高白龜遺水夷靈仙如彷彿  
莫醉遙相知古來登高人今復幾人在滄洲違宿  
諾明日猶可待連山似驚波合沓出溟海揚袂揮  
四座酩酊安所知齊歌送清觴起舞亂參差賓隨  
落葉散帽逐秋風吹別後登此臺願言長相思

九日

今日風景好水綠秋山明攜壺酌流霞舉菊泛寒  
榮地遠松石古風揚絃管清窺觴照歡顏獨笑還  
自傾落帽醉山月空歌懷友生

詩紀

盛唐卷之五十七

十一

陪族叔當塗宰遊化城寺升公清風亭

化城若化出金牕天宮開疑是海上雲飛空結樓  
臺升公湖山秀粲然有辯才濟人不利已立俗無  
嫌猜了見水中月青蓮出塵埃閑居清風亭左右  
清風來當暑陰廣殿太陽爲徘徊茗酌待幽客珍  
盤薦彫梅飛文何灑落萬象爲之摧季父擁鳴琴  
德聲布雲雷雖遊道林室亦舉陶潛杯清樂動諸  
天長松自吟哀畱歡若可盡劫石乃成灰

登錦城散花樓

日照錦城頭朝光散花樓金牕夾繡戶珠箔懸瓊  
銀一作鈎飛梯綠雲中極目散我憂暮雨向三峽春  
江繞雙流今來一登望如上九天遊

登峨眉山

蜀國多仙山峨眉邈難匹周流試登覽絕怪安可  
悉青冥倚天開一作彩錯疑畫出冷然紫雲實果  
得錦囊術雲間吟一作瓊簫石上弄寶瑟平生有  
微尚歡笑自此畢煙容如在顏塵累忽相失儻逢  
騎羊子攜手凌白日

詩紀

盛唐卷之五十七

十二

大庭庫

朝登大庭庫雲物何蒼然莫辨陳鄭火空靈鄒魯  
煙我來尋梓慎觀化入寥天古木翔氣多松風如  
五絃帝圖終冥沒歎息滿山川

登單父陶少府半月臺

陶公有逸興不與常人俱築臺像半月迴出一作迴向  
高城隅置酒望白雲商飈起寒梧秋山入遠海桑  
柘羅平蕪水色渌且明一作清令人思鏡湖終當過  
江去愛此暫踟躕

天台曉望

天台鄰四明華頂高百越門標赤城霞樓樓滄島  
月憑高登遠覽直下見溟渤雲垂大鵬翻波動巨  
鼇沒風潮爭洶湧神怪何翕忽觀奇跡無倪好道  
心不歇攀條摘朱實服藥鍊金骨安得生羽毛千  
春卧蓬闕

焦山望松寥山

石壁望松寥宛然在碧霄安得五彩虹架天作長  
橋仙人如愛我舉手來一作相招

詩繼

盛唐卷之五十七

十三

登太白峯

西上太白峯夕陽窮登攀太白與我語爲我開天  
關願乘冷風去直上浮雲間舉手可近月前行若  
無山一別武功去何時復見還

登邯鄲洪波臺置酒觀發兵

我把兩赤羽來遊燕趙間天狼正可射感激無時  
閑觀兵洪波臺倚劍望玉關請纓不繫越且向燕  
然山風引龍虎旗歌鐘昔一作追攀擊筑落陽月  
投壺破愁顏遙知百戰勝定掃鬼方還

登金陵冶城西北謝安墩

此墩即晉太傅謝安與石軍王羲之同登超然有高世之志余將營園其上故作是詩也

晉室昔橫潰永嘉遂南奔沙塵何茫茫龍虎鬪朝  
昏胡馬風漢草天驕蹙中原哲匠感頽運雲鵬忽  
飛翻組練照楚國旌旗連海門西秦百萬衆戈甲  
如雲屯投鞭一作策可填江一掃不足論一作一朝

皇運有返正醜虜無遺覓談笑遏橫流蒼生望斯  
存冶城訪古跡一作至今猶有謝安墩憑覽周地

險高標絕人喧想像東山姿緬懷右軍言梧桐識  
詩紀

盛唐卷之五十七

十四

嘉樹蕙草留芳根白鷺映春洲青龍見朝暎地古  
雲物在臺傾禾黍繁我來酌清波於此樹名園功  
成拂衣去歸入一作長武陵源

翫月金陵城西孫楚酒樓達曙歌吹日晚

乘醉著紫綺裘烏紗巾與酒客數人棹歌

秦淮往石頭訪崔四侍御

昨翫西城月青天垂玉鉤朝沽金陵酒歌吹孫楚  
樓忽憶繡衣人乘船往石頭草裏烏紗巾倒被紫  
綺裘兩岸拍手笑疑是王子猷酒客十數公崩騰

醉中流謔浪掉海客喧呼傲陽侯半道逢吳姬卷  
簾出揶揄我憶君到此不知狂與羞月下一見君  
三杯便迴橈捨舟共連袂行上南渡橋興發歌淥  
水秦客爲之謳宋本作秦客作之謳雞鳴復相招清宴逸雲  
霄贈我數百字字字凌風颭繫之衣裘上相憶每  
長謠

詩紀

盛唐卷之五十七

五十一

盛唐第五十七

盛唐第五十八

唐詩紀一百十八

鄧郡吳中珩彙編

永嘉周才甫同校

李白

五言古詩十

荆門浮舟望蜀江

春水月峽來浮舟望安極正是桃花流依然錦江  
色江色綠且明茫茫與天平逶迤巴山盡搖曳楚  
雲行雪照聚沙鴈花飛出谷鶯芳洲却已轉碧樹  
森森迎流目浦煙夕揚帆海月生江陵識遙火應  
到渚宮城

詩紀

盛唐卷之五十八

一

望廬山瀑布水

西登香爐峯南見瀑布水挂流三百一作千丈噴壑

數十里歛如飛電一作練來隱若白虹起初驚河漢

一作銀河落半灑雲天裏一作金潭裏仰觀勢轉雄壯哉

造化功海風吹不斷江一作山月照還空空中亂潑

射左右洗青壁飛珠散輕霞流沫沸穹石而我樂

名山對之心益閑無論漱瓊液且得洗塵顏仍一作



諸宿所好永願辭人間

### 江上望皖公山

奇峯出奇雲秀水含秀氣清宴皖公山曉絕稱人意獨遊滄江上終日淡無味但愛茲嶺高何由討靈異默然遙相許欲往心莫遂待吾還丹成投跡歸此地

### 望黃鶴樓

東望黃鶴山雄雄半空出四面生白雲中峯倚紅日巖巒行穹跨峯嶂亦冥密頗聞列仙人於此學

詩紀

盛唐卷之五十八

飛術一朝向蓬海千載空石室金龜生煙埃玉潭秘清謐地古遺草木庭寒老芝朮蹇予美攀躋因欲保閑逸觀奇徧諸嶽茲嶺不可匹結心寄青松永悟客情畢

### 九日登巴陵置酒望洞庭水軍

時賊逼華容縣

九日天氣清登高無秋雲造化闢川嶽了然楚漢分長風鼓橫波合沓蹙龍文憶昔傳遊豫樓船壯橫汾今茲討鯨鯢旌旆何繽紛白羽落酒樽洞庭羅三軍黃花不掇手戰鼓遙相聞劒舞轉頽陽當

時日停曛酣歌激壯士可以摧妖氛齷齪東籬下淵明不足羣

### 秋登巴陵望洞庭

清晨登巴陵周覽無不極明湖映天光徹底見秋色秋色何蒼然際海俱澄鮮山青滅遠樹水綠無寒煙來帆出江中去鳥向日邊風清長沙浦霜空雲夢田瞻光惜頽髮閱水悲徂年北渚旣蕩漾東流自潯潏郢人唱白雪越女歌采蓮聽此更腸斷憑崖淚如泉

詩紀

盛唐卷之五十八

### 金陵望漢江

漢江廻萬里派作九龍盤橫潰豁中國崔嵬飛迅湍六帝淪亡後三吳不足觀我若混區宇垂拱衆流安今日任公子滄浪罷釣竿

### 登敬亭北二小山余時送客逢崔侍御並

### 登此地

送客謝亭北逢君縱酒還屈盤戲白馬大笑上青山迴鞭指長安西日落秦關帝鄉三千里杳在碧雲間

入彭蠡經松門觀石鏡緬懷謝康樂題詩  
書遊覽之志

謝公之彭蠡因此遊松門余方窺石鏡兼得窮江  
源欲將繼風雅豈徒清心意而賞逾所見後來道  
空存况屬臨汎美而無洲渚喧派水向東去漳流  
直南奔空濛三川夕廻合千里昏青桂隱遙月綠  
楓鳴愁猿水碧或可采金精秘莫論吾將學仙去  
真與公高言

詩紀  
盛唐李太白集卷之五十八

安州應城玉女湯作

神女歿幽境湯池流大川陰陽結炎炭造化開靈  
泉地底爍朱火沙傍歆素煙沸珠躍晴月皎  
鏡涵空天氣浮蘭芳滿色漲桃花然精覽萬妹入  
潛行七澤連愈疾功莫尚變盈道乃全淮纓掬清  
泚晞髮弄潺湲散下楚王國分澆宋王田可以奉  
巡幸奈何隔窮偏獨隨朝宗水赴海輪微消  
之廣陵宿常二南郭幽居

綠水接柴門有如桃花源忘憂或假石清院羅  
萱暝色湖上來微雨飛南軒故人宿茅宇夕鳥栖  
楊園還惜詩酒別深爲江海言明朝廣陵道獨憶  
此傾傳

宿清谿主人

夜到清谿宿主人碧巖裏簷楹挂星斗枕席響風  
水月落西山時啾啾夜猿起

過汪氏別業二首

遊山誰可遊子明與浮丘壘嶺礙河漢連峯橫斗

詩紀

盛唐李太白集卷之五十八

五

牛汪生面北阜池館清且幽

我來感意氣

鰓魚列珍羞掃石待歸月開池漲寒流酒酣益爽  
氣爲樂不知秋

疇昔未識君知君好賢才隨山起館宇鑿石營池

臺星火五月中景風從南來數枝石榴發一

丈荷花開恨不當此時相過醉金罍我行值木落

月苦清猿哀永夜達五更吳歆送瓊杯酒酣欲起

舞四座歌相催日出遠海明軒車且徘徊更遊龍

潭去枕石拂莓苔

題隨州紫陽先生壁

神農好長生風俗久已成復聞紫陽客早署丹臺  
名喘息餐妙氣步虛吟真聲道與古仙合心將元  
化并樓疑出蓬海鶴似飛玉京松雪牕外曉池水  
階下明忽耽笙歌樂頗失軒冕情終願惠金液提  
攜凌太清

題元丹丘山居

故人棲東山自愛丘壑美青春卧空林白日猶不  
起松風清襟袖石潭洗心耳美君無紛喧高枕碧

詩紀

盛唐卷之五十八

六

霞裏

題元丹丘潁陽山居

丹丘家于潁陽新卜別業其地北倚馬嶺連峯  
嵩丘南瞻鹿臺極目汝海雲巖映鬱有佳致焉  
白從之遊故有此作

仙遊渡潁水訪隱同元君忽遺蒼生望獨與洪崖  
羣卜地初晦跡興言且成文却顧北山斷前瞻南  
嶺分遙通汝海月不隔嵩丘雲之子合逸趣而我  
欽清芬舉跡倚松石談笑迷朝曛終願狎青鳥拂

樓江濱

洗脚亭

白道向姑熟洪亭臨道傍前有昔時井下有五丈  
牀樵女洗素足行人歇金裝西望白鷺洲蘆花似  
朝霜送君此時去回首淚成行

題金陵王處士水亭

王子耽玄言賢豪多在門好鶯尋道士愛竹嘯名  
園樹色秀荒苑池光蕩華軒北堂見明月更  
憶陸平原掃拭青玉簪為余置金樽醉罷

詩紀

盛唐卷之五十八

七

欲歸去花枝宿鳥喧何待復來此再得洗器煩

題嵩山逸人元丹丘山居

白父在廬霍元公近遊嵩山故交深情出處無  
間巖信頻及許為主人欣然適會本意當冀長  
往不返欲便舉家就之兼書共遊因有此贈  
家本紫雲山道風未淪落沈懷丹丘志冲賞歸寂  
冥搗來遊閩荒捫涉窮禹鑿黃緣泛潮海偃蹇陟  
廬霍憑雷躡天牕弄景憩霞閣且欣登眺美頗愜  
隱淪諾三山曠幽期四岳聊所託故人契嵩頽高

義炳丹腹滅跡遺紛囂終言本峯整日於林清好  
不美朝市樂偶與真意并頓覺世情薄何所芳  
桂吾亦采蘭若拙妻好乘鸞嬌女愛飛鶴提攜訪  
神仙從此鍊金藥

題江夏靜修寺

我家北海宅作寺南江濱空庭無玉樹高殿坐幽  
人書帶留青草琴堂一簾素塵平生種桃李寂  
滅不成春

紀南陵題五松山

詩紀

盛唐卷之五十八

八

聖達有去就潛光愚其德魚與龍同池龍去魚不  
測當時版築輩豈知傳說情一朝雨一作殷人光  
氣爲列星伊尹生空桑捐庖佐皇極桐宮放太甲  
攝政無愧色三年帝道明委質終輔翼曠哉至人  
心萬古可爲則時命或大謬仲尼將奈何鸞鳳忽  
覆巢麒麟不來過龜山蔽魯國有斧且無柯歸來  
歸去來宋本作歸去來宵濟越洪波

與元丹丘方城寺談玄作

茫茫大夢中惟我獨先覺騰轉風火來假合作容

貌滅除昏疑盡領畧入精要澄慮觀此身因得通  
寂照朗悟前後際始知金仙妙幸逢禪居人酌玉  
坐相召彼我俱若喪雲山豈殊調清風生虛空明  
月見談笑怡然青蓮宮永願恣遊眺

尋高鳳石門山中元丹丘

尋幽無前期乘興不覺遠蒼崖渺難涉白石忽欲  
晚未窮三四山已歷千萬轉寂寂聞猿愁行行見  
雲收高松上今本作來好月空谷宜清秋谿深古雪在  
石斷寒泉流峯巒秀中天登眺不可盡丹丘遙相

詩紀

盛唐卷之五十七

九

呼顧我忽而哂遂造窮谷間始知靜者閑留歡達  
永夜清曉方言還

安州般若寺水閣納涼喜遇薛員外又

翛然金園賞遠近含晴光樓臺成海氣草木皆天  
香忽逢青雲士共解丹霞裳水邊池上熱風生松  
下涼吞討破萬象寒窺臨衆芳而我遺有漏與君  
用無方心垢都已滅永言題禪房

月下獨酌四首

花間一作月下一壺酒獨酌無相親舉杯邀明月對

影成三人月既不解飲影走隨我身暫伴月將影  
行樂須及春我歌月徘徊我舞影凌亂醒時同交  
歡醉後各分散永結無情遊相期邈雲漢

大若不受酒酒星不在天地若不受酒地應無酒  
泉天地既受酒受酒不泯天已開青此聖復道濁  
如賢賢聖既已飲何必求神仙三杯通大道一斗  
合自然但得醉中趣勿爲醒者傳

二月咸陽城千花畫如錦

風落花  
關鳥語成

詩紀

盛唐卷之五十八

十一

誰能春獨愁對此徑須飲窮通與脩短造  
化夙所稟一樽齊死生萬事固難審醉後失天地  
兀然就孤枕不知有吾身此樂最爲甚

窮愁千萬端美酒三百

杯愁多酒雖少

酒傾愁不來所以知酒

聖酒甘心自開辭粟

卧首陽

屢空饑顏回當代不樂飲虛名安用

哉蟹螯卽金液糟丘是蓬萊且須飲美酒乘月醉

高臺

春歸終南山松龕舊隱

我來南山陽事事不異昔却尋谿中水還望巖下  
石薔薇緣東牕女蘿遶北壁別來能幾日草木長  
數尺且復命酒樽獨酌陶永夕

冬夜醉宿龍門覺起言志

醉來脫寶劍旅憩高堂眠中夜忽驚覺起立明燈  
前開軒聊直望曉雪河水壯哀哀歌苦寒鬱鬱獨  
惆悵傳說版築臣李斯鷹犬人歛起匡社稷寧復  
長艱辛而我胡爲者歎息龍門下富貴未可期殷  
憂向誰寫去去淚滿襟舉聲梁甫吟青雲當自致

詩紀

盛唐卷之五十八

十二

何必求知音

尋山僧不遇作

石徑入丹壑松門閉青苔閑階有鳥跡禪室無人  
開窺牕見白拂挂壁生塵埃使我空歎息欲去仍  
徘徊香雲徧山起花雨從天來已有空樂好  
况聞清猿哀了然絕世事此地方悠哉

獨酌

春草如有意羅生玉堂陰東風吹愁來白髮坐相  
侵獨酌勸孤影閑歌面芳林長松爾何知

無情



蕭瑟爲誰吟手舞石上月膝橫花間琴過此一壺  
外悠悠非我心

友人會宿

滌蕩千古愁留連百壺飲良宵宜清談皓然一作  
誰一作能寢醉來卧空山天地卽衾枕

春日獨酌二首

東風扇淑氣水木榮春暉白日照綠草落花散且  
飛孤雲還空山衆鳥各已歸彼物皆有託吾生獨  
無依對此石上月長歌醉芳菲

詩紀

盛唐卷之五十八

三

我有紫霞想緬懷滄洲間思

對一壺酒澹然

萬事閑橫琴倚高松把酒望遠山長空去鳥沒落  
日孤雲還但恐光景晚宿昔成秋顏

金陵江上遇蓬池隱者

落月石上水西  
風吹香

心愛名山遊身隨名山遠羅浮麻姑臺此去或未  
返遇君蓬池隱就我石上飯空言不成歡強笑惜  
日晚綠水向鴈關黃雲蔽龍山歎息兩客鳥  
徘徊吳越間一作語一執手留連夜將久解我  
紫綺裘且換金陵酒酒來笑復歌興酣樂事多水

影弄月色清光奈愁何明晨挂帆席離恨滿滄波

嵩山采菖蒲者

神人多古貌雙耳下垂肩高嶽逢漢武疑是九疑  
仙我來采菖蒲服食可延年言終忽不見滅影入  
雲煙喻帝竟莫悟終歸茂陵田

月夜聽盧子順彈琴

閑坐夜明月幽人彈素琴忽聞悲風調宛若寒松  
吟白雪亂纖手淥水清虛心鍾期久已沒世上無  
知音

詩紀

盛唐卷之五十八

三

金陵聽韓侍御吹笛

韓公吹玉笛侑儻流英音風吹繞鍾山萬壑皆龍  
吟王子停鳳管師襄掩瑤琴餘韻渡江去天涯安  
可尋

魯東門觀刈蒲

魯國寒事早初霜刈渚蒲揮鎌若轉月拂水生連  
珠此草最可珍何必貴龍鬚織作玉牀席欣承清  
夜娛羅衣能再拂不畏素塵蕪

盛唐第五十八

盛唐第五十九

唐詩紀一百十九

鄆郡吳中珩彙編

永嘉周才甫同校

李白十一

五言古詩十一

上三峽

巫山夾青天巴水流若茲巴水忽可盡青天無到  
時三朝上黃牛三暮行太遲三朝又三暮不覺鬢  
成絲

詩紀

盛唐卷之五十九

自己東舟行經瞿塘峽登巫山最高峯晚

還題壁

江行幾千里海月十五圓始經瞿塘峽逐步巫山  
巔巫山高不窮巴國盡所歷日邊琴垂羅霞外倚  
窈石飛步凌絕頂極目無纖煙却顧失丹壑仰觀  
臨青天青天若可捫銀漢去安在望雲知蒼梧記  
水辨瀛海周遊孤光晚歷覽幽意多積雪照空谷  
悲風鳴森柯歸途行欲曛佳趣尚未歇江寒早啼  
猿松暝已吐月月色何悠悠清猿響啾啾辭山不

忍聽揮策還孤舟

自廣平乘醉走馬六十里至邯鄲登城樓

覽古書懷

醉騎白花駱

一作馬

西走邯鄲城揚鞭動一作度柳色

寫鞍春風生入郭登高樓山川與雲平深宮翳綠

草

一作雄都

萬事傷人情相如章華巔猛氣折秦

羸兩虎不可闔廉公終負荆提攜袴中兒杵臼及

程嬰立孤就白刃

一作空孤

必死耀丹誠平原三

千客談笑盡豪英毛君能穎脫二國且同盟皆爲

詩紀

盛唐卷之五十九

二

黃泉土使我涕縱橫磊磊石子岡蕭蕭白楊聲諸

賢沒此地碑版有殘銘太古共今時由來互

哀榮傷哉何足道感激仰空

文儒少逢迎閑從博陵遊悵飲雪朝醒歌酣

易水動鼓震叢臺傾日落把酒歸凌晨向燕京方

陳五餌策一使胡塵清

下涇縣陵陽谿至涇灘

涇灘鳴嘈嘈兩山足依依白波若卷雪側足不容

舠漁子與舟人撐折萬張篙

下陵陽浴高谿三門六刺灘

三門橫峻灘六刺走波瀾石驚虎伏起水狀龍縈  
盤何慙七里瀨使我欲垂竿

宿鰕湖

雞鳴發黃山暝投鰕湖宿白雨映寒山森森似銀  
竹提携采鉛客結荷水邊沐半夜四天開星河爛  
人目明晨大樓去崗隴多屈伏當與持斧翁前谿  
伐雲木

宣城長史弟昭贈余琴谿中雙舞鶴詩以

詩紀

盛唐卷之五十九

三一

見志

令弟佐宣城贈余琴谿鶴謂言天涯雪忽向牕前  
落白玉爲毛衣黃金不肯博背風振六翮對舞臨  
山閣顧我如有情長鳴似相託何當駕此物與爾  
騰寥廓

白田馬上聞鶯

黃鸝啄紫椹五月鳴桑枝我行不記日誤作陽春  
時蠶老客未歸白田已綠一作人驅馬  
又前去捫心空自悲

日夕山中忽然有懷

久卧名

今本

山雲遂爲名

今本

山客山深雲更好

賞弄終日夕月銜樓間峯泉漱階下石素心自此  
得真趣非外惜鼙啼桂方秋風滅籟歸寂緬思洪  
厓術欲往滄海隔雲車來何遲撫已空歎息

春日醉起言志

處世若大夢胡爲勞其生所以終日醉頽然卧前  
楹覺來眊庭前一鳥花間鳴借問此何時春風語  
流鶯感之欲歎息對酒還自傾浩歌待明月曲盡  
已忘情

詩紀

盛唐卷之五十九

四

廬山東林寺夜懷

我尋青蓮宇獨往謝城闕霜清東林鐘水白虎谿  
月天香生虛空天樂鳴不歇宴坐寂不動大千入  
毫髮湛然冥真心曠劫斷出沒

嘲王歷陽不肯飲酒

地白風色寒雪花大如手笑殺陶淵明不飲杯中  
酒浪撫一張琴虛栽五株柳空負頭上巾吾於爾  
何有

憶崔郎中宗之遊南陽遺吾孔子琴撫之

潸然感舊

昔在南陽城唯餐獨山蕨憶與崔宗之白水弄素  
月時過菊潭上縱酒無休歇泛此黃金花頽然清  
歌發一朝摧玉樹生死殊飄忽留我孔子琴琴存  
人已歿誰傳廣陵散但哭邱山骨泉戶何時明長  
歸

狐兔窟

望月有懷

清泉映疎松不知幾千古寒月搖輕波流光入牕

詩紀

盛唐卷之五十九

五

戶對此空長吟思君意何深無因見安道興盡愁  
人心

春滯沅湘有懷山中

沅湘春色還風煖煙草綠古之傷心人於此腸斷  
續予非懷沙客但美采菱曲所願歸東山寸心於  
此足

落日憶山中

雨後煙景綠晴天散餘霞東風隨春歸發我枝上  
花花落時欲暮見此令人嗟願遊名山去學道飛

丹砂

憶秋浦桃花舊遊時竄夜郎

桃花春水生白石今出沒搖蕩女蘿枝半搖青天  
月不知舊行徑初峯幾枝蕨三載夜郎還於茲鍊  
金骨

郢門秋懷

郢門一爲客巴月三成弦朔風正搖落行子愁歸  
旋杳杳山外日茫茫江上天人迷洞庭水鴈度瀟  
湘煙清曠諸宿好緇磷及此年百齡何蕩漾萬化  
詩紀

盛唐卷之五十九

六

越中秋懷

越水遶碧山周迴數千里乃是天鏡中分明盡相  
似愛此從冥搜永懷林湍幽一爲滄波客十見紅  
蕖秋觀濤壯天險望海令人愁路遐迫西照歲晚  
悲東流何必探禹穴逝將歸蓬丘不然五湖上亦  
可乘扁舟

尋陽紫極宮感秋作

何處聞秋聲，脩脩北牕竹。迴薄萬古心，攬之不盈掬。  
靜坐觀衆妙，浩然媚幽獨。白雲南山來，就我簷下宿。  
嬾從唐生決，羞訪季主卜。四十九年非一往，不可復野情。  
轉蕭散世道，有翻覆陶令歸去來田家酒應熟。

江上秋懷

餐霞卧舊壑，散髮謝遠遊。山蟬號枯桑，始復知天秋。  
朔鴈別海裔，越燕辭江樓。颯颯風卷沙，茫茫霧縈洲。  
黃雲結暮色，白水揚寒流。惻愴心自悲，潺湲淚難收。  
衡蘭方蕭瑟，長歎令人愁。

秋夕書懷

一作秋夕書懷

北風吹海鴈，南渡落寒聲。感此瀟湘客，淒其流浪情。  
海懷結滄洲，一作滄洲霞一作霞想遊赤城。始探蓬壺事，一作術旋覺天地輕。  
澹然吟一作思高秋，閑卧瞻太清。蘿月隱一作掩空幕，松霜皓一作雲散前楹。  
滅見息羣動，獵微窮至精。桃花有源水，可以保吾生。

避地司空原言懷

南風昔不競，豪聖思經綸。劉琨與祖逖，起舞雞鳴晨。  
雖有匡濟心，終爲樂禍人。我則異於是，潛光皖水濱。  
卜築司空原，北將天柱鄰。雪霽萬里月，雲開九江春。  
俟乎泰階平，然後託微身。傾家事金鼎，年貌可長新。  
所願得此道，終然保清真。弄景奔日馭，攀星戲河津。  
一隨王喬去，長年玉天賓。

荊州賊平臨洞庭言懷作

脩虬橫洞庭，吞象臨江島。積骨成巴陵，遺言聞楚老。  
水窮三苗國，地窄三湘道。歲晏天崢嶸，時危人枯槁。  
思歸阻喪亂，去國傷懷抱。郢路方丘墟，章華亦傾倒。  
風悲猿嘯苦，木落鴻飛早。日隱西赤沙，月明東城草。  
關河望已絕，氛霧行當掃。長吁天可聞，吾將問蒼昊。

覽鏡書懷

得道無古今，失道還衰老。自笑鏡中人，白髮如霜草。  
捫心空歎息，問影何枯槁。桃李竟何言，終成南山皓。

江南春懷



青春幾何時黃鳥鳴不歇天涯失鄉一作歸路江外

老華髮心飛秦塞雲影滯楚關月身世殊爛熳田

園久蕪沒歲晏何所從長歌謝金闕

### 南奔書懷

一作自丹陽南奔道中作

遙夜何漫漫

一作何時旦

空歌白石爛寧戚未匡齊陳

平終佐漢攬槍掃河洛直割鴻溝半歷數方未遷

雲雷屢多難天人乘旄鉞虎竹光藩翰侍筆黃金

臺傳觴青玉案不因秋風起自有思歸歎王將動

說疑王師忽離叛自來白沙上

一作兵羅滄海上

鼓譟丹

詩紀

盛唐卷之五十九

九

陽岸賓御如浮雲從風各消散舟中指可掬城上

骸爭鬢草草出近關行行昧前筭南奔劇星火北

寇無涯畔顧乏七寶鞭留連道傍翫太白夜食昂

長虹日中貫秦趙興天兵茫茫九州亂感遇

一作結

明主恩頗高祖述言過江誓流水志在清中原拔

劍擊前柱悲歌難重論

### 秋夕旅懷

涼風度秋海吹我鄉思飛連山去無際流水何時

歸目極浮雲色心斷明月輝芳草歇柔豔白露催

寒衣夢長銀漢落覺罷天星稀含歎今本悲想舊國

泣下誰能揮

### 登廣武古戰場懷古

一作登廣武楚漢古戰場

秦鹿奔野草逐之若飛蓬項王氣蓋世紫電明雙

瞳呼吸八千人橫行起江東赤精斬白帝

一作叱

咤入關中兩龍不並躍五緯與天同楚滅無英圖

漢興有成功按劍清八極歸酣歌大風伊昔臨廣

武連兵決雌雄分我一杯羹太皇乃汝翁戰爭有

古跡壁壘頽層穹猛虎吟洞壑饑鷹獵

一作鳴

秋空

詩紀

盛唐卷之五十九

十

翔雲列曉陣殺氣赫長虹撥亂屬豪聖俗儒安可

通沈湎呼豎子狂言非至公撫掌黃河曲嗤嗤阮

嗣宗

### 金陵新亭

金陵風景好豪士集新亭舉目山河異偏傷周顗

情四坐楚囚悲不憂社稷傾王公何慷慨千載仰

雄名

### 西施

西施越谿女出自苧蘿山秀色掩今古荷花羞玉

顏浣紗弄碧水自與清波閑皓齒信難開沈吟碧  
雲間句踐徵絕豔揚蛾入吳關提携館娃宮杳眇  
詎可攀一破夫差國千秋竟不還

王右軍

右軍本清真瀟灑在風塵山陰過羽客愛此好鶯  
賓掃素寫道經筆精妙入神書罷籠鶯去何曾別  
主人

上元夫人

上元誰夫人偏得王母嬌嵯峨三角髻餘髮散垂

詩紀

盛唐卷之五十九

十一

腰裘披青毛錦身着赤霜袍手提羸女兒閑與鳳  
吹簫眉語兩自笑忽然隨風飄

商山四皓

白髮四老人昂藏南山側偃蹇松雪間冥翳不可  
識雲牕拂青靄石壁橫翠色龍虎方戰爭於焉自  
休息秦人失金鏡漢祖昇紫極陰虹濁太陽前星  
遂淪匿一行佐明兩條起生羽翼功成身不居舒  
卷在曾臆窅冥合元化茫昧信難測飛聲塞天衢  
萬古仰遺跡

峴山懷古

訪古登峴首憑高眺襄中天清遠峯出水落寒沙  
空弄珠見遊女醉月一作酒懷山公感歎發秋興長  
松鳴夜風

蘇武

蘇武在匈奴十年持漢節白鴈上林飛空傳一書  
札牧羊邊地苦落日歸心絕渴飲月窟水饑餐天  
上雪東還沙塞遠北愴河梁別泣把柰陵衣相看  
泣成血

詩紀

盛唐卷之五十九

十二

經下邳圯橋懷張子房

子房未虎嘯破產不爲家滄海得壯士椎秦博浪  
沙報韓雖不成天地皆振動潛匿遊下邳豈曰非  
智勇我來圯橋上懷古欽英風唯見碧流水一作水流  
曾無黃石公歎息此人去蕭條徐泗空

秋夜板橋浦汎月獨酌懷謝朓

天上何所有迢迢白玉繩斜低建章闕耿耿對金  
陵漢水舊如練霜江夜清澄長川瀉落月洲渚曉  
寒凝獨酌板橋浦古人誰可徵玄暉難再得灑淚

一作氣填膺

望鸚鵡洲懷禰衡

魏帝營八極蟻觀一禰衡黃祖斗筭人殺之受惡  
名吳江賦鸚鵡落筆超羣英鏘鏘振金玉句句欲  
飛鳴驚鷄啄孤鳳千春傷我情五嶽起方寸隱然  
詎可平才高竟何施寡識冒天刑至今芳洲上蘭  
蕙不忍生

金陵白楊十字巷

白楊十字巷北夾湖溝道不見吳時人空生唐年

詩紀

盛唐卷之五十九

十三

草天地有反覆官城盡傾倒六帝餘古丘樵蘇泣  
遺老

盛唐第五十九

盛唐第六十

唐詩紀一百二十

鄆郡吳中珩彙編

永嘉周才甫同校

李白十二

五言古詩十二

效古二首

朝入天苑中謁帝蓬萊宮青山映輦道碧樹搖煙  
空謬題金閨籍得與銀臺通待詔奉明主抽  
毫頌清風歸時落日晩蹢躅浮雲驂人馬本無意

詩紀

盛唐卷之六十

一

飛馳自豪雄入門紫鴛鴦金井雙梧桐清歌弦古  
曲美酒沽新豐快意且爲樂列筵坐羣公光景不  
可留生世如轉蓬早達勝晚遇羞比垂釣翁  
自古有秀色西施與東鄰蛾眉不可妬况乃效其  
顰所以尹婕妤羞見邢夫人低頭不出氣塞默少  
精神寄語無鹽子如君何足珍

擬古十二首

青天何歷歷明星白如石黃姑與織女相去不盈  
尺銀河無鵲橋非時將安適閨人理紈素遊子悲

行役瓶冰知冬寒霜露欺遠客客似秋葉飛飄飄  
不言歸別後羅帶長愁覺去時衣乘月託宵夢因  
之寄金微

高樓入青天下有白玉堂明月看欲墮當牕懸清  
光遙夜一美人羅衣沾秋霜含情弄柔瑟彈作陌  
上桑絃聲何激烈風卷遶飛梁行人皆躑躅棲鳥  
去迴翔但寫妾意苦莫辭此曲傷願逢同心者飛  
作紫鸞鴛

長繩難繫日自古其悲辛黃金高北斗不惜買陽

詩紀

盛唐卷之六十

二

春石火無留光還如世中人卽事已如夢後來我  
誰身提壺莫辭貧取酒會四鄰仙人殊恍惚未若  
醉中真

清都綠玉樹灼爍瑤臺春攀花弄秀色遠贈天仙  
人香風送紫蕊直到扶桑津取掇世上豔所貴心  
之珍相思傳一笑聊欲示情親

今日風日好明日恐不如春風笑於人何乃愁自  
居吹簫舞彩鳳酌醴醢神魚千金買一醉取樂不  
求餘達士遺天地東山有二疏愚夫同瓦石有才

知卷舒無事坐悲苦塊然涸轍一作魚

運速天地閉胡風結飛霜百草死冬月六龍頽西  
荒太白出東方彗星揚精光鴛鴦非越鳥何爲眷  
南翔惟昔鷹將犬今爲侯與王得水成蛟龍爭池  
奪鳳凰北斗不酌酒南箕空簸傷

世路今太行迴車竟何託萬族皆凋枯遂無少可  
樂曠野多白骨幽菟共銷鑠榮貴當及時春華宜  
照灼人非崑山玉安得長璫錯身沒期一作不朽  
榮名在麟閣

詩紀

盛唐卷之六十

三

月色不可掃客愁不可道玉露生秋衣流螢飛百  
草日月終銷毀天地同枯槁蟋蟀啼青松安見此  
樹老金丹寧誤俗昧者難精討爾非千歲翁多恨  
去世早飲酒入玉壺藏身以爲寶

生者爲過客死者爲歸人天地一逆旅同悲萬古  
塵月兔空擣藥扶桑以爲一作已薪白骨寂無言青  
松豈知春前後更歎息浮榮何足珍

僊人騎彩鳳昨下閬風岑海水三清淺桃源一見  
尋遺我綠玉杯兼之紫瓊琴杯以傾美酒琴以閑



素心二物非世有何論珠與金琴彈松裏風杯勸

天上月風月長相知世人何倏忽

涉江弄秋水愛此荷花鮮攀荷弄其珠蕩漾不成

圓佳期絲雲重欲贈隔遠天相思無由見悵望涼

風前又折荷有贈云涉江翫秋水愛此紅蕖鮮攀荷弄其珠蕩漾不成圓佳人絲雲裏欲贈隔遠天相思無由見悵望涼

風前與此小異今附于此

去去復去去辭君還憶君漢水既殊流楚山亦此

分人生難稱意豈得長爲羣越燕喜海日燕鴻思

朔雲別久容華晚琅玕不能飯日落知天昏夢長

詩紀

盛唐卷之六十

四

覺道遠望夫登高山化石竟不返

感興六首

瑤姬天帝女精彩化朝雲宛轉入宵夢無心向楚

君錦衾抱秋月綺席空蘭芬茫昧竟誰測虛傳宋

玉文

洛浦有宓妃飄飄雪爭飛輕雲拂素月了可見清

輝解珮欲西去一作走含情詎相違香塵動羅襪綠

水不沾衣陳王徒作賦神女豈同歸好色傷大雅

多爲世所譏

裂素持作書將寄萬里懷眷眷待遠信竟歲無人

來征鴻務從一作隨陽又不爲我棲委之在深篋蠹

魚壞其題何如投水中流落他人開不惜他人開

但恐生是非

十五遊神仙仙遊未曾歇吹笙吟松風汎瑟窺海

月西山玉童子使我鍊金骨欲逐黃鸝飛相呼向

蓬闕

西國有美女結樓青雲端蛾眉豔曉月一笑傾城

歡高節不可奪炯心如凝丹常恐彩色晚不爲人

詩紀

盛唐卷之六十

五

所觀安得配君子共乘雙飛鸞

嘉穀隱豐草草深苗且稀農夫既不異孤穗將安

歸常恐委疇隴忽與秋蓬飛烏得薦宗廟爲君生

光輝

寓言三首

周公負斧展成王何夔夔武王昔不豫剪爪投河

湄賢聖遇讒慝不免人君疑天風拔大木禾黍咸

傷萎管蔡扇蒼蠅公賦鴟鴞詩金縢若不啓忠信

誰明之



搖裔雙彩鳳婉孌三青禽往還瑤臺裏鳴舞玉山  
岑以歡秦娥意復得王母心區區精衛鳥銜木空  
哀吟

長安春色歸先入青門道綠楊不自持清風欲傾  
倒海燕還秦宮雙飛入簾櫳相思不相見托夢遼  
城東

感遇三首

吾愛王子晉得道伊洛濱金骨既不毀玉顏長自  
春可憐浮丘公猗靡與情親舉手白日間分明謝

詩紀

盛唐卷之六十

六

時人二仙去已遠夢想空殷勤

昔余聞姮娥竊藥駐雲髮不自嬌玉顏方希鍊金  
骨飛去身莫返含笑坐明月紫宮誇蛾眉隨手會

凋歌

宋玉事楚王立身本高潔巫山賦彩雲郢路歌白  
雪舉國莫能和巴人皆卷舌一感登徒言恩情遂  
中絕

雜詩

白日與明月晝夜尚一作常不閑况爾悠悠人安得

久世間傳聞海水上乃有蓬萊山玉樹生綠葉靈  
仙每登攀一食駐玄髮再食留紅顏吾欲從此去  
去之無時還

嘲魯儒

魯叟談五經白髮死章句問以經濟策茫如墜煙  
霧足著遠遊履首戴方山宋本方山作巾緩步從直道未  
行先起塵秦家丞相府不重褒衣人君非叔孫通  
與我本殊倫時事且未達歸耕汶水濱

懼讒

詩紀

盛唐卷之六十

七

二桃殺三士詎假劔如霜衆女妬娥眉雙花競春  
芳魏姝信鄭袖掩袂對懷王一惑巧言子朱顏成  
損一作死傷行將泣團扇戚戚愁人腸

詠鄰女東牕海石榴

魯女東牕下海榴世所希珊瑚映綠水未足比光  
輝清香隨風發落日好鳥歸願爲東南枝低舉拂  
羅衣無由共攀折引領望金扉

南軒松

南軒有孤松柯葉自緜幕清風無閑時瀟灑終日

夕陰生古苔綠色染秋煙碧何當凌雲霄直上數千尺

求崔山人百丈崖瀑布圖

百尺素崖裂四山丹壁開龍潭中噴射晝夜生風雷但見瀑泉落如激雲漢來聞君寫真圖島嶼備榮迴石黛刷幽草曾青澤古苔幽絨儻相傳何必向天台

瑩禪師房觀山海經

真僧閉精宇滅跡舍達觀列障圖雲山攢峯入霄

詩紀

盛唐卷之六十

八

漢丹崖森在目清晝疑卷幔蓬壺來軒牕瀛海入几案煙濤爭噴薄島嶼相凌亂征帆飄空中瀑水灑天半崢嶸若可陟想像徒盈歎杳與真心冥遂諧靜者翫如登赤城裏揭步滄洲畔卽事能娛人從茲得消散

詠槿二首

園花笑芳年池草豔春色猶不如槿花嬋一作嬋嬋玉堦側芬榮何夭促零落在瞬息豈若瓊樹枝終歲長翦絕

世人種桃李皆在金張門攀折爭捷徑及此春風喧一朝天霜下榮耀難久存安知南山桂綠葉垂芳根清陰亦可託何惜樹君園

寄遠八首

三鳥別王母銜書來見一作相過腸斷若剪絃其如愁思何遙知玉牕裡纖手弄雲和奏曲有深意青松交女蘿寫水落井中同泉豈殊波秦心與楚恨皎皎爲誰多

詩紀

盛唐卷之六十

九

輕春風新妝坐落日悵望金一作錦屏空念此送短書願因雙飛鴻

本作一行書殷勤道相憶一行復一行滿紙情何極瑤臺有黃鶴爲報青樓人朱顏凋落盡白髮一何新自知未應還一作老離居經三春桃李今若爲當牕發光彩莫使香風飄畱取一作共紅芳待玉筍落清一作春鏡坐愁湖陽水聞一作與陰麗華風煙接鄰里青春已復過白日忽相催但恐飛一作荷花晚令人意已推相思不惜夢日夜向陽臺

遠憶巫山陽花明淥江煖躊躇未得往淚向南雲  
滿春風復無情吹我夢竟斷不見眼中人天長音  
信短

陽臺隔楚水春草生黃河一作陰山相思無

日夜浩蕩若流波流波向海去定遶珠江濱一作見

終無遙將一點淚遠寄如花人

妾在春陵東君居漢江島一旦望花光往來成白

道無一爲雲雨別此地生秋草秋草

秋蛾飛相思愁落暉何由一相見滅燭解羅衣一本

詩紀 盛唐卷之六十一

無以上二句下有若時子夫今日

長短春草綠綠階如有情卷菴心獨苦抽却死還

生觀物知妾意希君種後庭閑時當采掇念此莫

相輕

魯縞如玉霜翦題月氏書寄書白鸚鵡西海

慰離居行數雖不多字字有委曲天末如見之開

紙淚相續千里若眼萬里若在心一作不

相思千萬里一書直百金

代贈遠寄

妾本洛陽人狂夫幽燕客渴飲易水波由來多感

激胡馬西北馳香駿搖綠絲鳴鞭從此去逐虜沙

邊陲昔去有好言不言久離別燕支多美女走馬

輕風雪見此不記人恩情雲雨絕啼流玉筍盡坐

恨金閨切織錦作短書腸隨迴文結相思欲有寄

恐君不見察焚之揚其灰手跡自此滅

閨情

流水去絕國浮雲辭故關水或戀前浦雲猶歸舊

山恨君流一作龍沙去棄妾漁陽間玉筍日夜流雙

詩紀 盛唐卷之六十一

雙落朱顏黃鳥坐相悲綠楊誰更攀織錦心草草

挑燈淚斑斑窺鏡不自識况乃狂夫還

代別情人

清水本不動桃花發岸傍桃花弄水色波蕩搖春

光我悅子容豔子傾我文章風吹綠琴去曲度紫

鴛鴦昔作一水魚今成兩枝鳥哀哀長鷄鳴夜夜

達五一作天曉起折相思樹歸贈知寸心覆水不可

收行雲難重尋天涯有度鳥莫絕瑤華音

代秋情

幾日相別離門前生穠葵寒蟬聒梧桐日夕長鳴  
悲白露濕螢火清霜凌兔絲空掩紫羅袂一作空  
闌掩羅  
長啼無盡時

學古思邊

銜悲上隴首腸斷不見君流水若有情幽哀從此  
分蒼茫愁邊色惆悵落日曛山外接遠天天際復  
有雲白鴈從中來飛鳴苦難聞足繫一書札寄言  
難離羣離羣心斷絕十見花成雪胡地無春暉征  
人行不歸相思杳如夢珠淚濕羅衣

詩紀

盛唐卷之六十

十三

代美人愁鏡

明明金鵲鏡了了玉臺前拂拭交冰月光輝何清  
圓紅顏老昨日白髮多去年鉛粉坐相誤照來空  
悽然

秋浦寄內

我今尋陽去辭家千里餘結荷見一作水宿却寄  
大雷書雖不同辛苦愴離各自居我自入秋浦三  
年北信疎紅顏愁落盡白髮不能除有客自梁苑  
手攜五色魚開魚得錦字歸問我何如江山雖道

阻意合不為殊

自代內贈

寶刀截流水無有斷絕時妾意逐君行纏綿亦如  
之別來門前草春盡秋轉碧掃盡更還生萋萋滿  
行跡鳴鳳始相得雄驚雌各飛游雲落何山一往  
不見歸估客發東海一作大樓知君在秋浦梁苑空錦  
衾陽臺夢行雨妾家三作相失勢去西秦猶存一作  
舊歌管淒清聞四鄰曲度入紫雲啼無眼中人  
女弟爭笑弄悲羞淚盈巾一本無以  
上二句妾似井底桃

詩紀

盛唐卷之六十

十三

開花向誰笑君如天上月不肯一迴照窺鏡不自  
識別多憔悴深安得秦吉了爲人道寸心

秋浦感主人歸燕寄內

霜朽今本  
作凋楚關木始知殺氣嚴寥寥金天廓婉婉  
綠紅潛胡燕別主人雙雙語前簷三飛四迴顧欲  
去復相瞻豈不戀華屋終然謝珠簾我不及此鳥  
遠行歲已淹寄書道中歎淚下不能緘

在尋陽非所寄內

聞難一作  
難知慟哭行啼入府中多君同蔡琰流淚

請曹公知登吳章嶺昔與死無分崎嶇行石道外  
折入青雲相見若悲歎哀聲那可聞

自溧水道哭王炎

白楊雙行行白馬悲路傍晨興見曉月更似發雲  
陽溧水通吳關逝川去未央故人萬化盡閉骨茅  
山岡天上墜玉棺泉中掩龍章名飛日月上義與  
風雲翔逸氣竟莫展英圖俄天傷楚國一老人來  
嗟龔勝亡有言不可道雪泣憶蘭芳

詩紀

盛唐卷之六十一

去

盛唐第六十

盛唐第六十一

唐詩紀一百二十一

郭郡吳中珩彙編

永嘉周才甫同校

李白 十三

七言古詩

侍從宜春苑奉詔賦龍池柳色初青聽新  
鶯百轉歌

東風已綠瀛洲草紫殿紅樓覺春好池南柳色半  
青青紫煙裊娜拂綺城垂絲百尺挂雕楹上有好

詩紀

盛唐卷之六十一

一

鳥相和鳴間關早得春風情春風卷入碧雲去千  
門萬戶皆春聲是時君王在鎬京五雲垂暉耀紫  
清仗出金宮隨日轉天迴玉輦繞花行始向蓬萊  
看舞鶴還過萑若一作石聽新鶯新鶯飛繞上林苑  
願入簫韶雜鳳笙

烏夜啼

黃雲城邊烏欲棲歸飛啞啞枝上啼機中織錦秦

川女一作閨中織婦秦家女

碧紗如煙隔窓語停梭悵然一作

憶遠人獨宿孤房淚如雨

末二句一本作停梭向人問故夫知在關



西淚如雨又作獨宿空堂  
憶遠人知在流沙淚如雨

### 烏棲曲

姑蘇臺上烏棲時吳王宮裏醉西施吳歌楚舞歡

未畢青山欲一作銜半邊日銀箭金壺一作金壺漏

水多起看秋月墜江波東方漸高柰樂一作何事

云賀知章見之曰此詩可以泣鬼神矣

### 采蓮曲

若耶谿傍采蓮女笑隔荷花共人語日照新妝水

底明風飄香袖一作空中舉岸上誰家遊冶郎三

詩紀  
盛唐卷之六十一

三五五映垂楊紫驕嘶入落花去見此踟躕空斷

腸

### 鳳笙曲

仙人十五愛吹笙學得崑丘彩鳳鳴始聞鍊氣餐

金液復道朝天赴玉京玉京迢迢幾千里鳳笙去

去無窮已欲歎離聲發絳唇更嗟別調流纖指此

時惜別詎堪聞此地相看未忍分重吟真曲和清

吹却奏仙歌響綠雲綠雲紫氣向函關訪道應尋

候氏山莫學吹笙王子晉一遇浮丘斷不還

### 擣衣篇

閨裏佳人年十餘頻蛾對影恨離居忽逢江上春

歸燕銜得雲中尺素書玉手開絨長歎息狂夫猶

戍交河北萬里交河水北流願爲雙鳥一作燕泛中

洲君邊雲擁青絲騎妾處苔生紅粉樓樓上春風

日將歇誰能覽鏡看愁髮曉吹貞管隨落花夜擣

戎衣向明月明月高高刻漏長真珠簾箔掩蘭堂

橫垂寶幄同心結半拂瓊筵蘇合香瓊筵寶幄連

枝錦燈燭熒熒照孤寢有使一作使憑將金剪刀爲

詩紀  
盛唐卷之六十一

君留下相思枕摘盡庭蘭不見君紅巾拭淚坐今

生氤氲明年若更征邊塞願作陽臺一段雲

### 少年行

君不見淮南少年游俠客白日毬獵夜擁擲呼盧

百萬終不惜報讐千里如咫尺少年游俠好經過

渾身裝束皆綺羅蘭蕙相隨喧妓女風光去處滿

笙歌驕矜自言不可有俠士堂中養來久好鞍好

馬乞與人十千五千旋沽酒赤心用盡爲知己黃

金不惜栽桃李桃李栽來幾度春一回花落一回

新府縣盡爲門下客王侯皆是平交人男兒百年  
且樂命何須狗書爲貧病男兒百年且榮身何須  
狗節甘風塵衣冠半是征戰士窮儒浪作林泉民  
遮莫枝根長百丈不如當代多還往遮莫姻親連  
帝城不如當身自簪纓看取富貴眼前者何用悠  
悠身後名意迫切似非太白之作

### 江上吟

木蘭之枻沙棠舟玉簫金管坐兩頭美酒當一作

中置千斛載妓隨波任去流今本作仙人有待乘黃

詩紀

盛唐卷之六十一

四

鶴海客無心隨一作白鷗屈平詞賦懸日月楚王

臺榭空山丘興酣落筆搖五嶽詩成嘯傲凌滄洲

功名富貴若長在漢水亦應西北流

### 荊州樂

一作

白帝城邊足風波瞿塘五月誰敢過荊州麥熟鰲  
成蛾繰絲憶君頭緒多撥穀飛鳴柰妾何

### 梁園吟

我浮一作黃河一作去京闕挂席欲進波連山天

長水闊厭遠涉訪古始及平臺間平臺爲客憂思

多對酒

醉來作

遂作梁園歌却憶蓬池阮公詠因吟

淶水揚洪波洪波浩蕩迷舊國路遠西歸安可得

人生達命豈暇宋本愁且飲美酒登高樓平頭奴

子搖大扇五月不熱如一作清秋玉盤楊一作梅

爲君設吳鹽如花皎白一作雪持鹽把酒但飲之

莫學夷齊事高潔一作何用孤高比雲月昔人豪

貴信陵君今人耕種信陵墳荒城遠一作照碧山

月古木盡入蒼梧雲梁王宮闕一作今安在枚馬

投一作先歸不相待舞影歌聲散綠池空餘汴水東

詩紀

盛唐卷之六十一

五

流海沈吟此事淚滿衣黃金買醉未能歸連呼一作

五白行六博分曹賭酒酣一作馳輝歌且謠意

方遠東山高卧時一作起來欲濟蒼生未應晚

### 懷仙歌

一鶴東飛過滄海放心散漫知何在仙人浩歌望

我來應攀玉樹長相待堯舜之事不足驚自餘囂

囂直可輕巨鰲莫戴一作三山去吾欲蓬萊頂上

行

### 山鷓鴣詞

苦竹嶺頭秋月輝苦竹南枝鷓鴣飛嫁得燕王胡  
鴈婿欲銜我向鴈門歸山雞翟雉來相勸南禽多  
被北禽欺紫塞嚴霜如劍戟蒼梧欲巢難背違我  
今誓死不能去哀鳴驚叫淚沾衣

幽歌行上新平長史兄粲

幽谷稍稍振庭柯涇水浩浩揚湍波哀鴻酸嘶暮  
聲急愁雲蒼慘寒氣多憶昨去家此爲客荷花初  
紅柳條碧中宵出飲三百杯明朝歸楫二千石寧  
知流寓變光輝胡霜蕭颯繞客衣寒灰寂寞憑誰

詩紀

盛唐卷之六十一

六

煖落葉飄揚何處歸吾兄行樂窮曛旭滿堂有美  
顏如玉趙女長歌入彩雲燕姬醉舞嬌紅燭狐裘  
獸炭酌流霞壯士悲吟寧見嗟前榮後枯相翻覆  
何惜餘光及棣華

述德兼陳情上哥舒大夫

天爲國家孕英才森森矛戟擁靈臺浩蕩深  
謀噴江海縱橫逸氣走風雷丈夫立身有如此一  
呼三軍皆披靡衛青謾作大將軍白起真成一豎  
子

上李邕

大鵬一日同風起搏一作扶搖直上九萬里假令風

歇時下來猶能簸却滄溟水世一作時人見我恒作

殊調聞一作見余大言皆冷笑宣父猶能畏後生

丈夫未可輕年少

駕去溫泉宮後贈楊山人本李邕

少年落魄楚漢間風塵蕭瑟多苦顏自言管葛竟  
誰許長吁莫錯還閉關一朝君王垂拂拭剖心輸  
丹雪胷臆忽蒙白日回景光直上青雲生羽翼幸

詩紀

盛唐卷之六十一

七

陪鸞輦出鴻都身騎飛龍天馬駒王公大人借顏  
色金璋紫綬來相趨當時結交何紛紛片言道合  
惟有君待吾盡節報明主然後相攜一作攜卧白  
雲

醉後贈從甥高鎮

馬上相逢揖馬鞭客中相見客中憐欲邀擊筑悲  
歌飲正值傾家無酒錢江東風光不借人枉殺落  
花空自春黃金逐手快意盡昨日破產今朝貧丈  
夫何事空嘯傲不如燒却頭上巾君爲進士不得

進我被秋霜生旅鬢時清不及英豪人三尺童兒  
重廉蔭匣中盤劍裝鰐魚閑在腰間未用渠且將  
換酒與君醉醉歸託宿吳鉅諸

走筆贈獨孤駙馬

都尉朝天躍馬歸香風吹人花亂飛銀鞍紫鞵照  
雲日左顧右眄生光輝是時僕在金門裏待詔公  
車謁天子長揖蒙垂國士恩壯心剖出酬知己一  
別蹉跎朝市間青雲之交不可攀儻其公子重回  
顧何必侯嬴長抱關

詩紀

盛唐卷之六十一

八一

流夜郎贈辛判官

昔在長安醉花柳五侯七貴同杯酒氣岸遙凌豪  
士前風流肯落他一作人後夫子紅顏我少年章  
臺走馬着金鞭文章獻納麒麟殿歌舞淹留玳瑁  
筵與君自謂長如此寧知草動風塵起函谷忽驚  
胡馬來秦宮桃李向胡明一作開我愁遠謫夜郎去  
何日金雞放赦回

江上贈竇長史

漢求季布魯朱家楚逐伍胥去章華萬里南遷夜

郎國三年歸及長風沙聞道青雲貴公子錦帆遊  
奕今本作戲西江水人疑天上坐樓船水淨霞明兩重  
綺相約相期何太深棹歌搖艇月中尋不同珠履  
三千客別欲論交一片心

贈漢陽輔錄事

鸚鵡洲橫漢陽渡水引寒煙沒江樹南浦登樓不  
見君君今罷官在何處漢口雙魚白錦鱗令傳尺  
素報情人其中字數無一作多少祇是相思秋復  
春

詩紀

盛唐卷之六十一

九

贈潘侍御論錢少陽

繡衣柱史何昂藏鐵冠白筆橫秋霜三軍論事多  
引納堦前虎士羅千將雖無二十五老者且有一  
翁錢少陽眉如松雪齊四皓調笑可以安儲皇君  
能禮此最下士九州拭目瞻清光

對雪醉後贈王歷陽

有身莫犯飛龍鱗有手莫辦猛虎鬚君看昔日汝  
南市白頭仙人隱玉壺子猷聞風動牕竹相邀共  
醉杯中綠歷陽何異山陰時白雪飛花亂人目君



家有酒我何愁客多樂酣秉燭遊謝尚自能鸛鶴  
舞相如免脫鸛鸛裘與罷今本作鼓棹過江去他

日西看却月樓今本作千三

### 春日獨坐寄鄭明府

燕麥青青遊子悲河堤弱柳金枝長條一拂春  
風去盡日飄揚無定時我在河南別離久那堪坐  
此對空牖情人道來竟不來何人共醉新豐酒

### 早春寄王漢陽

聞道春還未相識走傍寒梅訪消息昨夜東風入

詩紀 盛唐卷之六十一 十一

武陽一作陌頭楊柳黃金色碧水浩浩雲茫茫美

人不來空斷腸預拂青山一片石與君連日醉壺  
觴

### 涇谿東亭寄鄭少府諤

我遊東亭不見君沙上行將白鷺羣白鷺行時散  
飛去又如雪點青山雲欲往涇谿不辭遠龍門蹙  
波虎眼轉杜鵑花開春已闌歸向陵陽釣魚晚

### 西嶽雲臺歌送丹丘子

西嶽崢嶸何壯哉黃河如綵天際來黃河萬里觸

山動盤渦轂一作轉秦地雷榮光休氣紛五彩千  
年一清聖人在巨靈咆哮壁兩山洪波噴流

射東海三峯却立如欲摧翠崖丹谷高掌開白帝  
金精運元氣石作蓮花雲作臺雲臺閣道連窈冥

中有不死丹丘生明星玉女傳酒掃麻姑  
搔背指爪輕我皇手把天地戶丹丘談天與天語

九重出入生光輝東求蓬萊復西歸玉京僊惠故  
人飲騎二茅龍上天飛

### 金陵歌送別范宣

詩紀 盛唐卷之六十一 十一

石頭巉巖如虎踞淩波欲過滄江去鍾山龍盤走

勢來秀色橫分歷陽樹四十餘帝三百秋功名事  
跡隨東流白馬小兒一作誰家子泰清之歲來關

囚一作吹簫虎金陵昔時何壯哉席卷英豪天下

來冠蓋散爲煙霧盡金輿玉座成寒灰扣劍悲吟  
空咄嗟梁陳白骨亂如麻天子龍沈景陽井誰歌  
玉樹後庭花此地傷心不能道目下離離長春草

送爾長江萬里心他年來訪南山老

### 峨眉山月歌送蜀僧晏入中京



我在巴東三峽一作月時西看明月憶峨眉月出峨

眉照滄海與人萬里長相隨黃鶴樓前月華白此

中忽見峨眉客峨眉月還送君風吹西到長安

陌長安大道橫九天峨眉月照秦川黃金獅子

承一作乘高座白玉麈尾談重玄我似浮雲滯吳越

君逢聖主遊丹闕一振高名滿帝都歸來一作時還

弄峨眉月

### 赤壁歌送別

二龍爭戰決雌雄赤壁樓船掃地空烈火張天照

詩紀

盛唐卷之六十一

十一

雲海周瑜於此破曹公君去滄江望一作弄澄碧鯨

鯢唐突留餘跡一一書來報故人我欲因一作觀之

壯心魄

### 白雲歌送友人

楚山秦山多白雲白雲處處長隨君君今還入楚

山裏雲亦隨君渡湘水水上女蘿衣白雲早卧早

行君早起又白雲歌送劉十六歸山云楚山秦山

雲亦隨君渡湘水湘水上女蘿衣白雲

### 送羽林陶將軍

雲亦隨君渡湘水湘水上女蘿衣白雲

將軍出使擁樓船江上旌旗拂紫煙萬里橫戈探  
虎穴三杯拔劍舞龍泉莫道詞人無膽氣臨行將

### 贈繞朝鞭

送程劉二侍御兼獨孤判官赴安西幕府

安西幕府多材雄喧喧唯道三數公繡衣貂裘明

積雪飛書走檄如飄風朝辭明主出紫宮銀鞍送

別金城空天外飛霜下葱海火旗雲馬生光彩胡

塞塵清計日歸漢家草綠遙相待

### 同王昌齡送族弟襄歸桂陽

詩紀

盛唐卷之六十一

十三

爾家何在瀟湘川青莎白石長江邊昨夢江花照

江月一作國幾枝正發東牕前覺來欲往心悠然覓

隨越鳥飛南天秦雲連山海相接桂水橫煙不可

涉送君此去令人愁風帆茫茫隔河洲春潭瓊草

綠可折西寄長安明月樓

### 送族弟綰一作瑄從軍安西

漢家兵馬乘北風鼓行而一作向西破犬戎爾隨漢

將出門去剪虜若草收奇功君王按劍望邊色一作

旄頭已落胡天空匈奴繫頸數應盡明年應一作

入蒲萄宮

送蕭三十一之魯中兼問稚子伯禽

六月南風吹白沙吳牛喘月氣成霞水國鬱鬱一作

蒸不可處時炎道遠無行車夫子如何涉江路雲

帆嫋嫋金陵去高堂倚門望伯魚魯中正是趨庭

處我家寄在沙丘傍三年不歸空斷腸君行既識

伯禽子應駕小車騎白羊

與諸公送陳郎將歸衡陽

并序

仲尼旅人文王明夷苟非其時聖賢低眉况僕

詩紀

盛唐卷之六十一

十四

之不肖者而遷逐枯槁固非其宜朝心不開暮

髮盡白而登高送遠使人增愁陳郎將義風凜

然英思逸發來下曹城之榻去邀才子之詩動

清興於中流泛素波而徑去諸公仰望不及連

章祖之序慙起予一作以輒冠名賢之首作者

嗤我乃爲撫掌之資乎

衡山蒼蒼入紫冥下看南極老人星迴飈吹散五

峯雪往往飛花落洞庭氣清目秀有如此郎將一

家拖金紫門前食客亂浮雲世人皆比孟嘗君江

上送行無白壁臨岐惆悵若爲分

金陵酒肆留別

白門一作柳花滿店香吳姬壓酒喚一作客嘗金

陵子弟來相送欲行不行各盡觴請君問取一作

東流水別意與之誰短長

南陵別兒童入京

白酒新熟山中歸黃雞啄黍秋正肥呼童烹

雞酌白酒兒女嬉笑牽人衣高歌取醉欲自慰起

舞落日爭光輝游說萬乘苦不早着鞭跨馬涉遠

詩紀

盛唐卷之六十一

十五

道會稽愚婦輕買臣余亦辭家西入秦仰天大笑

出門去我輩豈是蓬蒿人

別山僧

何處名僧到水西乘舟一作弄月宿涇谿平明別

我上山去手攜金策踏雲梯騰身轉覺三天近舉

足迴看萬嶺低謔浪肯居支遁下風流還與遠公

齊此度別離何日見相思一夜暝猿啼

訓宇文少府見贈桃竹書筒

桃竹書筒綺繡文良工巧妙稱絕羣靈心圓映三

江月彩旂疊成五色雲中藏寶訣峨眉去千里提攜長憶君

醉後荅丁十八以詩譏余搥碎黃鶴樓

黃鶴高樓已搥碎黃鶴仙人無所依黃鶴上天訴  
玉上一作帝却放黃鶴江南歸神明太守再雕飾新  
圖粉壁還芳菲一州笑我爲狂客少年往往來相  
譏君平簾下誰家子云是遼東丁令威作詩調  
我驚逸興白雲遶筆牕前飛待取明朝酒醒罷  
與君爛熳尋春暉此詩楊用修云爲宋初人作而宋史誤收之

詩紀

盛唐卷之六十一

十六

把酒問月

故入曹子建詩

青天有月來幾時我本停杯一問之人攀明月不  
可得月行却與人相隨皎如飛鏡臨丹闕綠煙滅  
盡一作後清輝發但見宵從海上來寧知曉向雲間  
沒白兔擣藥秋復春嫦娥孤棲與誰鄰今人不見  
古時月今月曾經照古人古人今人若流水共看  
明月皆如此唯一作所願當歌對酒時一作清酒月光長  
照金樽裏

勞勞亭歌

金陵勞勞送客堂簾幕離離生道傍古情不盡東  
流水此地悲風愁白楊我乘素舸同康樂朗詠清  
川飛夜霜昔聞牛渚吟五章今來何謝袁家郎苦  
竹寒聲動秋月獨宿空簾歸夢長

金陵城西樓月下吟

三

金陵夜寂一作靜涼風發獨上高樓望吳越白  
雲映水搖空城一作秋白露垂珠滴一作一秋  
月月下沈一作長吟久不歸古來相接眼中稀  
解道澄江淨如練令人長憶謝玄暉

詩紀

盛唐卷之六十一

十七

夜泊黃山聞殷十四吳吟

昨夜誰爲吳會吟風生萬壑振空林龍驚不敢水  
中卧猿嘯時聞巖下音我宿黃山碧谿月聽之却  
罷松間琴朝來果是滄洲逸酤酒醺盤飯霜栗半  
酣更發江海聲客愁頓向杯中失

當塗趙炎少府粉圖山水歌

峨眉高出西極天羅浮直與南溟連名公繹思揮  
彩筆驅山走海置眼前滿堂空翠如可掃赤城霞  
氣蒼梧煙洞庭瀟湘意渺縣三江七澤情迴俗驚

濤洶湧向何處孤舟一去迷歸年征帆不動亦不  
旋飄如隨風落天邊心搖目斷興難盡幾時可到  
三山巔西峯崢嶸噴流泉橫石蹙水波潏潏東崖  
合沓蔽輕霧深林雜樹空翠綵此中冥昧失晝夜  
隱几寂聽無鳴蟬長松之下列羽客對坐不語南  
昌僊南昌仙人趙夫子妙年歷落青雲士訟庭無  
事羅衆賓杳然如在丹青裏五色粉圖安足  
珍真僊一作本可以全吾身若待功成拂衣去武陵  
桃花笑殺人

詩紀

盛唐卷之六十一

十八

觀元丹丘座巫山屏風

昔遊三峽見巫山見畫巫山宛相似疑是天邊十  
二峯飛入君家彩屏裏寒松蕭颯如有聲陽臺微  
茫如有情錦衾瑤席何寂寂楚王神女徒盈盈高  
咫尺如千里翠屏丹崖粲如綺蒼蒼遠樹圍荆  
門歷歷行舟泛巴水水石潺湲萬壑分煙光草色  
俱氤氲谿花笑日何年發江客聽猿幾歲聞使人  
對此心緬邈疑入嵩丘夢彩雲

思邊

一作  
春怨

去年何時君別妾南園綠草飛蝴蝶今歲何時妾  
憶君西山白雪暗秦雲玉關去此三千里欲寄音  
書那得聞

怨情

新人如花雖可寵故人似玉由來重花性飄揚不  
自持玉心皎潔終不移故人昔新今尚故還見新  
人有故時請看陳后黃金屋寂寂珠簾生網絲

示金陵子

一作金  
陵子詞

金陵城東誰家

金陵

子竊聽琴聲碧

一作  
夜

窓裏落

詩紀

盛唐卷之六十一

十九

花一片天上來隨人直渡西江水楚歌吳語嬌不  
成似能未能最有情謝公正要東山妓攜手林泉  
處處行

盛唐第六十一



盛唐第六十二

唐詩紀一百二十二

鄣郡吳中珩彙編

永嘉周才甫同校

李白 十四

長短句

遠別離

遠別離古有皇英之二女乃在洞庭之南瀟湘之浦海水直下萬里深誰人不言此離苦日慘慘兮雲冥冥惺惺啼煙兮鬼嘯雨我縱言之將何補皇

詩紀

盛唐卷之六十二

一

穹竊恐不照余之忠誠雷

今本馮馮今欲吼怒堯

舜當之亦禪禹君失臣今龍為魚權歸臣今鼠變

虎或言堯幽囚舜野死九疑聯縣皆相似重瞳孤墳竟誰

一作是

帝子泣今綠雲間隨風波兮去無還慟哭兮遠望見蒼梧之深山蒼梧山崩湘水絕

竹上之淚乃可滅

公無渡河

黃河西來決崑崙咆哮

一作萬里觸龍門波滔天

萬里觸龍門波滔天

堯咨嗟大禹理百川兒啼不窺家殺湍湮洪水九

州始桑麻其害乃去茫然風沙被髮之叟狂而癡

清晨徑今本流欲奚為旁人不惜妻止之公無渡

河苦渡之虎可搏河難馮公果溺死流海湄海湄

今本無海湄重字

有長鯨白齒若雪山公乎公乎掛骨

於其間墜篋所悲竟不還

蜀道難

嚴武傳云武為劍南節度使房琯以故相為部內刺史武慢倨不為禮最厚杜甫然欲殺甫數矣李白為蜀道難者乃為房杜危之也○韋臯傳云天寶時李白為蜀道難斥嚴武道難譏章仇兼瓊○蕭士贊注曰太白深知

詩紀

盛唐卷之六十二

一

玄宗幸蜀之非故作是詩以達意○余按太平廣記云太白白初自蜀至京師賀知章聞其名訪之既奇其姿又請所為文白出蜀道難示之讀未竟稱歎數四號為謫仙人觀此蜀道難作于玄宗幸蜀之前亦非嚴武節度劍南之日撫言亦辨云太白白自蜀至京以新業贊賀知章覽蜀道難一篇揚眉謂之曰公非人世人豈非太白白星精邪則蜀道難之作久矣非為房杜也然史稱陸暢作蜀道難以美韋臯攷之當時去白未遠而業有斥武之說似又作于天寶之後豈知章稱歎者非此詩或廣記誤傳而撫言誤辨也觀其詩意則又近士贊之說矣

噫吁嚱危乎高哉蜀道之難難於上青天蠶叢及魚鳧開國何茫然爾來四萬八千歲不

與秦

乃

與秦

與秦

與秦

與秦



塞通人煙西當太白有鳥道可以橫絕峨眉巔地

崩山摧壯士死然後天梯石棧相方一作方鈎連上有

六龍回日之高標一作上有橫河下有衝波逆折

之迴川黃鶴之飛尚不得今本此下有過字猿猱

欲度愁攀緣一作牽青泥何盤盤百步九折縈巖巒

捫參歷井仰脅息以手撫膺一作心坐長歎問君西

遊何時一作當還畏途巉巖不可攀但見悲鳥號古

木雄飛雌從今本作從雌繞林間又聞子規啼夜

月一作月落愁空山蜀道之難難於上青天使人聽此

詩紀盛唐卷之六十二三

凋朱顏連峯去天不盈尺一作連峯入枯松倒挂

倚絕壁飛湍瀑流爭喧豨一作切崖轉石萬壑雷

其險也若此嗟爾遠道之人胡為乎來哉劔閣崢

嶸而崔巍一夫當關萬人一作大莫開所守或匪親

人一作化化為狼與豺朝避猛虎夕避長蛇磨牙吮一作祖

血殺人如麻錦城雖云樂不如早還家蜀道之

難難於上青天側身西望長咨一作令人嗟

梁父吟

長嘯梁父吟何時見陽春君不見朝歌屠叟辭棘

津八十西來釣渭濱寧羞白髮照綠今本水逢時

吐宋本氣思經綸廣張三千六百鈞風期宋本暗

與文王親大賢虎變愚不測當年頗似尋常人又

君一作不見高陽酒徒起草中長揖山東隆準公一

開游說宋本今本一作入門騁雄辯兩女輟洗來

趨風東下齊城七十二指揮楚漢如旋蓬狂客

落魄尚如此何況壯士當羣雄我欲攀龍見明

主雷公砰訇一作轟震天鼓帝傍投壺多玉女三時

大笑生一作開電光倏爍晦冥起風雨閭闔九門不

詩紀盛唐卷之六十二四

可通以額扣關闢者怒白日不照吾精誠杞國無

事憂天傾狹狹一作愈磨牙競人肉騶虞不折生草

莖手接飛猱搏彫虎側足焦原未言苦智者可卷

愚者豪世人見我輕鴻毛力排南山三壯士齊相

殺之費一作用二桃吳楚弄兵無劇孟亞夫哈一作呼

爾為徒勞梁父吟梁父吟今本無聲正悲張公兩

龍劔神物合有時風雲感會起屠鈞大人峴岵一作

當安之

戰城南

去年戰桑乾源今年戰葱河道洗兵條支海上波  
放馬天山雪中草萬里長一作遠征戰三軍盡衰老  
匈奴以殺戮爲耕作古來唯見白骨黃沙田秦家  
築城備胡處漢家還有烽火然烽火然不息長征  
無已時野戰格鬪死敗馬嘶一作號鳴向天悲烏鴛  
啄人腸銜飛上挂枯樹一作桑枝士卒塗草莽將軍  
空爾爲乃知兵者是凶器聖人不得已而用之

將進酒

君不見黃河之水天上來奔流倒海不復回君不

詩紀

盛唐卷之六十二

五

見高堂明鏡悲白髮朝如青絲一作暮成如雪

人生得意須盡歡莫使金樽空對月天生我材必

有用一作天生我身必有材千金散盡還復

來烹羊宰牛且爲樂會須一飲三百杯岑夫子丹

丘生將今本無進酒君莫停與君歌一曲請君爲

我傾側一作耳聽鐘鼎玉帛豈足貴一作鐘鼓但

願長醉不用一作醒古來賢聖皆寂寞一作死盡惟有

飲者留其名陳王昔時一作日宴平樂斗酒十千恣

譔譔主人何爲言少錢徑一作須沽取對一作君

酌五花馬千金裘呼兒將出換美酒與爾同銷萬  
古愁

行行且遊獵篇

邊城兒生年不讀一字書但將遊獵誇輕趨胡馬  
秋肥宜白草騎來躡影何矜一作可憐驕金鞭拂雪揮  
鳴鞘半酣呼鷹出遠郊弓彎一作滿月不虛發雙  
鶴迸落連飛鶻一作海邊觀者皆辟易猛氣英風振  
沙磧儒生不及遊俠人白首垂一作下帷復何益

飛龍引二首

詩紀

盛唐卷之六十二

六

黃帝鑄鼎於荆山鍊丹砂丹砂成黃金騎龍飛上

太清家宋本作飛雲愁海思令人嗟宮中綵女顏

如花飄然揮手凌紫霞從風縱體登鸞車登鸞車

侍軒轅遨遊青天中其樂不可言

鼎湖流水清且閑軒轅去時有弓劍古人傳道留

其間後宮嬋娟多花一作朱顏乘鸞飛煙亦不還騎

龍攀天造天關造天關聞天語屯今本雲河車載

玉女載玉女過紫皇紫皇乃賜白兔所搗之藥方

後天而老凋三光下視瑤池見王母蛾眉蕭颯成

一作秋霜

天馬歌

天馬來出月氏窟背爲虎文龍翼骨嘶青雲振綠  
髮蘭筋權奇走滅沒騰崑崙歷西極四足無一蹶  
雞鳴刷燕晡秣越神行電邁躡恍惚天馬呼飛黃  
一作趨目明長庚臆雙鳧尾如流星首渴鳥口噴  
紅光汗溝珠曾陪時龍躍天衢羈金絡月照皇都  
逸氣稜稜凌九區白壁如山誰敢沾回頭笑紫燕  
但覺爾輩愚天馬奔戀君軒駟音躍驚矯浮雲翻

詩紀

盛唐卷之六十二

七

萬里足躑躅遙瞻閭闔門不逢寒風子誰米逸景  
孫白雲在青天丘陵遠崔嵬鹽車上峻坂倒行逆  
施畏日晚伯樂剪拂中道遺少盡其力老棄之願  
逢田子方惻然爲我悲一作思雖有玉山禾不能療  
苦一作我饑嚴霜五月凋桂枝伏櫪銜冤摧兩眉請  
君贖獻穆天子猶堪弄影舞瑤池

行路難三首

金樽清酒斗十千玉盤珍羞直萬錢停杯投筯不  
能食拔劍四顧心茫然欲渡黃河水塞川將登太

行雪暗天一作開來垂釣坐谿上忽復弄舟夢日

邊行路難行路難多岐路今安在長風破浪會有

時直挂雲帆濟滄海

大道如青天我獨不得出羞逐長安社中兒赤雞

白雉一作賭梨栗彈劍作歌奏苦聲曳裾王門不

稱情淮陰市井笑韓信漢朝公卿一作忌賈生君

不見昔時燕家重郭隗擁篲折節一作無嫌猜劇

辛樂毅感恩分輸肝剖膽効俊一作才昭王白骨

繁蔓草誰人更掃黃金臺行路難歸去來

詩紀

盛唐卷之六十二

八

有耳莫洗潁川水有口莫食首陽蕨含光混世貴

無名何用孤高比明一作月吾觀自古賢達人功

成不退皆殞身子胥既棄吳江上屈原終投湘水

濱陸機雄一作才多豈自保李斯稅駕苦不早

華亭唳鶴詎可聞上蔡蒼鷹何足道君不見吳中

張翰稱一作達生秋風忽憶江東行且樂生前一

杯酒何須身後千載名此首一作古題

長相思三首

長相思在長安絡緯秋啼金井闌微一作霜凄凄

簾色寒孤燈不明一作眠思欲絕卷帷望月空長

歎美人如花隔雲端一作隔雲端上有青冥之高

天下有淶水之波瀾天長路遠竟飛苦夢行不到

關山難長相思摧心肝

日色已一作欲盡花含煙月明欲素愁不眠趙瑟初

停鳳凰柱蜀琴欲奏鴛鴦絃此曲有意無人傳願

隨春風寄燕然憶君迢迢隔青天昔時一作日橫波

目今一作又爲流淚泉不信妾腸斷歸來看取明

鏡前

詩紀 盛唐卷之六十二 九

美人在時花滿堂美人去後餘空牀牀中繡被卷

不寢一作更至今三載聞餘一作酒香香亦竟不滅

人亦竟不來相思黃葉落一作盡白露濕青苔

### 上畱田行

行至上畱田孤墳何崢嶸積此萬古恨春草不復

生悲風四邊來腸斷白楊聲借問誰家地埋沒蒿

里塋古老向余言言是上畱田蓬科馬鬣今已平

昔之弟死兄不葬他人於此舉銘旌一鳥死百鳥

鳴一獸走百獸驚相一作常山之禽別離苦欲去廻

翔不能征田氏倉卒骨肉分青天白日摧紫荆交

柯之木本同形東枝顛顛西枝榮無心之物尚如

此參商胡乃尋天兵孤竹延陵讓國揚名高風絕

邈頽波激清尺布之誼塞耳不能聽

### 春日行

深宮高樓入紫清金作蛟龍盤繡一作繡楹佳人當

牕弄白日絃將手語彈鳴箏春風吹落君王耳此

曲乃是昇天行因出天池汎蓬瀛樓船蹙沓波浪

驚三千雙蛾獻歌笑搗鐘考鼓宮殿傾萬姓聚舞

詩紀 盛唐卷之六十二 十

歌太平我無爲人自寧三十六帝欲相迎仙人飄

翩下雲軒帝不去畱鎬京安能爲軒轅獨往入宵

冥小臣拜獻南山壽陛下萬古垂鴻名

### 前有一樽酒行二首

春風東來忽相過金樽綠酒生微波落花紛紛稍

覺多美人欲醉朱顏酡青軒桃李能幾何流光欺

人忽蹉跎君起舞日西一作將夕當年意氣不肯平

傾一作白髮如絲竟何益一作白首重絲歎何益

琴奏龍門之綠桐玉壺美酒清若空催絃拂柱與



君飲眼白看杯顏色紅一作看朱顏如紅胡姬貌如花

當爐笑春風笑春風舞羅衣君今不醉欲一作將安

歸

夜坐吟

冬夜夜寒覺夜長沈吟久坐坐北堂氷合井泉月  
入閨金缸青疑照悲啼金缸滅啼轉多掩妾淚聽  
君歌歌有聲妾有情情聲合兩無違一語不入意  
從君萬曲梁塵飛

野田黃雀行

詩紀

盛唐卷之六十二

十一

遊莫逐炎洲翠棲莫近吳宮燕吳宮火起焚爾一作

巢窠炎洲逐翠遭網羅蕭條兩翅蓬蒿下縱有鷹

鷂奈若一作何

箜篌謠

攀天莫登龍走山莫騎虎貴賤結交心不移唯有  
嚴陵及光武周公稱大聖管蔡寧相容漢謠一斗  
粟不與淮南春兄弟尚路人一作行路吾心安所從他  
人方寸間山海幾千重輕言託朋友對面九疑峯  
多一作開花必早落桃李不如松管鮑久已死何人

繼其蹤

雉朝飛操

麥隴青青三月時白雉朝飛挾兩雌錦衣綺翼何  
離離山宜犢牧采薪感之悲春天和白日煖啄食  
飲泉勇氣滿爭雄鬪死繡頸斷雉子斑奏急管絃  
傾心酒美盡玉碗枯楊枯楊爾生莫我獨七十而  
孤棲彈絃寫恨意不盡瞑目歸黃泥

上雲樂

金天之西白日所沒康老胡雛生彼月窟巉巖容

詩紀

盛唐卷之六十二

十二

劉三九十四

儀戍削風骨碧玉炁炁一作雙目瞳黃金拳拳

兩鬢一作紅華蓋垂下睫嵩嶽臨上唇不覩詭譎

貌豈知造化神大道是文康之嚴父元氣乃文康

之老親撫頂弄盤古推車轉天輪云見日月初生

時鑄冶火精與水銀陽鳥未出谷顧兔半藏身女

媧戲黃土團作愚下人散在六合間濛濛若沙塵

生死了不盡誰明此胡是仙真西海栽若木東溟

植扶桑別來幾多時枝葉萬里長中國有七聖半

路頽洪荒陛下應運起龍飛入咸陽赤眉立盆子



白水與漢光叱咤四海動洪濤爲簸揚舉足蹋紫  
微天關自開張老胡感至德東來進仙倡五色師  
子九苞鳳凰是老胡雞犬鳴舞飛帝鄉淋漓颯沓  
進退成行能胡歌獻漢酒跪雙膝並一作兩肘散  
花指天舉素手拜龍顏獻聖壽北斗戾南山摧天  
千九百八十一萬歲長傾萬歲一作杯

夷則格上白鳩拂舞辭

鸞鳴鏡考朗鼓歌白鳩引拂舞白鳩之白誰與鄰  
霜衣雪襟誠可珍舍哺七子能平均食不噎性安

詩紀

盛唐卷之六十二

十三

一作馴首農政鳴陽春天子刻玉杖鏤形賜耆人  
白鷺亦白非純真外潔其色心匪仁闕五德無司  
晨胡爲啄我葭下之紫鱗鷹鸛鸛鸛貪而好殺鳳  
凰雖大聖不願以爲臣

日出入行

日出東方隈似從地底來歷天又復入西海今本此句

作歷天又入海六龍所舍安在哉其始與終古不息一作其行

終古不休息人非元氣安得能一作與之久徘徊草不謝

榮於春風木不怨落於秋天誰揮鞭策驅四運萬

物興歇皆自然羲和羲和汝奚汨沒於荒淫之波  
魯陽何德駐景揮戈逆道違天矯誣實多吾將囊  
括大塊浩然與溟津音同科

胡無人

嚴風吹霜海草凋筋鋒精堅胡馬驕漢家戰士三  
十萬將軍兼領一作誰者霍嫖姚流星白羽腰間插劍

花秋蓮光出匣天兵照雪下玉關虜箭如沙射金

甲雲龍風虎盡一作畫交迴太白入月敵可摧敵可

摧旄頭滅履胡之腸涉胡血懸胡青天上埋胡紫

詩紀

盛唐卷之六十二

十四

塞旁胡無人漢道昌陛下之壽三千霜但歌大風  
雲飛揚安用猛士兮守四方今本無以上三句云是後人僞增耳

北風行

燭龍棲寒門光曜猶旦開日月照之何不及此一作

日月之明不及此唯有北風號怒天上來燕山雪花大如

席片片吹落軒轅臺幽州思婦十二月停歌罷笑

雙蛾摧倚門望行人念君長城苦寒良可哀別時

提劍救邊去遺此虎交金鞞鞞中有一雙白羽箭

蜘蛛結網生塵埃箭空在人今戰死不復迴不忍

見此物焚之已成灰黃河捧土尚可塞北風雨雪  
恨難裁

詩紀

盛唐卷之六十二

十五

盛唐第六十二

盛唐第六十三

唐詩紀一百二十三

鄆郡吳中珩彙編

永嘉周才甫同校

李白十五

長短句二

獨漉篇

獨漉水中泥水濁不見月不見月尚可水深行人  
沒越鳥從南來胡鴈亦北度我欲彎弓向天射惜  
其中道失歸路落葉別樹飄零隨風客無所託悲

詩紀

盛唐卷之六十三

一

與此同羅幃舒卷似有人開明月直入無心可猜

雄劍挂壁時時龍鳴不斷犀象繡宋本涇苔生國

恥未雪何由成名神鷹夢澤不顧鴟鵂爲君一擊

搏鵬今本作九天

登高丘而望遠海

登高丘望遠海六鰲骨已霜三山流安在扶桑半  
摧折白日沈光彩銀臺金闕如夢中秦皇漢武空  
相待精衛費木石鼉鼉無所憑君不見驪山茂陵  
盡灰滅牧羊之子來攀登盜賊劫寶玉精靈竟何

能窮兵黷武今如此鼎湖飛龍安可乘

陽春歌

長安白日照春空綠楊結煙桑今本裏風披香殿

前花始紅流芳發色繡戶中繡戶中相經過飛燕

皇后輕身舞紫官夫人絕世一作歌聖君三萬六

千日歲歲年年奈樂何

楊叛兒

君歌楊叛兒妾勸新豐酒何許最關人烏啼白門

柳烏啼隱楊花君醉留妾家博山鑪中沈香火雙

詩紀

盛唐卷之六十三

二

煙一氣凌紫霞

雙燕離

雙燕復雙燕雙飛令人羨玉樓珠閣不獨棲金牕

繡戶長相見柏梁失火去因入吳王宮吳宮又焚

蕩離盡巢亦空憔悴一身在孀雌憶故雄雙飛難

再得傷我寸心中

山人勸酒

蒼蒼雲松落落綺皓春風爾來爲阿誰蝴蝶忽然

滿芳草秀眉霜雪顏桃花

宋本作桃花貌

骨青髓綠宋本作青

隨緣長美好稱是秦時避世人勸酒相歡不知老

各守麋宋本鹿志恥隨龍虎爭歛起佐太子漢皇

乃復驚顧謂戚夫人彼翁羽翼成歸來商山下泛

若雲無情舉觴酌巢由洗耳何獨一作清浩歌望

嵩嶽意氣遙一作相傾

于闐采花

于闐采花人自言花相似明妃一朝西入胡胡中

美女多羞死乃知漢地多名姝胡中無花可方比

丹青能令醜者妍無鹽翻在深宮裡自古妬蛾眉

詩紀

盛唐卷之六十三

三

胡沙埋皓齒

鞠歌行

玉不自言如桃李魚目笑之卞和恥楚國青蠅何

太多連城白璧遭讒毀荆山長號泣血人忠臣死

爲刖足鬼聽曲知寧戚夷吾因小妻秦穆五羊皮

買死百里奚洗拂青雲上當時賤如泥朝歌鼓刀

叟虎變磻谿中一舉釣六合遂荒營丘東平生渭

水曲誰識一作此老翁奈何今之人雙日送飛一作

征鴻

幽澗泉

拂彼白石彈吾素琴幽澗愀兮流泉深善手明微  
高張清心寂歷似千古松颺颺兮萬尋中見愁猿  
弔影而危處兮叫秋木而長吟客有哀時失志一作  
而聽者淚淋浪以霜襟乃緝商綴羽潺湲成音  
吾但寫聲發憤今本於妙指殊不知此曲之古今  
幽澗泉鳴深林

王昭君

漢家秦地月流影送一作明妃一上玉關道天涯

詩紀

盛唐卷之六十三

四

去不歸漢月還從東海一作出明妃西嫁無來日

燕支長寒雪作花蛾眉憔悴沒胡沙生乏黃金在

圖畫死留青塚使人嗟

中山孺子妾歌

中山孺子妾特以色見珍雖然宋本無不如延年

妹亦是當時絕世人桃李出深井花豔驚上春一

貴復一賤關天豈由身芙蓉老秋霜團扇羞網塵

戚姬髡剪今本入春市萬古其悲辛

設辟邪佞鼓吹雉子斑曲辭

辟邪伎作鼓吹驚雉子斑之奏曲成喔咿振迅欲  
飛鳴扇錦翼雄風生雙雌同飲啄妖悍誰能  
爭乍向草中耿介死不求黃金籠下生天地至廣  
大何惜遂物情善卷讓天子務光亦逃名所貴曠  
士懷朗然合太清

古有所思行

我思仙一作人乃在碧海之東隅海寒多天風白

波連山一作倒蓬壺長鯨噴湧不可涉撫心茫茫

淚如珠西來青鳥東飛去願寄一書謝麻姑

詩紀

盛唐卷之六十三

五

久別離

別來幾春未還家玉牕五見櫻桃花况有錦字書

開緘使人嗟今本此上此腸斷彼心絕雲鬟霧一作

鬢罷攬今本結愁如迴颺亂白雪去年寄書報

陽臺今年寄書重相催東風兮東風今本

爲我吹行雲使西來待來竟不來落花寂寂

委青苔

白頭吟

錦水東北流波蕩雙鸞鴛鴦雄巢漢宮樹雌弄秦草

芳寧同萬死碎綺翼不分今本雲間兩分張此時

阿嬌正嬌妬獨坐長門愁日暮但願君恩顧妾深

豈惜黃金買詞賦相如作賦得黃金丈夫好新多

異心一朝將聘茂陵女文君因贈一作白頭吟東

流不作西歸水落花辭條羞故林免絲本一作無

情隨風任傾倒誰使女蘿枝而來強縈抱兩草猶

一心人心不如草草捲龍鬚席從他生網絲且留

琥珀枕或一作有夢來時覆水再收豈滿杯棄妾

已去難重回古來宋本得意不相負祗今唯見青

詩紀盛唐卷之六十三六

陵臺一作錦水東流碧波蕩雙鷺驚為雄巢漢宮樹

輝光一朝再覽大人作萬乘忽欲凌雲翔聞道阿

嬌失恩寵千金買賦要君王相如不憶貧賤日官

高金多聘私室茂陵女子皆求文君歡愛從此

畢淚如雙泉水行隨紫羅帶五起離三唱清晨白

頭吟長吁不整綠雲鬟一作大哀怨深城崩杞

梁妾誰道無心上東流不作西歸水落花辭條羞

故林頭上玉燕釵是妾嫁時物羅袖且垂琥珀枕還

幸時拂莫卷龍鬚在錦屏上自君一掛無由披妾

有夢來時鵲鵲來在錦屏上自君一掛無由披妾

有秦樓鏡照心勝照井願持照新人雙對可憐影

占來得意不相負祗今唯有青陵臺

### 臨江王節士歌

洞庭白波木葉稀燕鴻始入吳雲飛吳雲寒燕鴻

苦風號沙宿瀟湘浦節士感今本悲秋淚如雨白日

當天心照之可以事明主壯氣今本憤寒今本風

生安得倚天劍跨海斬長鯨

### 司馬將軍歌

狂風吹古月竊弄章華臺北落明星動光彩南征

猛將如雲雷一作南方有手中電曳今本倚天劍

直斬長鯨海水開我見樓船壯心目頗似龍驤下

三蜀揚兵習戰張虎旗江中白浪如銀屋身居玉

帳臨河慰紫髯若戟冠崔嵬細柳開營揖天子始

詩紀盛唐卷之六十三七

知灞上為嬰孩羌笛橫吹阿鞞迴音曲向月樓中

吹落梅將軍自起舞長劍壯士呼聲動九垓功成

獻凱見明王丹青畫像麒麟臺

### 君道曲梁之雅吹有五

大君若天覆廣運無不至軒后爪牙常先太山稽

如心之使臂小白鴻翼於夷吾劉葛魚水本無二

土扶一作可成墻積德為厚地

### 白紵辭三首

揚清歌一作發皓齒北方佳人東鄰子且吟白紵



停綠水長袖拂面爲君起寒雲夜捲霜海空胡風

吹天飄塞鴻玉顏滿堂樂一作未終館娃日落歌

吹濛一本無未句

月寒天清夜沈沈美人一笑千黃金垂羅舞縠揚

哀音郢中白雪且莫吟子夜吳歌動君心動君心

冀君賞願作天池雙鴛鴦一朝飛去青雲上

吳刀剪綵一作縫舞衣明妝麗服奪春暉揚眉轉

袖若雪飛傾城獨立世所稀激楚結風醉忘歸高

堂月落燭已微玉釵挂纓君莫違

詩紀 盛唐卷之六十三 八

鳴鴈行

胡鴈鳴辭燕山昨發委羽朝度關一一銜蘆枝南

飛散落天地間連行接翼往復還客居煙波寄湘

吳凌霜觸雪毛體枯畏逢矰繳驚相呼聞弦虛墜

良可吁君更彈射何爲乎

君馬黃

君馬黃我馬白馬色雖不同人心本無隔共作遊

冶盤雙行洛陽陌長劍既照耀高冠何絕切赫

各有千金裘俱爲五侯客猛虎落陷穽壯士時屈

厄相知在急難獨好亦何益

白鼻騮

銀鞍白鼻騮綠地障泥錦細雨春風花落時一作春風

細由落 揮鞭直一作就胡姬飲

猛虎行燕士贊辨非太白作

朝作猛虎行暮作猛虎吟腸斷非關隴頭水淚下

不爲雍門琴旌旄今本作旌旗續紛兩河道戰鼓驚山

欲傾倒秦人半作燕地囚胡馬翻銜洛陽草一輪

一失關下兵朝降夕叛幽薊城巨鼇未斬海水動

詩紀 盛唐卷之六十三 九

魚龍奔走安得寧頗似楚漢時翻覆無定止朝過

博浪沙暮入一作淮陰市張良未遇韓信貧劉項

存亡在兩臣蹇到下邳受兵畧來投漂母作主人

賢哲一作達栖栖古如此今時亦棄青雲士有策不

敢犯龍鱗竄身南國避胡塵寶書玉一作長劍束一作

高閣金鞍駿馬散故人昨日方爲宣城客掣鈴

交通二千石有時六博快壯心遶林三匝呼一擲

楚人每道張旭奇心藏風雲世莫知三吳邦伯多

一作顧眄四海豪俠皆相推一作雄俠蕭曹曾一作

皆一作

亦作沛中吏攀龍附鳳當有時溧陽酒樓三月春

楊花茫茫一作漠漠愁殺人胡雛綠眼吹玉笛吳歌白

紵飛梁塵丈夫相見一作到處且爲樂椎牛撾鼓會衆

賓我從此去釣東一作滄海得魚笑寄情相親

### 菩薩蠻

平林漠漠煙如織寒山一帶傷心碧暝色入高樓

有人樓上愁玉階一作闌干空佇立宿鳥歸飛急何處

是歸程長亭連一作更短亭

### 憶秦娥

詩紀 盛唐卷之六十三 十

簫聲咽秦娥夢斷秦樓月秦樓月年年柳色灞陵

傷別樂遊原上清秋節咸陽古道音塵絕音塵絕

西風殘照漢家陵闕

### 玉壺吟

烈士擊玉壺壯心惜暮年三杯拂劍舞秋月忽然

高詠涕泗漣鳳凰初下紫泥詔謁帝稱觴登御筵

揄揚九重萬乘主謔浪赤墀青瑣賢朝天數換飛

龍馬敕賜珊瑚白玉鞭世人不識東方朔大隱金

門是謫仙西施宜笑復宜嚬醜女效之徒累身君

王雖愛蛾眉好無柰宮中妬殺人

### 橫江詞

人言橫江好儂道橫江惡一風三日吹倒山一作猛風

吹倒天門山白浪高於瓦官閣

### 襄陽歌

落日欲沒峴山西倒着接羅一作行客醉歸花下迷襄陽

小兒齊拍手攔街爭唱白銅鞮傷人借問笑何事

笑殺山翁一作公醉似泥鸕鷀杓鸚鵡杯百年三萬

六千日一日須傾三百杯遙看漢水鴨頭綠恰似

詩紀 盛唐卷之六十三 十一

蒲萄初醖一作撥醅此江若變作春酒壘麴便築糟

丘臺千金駿馬換少一作小妾醉一作笑坐雕一作金鞍

歌落梅車傍側挂一壺酒鳳笙龍管行相催咸陽

市上歎黃犬何如月下傾金罍君不見晉朝羊公

一片石龜頭一作龍剝落生莓苔亦不能爲之墮

心亦不能爲之哀誰能憂彼身後事金鳧銀鴨葬

死灰今本無此二句是偽增清風朗一作明月不用一錢買玉

山自倒非人推舒州杓力士鎗一作黃金李白一作

酒與爾同死生襄王雲雨今安在江水東流猿夜

聲

東山吟

一題作醉過謝安東山

携妓東山去悵然悲謝安我妓今朝如花月他妓  
古墳荒草寒白雞夢後三百歲麗酒澆君同所歡  
酣來自作青海舞秋風吹落紫綺冠彼亦一時此  
亦一時浩浩洪流之一作高詠何必奇

江夏行

憶昔嬌小姿春心亦自持爲言嫁夫壻得免長相  
思誰知嫁商賈令人却愁苦自從爲夫妻何曾在

詩紀

盛唐卷之六十三

十三

鄉土去年下揚州相送黃鶴樓眼看帆去遠心逐  
江水流只言期一載誰謂歷三秋使妾腸欲斷恨  
君情悠悠東家西舍同時發北去南來不逾月未  
知行李遊何方作箇音書能斷絕適來往南浦欲  
問西江船正見當壚女紅妝二八年一種爲人妻  
獨自多悲悽對鏡便垂淚逢人只欲啼不如輕薄  
兒旦暮長追一作相隨悔作商人婦青春長別離如  
今正好同歡樂君去容華誰得知

臨路歌

大鵬飛今振八裔中天摧今力不濟餘風激今萬  
世遊扶桑今挂石袂後人得之傳此仲尼亡今誰  
爲出涕

元丹丘歌

元丹丘好一作愛神仙朝飲潁水一作川之清流暮還  
嵩岑之紫煙三十六峯長周旋長周旋躡星虹身  
騎飛龍耳生風橫河跨海與天通我心爾遊心無  
窮

扶風豪士歌

詩紀

盛唐卷之六十三

十三

洛陽三月飛胡沙洛陽城中人怨嗟天津流水波  
赤血白骨相撐如亂麻我亦東奔向吳國一作奔漂谿  
浮雲四塞道路賒東方日出啼早鷄城門人開  
掃落花梧桐楊柳拂金井來醉扶風豪士家扶風  
豪士天下奇意氣相傾山可移作人不倚將軍勢  
飲酒豈顧尚書期雕盤綺食會衆客吳歌趙舞香  
風吹原嘗春陵六國時開心寫意君所知堂中各  
有三千士明日報恩知是誰撫一作舞下長劍一  
揚眉清水白日何離離脫吾帽向君笑飲君酒爲

君吟張良未遂赤松去橋邊黃石知我心

白毫子歌

淮南小山白毫子乃在淮南小山裏夜卧松下雪

作 雲 早餐石中髓小山聯縣向江開碧峯巉巖綠

水迴一作水迴余配白毫子獨酌流霞杯拂花弄琴

坐青苔綠蘿樹下春風來南窓蕭颯松聲起憑崖

一聽清心耳可得見不一作未得親八公攜手五雲

去空餘桂樹愁殺人

僧伽歌

詩紀

盛唐卷之六十三

十四

紀聞錄僧伽大師西域人姓何氏唐龍朔初  
來隸名于楚州龍興寺後于泗州臨淮縣信  
義坊乞地施標將建伽藍於標下掘得古香  
積詩銘記并金像一軀上有普照王佛字遂  
建寺中宗聞名遣使迎師入內道場居薦福  
寺常獨處一室頂上有一穴以絮塞之夜則  
去絮香從頂穴中出非常芬馥及燒香還頂  
中又以絮塞之師嘗濯足人取其水飲之痼  
疾皆愈景龍四年端坐而終中宗令于寺起  
塔俄而大風歟起臭氣滿長安中宗問近臣  
近臣奏僧伽大師化緣在臨淮恐欲歸中宗  
心許其臭頓息奇香馥烈五月送至臨淮起  
塔供養即今塔也中宗問萬迴  
曰僧伽是何人曰觀音化身

真僧法號號僧伽有時與我論三車問言誦呪幾

千遍口道恒河沙復沙此僧本住南天竺為法頭

陀來此國戒得長天秋月明心如世上青蓮色意

清淨貌稜稜亦不減亦不增瓶裏千年舍利一作鐵柱

骨手中萬歲胡孫藤嗟予落魄江淮一作湖久罕遇

真僧說空有一言懺盡波羅夷再禮渾除犯輕垢

草書歌行

此篇蘇子瞻辨非太白詩

少年上人號懷素草書天下稱獨步墨池飛出北

溟魚筆鋒殺盡中山兔八月九月天氣涼酒徒詞

客滿高堂牋麻素絹排數箱宣州石硯墨色光吾

師醉後倚繩牀須臾掃盡數千張飄風驟雨驚颯

詩紀

盛唐卷之六十三

十五

颯落花飛雪何茫茫起來向壁不停手一行數字

大如斗怳怳如聞神鬼驚時時只見龍蛇走左盤

右蹙如驚電狀同楚漢相攻戰湖南七郡凡幾家

家家屏障書題徧王逸少張伯英古來幾許浪得

名張顛老死不足數我師此義不師古古來萬事

貴天生何必要公孫大娘渾脫舞

盛唐第六十三



盛唐第六十四

唐詩紀一百二十四

鄆郡吳中珩彙編

永嘉周才甫同校

李白 十六

長短句三

繫潯陽上崔相渙

虛傳一片雨枉作陽臺神縱爲夢裏相隨去不是

襄王傾國人

萬憤詞投魏郎中

詩紀

盛唐卷之六十四

二

海水渤潏人罹鯨鯢胡沙而四塞始滔天於燕  
齊何六龍之浩蕩遷白日於秦西九土星分  
磬栖栖南冠君子呼天而啼總高堂而掩泣淚血  
地而成泥獄戶春而不草獨幽怨而沈迷兄九江  
兮弟三峽悲羽化之難齊穆陵關北愁愛子豫章  
天南隔老妻一門骨肉散下耳遇難不復相提携  
相榛拔桂囚鸞寵雞愛昔援禹伯成耕犁德自此  
哀吾將安棲好我者恤我不好我者何忍臨危而  
相擠子胥鴟夷彭越醢醢自古豪烈胡爲此繫蒼

蒼之天高乎視低如其聽卑脫我牢狴儻辨美玉  
君收白珪

雪謔詩贈友人

差予沈迷猖獗已久五十知非古人常有立言補  
過庶幾不朽包荒匿瑕蓄此頑醜月出致譏貽愧  
皓首感悟遂晚事往日遷白璧何辜青蠅屢前萃  
輕折軸下沈黃泉衆毛飛骨上凌青天妻非暗成  
貝錦粲然泥沙聚埃珠玉不鮮洪皓燦山發自纖  
煙蒼波蕩日起乎微涓交亂四國播于八埏拾塵

詩紀

盛唐卷之六十四

二

擬蜂疑聖猜賢哀哉悲夫誰察予之貞堅彼婦人  
之猖狂不如鵲之疆疆彼婦人之淫昏不如鴉之  
奔奔皎皎君子無悅簪言擢髮贖罪罪乃孔  
多傾海流惡惡無以過人生實難逢此織羅積毀  
銷金沈憂作歌天未喪文其如余何姐已滅紂褒  
女惑周天維蕩覆職此之由漢祖呂氏食其在傍  
秦皇太后毒亦淫荒蟠踈作昏遂掩太陽萬乘尚  
爾匹夫何傷辭殫意窮心切理止如或妄談昊天  
是殛子野善聽離婁至明神靡遁響鬼無逃形不



我返棄庶昭忠誠

江夏贈韋南陵冰

胡騎馬驚沙塵起胡雛飲馬天津水君爲我掖近  
酒泉我竄三巴九千里天地再新法令寬夜郎還  
客帶霜寒西憶故人不可見東風吹夢到長安寧  
期此地忽相遇驚喜茫如墮煙霧玉簫金管喧四  
筵苦心不得申長一作昨日繡衣領綠樽病如  
桃李竟何言昔騎天子大宛馬今乘款段諸侯門  
賴遇南平豁方寸復兼夫子持清論有似山開萬  
詩紀

盛唐卷之六十四

三

里雲四望青天解入悶人悶還心悶苦辛長苦辛  
愁來飲酒二千石寒灰重煖生陽春山公醉後能  
騎馬別是風流賢主人頭陀雲月多僧氣山水何  
曾稱人意不然一作能鳴笳按鼓戲滄流呼取江南  
女兒歌棹謳我且爲君搥碎黃鶴樓君亦爲吾倒  
却鸚鵡洲赤壁爭雄如夢裏且須歌舞寬離憂

贈從弟南平太守之遙

少年不作今本作得意落魄無安居願隨任公子欲釣  
吞舟魚常時飲酒逐風景壯心遂與功名疎蘭生

谷底人不鋤雲在高山空憑弔漢家天子馳駟馬  
赤車蜀道迎相如天門九重謁聖人龍顏一解四  
海春形庭左右呼萬歲拜賀明主收沈淪翰林表  
筆迴英猷麟閣嶢嶢誰可見承恩初入銀臺門  
綺食一作言黃金盤當時笑我微賤者却來詩謁爲  
交歡一朝謝病遊江海舊昔相知幾人在前門長  
揖後門關今日結文明日改愛君山嶽心不移隨  
君雲霧迷所爲夢得池塘生春草使我長價登樓  
詩紀

盛唐卷之六十四

四

詩別後遙傳臨海作可見羊何共和之

贈裴十四

朝見裴叔則朗如行玉山黃河落天走東海萬里  
寫入胸懷間身騎白龍不敢度金高南山買石顧  
徘徊六合無相知飄若浮雲且西去

寄王屋山人孟大融

我昔東海上勞山餐紫霞親見安期公食寒大如  
瓜中年謁漢主不愜還歸家朱顏謝春暉白髮見  
生涯所期就金液飛步登雲車願隨夫子天壇上

閑與仙人掃落花

憶舊遊寄譙郡元參軍

憶昔洛陽董糟丘爲予天津橋南造酒樓黃金白  
壁買歌笑一醉累月輕王侯海內賢豪青雲客就  
中與君一作見心莫逆迴山轉海不作難傾情倒  
意無所惜我向淮南攀桂枝君留洛北愁夢思不  
忍別還相隨相隨迢迢訪仙城三十六曲水迴縈  
一谿初入千花明萬壑度盡松風聲銀鞍金絡倒  
平地漢東太守來相迎紫陽之真人邀我吹玉笙

詩紀

盛唐卷之六十四

五

餐霞樓上動仙樂嘈然宛似鸞鳳鳴袖長管催欲  
輕舉漢中一作太守醉起舞手持錦袍覆我  
身我醉橫眠枕其股當筵意氣凌九霄星離雨散  
不終朝分飛楚關山水遙予既還山尋故巢君亦  
歸家一作西歸渡渭橋君家嚴君勇貔虎作尹并州遏  
戎虜五月相呼度太行摧輪不道羊腸苦行來北  
涼歲月深感君貴義輕黃金瓊杯綺食青玉案使  
我醉飽無歸心時時出向城西曲晉祠流水如碧  
玉浮舟弄水簫鼓鳴微波龍鱗莎草綠興來攜妓

恣經過其若楊花似雪何紅一作鮮

妝欲醉宜斜日

一作如

百尺清潭寫翠娥翠娥嬋娟初月輝美人

更唱舞羅衣清風吹歌入空去歌曲自繞行雲飛

此時歡一作行

樂難再遇西遊因獻長揚賦北闕青

雲不可期東山白首還歸去渭橋南頭一遇君鄭

臺之北又離羣問余別恨今一作多少落花春暮

爭紛紛

一作鸞飛求友滿芳言亦不可盡情亦不

可極呼兒長跪

一作緘此辭寄君千里遙相憶

寄韋南陵冰余江上乘興訪之遇尋顏尚

詩紀

盛唐卷之六十四

六

書笑有此贈

南船正東風北船來自緩江上相逢借問君語笑

一作聲

未了風吹斷聞君攜妓訪情人應爲尚書不

顧身堂上三千珠履客甕中百斛金陵春恨我阻

此樂淹留楚

一作江濱月色醉遠客山花開欲然

春風狂殺人一日劇三年乘興嫌太遲焚却子猷

船夢見五柳枝已堪挂馬鞭何日到彭澤長歌陶

公前

廬山謠寄盧侍御虛舟

我本楚狂人鳳歌笑孔丘手持綠玉杖朝別黃鶴樓五嶽尋仙不辭遠一生好入名山遊廬山秀出南斗傍屏風九疊雲錦張影落明湖青黛光金闕前開二峯長銀河倒挂一作寫三石梁香爐瀑布遙相望迴崖沓嶂凌一作何蒼蒼翠影紅霞映朝日一作作照千鳥飛不到吳天長登高壯觀天地間大江茫茫去不還黃雲萬里動風色白波九道流雪山好爲廬山謠興因廬山發開窺石鏡清我心謝公行處蒼苔沒一作綠蘿開處懸明月早服還丹無世情琴心三

詩紀

盛唐卷之六十四

七

疊道初成遙見仙人綵雲裏手把芙蓉朝玉京先期汗漫九垓上願接盧敖遊太清

自漢陽病酒歸寄王明府

去歲左遷夜郎道琉璃硯水長枯槁今歲敕放巫山陽蛟龍筆翰生輝光聖主還聽子虛賦相如却欲一作與論文章願掃鸚鵡洲與君醉百場嘯起白雲飛七澤歌吟淥水動三湘莫惜連船沽美酒千金一擲買春芳

雜言用投丹陽知己兼奉宣慰判官

客從崑崙來遺我雙玉璞云是古之得道者西王母食之餘食之可以凌太虛受之頗謂絕今昔求識江淮人猶乎比石如今雖在下和手正懽悴了了知之亦何益恭聞士有調相如始從鎬京還復欲鎬京去能上秦王殿何時迴光一相眄欲投君保君年幸君持取無棄捐無棄捐服之與君俱神仙

和盧侍御通塘曲

君誇通塘好通塘勝耶谿通塘在何處宛一作在

詩紀

盛唐卷之六十四

八

尋陽西青蘿嫋嫋拂煙樹白鵬處處聚沙堤石門中斷平湖出百丈金潭照雲日何處滄浪垂釣翁鼓棹漁歌趣非一相逢不相識出沒繞通塘浦邊清水明素足別有浣沙吳女郎行盡綠潭潭轉幽疑是武陵春碧流秦人雞犬桃花裏將比通塘渠見羞通塘不忍別十去九遲回偶逢佳境心已醉忽有一鳥從天來月出青山送行子四邊苦竹秋聲起長吟白雪望星河雙垂兩足揚素波梁鴻德耀會稽日寧知此中樂事多

訓殷明佐一作明佐見贈五雲裘歌

我吟謝朓詩上語朔風颯颯吹飛雨謝朓已沒青

山空後來繼之有殷公粉圖珍裘五雲色曄如晴

天散彩虹文章彪炳光陸離應是素娥玉女之所

爲輕如松花落金粉濃似苔錦含碧滋遠山積翠

橫海島殘霞飛丹映江草凝毫采掇花霧一作露容

幾年功成奪天造故人贈我我不違著令山水含

清輝一作暉頓驚謝康樂詩興生我衣襟前林壑歛

暝色袖上煙一作雲霞收夕霏羣仙長歎驚此物千

詩紀 盛唐卷之六十四 九

崖萬嶺相縈鬱身騎白鹿行飄飄手翳紫芝笑披

拂相如不足誇鵬鸞王恭鶴筆安可方瑤臺雪花

數千點片片吹落春風香爲君持此凌蒼蒼上朝

三十六玉皇下窺夫子不可及矯首相思空斷腸

早秋單父南樓酬竇公衡

白露見日滅紅顏隨霜凋別君若俯仰春芳辭秋

條泰山嵯峨夏雲在疑是白波漲東海散爲飛雨

川上來遙帷却卷清浮埃知君獨坐青軒下此時

結念同懷者一作同懷我閉南樓著一作有道書幽簾

清寂若一作在仙居曾無好事來相訪一作相訪文一  
起予

訓張司馬贈墨

上黨碧松煙夷陵丹砂末蘭麝凝珍墨精光乃堪

掇黃頭奴子雙鴉鬟錦囊養之懷袖間今日贈余

蘭亭去與來灑筆會稽山

贈 訓中一作東都小吏携斗酒雙魚於逆旅見

曾酒琥珀色一作琥珀汶魚紫錦鱗山東豪吏有俊

詩紀 盛唐卷之六十四 十一

氣手携一作持此物贈遠人意氣相傾兩相顧斗酒

雙魚表情素酒來我飲之鱸作別離處今本無雙

鰓呀一作呀髮鬢張蹊一作蹊刺銀盤欲飛去

呼兒拂机霜刃揮紅肌一作肌花落白雪霏爲君下

筓一餐罷一作筓醉著金鞍上馬歸

答杜秀才五松見贈

昔獻長楊賦天開雲雨歡當時待詔承明裏皆道

楊雄才可觀敕賜飛龍二天馬黃金絡頭白玉鞍

浮雲蔽日去不返總爲秋風摧紫蘭角巾東出商



山道采秀行歌詠芝草路逢園綺笑向人兩君解  
來一何好聞道金陵龍虎盤還同謝朓望長安千  
峯夾水向秋浦五松名山當夏寒銅井炎爐歆九  
天赫如鑄鼎荆山前陶公矍鑠呵赤電回祿睚眦  
揚紫煙此中豈是久留處便欲燒丹從列仙愛聽  
松風且高卧颼颼吹盡炎風過登崖獨立望九州  
陽春一一作奏誰相和聞君往年遊錦城章仇尚  
書倒屣迎飛牋絡繹奏明王天書降問迴恩榮  
駘不能就珪組至今空揚高蹈名夫子工文絕世

詩紀

盛唐卷之六十四

十一

奇五松新作天下推吾非謝尚邀彥伯異代風流  
各一時一時相逢樂在今袖拂白雲開素琴彈爲  
三峽流泉音從茲一別武陵去去後桃花春水深  
答王十二寒夜獨酌有懷

昨夜吳中雪子猷佳興發萬里浮雲卷碧山青天  
中道流孤月孤月滄浪一作河漢清北斗錯落長  
庚明懷余對酒夜霜白玉牀金井永崢嶸人生飄  
忽百年內且須酣暢萬古情君不能狸膏金距學  
鬪雞坐令鼻息吹虹霓君不能學哥舒橫行青海

夜帶刀西屠石堡取紫袍吟詩作賦北牕裏萬言  
不直一杯水世人聞此一作皆掉頭有如東風射  
馬耳魚目亦笑我請謂一作與明月同驂騑拳跼不  
能食蹇驢得志鳴春風折楊皇華合流俗晉君聽  
琴枉清角巴人誰肯和陽春楚地由來賤奇璞黃  
金散盡交不成白首爲儒身被輕一談一笑失顏  
色蒼蠅貝錦誼謗聲會參豈是殺人者讒言三及  
慈母驚與君論心握君手榮辱於余亦何有孔聖  
猶聞傷鳳麟董龍更是何雞狗一生傲岸苦不諧

詩紀

盛唐卷之六十四

十三

息踈媒勞志多垂嚴陵高揖漢天子何必長劒拄  
頤事玉階達亦不足貴窮亦不足悲韓信羞將絳  
灌比穉衡恥逐屠沽兒君不見李北海英風豪氣  
今何在君不見裴尚書土墳三尺蒿棘一作居少  
年早欲五湖去見此彌將鐘鼎踈

夢遊天姥吟留別東魯諸公

東魯諸公

海客談瀛洲煙濤微茫一作信難求一作越人誤天姥雲霓明滅或可覩天姥連天向天橫  
勢拔五嶽掩赤城天台四萬八千丈對此欲倒東



南傾我欲因之一作夢吳越一夜飛度鏡湖月湖

月照我影送我至剡谿謝公宿處今尚在淥水蕩

漾清一作猿啼脚着謝公屐身登青雲梯半壁見

海日空中聞天雞千巖萬轉路不定迷花倚石忽

已暝熊咆龍吟殷巖泉慄深林今驚層巔雲青青

今欲雨水澹澹今生煙列缺霹靂丘巒崩摧洞天

石扉一作旬然中開青冥浩蕩一作不見

底日月照耀金銀臺霓爲衣一作爲馬

雲之中一作君今紛紛而來下虎鼓瑟今鸞回車仙

詩紀 盛唐卷之六十四 十三

之人兮列如麻忽覓悸以鬼動恍驚起而長嗟惟

覺時之枕席失向來之煙霞世間行樂亦如此古

來萬事東流水別君去今一作何時還且放白鹿

青崖間須行即騎訪一作名山安能摧眉折

腰事權貴使我不得開心顏一作暫樂酒

留別于十一兄述裴十三遊塞垣

太公渭川水李斯上蔡門釣周獵秦安黎元小魚

兔何足言天張雲卷有時節吾徒莫歎抵觸

藩于公白首大梁野使人悵望何可論既知朱亥

爲壯士且願束心秋毫裏秦趙虎爭血中原當去

抱關救公子裴生覽千古龍鸞炳文一作章悲

高吟雨雪動林木放書輟劍思高堂勸爾一杯酒

拂爾裘上霜爾爲我楚舞吾爲爾楚歌且探虎穴

向沙溪鳴鞭走馬凌黃河恥作易水別臨岐淚滂

沱

鳴臯歌送岑徵君時梁園三尺雪

若有人兮思鳴臯阻積雪兮心煩勞洪河凌競不

可以徑度永龍鱗兮難容舳舳仙山之峻極兮聞

詩紀 盛唐卷之六十四 十四

天籟之嘈嘈霜厓縞皓以合沓兮若長風扇海湧

滄溟之波濤玄猿綠熊猓猓峯岌岌一作柯振石

駭膽慄鬼羣呼而相號峯嶢嶢以路絕挂星辰於

巖敷音送君之歸兮動鳴臯之新作交鼓吹兮彈

絲觴清泠之池閣君不行兮何待若反顧之黃鶴

掃梁園之羣英振大雅於東洛巾征軒兮歷阻折

尋幽居兮越巘嶸盤白石兮坐素月琴松風兮寂

萬壑望不見兮心氛氲蘿冥冥兮霰紛紛水

橫洞以下淥波小聲而上聞虎嘯谷而生風龍藏

谿而吐雲寡

一作冥

鶴清淚饑顛頻呻塊獨處此幽

默兮愀空山而愁人難聚族以爭食鳳孤飛而無

鄰螻蛄嘲龍魚目混珍嫫母衣錦西施負薪若使

巢由桎梏於軒冕今亦奚異乎夔龍蹴蒲結薛音切

於風塵哭何苦而救楚笑何誇而却秦吾誠不能

學二子沽名矯節以耀世今固將棄天地而遺身

白鷗今飛來長與君今相親

鳴臯歌奉餞從翁清歸五厓山居

憶昨鳴臯夢裏還手弄素月清潭間覺時枕席非

詩紀

盛唐卷之六十四

十五

碧山側身西望阻秦關麒麟閣上春還早著書却

憶伊陽好青松來風吹石一作道綠蘿飛花覆煙

草我家仙翁一作公愛清真才雄草聖凌古人欲卧

鳴臯絕世塵鳴臯微茫在何處五崖峽一作水橫

樵路身披翠雲裘袖拂紫煙去去時應過嵩少間

相思爲折三花樹

魯郡堯祠送竇明府薄華還西京

時久病初起作

朝策犁眉騮舉鞭力不堪強扶愁疾向何處角巾

微服一作步堯祠南長楊掃地不見日石門噴作金

沙潭笑誇故人

一作伯明

指絕境山光水色青於藍廟

中往往來擊鼓堯本無心爾何苦門前長跪雙石

人有女如花日歌舞銀鞍繡轂往復迴簸林蹶石

鳴風雷遠煙空翠時明滅白鷗歷亂長飛雪紅泥

亭子赤闌干碧流環轉青錦湍深沈百丈洞海底

那知不有蛟龍蟠君不見綠珠潭水流東海綠珠

紅粉沈光彩

一作歸翳光彩

綠珠樓下花滿園今日

曾無一枝在昨夜秋聲聞闔來洞庭木落騷人哀

遂將三五少年輩登高遠望形神開生前一笑輕

詩紀

盛唐卷之六十四

十六

九鼎魏武何悲銅雀臺我歌白雲倚牕牖爾聞其

聲但揮手長風吹月度海來遙勸仙人一杯酒酒

中樂酣宵向分舉觴酌堯堯可聞何不令臯陶擁

篲橫八極直上青天揮

一作掃

浮雲高陽小飲真瑣

瑣山公酩酊何如我竹林七子去道賒蘭亭雄筆

安足跨堯祠笑殺五

一作鏡

湖水至今憔悴空荷花

爾向西秦我東越暫向瀛洲訪金闕藍田太白若

可期爲余掃灑石上月

單父東樓秋夜送族弟沈

一作沈

之秦

時疑弟在

爾從咸陽來問我何勞苦沐猴而冠不足言身騎  
 土牛滯東魯沈弟欲行疑弟留孤飛一鴈秦雲秋  
 坐來黃葉落四五北斗已一作稀挂西城樓絲桐感  
 人絃亦絕滿堂送君皆惜別卷簾見月清興來疑  
 是山陰夜中雪明日斗酒別惆悵清路塵遙望長  
 安日不見長安人長安宮闕九天上此地曾經爲  
 近臣一朝復一朝髮白心不改屈原憔悴滯江潭  
 亭伯流離放遼海折翮翻飛隨轉蓬聞弦虛墜下  
 詩紀 盛唐卷之六十四 十七

霜空

一作翼短天長去不窮

聖朝久棄青雲士他日誰憐張

長公

灞陵行送別

送君灞陵亭灞水流浩浩上有無花之古樹下有  
 傷心之春草我向秦人問路岐云是王粲南登之  
 古道古道連綿走西京紫關今本落日浮雲生正  
 當今夕斷腸處驪歌一作黃鸝愁絕不忍聽

送別

尋陽五谿水沿汨直入巫山裏勝境由來人共傳

君到南中自稱美送君別有八月秋颯颯蘆花復  
 益愁雲帆望遠不相見日暮長江空自流

送祝八之江東賦得浣紗石

西施越谿水明艷光雲海未一作來入吳王宮殿時  
 浣紗古一作故石今猶在桃李新開映古查菖蒲猶  
 短出平沙昔時紅粉照流水今日青苔覆落花君  
 去西秦適東越碧山清江幾超忽若到天涯思故  
 人浣紗石上窺明月

宣州謝朓樓餞校書叔雲

一作陪侍御叔華登樓歌

詩紀

盛唐卷之六十四

太

棄我去者昨日之日不可留亂我心者今日之日  
 多煩憂長風萬里送秋鴈對此可以酣高樓蓬萊  
 文章建安骨中間小謝又清發俱懷逸興壯思飛  
 欲上青天一作雲覽日月抽刀斷水水更流舉杯銷  
 愁愁更今本愁人生在世不稱意明朝舉棹還滄  
 洲一作明朝散髮弄扁舟

送舍弟

吾家白額駒遠別臨東道他日相思一夢君應得  
 池塘生春草

攜妓登梁王樓霞山孟氏桃園中

碧草已滿地柳與梅爭春謝公自有東山妓金屏  
笑坐如花人今日非昨日明日還復來白髮對綠  
酒強歌心已一作摧君不見梁王池上月昔照梁  
王樽酒中梁王已去明月在黃鸝愁醉啼春風分  
明感激眼前事莫惜醉卧桃園東

下途歸石門舊居

吳山高越水清握手無言傷別情將欲辭君挂帆  
去離魂不散煙郊樹此心鬱悵誰能論有愧叨承

詩紀

盛唐卷之六十四

九

國士恩雲物共傾三月酒歲時同餞五侯門羨君  
素書常滿案含丹照白霞色爛余嘗學道窮冥筌  
夢中往往遊仙山何當脫屣謝時去壺中別有日  
月天俛仰人間易凋朽鍾峯五雲在軒牖惜別愁  
窺玉女牕歸來笑把洪崖手隱居寺隱居山陶公  
鍊液栖其間靈神閉氣昔登攀恬然但覺心緒閑  
數人不知幾甲子昨夜猶帶冰霜顏我離雖則歲  
物改如今了然識所在別君莫道不盡歡懸知樂  
客遙相待石門流水徧桃花我亦曾到秦人家不

知何處得雞豕就中仍見繁桑麻翛然遠與世事  
間裝鸞駕鶴又復遠何必遠從七貴遊勞生徒聚  
萬金產揖君去長相思雲遊雨散從此辭欲知悵  
別心易苦向暮春風楊柳絲

同族弟金城尉叔

一作卿

燭照山水壁畫

歌

高堂粉壁圖蓬瀛燭前一見滄洲清洪波洶湧山  
崢嶸皎若丹丘隔海望赤城光中乍喜嵐氣滅謂  
逢山陰晴後雪迴谿碧流寂無喧又如秦人月下

詩紀

盛唐卷之六十四

二

窺花源了然不覺清心竟祗將疊嶂鳴秋猿與君  
對此歡未歇放歌行吟達明發却顧海客揚雲帆  
便欲因之向溟渤

觀博平王志安少府山水粉壁

粉壁爲空天丹青壯江海游雲不知歸日見白鷗  
在博平真人王志安沈吟至此願挂冠松谿石磴  
帶秋色愁客思歸坐曉寒

觀放白鷹

寒冬十二月蒼鷹八九毛寄言燕雀莫相嘲

與咏



自有雲霄萬里高

寄遠三首

憶昨東園桃李紅，碧枝與君此時初別離。金瓶落井無消息，令人行歎復坐思。坐思行歎成楚越，春風玉顏畏銷歇。碧牕紛紛下落花，青樓寂寂空明月。兩不見但相思，空留錦字表心素。至今緘愁不忍窺。

愛君芙蓉嬋娟之豔色，若

一作色

可餐。今難再得憐

君水玉清迴之明，心情不極。今意已深，朝共琅玕

詩紀

盛唐卷之六十四

王

之綺食夜同鴛鴦之錦衾，恩情婉變，忽為別。使人

莫錯亂愁心。亂愁心涕如雪，寒燈厭夢，竟欲絕。覓

來相思生白髮。盈盈漢水若可越，可惜淩波步羅

襪。美人兮歸去，來莫作朝雲暮雨。今一本無

飛陽臺

對酒

蒲萄酒金叵

一作

羅吳姬十五細馬馱青絲，燕喜眉紅

錦靴道字不正嬌唱歌。玳瑁筵中懷裏醉，芙蓉帳

底奈君何

代美人愁鏡

美人贈此盤龍之寶鏡，燭我金縷之羅衣。時將紅袖拂明月，為惜普照之餘輝。影中金鵲飛不滅，臺下青鸞思獨絕。葉砧一別若箭弦，去有日來無年。狂風吹却妾心斷，玉筍并墮菱花前。

代寄情楚辭體

君不來兮徒蓄怨，積思而孤吟。雲陽一去已遠隔巫山，綠水之沈沈。留餘香兮染繡被，夜欲寢兮愁人心。朝馳余馬於青樓，恍若空而夷。猶浮雲深兮

詩紀

盛唐卷之六十四

王  
一百七十三元

不得語，却惆悵而懷憂。使青鳥兮銜書，恨獨宿兮

傷離。居何無情而兩絕，夢雖往而交疎。橫流涕而

長嗟，折芳洲之瑤華。送飛鳥以極目，怨夕陽之西

斜。願為連根同死之秋草，不作飛空之落花。

三五七言

秋風清秋月明，落葉聚還散。寒鴉棲復驚，相思相見知何日。此時此夜難為情。

自溧水道哭王炎

王公希代寶棄世，一何早。弔死不及哀，殯官已秋



草悲來欲脫劍挂向何枝好哭向茅山雖未摧一  
生淚盡丹陽道

詩紀

盛唐卷之六十四

五

盛唐第六十四

盛唐第六十五

唐詩紀一百二十五

鄧郡吳中珩彙編

東吳陸文組同校

李白十七

五言律詩

宮中行樂詞八首

本傳云玄宗坐沈香亭子意有所感欲得白  
為樂章召入而白已醉左右以水頰面稍解  
援筆成文婉麗精切無留思  
按紀事指為宮中行樂詞也

小小生金屋盈盈在紫微山花插寶髻石竹繡羅

詩紀

盛唐卷之六十五

一

衣每出深宮裏常隨步輦歸只愁歌舞散一作化

作綵雲飛

柳色黃金嫩梨花白雪香玉樓巢一作開翡翠珠本今

金殿鎖宿鴛鴦選妓隨雕一作朝輦徵歌出洞房

宮中誰第一飛燕在昭陽

盧橘為秦樹蒲萄出一作是漢宮煙花宜落日絲管

醉春風笛奏龍吟宋本水簫鳴宋本鳳下空君王

多樂事何必向一作在回中一作還與

玉樹一作殿春歸日一作好金宮樂事多後庭朝未入

輕輦夜相過笑出

一作

花間語嬌來燭

一作

下歌

莫教明月去留著醉嫦娥

繡戶香風煖紗牕曙色新宮花爭笑日池草暗生

春綠樹聞歌鳥青樓見舞人昭陽桃李月羅綺自

一作

相親

今日明光裏還須結伴遊春風開紫殿天樂下珠

樓豔舞全知巧嬌歌半欲羞更憐花月夜宮女笑

藏鈎

寒雪梅中盡春風柳上歸宮鸞嬌欲醉簷燕語還

詩紀

盛唐卷之六十五

二

飛遲日明歌席新花豔舞衣晚來移綵仗行樂泥

一作

光輝

水綠南薰殿花紅北闕樓鶯歌聞太液鳳吹繞瀛

洲素女鳴珠珮天人弄綵毬今朝風日好宜入未

央遊

### 塞下曲三首

五月天山雪無花祗有寒笛中聞折柳春色未曾

看曉戰隨金鼓宵眠抱玉鞍願將腰下劒直爲斬

樓蘭

駿馬似風颺鳴鞭出渭橋彎弓辭漢月插羽破天

驕陣解星芒盡管空海霧銷功成畫麟閣獨有霍

嫖姚

塞虜乘秋下天兵出漢家將軍分虎竹戰士卧

沙龍沙邊月隨弓影胡霜拂劒花玉關殊未入少

婦莫長嗟

### 從軍行

從軍玉門道逐虜金微山笛奏梅花曲刀開明月

環鼓聲鳴海上兵氣擁雲間願斬單于首長驅靜

詩紀

盛唐卷之六十五

三

鐵關

### 鳳臺曲

常聞秦帝女傳得鳳凰聲是日逢仙子當時別有

情人吹綵簫去天借綠雲迎曲在在身不返空

餘弄玉名

### 紫騮馬

紫騮行一作且嘶雙翻碧玉蹄臨流不肯渡似惜

錦障泥白雪關山一作遠黃雲海樹一作迷揮鞭

萬里去安得念一作春閨

長信怨一作宮怨

月皎昭陽殿霜清長信宮  
天行乘玉輦飛燕與君同  
別有留情處一作更有歡娛處承恩樂未窮  
誰憐團扇妾獨坐怨秋風

秋思

關氏黃葉落妾望自一作白登臺月出一作海上碧雲斷  
單于一作彈秋色來胡兵沙塞合  
漢使玉關回征客無歸日  
空悲蕙草摧

秋浦歌

詩紀 盛唐卷之六十五 四  
秋浦猿夜愁黃山堪白頭  
清谿非隴水翻作斷腸流  
欲去不得去薄遊成久遊  
何年是歸日雨淚下孤舟

侍從遊宿溫泉宮作

羽林十二將羅列應星文  
霜仗懸秋月霓旌卷夜雲  
嚴更千戶肅清樂九天聞  
日出瞻佳氣蔥蔥宋本

溫泉侍從歸逢故人

漢帝長楊苑誇胡羽獵歸  
子雲叨侍從獻賦有光

輝激賞搖天筆承恩賜御衣  
逢君奏明主他日共翻飛

贈孟浩然

吾愛孟夫子風流天下聞  
紅顏棄軒冕白首卧松雲  
醉月頻中聖迷花不事君  
高山安可仰徒此揖清芬

贈任城盧主簿

海鳥知天風窺身魯門東  
臨觴不能飲矯翼思凌風  
鐘鼓不為樂煙霜誰與同  
歸飛未忍去流淚謝

詩紀

盛唐卷之六十五

五

鵝鴻

贈薛校書

我有吳趨一作越曲無人知  
此音姑蘇成蔓草麋鹿空  
悲吟未誇觀濤作空鬱鈞  
鰲心舉手謝東海虛行歸  
故林

贈郭季鷹

河東郭有道於世若浮雲  
盛德無我位清光獨映君  
恥將雞並食長與鳳為羣  
一擊九千仞相期凌紫氛

紫氛

口號贈楊徵君鴻北公時

陶令辭彭澤梁鴻入會稽我尋高士傳君與古人  
齊雲卧留丹壑天書降紫泥不知楊伯起早晚向  
關西

贈昇州王使君忠臣

六代帝王國三吳佳麗城賢人當重寄天子借高  
名巨海一邊靜長江萬里清應須救趙策未肯棄  
侯羸

贈崔秋浦三首

詩紀 盛唐卷之六十五 木

吾愛崔秋浦宛然陶令風門前一作五楊柳井上

一作二梧桐山鳥下廳事簷花落酒中懷君未忍

去惆悵意無窮

崔令學陶令一作君似北牕常晝眠抱琴時弄月

一作弄取意任無絃見客但傾酒為官不愛錢東

臯春事起種黍早歸田一作不食東山日多種

河陽花作縣秋浦玉為人地逐名賢好風隨惠化

春水從天漢落山通畫屏新應念金門客投沙弔

楚臣

望九華贈青陽韋仲堪

昔在九江上遙觀宋本九華峯天河挂綠水秀出  
九芙蓉我欲一揮手誰人可相從君為東道主於  
此卧雲松

贈漢陽輔錄事

聞君罷官意我抱漢川湄借問久疎索一作疎何  
如聽訟時天清江月白心靜海鷗知應念投沙客  
空餘弔屈悲

贈柳圓

詩紀 盛唐卷之六十五 七  
竹實滿秋園鳳來何苦饑還同月下鵲三繞未安  
枝夫子即瓊樹傾柯拂羽儀懷君戀明德歸去日  
相思

贈錢徵君少陽

白玉一杯酒綠楊三月時春風餘幾日兩鬢各成  
絲桑燭惟須飲投竿也未遲如逢渭水一作獵猶  
可帝王師

至鴈欄驛上白馬磯贈裴侍御

側疊萬古石橫為白馬磯亂流若電轉舉棹揚珠

輝臨驛卷綈幕升堂接繡衣情親不避馬爲我解  
霜威

寄淮南友人

紅顏悲舊國青歲歇芳洲不待金門詔空持寶劍  
遊海雲迷驛道江月隱鄉樓復作淮南客因逢桂  
樹留

沙丘城下寄杜甫

我來竟何事高卧沙丘城城邊有古樹日夕連秋  
聲魯酒不可醉齊歌空復情思君若汶水浩蕩寄

詩紀

盛唐卷之六十五

八

南征

寄當塗趙少府炎

晚登高樓望木落雙江清寒山饒積翠秀色連州  
城目送楚雲盡心悲胡鴈聲相思不可見迴首故  
人情

寄王漢陽

南湖秋月白王宰夜相邀錦帳郎官醉羅衣舞女  
嬌笛聲喧沔鄂歌曲上雲霄別後空愁我相思一  
水遙

望漢陽柳色寄王宰

漢陽江上柳望客引東枝樹樹花如雪紛紛亂若  
絲春風傳我意草木度一作前知一作草木別一作前知寄謝  
絃歌宰西來定未遲

江上寄巴東故人

漢水波浪遠巫山雲雨飛東風吹客夢西落此中  
時覺後思白帝佳人與我違瞿塘饒賈客音信莫  
令稀

寄從弟宣州長史昭

詩紀

盛唐卷之六十五

九

爾佐宣州郡守官清且閑常誇雲月好邀我敬亭  
山五落洞庭葉三江猶未還相思不可見歎息損  
朱顏

三山望金陵寄殷淑

三山懷謝朓水澹一作綠水望長安蕪沒河陽縣秋江  
正北看盧龍霜氣冷鵝鵲月光寒耿耿憶瓊樹天  
涯寄一歡

寄上吳王

淮王愛八公攜手綠雲中小子忝枝葉亦攀丹桂



叢謬以詞賦重而將枚馬同何心背淮水東之觀  
土風

對酒憶賀監二首 并序

太子賓客賀公於長安紫極宮一見余呼余爲  
謫仙人因解金龜換酒爲樂歿後對酒悵然有  
懷而作是詩

四明有狂客風流賀季真長安一相見呼我謫仙  
人昔好杯中物今一作爲松下塵金龜換酒處却  
憶淚沾巾

詩紀 盛唐卷之六十五 十

狂客歸四明山陰道士迎敕賜鏡湖水爲君臺沼  
榮人亡餘故宅空有荷花生念此杳如夢悽然傷  
我情

張相公出鎮荊州尋除太子詹事余時流  
夜郎行至江夏與張公去千里公因太府  
丞王昔使車寄羅衣一事及五月五日贈  
余詩余答以此詩

張衡殊不樂應有四愁詩慙君錦繡段贈我慰相  
思鴻鵠復矯翼鳳凰憶故池榮樂一如此商山老

紫芝

南陽送客

斗酒勿爲薄寸心貴不忘坐惜故人去偏令遊子  
傷離顏怨芳草春思結垂楊揮手再三別臨岐空  
斷腸

送張舍人之江東

張翰江東去正值秋風時天清一作一鴈遠海闊  
孤帆遲白日行欲暮滄波杳難期吳洲如一作見  
月千里幸相思

詩紀 盛唐卷之六十五 十一

送族弟凝之滁求婚崔氏

與爾情不淺忘筌已得魚玉臺挂寶鏡持此意何  
如坦腹東牀下由來志氣疎遙知向前路擲果定  
盈車

杭州送裴大澤時赴廬州長史

西江天柱遠東越海門深去割慈親戀行憂報國  
心好風吹落日流水引長吟五月披裘者應知不  
取金

送白利從金吾董將軍西征

西羌延國討白起佐軍威劒決浮雲氣弓彎明月  
輝馬行邊草綠旗今本卷曙霜飛抗手凜相顧寒  
風生鐵衣

送侯十一

朱亥已擊晉侯嬴尚隱身時無魏公子豈貴抱關  
人余亦不火食遊梁同在陳空餘湛盧劒贈爾托  
交親

奉餞高尊師如貴道士傳道錄畢歸北海

道隱不可見靈書藏洞天吾師四萬劫歷世遞相

詩紀

盛唐卷之六十五

十二

傳別杖留青竹行歌躡紫煙離心無遠近長在玉

京懸

送長沙陳太守二首

長沙陳太守逸氣凌青松英主賜五馬本是天池  
龍湘水迴九曲衡山望五峯榮君按節去不及遠  
相從

七郡長沙國南連湘水濱吳今本

王垂舞袖地窄

不迴身莫小二千石當安遠俗人洞庭鄉路遠遙

美錦衣春

送楊山人歸嵩山

我有萬古宅嵩陽玉女峯長留一片月挂在東谿  
松爾去掇仙草菖蒲花紫茸一作君行到此歲晚  
或相訪青天騎白龍

送殷淑二首

海水不可解連江夜爲潮俄然浦嶼闊岸去酒船  
遙惜別耐取醉鳴榔且長謠天明爾當去應便有  
風飄

白露洲前月天明送客迴青龍山後日早出海雲

詩紀

盛唐卷之六十五

十三

來流水無情去征帆逐吹開相看不忍別更進手

中杯

送通禪師還南陵隱靜寺

我聞隱靜寺山水多奇蹤巖壑則公橋門深杯渡  
松道人制猛虎振錫還孤峯他日南陵下相期谷  
口逢

送友人

青山橫北郭白水遶東城此地一爲別孤蓬萬里  
征浮雲遊子意落日故人情揮手自茲去蕭蕭班

馬鳴

送別又見岑參傳

斗酒渭城邊  
壚頭醉不眠  
梨花千樹雪  
楊葉萬條煙  
惜別傾壺醕  
臨分贈馬鞭  
看君頰上去  
新月到應圓

江上送女道士褚三清遊南嶽

吳江女道士  
頭戴蓮花巾  
霓裳不濕雨  
特異陽臺神  
足下遠遊履  
凌波生素塵  
尋仙向南嶽  
應見魏夫人

詩紀

盛唐卷之六十五

十四

送友人入蜀

見說蠶叢路  
崎嶇不易行  
山從人面起  
雲傍馬頭生  
芳樹籠秦棧  
春流遶蜀城  
升沈應已定  
不必訪君平

君平

送李青歸華今本陽川

伯陽仙家子  
容色如青春  
日月秘靈洞  
雲霞辭世人  
化心養精魄  
隱几窅天真  
莫作千年別  
歸來城郭新

送別得書字

水色南天遠  
舟行若在虛  
遷人發佳興  
吾子訪閑居  
日落看飛鳥  
潭澄憐今本美躍魚  
聖朝思賈誼  
應降紫泥書

送麴十少府

試發清秋興  
因為吳會吟  
碧雲歛海色  
流水折江心  
我有延陵劍  
君無陸賈金  
艱難此為別  
惆悵一何深

送王孝廉觀省廬江作

彭蠡將天合  
姑蘇在日邊  
寧親候海色  
欲動孝廉

詩紀

盛唐卷之六十五

十五

船窈窕晴江  
轉參差遠岫  
連相思無晝  
夜東泣似長川

同吳王送杜秀芝舉人京

秀才何翩翩  
王許回也賢  
暫別廬江守  
將遊京兆天  
秋山宜落日  
秀木出寒煙  
欲折一枝桂  
還來鴈沼前

送梁四歸東平

玉壺挈美酒  
送別強為歡  
大火南星月  
長郊北路難  
殷王期負鼎  
汶水起垂竿  
莫學東山卧  
參差老

謝安

送郗昂謫巴中

瑶草寒不死移植滄江濱東風灑雨露會入天地

一作春予若洞庭葉隨波送逐臣思歸未可得書

此謝情人

江夏送張丞

欲別心不忍臨行情更親酒傾無限月客醉幾重

春藉草依流水攀花贈遠人送君從此去迴首泣

迷津

詩紀

盛唐卷之六十五

十六

廣陵贈別

玉一作金瓶沽美酒數里送君還繫馬垂楊下銜杯

大道間天邊看綠水海上見青山興罷各分袂何

須醉別顏

別儲邕之剡中

借問剡中道東南指越鄉舟從廣陵去水入會稽

長竹色谿下綠荷花鏡裏香辭君向天姥拂石卧

秋霜

畱別龔處士

龔子棲閑地都無人世喧柳深陶令宅竹暗辟疆

園我去黃牛峽遙愁白帝猿贈君卷薤草心斷竟

何言

贈別鄭判官

竄逐勿復哀慙君問寒灰浮雲本無意吹落章華

臺遠別淚空盡長愁心已摧三年吟澤畔一作幾

時迴

渡荆門送別

渡遠荆門外來從楚國遊山隨平野盡江入大荒

詩紀

盛唐卷之六十五

十七

流月下飛天鏡雲生結海樓仍憐故鄉水萬里送

行舟

江夏別宋之悌

楚水清若空遙將碧海通人分千里外興在一杯

中谷鳥吟晴日江猿嘯晚風平生不下淚於此泣

無窮

夜別張五

吾多張公子別酌酣高堂聽歌舞銀燭把酒輕羅

裳橫笛弄秋水

集作

琵琶彈陌桑龍泉解錦帶爲

爾傾千觴

見京兆韋參軍量移東陽

聞說金華渡東連五百灘全勝若耶好莫道此行  
難猿嘯千谿合松風五月寒他年一攜手將艇入

新安

詩紀

盛唐卷之六十五

六

盛唐第六十五

盛唐第六十六

唐詩紀一百二十六

鄆郡吳中珩彙編

東吳陸文組同校

李白

五言律詩二

秋夜與劉碭山泛燕喜亭池

明宰試舟楫張燈宴華池文招梁苑客歌動郢中  
兒月色望不盡空天交相宜令人欲泛海只待長  
風吹

詩紀

盛唐卷之六十六

一

同族姪一作評事黯遊昌禪師山池二首

遠公愛康樂爲我開禪閣蕭然松石下何異清涼  
山花將色不染水與心俱閑一坐度小劫觀空天  
地間

客來花雨際秋水落金池片石寒青錦疎楊挂綠  
絲高僧拂玉柄童子獻霜梨惜去愛佳景煙蘿欲  
暝時

遊秋浦白筍陂二首

筍音干上聲一音編又音舸

何處夜行好月明白筍陂山光搖積雪猿影挂寒



枝但恐佳景晚小令歸棹移人來有清興及此有  
相思  
白筇夜長嘯爽然豁谷寒魚龍動陂水處處生波  
瀾天借一明月飛來碧雲端故鄉不可見腸斷正  
西看

宴陶家亭子

曲巷幽人宅高門大士家池開照膽鏡林吐破顏  
花綠水藏春日青軒秘晚霞若聞絃管妙金谷不  
能誇

詩紀

盛唐卷之六十六

二

在水軍宴韋司馬樓船觀妓

搖曳帆在空清流

一作川

順歸風詩因鼓吹發酒爲

劍歌雄對舞青樓妓雙鬟白玉童行雲且莫去留

醉楚王宮

流夜郎至江夏陪長史叔及薛明府宴興

德寺南閣

紺殿橫江上青山落鏡中岸迴沙不盡日映水成

空天樂流

一作聞

香閣蓮舟颺晚風恭陪竹林宴留

醉與陶公

楚江黃龍磯南宴楊執戟治樓

五月入五洲碧山對青樓故人楊執戟春賞楚江

流一見醉

今本作波

漂月三杯歌

一作縱

棹謳桂枝攀不

盡他日更相求

早望海霞邊

四明三千里朝起赤城霞日出紅光散分輝照雪  
厓一餐嚙瓊液五內發金沙舉手何所待青龍白  
虎車

登新平樓

詩紀

盛唐卷之六十六

三

去國登茲樓懷歸傷暮秋天長落日遠水淨寒波  
流秦雲起嶺樹胡鴈飛沙洲蒼蒼幾萬里目極令  
人愁

陪宋中丞武昌夜飲懷古

清景南樓夜風流在武昌庾公愛秋月乘興坐胡  
牀龍笛吟寒水天河落曉霜我心還不淺懷古醉  
餘觴

與夏十二登岳陽樓

樓觀岳陽盡

一作近

川向

一作迴

洞庭開鴈引愁心去

一作鴈別山銜好月來雲間連一作逢下榻天上接

行杯醉後涼風起吹人舞袖迴

與賈至舍人於龍興寺剪落梧桐枝望瀝

湖

剪落青梧枝瀝湖坐可窺雨洗秋山淨林光澹碧

滋水閑明鏡轉雲繞畫屏移千古風流事名賢共

此時

挂席江上待月有懷

待月月未出望江江自流倏忽城西郭青天懸玉

詩紀

盛唐卷之六十六

四

鈎素華雖宋本作難可攬清景不同遊耿耿金波裏空

瞻鵲樓

秋登宣城謝朓北樓

江城如畫裏山晚望晴空兩水夾明鏡雙橋落彩

虹人煙寒一作空橘柚秋色老梧桐誰念北樓上臨

風懷謝公

過崔八丈水亭

高閣橫秀氣清幽併在君簷飛宛谿水牕落敬亭

雲猿嘯風中斷漁歌月裏聞閑隨白鷗去沙上自

爲羣

太原早秋

歲落衆芳歇時當大火流霜威出塞早雲色渡河

秋夢遶邊城月心飛故國樓思歸若汾水無日不

悠悠

宿五松山下荀媼家

我宿五松下寂寥無所歡田家秋作苦鄰女夜春

寒跪進雕胡飯月光明素盤令人慙漂母三謝不

能餐

詩紀

盛唐卷之六十六

五

觀魚潭

觀魚碧潭上木落潭水清日暮紫鱗躍圓波處處

生涼煙浮竹盡秋月照沙明何必滄浪去茲焉可

濯纓

金陵三首

晉家南渡日一作地舊長安地卽帝王宅山爲龍虎

盤一作作金陵空壯觀天塹一作作淨波瀾

醉客迴橈去吳歌且自歡一作作流當時百萬戶夾道

地擁金陵勢城迴江水一作作漢

朱樓亡國生春草王宮沒古丘空餘後湖月波  
上對瀛洲一作江

六代興亡國三杯爲爾歌苑方秦地小一作少山似

洛陽多古殿吳花草深宮晉綺羅併隨人事滅東

逝只一作與滄波

### 宿巫山下

昨夜巫山下猿聲夢裏長桃花飛綠水三月下瞿

塘雨色風吹去南行逐楚王高丘懷宋玉訪古一

露裳

詩紀

盛唐卷之六十六

六

### 謁老君廟

先君懷聖德靈廟肅神心草合人蹤斷塵濃鳥跡

深流沙丹竈滅關路紫煙沈獨傷千載後空餘松

柏林

### 謝公亭

蓋謝朓范雲之所遊

謝公今本離別處風景每生愁客散青天月山空

碧水流池花春映日牕竹夜鳴秋今古一相接長

歌懷舊遊

### 夜泊牛渚懷古

牛渚西江夜青天無片雲登舟望秋月空憶謝將

軍余亦能高詠斯人不可聞明朝挂帆席一作洞庭去

楓葉落一作已紛紛

### 對酒醉題屈突明府廳

陶令八十日長歌歸去來故人建昌宰借問幾時

迴風落吳江雪紛紛入酒杯山翁今已醉舞袖爲

君開

### 待酒不至

玉壺繫青絲沽酒來何遲山花向我笑正好銜杯

詩紀

盛唐卷之六十六

七

時晚酌東軒下流鶯復在茲春風與醉客今日乃

相宜

### 尋雍尊師隱居

羣峭碧摩天逍遙不記年撥雲尋古道倚樹聽流

泉花煖青牛卧松高白鶴眠語來江色暮獨自下

寒煙

### 訪戴天山道士不遇

犬吠水聲中桃花帶露雨一作濃樹深時見鹿谿午

不聞鐘野竹分青靄飛泉挂碧峯無人知所去愁

倚兩三松

題宛谿館

吾憐宛谿好百尺

一作照心山一作明心益明何

謝新安水千尋見底清白沙留月色綠竹助秋聲

却笑嚴湍上于今獨擅名

奔亡道中二首

函谷如玉關幾時可生還洛陽爲易水嵩嶽是燕

山俗變羌胡語人多沙塞顏申包唯慟哭七日鬢

毛斑

詩紀

盛唐卷之六十六

八

淼淼望湖水青青蘆葉齊歸心落何處日沒大江

西歇馬傍春草欲行遠道迷誰忍子規鳥連聲向

我啼

放後遇恩不霑

天作雲與雷霈然德澤開東風日本至白雉越裳

來獨棄長沙國三年未許回何時入宣室更問賈

生才

感遇

可歎東籬菊莖疎葉且微雖言異蘭蕙亦自有芳

菲未泛盈樽酒徒沾清露輝當榮君不采飄落欲何依

聽蜀僧濬彈琴

蜀僧抱綠綺西下峨眉峯爲我一揮手如聽萬壑

松客心洗流水餘響入霜鐘不覺碧山暮秋雲暗

幾重

詠柳少府山瘿木樽

蟠木不彫飾且將斤斧疎樽成山嶽勢材是棟梁

餘外與金罍並中涵玉醴虛慙君垂拂拭遂忝玳

筵居

盛唐卷之六十六

九

詩紀

見野草中有名白頭翁者

醉入田家去行歌荒野中如何青草裏亦有白頭

翁折取對明鏡宛將衰鬢同微芳似相誚留恨向

東風

觀獵

太守耀清威乘閑弄晚暉江沙橫獵騎山火遶行

圍箭逐雲鴻落鷹隨月兔飛不知白日暮歡賞夜

方歸

觀胡人吹笛

胡人吹玉笛一半是秦聲十月吳山曉梅花落故  
亭愁聞出塞曲淚滿逐臣纓却望長安道空懷戀  
主情

平虜將軍妻

平虜將軍婦入門二十年君心自不一作悅妾寵  
豈能專出解牀前帳行吟道上篇古人不唾井莫  
忘昔纏綿

自溧水道哭王炎

詩記

卷之六十六

十

王家碧瑤樹一樹忽先摧海內故人泣天涯弔鶴  
來朱成縣雨用先天濟川材一罷廣陵散鳴琴更  
不開

宣城哭蔣徵君華

敬亭埋玉樹知是蔣徵君安得相如草空一作餘  
封禪文池臺空有月詞賦舊淩雲獨挂延陵劍千  
秋在古墳

七言律詩

送賀監歸四明應制

久辭榮祿遂初衣曾向長生說息機真訣自從茅  
氏得恩波應阻洞庭歸瑤臺含霧星辰滿仙嶠浮  
空島嶼微借問欲栖珠樹鶴何年却向帝城飛

贈郭將軍

將軍豪蕩有英威

一作年少出武威

昔

一作掌

銀臺護紫

微平明拂劍朝天去薄暮垂鞭醉酒歸愛子臨風  
吹玉笛美人騰今本作向又月舞羅衣疇昔雄豪  
如夢裏相逢且欲醉春暉一作今日相逢俱失路何年漸上弄春暉

寄崔侍御

詩記

卷之六十六

十一

宛谿霜夜聽猿愁去國長爲不繫舟獨憐一鴈飛  
南海却羨雙谿解北流高人屢解陳蕃榻過客難  
登謝朓樓此處別離同落葉朝朝分散敬亭秋

別中都明府兄

吾兄詩酒繼陶君試宰中都天下聞東樓喜奉連  
枝會南陌還一作爲落葉分城隅一作綠水明秋  
日海上青山隔暮雲取醉不辭留夜月鴈行中斷  
惜離羣

登金陵鳳凰臺



鳳凰臺上鳳凰遊鳳去臺空江自流吳宮一作時花  
草埋幽徑晉代一作國衣冠成古丘三山半落青天  
外二一作水中分白鷺洲總為一作盡浮雲能蔽日  
長安不見使人愁

鸚鵡洲

鸚鵡來過吳江水江上洲傳鸚鵡名鸚鵡西飛隴  
山去芳洲之樹何青青煙開蘭葉香風煖岸夾桃  
花錦浪生遷客此時徒極目長洲孤月向誰明

題雍丘崔明府丹竈

詩紀 盛唐卷之六十六 十三

美人為政本忘機服藥求仙事不違葉縣已泥丹  
竈畢瀛洲當伴赤松歸先師有訣神將助大聖無  
心火自飛九轉但能生羽翼雙鳧忽去定何依

題東谿公幽居

杜陵賢人清且廉東谿卜築歲將淹宅近青山同  
謝朓門垂碧柳似陶潛好鳥迎春歌後院飛花送  
酒舞前筵客到但知留一醉盤中祇有水晶鹽

五言排律

贈崔侍郎

長劔一杯酒男兒方寸心洛陽因劇孟託宿話留  
襟但仰山嶽秀不知江海深長安復攜手再顧重  
千金君乃輜軒今本作軒佐余叨翰墨林高風摧秀  
木虜彈落驚禽不取迴舟興而來命駕尋扶搖應  
借力一作便桃李願成陰笑吐張儀舌愁為莊鳥吟  
誰憐明月夜腸斷聽秋砧

中丞宋公以吳兵三千赴河南軍次潯陽  
脫余之囚參謀幕府因贈之

獨坐清天下專征出海隅九江皆渡虎三郡盡還

詩紀 盛唐卷之六十六 十三

珠組纓明秋浦樓船入郢都風高初選將月滿欲  
平胡殺氣橫千里軍聲動九區白猿慙劒術黃石  
借兵符戎虜行當剪鯨鯢立可誅自憐非劇孟何  
以佐良圖

贈易秀才

少年解長劔投贈即分離何不斷犀象精光暗往  
時蹉跎君自惜竄逐我因誰地遠虞翻老秋深宋  
玉悲空摧芳桂色不屈古松姿感激平生意勞歌  
寄此辭

江夏使君叔席上贈史郎中

鳳凰丹禁裏銜出紫泥書昔放三湘去今還萬死  
餘仙郎又爲別客舍問何如迴轍思流水浮雲失  
舊居多慙華省貴不以逐臣疎復如竹林下叨  
陪芳宴初希君生羽翼一化北溟魚

春日歸山寄孟六浩然

朱紱遺塵境青山謁梵筵金繩開覺路寶筏度迷  
川嶺樹攢飛拱巖花覆谷泉塔形標海月樓勢出  
江煙香氣三天下鐘聲萬壑連荷秋珠已滿松密  
詩紀  
盛唐卷之六十六  
十四  
蓋初圓鳥聚疑聞法龍叅若護禪愧非流水韻叨  
入伯牙絃

宣州九日聞崔四侍御與宇文太守遊敬

亭余時登響山不同此賞醉後寄崔侍御  
九卿天上落五馬道傍來列戟朱門曉褰帷碧嶂  
開登高望遠海名客得英才紫綬歡情洽黃花逸  
興催山從一  
圖上見谿卽  
鏡中迴遙羨重  
陽作應過戲馬臺

江上答崔宣城

太華三芙蓉明星玉女峯尋仙下西嶽陶令忽相  
逢問我將何事湍波歷幾重貂裘非季子鶴氅似  
王恭謬忝燕臺召而陪郭隗蹤水流知入海雲去  
一作或從龍樹繞蘆洲月山鳴鵲鎮鐘還期如可  
訪台嶺陰長松

送友人尋越中山水

聞道稽山去偏宜謝客才千巖泉灑落萬壑樹縈  
迴東海橫秦望西陵繞越臺湖清霜  
一作鏡曉濤

白雪山來八月枚乘筆三吳張翰杯此中多逸興

詩紀

盛唐卷之六十六

十五

早晚向天台

送竇司馬貶宜春

天馬白銀鞍親承明主歡聞雞金宮  
一作裏射鴈

碧雲端堂上羅中  
一作貴歌鐘清夜闌何言謫南

國拂劒坐長歎趙璧爲誰點隨珠在  
被彈聖朝多

雨露莫厭此行難

送梁公昌從信安北征

入幕推英選捐書事遠戎高談百戰術鬱作萬夫

雄起舞蓮花劒行歌明月宮將飛天地陣兵出塞

垣通祖席留丹景征麾拂彩虹旋應獻凱入麟閣  
佇深功

金陵送張十一再遊東吳

張翰黃花句風流五百年誰人今繼作夫子世稱  
賢再動遊吳棹還浮入海船春光白門柳霞色赤  
城天去國難爲別思歸各未旋空餘賈生淚相顧  
共悽然

送紀秀才遊越

海水不滿眼觀濤難稱心卽知蓬萊石却是巨鼇

詩紀

盛唐卷之六十六

七

簪送爾遊華頂今予發烏吟仙人居射的道士鍾  
山陰禹穴尋谿入雲門隔嶺深綠蘿秋月夜相憶  
在鳴琴

送二季之江東

初發強中作題詩與惠連多慙一日長不及二龍  
賢西塞當中路南風欲進船雪峯出遠海帆影挂  
清川禹穴藏書地匡山種杏田此行俱有適遲爾  
早歸旋

送儲邕之武昌

黃鶴高樓月長江萬里情春風三十度空憶武昌  
城送爾難爲別銜杯惜未傾湖連張樂地山逐泛  
舟行諾謂楚人重詩傳謝朓清滄浪言有曲寄入  
棹歌聲

秋日登揚州西靈塔

寶塔凌蒼蒼登攀覽四荒頂高元氣合標出海雲  
長萬象分空界三天接畫梁水搖金刹影日動火  
珠光鳥拂瓊簾度霞連繡栱張目隨征路斷心逐  
去帆揚露浴

詩紀

盛唐卷之六十六

十七

見於此照迷方

登瓦官閣

晨登瓦官閣極眺金陵城鍾山對百戶淮水入南  
榮漫漫雨花落嘈嘈天樂鳴兩廊振法鼓四角吟  
風箏杳出霄漢上仰攀日月行山空霸氣滅地古  
寒陰生寥廓雲海晚蒼茫宮觀平門餘闕闔字樓  
識鳳凰名雷作百川一作動神扶萬栱傾靈光何  
足貴長此鎮吳京

秋日與張少府楚城韋公藏書高齋作

日下空庭暮城荒古跡餘地形連海盡天影落江  
虛舊賞人雖隔新知樂未疎彩雲思作賦丹壁間  
藏書查擁隨流葉萍開出水魚夕來秋興滿回首  
意何如

秋夜獨坐懷故山作

小隱慕安石遠遊學子今本作屈平天書訪江海雲卧

起咸京入侍瑤池宴出陪玉輦行誇胡新賦作諫  
獵短書成但奉紫霄顧非邀青史名莊周空說劍  
畢翟恥論兵拙薄遂疎絕歸閑事耦耕顧無蒼生

詩紀

盛唐卷之六十六

大

望空愛紫芝榮寥一作牢落暝霞色微茫舊壑情秋

山綠蘿月今夕爲誰明

過四皓墓

我行至商洛幽獨訪神仙園綺復安在雲蘿尚宛  
然荒涼千古跡蕪沒四墳連伊昔鍊金鼎何年閉  
玉泉隴寒惟有月松古漸無煙木魅風號去山精  
雨嘯旋紫芝高詠罷青史舊名傳今日併如此哀  
哉信可憐

月夜金陵懷古

蒼蒼金陵月空懸帝王州天文列宿在霸一作業  
大江流淥水絕馳道青松摧古丘臺傾鳩鵲觀宮  
沒鳳凰樓別殿悲清暑芳園罷樂遊一聞歌玉樹  
蕭瑟後庭秋一作千古不勝愁

詩紀

盛唐卷之六十六

九

盛唐第六十六

盛唐第六十七

唐詩紀一百二十七

鄧郡吳中珩彙編

東吳陸文組同校

李白 十九

五言絕句

王昭君

昭君拂玉鞍上馬啼紅顏今日漢宮人明朝胡地  
妾

相逢行

詩紀

盛唐卷之六十七

十一

相逢紅塵內高揖黃金鞭萬戶垂楊裏君家阿那  
邊

玉階怨

玉階生白露夜久侵羅襪却下水晶簾玲瓏望秋  
月

襄陽曲四首

襄陽行樂處歌舞白銅鞮江城回渌水花月使人  
迷

山公醉酒時酩酊襄陽下頭上白接離倒着還騎

馬

峴山臨漢江水綠沙如雪一作水色如霜雪上有墮淚碑

青苔久磨滅

且醉習家池莫看墮淚碑山公欲上馬笑殺襄陽  
兒

洛陽陌

白玉誰家郎迴車渡天津看花東陌上驚動洛陽  
人

高句驪

詩紀

盛唐卷之六十七

二十一

金花折風帽白馬小遲回翩翩舞廣袖似鳥海東  
來

靜夜思

牀前看月光疑是地上霜舉頭望山月低頭思故  
鄉

淶水曲

淶水明秋日今本作月南湖采白蘋荷花嬌欲語愁殺  
蕩舟人

估客樂

一作行



海客乘天風將船遠行役譬如雲中鳥一去無蹤跡

秋浦歌十四首

秋浦錦駝鳥人間天上稀山雞羞淥水不敢照毛衣

兩鬢入秋浦一朝颯已衰猿聲催白髮長短盡成絲

秋浦多白猿超騰若飛雪牽引條上兒飲弄水中月

詩紀

盛唐卷之六十七

三

愁作秋浦客

一作曲

強看秋浦花山川如剡縣風日

似長沙

醉上山公馬寒歌寧戚牛空吟白石爛淚滿黑貂裘

秋浦千重嶺水車嶺

一作人行路

最奇天傾欲墮石水

拂寄生枝

江祖一片石青天掃畫屏題詩留萬古綠字錦苔

生

邏人橫鳥道江祖出魚梁水急客舟行

一作疾

山花

拂面香

水如一匹練此地即平天耐可乘明月看花上酒船

淥水淨素月月明白鷺飛郎聽采菱女一道夜歌歸

爐火照天地紅星亂紫煙赧郎明月夜歌曲動寒川

白髮三千丈

宋本作尺

緣愁似箇長不知明鏡裏何處

得秋霜

詩紀

盛唐卷之六十七

四

秋浦田舍翁采魚水中宿妻子張白鵲結罟映深

竹

桃波一步地了了語聲聞聞與山僧別低頭禮白雲

越女詞五首

長干吳兒女眉目豔星月屐上足如霜不著鴉頭

襪

吳兒多白皙好爲蕩舟劇賣眼擲春心折花調行

客

耶谿采蓮女見客棹歌迴笑入荷花去佯羞不出來

東陽素足女會稽素舸郎相看月未墮白地斷肝腸

鏡湖水如月耶谿女如雪新妝蕩新波光景兩奇絕

巴女詞

巴水急如箭巴船去若飛十月三千里郎行幾歲歸

詩紀

盛唐卷之六十七

五

對雪獻從兄虞城宰

昨夜梁園雪一作寒兄不知庭前看玉樹腸斷

憶連枝

繫尋陽上崔相渙

邯鄲四十萬同日陷長平能迴造化筆或冀一人生

聞謝楊兄吟猛虎詞因此有贈

同州隔秋浦聞吟猛虎詞晨朝來借問知是謝楊兄

題情深樹寄象公

腸斷樓上猿淚添山下樽白雲見我去亦爲我飛翻

寄上吳王

坐嘯廬江靜閑聞進玉觴去時無一物東壁挂胡牀

重憶賀監

欲向江東去定將誰舉杯稽山無賀老却棹酒船迴

詩紀

盛唐卷之六十七

六

荅友人贈烏紗帽

領得烏紗帽全勝白接離山人不照鏡稚子道相宜

口號留別金陵諸公

食出野田美酒臨遠水傾東流若未盡應見別離情

別東林寺僧

東林送客處身出白猿啼笑別廬山遠何煩過虎谿

送姪良攜二妓赴會稽戲有此贈

攜妓東山去春光半道催遙看若桃李雙入鏡中開

送殷淑

痛飲龍筇下燈青月復寒醉歌驚白鷺半夜起沙灘

送陸判官往琵琶峽

水國秋風夜殊非遠別時長安如夢裏何日是歸期

詩紀

盛唐卷之六十七

七

賦得白鷺鷥送宋少府入三峽

白鷺拳一足月明秋水寒人驚遠飛去直向使君灘

見京兆韋參軍量移東陽

吳中作

潮水還歸海流人却到吳相逢問愁苦淚盡日南珠

陪從祖濟南太守泛鵲山湖二首

初謂鵲山近寧知湖水遙此行殊訪戴自可緩歸橈

湖闊數千里湖光搖碧山湖西正有月獨送客

還

水入北湖去舟從南浦迴遙看鵲山轉却似送人來

陪侍郎叔遊洞庭醉後三首

今日竹林宴我家賢侍郎三杯容小阮醉後發清狂

船上齊橈樂湖心泛月歸白鷗閑不去爭拂酒筵飛

詩紀

盛唐卷之六十七

八

剗却君山好平鋪湘水流巴陵無限酒醉殺洞庭秋

銅官山醉後

山在銅官

我愛銅官樂千年未擬還要須迴舞袖拂盡五松山

九日龍山飲

九日龍山飲黃花笑逐臣醉看風落帽舞愛月留人

九月十日卽事

昨日登高罷今朝再一作更舉觴菊花何太苦遭此一作得兩重陽

杜陵絕句

南登杜陵上北望五陵間秋水明落日流光滅遠山

望木瓜山

早起見日出暮看棲鳥還客心自酸楚况對木瓜山

夜下征虜亭

詩紀

盛唐卷之六十七

九

船下廣陵去月明征虜亭山花如繡頰江一作今本火似流螢

魯中都東樓醉起作

昨日東城飲一作樓還應一作一倒接離阿誰扶上馬不省下樓時

清谿半夜聞笛

羌笛梅花引吳谿隴水清一作寒山秋浦月一作今本腸斷玉關情一作聲

夏日山中

嬾搖白羽扇裸體一作袒青林中脫巾挂石壁露頂灑松風

醉題王漢陽廳

我似鷓鴣鳥南遷嬾一作飛時尋漢陽今取醉月中歸

獨坐敬亭山

衆鳥高飛盡孤雲獨去閑相看兩不厭只有敬亭山

勞勞亭

詩紀

盛唐卷之六十七

十一

天下傷心處勞勞送客亭春風知別苦不遣柳條青

田園言懷

賈誼三年謫班超萬里侯何如牽白犢飲水對清流

自遣

對酒不覺暝落花盈我衣醉起步谿月鳥還人亦稀

憶東山二首

不向東山久薔薇幾度花白雲他今本作還自散明月

落誰家

我今攜謝妓長孺絕人羣欲報東山客開關掃白雲

奔亡道中三首

蘇武天上田橫海島邊萬重關塞斷何日是歸年

亭伯去安在李陵降未歸愁容變海色短服改胡衣

詩紀

盛唐卷之六十七

上

談笑三軍却交遊七貴疎仍留一隻箭未射魯連書

詠山樽

擁腫寒山木嵌空成酒樽愧無江海量偃蹇在君門

初出金門尋王侍御不遇詠壁上鸚鵡

一作

校放歸山留別陸侍御不遇詠鸚鵡

落羽辭金殿

一作

孤鳴託繡衣能言終見棄還向

隴山

一作

飛

紫藤樹

紫藤挂雲木花蔓宜陽春密葉隱歌鳥香風留美人

觀放白鷹

八月邊風高胡鷹白錦毛孤飛一片雪百里見秋毫

流夜郎題葵葉

慙君能衛足歎我遠移根白日如分照還歸守故園

詩紀

盛唐卷之六十七

上

白鷺鷥

白鷺下秋水孤飛如墜霜心閑且未去獨立沙洲傍

怨情

美人捲珠簾深坐顰蛾眉但見一作覺淚痕濕不知

心恨誰

贈內

三百六十日日日醉如泥雖爲李白婦何異大常妻



浣紗石上女

玉面耶谿女青蛾紅粉妝一雙金齒屐兩足白如霜

出妓金陵子呈盧六

南國新豐酒東山小妓歌對君君不樂花月奈愁何

東道煙霞主西江詩酒筵相逢不覺醉日墮歷陽川

哭宣城善釀紀叟

詩紀

盛唐卷之六十七

十三

紀叟黃泉裡還應釀老春夜臺無曉日沽酒與何

人一作題戴老酒店云戴老黃泉下還應釀大春夜臺無李白沽酒與何人

盛唐第六十七

盛唐第六十八

唐詩紀一百二十八

鄆郡吳中珩彙編  
東吳陸文組同校

李白二十

七言絕句

清平調詞三首

樂史序云開元禁中得四本紅紫淺紅白者上因移植于興慶池東沈香亭前會花方繁開上乘照夜車太真以步輦從詔選梨園子弟將欲歌之上曰賞名花對妃子焉用舊樂處命李龜年持金花箋宣賜白立進清平調辭三章白援筆賦

詩紀

盛唐卷之六十八

一

之云云命梨園弟子約畧調撫絲竹促李龜年歌之太真持顰梨七寶杯酌西涼州蒲萄酒笑傾歌辭上因調玉笛以倚曲每曲徧將換則遲其聲以媚之太真飲罷斂繡巾垂拜異日太真重吟前辭力士終以脫靴為恥乃曰以飛燕指妃子賤之甚矣太真深然之上嘗欲命白官卒為官中所擇而止

雲想衣裳花想容春風拂檻露華濃若非羣玉山頭見會向瑤臺月下逢

一枝紅豔露凝香雲雨巫山枉斷腸借問漢宮誰得似可憐飛燕倚新妝

名花傾國兩相歡長得君王帶笑看解釋春風無

限恨沈香亭北倚闌干

結襪子

燕南壯士吳門豪筑中置鉛魚隱刀感君恩重許  
君命太山一擲輕鴻毛

少年行

五陵年少金市東銀鞍白馬度春風落花踏盡遊  
何處笑入吳姬酒肆中

軍行

驕馬新跨一作白玉鞍戰罷沙場月色寒城頭鐵

詩紀

盛唐卷之六十八

二

鼓聲猶震匣裏金刀血未乾

從軍行

百戰沙場碎鐵衣城南已合數重圍突營射殺呼  
延將獨領殘兵千騎歸

長門怨二首

天迴北斗挂西樓金屋無人螢火流月光欲到長  
門殿別作深宮一段愁

桂殿長愁不記春黃金四屋起秋塵夜懸明鏡青  
天上獨照長門宮裏人

春怨

白馬金羈遼海東羅幃繡被卧春風落月低軒窺  
燭盡飛花入戶笑牀空

上皇西巡南京歌十首

按玄宗本紀天寶十四載祿山反上皇  
即位靈武十月復京師十二月上皇天  
帝至自蜀郡大赦  
以蜀郡為南京

胡塵輕拂建章臺聖主西巡蜀道來劒壁門高五  
千丈石為樓閣九天開

九天開出一成都萬戶千門入畫圖草樹雲山如

詩紀

盛唐卷之六十八

三

錦繡秦川得及此間無

德一作華

陽春樹似一作號

新豐行入新都若舊宮柳

色未饒秦地綠花光不減上陽

一作紅

誰道君王行路難六龍西幸萬人歡地轉錦江成

渭水天迴玉壘作長安

萬國同風共一時錦江何謝曲江池石鏡更明天

上月後宮親

一作得照蛾眉

濯錦清江萬里流雲帆龍舸下揚州北地雖誇上

林苑南京還有散花樓

錦水東流遶錦城星橋北挂象天星四海此中朝  
聖主蛾眉山上列仙庭

秦開蜀道置金牛漢水元通星漢流天子一行遺

聖跡錦城長作帝王州

水綠天青不起塵風光和暖勝三秦萬國煙花隨

玉輦西來添作錦江春

劒閣重關蜀北門上皇歸馬若雲屯少帝長安開

紫極雙懸日月照乾坤

永王東巡歌十一首

永王名璿太子也天寶十五年安祿山

詩紀

盛唐卷之六十八

四

反詔璿領山南嶺南黔中江南四道節度使十一月璿至江陵募士得數萬遂有闕江左意十二月引舟師東巡太白時卧廬山璿道致之

永王正月東出師天子遙分龍虎旗樓船一舉風

波靜江漢翻爲鴈鷺池

三川北虜亂如麻四海南奔似永嘉但用東山謝

安石爲君談笑靜胡沙

雷鼓嘈嘈喧武昌雲旗獵獵過潯陽秋毫不犯三

吳悅春日遙看五色光

龍蟠一作盤虎踞帝王州帝子金陵訪古丘春風試

煖昭陽殿明月還過鳩鵲樓

二帝巡遊俱未迴五陵松柏使人哀諸侯不救河

南地更喜賢王遠道來

丹陽北固是吳關畫出樓臺雲水間千巖烽火連

滄海兩岸一作南望旌旗遶碧山

王出三江按五湖樓船跨海次陪都戰艦森森羅

虎士征帆一一引龍駒

長風挂席勢難迴海動山傾古月摧君看帝子浮

江日何似龍驤出峽來

詩紀

盛唐卷之六十八

五

祖龍浮海不成橋漢武潯陽空射蛟我王樓艦輕  
秦漢却似文皇欲渡遼此首蕭士贊以爲贗作

帝寵賢王入楚關掃清江漢始應還初從雲夢開

朱邸直取金陵作小山

試借君王玉馬鞭指麾戎虜坐瓊筵南風一掃胡

塵靜西入長安到日邊

峨眉山月歌

峨眉山月半輪秋影入平羌江水流夜發清谿向

三峽思君不見下渝州

橫江詞五首

海潮南去過潯陽牛渚由來險馬當橫江欲渡風  
波惡一水牽愁萬里長

橫江西望阻西秦漢水東流一作楚水東流楊子津白浪

如山那可渡狂風愁殺峭帆人

海神來過惡風迴浪打天門石壁開浙江八月何

如此濤似連山噴雪來

橫江館前津吏迎向余東指海雲生郎今欲渡緣

何事如此風波不可行

詩紀

盛唐卷之六十八

六

月一作日暈天風霧不開海鯨東蹙一作天川迴驚

波一起三山動公無渡河歸去來

客中行

蘭陵美酒鬱金香玉碗盛來琥珀光但使主人能

醉客不知何處是他鄉

贈華州王司士

淮水不絕濤瀾高盛德一作武生英髦知君先負廟

堂器今日還須贈寶刀

巴陵贈賈舍人

賈生西望憶京華湘浦南遷莫怨嗟聖主恩深漢  
文帝憐君不遣到長沙

贈汪倫

一作桃花潭別汪倫

李白乘舟將欲行忽聞岸上踏歌聲桃花潭水深

千尺不及汪倫送我情

聞王昌齡左遷龍標尉遙有此寄

揚州花落

一本楊花落盡

子規啼聞道龍標過五谿我寄

愁心與明月隨君一作風直到夜郎西

東魯見狄博通

詩紀

盛唐卷之六十八

七

去年別我向何處有人傳道遊江東謂言挂席渡

滄海却來應是無長風

山中問答

一作山中問答人

問余何事

一作意

栖碧山笑而不答心自閑桃花流

水宿

一作宛

然去別有天地非人間

荅湖州迦葉司馬問白是何人

青蓮居士謫仙人酒肆藏名三十春湖州司馬何

須問金粟如來是後身

酬崔侍御

嚴陵不從萬乘遊歸卧空山釣碧流自是客星辭  
帝座元非太白醉揚州

韓詩云天外常天太白  
老金安從得醉仙人

黃鶴樓送孟浩然之廣陵

故人西辭黃鶴樓煙花三月下揚州孤帆遠影碧  
空盡唯見長江天際流

送賀賓客歸越

鏡湖流水漾清波狂客歸舟逸興多山陰道  
士如相見應寫黃庭換白鷺

送外甥鄭灌從軍三首

詩紀

盛唐卷之六十八

人

六博爭雄好彩來金盤一擲萬人開丈夫賭命報  
天子當斬胡頭衣錦迴

丈人蛇矛出隴西彎弧拂箭白猿啼破胡必用龍  
韜策積甲應將熊耳齊

月蝕西方破敵時及瓜歸日未應遲斬胡血變黃  
河水梟首當懸白鵲旗

送韓侍御之廣德令

昔日繡衣何足榮今宵貰酒與君傾暫就東山賒  
月色酣歌一夜送泉明

楊用修詩話云泉明即淵  
明避高祖諱改淵為泉也

今人改作  
身聲候矣

東魯門汎舟二首

魯一作東

日落沙明天倒開波搖石動水縈迴輕舟泛月尋  
谿轉疑是山陰雪後來

水作青龍盤石堤桃花夾岸魯門西若教月下乘  
舟去何啻風流到剡谿

陪族叔刑部侍郎曄及中書賈舍人至遊

洞庭五首

洞庭西望楚江分水盡南天不見雲日落長沙秋

詩紀

盛唐卷之六十八

九

色遠不知何處弔湘君

南湖秋水夜無煙耐可乘流直上天且就洞庭賒  
月色將船買酒白雲邊

洛陽才子謫湘川元禮同舟月下仙記得長安還  
欲笑不知何處是西天

洞庭湖西秋月輝瀟湘江北早鴻飛醉客滿船歌  
白紵不知霜露入秋衣

帝子瀟湘去不還空餘秋草洞庭間淡掃明湖開  
玉鏡丹青畫出是君山



與謝良輔遊涇川陵巖寺

乘君素舸泛涇西宛似雲門對若谿且從康樂尋  
山水何必東遊入會稽

望廬山瀑布水

日照香爐生紫煙遙看瀑布挂長川英華首二句作廬山上與

星斗連日照飛流直下三千尺一作疑是銀河落

九半一作天

登廬山五老峯

廬山東南五老峯青天削出金芙蓉九江秀色可

詩紀盛唐卷之六十八 十

攬結吾將此地巢雲松

望天門山

天門中斷楚江開碧水東流直北迴兩岸青山相

對出孤帆一片日邊來

早發白帝城一作白帝下江陵

朝辭白帝彩雲間千里江陵一日還兩岸猿聲啼

不盡輕舟一作須臾已過萬重山

秋下荆門

霜落荆門江樹空布帆無恙挂秋風此行不爲鱸

魚鱸自愛名山入剡中

蘇臺覽古

舊苑荒臺楊柳新菱歌清唱一作采菱歌不勝春只今

惟有西江月曾照吳王宮裏人

越中覽古

越王句踐破吳歸義士還家盡錦衣宮女如花滿

春殿只今惟有鷓鴣飛

山中與幽人對酌

兩人對酌山花開一杯一杯復一杯我醉欲眠卿

詩紀盛唐卷之六十八 十一

且去明朝有意抱琴來

流夜郎聞酺不預

北闕聖人歌太康南冠君子竄遐荒漢酺聞奏鈞

天樂願得風吹到夜郎

與史郎中欽一作飲聽黃鶴樓上吹笛

一爲遷客去長沙西望長安不見家黃鶴樓中吹

玉笛江城五月落梅花

春夜洛城聞笛

誰家玉笛暗飛聲散入春風滿洛城此夜曲中聞

折柳何人不起故園情

白胡桃

紅羅袖裏分明見白玉盤中看却無疑是老僧休  
念誦腕前推下水晶珠

巫山枕障

巫山枕障畫高丘白帝城邊樹色秋朝雲夜入無  
行處巴水橫天更不流

宣城見杜鵑花

蜀國曾聞子規鳥宣城還見杜鵑花一叫一迴腸

詩紀

盛唐卷之六十八

十一

一斷三春三月憶三巴

陌上贈美人

駿馬驕行踏落花垂鞭直拂五雲車美人一笑寒  
珠箔遙指紅樓是妾家

口號吳王美

一作

人半醉

風動荷花水殿香姑蘇臺上宴吳王西施醉舞嬌  
無力笑倚東牕白玉牀

廬江主人婦

孔雀東飛何處棲廬江小吏仲卿妻爲客裁縫君

自見城烏獨宿夜空啼

贈段七娘

羅襪凌波生網塵那能得計訪情親千杯綠酒何  
辭醉一面紅妝惱殺人

別內赴徵三首

王命三徵去未還明朝離別出吳關白玉高樓看  
不見相思須上望夫山

出門妻子強牽衣問我西行幾日歸來一作時儻  
佩黃金印莫學蘇秦不下機

詩紀

盛唐卷之六十八

十三

翡翠高樓金作梯卷簾愁坐待鳴雞夜泣寒燈連  
曉月行行淚盡楚關西

南流夜郎寄內

夜郎天外怨離居明月樓中音信疎北鴈春歸看  
欲盡南來不得豫章書

出妓金陵子呈盧六二首

安石東山三十春傲然攜妓出風塵樓中見我金  
陵子何似陽臺雲雨人

小妓金陵歌楚聲家僮丹砂學鳳鳴我亦爲君飲

哭鼎卿衡

聯句

改九子山爲九華山聯句

并序

詩紀

盛唐卷之六十八

古

眺松雪因與三子聯句傳之將來

妙有分一氣靈山開九華

本  
丁  
白

層標遏遲日半壁

明朝霞

高靈

積雪耀陰壑飛流歆陽崖

平權壇青

熒玉樹色縹緲羽人家

李 白

盛唐第六十八

盛唐第六十九

唐詩紀一百二十九

鄞郡吳中珩彙編

東吳陸文組同校

杜甫

唐書云字子美審言孫天寶中舉進士不第  
奉賦三篇帝奇之拜右衛率府兵曹參軍

軍祿山亂避走三川肅宗立命爲右  
拾遺房琯罷相上疏言琯不宜免帝怒出爲  
華州司功參軍關輔饑客秦川載武節雙劍  
南表爲參謀檢校工部員外郎武卒生牙等  
亂往來梓潼蜀大野中客去場道獄祠大水  
遽至沙旬不得食縣令具司迎還饋牛炙白  
酒大酺一夕卒年五十九少與李白齊名時  
流李往○贊曰唐興詩人承陳隋風流浮靡  
相矜至沈宋研揣聲音而號律詩競相襲沿  
逮開元間稍裁雅正然人得一槩皆自名所

詩統

盛唐卷之六十九

**Abstract**

長至甫渾涵汪洋千變萬狀兼古今而有之  
他人不足甫乃厭餘故元稹謂詩人以來未  
有如子美者又善陳詩律切  
精深至千言不少莫世號詩史

五言古詩

前出塞九首

戚戚去故里悠悠赴交河公家有程期亡命嬰禍

羅君已富土境開邊一何多棄絕父母恩吞聲行

負戈

出門日已遠不受徒旅欺骨肉恩豈斷男兒死無時走馬脫轡頭手中挑青絲捷下萬仞岡俯身試

塞旗

磨刀嗚咽水水赤刃傷手欲輕腸斷聲心緒亂一作  
錯已久丈夫誓許國憤惋復何有功名圖麒麟戰

骨當速朽

送徒既有長遠戍亦有身生死向前去不勞吏怒  
噴路逢相識人附書與六親哀哉兩決絕不復問

苦辛

迢迢萬餘里領我赴三軍軍中異苦樂主將寧盡  
聞隔河見胡騎倏忽數百羣我始爲奴僕幾時樹

詩紀

盛唐卷之六十九

二

功勳

挽弓當挽強用箭當用長射人先射馬擒賊先擒  
王殺人亦有限立國自有疆苟能制侵陵豈在多  
殺傷

驅馬天雨雪軍行入高山逕危抱寒石指落層冰  
間已去漢月遠何時築城還浮雲暮南征可望不  
可攀

單于寇我壘百里風塵昏雄劒四五動彼軍爲我  
奔虜其名王歸繫頸受轅門潛身備行列一勝何

足論

從軍十餘年能無分寸功衆人貴苟得欲語羞雷  
同中原有關爭況在狄與戎丈夫四海志安可辭  
固窮

後出塞五首

男兒生世間及壯當封侯戰伐有功業焉能守舊  
在召募赴薊門軍動不可留千金買馬鞍百金裝  
刀頭關里送我行親戚擁道周班白居易上列酒酣  
進底羞少年別有贈含笑看吳鉤

詩紀

盛唐卷之六十九

三

朝進東門營暮上河陽橋落日照大旗馬鳴風蕭  
蕭平沙列萬幕部伍各見招中天懸明月令嚴夜  
寂寥悲笳數聲動壯士慘不驕借問大將誰恐是  
霍嫖姚

古人重守邊今人重高勳豈知英雄主出師旦長  
雲六合已一家四夷且孤軍遂使貔虎士奮身勇  
所聞拔劒擊大荒日收胡馬羣誓開玄冥北持以  
奉吾君

獻凱日繼踵兩蕃靜無虞漁陽豪俠地擊鼓吹笙

竿雲帆轉遼海杭稻來東吳越羅與楚練照耀輿  
臺軀主將位益崇氣驕凌上都邊人不敢議議者  
死路

一作通衢  
又作道衢

我本良家子出師亦多門將驕益愁思身貴不足  
論躍馬二十年恐辜明主恩坐見幽州騎長驅河  
洛昏中夜間道歸故里但空村惡名幸脫免窮老  
無兒孫

新安吏

自注云收京後作雖  
收兩京賦猶克斥

客行新安道喧呼聞點兵借問新安吏縣小更無

詩紀

盛唐卷之六十九

四

丁府帖昨夜下次選中男行中男絕短小何以守  
王城肥男有母送瘦男獨伶俜白水暮東流青山  
猶哭聲莫自使眼枯收汝淚縱橫眼枯即一作見  
骨天地終無情我軍收相州日夜一作望其平豈  
意賊難料歸軍星散營就糧近故壘練卒依舊京  
掘壕不到水牧馬役亦輕况乃王師順撫養甚分  
明送行勿泣血僕射如父兄

按鄭昂云僕射  
指郭子儀也

潼關吏

按黃鶴云潼關在華州祿山反詔  
哥舒翰守潼關為賊所敗暨收長

險阨

士卒何草草築城潼關道大城鐵不如小城萬丈  
餘借問潼關吏修關還備胡要我下馬行為我指  
山隅連雲列戰格飛鳥不能踰胡來但自守豈復  
憂西都丈人視要處窄狹容單車艱難奮長戟千  
古用一夫哀哉桃林戰百萬化為魚請囑防關將  
慎勿學哥舒

石壕吏

按蔡夢弼云石壕屬邠州昔北狄  
侵太王于此築城壕以禦之因名  
石壕又下園云石壕在東  
戌在新安西即石峭也

暮投石壕村有吏夜捉人老翁踰牆走老婦出門

詩紀

盛唐卷之六十九

五

看吏呼一何怒婦啼一何苦聽婦前致詞三男鄴  
城戍一男附書至二男新戰死存者且一作偷生  
死者長已矣室中更無人惟有乳下孫孫有母未  
去出入無完裙老嫗力雖衰請從吏夜歸急應河  
陽役猶得備晨炊夜久語聲絕如聞泣幽咽天明  
登前途獨與老翁別

新婚別

兔絲附蓬麻引蔓故不長嫁女與征夫不如棄路  
傍結髮為君妻席不煖君將暮婚晨告別無乃太



忽忙君行雖不遠守邊赴一作河陽妾身未分明

何以拜姑嫜父母養我時日夜令我藏生女有所

歸雞犬一作亦得將君今往死一作地沈痛迫中

腸誓欲隨君去一作形勢反蒼黃勿為新婚念努

力事戎行婦人在軍中兵氣恐不揚自嗟貧家女

久致羅縐裳羅縐不復施對君洗紅妝仰視百鳥

飛大小必雙翔人事多錯迕與君永相望

垂老別

四郊未寧靜垂老不得安子孫陣亡盡焉用身獨

詩紀 盛唐卷之六十九 六

完投杖出門去同行為辛酸幸有牙齒存所悲骨

髓乾男兒既介冑長揖別上官老妻臥路啼歲暮

衣裳單孰知是死別且復傷其寒此去必不歸還

聞勸加餐土門壁甚堅杏園度亦難勢異鄴城下

縱死時猶寬人生有離合豈擇盛衰端憶昔少壯

日遲迴竟長嘆萬國盡征戍烽火被岡巒積屍草

木腥流血川原丹何鄉為樂土安敢尚盤桓棄絕

蓬室居塌然摧肺肝

無家別

寂寞天寶後園廬但蒿藜我里百一作餘家世

各東西存者無消息死者為塵泥賤子因陣敗歸

來尋舊蹊久行見空巷一作日瘦氣慘悽但對孤

與狸豎毛怒我啼四鄰何所有一二老寡妻宿鳥

戀本枝安辭且窮棲方春獨荷鋤日暮還灌畦縣

吏知我至召令習鼓鞀雖從本州役內顧無所攜

近行止一身遠去終轉迷家鄉既盪盡遠近理亦

齊永痛長病母五年委溝谿生我不得力終身兩

酸嘶人生無家別何以為烝黎

詩紀 盛唐卷之六十九 七

塞蘆子蘆子關名在延州按黃鶴云時官

五城何迢迢迢迢隔河水邊兵盡東征城內空荆

杞思明史思明也割懷衛秀巖高秀巖也西未已回畧大荒

來嶠函蓋虛爾延川秦北戶關防猶可倚焉得一

萬人疾驅塞蘆子岐有薛大夫旁制山賊起近聞

昆戎徒為退三百里蘆關扼兩寇深意實在此誰

敢叫帝閭胡行速如鬼

留花門按黃鶴云唐志甘州有花門山花

門指回紇也時用朔方吐蕃回紇

諸兵以討賊既收長安而北  
兵於沙苑言其爲農桑守也

北門天驕子飽肉氣勇決高秋馬肥健挾矢射漢  
月自古以爲患詩人厭薄伐修德使其來羈縻固  
不絕胡爲傾國至出入暗金闕中原有驅除隱忍  
用此物公主歌黃鵠君王指白日連雲屯左輔百  
里見積雪長戟烏休飛哀笳曉咽田家最恐懼  
麥倒桑枝折沙苑臨清渭泉香草豐潔渡河不用  
船千騎常撒烈胡塵踰太行雜種抵京室花門旣  
須畱原野轉蕭瑟

詩紀

盛唐卷之六十九

八

夏日歎

夏日出東北陵天經中街朱光徹厚地鬱蒸何由  
開上蒼久無雷無乃號令乖雨降不濡物良田起  
黃埃飛鳥苦熱死池魚涸其涯萬人尚流冗舉目  
惟蒿萊至今大河北盡一作虎與豺浩蕩想幽  
薊王師安在哉對食不能餐我心殊未諧眇然貞  
觀初難與數子偕

夏夜歎

永日不可暮炎蒸毒我腸安得萬里風飄颻吹我

常昊天出華月茂林延疎光仲夏苦夜短開軒納  
微涼虛明見纖毫羽蟲亦飛揚物情無巨細自適  
固其常念彼荷戈士窮年守邊疆何由一洗濯執  
熱互相望竟夕擊刁斗喧聲連萬方青紫雖被體  
不如早還鄉北城悲笳發鸛鶴號且翔况復煩促  
倦激烈思時康

彭衙行

漢有彭衙縣

憶昔昨賊初北走經險艱夜深彭衙道月照白水  
山盡室久徒步逢人多厚顏參差谷鳥吟一作不

詩紀

盛唐卷之六十九

九

見遊子還癡女饑咬我啼畏虎狼一作聞懷中掩  
其口反側聲愈嘖小兒強解事故索苦李餐一旬  
半雷雨泥濘相攀牽旣無禦濕一作備徑滑衣又  
寒有時經契濶竟日數里間野果充餽糧卑枝成  
屋椽早行石上水暮宿天邊煙少畱同家窪一作  
欲出蘆子關故人有孫宰高義薄曾雲延客已曛  
黑張燈啓重門煖湯濯我足翦紙招我魂從此出  
妻孥相視涕闌干衆雛爛熳睡喚起露盤餐誓將  
與夫子永結爲弟昆遂空所坐堂安居奉我歡誰

青藜難際豁達露心肝別來歲月周胡羯仍構患  
何當有翅翎飛去墮爾前

### 義鵲行

陰崖有蒼鷹養子黑柏顛白蛇登其巢吞噬恣朝  
餐雄飛遠求食雌者鳴辛酸力彊不可制黃口無  
半存其父從西歸翻身入長煙斯須領健鵲痛憤  
寄所宜斗上捩孤影噉哮來九天脩鱗脫遠枝巨  
頰拆老拳高空得蹭蹬短草辭蜿蜒折尾能一掉  
飽腸已皆穿生雖滅衆雛死亦垂千年物情有報

詩紀

盛唐卷之六十九

十一

復快意貴目前茲實驚鳥最急難心炯一作然功

成失所往用捨何其賢近經滴水涓此事樵夫傳

飄蕭覺素髮凜欲衝儒冠人生許與分只一作亦在

顧盼間聊爲義鵲行用永激壯士肝

### 畫鵲行

高堂見生鵲颯爽動秋骨初驚無拘攣何得立突  
兀乃知畫師妙巧刮造化窟寫此神俊姿充君眼  
中物鳥一作鵲滿樛枝軒然恐其出側腦看青霄  
寧爲衆禽沒長翮如刀劒人寰可超越乾坤空崢

嶠粉墨且蕭瑟緬思雲沙際自有煙霧質吾今意  
何傷顧步獨紆鬱

### 橋陵三十韻呈縣內諸官

先帝昔晏駕茲山朝百靈崇岡擁象設沃野開天  
庭卽事壯重險論功超五丁坡陁因厚地却畧羅  
峻屏雲闕虛冉冉風松肅泠泠石門霜露白玉殿  
莓苔青宮女曉知曙祠官朝見星空梁簇畫  
戟陰井敲銅瓶中使日夜繼惟王心不寧豈徒卹  
備享尚謂求無形孝理敦國政神疑推道經瑞芝

詩紀

盛唐卷之六十九

十二

產廟柱好鳥鳴巖局高嶽前律萃上品卹切洪河

左滢濊上烏定切下才律切金城蓄峻趾沙苑交迴汀永與

奧區固川原紛眇冥居然赤縣立臺榭爭岩亭官

屬果稱是聲華真可聽王劉美竹潤裴李春蘭馨

鄭氏才振古啖侯筆不停遣辭必中律利物常發

硯綺繡相展轉琳琅愈青焚側聞魯恭化秉德崔

瑗銘太史候鳬影王喬隨鶴翎朝儀限霄漢客思

迴林垓輶軻辭下杜飄飄陵濁涇諸生舊袒褐旅

泛一浮萍荒歲兒女瘦暮途涕泗零主人念老馬

辟宇容秋螢流寓理豈愜窮愁醉未醒何當擺俗累浩蕩乘滄溟

舟中苦熱遣懷奉呈楊中丞通簡臺省諸公

媿爲湖外客看此戎馬亂中夜混黎甿脫身亦奔竄平生方寸心反當一作掌帳下難嗚呼殺賢良不叱白刃散吾非丈人特沒齒埋冰炭耻以風疾一作作辭胡然泊湘岸入舟雖苦熱垢膩可漑灌痛彼道邊人形骸改昏旦中丞連帥職封內權得按身

詩紀

盛唐卷之六十九

十一

當問罪先縣實諸侯半士卒旣輯睦啓行促精悍似一作我聞上游兵稍逼長沙館鄰好彼克修天機

自明斷南圖卷雲水北拱戴一作載霄漢美名光史

臣長策何壯觀驅馳數公子咸願聞伐叛聲節一作

哀有餘夫何激衰懷偏裨表三上鹵莽同一貫

始謀誰其間回首增憤惋宗英李端公守職甚昭

煥變通迫脅地謀畫焉得筭王室不肯微凶徒畧

無憚此流須卒斬神器資強幹扣寂豁煩襟皇天

照嗟歎

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一憔悴嗚呼已十年儒服弊于地征夫不遑息學者淪素志我行洞庭野歛得文翁肆僣僣胄子行若舞風雩至周室宜中興孔門未應棄是以資雅才渙然立新意衡山雖小邑首唱恢大義因見縣尹心根源舊宮闕講堂非曩構大屋加塗墍下可容萬一作日人墻隅亦深邃何必三千徒始壓戎馬氣林木在庭戶密幹疊蒼翠有井朱夏時輓轡凍堦祀

詩紀

盛唐卷之六十九

十一

耳聞讀書聲殺伐災髣髴故國延歸望衰顏減愁思南紀收波瀾西河共風味采詩倦跋涉載筆尚可記高歌激宇宙凡百慎失墜

七月三日亭午已後較熱退晚加小涼穩

睡有詩因論壯年樂事戲呈元二十一曹

長

今茲商用事餘熱亦已末衰年旅炎方生意從此

活亭午減汗流北鄰耐人聒晚風一作爽烏匿一作遇

切中筋力蘇摧折閉目踰十旬大江不止渴退藏



雨師健步聞早魃音拔園蔬抱金玉一作石無以供

採掇密雲雖聚散但暑終衰歇前聖音古焚巫

武王親救暍陰陽相主客時序遞回幹灑落唯清

秋昏霾一空濶蕭蕭紫塞鴈南向欲行列歛思紅

顏日霜露凍堦闥胡馬挾彫弓鳴弦不虛發長鉞

音北及狡兔突羽當滿月惆悵白頭吟蕭條遊俠

窟臨軒望山閣縹緲安可越高人鍊丹砂未念將

朽骨少壯跡頗踈歡樂曾倏忽杖藜風塵際老醜

難翦拂吾子得神仙本是池中物賤夫美一睡煩

詩紀

盛唐卷之六十九

十四

促嬰詞筆

聶耒陽以僕阻水書致酒肉療饑荒江詩

得代懷興盡本韻至縣呈聶令陸路去方

田驛四十里舟行一日時屬江漲泊于方

山

耒陽馳尺素見訪荒江渺義士烈女家風流吾賢

紹昨見狄相孫許公人倫表前期翰林後屈跡縣

邑小知我礙湍濤半旬獲浩漾麾下殺元戎湖邊

有飛旄孤舟增鬱鬱僻路殊悄悄側驚猿狖捷仰

羨鶴鶴矯禮過宰肥羊愁當置清醪人非西喻蜀

興在北坑趙方行柳岸靜未話長沙擾崔師乞已

至漣卒用矜少問罪消息真開顏憩亭沼

覽柏中丞兼子姪數人除官制詞因述父

子兄弟四美載歌絲綸黃鶴曰柏貞簡爲夔州都督崔肝反

與柏茂林兄弟同起兵討平之故是詩美其一家功名之盛

紛然喪亂際見此忠孝門蜀中寇亦甚柏氏功彌

存深誠補王室戮力見元昆三止錦江沸獨清玉

壘賢高名人竹帛新渥照乾坤子弟先卒伍芝蘭

詩紀

盛唐卷之六十九

十五

疊瑱璠同心注師律灑血在戎軒絲綸實具載紱

冕已殊恩奉公舉骨肉誅叛經寒溫金甲雪猶凍

朱旗塵不翻每聞戰場說歛激懦氣奔聖主國多

盜賢臣官則尊方當節鉞用必絕褻衿根吾病日

回首雲臺誰再論作歌挹盛事推轂期孤騫

盛唐六十九



盛唐第七十

唐詩紀一百三十

鄧郡吳中珩彙編

東吳陸文組同校

杜甫

五言古詩

贈李白

二年客東都所歷厭機巧野人對羶腥蔬食常不飽豈無青精飯使我顏色好苦乏大藥資山林跡如掃李侯金閨彦一作深脫身事幽討亦有梁宋遊

詩紀

盛唐卷之三十

方期拾瑤草

奉贈韋左丞丈二十二韻

純袴不餓死儒冠多誤身丈人試靜聽賤子請具陳甫昔少年日早充觀國賓讀書破萬卷下筆如有神賦料揚雄敵詩看子建親李邕求識面王翰願卜鄰自謂頗挺出立登要路津致君堯舜上再使風俗淳此意竟蕭條行歌非隱淪騎驢三十載旅食一作客京華春朝扣富兒門暮隨肥馬塵殘杯與冷炙到處潛悲辛主上瑱見徵歛然欲求伸青

冥却垂翅踳踳無縱鱗甚媿丈人厚甚知丈人直每於百寮上猥誦佳句新竊效貢公喜難甘原憲貧焉能心快快祇是走踳踳今欲東入海即將西去秦尚憐終南山回首清渭濱常擬報一飯况懷辭大臣白鷗沒一作皮浩蕩萬里誰能馴

戲贈鄭廣文虔兼呈蘇司業源明

廣文到官舍繫馬堂階下醉即一作騎馬歸頗遭

官長罵才名三十年坐客寒無氈賴一作有蘇司

業時時與酒錢

詩紀

盛唐卷之三十

贈衛八處士

人生不相見動如參與商今夕復何夕共此燈燭光少壯能幾時鬢髮各已蒼訪舊半為鬼驚呼熱中腸焉知二十載重上君子堂昔別君未婚兒女一作忽成行怡然敬父執問我來何方問答未及已一作未已兒女一作羅酒漿夜雨剪春韭新炊間黃粱主稱會面難一舉累十觴十觴亦不醉感子故意長明日隔山嶽世事兩茫茫

贈蜀僧闍丘師兄

自月六人常

大師銅梁秀籍籍名家孫嗚呼先博士炳靈精氣  
奔惟昔武皇后臨軒御乾坤多士盡儒冠客藹  
雲屯當時上紫殿不獨卿相尊世傳閭丘筆峻極  
逾崑崙鳳藏丹霄暮龍去白水渾青熒雪嶺東碑  
碣舊制存斯文散都邑高價越璵璠晚看作者意  
妙絕與誰論吾祖詩冠古同年蒙主恩豫章夾日  
月歲久空深根小子思踈濶豈能達詞門窮愁一  
揮淚相遇卽諸昆我住錦官城兄居祗樹園地近  
慰旅愁往來當丘樊天涯歌滯雨秔稻臥不翻漂

詩紀

盛唐卷之七十

三

然薄遊倦始與道侶

敦景晏步脩廊而無車

馬喧夜闌接軟語落月如金盆漠漠世界黑驅驅  
爭奪繁惟有摩尼珠可照濁水源

奉贈射洪李四丈

丈人屋上烏人好烏亦好人生意氣豁不在相逢  
早南京亂初定所向色枯槁遊子無根株茅齋付  
秋草東征下月峽挂席窮海島萬里須十金妻孥  
未相保蒼忙風塵際蹭蹬騏驎老志士懷感傷心  
曾已傾倒

贈鄭十八賁

溫溫士君子令我懷抱盡靈芝冠衆芳安得闕親  
近遭亂意不歸竄身跡非隱細人尚姑息吾子色  
愈謹高懷見物理識者安肯哂卑飛欲何待捷徑  
應未忍示我百篇文詩家一標準羈離交屈宋牢  
落直顏閔水陸迷畏途藥餌駐脩軫古人日已遠  
青史字不泯步趾詠唐虞追隨飯葵藿數杯資好  
事異味煩縣尹心雖在朝謁力與願矛盾抱病排  
金門衰容豈爲敏

詩紀

盛唐卷之七十

四

贈崔十三評事公輔

飄飄一作西極馬來自渥洼池颯颯一作定寒桂低徊風雨枝我聞龍正直道屈爾何爲且有元  
戎命悲歌識者誰官聯辭冗長行路洗歎危脫  
劔主人贈去帆春色隨陰沈鐵鳳闕教練羽林兒  
天子朝侵早雲臺仗數移分軍應供給百姓日支  
離黠吏因封已公才或守一作王買駿骨渭老得  
熊羆活國名公在拜壇羣寇疑冰壺動瑤碧野水  
失蛟螭入幕諸彥聚一作集渴賢高選宜騫騰坐可

珍九萬起於斯復進出尋戟昭然開鼎彝會看一  
子貴歎及老夫衰豈但江曾決還思霧一披暗塵  
生古鏡拂匣照西施舅氏多人物無慙困翮垂

贈蘇侯

異縣昔同遊各云厭轉蓬別離已五年尚在行李  
中戎馬日衰息乘輿安九重有才何棲棲將老委  
所窮爲郎未爲賤其奈疾病攻子何面黧黑焉得  
豁心胃巴蜀倦剗劫下愚成土風幽薊已削平荒  
微尚彎弓斯人脫身來豈非吾道東乾坤雖寬大  
詩紀 盛唐卷之七十 五  
所適裝囊空肉食晒菜色少壯欺老翁况乃主客  
間古來偏側同君今下荆楊獨帆如飛鴻二州豪  
俠場人馬皆自雄一請甘饑寒再請甘養蒙

奉贈李八丈曠判官

我丈時英特宗枝神堯後珊瑚市則無駭驥人得  
有早年見標格秀氣衝星斗事業富清機官曹貞  
獨守頃來樹嘉政皆已傳衆口艱難體貴安  
冗長聲吾敢取區區猶歷試炯炯更持久討論實  
解願操割紛應手篋書積諷試諫官闕限奔走

入幕未展材秉鈞孰爲偶所親問淹泊汎愛惜衰  
朽垂白辭南翁委身希北叟真成窮輟鮒或似喪  
家狗秋枯洞庭石風颯長沙柳高興激荆衡知音  
爲回首

戲贈友二首

八年建已月郎有焦校書自誇足膂力能駟生馬  
駒一朝被馬踏唇裂板齒無壯心不肯已欲得東  
擒胡

元年建已月官有王司直馬驚折左臂骨折面如  
詩紀 盛唐卷之七十 六  
墨鴛駘漫深一作泥何不避雨色勸君休歎恨未  
必不爲福

苦雨奉寄隴西公兼呈王徵士自注云隴西公即漢

中王瑀王徵士瑒瑒王徵

今秋乃淫雨仲月來寒風羣木水光下萬家雲氣  
中所思礙行潦九重信不通悄悄素滄路迢迢天  
漢東願騰六尺馬一作駒背若孤征鴻劃見公子面  
超然歡笑同奮飛旣胡越局促傷樊籠一飯四五  
起憑軒心力窮嘉蔬沒溷濁時菊碎榛叢鷹隼亦

屈猛鳥爲何所蒙式瞻北鄰居取適南巷翁挂席  
釣川漲焉知清興終

九日寄岑參

出門復入門雨脚但如舊所向泥活活思君令人  
瘦沈吟坐西

一作秋

軒飲食錯昏晝寸步曲江頭難

爲一相就吁嗟乎蒼生稼穡不可救安得誅雲師  
疇能補天漏大明韜日月曠野號禽獸君子強逶  
迤小人困馳驟維南有崇山恐與川浸溜是節東  
籬菊紛披爲誰秀岑生多新詩

一作語

性亦嗜醇酎

詩紀

盛唐卷之七十

七

采采黃金花何由滿衣袖

寄贊上人

一昨陪錫杖卜鄰南山幽年侵腰脚衰未便陰崖  
秋重岡北面起竟日陽光留茅屋買兼土斯焉心  
所求近聞西枝西有谷杉漆稠亭午頗和煖沙

一作

田又足收當期塞

一作寒

雨乾宿昔齒疾瘳徘徊

虎穴上面勢龍泓頭柴荆具茶茗逕路通林丘與  
子成二老來往亦風流

寄薛三郎中據

人生無賢愚飄飄若埃塵自非得神仙誰免危其

身與子俱白頭役役常苦辛雖爲尚書郎不及村

野人憶昔村野人其樂難具陳藹藹桑麻交公侯

爲等倫天未厭戎馬我輩本常貧子尚客荊州我

亦滯江濱峽中一臥病瘡痂終冬春春復加肺氣

此病蓋有因早歲與蘇鄭痛飲情相親二公化爲

土嗜酒不失真余今委脩短豈得恨命屯聞子心

甚壯所過信席珍上馬不用扶每扶必怒嗔賦詩

賓客間揮灑動八垠乃知蓋代手才力老益神青

詩紀

盛唐卷之七十

八

草洞庭湖東浮滄海濤君山可避暑况足采白蘋

子豈無扁舟往復江漢津我未下瞿塘空念禹功

勤聽說松門峽吐藥攬衣巾高秋却束帶鼓枻視

清旻鳳池日澄碧濟濟多士新余病不能起健者

勿逡巡上有明哲君下有行化臣

敬寄族弟唐十八使君

按唐詩集卷之八

氏至周爲唐杜氏

與君陶唐後盛族多其人聖賢冠史籍枝派羅源

津在今氣

一作最

磊落巧僞莫敢親介立實吾弟濟



時肯殺身物白諱受玷行高無污真得罪永泰末  
放之五谿濱鸞鳳有鍛翮先儒曾抱麟雷霆霹長  
松骨大却生筋一失不足傷念子孰自珍泊舟楚  
宮岸戀闕浩酸辛除名配清江厥土巫峽鄰登陸  
將首途筆札枉所申歸期跼病肺敘舊思重陳春  
風洪濤壯谷轉頗彌旬我能汎中流塘突鼉獺噴  
長年以省施慰此貞良臣

毒熱寄簡崔評事十六弟

大火<sup>二</sup>運金氣荆揚不知秋林下有場翼水中

詩紀

盛唐卷之七十

九

無行舟千室但掃地閉門<sup>一作</sup>人事休老夫轉不

樂旅次兼百憂蝮蛇暮偃蹇空牀難暗投炎宵惡

明燭况乃懷舊丘開襟仰內弟執熱露白頭束帶

負芒刺接居成阻脩何當清霜飛會子臨江樓載

聞大易義諷詠詩家流蘊藉<sup>一作</sup>異時輩檢身非

苟求皇皇使臣體信是德業優楚材擇杞梓漢苑

歸驂驅短章達我心理為識者籌

有懷台州鄭十八司戶虔

自注云虔時坐  
貶台州司戶

天台隔三江風浪無晨暮鄭公縱得歸老病不識

路昔如水上鷗今若<sup>一作</sup>冑中免性命由他人悲

辛但狂顧山鬼獨一脚蝮蛇長如樹呼號傍孤城

歲月誰與度從來禦魑魅多為才名誤夫子稽阮

流更被時俗惡海隅微小吏眼暗髮垂素黃帽映

青袍非供折腰具平生一杯酒見我故人

遇相望無所成乾坤莽迴互

暫如臨邑至嵒山湖亭奉懷李員外率爾

成興

野亭逼湖水歇馬高林間鼉吼風奔<sup>一作</sup>浪魚跳

詩紀

盛唐卷之七十

十

日映山暫遊阻詞伯却望懷青關靄靄生雲霧唯

應促駕還

宿青谿驛奉懷張員外十五兄之緒<sup>一作</sup>驛在

嘉州捷  
為縣

漾舟千山內日入泊荒<sup>一作</sup>渚我生本飄飄今復

在何許石根青楓林猿鳥聚儔侶月明遊子靜畏

虎不得語中夜懷友朋乾坤此深阻浩蕩前後間

佳期付荆楚

水閣朝霽奉簡雲安嚴明府



東城抱春岑江閣鄰石面崔嵬晨雲白朝旭一作  
射芳甸雨檻臥花叢風牀展書卷鈎簾宿鷺起九  
藥流鶯囀呼婢取酒壺續兒誦文選晚交嚴明府  
矧此數相見

貽華陽柳少府

繫馬喬木間問人野寺門柳侯披衣笑見我顏色  
溫並坐石堂下俛視大江奔火雲洗月露絕壁上  
朝暾自非曉相訪觸熱生病根南方六七月出入  
異中原老少多喝死汗踰水漿翻俊才得之子筋

詩紀

盛唐卷之七十

十一

力不辭煩指揮當世事語及戎馬存涕淚濺我裳  
悲氣一作風排帝閭鬱陶抱長策義仗知者論吾衰

卧江漢但媿識璵璠文章一小伎於道未爲尊起

予幸斑白因是託子孫俱客古信州夔州在梁爲信州結

廬依毀垣相去四五里徑微山葉繁時危挹佳士  
况免軍旅喧醉從趙女舞歌鼓秦人盆子壯顧我  
傷我驩兼淚痕餘生如過一作過鳥故里今空村

貽阮隱君助

陳留風俗衰人物世不數塞上得阮生迴繼先父

祖貧知靜者性自益毛髮古車馬入鄰家蓬蒿翳  
環堵清詩近道要識字一作子用心苦尋我草逕微  
褰裳踏寒雨更議居遠林一作村避喧甘猛虎足明  
箕穎客榮貴如糞土

示從孫濟

平明跨驢出未知適誰門權門多蹲沓且復尋諸  
孫諸孫貧無事宅舍如荒村堂前自生竹堂後自  
生萱萱草秋已死竹枝霜不蕃一作翻淘米少汲水  
汲多井水渾刈葵莫放手放手傷葵根阿翁懶情

詩紀

盛唐卷之七十

十二

一作墮久覺兒行步奔所來爲宗族亦不爲盤餐小  
人利口實薄俗難具論勿受外嫌猜同姓古所敦

夢李白二首

死別已吞聲生別常惻惻江南瘴癘地逐客無消  
息故人入我夢明我長相憶恐非平生魂路遠一作迷  
不可測魂來楓林青魂返關塞黑君今在羅網  
何以有羽翼落月滿屋梁猶疑照顏色水深波浪  
濶無使蛟龍得

浮雲終日行遊子久不至三夜頻夢君情親見君

意告歸常局促苦道來不易江湖多風波舟楫恐  
失墜出門搔白首苦負平生志冠蓋滿京華斯人  
獨顛顛孰云網恢恢將老身反累千秋萬歲名寂  
寞身後事

得舍弟消息

風吹紫荆樹色與春庭暮花落辭故枝風回反無  
處骨肉恩書重漂泊難相遇猶有淚成河經天復  
東注

奉酬薛十二丈判官見贈

詩紀

盛唐卷之七十

十一

忽忽峽中睡悲風方一醒西來有好鳥爲我下青  
冥羽毛淨白雪慘淡飛雲汀既蒙主人顧舉翮唳  
孤亭持以比佳士及此慰揚舲清文動哀玉見道  
發新硎欲學鴟夷子待勒燕山銘誰重斬郢舊本作蛇  
一作云官劒致君君未聽志在麒麟閣無心雲母屏  
卓氏近新寡豪家朱門扃相如才調逸銀漢會雙  
星客來洗粉黛日暮拾流螢不是無膏火勸郎勤  
六經老夫自汲澗野水日泠泠我歎黑頭白君看  
銀印青臥病識山鬼爲農知地形誰矜坐錦帳苦

厭食魚腥東南兩岸圻橫水注滄溟碧色忽惆悵  
風雷搜百靈空中右白虎赤節引娉婷自云帝里  
一作女嘆雨鳳凰翎襄王薄行跡莫學冷如丁千  
秋一拭淚夢覺有餘馨人生相感動金石兩青瑩  
丈人但安坐休辨渭與涇龍蛇尚格鬪洒血暗郊  
坰吾聞聰明主治國用輕刑消兵鑄農器今古歲  
方寧文王日儉德俊乂始盈庭榮華貴少壯豈食  
楚江萍

同元使君春陵行

并序

詩紀

盛唐卷之七十

十四

覽道州元使君結春陵行兼賊退後示官吏作  
二首志之曰當天子分憂之地效漢官良吏之  
日今盜賊未息知民疾苦得結輩十數公落落  
然宋本無然字參錯天下爲邦伯萬物吐氣天下少  
安可待矣不意復見此與體制微婉頓挫之詞  
感而有詩增諸卷軸簡知我者不必寄元也  
遭亂髮盡白轉衰病相嬰沈縣盜賊際狼狽江漢  
行歎時藥力薄爲客羸瘵成吾人詩家秀博采世  
上名粲粲元道州前聖畏後生觀乎春陵作歛見

慘哲情復覽賊退篇結也實國楨賈誼昔流勳匡  
衡常引經道州憂黎庶詞氣浩縱橫兩章對秋月  
一字皆華星致君唐虞際純朴憶大庭何時降璽  
書用爾爲丹青獄訟永一作久衰息豈惟偃甲兵悽  
惻念誅求薄歛近休明乃知正人意不苟飛長纓  
涼飈振南岳之子寵若驚色沮金印大興含滄溟  
浪清我多長卿病日夕思朝廷肺枯渴太甚漂  
泊公孫城呼兒具紙筆隱几臨軒楹作詩呻吟內  
墨淡字欹傾感彼危苦詞庶幾知者聽

詩紀

盛唐卷之七十

五

太子張舍人遺織成褥段

客從西北來遺我翠一作細織成開絨風濤湧中有  
掉尾鯨逶迤羅水族瑣細不足名客云充君褥承  
君終宴榮空堂魑魅走高枕形神清領客珍重意  
顧我非公卿留之懼不祥施之混柴荆服飾定尊  
卑大哉萬古程今我一賤老短褐更無管煌煌珠  
官物寢處禍所嬰歎息當路子干戈尚縱橫掌握  
有權柄衣馬自肥輕李鼎死岐陽實以驕貴盈來  
璵賜自盡氣豪直阻兵皆一作昔聞黃金多坐見悔

客生奈何田舍翁受此厚貺情錦鯨卷還客如覺  
心和平振我麤席塵媿客茹藜羹

詩紀

盛唐卷之七十

六

盛唐第七十

盛唐第七十一

唐詩紀一百三十一

鄆郡吳中珩彙編

東吳陸文組同校

杜甫

五言古詩三

送高三十五書記十五韻

高適客河西哥舒翰表為掌書

崆峒小麥熟且願休王師請公問主將焉用窮荒

為饑鷹未飽肉側翅隨人飛高生跨鞍馬有似并

詩紀

盛唐卷之七十一

州兒

一作幽

脫身簿尉中始與筆楚辭借問今何

官觸熱向武威蒼云一書記所媿國士知人實不

易知更須慎其儀十年出幕府自可持旌麾此行

既特達足以慰所思男兒功名遂亦在老大時常

恨結歡淺各在天一涯又如參與商慘慘中腸悲

驚風吹鴻鵠不得相追隨黃塵翳沙漠

念子何時

一作歸

歸邊城有餘力早寄從軍詩

送率府程錄事還鄉

自注云程攜酒饌相別

鄙夫行衰謝抱病昏妄集常時往還人記一不識

十程侯晚相遇與語才傑立薰然耳目開頗覺聰  
明入千載得鮑叔未契有所及意鍾老柏青義動  
脩蛇螫若人可數見慰我垂白泣告一作別無淹  
晷百憂復相襲內愧突不黔庶羞以調給素綵挈  
長魚碧酒隨玉粒途窮見交態世梗悲路澀東風  
吹春水決莽后土濕念君惜羽翮既醉更思戢莫  
作翻雲鵬聞呼向禽急

送長孫九侍御赴武威判官

驄馬新鑿蹄銀鞍被來好繡衣黃白郎騎向交河

詩紀

盛唐卷之七十一

道聞君適萬里取別何草草天子憂涼州嚴程到

須早去秋羣胡反不得無電掃此行牧遺昨風俗

還再這族父領元戎名聲國一作中老奪我同官

良飄飄按城堡使我不能餐令我惡懷抱若人才

思濶溟漲漫一作絕島樽前失詩流塞上得一作多

國寶皇天悲送遠一作浩浩東郊尚烽火朝野

色枯槁西極柱亦傾如何止穹昊

送樊二十三侍御洪中判官

威弧不能弦自爾無寧歲川谷血橫流豺狼沸相



噬天子從北來長驅振凋弊頓兵岐梁下却跨沙

漢一作喬二京陷未收四極我得制蕭索一作漢

水清緬通淮湖稅使者紛星散王綱尚旒綴南伯

從事賢君行立談際坐知七曜曆手畫三軍勢冰

雪淨認明雷霆走精銳幕府輟諫官朝廷無此例

至尊方旰食仗爾布嘉惠補闕暮徵入柱史晨征

憩正當艱難時實藉長久計回風吹獨樹白日照

執袂慟哭蒼煙根山門萬里閉居人莽牢落遊子

方迢遞徘徊悲生離局促老一世陶唐歌遺民後

詩紀  
盛唐卷之七十一  
三

漢更列帝恨無匡復資聊欲從此逝

### 送從弟亞赴安西判官

南風作秋聲殺氣薄炎熾盛夏鷹隼擊時危異人

至今第草中來蒼然請論事詔書引上殿奮舌動

天意兵法五十家爾腹爲篋笥應對如轉丸疎通

畧文字經綸皆新語足以正神器宗廟尚爲灰君

臣俱下淚崆峒地無軸青海天軒輊西極最瘡痍

連山暗烽燧帝曰大布衣藉卿佐元帥坐看清流

沙所以子奉使歸當在一作前席適遠非歷一作虛

存武威郡爲畫一作長久利孤峰石戴驛快

馬金纏轡黃羊飫不羶蘆酒多還醉踴躍常人情

慘澹苦士志安邊敵何有反正計始遂吾聞駕鼓

車不合用騏驎龍吟迴其頭夾輔待所致

### 送韋十六評事充同谷郡防禦判官

昔沒賊中時潛與子同遊今歸行在所王事有去

留偏側兵馬間王憂急良籌子雖軀幹小志一作

氣橫九州挺身艱難際張目視寇讎朝廷壯其節

奉詔令參謀鑾輿駐鳳翔同谷爲咽喉西阨弱水

詩紀  
盛唐卷之七十一  
四

道南鎮枹罕陬此邦承平日剽劫吏所羞況乃胡

未滅控帶莽悠悠府中韋使君道足示懷柔令姪

才俊茂二美又何求受詞太白脚走馬仇池頭古

色沙土裂積雪陰雲稠一作羌父豪猪靴羌

兒青兕裘吹角向月窟蒼山旌旆愁鳥驚出死樹

龍怒拔老湫古來無人境今代橫戈矛傷哉文儒

士憤激馳林丘中原正格鬪後會何緣由百年賦

命定豈料沈與浮且復戀良友握手步道周論兵

遠壑淨亦可縱冥搜題詩得秀句札翰時相投



送李校書二十六韻

代北有豪鷹生子毛盡赤渥洼驥兒尤異是

龍春李舟名父子清峻流輩伯人問好妙年不

必須白皙十五富文史十八足賓客十九授校書

二十聲輝赫衆中每一見使我潛動魄自恐二男

兒辛勤養無益乾元元年春萬姓始安宅舟也衣

綵衣告我欲遠適倚門固有望歛衽就行役南登

吟白華已見楚山碧藹藹咸陽都冠蓋日雲積

何時太夫人堂上會親戚汝翁草明光天子

詩紀

盛唐卷之七十一

五

正前席歸期豈汗漫別意終感激顧我蓬屋姿謬

通金閨籍小來習性嬾晚節慵轉劇每愁悔

各作如覺天地窄美君齒髮新行已能夕惕臨岐

意頗切對酒不能喫回身視綠野慘淡如荒澤老

鴈忍春饑哀號待枯麥時哉高飛燕絢練新羽翮

長雲濕裊斜漢水饒巨石無令軒車遲衰疾悲宿

昔

陪章留後惠義寺餞嘉州崔都督赴州

中軍待上客令肅事有恒前驅入寶地祖帳飄金

經南陌旣留歡茲山亦深登清聞樹杪磬遠謁雲

端僧廻策匪新岸所攀仍舊藤耳激洞門颺目存

寒谷氷出塵悶軌躅畢景遺炎蒸永願坐長夏將

衰棲大乘羈旅惜宴會艱難懷友朋勞生共幾何

離恨兼相仍

送韋諷上閬州錄事參軍

國步猶艱難兵革未衰息萬方哀嗷嗷十載供軍

食庶官務割剝不暇憂反側誅求何多門賢者貴

爲德草生富春秋洞徹有清識操持紀綱地喜見

詩紀

盛唐卷之七十一

六

朱絲直當令豪奪吏自此無顏色必苦救瘡痍先

應去蠹賊揮淚臨大江高天意悽惻行行樹佳政

慰我深相憶

閬州東樓筵奉送十一舅往青城縣

層城有高樓制古丹牖存迢迢百餘尺豁達開四

門雖有車馬客而無人世誼遊目俯大江列筵慰

別魂是時秋冬交節往顏色昏六寒鳥獸伏霜露

在草根今我送舅氏萬感集清樽豈伊山川間回

首盜賊繁高賢意不暇王命久崩奔臨風欲慟哭

聲出已復吞

送殿中楊監赴蜀見相公

去水絕還波洩雲無定姿人生在世間聚散亦暫

時離別重相逢偶然豈足一作期送子清秋暮風

動長年悲豪俊貴勲業邦家頻出師相公鎮梁益

軍事無子遺解榻再見今用才復擇誰況子已高

位爲郡得固辭難拒供給費慎哀漁奪私干戈未

甚息紀綱正所持汎舟巨石橫登陸草露滋山門

日易久當念居者思

詩紀

盛唐卷之七十一

七

送高司直尋封閬州

丹雀銜書來暮棲何鄉樹驂驪事天子辛苦在道

路司直非冗官荒山甚無趣借問汎舟人胡爲入

雲霧與子姻婭間既親亦有故萬里長江邊邂逅

一相遇長卿消渴再公幹沈綿屢清談慰老夫開

卷得佳句時見文章士欣然淡一作情素伏枕聞

別離疇能忍漂寓良會苦短促谿行水奔注熊羆

咆空林游子慎馳驚西謁巴中侯艱難如跬步主

人不世才先帝常特顧拔爲天軍佐崇大王法度

淮海生清風南翁尚思慕公宮造廣厦木石乃無

數初聞伐松柏猶臥天一柱我瘦一作病書不成成

字讀亦誤爲我問故人勞心練征戍

湘江宴饌裴二端公赴道州

白日照舟師朱旗散廣川羣公饒南伯肅肅秩初

筵鄙人奉末眷佩服自早年義均骨肉地懷抱聲

所宣盛名富事業無取愧高賢不以喪亂嬰保愛

金石堅計拙百寮下氣蘇君子前會合苦不久哀

樂本相纏交遊颯向盡宿昔浩茫然促觴激萬

詩紀

盛唐卷之七十一

八

慮掩抑淚潺湲熱雲集曛黑缺月未生天白團

爲我破華燭蟠長煙鵲鴉上音切下音切催明星解袂

從此旋上請減兵甲下請安井田永念病渴老附

書遠山巔

奉送魏六丈佑少府之交廣

賢豪贊經綸功成名空垂一作名垂子孫不振耀歷

代皆有之鄭公四葉孫長大常苦饑衆中見毛骨

猶是麒麟兒磊落貞觀事致君樸直詞家聲益六

合行色何其微遇我蒼梧野一作陰忽驚會面稀議

論有餘地公侯來未遲虛思黃金貴自笑青雲期

長卿久病渴一作病武帝元同時季子黑貂弊得

無妻嫂欺尚為諸侯客獨屈州縣卑南遊炎海甸

浩蕩從此辭窮途仗神道世亂輕土宜解帆歲云

暮可與春風歸出入朱門家華屋刻蛟螭玉食亞

王者樂張游子悲侍婢艷傾城綃綺輕霧霏掌中

琥珀鍾行酒雙逶迤新歡繼明燭梁棟星辰飛兩

情顧兩合珠碧贈於斯上貴見肝膽下貴不相疑

心事披寫間氣酣達所為錯揮鐵如意莫避珊瑚

詩紀  
盛唐卷之七十一  
九

枝始兼逸邁興終慎賓王儀戎馬聞天宇嗚呼生

別離

送重表姪王珣評事使南海外自義與深

我之曾老姑爾之高祖母爾祖未顯時歸為尚書

婦隋朝大業末房杜俱交友長者來在門荒年自

餬口家貧無供給客位但箕帚俄頃羞頗珍寂寥

人散後入恠鬢髮空吁嗟為之久自陳翦髻髮驚

市充杯酒上云天下亂宜與英俊厚向竊窺數公

經綸亦俱有次問最少年虬髯十八九子等成大

名皆因此人手下云風雲合龍虎一吟吼願展丈

夫雄得辭男女醜秦王時在坐真氣驚戶牖及乎

貞觀初尚書踐台斗夫人常肩輿上殿稱萬歲六

宮師柔順法則化妃后至尊均嫂叔成事垂不朽

鳳雛無凡毛五色非爾曹住者胡作逆乾坤涕敬

嗽吾客在馮翊爾家同遁逃爭奪至徒步塊獨委

蓬蒿逗逼熱爾腸十里却呼號自下所騎馬右持

腰間刀左牽紫遊韁飛走使我高苟活到今日寸

心銘珮牢亂離又聚散宿昔限滔滔水花笑白首

詩紀  
盛唐卷之七十一  
十

春草隨青袍廷評近要津節制收英髦北驅漢陽

傳南汎上瀧舸家聲肯墜地利器當秋毫番禺親

賢領籌運神功操大夫出盧宋寶貝休脂膏洞主

降接武海胡舶千艘我欲就丹砂跋涉覺身勞安

能陷糞土有志乘鯨鰲或駭鸞騰天聊作鶴鳴臯

送顧八分文學適洪吉州

中郎石經後八分蓋憔悴顧侯運鑪錘筆力破餘

地昔在開元中韓蔡同鼎臚韓蔡同鼎臚音備

玄宗妙其書是以數子至御札早流傳掄

揚非造次

自注云明皇師韓擇木嘗於彩牋上八分書賜張說

三人並入直

恩澤各不二顧於韓蔡內辨眼工小字分日示諸

王鉤深法更秘文學與我遊蕭疎外聲利追隨二

十載浩蕩長安醉高歌卿相宅文翰飛省寺視我

揚馬問白首不相棄驂騑入窮巷必脫黃金轡一

論朋友難遲暮敢失墜古來事反覆相見橫涕泗

嚮者玉珂人誰是青雲器才盡傷形體病渴汚官

位故舊獨依然危時一作特危話顛躓我甘多病老子

負憂世志胡爲困衣食顏色少稱遂遠作辛苦行

詩紀

盛唐卷之十一

十二

順從衆多意舟楫無根蒂蛟鼉好爲祟况兼水賊

繁特戒風颺駛崩騰戎馬際往往殺長史宋本無以上二

子干東諸侯勤勉防縱恣邦以民爲本魚鱗費

香餌請哀瘡瘼深告訴皇華使使臣精所擇進德

知歷試惻隱誅求情固應賢愚異烈士惡苟得俊

傑思自致贈子猛虎行出郊載酸鼻

贈李十五丈別

峽人鳥獸居其石附層巔下臨不測江中有萬里  
船多疾一作病紛倚薄少畱改歲年絕域誰慰懷開

顏喜名賢孤陋添末戚等級敢比肩人生意氣一

合相與襟袂連一日兩遣僕一作遣僕三日一共

筵一作筵揚論展寸心壯筆過飛泉玄成美價存

子山舊業傳不聞八尺軀常愛衆目憐吾爲辛苦

行一作行蓋彼生事牽北迴白帝棹南入黔陽

天汧公制方隅自注云汧公李公也迴出諸侯先封

內如太古時危獨蕭然清高金莖露正直朱絲絃

昔在堯四岳今之黃潁川于邁恨不同所思無由

宣山深水增波解榻秋露縣客遊雖云久亦思月

詩紀

盛唐卷之十一

十二

再圓晨集風渚亭醉操雲嶠篇丈夫貴知己歡罷

念歸旋

贈別賀蘭鈞

黃雀飽野栗羣飛動荆榛今君一作君抱何恨寂寞

向時人老驥倦驤首蒼鷹愁易馴高賢世未識固

合嬰饑貧國步初返正乾坤尚風塵悲歌鬢髮白

別自古鼻酸辛

遠赴湘吳春我戀岷下芋君思千里尊生離與死  
別自古鼻酸辛

別蔡十四著作

自注云永泰元年成都尹



卷之七十一

生慟哭後寥落無其人安知蔡夫子高義邁等  
倫獻書謁皇帝志已清風塵流涕灑丹極萬乘爲  
酸辛天地則瘡痍朝廷多正臣異才復問出周道  
日惟新使蜀見知己別顏始一伸主人薨城府扶  
親歸咸秦巴道此相逢會我病江濱憶念鳳翔都  
衆散臥十春我衰不足道但願子意陳稍令社稷  
安自契魚水親我雖消渴甚敢忘帝力勤尚思未  
朽骨復親耕桑民積水駕三峽浮龍倚長津揚舲  
詩紀 盛唐卷之七十一 三

別贊上人

百川日東流客去亦不息我生苦漂蕩何時有終  
極贊公釋門老放逐來上國還爲世塵嬰頗帶憔悴  
色楊枝晨在手豆子雨已熟是身如浮雲  
安可限南北異縣逢舊友初欣寫胸臆天長關塞  
寒歲暮饑凍逼野風吹征衣欲別向曉黑馬嘶思

故樞歸鳥盡歛翼古來聚散地宿昔長荆棘相看  
俱衰年出處各努力

別唐十五誠因寄禮部賈侍郎

九載一相逢百年能幾何復爲萬里別送子山之  
阿白鶴久同林潛魚本同河未知棲集期衰老強  
高歌歌罷兩悽惻六龍勿忽蹉跎相視髮皓白  
况難駐羲和胡星墜燕地漢將仍橫戈蕭條四海  
內人少豺虎多少人慎莫投多虎信所過饑有易  
子食獸猶畏虞羅子負經濟才天門鬱嵯峨飄飄  
詩紀 盛唐卷之七十一 十四

別李義

神堯十八子十七王其門道國及一作舒國道王  
俱舒王元名實惟親弟昆中外貴賤殊余亦忝諸孫  
丈人嗣王業之子白玉溫道國繼德業請從丈人  
論丈人領宗卿肅穆古制敦先朝納諫諍直氣橫  
乾坤子建文章北河間經術存溫克富詩禮骨清



慮不喧洗然遇知已談論淮湖奔憶昔初見時  
襦繡芳蓀長成忽會面慰我久病魂三峽春冬交  
江山雲霧昏正宜且聚集恨此當離樽莫恠執杯  
遲我衰涕唾煩重問子何之西上岷江源願子少  
干謁蜀都足戎軒誤失將帥意不如親故恩少年  
早歸來梅花已飛翻努力慎風水豈惟數盤餐猛  
虎臥在岸蛟螭出無痕王子自愛惜老夫困石根  
生別古所嗟發聲爲爾吞

別張十三建封湖南觀察使韋之晉辟參

詩紀

盛唐卷之七十一

五

謀

按張建封傳建封  
劉文靜外曾孫也

嘗讀唐實錄國家草昧初劉裴首建議龍見尚躊  
躇秦王撥亂姿一劔總兵符汾晉爲豐沛暴隋竟  
滌除宗臣則廟食後嗣一作何疎蕪彭城英雄種  
宜膺將相圖爾惟外曾孫倜儻汗血駒眼中萬少  
年用意盡崎嶇相逢長沙亭乍問緒業餘乃吾故  
人子童卯聯居諸揮手灑衰淚仰看八尺軀內外  
名家流風神蕩江湖范雲堪結交一作稽紹自不  
孤擇材征南幕湖落回鯨魚載感賈生慟復聞樂

教書主憂急盜賊師老荒京都舊丘復稅駕大厦  
傾宜扶君臣各有分管葛本時須雖當霰雪嚴未  
覺枯柏枯高義在雲臺嘶鳴望天衢羽人掃碧海  
功業竟何如

別董頴

窮冬急風水逆浪開帆難士子甘旨闕不知道里  
寒有求彼樂土南適小長安別我舟楫去覺君衣  
裳單素聞趙公節兼盡賓主歡已結門廬望無令  
霜雪殘老夫亦解纜一作解纜脫粟朝未餐飄蕩兵

詩紀

盛唐卷之七十一

六

甲際幾時懷抱寬漢陽頗寧靜峴首試考槃當念  
著皂白一作帽采薇青雲端

將適吳楚留別章使君留後兼幕府諸公

得柳字

我來入蜀門歲月亦已久豈惟長兒童自覺成老  
醜常恐性坦率失身爲杯酒近辭痛飲徒折節萬  
夫後昔如縱壑魚今如喪家狗旣無遠方戀行止  
復何有相逢半新故取別隨薄厚不意青草湖扁  
舟落吾手眷眷章梓州開筵俯高柳樓前出騎馬

帳下羅賓友健兒簸紅旗此樂幾一作難朽日車  
隱崑崙鳥雀噪戶牖波濤未足畏三峽徒雷吼所  
憂盜賊多重見衣冠走中原消息斷黃屋今安否  
終作適荆蠻安排用莊叟隨雲拜東皇挂席上南  
斗有使即寄書無使長回首

詩紀

盛唐卷之七十一

七

盛唐第七十一

盛唐第七十二

唐詩紀一百三十二

鄆郡吳中珩彙編

東吳陸文組同校

杜甫

王言古詩

陪李北海宴歷下亭

自注云時邑人  
蹇處士等在此

東藩駐皂蓋北渚凌清河海右此亭古濟南名士  
多雲山已發興玉珮仍當歌脩竹不受暑交流空  
湧波蘊真愜所遇落日將如何貴賤俱物役從公

詩紀

盛唐卷之七十一

一

難重過

同李太守登歷下古城孫員外新亭

新亭結構罷隱見清湖陰跡籍臺觀舊氣溟海嶽  
深圓荷想自昔遺堞感至今芳宴此時具哀絲千  
古心主稱壽尊客筵秩宴北林不阻蓬華興得兼  
梁甫吟

同諸公登慈恩寺塔

高標跨蒼穹一作天烈風無時休自非曠士懷登茲  
翻百憂方知象教力足可追冥搜仰穿龍蛇窟始

出枝撐幽七星在北戶河漢聲西流羲和鞭白日  
少昊行清秋泰山忽破碎涇渭不可求俯視但一  
氣焉能辨皇州回首叫虞舜蒼梧雲正愁惜哉瑤  
池飲日晏崑崙丘黃鶴去不息哀鳴何所投君看  
隨陽雁各有稻梁謀

白水縣崔少府十九翁高齋三十韻

客從南縣來浩蕩無與適旅食白日長况當朱炎  
赫高齋坐竹杪信宿遊行閒清晨陪躋攀傲睨俯  
峭壁崇岡相枕帶曠野懷咫尺始知賢主人贈此

詩紀

盛唐卷之七十一

二

遣愁寂危堦根清冥曾冰生淅瀝上有無心雲下  
有欲落石泉聲聞復息一作動靜隨所激鳥呼藏  
其身有似懼彈射吏隱適情性茲焉其窟宅白水  
見舅氏諸翁乃僊伯杖藜長松陰作尉窮谷僻爲  
我炊雕胡逍遙展良覲坐久風頗怒晚來山更碧  
相對十丈蛟欬翻盤渦圻何得空裏雷殷殷尋地  
脉煙氛藹藹一作萃颺颺森慘戚崑崙崆峒顛回  
首如不隔前軒頽反照巉絕華嶽赤兵氣漲林巒  
川光雜鋒鏑知是相公軍指哥舒鐵馬雲霧積玉

觴淡無味胡羯豈強敵長歌激屋梁淚下流衽席  
人生半哀樂天地有順逆慨彼萬國夫休明備征  
狄猛將紛填交廟謀畜長策東郊何時開帶甲且  
未釋欲告清宴疲難拒幽明迫三歎酒食傍何由  
似平昔

遊龍門奉先寺

已從招提遊更宿招提境陰壑生虛一作靈籟月林  
散清影天闕舊作闕或作閤象緯逼雲臥衣裳冷欲覺聞  
晨鐘令人發深省

詩紀

盛唐卷之七十一

三

望嶽

岱宗夫如何齊魯青未了造化鍾神秀陰陽割昏  
曉盪胸生層雲決眇入歸鳥會當凌絕頂一覽衆  
山小

漢陂西南臺

高臺面蒼陂六月風日冷蒹葭離披去天水相與  
永懷新目似擊接要心已領仿佛識鮫人空蒙辨  
魚艇錯磨終南翠顛倒白閣影蕭蕭增光輝乘陵  
惜俄頃勞生愧嚴鄭外物慕張邴世復輕驂騑吾

甘雜龜蛇知歸俗可忽取適事莫並身退豈待官  
老來苦便靜況資菱芡足庶結茅茨迴從此具扁  
舟彌年逐清景

奉同郭給事湯東靈湫作

靈湫在灊山

東山氣鴻濛宮殿居上頭君來必十月樹羽臨九  
州陰火煮玉泉噴薄漲巖幽有時浴赤日光抱空  
中樓閣風入轍跡曠原一作廣野延冥搜沸一作拂天萬  
乘動觀水百丈湫幽靈斯可恠王命官屬休初聞  
龍用壯劈石摧林丘中夜窟宅改移因風雨秋倒

詩紀

盛唐卷之七十一

四

懸瑤池影屈注蒼江流味如甘露漿揮弄滑且柔  
翠旗淡偃蹇雲車紛少留簫鼓蕩四溟異香泱泱  
浮蛟人獻微綃曾祝沈豪牛百祥奔盛明古先莫  
能儔坡陀金蝦蟇出見蓋有由至尊顧之笑王母  
不遣收復歸虛無底化作長黃虬飄飄青瑣郎文  
彩珊瑚鈎浩歌淥水曲清絕聽者愁

九成宮

在鳳翔府岐山有九成宮唐修之以避暑因更名山有九重故曰九成

蒼山入百里崖斷如杵臼曾宮憑風迴一作迴岌業  
土囊口立神扶棟宇鑿翠開戶牖其陽產靈芝其

陰宿北一作牛斗紛披長松倒一作側揭嶂怪石走京

猿啼一聲客淚迸林藪荒哉隋家帝製此今頽朽

向使國不亡焉爲巨唐有雖無新增修常置官居

守巡非瑤水遠跡是雕牆後我行一作來屬時危仰

望嗟歎久天王守一作與片太白駐馬更搔首

玉華宮

在坊州鳳凰谷

谿回松風長蒼鼠竄古瓦不知何王殿遺構絕壁  
下陰房鬼火青壞道哀湍瀉萬籟真笙竽秋色正  
瀟灑美人爲黃土况乃粉黛假當時侍金輿故物

詩紀

盛唐卷之七十一

五

獨石馬憂來藉草坐浩歌淚盈把冉冉征途間誰  
是長年者

泛谿

落景下高堂進舟泛迴谿誰謂築居小未盡喬木  
西遠郊信荒僻秋色有餘淒練練峯上雪纖纖雲  
表霓童戲左右岸罟弋畢提携翻倒荷芰亂指揮  
路徑一作迷迷得魚已割鱗采藕不洗泥人情逐鮮  
美物賤事已一作跡睽吾村靄暝姿異舍雞亦棲蕭  
條欲何適出處庶可齊衣上見新月霜中登故畦



濁醪自初熟東城多鼓鼙

### 望嶽

南嶽配朱鳥秩禮自百王歛吸領地靈鴻一作洞

半災方邦家用祀典在德非馨香巡狩何寂寥有

虞今則亡洎吾隘世網行邁越瀟湘渴日絕壁出

漾舟清光旁祝融五峯尊峯峯次低昂紫蓋獨不

朝爭長業相望恭聞魏夫人羣仙夾一作來翱翔有

時五峯氣散風如飛霜牽迫恨脩途未暇杖崇一作

高岡歸來覬命駕沐浴休玉堂三歎問府主曷以

詩紀

盛唐卷之十一

六

贊我皇牲璧忍衰俗神其思降祥

### 晚登灤上堂

故躋灤岸高頗免崖石擁開襟野堂豁繫馬林花

動雉堞粉如雲山田麥無隴春氣晚更生江流靜

猶湧四序嬰我懷羣盜久相踵黎民困逆節天子

渴垂拱所思注東北深峽轉脩聳衰老自成病郎

官未爲冗妻其望呂葛不復夢周孔濟世數嚮時

斯人各枯槁楚星南天黑蜀月西霧重安得隨鳥

翎迫此懼將恐

### 南池

崢嶸巴閬間所向盡山谷安知有蒼池萬頃浸坤

軸呀然闔城南枕帶巴江腹芰荷入異縣秔稻共

比屋皇天不無意美利戒止足高田失西成此物

頗豐熟清源多衆魚遠岸富喬木獨歎楓香林春

時好顏色南有漢王祠終朝走巫祝歌舞散靈衣

荒哉舊風俗高堂亦明王鬼鬼猶正直不應空陂

上縹緲親酒食淫祀自古昔非惟一川瀆干戈浩

茫茫地僻傷極目平生江海興遭亂身局促駐馬

詩紀

盛唐卷之十一

七

問漁舟躊躇慰羈束

### 雨過蘇端

自注云端置酒

雞鳴風雨交久旱雨亦好杖藜入春泥無食起我

早諸家憶所歷一飯跡便一作更掃蘇侯得數過歡

喜每傾倒也復可憐人呼兒具梨棗濁醪必在眼

盡醉攄懷抱紅稠屋角花碧委墻隅草親賓縱談

謔喧鬧慰衰老况蒙霈澤垂糧粒或自保妻孥隔

軍壘撥棄不擬道

晦日尋崔戢李封



朝光入甕牖戶

一作方

寢驚弊裘起行視天宇春氣

漸和柔興來不暇懶今晨梳我頭出門無所待徒

步覺自由杖藜復恣意免值公與侯晚定崔李交

會心真罕儔每過得酒傾二宅可淹留喜結仁里

歡況因令節求李生園欲荒舊

一作竹

頗脩脩引

客看掃除隨時成獻酬崔侯初筵色已畏空樽愁

未知天下士至性有此不草牙既青出蜂聲亦煖

遊思見農器陳何當甲兵休上古葛天氏

一作民

不

貽黃屋憂至今

一作阮

籍等熟醉為身謀威鳳高

詩紀

盛唐卷之三

八

其翔長鯨吞九州地軸為之翻百川皆亂流當歌

欲一放淚下恐莫收濁醪有妙理庶用慰沈浮

兩當縣吳十侍御江上宅

寒城朝煙淡山谷落葉赤陰風千里來吹汝江上

宅鷗鷗號枉渚日色傍阡陌借問持斧翁幾年長

沙客哀哀失木狔矯矯避弓翮亦知故鄉樂未敢

思宿昔昔在鳳翔都共通金閨籍天子猶蒙塵東

鄰暗張戟兵家忌間諜此輩常接跡臺中領舉劾

君必慎剖析不忍殺無辜所以分黑白上官權許

與失意見遷斥仲尼甘旅人向子識損益朝廷非

不知閉口休歎息余時忝諍臣丹陛實咫尺相看

受狼狽至死難塞責行邁心多違出門無與適於

公負明義惆悵頭更白

夏日李公見訪

自注云李時為太子家令

遠林暑氣薄公子過我遊貧居類村塢僻近城南

樓傍舍頗淳朴所願亦易求隔屋喚西家借問有

酒不牆頭過濁醪展席俯長流清風左右至客意

已驚秋巢多衆鳥闕

一作葉

密鳴蟬稠苦遭此物

詩紀

盛唐卷之三

九

聒孰謂吾廬幽水花晚色靜庶足充淹留豫恐樽

中盡更起為君謀

蘇大侍御訪江浦賦八韻記異

并序

蘇大侍御渙靜者也旅于江側凡是不交州府

之客人事都絕久矣肩輿江浦忽訪老夫舟楫

而已茶酒內余請誦近詩肯吟數首才力素壯

詞句動人接對明日憶其湧思雷出書篋几杖

之外殷殷留金石聲賦八韻記異亦記老夫傾

倒於蘇至矣

龐公不浪出蘇氏今有之再聞誦新作突過黃初  
詩乾坤幾反覆楊馬宜同時今晨清鏡中勝食齋  
房芝余髮喜却變白間生黑絲昨夜舟火滅湘娥  
簾外悲百靈未敢散風破寒江遲

鄭典設自施州歸

吾憐滎陽秀冒暑初有適名賢慎出處不肯妄行  
役旅茲殊俗遠竟以屢空迫南謁裴施州義一作氣  
合無險僻攀援懸根木登頓入矢石青山自一川  
城郭洗憂感聽子話此邦令我心悅懌其俗則純

詩紀

盛唐卷之十一

十一

朴不知有主客溫溫諸侯門禮才一作亦如古昔敕

厨倍常羞杯盤頗狼藉時雖屬喪亂事貴賞一作當

匹敵中宵愜良會裴鄭非遠戚羣書一萬卷博涉

供務隙他日辱銀鈞森疎見矛戟倒屣喜旋歸晝

地求所歷乃聞風土質又重田疇關刺史似寇恂

列郡宜競惜北風吹瘴癘羸老思散策渚拂蒹葭

寒嶠穿鳬蘿羈此身仗兒僕高興潛有激孟冬方

首路強飯取崖壁歎爾疲駘汗溝血不赤終然

備外飾駕馭何所益我有平肩輿前途猶隼的翩

翩入鳥道庶脫蹉跌厄

大雲寺贊公房四首

燈影照無睡心清聞妙香夜深殿突兀風動金琅  
璫天黑閉春院地青棲暗芳玉繩回斷絕鐵鳳森  
翺翔梵放時出寺鐘殘仍殷牀明朝在沃野苦見  
一作塵沙黃

兒童汲井華慣捷瓶在手霑灑不濡地掃除似無  
筭明霞爛複閣霽霧塞高牖側塞被徑花飄颻委  
墀柳艱難世事迫隱遁佳期後晤語契深心那能

詩紀

盛唐卷之十一

十二

總鉗口奉辭還仗策暫別終回首決決泥污人折

折一作折

國多狗既未免羈絆時來愁奔走近公

如白雪執熱煩何有

心在水精域衣霑春雨時洞門盡徐步深院果幽

期到一作到扉開復閉撞鐘齋及茲醍醐長發性飲

食過扶衰把臂有多日開懷無愧辭黃鶯度結構

紫鴿下呆愚愚意會所適花邊行自遲湯休起我

病微笑索題詩

細軟青絲履光明白氎巾深藏供老宿取用及吾

身自顧轉無趣交情何尚新道林才不世惠遠德  
過人雨濕暮簷竹風吹青井芹天陰對圖畫最覺  
潤龍鱗

西枝村尋置草堂地夜宿贊公土室二首

出郭眇細岑披荆一作得微路谿行一流水曲折

方屢渡贊公湯休徒好靜心迹素昨枉霞上作盛  
論巖中趣怡然共攜手恣意同遠步捫蘿澀先登

陟嶽眩返顧要求陽岡煖苦涉陰嶺洵惆悵老大

藤沈吟屈蟠樹上居意未展杖策迴且暮層巔餘

詩紀

盛唐卷之三

三

落日草蔓已多露

天寒鳥已歸月出山更靜土室延白光松門耿踈

影躋攀倦日短語樂寄夜永明然林中新暗汲石

底井大師京國舊德業天機秉從來支許遊興趣

江湖迴數竒謫關塞道廣存箕穎何知戎馬間復

接塵事屏幽尋豈一路遠色有諸嶺晨光稍朦朧

更越西南頂

謁文公上方

野寺隱喬木山僧高下居石門日色異絳氣橫扶

跡窮窅入風磴長蘿紛卷舒庭前猛虎臥遂得文  
公廬俯視萬家邑煙塵對塔除吾師雨花外不下  
十年餘長者自布金禪龕只晏如大珠脫玷翳白  
月當空虛甫也南北人蕪漫少耘鋤久遭詩酒污  
何事忝簪裾王侯與螻蟻同盡隨丘墟願聞第一  
義回向心地初金篦刮眼膜價重百車渠無生有  
汲引茲理儻吹噓

法鏡寺

身危適他州勉強終勞苦神傷山行深愁破崖寺

詩紀

盛唐卷之三

三

古嬋嬋碧鮮淨蕭瑟寒穉聚洄洄山根水冉冉松

上雨洩雲蒙清晨初日翳復吐朱薨半光炯戶牖

桀可數往一作策忘前期出蘿已亭午冥冥子規

叫微徑不復取

山寺

自注云章句後  
同遊得詩

野一作寺根石壁諸龕遍崔嵬前佛不復辨百身

一莓苔惟有古殿存世尊亦塵埃如聞龍象泣足

令信者哀使君騎紫馬捧擁從西來樹羽靜千里

臨江久徘徊山僧衣藍縷告訴棟梁摧公爲領兵

徒咄嗟檀施開吾知多羅樹却倚蓮華臺諸天必  
歡喜鬼物無嫌猜以茲撫士卒孰曰非周才窮子  
失淨處高人憂禍胎歲晏風破肉荒林寒可迴思  
量入道苦自哂同嬰孩

寄題江外草堂

自注云梓州作  
寄成都故居

我生性放誕雅

舊作雅

欲逃自然嗜酒愛風竹卜居

此必

一作

林泉遭亂到蜀江臥病遣所便誅茅初一

畝廣地方連延經營上元始斷手實應年敢謀土  
木麗自覺面勢堅臺亭隨高下敞豁當清川雖有

詩紀

盛唐卷之十一

十四

會心侶數能同釣船干戈未偃息安得酣歌眠蛟

龍無定窟黃鵠摩蒼天古來賢達士

一作達士志

寧受

外物牽顧惟魯鈍資豈識悔吝先偶攜老妻去慘

淡凌風煙事迹無固必幽貞愧雙全尚念四小松

蔓草易拘纏霜骨不甚長永爲鄰里憐

北征

黃鶴云公自鳳翔  
歸鄜州作郵寄字

皇帝二載秋閏八月初吉杜子將北征蒼茫問家

室維時

一作是

遭艱虞朝野少暇日顧慙恩私被詔

許歸蓬華拜辭詣闕下休惕久未出雖乏諫諍姿

恐君有遺失君誠中興主經緯固密勿東胡反朱

已臣甫憤所切揮涕戀行在道途猶恍惚乾坤合

瘡痍憂虞何時畢靡靡踰阡陌人煙眇蕭瑟所遇

多被傷呻吟更流血回首鳳翔縣旌旗晚明滅前

登寒山重屢得飲馬窟邠郊人地底涇水中蕩潏

猛虎立我前蒼崖吼時裂菊垂今秋花石戴

古車轍青雲動高興幽事亦可悅山果多瑣細羅

生雜橡栗或紅若丹砂或黑如點漆雨露之所濡

甘苦齊結實緬思桃源內益歎身世拙坡陀望鄜

詩紀

盛唐卷之十一

十五

時谷巖互出沒我行已水濱我僕猶木末鷗鳥鳴

黃桑野鼠拱亂穴夜深經戰場寒月照白骨潼關

百萬師往者散何卒遂令半秦民殘害爲異物况

我墮胡塵及歸盡華髮經年至茅屋妻子衣百結

慟哭松聲迴悲泉共幽咽平生所驕兒顏色白勝

雪見爺背面啼垢膩脚不韞牀前兩小女補綻纔

過膝海圖圻波濤舊繡移曲折天吳及紫鳳顛倒

在襁

音歷或短

褐老夫情懷惡嘔泄臥數日那無囊

中帛救汝寒凜慄粉黛亦解包容衾綈稍羅列瘦妻



面復光癡女頭自櫛學母無不爲曉妝隨手抹移  
時施朱鉛狼籍畫眉闊生還對童稚似欲忘饑渴  
問事競挽鬚誰能卽嗔喝翻思在賊愁甘受雜亂  
聒新婦且慰意生理焉得說至尊尚蒙塵幾日休  
練卒仰看天色改旁覺妖一作妖氛陰風西  
北來慘淡隨回紇其王願助順其俗喜馳突送兵  
五千人驅馬一萬匹此輩少爲貴四方服勇決所  
用皆鷹騰破敵過箭疾聖心頗虛佇時議氣欲奪  
伊洛指掌收西京不足拔官軍請深入蓄銳伺俱  
詩紀

盛唐卷之三

六

發此舉開青徐旋瞻畧恒碣昊天積霜露正氣有  
肅殺禍轉亡胡歲勢成擒胡月胡命其能久皇綱  
未宜絕憶昨狼狽初事與古先別姦臣競殖醢同  
惡隨蕩折不聞夏殷衰中自誅褒姒周漢獲再興  
宣光果明哲栢栢陳將軍陳元仗鉞奮忠烈微爾  
人盡非于今國猶活淒涼大同殿寂寞白獸闥都  
人望翠華佳氣向金闕園陵固有神掃洒數不闕  
煌煌太宗業樹立甚宏達

羌村三首

在鄜州

崢嶸赤雲西日脚下平地柴門鳥雀噪歸客千里  
至妻孥恠我在驚定還拭淚世亂遭飄蕩生還偶  
然遂鄰人滿牆頭感歎亦歔歔夜闌更秉燭相對  
如夢寐

晚歲迫偷生還家少歡趣嬌兒不離膝畏我復却  
去憶昔好追涼故繞池邊樹蕭蕭北風勁撫事煎  
百慮賴知一作禾黍收已覺糟牀注如  
今足一作足酌且用慰遲暮

羣雞正亂叫客至雞鬪爭驅雞上樹木始聞扣柴  
詩紀

盛唐卷之三

七

荆父老四五人問我久遠行手中各有攜傾榼濁  
復清苦辭酒味薄黍地無人耕兵革旣未息兒童  
盡東征請爲父老歌艱難媿深情歌罷仰天歎四  
座淚縱橫

三川觀水漲二十韻

我經華原來不復見平陸北上唯土山連天走窮  
谷火雲無時出飛電常在目自多窮岫雨行潦相  
逐蹙口蒼川氣黃羣流會空曲清晨望高浪  
忽謂陰崖踣恐泥窺蛟龍登危聚麋鹿枯查卷拔



樹礪礪共充塞聲吹鬼神下勢閱人代速不有萬  
穴歸何以尊四瀆及觀泉源漲反懼江海覆漂沙  
圻岸去漱壑松柏禿乘陵破山門回幹裂地軸交  
洛赴洪河及關豈信宿應沈數州沒如聽萬室哭  
穢濁殊未清風濤怒猶蓄何時通舟車陰氣不懸  
曠浮生有蕩汨吾道正羈束人寰難容身石壁滑  
側足雲雷屯不已艱險路更跼普天無川梁欲濟  
願水縮因悲中林士未脫衆魚腹舉頭向蒼天安  
得騎鴻鵠

詩紀

盛唐卷之七十三

六

盛唐第七十二

盛唐第七十三

唐詩紀一百三十三

鄧郡吳中珩彙編

東吳陸文組同校

杜甫

五

五言古詩

五

發秦州

乾元二年冬自秦州如同谷至成都紀行所作

我衰更懶拙生事

一作意

不自謀無食問樂土無衣

思南州漢源十月交天氣如涼

一作涼

秋草木未黃

落況聞山水幽栗亭名更嘉

一作佳

下有良田疇充

詩紀

盛唐卷之七十三

二

腸多薯蕷崖蜜亦易求密竹復冬筍清池可方舟  
雖傷旅寓遠庶遂平生遊此邦俯要衝實恐人事  
稠應接非本性登臨未銷憂谿谷無異石塞田始  
微收豈復慰老夫惘然難久留日色隱孤戍鳥啼  
滿城頭中宵驅車去飲馬寒塘流磊落星月高蒼  
茫雲霧浮大哉乾坤內吾道長悠悠

赤谷

天寒霜雪繁遊子有所之豈但歲月暮重來未有  
期晨發赤谷亭險艱方自茲亂石無改轍我車已

載脂山深苦多風落日童稚饑悄然村墟迴煙火  
何由追貧病轉零落故鄉不可思常恐死道路永  
爲高人嗤宋本無以上二句

### 鐵堂峽

山風吹遊子縹緲乘險絕硤形藏堂隍壁色立積  
鐵徑摩穹蒼蟠石與厚地裂脩纖無限竹嵌空太  
始雪威遲哀壑底徒旅慘不悅水寒長冰橫我馬  
骨正折生涯抵弧矢盜賊殊未滅飄蓬踰三年回  
首肝肺熱

詩紀

盛唐卷之七十三

二

### 鹽井

鹵中草木白青者官鹽煙官作既有程煮鹽煙在  
川汲井歲搢搢戶骨切出車日連連自公斗三百轉  
致斛六千君子慎止足小人苦喧闐我何良歎嗟  
物理固自然

### 寒峽

行邁日悄悄山谷勢多端雲門轉絕岸積阻霾天  
寒寒硤不可度我實衣裳單况當仲冬交泝沿增  
波瀾野人尋煙語行十傍水餐此生免荷爰未敢

辭路難

### 青陽峽

塞外苦厭山南行道彌惡岡巒相經亘雲水氣參  
錯林迴硤角來天窄壁面削硤西五里石奮怒向  
我落仰看日車側俯恐坤軸弱魑魅嘯有風霜霰  
浩漠漠昨憶踰隴坂高秋視吳嶽東笑蓮花卑比  
知崆峒薄超然倅壯觀已調殷音隱寥廓突兀猶赴  
人及茲歎冥冥

### 龍門鎮

詩紀

盛唐卷之七十三

三

細泉兼輕水沮洳棧道濕不辭辛苦行迫此短景  
急石門雲雪一作雷隘古鎮峯巒集旌竿暮慘澹風  
水白刃澀胡馬屯成臯防虞此何及嗟爾遠戍人  
山寒夜中泣

### 石龕

熊羆咆我東虎豹號我西我後鬼長嘯我前狻又  
啼天寒昏無日山遠道路迷驅車石龕下仲冬見  
虹蜺伐竹者誰子悲歌上雲梯爲官采美箭五歲  
供梁齊苦云直簞盡無以充提攜奈何漁陽騎颯

颯驚承黎

積草嶺自注云同谷界

連峯積長陰白日通隱見颼颼林響交慘慘石狀  
變山分一作積草嶺路異明水縣旅泊吾道窮衰  
年歲時倦卜居尚百里休駕投諸彥邑有佳主人  
情如已會面來書語絕妙遠客驚深眷食蕨不願  
餘茅茨眼中見

泥功山

朝行青泥上暮在青泥中泥潭非一時版築勞人

詩紀

盛唐卷之七十三

四

功不畏道途

一作路

永反將汨沒同白馬爲鐵驪小

兒成老翁哀猿透却墜死鹿力所窮寄語北來人  
後來莫忽忽

鳳凰臺

成州有鳳凰山卽秦弄玉與蕭史吹簫處

亭亭鳳凰臺北對西康州西伯今寂寞鳳聲亦悠  
悠山峻路絕蹤石林氣高浮安得萬丈梯爲君上  
上頭恐有無母雛饑寒日啾啾我能剖心血一作出  
飲啄慰孤愁心以當竹實炯然忘外求血以當醴  
泉豈徒比清流所重王者瑞敢辭微命休坐看彩

翮長舉意八極周自天銜瑞圖飛下十二樓圖以  
奉至尊鳳以垂鴻猷再光中興業一洗蒼生憂深  
衷正爲此羣盜何淹留

萬丈潭在同谷縣

清谿合冥漠今本神物有顯晦龍依積水蟠窟壓  
萬丈內跼步凌琅塢側身下煙靄前臨洪濤寬却  
立蒼石大山危一徑盡岸絕兩壁對削成根虛無  
倒影垂澹瀾一作對切黑知灣深一作環底清見光炯  
碎孤雲倒來溪飛鳥不在外高蘿成帷幄寒木疊

詩紀

盛唐卷之七十三

五

旌旆遠川曲通流嵌竇潛洩瀨造幽無人境發興  
自我輩告歸遺恨多將老斯遊最閉藏脩鱗蟄出  
入巨石礙何當暑天過快意風雨會

發同谷縣

自注云元二年十二月一日自隴右赴劔南紀行

賢有不黔突聖有不煖席况我饑愚人焉能尚安  
宅始來茲山中休駕喜地僻奈何迫物累一歲四  
行役忡忡去絕境杳杳更遠適停驂一作停龍潭雲  
回首虎一作白崖石臨岐別數子握手淚再滴交情  
無舊深窮老多慘感平生嬾拙意偶值棲遁迹去

住與願違仰慙林間翮

木皮嶺

首一作路栗亭西尚想鳳凰村季冬攜童稚辛苦

赴蜀門南登木皮嶺艱一作險不易論汗流被我

體祁寒爲之暄遠岫爭輔佐千巖目崩奔始知五

嶽外別有他山尊仰干塞大明俯入裂厚坤再聞

虎豹聞屢跼風水昏高有廢閣道挫折如短轅下

有冬青林石上走長根西崖特秀發煥若靈芝繁

潤聚金碧氣清無沙土痕憶觀崑崙圖目擊玄圃

詩紀盛唐卷之十三六

存對此欲何適默傷垂老寬

白沙渡

艱途隨長江渡口下絕岸差池上舟楫杳窅入雲

漢天寒荒野外日暮中流半我馬向北嘶山猿飲

相喚水清石礧礧沙白灘漫漫迥然洗愁辛多病

一踈散高壁抵欽釜洪濤越凌亂臨風獨回首攬

轡復三歎

水會渡一云水回渡

山行有常程中夜尚未安微月沒已久崖傾一作側

路何難大江動我前洶若溟渤寬篙師暗理楫歌

笑輕波瀾霜濃木石滑風急手足寒入舟已千憂

陟巘仍萬盤回眺積水外始知衆星乾遠遊令人

瘦衰疾慙加餐

飛仙閣

華陽國志諸葛亮相蜀鑿石架空爲飛梁閣道

土門山行窄微徑緣秋毫棧雲闌干峻梯石結構

牢萬壑欹踈林積陰帶奔濤寒日外澹泊長風中

怒號欹鞍在地底始覺所歷高往來雜坐臥人馬

同疲勞浮生有定分饑飽豈可逃歎息謂妻子我

詩紀盛唐卷之十三七

何隨汝曹

五盤

五盤雖云險山色佳有餘仰凌棧道細俯映江木

踈地僻無網罟水清反至多魚好鳥不妄飛野

人半巢居喜見淳朴俗坦然心神舒東郊尚格鬪

巨猾何時除故鄉有弟妹流落隨丘墟成都萬事

好豈若歸吾廬

龍門閣

清江下龍門絕壁無尺土長風驚高浪浩浩自太

古危途中縈盤仰望垂線縷滑石歎難鑿浮梁梟  
相柱目眩隕雜花頭風吹過雨百年不敢料一墜  
那得取飽聞經瞿塘足見度大庾終身歷艱險恐  
懼從此數

石櫃閣

季冬日已長

一作日長

山晚半天赤蜀道多早

一作草

花江間饒奇石石櫃曾波上臨虛蕩高壁清暉迴  
羣鷗隕色帶遠客羈栖負幽意感歎向絕迹信甘  
屏懦嬰不獨凍餒迫優游謝康樂放浪陶彭澤吾

詩紀

盛唐卷之十三

八

衰未自由謝爾性有適

桔柏渡

青冥寒江渡駕竹爲長橋竿濕煙漠漠江水風蕭  
蕭連竿動婀娜征衣颯颯急流鳴鵠散絕岸龜  
鼉驕西轅自茲異東逝不一作余可要高通荆門路  
潤會滄海潮孤光隱顧盼遊子悵寂寥無以洗心  
胷前登但山椒

劍門

惟天有設險劍門

一作關

天下壯連山抱西南石角

皆北向兩崖崇墉倚刻畫城郭狀一夫怒臨關百  
萬未可傍珠玉走中原岷峨氣悽愴三皇五帝前  
雞犬莫一作各相放後王尚柔遠職貢道已喪至今  
英雄人高視見霸王并吞與割據極力不相讓吾  
將罪真宰意欲鏹疊嶂恐此復偶然臨風默惆悵

鹿頭山

在漢州

鹿頭何亭亭是日慰饑渴連山西南斷俯見千里  
豁遊子出京華劍門不可越及茲險阻盡始喜原  
野濶殊方昔三分霸氣曾間發天下今一家雲端

詩紀

盛唐卷之十三

九

失雙闕悠然想楊馬繼起名碑兀有文令人傷何  
處理爾骨紆餘脂膏地慘澹豪俠窟杖鉞非老臣  
宜風豈專達冀公柱石姿論道邦國一作家活斯人  
亦何幸公鎮踰一作餘歲月

成都府

翳翳桑榆日照我征衣裳我行山川異忽在天一  
方但逢新人民未卜見故鄉大江東流去一作來  
遊子去日長曾城填華屋季冬樹木蒼喧然名都  
會吹簫聞笙簧信美無與適側身望川梁一作梁夜



名歸中原杳茫茫初月出不高衆星尚爭光自古  
有羈旅我何苦哀傷

早發射洪縣南途中作

將老憂貧竄筋力豈能及征途乃侵星得使諸病  
入鄙人寡道氣在困無獨立倣裝逐徒旅達曙陵  
險澀寒日出霧遲清江轉山急僕夫行不進驚馬  
若維繫汀洲稍踈散風景開快悵空慰所尚懷終  
非曩遊集衰顏偶一破勝事難屢挹茫然阮籍途  
更洒楊朱泣

詩紀

盛唐卷之七十三

十一

通泉驛南去通泉縣十五里山水作

谿行衣自濕亭午氣始散冬溫蚊蚋集人遠鳬鴨  
亂登頓生層陰歆傾一作出高岸驛樓衰柳側縣  
郭輕煙畔一川何綺麗盡日窮壯觀山色遠寂寞  
江光夕滋漫傷時媿孔父去國同王粲我生苦飄  
零所歷有嗟歎

宿鑿石浦

早宿賓從勞仲春江山麗飄風過無時舟楫敢不  
繫一作敢繫迴塘淡暮色日沒衆星曄缺月殊未生青

燈死分翳窮途多俊異亂世少恩惠鄙夫亦放蕩  
草草頻卒歲斯文憂患餘聖哲垂彖一作繫

早行

歌哭俱在曉行邁有期程孤舟似昨日聞見同一  
聲飛鳥數求食潛魚亦獨驚前王作網罟設法害  
生成碧藻非不茂高帆終日征干戈未揖讓崩迫  
開其情

過津口

屬江陵

南嶽自茲近湘流東逝深和風引桂楫春日漲雲

詩紀

盛唐卷之七十三

十二

岑回道過津口而多楓樹林白魚困密網黃鳥喧  
嘉音物微限通塞惻隱仁者心甕餘不盡酒勝有  
無聲琴聖賢兩寂寞眇眇獨開襟

次空靈岸

汙汙逆素浪落落展清眺幸有舟楫遲得盡所歷  
妙空靈霞石峻楓枯隱奔峭青春猶無私白日亦  
偏照可使營吾居終焉託長嘯毒瘴未足憂兵戈  
滿邊徼嚮者留遺恨耻爲達人誚回帆覲賞延佳  
處領其要

宿花石戍

長沙有花石戍

午辭空靈岑夕得花石戍岸疏開闢水木雜今古  
樹地蒸南風盛春熱西日暮四序本平分氣候何  
迴互茫茫天造間一作理亂豈恒數繫舟盤藤輪  
策杖古樵路罷一作人不在村野圃泉自注柴扉雖  
無沒農器尚牢固山東殘逆氣吳楚守王度誰能  
叩君門下令減征賦

早發

有求常百慮斯文亦吾病以茲朋故多窮老驅馳

詩紀

盛唐卷之七十三

三

併早行篙師怠席挂風不正昔人戒垂堂今則奚  
奔命濤翻思蛟躍日出黃霧一作映煩促瘴豈侵  
顏倚睡未一作醒僕夫問盥櫛暮顏覲青鏡隨意  
簪葛巾仰慙林花盛側聞夜來寇幸喜囊中淨艱  
危作遠客干請傷直性薇蕨餓首陽粟馬資歷聘  
賤子欲適從疑悟此二柄

次晚洲

參錯雲石稠陂陲風濤壯晚洲適知名秀色固異  
狀棹經垂猿把身在度鳥上擺浪散帙妨危沙拆

花當羈艱暫愉悅羸老反惆悵中原未解兵得  
終踈放

入衡州

兵革自久遠興衰看帝王漢儀甚照耀胡馬何猖  
狂老將一失律清邊生戰場君臣忍瑕垢河嶽空  
金湯重鎮如割據權輕一作輕絕紀綱軍州體不一  
寬猛性所將嗟彼苦節士素於圓鑿方寡妻從爲  
郡兀者安短牆凋弊惜邦本哀矜存事常旌麾非  
其任府庫實過防恕已獨在此多憂增內傷偏裨

詩紀

盛唐卷之七十三

三

限酒肉卒伍單衣裳元惡疑一作是似聚謀洩康  
莊竟流帳下血大降湖南殃烈火發中夜高煙焦  
上蒼至今分粟帛殺氣吹沅湘幅善埋顛倒明徵  
天莽茫銷寇避飛鏑累足穿豺狼隱忍枳棘刺遷  
延胼胝瘡遠歸兒侍側猶乳女在旁久客幸脫免  
暮年慙激昂蕭條向水陸汨沒隨漁商報上身已  
老入朝病見妨悠悠委薄俗鬱鬱回剛腸參錯走  
洲渚春容轉林篁片帆在柳岸通郭前衡陽草長  
雲烏埤名園花草香旗亭壯邑屋烽櫓蟠城隍中

有古刺史盛才冠巖廊扶巔待柱石獨坐飛風霜  
昨者聞瓊樹高談隨羽觴無論再繾綣已是安蒼  
黃劇孟七國畏馬卿四賦良門闢蘇生在蘇生作  
蘇生作勇銳白起強問罪富形勢凱歌懸否臧氛埃期  
必掃蚊蚋焉能當橘井舊地宅仙山引舟航此行  
厭暑雨厥土聞清涼諸舅剖符近開緘書札光頻  
繁一作命屢及磊落字百行江總外家養謝安乘  
興長下流匪珠玉擇木羞鸞凰我師嵇叔夜世賢  
張子房自注云後漢張勳柴荆寄樂土鵬路觀翱翔  
詩紀

盛唐卷之七十三

古

白馬

白馬東北來空鞍貫雙雙一作箭可憐馬上郎意氣  
今誰見近時主將戮中夜商於戰喪亂死多門嗚  
呼淚如霰

逃難

五十白頭翁南北逃世難疎布纏枯骨奔走苦不  
煖已衰病方入四海一塗炭乾坤萬里內莫見容  
身畔妻孥復隨我回首共悲歎故國莽丘墟鄰里  
各分散歸路從此迷涕盡湘江岸 盛唐七十三

盛唐第七十四

唐詩紀一百三十四

郭郡吳中珩彙編

東吳陸文組同校

杜甫

五言古詩

自京赴奉先縣詠懷五百字

杜陵有布衣老大意轉拙許身一何愚竊比稷與  
契居然成濩落白首甘契闊蓋棺事則已此志常  
覲窮年憂黎元歎息腸內熱取笑同學翁浩歌

詩紀

盛唐卷之七十四

一

彌激烈非無江海志瀟灑送日月生逢堯舜君不  
忍便永訣當今廊廟具構厦豈云缺葵藿傾太陽  
物性固莫奪顧惟螻蟻輩但自求其穴胡為慕大  
鯨輒擬偃溟渤以茲悟生理獨耻事干謁兀兀遂  
至今忍為塵埃沒終愧巢與由未能易其節沈飲  
聊自遣放歌頗愁絕歲暮百草零疾風高岡裂天  
衢陰崢嶸客子中夜發霜嚴衣帶斷指直不得結  
凌晨過驪山御榻在嵯峨上徒切蚩尤塞寒空  
蹴踏崖谷滑瑤池氣鬱律羽林相摩戛君臣畱歡

娛樂動殷讀作隱膠葛一作嶠賜浴皆長纓與宴非短

一作裼彤庭所分帛本自寒女出鞭撻其大家聚

歛貢城闕聖人筐篚恩實欲邦國活臣如忽至理

君豈棄此物多士盈朝廷仁者宜戰慄况聞內金

盤盡一作舞在衛霍室中堂有一作散神仙煙霧蒙一作玉

質煖客貂鼠裘悲管逐清瑟勸客馳啼羹霜橙壓

香橘朱門酒肉臭路有凍死骨榮枯咫尺異惆悵

難再述北轅就涇渭官渡又改轍羣水從西下極

目高崕兀疑是崆峒來恐觸天柱折河梁幸未圯

詩紀 盛唐卷之七十四 二

枝撐聲窸窣上息七切行旅相攀援川廣不可越

老妻既異縣十口隔風雪誰能久不顧庶往共饑

渴入門聞號咷幼子饑已卒吾寧捨一哀里巷亦

嗚咽所媿爲人父無食致夭折豈知秋末一作禾登

貧窶有倉卒生常免租稅名不隸征伐撫迹猶酸

辛平人固騷屑默思失業徒因念遠戍卒憂端齊

終南頽胡孔切洞不可掇

### 遣興五首

朔風飄胡鴈慘澹帶砂礫長林何蕭蕭秋草萋萋更

碧北里富薰天高樓夜吹笛焉知南鄰客九月猶

絺綌

長陵銳頭兒出獵待明發驛弓金瓜鎬白馬蹴微

雪未知所馳逐但見暮光滅歸來懸兩狼門戶有

旌節

漆有一作用而割膏以明自煎蘭摧白露下桂折

秋風前府中羅舊尹沙道尚依然赫赫蕭京兆今

爲時所憐

猛虎馮其威往往遭急縛雷吼徒咆哮枝撐已在

詩紀 盛唐卷之七十四 三

脚忽看皮寢處無復晴閃鑠人有甚於斯足以勸

元惡

朝逢富家葬前後皆輝光共指親戚大總麻百夫

行送者各有死不須羨其強君看束縛去亦得歸

山岡

遣興三首

蓬生非無根漂蕩隨高風天寒落萬里不復歸本

聚客子念故宅三年門巷空悵望但烽火戎車滿

關東生涯能幾何常在羈旅中

我今日夜憂諸弟各異方不知死與生何況道路  
長避寇一分散饑寒永相望豈無柴門歸從出畏  
虎狼仰看雲中鴈禽鳥亦有行  
昔在洛陽時親友相追攀送客東郊道遨遊宿南  
山煙塵阻長河樹羽成臯間迴首載酒地豈無一  
日還丈夫貴壯健慘戚非朱顏

遣興五首

蟄龍三冬臥老鶴萬里心昔時賢俊人未遇猶視  
今嵇康不得死孔明有知音又如墮底一作松用  
詩紀

盛唐卷之二十四

四

捨在所尋大哉霜雪幹歲久爲枯林

昔者龐德公未曾入州府襄陽耆舊間處士節獨  
苦豈無濟時策終竟畏羅罟林茂鳥有歸水深魚  
知聚舉家隱鹿門劉表焉得取

陶潛避俗翁未必能達道觀其著詩集頗亦恨枯  
槁達生豈是足默識蓋不早有子賢與愚何其挂  
懷抱

賀公雅一作雅吳語在位常清狂上疏乞骸骨黃冠  
歸故鄉爽氣不可致斯人今則亡山陰一茅宇江

海日清一作涼

吾憐孟浩然一作短短一作褐卽長夜賦詩何必多往往

凌鮑謝清江空舊魚春雨餘甘蔗每望東南雲令  
人幾悲吒

遣興二首

天用莫如龍有時繁扶桑頓轡海徒涌神人身更  
長性命苟不存英雄徒自強吞聲勿復道真宰意  
茫茫

地用莫如馬無良復誰記此日千里鳴追風可君

詩紀

盛唐卷之七十四

五

意君看渥洼種態與駑駘異不雜蹄齧間逍遙有  
能事

遣興三首

下馬古戰場四顧但一作茫然風悲浮雲去黃葉

墜我前朽骨穴螻蟻又爲蔓草纏故老行歎息今

人尙開邊漢虜互勝負封疆不常全安得廉頗將

三軍同晏眠

高秋登塞一作寒山南望馬邑州降虜東擊胡壯健

盡不留穹廬莽牢落上有行雲愁老弱哭道路願



聞甲兵休鄴中事反覆死人積如丘諸將已茅土  
驅誰與謀

豐年孰云遲甘澤不在早耕田秋雨足禾黍一作稼

已映道春苗九月交顏色同日老勸汝衡門士勿

悲尚宿稿時來展才力先後無醜好但訝鹿皮翁

忘機對芳草

### 述懷

去年童關破妻子隔絕久今夏草木長脫身得西

走麻鞋見天子衣袖露兩肘朝廷慙生還親故傷

詩紀

盛唐卷之十四

六

老醜涕淚受拾遺流離主恩厚柴門雖得去未忍

卽開口寄書問三川不知家在否此聞同罹禍殺

戮到雞狗山中漏茅屋誰復依戶牖摧頽蒼松根

地冷骨未朽幾人全性命盡室豈相偶欽峯猛虎

場鬱結回我首自寄一封書今已十月後反長消

息來寸心亦何有漢運初中興平生一作生平老耽酒

沈思歡會處恐作窮獨叟

### 寫懷二首

勞生共乾坤何處異風俗冉冉自趨競行行見羈

束無貴賤不悲無富貧亦足萬古一骸骨鄰家近  
歌吳鄙夫到巫峽三歲如轉燭全命甘畱滯忘情  
仕榮辱朝班及暮齒日給還脫粟編蓬石城東採  
藥山北谷用心霜雪間不必條蔓綠非關故安排  
曾是順幽獨達士如弦直小人似鈎曲曲直吾不  
知負暄候樵牧

夜深坐南軒明月照我膝驚風翻河漢梁棟已出

羣生各一宿飛動自儔匹吾亦驅其兒

營營爲私實天寒行旅稀歲暮日月疾榮名忽中

詩紀

盛唐卷之十四

七

人世亂如蟣虱古者三皇前滿腹志願畢胡爲有

結繩陷此膠與漆禍首燧人氏厲階董狐筆君看

燈燭張轉使飛蛾密放神八極外俛仰俱蕭瑟終

契如往還一作終然得匪合仙術

壯遊大曆元年秋夔州作

往者一作昔十四五出遊翰墨場斯文崔魏徒自注云崔

九齡書大字有作成一囊性豪業嗜酒嫉惡懷剛

腸脫畧小時輩結交皆老蒼飲酣視八極俗物都

茫茫東下姑蘇臺已具浮海航到今有遺恨不得  
窮扶桑王謝風流遠闔廬丘墓荒劍池石壁仄長  
洲芰荷香嵯峨闔門北清廟映迴塘每趨吳泰伯  
撫事淚浪浪枕戈憶勾踐渡浙想秦皇蒸魚聞七  
首除道哂要章越女天下白鑑湖五月涼剡谿蘊  
今思欲罷不能忘歸帆拂天姥中歲貢舊鄉氣劇  
屈賈壘日短曹劉墻忤下考功第獨辭京尹堂  
放蕩齊趙間裘馬頗清狂春歌叢臺上冬獵青丘  
旁呼鷹卓櫪林逐獸雲雪岡射飛曾縱鞚引臂落

詩紀

盛唐卷之七十四

八

鵲鶴蘇侯據鞍喜

白注云蘇侯門

忽如攜葛疆快意

八九年西歸到咸陽許與必詞伯賞遊實賢王曳  
裾置醴地奏賦入明光天子廢食召羣公會軒裳  
脫身無所愛痛飲信行藏黑貂不一作寧免弊斑鬢  
兀稱觴杜曲晚耆舊四郊多白楊坐深鄉黨敬日  
覺死生忙朱門任傾奪赤族迭罹殃國馬竭粟豆  
官雞輸稻梁舉隅見煩費引古惜興亡河朔風塵  
起岷山行幸長兩宮各警蹕萬里遙相望崆峒殺  
氣黑少海旌旗黃禹功亦命子涿鹿親戎行翠華

擗吳嶽螭虎瞰豺狼爪牙一不中胡兵更陸梁大  
軍載草草凋瘵滿膏肓備員竊補衮憂憤心飛揚  
上感九廟焚下憫萬民瘡斯時伏青蒲廷諍守御  
牀君辱敢愛死赫怒幸無傷聖哲體仁恕寓縣復  
小康哭廟灰燼中鼻酸朝未央小臣議論絕老病  
客殊方鬱鬱苦不展羽翮困低昂秋風動哀壑碧  
蕙捐微芳之推避賞從漁父濯滄浪榮華敵勲業  
歲暮有嚴霜吾觀鴟夷子才力一作格出尋常羣兒  
逆未定側佇英俊翔

詩紀

盛唐卷之七十四

九

昔遊

昔與高李輩

一作昔者與高李  
自注云高適李白

晚登單父臺寒蕪

際碣石萬里風雲來桑柘葉如雨飛蓬共徘徊清  
霜大澤凍禽獸有餘哀是時倉廩實洞達寰區開  
猛士思滅胡將帥望三台君王無所惜駕馭英雄  
材幽燕盛用武供結亦勞哉吳門轉粟帛泛海陵  
蓬萊肉食三十萬獵射起塵埃一作埃隔河憶長眺  
青歲已摧頽不及少年日無復故人杯賦詩獨流  
涕亂世想賢才有能市駿骨莫限少龍媒商山議

得失蜀主脫嫌猜呂尚封國邑傳說已鹽梅景昇  
楚山深水鶴去低徊龐公任本性攜手臥蒼苔

昔遊

昔謁華蓋君綠袍崑玉脚人棺已上天白日亦寂  
寞暮升艮岑頂巾几猶未却弟子四五人入來淚  
俱落余時遊名山發軔在遠壑良覲違夙願含凄  
向寥廓林昏罷幽磬竟夜伏石閣王喬下天壇微  
月映皓鶴晨谿嚮虛駛歸徑行已昨豈辭青鞋胝  
悵望惆悵作金七藥東蒙赴舊隱尚憶同志樂伏事  
詩紀盛唐卷之七十四十

遣懷

昔我遊宋中惟梁孝王都名今陳留亞劇則具魏  
俱邑中九萬家高棟照通衢舟車半天下主客多  
歡娛白刃讐不義黃金傾有無殺人紅塵裏報荅  
在斯須憶與高李輩自注云高適李白論交入酒壚兩公  
壯藻思得我色敷腹氣酣登吹臺懷古視平蕪芒

礪雲一去鴈驚空相呼先帝正好武寰海未凋枯  
猛將收西域長戟破林胡百萬攻一城獻捷不云  
輸組練棄如泥尺土負百夫拓境功未已元和辭  
大鑪亂離朋友盡合沓歲月徂吾衰將焉託存歿  
再嗚呼蕭條益堪媿獨在天一隅乘黃已去矣凡  
馬徒區區不復有顏鮑繫舟臥荆巫臨餐吐更食  
常恐違撫孤

遣遇

磬折辭主人開帆駕洪濤春水滿南國朱崖雲日  
詩紀盛唐卷之七十四十二  
高舟子廢寢食飄風爭所操我行匪利涉謝爾從  
者勞石間采族女鬻菜輪官曹丈夫死百役暮返  
空村號聞見事畧同刻剝及錐刀貴人豈不仁視  
汝若莠蒿索錢多門戶喪亂紛嗷嗷奈何黠吏徒  
漁奪成逋逃自喜遂生理花時貰緼袍

解憂

減米散同舟路難思共濟向來雲濤盤自注云雲濤盤難名  
極爲險阻衆力亦不細呀吭一作坑又作帆瞥眼過飛櫓本無  
蒂得失瞬息間致遠猶恐泥百慮視安危分明曩

賢計茲理庶可廣拳拳期勿替

上水遣懷

我衰太平時身病戎馬後踉蹌多拙爲安得不皓  
首驅馳四海內童穉日餬口但遇新少年少逢舊  
親友低顏下色地故人知善誘後生血氣豪舉動  
見老醜窮迫挫曩懷常如中風走一紀出西蜀于  
今向南斗孤舟亂春華暮齒依蒲柳冥冥九疑葬  
聖者骨已朽蹉跎陶唐人鞭撻日月久中間屈賈  
輩讒毀竟自取鬱沒二悲竟蕭條猶在否苦萃清  
詩紀

盛唐卷之七十四

十三

湘石逆行雜林藪篙工密逞巧氣若酣杯酒調謳  
互激遠回幹明受授善知應觸類各藉脫穎手古  
來經濟才何事罕獨有一作獨蒼蒼衆色晚熊挂  
玄蛇吼黃罷在樹顛正爲羣虎守羸骸將何適履  
險顏益厚庶與達者論吞聲混瑕垢

詠懷二首

人生貴是男丈夫重天機未達善一身得志行所  
爲嗟余竟輒軻將老逢艱危胡雛逼神器逆節同  
所爲河洛化爲血公卿草間啼西京復陷沒翠蓋

蒙塵飛萬姓悲赤子兩宮棄紫微倏忽向二紀姦  
雄多是非本朝再樹立未及貞觀時日給在軍儲  
上官督有司高賢迫形勢豈暇相扶持疲薊苟懷  
策棲屑無所施先王實罪已愁痛正爲茲歲月不  
我與蹉跎病於斯夜看豐城氣回首蛟龍池齒髮  
已自料意深陳苦辭

邦危壞法則聖遠益愁慕飄飄桂水遊悵望蒼梧  
暮潛魚不銜鈎走鹿無反顧皦皦幽曠心拳拳異  
平素衣食相拘閼朋知限流寓風濤上春沙十里  
詩紀

盛唐卷之七十四

十三

浸江樹逆行少吉日時節空復度井甃任塵埃舟  
航煩數具牽纏加老病瑣細隘俗務萬古一死生  
胡爲足名數多憂汗桃源拙計泥銅柱未辭炎瘴  
毒擺落跋涉懼虎狼窺中原焉得所歷住葛洪及  
許靖避世常此路賢愚誠等差自愛各一作受合馳驚  
羸瘠且如何魄奪鍼灸屢擁滯僮僕慵稽留篙師  
怒終當掛帆席天意難告訴南爲祝融客勉疆親  
杖屨結託老人星羅浮展衰步

盛唐第七十四



盛唐第七十五

唐詩紀一百三十五

鄆郡吳中珩彙編

東吳陸文組同校

杜甫

五言古詩

冬到金華山觀因得故拾遺陳公學堂遺

迹陳公少讀書于金華山

浩石衆山內金華紫崔嵬上有蔚藍天垂光抱瓊

臺繫舟接絕壁杖策窮縈迴四顧俯層巔淡然川

詩紀

盛唐卷之七十五

谷開雲嶺日色死霜鴻有餘哀焚香玉女跪霧裏

仙人來陳公讀書堂石柱仄青苔悲風爲我起激

烈傷雄材

陳拾遺故宅

拾遺平昔居大屋尚修椽悠揚荒山日慘淡故園

煙位下曷足傷所貴者聖賢有才繼騷雅哲匠不

比肩公生揚馬後名與日月懸同遊英俊人多乘

輔佐權彥昭超玉價郭振起通泉到今素壁滑洒

翰銀鉤連盛事會一時此堂豈千年終古立忠義

感遇有遺編

過郭代公故宅

豪雋初未遇其跡或脫畧一作代公通泉尉

放意何自若及夫登袞冕直氣森噴薄磊落見

異人豈伊常情度定策神龍後宮中翕清廓俄頃

辨尊親指揮存顧託羣公有慙色王室無削弱迴

出名臣上丹青照臺閣我行得遺跡池館皆疏鑿

壯公臨事斷顧步涕橫落精鬼凜如在所歷終蕭

索上無以高詠寶劍篇神交付冥漠

詩紀

盛唐卷之七十五

八哀詩

并序○大曆元年歲安作

傷時盜賊未息興起王公李公歎舊懷賢終于

張相國八公前後存沒遂不詮次焉

贈司空王公思禮高麗人

司空出東夷童稚刷勁翮追隨燕薊兒穎銳物不

隔服事哥舒翰意無流沙磧未甚拔行間犬戎大

充斥短小精悍資屹然強寇敵貫穿百萬衆出入

由咫尺馬鞍懸將首甲外控鳴鏑洗劍青海水刻

銘天山石九曲非外蕃其王轉深壁飛兔不近駕



鳥資遠擊曉達兵家流飽聞春秋癖曾襟日沈  
靜肅肅自有適潼關初潰散萬乘猶辟易偏裨無  
所施元帥見手格太子入朔方至尊狩梁益胡馬  
纏伊洛中原氣甚逆肅宗登寶位塞望勢敦迫公  
時徒步至請罪將厚責際會清河公也間道傳  
玉冊天王一作拜跪畢讜議果冰釋翠華卷飛雪  
熊虎亘阡陌屯兵鳳凰山帳殿涇渭關一作金城  
賊咽喉詔鎮雄所搤禁暴靖無雙爽氣春浙瀝巷  
有從公歌野多青青麥及夫哭廟後復領太原役

詩紀

盛唐卷之二十五

三

恐懼祿位高悵望王土窄不得見清時嗚呼就窀  
穸永一作繫五湖舟悲甚田橫客千秋汾晉間事  
與雲水白昔觀文苑傳豈述廉藺績嗟嗟鄧大夫  
士卒終倒戟

故司徒李公光弼

司徒天寶末北收晉陽甲胡騎攻吾城愁寂竟不  
愜人安若泰山薊北斷右脅朔方氣乃蘇黎首見  
帝業二宮泣西郊九廟起頽壓未散河陽卒思明  
偽臣妾復自碣石來火焚乾坤獵高視笑祿山公

又大獻一作捷異王冊崇勲小敵信所怯擁兵鎮  
河汴千里初安帖青蠅紛營營風雨秋一葉內省  
未入朝死淚終映睫大屋去高棟長城掃遺堞平  
生白羽扇零落蛟龍匣雅望與英姿惻愴槐里接  
三軍盼光彩烈士痛稠疊直筆在史臣將來洗箱  
篋吾思哭孤冢南紀阻歸楫扶顛永蕭條未濟失  
利涉疲薶竟何人灑涕巴東峽

贈左僕射鄭國公嚴公武

鄭公瑚璉器華嶽金天晶昔在童子日已聞老成

詩紀

盛唐卷之二十五

四

名嶷然大賢後復見秀骨清開口取將相小心事  
友生閱書百紙盡落筆四座驚歷職匪父任嫉邪  
嘗力爭漢儀尚整肅胡騎忽縱橫飛傳自河隴逢  
人問公卿不知萬乘一作出雪涕風悲鳴受詞劍  
閣道謁帝蕭關城寂寞雲臺仗飄飄一作沙塞旌  
江山少使者笳鼓凝皇情壯士血相視忠臣氣不  
平密論正觀體揮發岐陽征感激動四極聯翩收  
二京西郊牛酒再原廟丹青明一作在匡汲俄寵  
辱衛霍竟哀榮四登會府地三掌華陽兵京兆空

柳色尚書無履聲羣鳥自朝夕白馬休橫行諸葛  
蜀人愛文翁儒化成公來雪山重公去雪山輕記  
室得何遜韜鈴延子荆四郊失壁壘虛館開逢迎  
堂上指圖畫軍中吹玉笙豈無成都酒憂國只細  
傾時視錦水釣問俗終相并意待大戎滅人藏紅  
粟盈以茲報主願庶或裨世程炯炯一心在沈沈  
一豎嬰顏淵一作竟短折賈誼徒忠貞飛旄出江  
漢孤舟轉荆衡虛無一作靈無又作虛橫馬融笛悵望龍驤  
坐空館老賓客身上媿簪纓

詩紀

盛唐卷之七十五

五

贈太子太師汝陽郡王璡

寧王長子

汝陽讓帝子眉宇真天人虬須似太宗色映塞外  
春往者開元中主恩視遇頻出入獨非時禮異見  
羣臣愛其謹潔極倍此骨肉親從容退朝後或在  
風雪一作晨忽思格猛獸苑囿騰清塵羽旗動若  
一萬馬肅駢駢詔王來射鴈拜命已挺身箭出飛  
鞚內上天一作回翠麟翻然紫塞翻下拂一作明  
月輪胡人雖獲多天笑不爲新王每中一物手自  
與金銀袖中諫獵書扣馬之上陳竟無銜繫虞聖

聰矧多仁官免供給費水有在藻鱗匪惟帝老大  
皆是王忠勤晚年務置醴門引申白賓道大容無  
能永懷侍芳茵好學尚貞烈義形必霑巾揮翰綺  
繡揚篇什若有神川廣不可泝墓久孤兔鄰宛彼  
漢中郡文雅見天倫何以慰我悲泛舟俱遠津溫  
溫昔風味少壯已書紳舊遊易磨滅衰謝增酸辛  
贈秘書監江夏李公邕

詩紀

盛唐卷之七十五

六

長嘯宇宙間高才日陵替古人不可見前輩復誰  
繼憶昔李公存詞林有根柢聲華當健筆灑落富  
清製風流散金石追琢山嶽銳情窮造化理學貫  
天人際干謁走其門碑版照四裔各滿深望還森  
然起凡例蕭蕭白楊路洞徹寶珠惠龍宮塔廟湧  
浩劫浮雲衛宗儒俎豆事故吏去思計眇眇已皆  
虛跋涉曾不泥向來映當時豈特一作獨勸後世豐  
屋珊瑚釣麒麟織成罽紫駟隨劒几義取無虛歲  
分宅脫驂間感激懷未濟衆歸賙給美擺落多藏  
穢獨步四十年風聽九臯唳嗚呼江夏姿竟掩宣  
尼袂昔者武后朝引用多寵嬖否臧太常議面折

三張勢衰俗凜生風排蕩秋旻霽忠貞負冤恨宮  
闕深旒綴放逐早聯翩低垂困炎厲日斜鵬鳥入  
翬斷蒼梧帝榮枯走不暇星駕無安稅幾分漢庭  
竹風擁文侯篲終悲洛陽獄事近小臣斃禍階初  
負謗勿力何深齊伊昔臨淄亭酒酣託末契重叙  
東都別朝陰改軒砌論文到崔蘇指盡流水逝近  
伏盈川雄未甘特進麗是非張相國相扼一危脆  
爭名占豈然鍵捷歟不閉例及吾家詩曠懷掃氛  
霧慷慨嗣真作自注云甫有咨嗟玉山桂鍾律儼  
詩紀

盛唐卷之七十五 七

高懸鯨鯢噴迢遞坡陀青州血蕪沒汶陽瘞哀贈  
竟蕭條恩波延揭厲子孫存一作如綫舊客舟凝  
滯君臣尚論兵將帥接燕薊朗詠六公篇自注云  
崔元暉張柬之憂來豁蒙蔽

故秘書少監武功蘇公源明

武功少也孤徒步客寓徐充讀書東獄中十載  
考墳典時下萊蕪郭忍饑浮雲獻負米晚爲身每  
食臉必泣夜宇照熱薪垢衣生碧蘚庶以勤苦志  
報茲劬勞願學蔚醇儒姿文包舊史善灑落辭幽

人歸來潛京輦射策君東堂宗匠集精選制可題  
未乾乙科已大闡文章日自負吏掾亦一作累踐  
晨趨閭闔內足踏宿昔跡一麾出守還黃屋朔風  
卷不暇陪八駿虜庭悲所遣平生滿樽酒斷此朋  
知展憂憤病二秋有恨石可轉肅宗復社稷得無  
逆順辨范曄顧其兒李斯憶黃犬秘書茂松色一作  
再扈一作祠壇墀前後百卷文枕藉皆禁籙篆  
刻揚雄流溟漲本末淺青瑩芙蓉劒犀兕豈獨剗  
反爲後輩褻予實苦懷緬煌煌齋房芝事絕萬手

盛唐卷之七十五 八

舉垂之俟來者正始徵勸勉不要懸黃金胡爲投  
乳贗二音結交三十載吾與誰遊行滎陽復冥一作  
冥罪罟以橫胃嗚呼子逝日如泰則終蹇長安  
米萬錢凋喪盡餘喘戰伐何當解歸帆阻清沔尚  
纏漳水疾永負蒿里餞

故著作郎貶台州司戶滎陽鄭公虔

鷄鵠至魯門不識鍾鼓饗孔翠望赤霄愁思雕籠  
養滎陽冠衆儒早聞名公賞地崇士大夫况乃氣  
清爽天然生知姿學立游夏上神農或闕漏黃石

愧師長藥纂西極名兵流指諸掌貫穿無遺恨蒼

蕞何技癢自注云公長於地理山川險易方輿物產兵戎衆寡無不詳又著蒼龍賦等詩

人撰胡本主臬星經奧蟲篆丹青廣子雲窺未遍

方朔諧太枉神翰顧不一體變鍾兼兩文傳天下

口大宇猶在榜昔獻書畫圖新詩亦俱往滄洲動

玉陛寡鶴誤一響三絕自御題四方尤所仰嗜酒

益疎放彈琴視天壤形骸實土木親近唯几杖未

曾寄官曹突兀倚書幌晚就芸香閣一作芸閣胡塵

昏塊莽反覆歸聖朝點染無滌盪老蒙台州掾泛

詩紀

盛唐卷之七十五 九

泛浙江槩履穿四明雪饑拾櫓谿橡空聞紫芝歌

不見杏壇丈天長眺東南秋色餘魍魎別離慘至

今斑白徒懷曩春深秦山秀葉墜清渭朗劇談王

侯門野稅林下軟操紙終夕酣時物集遐想詞場

竟疎闊平昔濫推獎百年見存沒牢落吾安訪蕭

條阮咸在出處同世網他日訪江樓含悽述飄蕩

故右僕射相國張公九齡

相國生南紀金璞無留礦仙鶴下人間獨立霜毛

整矯然江海思復與雲路永寂寞想土階未遑等

箕頽上君白玉堂倚君金華省碣石歲嶧際天地

日蛙黷退食吟大庭何心記榛梗骨驚畏曩哲鬢

變負人境雖豪換蟬冠右地應多幸敢忘二疎歸

痛迫蘇耽井紫綬映暮年荊州謝所領庾公興不

淺黃霸鎮每靜賓客引調同諷詠在務屏詩罷地

有餘篇終語清省一陽發陰管淑氣含公鼎乃知

君子心用才文章境散帙起翠螭倚薄巫廬並綺

麗玄暉擁牋誅任昉騁自成一家人則未缺隻字警

詩紀

盛唐卷之七十五 十

千秋滄海南名繫朱鳥影歸老守故林戀闕情延

頸波濤良史筆蕪絕太庾嶺向時禮數隔制作難

上請再讀徐孺碑猶思理煙艇

往在

往在西京日一作時胡來滿彤宮中宵焚九廟雲漢

爲之紅解瓦飛十里總帷紛層空疚心惜木主一

一灰悲風合昏排鐵騎清旭散錦幪一作賊臣表

逆節相賀以成功是時妃嬪戮連爲糞土叢當宁

陷玉座白間剝畫蟲不知二聖處私泣百歲翁車



駕旣云還楹楠歛穹崇故老復涕泗祠官樹椅桐  
宏壯不如初已見帝力雄前春禮郊廟祀事親聖  
躬微軀忝近臣景從陪羣公登階捧玉冊義冕聆  
金鍾侍祠慙先露掖垣邇濯龍天子惟孝孫五雲  
起九舌鏡奩換粉黛翠羽猶葱朧前者厭羯胡後  
來遭犬戎俎豆腐臙肉果愚行角弓安得自西極  
中命空山東盡馳詣闕下士庶塞關中主將曉逆  
順元元歸始終一朝自罪已萬里車書通鋒鏑供  
鋤犁征伐聽所從冗官各復業土著還力農君臣

詩紀

盛唐卷之七十五

十一

節儉足朝野歡呼同中興似國初繼體如太宗端  
拱納諫諍和風日冲融赤墀櫻桃枝隱映銀絲籠  
千春薦寢廟永永傳一作無窮京都不再火  
涇渭開愁容歸號故松柏老去苦飄蓬

述古三首

赤驥頓長纓非無萬里姿悲鳴淚至地爲問馭者  
誰鳳凰從天一作東來何意復高飛竹花不結實念  
子忍朝饑古時一作來君臣合可以物理推賢人識  
定分進退固其宜

市人日中集於利競錐刀置膏烈火上哀哀自煎  
熬農人望歲稔相率除蓬蒿所務穀爲本形羸無  
乃勞舜舉十六相身尊道何高秦時任商鞅法令  
如牛毛

漢光得天下祚永固有開豈惟高祖聖功自蕭曹  
來經綸中興業何代無良一作長才吾慕寇鄧勲濟  
時信良哉耿賈亦宗臣羽翼共徘徊漢一作休運終  
四百圖畫在雲臺

佳人

詩紀

盛唐卷之七十五

十二

絕代有佳人幽居在空谷自云良家子零落依草  
木關中昔喪敗一作亂兄弟遭殺戮官高何足論不  
得收骨肉世情惡衰歇萬事隨轉燭夫婿輕薄兒  
新人美一作已如玉合昏尚知時鴛鴦不獨宿但見  
新人笑那聞舊人哭在山泉水清出山泉水濁侍  
婢賣珠回牽蘿補茅屋摘花不挿髮采柏動盈掬  
天寒翠袖薄日暮倚脩竹

幽人

孤雲亦羣遊神物有所歸麟鳳在赤霄何當一來



儀往與惠詢輦中年滄洲期天高無消息棄我忽  
若遺內懼非道流幽人在瑕疵洪濤隱笑語鼓枻  
蓬萊池崔嵬扶桑日照耀珊瑚枝風帆倚翠蓋暮  
把東皇衣嘖漱元和津所思煙霞微知名未足稱  
局促商山芝五湖復浩蕩歲暮有餘悲

客從

客從南溟來遺我泉客珠珠中有隱字欲辨不成  
書緘之篋笥久以候公家須開視化爲血哀今徵  
歛無

詩紀

盛唐卷之七十五

三

三韻三首

高馬勿捶面長魚無損鱗辱馬馬尾焦困魚魚有  
神君看磊落士不肯易其身

蕩蕩萬斛船影若搖

白虹起檣必椎牛挂席

集衆功自非風動天莫置大水中

烈士惡多門小人自同調名利苟可取殺身傍權

要何當官曹清爾輩堪一笑

赤谷西崦人家

躋險不自安出郊已清目豁迴日氣煖逕轉山田

熟鳥雀依茅茨藩籬帶松菊如行武陵暮欲問桃  
源曲

遭田父泥飲美嚴中丞

步屨隨春風村村自花柳田翁逼社日邀我嘗春

一作

酒酒酣誇新尹畜眼未見有回頭指大男渠

是弓弩手名在飛騎籍長番歲時久前日放營農

辛苦救衰朽差科死則已誓不舉家走今年大作

社拾遺能住否叫婦開大甔盆中爲吾取感此氣

揚揚須知風化首語多雖雜亂說尹終在口朝來

詩紀

盛唐卷之七十五

齒

偶然出自卯將及酉久客諳

一作

人情如何拒鄰

叟高聲索果栗欲起時被肘指揮過無禮未覺村

野醜月出遮我留仍嗔問升斗

西閣曝日

凜冽倦玄冬負暄嗜飛閣羲和流德澤顙頊愧倚

薄毛髮具自和肌膚潛沃若太陽信深仁衰氣歛

有託歆傾煩注眼容易收病脚流離木杪後翩躚

山顛鶴朋知苦聚散哀樂日已作卽事會賦詩人

生忽如昨古來遭喪亂賢聖盡蕭索胡爲將暮年

憂世心力弱

秋行官張望曾促東渚耗稻向畢清晨遣  
女奴阿稽暨子阿段往問

東渚雨今足佇聞杭稻香上天無偏頗蒲稗各自  
良人情見非類田家戒其荒功夫競搢搢一作除  
草置岸傍穀者命之本客居安可忘青春具所務  
勤墾免亂常吳牛力容易並驅紛遊場一作動豐  
田亦已概雲水照方塘有生固蔓延靜一資隄防  
督領不無人提攜頗在綱荆揚風土煖肅肅一作  
詩紀 盛唐卷之七十五 五  
候微霜尚恐主守疎用心未甚臧清朝遣婢僕寄  
語踰崇岡西成聚必散不獨陵我倉豈要仁里譽  
感此亂世忙北風吹蕪葭蟋蟀近中堂在苒百工  
休鬱紆遲暮傷

暇日小園散病將種秋菜督勤耕牛兼書

觸目

不愛入州府畏人嫌我真及乎歸茅宇旁舍未曾  
嗔老病恐一作拘束應接喪精神江村意自放林  
木心所欣秋耕屬地濕山雨近甚勻冬菁飯之半

牛力晚來新深耕種數畝未甚後四鄰嘉蔬既不  
一名數頗具陳荆巫非苦寒採擷接青春飛來兩  
白鶴暮啄泥中芹雄者左翮垂損傷已露筋一步  
再流血尚驚矰繳勤三步六號叫志屈悲哀頻鸞  
鳳不待待側頸訴高長杖藜俯沙渚為汝鼻酸辛

課伐木 并序

課隸人伯夷辛秀信行等入谷斬陰木人日四  
根止維條伊枚正直挺然晨征暮返委積庭內  
我一作潘籬是缺是補載截一作條蕩伊仗支持

詩紀

盛唐卷之七十五

六

則旅次于小安山有虎知禁若恃爪牙之利必  
舊本無昏黑控突嚙人屋壁列樹白菊一作鋤  
為墻實以竹示式遏為與虎近混淪乎無良賓  
客憂害馬之徒苟活為幸可嘿息已作詩示宗

武誦

長夏無所為客居課奴僕清晨飯其腹持斧入白  
谷青冥層巔後十里斬幽一作木人肩四根已亭  
午下山麓尚聞丁丁聲功課入各足蒼皮成一作  
委積素節相照燭藉汝跨小籬當杖若一作虛竹

空荒咆熊羆乳獸待人肉不示知禁情豈惟干戈  
哭城中賢府主處貴如白屋蕭蕭理體靜蜂蠆不  
敢毒虎穴連里閭隄防舊風俗泊舟滄江岸久客  
慎所觸舍西崖嶠壯雷雨蔚含蓄墻宇資屢修衰  
年怯幽獨爾曹輕執熱爲我忍煩促秋光近清岑  
季月當泛菊報之以微寒共給酒一斛

信行遠修水筒

自注云引泉筒也按信行詩人名

汝性不如葦清靜僕夫內秉心識本源於事少滯  
礙雲端水筒圻林表山石碎觸熱藉子修通流與

詩紀

盛唐卷之七十五

七

厨會往來四十里荒險崖谷

一作石

大日醺驚未食

一作餐

貌赤媿相對浮瓜供老病裂餅常所愛於斯

答恭謹足以殊殿最詎要方士符何假將軍蓋行  
諸直如筆用意崎嶇外

行官張望補稻畦水歸

東屯大江北百頃平若案六月青稻多干畦碧泉

亂插秧適云已引溜加溉灌更僕往方塘決渠當

斷岸公私各地著浸潤無天旱主守問家臣分明

見谿畔芊芊

一作芊芊

炯翠羽刻刻

一作生

銀漢鷗鳥

鏡裏來關山雪邊看秋菰成黑米精鑿音傳白粲  
玉粒足晨炊紅鮮任霞散終然添旅食作苦期壯  
觀遺穗及衆多我倉戒滋漫

催宗文樹雞柵

吾衰怯行邁旅次展崩迫愈風傳烏雞秋卵方漫  
喫自春生成者隨母向百翮驅趨制不禁喧呼山  
腰宅課奴殺青竹終日增赤幘踏藉盤案翻塞蹊  
使之隔墻東有隙地可以樹高柵避熱時來歸問  
兒所爲跡織籠巢其內令入不得擲稀間可突過

詩紀

盛唐卷之七十五

六

莆爪

一作距

還汚席我寬螻蟻遭彼免狐貉厄應宜

各長幼自此均勅敵籠柵念有修近身見損益明  
明領處分一一當剖析不昧風雨晨亂離減憂感  
其流則凡鳥其氣心匪石倚賴窮歲晏撥煩去冰  
釋未似尸鄉翁拘留蓋阡陌

上後園山脚

朱夏熱所嬰清旭

一作旦

步北林小園背高岡挽葛

上崎崙曠望延駐目

一作日

飄颻

一作飄飄

散疎襟潛鱗

恨水壯去翼依雲深勿謂地無疆劣於山有陰石

源遍天下水陸兼浮沈自我登隴首十年經苦辛  
劒門來巫峽薄倚浩至今故園暗戎馬骨肉八追  
尋時危無消息老去多歸心志士惜白日久不藉  
黃金敢爲蘇門嘯庶作梁父吟

又上後園山脚

昔我遊山東憶戲東嶽陽窮秋立日觀矯首望八  
荒朱崖著毫髮碧海吹衣裳蓐收困用事玄冥蔚  
強梁逝水自朝宗鎮石一作各其方平原獨憔悴  
農力廢耕桑非關風露凋曾是戍役傷於時國用

詩紀

盛唐卷之七十五

五

富足以守邊疆朝廷任猛將遠奪戎虜場到今事  
反覆故老淚萬行龜蒙不可見况乃懷故鄉肺萎  
屬久戰骨出熱中腸憂來杖匣劒更上林北岡瘴  
毒依鳥落峽乾南日黃秋風亦已起江漢始如湯  
登高欲有往蕩析川無梁哀彼遠征人去家死路  
傍不及父祖塋壘塚相當

柴門

泛舟登瀛西回首望兩崖東城乾旱天其氣如焚  
柴長影沒窈窕餘光散餘燄上火含切大江蟠嵌

根歸海成一家下衝割坤軸疎壁攢鎖鑰蕭蕭

洒秋色氣昏霾日車峽門自此始最窄容浮查

禹功翊造化疏鑿就欹斜巨渠決太古衆水爲長

蛇風煙渺吳蜀舟楫通鹽麻我今遠遊子飄轉混

泥沙本無以二句萬物附本性約身不欲奢茅棟蓋

一牀清池有餘花濁醪與脫粟在眼無咨嗟山荒

人民少地僻日夕佳貧窮固其常富貴任生涯老

於干戈際宅幸蓬草遮石亂上雲氣杉青一作延

日華賞妍又分外理慙夫何誇足了垂白年

詩紀

盛唐卷之七十五

三

敢居高士差書此豁平昔回首猶暮霞

種苘苴

并序

既雨已秋堂下理小畦隔種一兩席許苘苴向

二旬矣而苴不甲拆獨野苳青青傷時君子或

晚得微祿輒軻不進因作此詩

陰陽一錯亂驕蹇不復理枯旱於其中炎方慘如

燬植物半蹉跎嘉生將已矣雲雷世本作歛奔命

師伯集所使指揮赤白日湏洞清光起雨聲先已

風散足盡西靡山泉落滄江霹靂猶在耳終朝紆



颯背信宿罷瀟灑堂下可以畦呼童對經始  
昔今疏之常隨事藝其子破塊數席間荷鋤功易止  
兩旬不甲拆空惜埋泥滓野苒迷汝來宗生實於此  
此輩豈無秋亦蒙寒露委翻然出地速滋蔓戶庭  
毀因知邪干正掩仰至沒齒賢良雖得祿守道不  
封已擁塞敗芝蘭衆多盛荆杞中園陷蕭艾老圃  
永爲耻登于白玉盤藉以如霞綺苒也無所施胡  
顏入筐篚

驅豎子摘蒼耳

詩紀

盛唐卷之七十五

三

江上秋已分林中瘴猶劇畦丁告勞苦無以洪朝

一作夕蓬莠獨一作不焦野蔬暗泉石卷耳况療

風童兒且時摘侵星驅之去爛熳任遠適放筐亭

午際洗剝相蒙羃登牀半生熟下筯還小益加點

瓜薤間依稀橘奴跡亂世誅求急黎民糠粃胡骨切

窄飽食復何心荒哉膏粱客富家厨肉臭戰地骸

骨白寄語惡年少黃金且休擲

屏跡

衰顏一作甘屏跡幽事供高卧鳥下竹根行龜開

萍葉過年荒酒價乏日併園蔬課猶酌甘泉歌  
長擊樽破

除草

自注云去勢也按蘇音  
蒼又除炎切山止也

草有害於人曾何生阻脩其毒甚蜂蠆其多彌道  
周清曠步前林江色未散憂芒刺在我眼焉能待  
高秋霜雪一霑凝蕙葉亦難留荷鋤先童稚日入  
仍討求轉置水中央豈無雙釣舟頑根易滋蔓致  
使依舊丘自茲藩籬曠更覺松竹幽芟夷不可闕  
疾惡信如讐

詩紀

盛唐卷之七十五

三

盛唐第七十五



盛唐第七十六

唐詩紀一百三十六

郭郡吳中珩彙編

東吳陸文組同校

杜甫

五言古詩

水檻

蒼江多風颺雲雨晝夜飛茅軒駕巨浪焉得不低  
垂遊子久在外門戶無人持高岸尚爲谷何傷浮  
枉歆扶顛有勸誠恐貽識者嗤既殊大厦傾可以  
詩紀

盛唐卷之七十六

二

一木支臨川視萬里何必欄檻爲人生感故物慷  
慨有餘悲

營屋

我有陰江竹能令朱夏寒陰通積水內高入浮雲  
端甚疑鬼物憑不顧剪伐殘東偏若面勢戶牖可  
永安愛惜已六載茲晨去千竿蕭蕭見白日洶洶  
開奔湍度堂匪華麗養拙異考繁草茅雖雜葺衰  
病方少寬洗然順所適此足代加餐寂無斤斧響  
應遂憩息歡

草堂

昔我去草堂蠻夷塞成都今我歸草堂成都適無  
虞請陳初亂時反覆乃須臾大將赴朝廷羣小起  
異圖中宵斬白馬盟歃氣已麤西取邛南兵北斷  
劔閣隔布衣十數人亦擁專城居其勢不兩大始  
聞蕃漢殊西卒却倒戈賊臣互相誅焉知肘腋禍  
自及梟獍世本徒義士皆痛憤紀綱亂相踰一國  
實二公萬人欲爲魚唱和作威福孰肯一作辨無  
辜眼前列杵械背後吹笙竽談笑行殺戮濺血滿

詩紀

盛唐卷之七十六

二

長衢到今用鉞地風雨聞號呼鬼妾與鬼馬色悲  
充爾娛國家法令在此又足驚吁賤子且奔走三  
年望東吳弧矢明江海難爲遊五湖不忍竟舍此  
復來雜榛蕪入門四松在步堦萬竹疎舊犬喜我  
歸低徊入衣裾鄰里一作喜我歸沽酒攜胡蘆大  
官喜我來遣騎問所須城郭喜我來賓客隘村墟  
天下尚未寧健兒勝腐儒飄飄一作風塵際何地  
置老夫於時見疣贅骨髓幸未枯飲啄媿殘生食  
薇不敢餘

客居

客居所居堂前江後山根下  
塹萬尋岸蒼濤鬱飛  
翻葱青衆木梢邪豎雜石痕  
子規晝夜啼壯士歛  
精覓峽開四千里水合數百源  
人虎相半居相傷  
終兩存蜀麻久不來吳鹽擁荆門  
西南失大將商  
旅自星奔今又降元戎已聞動行軒  
舟子候利涉  
亦憑節制尊我在路中央生理不得論  
臥愁病脚  
廢徐步示小園短畦帶碧草悵望思王孫  
鳳隨其  
鳳去離雀暮喧繁覽物想故國十年別荒  
一作村  
詩紀  
盛唐卷之七十六  
三

客堂

憶昨離少城而今異楚蜀  
捨舟復深山宵窅一林  
麓栖泊雲安縣消中內相毒舊疾廿載來  
衰年得  
無足死爲殊方鬼頭白免短促老馬終望雲南鴈  
意在北別家長兒女欲起慙筋力客堂叙節改具  
物對羈束石暄蕨芽紫渚秀蘆笋綠巴稼  
一作鶯紛

未稀微麥早向熟悠悠日動江漠漠春辭木臺郎  
一作選才俊自顧亦已極前輦聲名人埋沒何所  
得居然綰章紱受性本幽獨平生憩息地必種數  
竿竹事業只濁醪營葺但草屋上公有記者累奏  
資薄祿王憂豈濟時身遠彌曠職循文廟筭正獻  
可天衢直尚想趨朝廷毫髮裨社稷形骸今若是  
進退委行色

甘林

捨舟赴西岡入林解我衣青芻適馬性好鳥知人

詩紀

盛唐卷之七十六

四

歸晨光映遠岫夕露見日晞遲暮少寢食清曠喜  
荆扉經過倦俗態在野無所違試問甘藜藿未肯  
羨輕肥喧靜不同科出處各天機勿矜朱門是陋  
此白屋非明朝步鄰里長老可以依時危賦歛數  
脫粟爲爾揮相攜行豆田秋花靄菲菲子實不得  
喫貨市送王畿盡添軍旅用迫此公家威主人長  
跪辭  
一作戎馬何時稀我衰易悲傷屈指數賊圍  
勸其死王命慎勿  
一作莫遠奮飛  
阻雨不得歸灤西甘林

三伏適已過驕陽化爲霖欲歸灤西宅阻此江浦  
深壤舟百板圻峻岸復萬尋篙工初一棄恐泥勞  
寸心佇立東城隅悵望高飛禽草堂亂玄圃不隔  
崑崙岑昏渾衣裳外曠絕同層陰園甘長成時三  
寸如黃金諸侯舊上計厥貢傾千林邦人不足重  
所迫豪吏侵客居暫封殖日夜偶瑤琴虛徐五株  
態側塞煩習襟焉得輟兩足杖藜出嶮嶇條流數  
翠實偃息歸碧潯拭拂烏皮几喜聞樵牧音令兒  
快搔背脫我頭上簪

詩紀

盛唐卷之七十六

五

園官送菜

并序

園官送菜把本數日闕矧苦芭馬齒掩乎嘉蔬  
傷小人如害君子菜不足道也比而作詩

清晨蒙菜把常荷地主恩守者愆實數畧有其名  
存苦芭刺如鍼馬齒葉亦繁青青嘉蔬色埋沒在  
中園園吏未足恠世事固一作堪論嗚呼戰代久  
荆棘暗長原乃知苦芭輩傾奪蕙草根小人塞道  
路爲態何喧喧又如馬齒盛氣擁葵荏昏點染不  
易虞絲麻雜羅統一經器物內永挂麓刺痕志士

採紫芝放歌避戎軒畦丁負籠至感動百慮端

園人送瓜

江間雖炎瘴瓜熟亦不早栢公鎮夔國滯務茲一  
掃食新先戰士共少及谿老傾筐蒲鵠青滿眼顏  
色好竹竿接嵌竇引注來鳥道浮沈亂水玉愛惜  
如芝草落刀嚼水霜開懷慰枯槁詩以秋蒂除仍  
看小兒一作抱東陵跡蕪舊本作無絕楚漢休征討園  
人非故侯種此何草草

破船

詩紀

盛唐卷之七十六

六

平生江海心宿昔具扁舟豈惟清谿上日傍柴門  
遊愴惶避亂兵緬邈懷舊丘鄰人亦已非野竹獨  
脩脩船舷不重扣埋沒已經秋仰看西飛翼下媿  
東逝流故者或可掘新者亦易求所悲數奔竄白  
屋難久留

立秋後題

日月不相饒節叙昨夜隔玄蟬無停號秋燕已如  
客平生獨往願惆悵年半百罷官亦由人何事拘  
形役

喜晴

皇天久不雨既雨晴亦佳出郭眺西郊蕭蕭春增  
華青熒陵陂麥窈窕桃李花春夏各有實我饑豈  
無涯干戈雖橫放慘澹鬪龍蛇甘澤不猶愈且耕  
今未賒丈夫則帶甲婦女終在家力難及黍稷得  
種菜與麻千載商山芝往者東門瓜其人骨已朽  
此道誰疵瑕英賢遇輶軒達引蟠泥沙顧慙昧所  
適回首白日斜漢陰有鹿門滄海有靈查焉能學  
眾口咄咄空咨嗟

詩紀

盛唐卷之七十六

七

大雨

西蜀冬不雪春農尚嗷嗷上天回哀眷朱夏雲鬱  
陶執熱乃沸鼎纖絺成緼袍風雷颯萬里霈澤施  
蓬蒿敢辭茅葦漏已喜黍豆高二日無行人二江  
聲怒號流惡邑里清矧茲遠江臯荒庭步鶴鶴隱  
几望波濤沈疴聚藥餌頓忘所進勞則知潤物功  
可以貸不毛陰色靜隴畝勸耕自官曹四鄰出耒

一作耒

何必吾家操

谿漲

當時浣花橋谿水纔尺餘白石明可把水中有行  
車秋夏忽泛溢豈惟入吾廬蛟龍亦狼狽況是鼃  
與魚茲晨已半落歸路跬步疎馬嘶未敢動前有  
深填淤青青屋東麻散亂床上書不意遠山雨夜  
來復何如我遊都市間晚憩必村墟乃知久行客  
終日思其居

喜雨

春旱天地昏日色赤如血晨事都已休兵戈一作戎  
况騷屑巴人困軍須慟哭厚土熱滄江夜來雨真

詩紀

盛唐卷之七十六

八

帝罪一雪穀根少蘇息沴氣終不滅何由見寧歲  
解我憂思結崢嶸羣山雲交會未斷絕安得鞭雷  
公滂沱洗吳越自注云時聞浙右多盜賊

雨

山雨不作泥江雲薄爲霧晴飛半嶺鶴風亂平沙  
樹明滅洲景微隱見巖姿露拘悶出門遊曠絕經  
目趣消中日伏枕臥久塵及屨豈無平肩輿莫辨  
望鄉路兵戈浩未息蛇虺反相顧悠悠邊月破鬱  
鬱流年度針灸阻明曹糠粃胡骨切對童孺一命須



屈色新知漸成故窮荒益自卑飄泊欲誰訴在羸  
愁應接俄頃恐違迂浮俗何萬端幽人有高步龐  
公竟獨往尚子終罕遇宿留音秀洞庭秋天寒蕭  
湘素杖策可入舟送此齒髮暮

雷

大旱山嶽焦密雲復無雨南方瘴癘地罹此農事  
苦封內必舞雩峽中喧擊鼓真龍竟寂寞土梗空  
俯俛吁嗟公私病稅歛缺不補故老仰面啼瘡痍  
向誰數暴虐或前聞鞭巫非稽古請先偃甲兵處  
詩紀  
盛唐卷之七十六 九

火自注云楚俗大旱則焚  
山擊鼓有合神農書

楚山經月火大旱則斯舉舊俗燒蛟龍驚惶致雷  
雨爆嵌魑魅泣崩凍嵐陰切羅落拂百泓根  
源皆萬古青林一灰燼雲氣無處所入夜殊赫然

新秋照牛女風吹巨焰作河棹騰煙柱勢欲焚崑  
崙光瀰熈音斯切洲渚腥至焦長蛇聲吼纏猛虎  
神物已高飛不見石與土爾寧要謗譴憑此近焚  
侮薄關長吏憂甚昧至精主遠遷誰撲滅將恐及  
環堵流汗臥江亭更深氣如縷

雨

峽雲行清曉煙霧相徘徊風吹滄江去一作雨灑  
石壁來淒淒生餘寒殷殷兼出雷白谷變氣候朱  
炎安在哉高鳥濕不下居人門未開楚宮久已滅  
詩紀  
盛唐卷之七十六 十

牽牛織女

牽牛出河西織女處其東萬古永相望七夕誰見  
同神光竟難候此事終蒙朧颯然精靈合何必秋  
遂通亭亭新妝立龍駕具層空世人亦爲爾祈請  
走兒童稱家隨豐儉白屋達公宮膳夫翊堂殿鳴  
玉妻房櫳曝衣遍天下曳月揚微風蛛絲小人態  
曲綴瓜果中初筵裏重露日出甘所終嗟汝未嫁



女秉心鬱忡忡防身動如律竭力機杼中雖無翦  
姑事敢昧織作功明明君臣契咫尺或未容義無  
棄禮法恩始夫婦恭大小有佳期戒之在至公方  
圓苟齟齬丈夫多英雄

雨

行雲遞崇高飛雨霽而至潏潏石間溜汨汨松上  
駛亢陽乘秋熱百穀皆已棄皇天德澤降焦卷有  
生意前雨傷卒暴今雨喜容易不可無雷霆間作  
鼓增氣佳聲達中宵所望時一致清霜九月天髣  
髴見滯穗郊扉及我思我圃日蒼翠恨無抱甕力  
庶減臨江費

雨二首

青山淡無姿白露誰能數片片水上雲蕭蕭沙中  
雨殊俗狀巢居層臺附一作風渚佳客適萬里沈  
思情延佇掛帆遠色外驚浪滿吳楚夕陰蛟螭出  
寇盜復幾許

空山中宵陰微冷先枕席迴風起清曙一作萬象  
妻已碧落落出岫雲渾渾倚天石日假何道行雨

含長江白連檣荊州船有士荷茅一作戟南防草  
鎮慘霑濕赴遠役羣盜下辟山總戎備強敵水深  
雲光廓鳴櫓各有適漁艇息悠悠夷歌負樵客留  
滯一老翁書時記朝夕

北風

北風破南極朱鳳日威垂洞庭秋欲雪鴻鴈將安  
歸十年殺氣盛六合人煙稀吾慕漢初老時清猶  
茹芝

揚旗

自注云二年夏六月成都尹鄭公置酒公堂觀騎士試新旗幟

詩紀

盛唐卷之七十六

三

江雨颯長夏府中有餘清我公會賓客肅肅有異  
聲初筵閱軍裝羅列照廣庭庭空六馬入駸駸揚  
旗旌回回偃飛蓋熠熠迸流星來纏風颺急去擘  
山嶽傾材歸俯身盡妙取畧地平虹蜺就掌握舒  
卷隨人輕三州陷犬戎但見西嶺青公來練猛士  
欲奪天邊城此堂不易升庸蜀日已寧吾徒且加  
餐休適蠻與荆

夜聽許十一誦詩愛而有作

許生五臺賓業白出石壁余亦師粲可身猶縛禪

寂何階子方便謬引爲匹敵離索晚相逢包蒙欣  
有擊誦詩渾遊行四座皆辟易應手看捶鉤清心  
聽鳴鏑精微穿溟滓飛動摧霹靂陶謝不枝梧風  
騷共推激紫鸞一作燕自超詣翠駁誰剪剔君意人  
莫知人間夜寥閨

### 聽楊氏歌

佳大絕代歌獨立發皓齒滿堂慄不樂響下青虛  
裏江城帶素月况乃清夜起老夫悲暮年壯士淚  
如水玉杯久寂寞金管迷宮徵勿云聽者疲愚智  
詩紀盛唐卷之七十六十三  
心盡死古來傑出土豈待一知己吾聞昔秦青傾  
側天下耳

### 觀薛稷少保書畫壁

少保有古風得之陝郊篇惜哉功名忤但見書畫  
傳我遊梓州東遺跡涪江邊畫藏青蓮界書入金  
榜懸仰看垂露姿不崩亦不騫鬱鬱三大字蛟龍  
姿相纏又揮西方變發地扶屈椽慘澹壁飛動到  
今色未填此行疊壯觀郭薛俱才賢不知千載後  
誰復來通泉

### 通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶作  
獨出塵低昂各有意磊磊如長人佳此志氣遠豈  
惟粉墨新萬里不以力羣遊森會神威遲白鳳態  
非是倉鶻鄰高堂未傾覆幸得慰佳賓曝露牆壁  
外終嗟風雨頻赤霄有真骨恥飲洿池津冥冥任  
所適一作脫畧誰能馴

### 殿中楊監見示張旭草圖

斯人已云亡草聖祕難得及茲煩見示滿目一凄  
詩紀盛唐卷之七十六十四  
惻悲風生微綃萬里有一作起古色鏘鏘鳴玉動落  
落羣松直連山蟠其間溟漲與筆力有練實先書  
臨池真盡墨俊拔爲之主暮年思轉極未知張王  
後誰並百代則嗚呼東吳精逸氣感清識楊公拂  
篋筭舒卷忘寢食念昔揮毫端不獨觀酒德

### 楊監又出畫鷹十二扇

近時馮紹正能畫鷲鳥樣明公出此圖無乃傳其  
狀殊姿各獨立清絕心有向疾禁千里馬氣敵萬  
人將憶昔驪山宮冬移含元伏天寒大羽獵此物

神俱王當時無凡材百中皆用壯粉墨形似間識者一惆悵干戈少暇日真骨老崖嶂爲君除狡兔會是翻韉上

### 太平寺泉眼

招提憑高岡疎散連草莽出泉枯柳根汲飲歲月古石間一作見海眼天畔縈水府廣深丈尺間宴息敢輕侮青白二小蛇幽姿可時覩如絲氣或上爛熳爲雲雨山頭到山下鑿井不盡上取供十方僧香美勝牛乳北風起寒文弱藻舒翠縷明涵客

詩紀

盛唐卷之七十六

五

衣淨細蕩林影趣何當宅下流餘潤通藥圃三春

濕黃精一食生毛羽

### 石硯

自注云平侍御者之硯也

平公今詩伯秀發吾所羨奉使三峽中長嘯得石硯巨璞禹鑿餘異狀君獨見其滑乃波濤其光或雷電聯切各盡墨多水逾隱見揮灑容數人十手可對面比公頭上冠貞質未爲賤當公賦佳句況得終清宴公舍起草姿不遠明光殿致于丹青地知汝隨顧盼

### 杜鵑

西川有杜鵑東川無杜鵑涪萬一作南無杜鵑雲安有杜鵑我昔遊錦城結廬錦水邊有竹一頃餘喬木上參天杜鵑暮春至哀哀叫其間我見常再拜重是古帝堯生子百鳥巢百鳥不敢嗔仍爲餒其子禮若奉至尊鴻鴈及羔羊有禮太古前行飛與晚乳識序又知恩聖賢古一作吾法則付與一作後世傳君看禽鳥情猶解事杜鵑今忽暮春間值我病經年身病不能拜淚下如迸泉

詩紀

盛唐卷之七十六

六

### 槐葉冷陶

青青高槐葉采掇付中厨新麪來近市汁滓宛相俱入鼎資過熟加餐愁欲無碧鮮俱照筋香飯兼苞蘆經齒冷於雪勸人投比珠願隨金轡裹走置錦屠蘇路遠思恐泥興深終不渝獻芹則小小薦藻明區區萬里露寒殿開冰清玉壺君王納涼晚此味亦時須

### 病栢

有栢生崇岡童童狀車蓋偃蹇一作蹇龍虎姿王當

風雲會神明依正直故老多再拜豈知千年根中  
路顏色壞出非不得地盤據亦高大歲寒忽無憑  
日夜柯葉改丹鳳領九雛哀鳴翔其外鳴鴉志意  
滿養子穿穴內客從何鄉來竚立又吁恠靜求元  
精理浩蕩難倚賴

病橘

羣橘少生意雖多亦奚爲惜哉結實小酸澀如棠  
梨剖之盡蠹蟲采掇爽其宜紛然不適口豈止一作  
存其皮蕭蕭半死葉未忍別故枝玄冬霜雪積

詩紀

盛唐卷之七十六

七

况乃迴風吹嘗聞蓬萊殿羅列瀟湘姿此物歲不  
稔玉食失光輝寇盜尚憑陵當君減膳時汝病是  
天意吾愁一作罪有司憶昔南海使奔騰獻荔枝  
百馬死山谷到今耆舊悲

枯櫟

蜀門多櫟櫟高者十八九其皮剝剝甚雖衆亦易  
朽徒布如雲葉青青歲寒後交橫集斧斤凋喪先  
蒲柳傷時若軍乏一物官盡取嗟爾江漢人生成  
復何有有同枯櫟木使我沈歎久死者卽已休生

者何自守啾啾黃雀啁卽咏字側見寒蓬走念爾形  
影乾摧殘沒藜莠

枯枿

梗枿枯嶢嶢鄉黨皆莫記不知幾百歲慘慘無生  
意上枝摩蒼一作天下根蟠厚地巨圍雷霆圻萬  
孔蟲蟻萃凍雨落流膠衝風奪佳氣白鵠遂不來  
天雞爲愁思猶含棟梁具無復霄漢志良工苦昔  
少識者出涕淚種榆水中央成長何容易截承金  
露盤一作不自畏

詩紀

盛唐卷之七十六

六

丁香

丁香體柔弱亂結枝猶墊細葉帶浮毛疎花披素  
艷深裁小齋後庶近幽人占晚隨蘭麝中休懷粉  
身念

麗春

百草競春華麗春應最勝少須顏色好多謾枝條  
刺紛紛桃李枝處處總能移如何此貴重却怕有  
人知

櫟拂子



機拂且薄陋豈知身効能不堪代白羽有足除蒼  
蠅熒熒金錯刀擢擢朱絲繩非獨顏色好亦用顧  
盼稱吾老抱疾病家貧臥炎蒸作答切字當作膚倦  
撲滅賴爾甘服膺物微世競棄義在誰肯徵三歲  
清秋至未敢闕緘滕

四松

四松初移時大抵三尺強別來忽三歲離立如人  
長會看根不拔莫計枝凋傷幽色幸秀發疎柯亦  
昂藏所挿小藩籬本亦有隄防終然振撥損得愧

詩紀

盛唐卷之七十六

九

千葉黃敢爲故林王黎庶猶未康避賊今始歸春  
草滿空堂覽物歎衰謝及茲慰淒涼清風爲我起  
灑面一作若微霜足以送老姿聊待偃蓋張我生  
無根蒂配爾亦茫茫有情且賦詩事迹可兩忘勿  
矜千載後慘澹蟠穹蒼

盛唐第七十六

盛唐第七十七

唐詩紀一百三十七

鄆郡吳中珩彙編

東吳陸文組同校

杜甫

九

七言古詩

前苦寒行二首

漢時長安雪一丈牛馬毛寒縮如蜩楚江巫峽水  
入懷虎豹哀號又堪記秦城老翁荆揚客慣習炎  
蒸歲絺綌玄冥祝融氣或交手持白羽未敢釋

詩紀

盛唐卷之七十七

一

去年白帝雪在山今年白帝雪在地凍埋蛟龍南  
浦縮寒刮肌膚北風利楚人四時皆麻衣楚天萬  
里無晶輝三足之鳥足恐斷義和迭迭將安歸

後苦寒行二首

南紀巫廬瘴不絕太古以來無尺雪蠻夷長老怨  
苦寒崑崙天關凍應折玄猿口噤不能嘯白鵠翅  
垂眼流血安得春泥補地裂

晚來江門

一作

失大木猛風中夜飛

一作

白屋天

兵斬斷青海戎殺氣南行動坤軸不爾苦寒何太



酒巴東之峽生凌澌彼蒼回幹人得知

悲陳陶

陳陶斜在咸陽縣房瑄與祿山戰敗終于此

葛常之詩話云子美悲陳陶言房瑄之敗也瑄臨敗尤持重而中人邢延恩促戰遂敗故之深悲

孟冬十郡良家子血作陳陶澤中水野曠天清一作

廣野無戰聲四萬義軍同日死羣胡歸來血一作

洗箭仍唱胡歌飲都一作市都人回面向北啼日

夜更望官軍至

悲青坂

青坂在岐州太白山房瑄起軍于此

詩紀

盛唐卷之七十七

二

我軍青坂在東門天寒飲馬太白窟黃頭奚兒日

向西數騎彎弓敢馳突山雪河水野一作蕭瑟青

是烽煙白是一作人骨焉得附書與我軍忍待明年

莫倉卒

哀王孫

時祿山驚潼關玄宗倉卒西幸諸嗣王及公主之在外者皆不及從

其後多為祿山所屠此詩記而哀之

長安城頭頭白烏夜飛延秋門上呼又向人家啄

大屋屋底達官走避胡金鞭斷折九馬死骨肉不

待同馳驅腰下寶玦青珊瑚可憐王孫泣路隅問

不肯道姓名但道困苦乞為奴已經百日竄

棘身上無有完肌膚高帝子孫盡隆準龍種自與

常人殊豺狼在邑龍在野王孫善保千金軀不敢

長語臨交衢且為王孫立斯須昨夜東一作風吹

血腥東來橐駝滿舊都朔方健兒好身手昔何勇

銳今何愚竊聞太子已傳位聖德北服南單于花

門務一作面請雪耻慎勿出口他人但哀哉王孫慎

勿踈五陵佳氣無時無

哀江頭

曲江為京都勝賞之地遭祿山焚劫之後公有感而作

詩紀

盛唐卷之七十七

三

少年野老吞聲哭春日潛行曲江曲江頭宮殿鎖

千門細柳新蒲為誰綠憶昔霓旌下南苑苑中萬

物生顏色昭陽殿裏第一人同輩隨君侍君側輦

前才人帶弓箭白馬嚼齧黃金勒翻身向天仰射

雲一箭楊用修云黃魯直注作一笑用賈大夫妻射雉事正墮雙飛翼明

眸皓齒今何在血污遊魂歸不得清渭東流劒閣

深去住彼此無消息人生有情淚沾臆江水一作

江花豈終極黃昏胡騎塵滿城欲往城南忘南一作

城北

洗兵馬自注云收京後作

中興諸將收山東捷書夜報一作夕奏清書同河廣傳

聞一葦過胡兒一作危命在破竹中祗一作惟云殘鄴城

不日得獨任朔方無限功京師皆騎汗血馬回紇

餒肉蒲萄宮已喜皇威清海岱常思仙仗過崆峒

三年笛裏關山月萬國兵前草木風成王功大心

轉小郭相郭子儀也謀深古來少司徒李光弼也清鑒懸明

鏡尚書王忠禮也氣與秋天杳二三豪俊爲時出整頓

乾坤濟時了東走無復憶鱸魚南飛覺有安枝一作

詩紀盛唐卷之七十七四

鳥青春復隨冠冕入紫禁正耐煙花繞鶴駕通

宵鳳輦備雞鳴問寢龍樓曉攀龍附鳳勢莫當天

下盡化爲侯王汝等豈知蒙帝力時來不得誇身

強關中既畱蕭丞相幕下復用張子房張公疑謂張鎰

一生江海客身長九尺鬚眉蒼微起適遇風雲會

扶顛始知籌策良青袍白馬更何有後漢今周喜

再昌寸地尺天皆入貢奇祥異瑞爭來送不知何

國致白環復道諸山得銀甕隱士休歌紫芝曲詞

人解撰河清頌田家望望惜雨乾布穀處處催春

種淇上健兒歸莫懶城南思婦愁多夢安得壯士  
挽天河淨洗甲兵長不用

麗人行

三月三日天氣新長安水邊多麗人態濃意遠淑

且真肌理細賦骨肉勻繡羅衣裳照暮春蹙金孔

雀銀麒麟頭上何所有翠微一作爲爲一作爲葉垂鬢

脣背一作後何所見珠壓腰袂音穩稱身就中雲

幕椒房親賜名大國號與秦紫駝之峯出翠釜水

精之盤行素鱗犀筋厭飫久未下鸞刀縷切空紛

詩紀盛唐卷之七十七五

綸黃門飛鞚不動塵御厨絲絡送八珍簫鼓哀吟

感鬼神賓從雜遝實要津後來鞍馬何逡巡當軒

下馬入錦茵楊花雪落覆白蘋青鳥飛去銜紅巾

炙手可熱勢絕倫慎莫近前丞相嗔

今夕行

今夕何夕歲云徂更長燭明不可孤咸陽客舍一

事無相與博塞先代爲歡娛憑陵大叫呼五白袒

跣不肯成臬盧英雄有時亦如此邂逅豈卽非良

圖君莫笑劉毅從來布衣願家無儋石輸百萬

苦戰行

苦戰身死馬將軍自云伏波之子孫干戈未定失  
壯士使我歎恨傷精魂去年江南討狂賊臨江把  
臂難再得別時孤雲今不飛時獨看雲淚橫臆

兵車行

車麟麟馬蕭蕭行人弓箭各在腰爺孀妻子走相  
送目注云古樂府不聞爺娘哭塵埃不見咸陽橋  
牽衣頓足攔道哭哭聲直上千雲霄道傍過者問  
行人行人但云點行頻或從十五北防河便至四

詩紀

盛唐卷之七十七

六

十西營田去時里正與裏頭歸來頭白還戍邊邊  
庭流血成海水武皇開邊意未已君不見漢家山  
東二百州千村萬落生荆杞縱有健婦把鋤犁禾  
生隴畝無東西況復秦兵耐苦戰被驅不異犬與  
雞長者雖有問役夫敢伸恨且如今年冬未休關  
西卒縣官急索租租稅從何出信知生男惡反是  
生女好生女猶得一作是嫁比鄰生男埋沒隨百草  
君不見青海頭古來白骨無人收新鬼煩冤舊鬼  
哭天陰雨濕聲啾啾

沙苑行

唐置沙苑監掌  
牧養在同州

不見左輔白沙白如水繚以周牆百餘里龍媒  
昔是渥洼生汗血今稱獻于此苑中騾牝三千匹  
豐草青青寒不死食之豪健西域無每歲攻駒冠  
邊鄙王有虎臣司苑門入門天廐皆雲屯驪驪一  
骨獨當御春秋二時歸至尊至尊內外馬盈億伏  
櫪在圻空大存逸羣絕足信殊傑倜儻權奇難具  
論論繫繫追同與堆阜藏奔突往往坡陀縱超越角壯  
翻同麋鹿遊浮深簸蕩龜鼉窟泉出巨魚長比人  
有神

詩紀

盛唐卷之七十七

七

錦樹行

今日苦短昨日休歲云暮矣增離憂凋傷碧樹作  
錦樹萬壑東逝無停留荒戍之城石色古東郭老  
人住青丘飛書白帝營斗粟琴瑟几杖柴門幽  
青草萋萋盡枯死天馬跋一作跋足隨羗牛自古  
聖賢多薄命姦雄惡少皆封侯一作封侯故國三年  
一消息終南渭水寒悠悠五陵豪貴反顛倒鄉里

小兒狐白裘生男墮地要膂力生女一作富貴傾  
邦國莫愁父母少黃金天下風塵兒亦得

### 赤霄行

孔雀未知牛有角渴飲寒泉逢觚觸赤霄玄圃須  
往來翠尾金花不辭辱江中淘河嚇飛燕銜泥却  
落羞華屋皇孫猶曾蓮音華勺困衛莊見貶傷其足  
老翁慎勿怵少年葛亮貴和書有篇丈夫垂名動  
萬年記憶細故非高賢

### 白鳧行

詩紀

盛唐卷之七十七

八一

君不見黃鵠高於五尺童化為白鳧似老翁故畦  
遺穗已蕩盡天寒歲暮波濤中鱗介腥膾素不食  
終日忍饑西復東魯門鷄鵠亦踰踰聞道如今猶  
避風

### 朱鳳行

君不見瀟湘之山衡山高山巔朱鳳聲嗷嗷側身  
長顧求其曹翅垂口噤心甚勞下懸百鳥在羅網  
黃雀最小猶難逃願分竹實及螻蟻盡使鷗梟相  
怒號

### 古柏行

孔明廟前有老柏柯如青銅根如石霜皮溜雨四  
十圍黛色參天二千尺君臣已與時際會樹木猶  
為人愛惜雲來氣接巫峽長月出寒通雪山白憶  
昨路繞錦亭東先主武侯同閔宮崔嵬枝幹郊原  
古窈窕丹青戶牖空落落盤踞雖得地冥冥孤高  
多烈風扶持自是神明力正直元因造化功大厦  
如傾要梁棟萬牛一作年回首丘山重不露文章世  
已驚未辭翦伐誰能送苦心豈一作不免容螻蟻香

詩紀

盛唐卷之七十七

九

葉終經宿鸞鳳志士幽人莫怨嗟古來材大難爲  
用

### 石犀行

華陽國志云秦孝文王以李冰爲蜀守作石犀五頭以壓水怪

君不見秦時蜀太守刻石立作三犀牛自古雖有  
厭勝法天生江水向東流蜀人矜誇一千載泛溢  
不近張儀樓今年灌口損戶口此事或恐爲神羞  
終藉隄防出衆力高擁木石當清秋先王作法皆  
正道詭恠何得參人謀嗟爾三犀不經濟缺訛只  
與長川逝但見元氣常調和自免洪濤恣凋瘵安



得壯士提天綱再平水土犀奔茫

石笋行

在成都西門外二株雙蹲一南一北

君不見益州城西門陌上石笋雙高蹲古老

一作

相傳是海眼苔蘚蝕盡波濤痕雨多往往得瑟瑟  
此事恍惚難明論恐是昔時卿相墓立石爲表今  
仍存惜哉俗態好蒙蔽亦如小臣媚至尊政化錯  
迕失大體坐看傾危受厚恩嗟爾石笋擅虛名後  
來未識猶駿奔安得壯士擲天外使人不疑見本  
根

詩紀

盛唐卷之七十七

十

杜鵑行

君不見昔日蜀天子化爲杜鵑似老鳥寄巢生子  
不自啄羣鳥至今與哺雛雖同君臣有舊禮骨肉  
滿眼身羈孤業工竄伏深樹裏四月五月偏號呼  
其聲哀痛口流血所訴何事常區區爾豈摧殘始  
發憤羞帶羽翮傷形愚蒼天變化誰料得萬事反  
覆何所無萬事反覆何所無一本無此重句豈憶當殿羣  
臣趨

虎牙行

目注云虎牙難名也蕭銑脩江陵日屯兵于此後常爲屯戍之地

秋風歔吸吹南國天地慘慘無顏色洞庭揚波江

漢迴虎牙銅柱皆傾側巫峽陰岑朔漠氣峰巒窈

窕谿谷黑杜鵑不來猿狖寒山鬼幽憂雪霜逼楚

老長嗟憶炎瘴三尺角弓兩斛力壁立石城橫塞

起金錯旌竿滿雲直漁陽突騎獵青丘犬戎鎖甲

聞一作丹極此下疑有脫句八荒十年防盜賊征戍誅求

寡妻哭遠客中宵淚霑臆

負薪行

夔州處女髮半華四五十無夫家更遭喪亂嫁

詩紀

盛唐卷之七十七

十一

不售一生抱恨堪咨嗟土風坐男使女立應當門

戶女出入十猶八九負薪歸賣薪得錢應供給至

老雙鬟只垂頸野花山葉銀釵並筋力登危集市

門死生射利兼鹽井面妝首飾雜啼痕地褊衣寒

困石根若道巫山女粗醜何得此有昭君村

最能行

峽中丈夫絕輕死少在公門多在水富豪有錢駕

大舸貧窮取給行艤子小兒學問止論語大兒結

東隨商旅欹帆側柁入波濤撇旋梢瀆無險阻朝



發白帝暮江陵頃來目擊信有徵瞿塘漫天虎鬚  
怒歸州長年與一作行最能此鄉之人氣量窄悞競  
南風踈北客若道土無英俊一作雄才何得山有屈  
原宅

貧交行

翻手作雲覆手雨紛紛輕薄何須數君不見管鮑  
貧時交此道今人棄如土

白絳行

綵絳須長不須白越羅蜀錦金粟尺象牀玉手亂

詩紀

盛唐卷之七十七

十一

殷紅萬草千花動凝碧已悲素質隨時染裂下鳴  
機色相射美人細意慰帖平裁縫滅盡針線跡春  
天衣著爲君舞蛺蝶飛來黃鸝語落絮遊絲亦有  
情隨風照日宜輕舉香汗清塵汚顏色開新合故  
置何許君不見才士汲引難恐懼棄捐忍羈旅

去矣行

君不見韝上鷹一飽則飛掣焉能作堂上燕銜泥  
附炎熱野人曠蕩無覩顏豈可久在王侯間未識  
囊中餐玉法明朝且入藍田山

歲晏行

夢云暮矣多北風瀟瀟洞庭白雲中漁父天寒網  
罟凍莫徭射鴈鳴桑弓去年米貴闕軍食今年米  
賤大傷農高馬達官厭酒肉此輩杼軸空茨空楚  
人重魚不重鳥汝休枉殺南飛鴻況聞處處鬻男  
女割慈忍愛還租庸往日用錢捉私鑄今許鉛錫  
和青銅刻泥爲之最易得好惡不合長相蒙萬國  
城頭吹畫角此曲哀怨何時終

天邊行

詩紀

盛唐卷之七十七

十一

二月十七日

天邊老人歸未得日暮東臨大江哭隴右河源不  
種田胡騎羌兵入巴蜀洪濤滔天風拔木前飛禿  
鶯後鴻鵠九度附書向洛陽十年骨肉無消息

大麥行

大麥乾枯小麥黃婦女行泣夫走藏東至集壁西  
梁洋問誰腰鐮胡與羌豈無蜀兵三千人部領辛  
苦江山長安得如鳥有羽翅託身白雲還故鄉

莫相疑行

男兒生無所成頭皓白牙齒欲落真可惜憶獻三

賦蓬萊宮自恠一日聲輝赫集賢學士如堵瞻觀  
我落筆中書堂往時文彩動人主此日饑寒趨路  
傍晚將末契託年少當面輸心背面笑寄謝悠悠  
世上兒不爭好惡莫相疑

折檻行

嗚呼房魏不復見秦王學士時難羨青襟胃子困  
泥塗白馬將軍若雷電千載少似朱雲人至今折  
檻空嶙峋婁公不語宋公語尚憶先皇容直臣

詩紀

盛唐卷之七十七

十四

盛唐第七十七

盛唐第七十八

唐詩紀一百三十八

郭郡吳中珩彙編  
東吳陸文組同校

杜甫

七言古詩二

憶昔行

憶昔北尋小有洞洪河怒濤過輕舸辛勤不見華  
蓋君良岑青輝慘么麼千崖無人萬壑靜三步回  
頭五步坐秋山眼冷竟未歸仙賞心違淚交墮弟

詩紀

盛唐卷之七十八

二

子誰依白茅室盧老獨啓青銅鎖巾拂香餘搗藥  
塵階除灰死燒丹火玄圃滄洲莽空闊金節羽衣  
飄婀娜落日初霞閃餘映倏忽東西無不可松風  
礮水聲合時青兕黃熊啼向我徒然咨嗟撫遺跡  
至今夢想仍猶左舊作秘訣隱文須內教晚歲何  
功使願果更討衡陽董鍊師南遊早鼓瀟湘柁

閬山歌

閬州城東靈山白閬中一作城北玉臺碧松浮欲  
盡不盡雲江動將崩已一作崩石那知根無鬼神

會已覺勢與高華敵中原格闘且未歸應結茅齋  
看青壁

閩水歌

嘉陵江色一作山何所似石黛碧玉相因依正憐日  
破浪花出更復春從沙際歸巴童蕩槳歌側過水  
鳥一作難銜魚來去飛閩中勝事可腸斷閩州城南  
天下稀

越王樓歌

綿州州府何磊落顯慶年中越王作孤城西北起  
詩紀 盛唐卷之七十八 二

高樓碧瓦朱甍照城郭樓下長江百丈清山頭落  
日半輪明君王舊跡今人賞轉見千秋萬古情

光祿坂行

在梓州

山行落日下絕壁西望千山萬山赤樹枝有鳥亂  
鳴時暝色無人獨歸客馬驚不憂深谷墜草動只  
怕長弓射安得更似開元中一作年道路即今多擁  
隔

冬狩行

自注云時梓州刺史章彝兼侍御史蜀後東川

君不見東川節度兵馬雄校獵亦似觀成功夜發

猛士三千人清晨合圍步驟同禽獸已斃十七八  
殺聲落日迴蒼穹幕前生致九青兕駱駝鼉鼉垂  
玄熊東西南北百里間髣髴蹴踏寒山空有鳥名  
鸛鵒力不能高飛逐走蓬肉味不足登鼎俎胡爲  
見羈虞羅中春蒐冬狩侯得同使君五馬一馬騶  
况今一作令攝行大將權號令頗有前賢風飄然時  
危一老翁十年厭見旌旗紅喜君士卒甚整肅爲  
我回轡擒西戎草中狐兔盡何益天子不在咸陽  
宮朝廷雖無幽王禍得不哀痛塵再蒙嗚呼得不  
詩紀 盛唐卷之七十八 三

哀痛塵再蒙

百憂集行

憶年十五心尚孩健如黃犢走復來庭前八月梨  
棗熟一日上樹能千迴即今倏忽已五十坐臥只  
多少行立強將笑語供主人悲見生涯百憂集入  
門依舊四壁空老妻覩我顏色同癡兒未知父子  
禮叫怒索飯啼門東

去秋行

去秋涪江木落時臂槍走馬誰家兒到今不知白

骨處部曲有去皆無歸遂州城中漢節在遂州城外巴人稀戰場冤冤每夜哭空令野營猛士悲

### 蠶穀行

天下郡國向萬城無有一城無甲兵焉得鑄甲作農器一寸荒田牛得耕牛盡耕田蠶亦成不勞烈士淚滂沱男穀女絲行復歌

### 徒步歸行

自注云贈李特進自鳳翔赴鄭州途經邠州作

明公壯年值時危經濟實藉英雄姿國之社稷今若是武定禍亂非公誰鳳翔千官且飽飯衣馬不

詩紀

盛唐卷之七

四

復能輕肥青袍朝士最困者白頭拾遺徒步歸人生交契無老少論交何必先同調妻子山中哭向天須公櫪上追風驪

### 題壁上韋偃畫馬歌

韋侯別我有所適知我憐君畫無敵戲拈秃筆掃驂驪歛見麒麟出東壁一匹斂草一匹嘶坐看千里當霜蹄時危安得真致此與人同生亦同死

### 戲題王宰畫山水圖歌

十日畫一水五日畫一石能事不受相促迫王宰

始肯留真跡壯哉崑崙方壺圖挂君高堂之素壁巴陵洞庭日本東赤岸水與銀河通中有雲氣隨飛龍此一本無舟人漁子入浦淑山水盡亞一作洪濤風尤工遠勢古莫比咫尺應須論一作萬里焉得并州快剪刀剪取吳松半江水

### 題李尊師松樹障子歌

老夫清晨梳白頭玄都道士來相訪握髮呼兒延入戶手持一作提新畫青松障障子松林靜杳冥憑軒忽若無丹青陰崖却承一作成霜雪幹偃蓋反走

詩紀

盛唐卷之七

五

蚪龍形老夫平生好奇古對此興與精靈聚已知仙客意相親更覺良工心獨苦松下丈人巾屨同偶坐似是商山翁悵望一作惆悵聊歌紫芝曲時危慘淡來悲風

### 戲韋偃爲雙松圖歌

天下幾人畫古松畢宏已老韋偃少絕筆長風起纖末滿堂動色嗟神妙兩株慘裂苦薛皮屈鐵交錯迴高枝白摧朽骨龍虎死黑入太陰雷雨垂松似胡僧愁寂寞龐眉皓首無住著偏袒右肩露雙



葉裏松子僧前落韋侯數相見我有一匹  
好東一作素絹重之不減綿繡段已令拂拭光凌亂

請公放筆爲直幹

韋諷錄事宅觀曹將軍畫馬圖引

明皇維錄云曹

韋諷善繪畫特稱神妙

國初已來畫鞍馬神妙獨數江都王

按名畫記江都王緒霍王

元軌子畫鞍馬擅名將軍得名三十載人間又見真乘黃曾

貌先帝照夜白

玄宗馬名

龍池十日飛霹靂內府殷紅

瑪瑙盤婕妤傳詔才人索盤

一作盤

賜將軍拜舞歸

詩紀

盛唐卷之七

六

輕軌細綺相追飛貴戚權門得筆跡始覺屏障生

光輝昔日太宗拳毛騮近時郭家師子花今之新

圖有二馬復令識者久歎嗟此皆騎戰一敵萬縞

素漠漠開風沙其餘七疋亦殊絕迴若寒空動煙

雪霜蹄蹴踏長楸間馬官廝養森成列可憐九馬

爭神駿顧視清高氣深穩借問苦心愛者誰後有

韋諷前支遁憶昔巡幸新豐宮翠華拂天來向東

騰驤磊落三萬匹皆與此圖筋骨同自從獻寶

朝河宗無復射蛟江水中君不見金粟堆前松

柏裏龍媒去盡鳥呼風

奉先劉少府新畫山水障歌

堂上不合生楓樹恠底江山起煙霧聞君掃却赤

縣圖乘興遣畫滄洲趣畫師亦無數好手不可遇

對此融心神知君重毫素豈但祁岳與鄭虔筆迹

遠過楊契丹得非玄圃裂無乃瀟湘翻悄然坐我

天姥下耳邊已似聞清猿反思前夜風雨急乃是

蒲城鬼神入元氣淋漓障猶濕真宰上訴天應泣

野亭春還雜花遠漁翁暝踏孤舟立滄浪水深青

詩紀

盛唐卷之七

七

溟闊歆岸側島秋毫末不見湘妃鼓瑟時至今斑

竹臨江活劉侯天機精愛畫入骨髓自有兩兒郎

揮灑亦莫比大兒聰明到能添老樹巔崖裏小兒

心孔開貌得山僧及童子若耶谿雲門寺吾獨胡

爲在泥滓青鞋布韞從此始

觀打魚歌

綿州江水之東津魴魚鱗鱗色勝銀漁人漾舟沈

大網截江一擁數百鱗衆魚常才盡棄却赤鯉騰

出如有神潛龍無聲老蛟怒迴風颯颯吹沙塵饕

餮



子左右揮霜刀鱸飛金盤白雪高徐州飛尾不足  
憶漢陰槎頭遠遁逃魴魚肥美知第一既飽驪娛  
亦蕭瑟君不見朝來割素鬚咫尺波濤永相失

又觀打魚

蒼江漁子清晨集設網提綱萬魚急能者操舟疾  
若風撐突波濤挺叉入小魚脫漏不可紀半死半  
生猶戢戢大魚傷損皆垂頭屈強泥沙有時立東  
津觀魚已再來主人罷鱸還傾杯日暮蛟龍改窟  
穴山根鱸鮓隨雲一作風雷干戈兵革闕未已鳳凰

詩紀

盛唐卷之七十六

八

麒麟安在哉吾徒胡爲縱此樂暴殄天物聖所哀

觀公孫大娘弟子舞劍器行并序

大曆二年十月十九日夔府別駕元特宅見臨  
穎李十二娘舞劍器壯其蔚跂一作跋問其所師  
曰余公孫大娘弟子也開元三載余尚童稚記  
於郾城觀公孫氏舞劍器渾脫瀏離頓挫獨出  
冠時自高頭宜春梨園二伎坊內人洎外供奉  
曉是舞者聖文神武皇帝初公孫一人而已玉  
貌錦衣况余白首今茲弟子亦匪盛顏既辨其

由來知波瀾莫二撫事慷慨聊爲劍器行一作  
者吳人張旭善草書書帖數一作類嘗於鄴縣  
見公孫大娘舞西河劍器自此草書長進豪蕩  
感激卽公孫可知矣

昔有佳人公孫氏一舞劍器動四方觀者如山色  
沮喪天地爲之久低昂燿音如羿射九日落矯如  
羣帝驂龍翔來如雷電收震怒罷如江海凝清光  
絳脣朱袖兩寂寞晚有弟子傳芬芳臨穎美人在  
白帝妙舞此曲神揚揚與余問答既有以感時撫

詩紀

盛唐卷之七十六

九

事增惋傷先帝侍女八千人公孫劍器初第一五  
十年間似反掌風塵頃洞昏王室梨園弟子散如  
煙女樂餘姿映寒日一作寒金粟堆南木已拱瞿  
塘石城草蕭瑟玳筵急管曲復終樂極哀來月東  
出老夫不知其所往足爾荒山轉愁疾

縛雞行

小奴縛雞向市賣雞被縛急相喧爭家中厭雞食  
蟲蟻不知雞賣還遭烹蟲鷄於人何厚薄吾叱奴  
人解其縛雞蟲得失無了時注目寒江倚山閣

李潮八分小篆歌

書苑李潮善小篆師李斯碑山碑見稱于時

蒼頡鳥跡既茫昧字體變化如浮雲陳倉石鼓又  
已訛大小二篆生八分秦有李斯漢蔡邕中間作  
者寂不聞嶧山之碑野火焚棗木傳刻肥失真苦  
縣光和尚骨立書貴瘦硬方通神惜哉李蔡不復  
得吾甥李潮下筆親尚書韓擇木騎曹蔡有鄰開  
元已來數八分潮也奄有二子成三人況潮小篆  
逼秦相快劒長戟森相向八分一字直百金蛟龍  
盤擎肉屈強吳郡張顛誇草書草書非古空雄壯  
詩紀  
盛唐卷之七十八  
十一

豈如

一作知

吾甥不流宕丞相中郎丈人行巴東逢

李潮逾月求我歌我今衰老才力薄潮乎潮乎奈

汝何

瘦馬行

此詩似爲房琯作

東郊瘦馬使我傷骨骼硤兀如堵墻絆之欲動轉  
歎側此豈有意仍騰驤細看六印帶官字衆道三  
軍遺路傍皮乾剝落雜泥滓毛暗蕭條連雪霜去  
歲一作年奔波逐餘寇驕驕不慣不得將士卒多騎  
內廐馬惆悵恐是病乘黃當時歷塊誤一蹶委棄

非汝能周防見人慘淡若哀訴失主錯莫無晶光  
天寒遠放鴈爲伴日暮不收烏啄瘡誰家且養願  
終惠更試明年春草長

高都護認馬行

安西都護胡青驄聲價欽然來向東此馬臨陣久  
無敵與人一心成大功功成惠養隨所致飄飄遠  
自流沙至雄姿未受伏櫪恩猛氣猶思戰場利晚  
一作促蹄高如培鐵交河幾蹴曾冰裂五花散作  
雲滿身萬里方看汗流血長安壯兒不敢騎走過  
詩紀  
盛唐卷之七十八  
十二

道

天育驃騎歌

天育既名

吾聞天子之馬走千里今之畫圖無乃是是何意  
態雄且傑驤一作驤尾蕭梢朔風起毛爲綠縹兩耳  
黃眼有紫焰雙瞳方矯矯龍性合變化卓立天骨  
森開張伊昔太僕張景順開元時人考牧攻駒閱清峻  
遂令大奴字養也一作守非天育別養驥子憐神駿今作俊  
當時四十萬匹馬張公歎其才盡下故獨寫真傳

世人見之座右久更新年多物化空形影嗚呼健  
步無由騁如今豈無驥與驊驎時無王良伯樂  
死即休

驄馬行

自注云太常良卿敕賜馬也  
李鄧公愛而有之命甫製詩

鄧公為癖人共知初得花驄大宛種夙昔傳聞思  
一見牽來左右神皆竦雄姿逸態何嶮崿顧影驕  
嘶自矜寵隅目青熒夾鏡懸肉駿礪礪連錢動朝  
來少一作試華軒下未覺千金滿高價赤汗微生  
白雪毛銀鞍却覆香羅帕卿家舊賜物一作公能取

詩紀

盛唐卷之七

三

天廐真龍此其亞晝洗須騰涇渭深夕一作趨可

朝

刷幽并夜吾聞良驥老始成此馬數年人更驚豈  
有四蹄疾於鳥不與八駿俱先鳴時俗造次那得  
致雲霧晦冥方降精近聞下詔喧都邑肯使麒麟  
一作地上行

李鄆縣丈人胡馬行

丈人駿馬名胡驕前年避胡過金牛迴鞭却走見  
天子朝飲漢水暮靈州自矜胡驕奇絕代乘出千  
人萬人愛一聞說盡急難材轉益愁向駑駘羣頭

上銳耳批秋竹脚下高蹄削寒玉始知神龍別有  
種不比俗馬空多肉洛陽大道時再清累日喜得  
俱東行鳳臆龍鬣未易識側身注目長風生

姜楚公畫角鷹歌

楚公姜皎也按名  
畫記皎善畫鷹鳥

楚公畫鷹鷹戴角殺氣森森到幽朔觀者貪愁掣  
臂飛盡師不是無心學此鷹寫真在左綿却嗟真  
骨遂虛傳梁間燕雀休驚怕亦未搏空上九天

荆南兵馬使太常卿趙公大食刀歌

大食  
國名

太常樓船聲嗷嘈問兵刮寇超下牢牧出令奔飛

詩紀

盛唐卷之七

三

百艘猛蛟突獸紛騰逃白帝寒城駐錦袍玄冬示

我胡國刀壯士短衣頭虎毛憑軒拔鞘天為高翻

風轉日木怒號水翼雪一作淡傷哀猱鏑錯碧鬣

鷗鵝膏芒鏑已瑩虛秋濤鬼物撇捩練結亂坑壕

蒼水使者捫赤條龍伯國人罷釣鰲芮公回首顏

色勞分閫救世用賢豪趙公玉立高歌起攬環結

佩相終始萬歲持之護天子得君亂絲與君理蜀

江如線針如水荆岑彈丸心未已賊臣惡子休干

紀魑魅魍魎徒為耳妖腰亂領敢欣喜用之不高

亦不痺不似長劍須天倚吁嗟光祿英雄不食  
寶刀聊可比丹青宛轉麒麟裏光芒六合無泥滓

### 海棕行

左綿公館清江濱海棕一株高如雲龍鱗犀甲相  
錯落蒼稜白皮十抱文自是衆木亂紛紛海棕焉  
知身出羣移栽北辰不可得時有西域胡僧識

### 呀鵲行

病鵲卑飛俗眼醜每夜江邊宿衰柳清秋落日已  
側身過鴈歸鵲錯回首緊腦雄姿迷所向踈翮稀

詩紀

盛唐卷之七

西

毛不可狀

今本

疆神迷復皂鵲前俊材早在蒼鷹

上風濤颯颯寒山陰熊羆欲蟄龍蛇深念爾此時  
有一擲失聲濺血非其心

### 秋雨歎三首

雨中百草皆爛死堦下決明顏色鮮著葉滿枝翠  
羽蓋開花無數黃金錢涼風蕭蕭吹汝急恐汝後  
時難獨立堂上書生空白頭臨風三嗅馨香泣  
闌一風伏雨秋紛紛四海八荒同一雲去馬來  
牛不復辨濁涇清渭何當分禾頭生耳黍穗黑農

夫田父無消息城中斗米換衾裯相許寧論兩相  
直

長安布衣誰比數反鎖衡門守環堵老夫不出長  
蓬蒿稚子無憂走風雨雨聲颼颼催早寒胡鴈翅  
濕高飛難秋來未曾見白日泥汚后土何時乾

### 柘樹爲風雨所拔歎

倚江柘樹草堂前故老相傳二百年誅茅卜居總  
爲此五月髣髴聞寒蟬東南飄風動地至江翻石  
走流雲氣幹排雷雨猶力爭根斷泉源豈天意滄

詩紀

盛唐卷之七

五

波老樹性所愛浦上童童一青

一作

蓋野老頻留

懼雪霜行人不過聽竿籟虎倒龍顛委榛棘淚痕  
血點一作垂胃臆我有新詩何處吟草堂自此無  
顏色

### 茅屋爲秋風所破歎

一作

八月秋高風怒號卷我屋上三重茅茅飛度江灑  
江郊高者挂罥長林梢下者飄轉沈塘坳南村羣  
童欺我老無力忍能對面爲盜賊公然抱茅入竹  
去唇焦口燥呼不得歸來倚杖自歎息俄頃風定



雲壘色秋天漠漠向昏黑布衾多年冷如鐵嬌兒  
惡臥踏裏裂牀牀屋漏無乾處雨脚如麻未斷絕  
自經喪亂少睡眠長夜沾濕何由徹安得廣厦千  
萬間大庇天下寒士俱歡顏風雨不動安如山嗚  
呼何時眼前突兀見此屋吾廬獨破一作壞受凍死  
亦足

詩紀

盛唐卷之七

六

盛唐第七十八

盛唐第七十九

唐詩紀一百三十九

郭郡吳中珩彙編

東吳陸文組同校

杜甫

十一

七言古詩三

飲中八仙歌

李白傳云李白自知不為親近所容益將放  
不修與賀知章李適之汝陽王璣崔宗之蘇  
晉張旭焦遂  
為中八仙

知章騎馬似乘船眼花落井水底眠汝陽三斗始

詩紀

盛唐卷之七

二

朝天道逢麴車口流涎恨不移封向酒泉左相日  
興費萬錢飲如長鯨吸百川銜杯樂聖稱避舊作世  
賢宗之瀟灑美少年舉觴白眼望青天皎如玉樹  
臨風前蘇晉長齋繡佛前醉中往往愛逃禪李白  
一斗詩百篇長安市上酒家眠天子呼來不上船  
自稱臣是酒中仙張旭三杯草聖傳脫帽露頂王  
公前揮毫落紙如雲煙焦遂五斗方卓然高談雄  
辯驚四筵

徐卿二子歌



君不見徐卿二子生絕奇感應吉夢相追隨孔子  
釋氏親抱送並是天上麒麟兒大兒九齡色清澈  
秋水爲神玉爲骨小兒五歲氣食牛滿堂賓客皆  
回頭吾知徐公百不憂積善衮衮生公侯丈夫生  
兒有如此二雛者名位豈肯卑微休

### 魏將軍歌

將軍昔著從事衫鐵馬馳突重兩銜被堅執銳畧  
西極崑崙月窟東嶄巖君門羽林萬猛士惡若哮  
虎子所監五年起家列霜戟一日過海收風帆平

詩紀

盛唐卷之七十九

二

生流輩徒蠢蠢長安少年氣欲盡魏侯骨聳精爽  
繁華嶽峯尖見秋隼星纏寶校金盤陀夜騎天駟  
超天河攬槍熒惑不敢動翠蕤雲旂相蕩摩吾爲  
子起歌都護酒闌挿劒肝膽露勾陳蒼蒼玄武暮  
萬歲千秋奉明主臨江節士安足數

### 醉時歌贈廣文館學士鄭虔

諸公衮衮登臺省廣文先生官獨冷甲第紛紛厭  
梁肉廣文先生飯不足先生有道出羲皇先生有  
文過屈宋德尊一代常輶軻名垂萬古知何用杜

陵野客人更

一作見

咄被褐短窄鬢如絲日糴太倉

五升米時赴鄭老同襟期得錢卽相覓沽酒不復

疑忘形到爾汝痛飲真吾師清夜沈沈動春酌燈

一作

前細雨簷

一作燈

花落但覺高歌有鬼神焉知

餓饑

死填溝壑相如逸

一作有

才親滌器子雲識

字終投閣先生早賦歸去來石田茅屋荒蒼苔儒

術於我何有哉孔丘盜跖俱塵埃不須聞此意慘

愴生前相遇且銜杯

### 相從行贈嚴二別駕

時方經崔

肝之亂

詩紀

盛唐卷之七十九

三

我行入東川十步一回首成都亂罷氣蕭瑟

一作索

浣花草堂亦何有梓州豪俊大者誰本州從事知

名久把臂開樽飲我酒酒酣擊劒蛟龍吼烏帽拂

塵青螺栗紫衣將炙緋衣走銅盤燒蠟光吐日夜

如何其初促膝黃昏始扣主人門誰謂俄頃膠在

漆萬事盡付形骸外百年未見歡娛畢神傾意豁

真佳士久客多憂今愈疾高視乾坤又可愁一軀

交態同悠悠垂老遇君未恨晚似君須向古人求

### 偏側行贈畢曜

信側何偏側我居巷南子巷北可恨一作鄰里間

十日不一見顏色自從官馬送還官行路難行澀

如棘我貧無乘非無足昔者相遇一作過今不得實

此字無不是一作敢愛微軀又此字無非關足無力徒步

翻愁官長怒此心炯炯君應識曉來急雨春風顛

睡美不聞鍾鼓傳東家蹇驢許借我泥滑不敢騎

朝天已令請急會通籍男兒性命絕可憐焉能終

日心拳拳憶君誦詩神凜然辛夷始花亦已落况

我與子非壯年街頭酒價常苦貴方外酒徒稀醉

詩紀

盛唐卷之七十九

四

眠速宜相就飲一斗恰有三百青銅錢

### 丹青引贈曹將軍霸

將軍魏武之子孫於今爲庶爲清門英雄割據雖

已矣文采風流今一作猶尚存學書初學衛夫人但

恨無過王右軍丹青不知老將至富貴於我如浮

雲開元之中嘗引見承恩數上南薰殿凌煙功臣

少顏色將軍下筆開生面良相頭上進賢冠猛將

腰間大羽箭一作段志鄂公一作敬德毛髮動英資颯

爽來一作猶酣戰先帝天馬玉花驄畫工如山貌不

同是日牽來赤墀下迴立閭闔生長風詔謂將軍

拂絹素意匠慘澹經營中斯須九重真龍出一洗

萬古凡馬空玉花却在御榻上榻上庭前屹相向

至尊含笑催賜金圉人太僕皆惆悵弟子韓幹早

入室亦能畫馬窮殊相幹惟畫肉不畫骨忍使驂

騮氣凋喪將軍畫一作盡善蓋有神必逢佳士亦寫

真卽今漂泊干戈際屢貌尋常行路人途窮返遭

俗眼白世上未有如公貧但看古來盛名下終日

坎壈纏其身

詩紀

盛唐卷之七十九

五

### 桃竹杖引贈章留後

江心蟠石生桃竹蒼波噴浸尺度足斬根削皮如

紫玉江妃水仙惜不得梓潼使君開一束滿堂賓

客皆歎息憐我老病贈兩莖出入爪甲鏗有聲老

夫復欲東南征乘濤鼓枻白帝城路幽必爲鬼神

奪拔劍或與蛟龍爭重爲告曰杖今杖今爾之生

也甚正直慎勿見水踴躍學變化爲龍使我不得

爾之扶持滅跡於君山湖上之青峯噫風塵瀕洞

兮豺虎咬人忽失雙杖兮吾將曷從

短歌行贈王郎司直

王郎酒酣拔劍斫地歌莫哀我能拔爾抑塞磊落之奇才豫樟翻風白日動鯨魚跋浪滄溟開且脫劍佩休徘徊西得諸侯棹錦水欲向何門跋先答切珠履仰宣樓頭春色已一作深青眼高歌望吾子眼中之人吾老矣

醉歌行贈公安顏少府請顧八題壁

神仙中人不易得顏氏之子才孤標天馬長鳴待駕馭秋鷹整翮當雲霄君不見東吳顧文學自注云顧

詩紀

盛唐卷之七十九

六

君不見西漢杜陵老詩家筆勢君不嫌詞翰升堂爲君掃是日霜風凍七澤烏蠻落照銜赤壁酒酣耳熱忘頭白感君意氣無所惜一爲歌行歌

狂歌行贈四兄

與兄行年校一歲賢者是兄愚者弟兄將富貴等浮雲弟竊功名好權勢長安秋雨十日泥我曹鞞皮視切馬聽晨雞公卿朱門未開鎖我曹已到肩相齊吾兄睡穩方舒膝不韞不巾踏曉日男啼女哭

莫我知身上須縉腹中實今年思我來嘉州嘉州酒重花滿樓樓頭喫酒樓下臥長歌短詠還相酬四時八節還拘禮女拜弟妻男拜弟幅巾輦帶不挂身頭脂足垢何曾洗吾兄吾兄巢許倫一生喜怒長任真日斜枕肘寢已熟啾啾唧唧爲何人

戲作花卿歌花卿名敬定

成都猛將有花卿學語小兒知姓名用如快鶻風火生見賊唯多身始輕綿州副使著柘黃我卿掃除即日平子璋觸體血模糊手提擲還崔大夫李

詩紀

盛唐卷之七十九

七

侯重有此節度人道我卿絕世一作代無既稱絕世無天子何不喚取守京都詩話云有病瘡者子病者曰云何日夜關更秉燭杜曰更調云子璋觸體血模糊手提人誦之果愈

戲贈閬鄉秦少府短歌

去年行宮當太白朝回君是同舍客同心不減骨肉親每語見許文章伯今日時清兩京道相逢苦覺人情好昨夜邀歡樂更無多才依舊能潦倒

玄都壇歌七言六韻寄元逸人

故人昔隱東蒙峯，已佩含景蒼精龍。故人今居子  
午谷，獨在陰崖結茅屋。屋前太古玄都壇，青石漠  
漠常風寒。子規夜啼山竹裂，王母晝下雲旗翻。知  
君此計誠長往，芝草琅玕日應長。鐵鎖高垂不可  
攀，致身福地何蕭爽。

寄岑嘉州

自注云州  
據蜀江外

不見故人十年餘，不道故人無素書。願逢顏色關  
塞遠，豈意出守江城居。外江三峽且相接，斗酒新  
詩終自踈。謝朓每篇堪諷誦，馮唐已老聽吹噓。泊  
詩紀

盛唐卷之七十九

八

船秋夜經春莫

一作草

伏枕青楓限玉除，眼前所寄

選何物，贈子雲安雙鯉魚。

寄狄明府

梁公會孫我姨弟，不見十年官濟濟。大賢之後竟  
陵遲，浩蕩古今同一體。比看伯叔四十人，有才無  
命百寮底。今者弟兄一百人，幾人卓絕秉周禮。在  
汝更用文章爲長兄，白眉復天啓汝門。請從曾公  
說，太后當朝多巧計。

一作說

一作狄公執正在末年

濁河中不污清，濟國嗣初將付諸武公。獨廷諍守

丹陛禁中冊，決詔房陵前。朝長老皆流涕，太宗社  
稷一朝正。漢官威儀重，昭洗時危始。識不世才誰  
謂荼苦甘，如薺汝曹又宜裂土食。身使門戶多旌  
榮，胡爲飄泊岷漢間。干謁王侯頗歷詆，一作況乃  
山高亦有波。秋風蕭蕭露泥泥，虎之饑下巉巖蛟  
之橫出。清泚早歸來，黃污人衣眼易眯。

寄韓諫議注

今我不樂思洛陽，身欲奮飛病在牀。美人娟娟隔  
秋水，濯足洞庭望八荒。鴻飛冥冥日月白，青楓葉  
詩紀

盛唐卷之七十九

九

赤天雨霜，玉京羣帝集北斗。或騎麒麟翳鳳凰，芙  
蓉旌旗煙霧樂。影動倒景搖瀟湘，星宮之君醉瓊  
漿。羽人稀少不在傍，似聞昨者赤松子，恐是漢代  
韓張良。昔隨劉氏定長安，帷幄未改神慘傷。國家  
成敗吾豈敢，色難腥腐餐楓香。周南留滯古莫惜，  
南極老人應壽昌。美人何爲隔秋水，焉得置之貢  
玉堂。

寄裴施州

廊廟之具裴施州，宿昔一逢無此流。金鐘大鏞在



更序冰壺玉衡懸清秋自從相遇減多病三歲爲  
客寬邊愁堯有四岳明至理漢二千石真分憂幾  
度寄書白鹽北苦寒贈我青羔裘霜雪迴光避錦  
袖龍蛇一作蛇龍動篋蟠銀鈎紫衣使者辭復命再拜  
故人誦佳政將老已失子孫憂後來况接才華盛

寄栢學士林居

日胡之反持干戈天下學士亦奔波歎彼幽棲載  
典籍蕭然暴露向一作依山阿青山萬里靜散地白  
雨一洗空垂蘿亂代飄零余到此古人成敗子如

詩紀

盛唐卷之七九

十

何荆揚春冬異風土巫峽日夜多雲雨赤葉楓林  
百舌鳴黃泥野岸天雞舞盜賊縱橫甚密邇形神  
寂寞甘辛苦幾時高議排金門各使蒼生有環堵

寄從孫崇簡

嗟我白帝城東西南有龍湫北虎谿吾孫騎曹不  
記馬業學尸鄉多養雞龐公隱時盡室去武陵春  
樹他人迷與汝林居未相失近身藥裏酒長攜牧  
叟樵童亦無賴莫令斬斷青雲梯

暮秋枉裴道州手札率爾遣興寄遞呈蘇

渙侍御

久客多柱友朋書素書一月凡一束虛名但蒙寒  
溫一作暗問泛愛不救溝壑辱齒落未是無心人舌

存耻作窮途哭道州手札適復至紙長要自三過  
讀盈把那須滄海珠入懷本倚崑山玉撥棄潭州  
百斛酒蕪沒瀟岸千株菊使我晝立煩兒孫令我  
夜坐費燈燭憶子初尉永嘉去紅顏白面花映肉  
軍符侯印取豈遲紫燕綠耳行甚速聖朝尚飛戰  
關塵濟世宜引英俊人黎元愁痛會蘇息夷狄跋

詩紀

盛唐卷之七九

十二

扈徒逡巡授鉞築壇聞意旨顏綱漏網期彌綸郭  
欽上書見大計劉毅答詔驚羣臣他日更僕語不  
淺明公論兵氣益振傾壺簫管黑白髮儻與舞同劍  
霜雪吹青春宴筵曾語蘇季子後來傑出雲孫比  
茅齋定王城郭門藥物楚老漁商市市北肩輿每  
聯袂郭南抱甕亦隱几無數將軍西第成早作丞  
相東山起烏雀苦肥秋粟菽蛟龍欲蟄寒沙水天  
下鼓角何時休陣前部曲終日死附書與裴因示  
蘇此生已媿須人扶致君堯舜付公等早據要路



思捐軀

蘇端薛復筵簡薛華醉歌

文章有神交有道端復得之名譽早愛客滿堂盡  
豪傑開筵上日思芳草安得健步移遠梅亂插繁  
花向晴吳千里猶殘舊冰雪百壺且試開懷抱垂  
老惡聞戰鼓悲急觴爲緩憂心擣少年努力縱談  
笑看我形容已枯槁座中薛華善醉歌歌辭自作  
風格老近來海內爲長句汝與東山揚州修云近  
今改作山東李白好何劉沈謝力未工才兼鮑照愁絕倒諸

詩紀

盛唐卷之五

三

生頗盡新知樂萬事終傷不自保氣酣日落西風  
來願吹野水添金杯如澠之酒常快意亦知窮愁  
安在哉忽憶雨時秋井塌古人白骨生青苔如何  
不飲令心哀

君不見簡蘇侯

君不見道邊廢棄池君不見前者摧折桐百年死  
樹中琴瑟一斛舊水藏蛟龍丈夫蓋棺事始定君  
今幸未成老翁何恨憔悴在山中深山窮谷不可  
處霹靂魍魎兼狂風

投簡成華兩縣諸子

赤縣官曹擁材傑軟裘快馬當冰雪長安苦寒誰  
獨悲杜陵野老骨欲折南山豆苗早荒穢青門瓜  
地新凍裂鄉里兒童項領成朝廷故舊禮數絕自  
然棄擲與時異况乃踈頑臨事拙饑臥動卽向一  
旬弊裘何止一作聯百結君不見空墻日色晚此  
老無聲淚垂血

春日戲題惱郝使君

使君意氣凌青霄意昨歡娛常見招細馬時鳴金

詩紀

盛唐卷之五

三

騷裏佳人屢出董嬌嬈東流江水西飛燕可惜春  
光不相見願攜王趙兩紅顏再騁肌膚如素練通  
泉百里近梓州諸公一來開我愁舞處重看花滿  
面樽前還有錦纏頭

追酬故高蜀州人日見寄

并序

開文書帙中檢所遺忘因得故高常侍適往居  
在成都時高任蜀州刺史人日相憶見寄詩淚  
灑行間讀終篇末自枉詩已十餘年莫記存沒  
又六七年矣老病懷舊生意可知今海內忘形

故人獨漢中王瑀與昭州敬使君超先在愛而  
不見情見乎辭大曆五年正月二十一日却追

酬高公此作因寄王及敬弟

自蒙蜀州人日作不意清詩久零落今晨散帙眼  
忽開近淚幽吟事如昨嗚呼壯士多慷慨合沓高  
名動寥廓歎我悽悽求友篇感時鬱鬱匡君畧錦  
里春光空爛熳瑶池侍臣已冥冥瀟湘水國旁黿  
鼉郭杜秋天失鵬鶚東西南北更堪論白首扁舟  
病獨存一作拱北辰纏寇盜欲傾東海洗乾坤

詩紀

盛唐卷之七十九

十四

邊塞西蕃最充斥衣冠南渡多崩奔鼓瑟至今悲  
帝子曳裾何處覓王門文章曹植波瀾闊服食劉  
安德業尊長笛誰能亂愁思昭州詞翰與招魂

醉歌行

自注云從姪勸落  
第歸作此以別之

陸機二十作文賦汝更小年能綴文總角草書又  
神速世上兒子徒紛紛驕驕作駒已汗血驚鳥舉  
翮連青雲詞源倒流三峽水筆陣獨掃千人軍只  
今年纔十六七射策君門期第一舊穿楊葉真自  
知暫蹶霜蹄未爲失偶然擢秀非難取會是排風

有毛質汝身已見唾成珠汝伯何由髮如漆春光  
淡沲秦東亭渚蒲芽白水荇青風吹客衣日杲杲  
樹攪離思花冥冥洒盡沙頭雙玉餅衆賓皆一作  
醉我獨醒乃知貧賤別更苦吞聲躑躅涕淚零

入奏行贈西山檢察使竇侍御

竇侍御驥之子鳳之雛年未三十忠義俱骨鯁絕  
代無炯如一段清水出萬壑置在迎風寒露之玉  
壺蔗漿歸厨金盃凍洗滌煩熱足以寧君軀政用  
疎通合典則戚聯豪貴耽文儒兵革未息人未蘇

詩紀

盛唐卷之七十九

十五

天子亦念西南隅吐蕃憑陵氣一作頗麓竇氏檢  
察應時須運糧繩橋壯士喜斬木火井窮猿呼八  
州刺史思一戰三城守邊却可圖此行入奏計未  
小密奉聖旨恩宜一作殊繡衣春當霄漢立綵服  
日向庭闈趨省郎京尹必俯拾江花未落還成都  
本此肯訪浣花老翁無爲君酤酒滿眼酤與  
奴白飯馬青芻

短歌行送邛州錄事

一作送錄事

歸合州因寄

蘇使君

前者途中一相見人事經年記君面後生相勸何  
寂寥君有長才不貧賤君今起柁春江流余亦沙  
邊具小舟幸爲達書賢府主江花未盡會江樓

惜別行送向卿進奉端午御衣之上都

肅宗昔在靈武城指揮猛將收咸京向公泣血灑  
行殿佐佑卿相乾坤平逆胡冥寞隨煙燼卿家兄  
弟功名震麒麟閣畫鴻鴈行紫極出入黃金印尚  
書勲業超千古雄鎮荊州繼吾祖裁縫雲霧成御  
衣拜跪題封賀端午向卿將命寸心赤青山落日

詩紀

盛唐卷之七十九

未

江潮

一作

白卿到朝廷說老翁漂零已是滄浪客

惜別行送劉僕射判官

聞道南行市駿馬不限匹數軍中須襄陽幕府天  
下異主將儉省憂艱虞祗收壯健勝鐵甲豈因格  
闕求龍駒而今西北自反胡騏驎蕩盡一匹無龍  
媒真種在帝都子孫未落西南隅向非戎事備征  
伐君肯辛苦越江湖江湖凡馬多顛顛衣冠往往  
乘蹇驢梁公富貴於身疎號令明白人安居俸錢  
時散士子盡府庫不爲驕豪虛以茲報主寸心赤

氣却西戎回北狄羅網羣馬藉馬多氣在驅除出  
金帛劉侯奉使光推擇滔滔才畧滄溟窄杜陵老  
翁秋繫船扶病相識長沙驛強梳白髮提胡盧手  
把一作兼菊花路傍摘九州兵革浩茫茫三歎聚散  
臨重陽當杯對客忍流涕不覺老夫神內傷

送孔巢父謝病歸游江東兼呈李白

巢父掉頭不肯住東將入海隨煙霧詩卷長留天  
地間釣竿欲拂珊瑚樹深山大澤龍蛇遠春寒野  
陰風景暮蓬萊織女回雲車指點虛無引歸路一作

詩紀

盛唐卷之七十九

七

是征路自是君身有仙骨世人那得知其故惜君只  
欲苦死留富貴何如草頭露蔡侯靜者意有餘清  
夜置酒臨前除罷琴惆悵月照席幾歲寄我空中  
書南尋禹穴見李白道甫問訊今何如

別李秘書始興寺所居

不見秘書心若失及見秘書失心疾安爲動主理  
信然我獨覺子神充實重聞西方止觀經老身古  
寺風泠泠妻兒待米且歸去他日杖藜來細聽  
盛唐第七十九

盛唐第八十

唐詩紀一百四十

鄆郡吳中珩彙編

東吳陸文組同校

杜甫

七言古詩四

樂遊園歌

自注云晦日賀蘭  
湯長史筵中作

樂遊古園萃森爽煙絲碧草萋萋長公子華筵勢  
最高秦川對酒平如掌長生木瓢示真率更調鞍  
馬狂歡賞青春波浪芙蓉園白日雷霆夾城仗閭  
詩紀

盛唐卷之八十

二

閨晴開映一作蕩蕩曲江翠幕排銀榜拂水底迴  
舞袖翻綠雲清切歌聲上却憶年年人醉時只今  
未醉已先悲數莖白髮那拋得百罰深杯亦不辭  
聖朝已知賤士醜一物自荷皇天慈此身飲罷無  
歸處獨立蒼茫自詠詩

漢陂行

在鄂

岑參兄弟皆好奇攜我遠來遊漢陂天地驕慘忽  
異色波濤萬頃堆瑠璃汗漫泛舟入事殊興極憂  
思集鬣作鯨吞不復知惡風白浪何嗟及主人錦

帆相爲開舟子喜甚無氛埃鳬鷺散亂棹謳發絲  
管啁啾空翠來沈竿續蔓深莫測菱葉荷花靜如  
拭宛在中流渤澥清下歸無極終南黑半陂已南  
純浸山動影裊窈冲融間船舫暝憂雲際寺水面  
月出藍田關此時驪龍亦吐珠馮夷擊鼓羣龍趨  
湘妃漢女出歌舞金支翠旗光有無咫尺但愁雷  
雨至蒼茫不曉神靈意少壯幾時奈老何向來哀  
樂何其多

冬末以事之東都湖城遇孟雲卿復歸劉  
詩紀

盛唐卷之八十

二

題宅宿燕飲散因爲醉歌

疾風吹塵暗河縣行子隔手不相見湖城城南一作

一開眼一作駐馬獨識雲卿面一作非劉顥

爲地主嬾回鞭轡成高宴劉侯歡我攜客來置酒

張燈促華饌且將款曲終今夕休語艱難尚酣戰

照室紅爐促曙光縈牕素月垂文練天開地裂長

安陌寒盡春生洛陽殿豈知驅車復同軌可惜刻

漏隨更箭人生會合不可常庭樹雞鳴淚如綫一作

嚴



閩鄉姜七少府設鱸戲贈長歌

閩音文又音民

姜侯設鱸當嚴冬昨日今日皆天風河凍未漁不易得鑿冰恐侵河伯宮饗人受魚校人手洗魚磨刀魚眼紅無聲細下飛碎一作素雪有骨已剝觜春葱偏勸腹腹愧年少軟炊香飯一作杭綠老翁落碁何曾白紙濕放筋未覺金盤空新懽便飽姜侯德清觴異味情屢極東歸貪一作貪路自覺難欲別上馬身無力可憐爲人好心事於我見子真顏色不恨我衰子貴時悵望且爲今相憶

詩紀

盛唐卷之十

三

病後過王倚飲贈歌

麟角鳳觜世莫識煎膠續弦竒自見尚看王生抱此懷在於甫也何由美且遇王生慰疇昔素知賤子甘貧賤酷見凍餒不足耻多病沈年苦無健王生一作見我顏色惡蒼云伏枕艱難遍瘡癘三秋孰可忍寒熱百日相交戰頭白眼暗坐有胝肉黃皮皺命如綫惟生哀我未平復爲我力致美肴膳遣人向市賒香秔喚婦出房親自饌長安冬菹酸且綠金城土酥淨如練兼求畜豕且割鮮密沽斗

酒諧終宴故人情味晚誰似令我手脚輕欲旋老馬爲駒總一作信不虛當時得意况深眷但使殘年飽喫飯只願無事長相見

陪王侍御同登東山最高頂宴姚通泉晚攜酒泛江

姚公美政誰與儔不減昔時陳太丘邑中上客有柱史多暇日陪驄馬遊東山高頂羅珍羞下顧城郭銷我憂清江白日落欲盡復攜美人登綵舟笛聲憤怒一作怨哀中流妙舞逶迤夜未休燈前往往

詩紀

盛唐卷之十

四一

大魚出聽曲低昂如有求三更風起寒浪湧取樂喧呼覺船重滿空星河光破碎四座賓客色不動請公臨深江一作江莫相違迴船罷酒上馬歸人生歡樂豈有極無使霜露霑人衣

醉爲馬墜諸公攜酒相看

甫也諸侯老賓客罷酒酣歌拓金戟騎馬忽憶少年時散蹄迸落瞿塘石白帝城門水雲外低身直下八千尺粉堞電轉紫遊韁東得平岡出天壁江村野堂爭入眼垂鞭躡鞚凌紫陌向來皓首驚萬



人自倚紅顏能騎射安知決臆追風足朱汗驂驪  
猶噴玉不虞一蹶終損傷人生快意多所辱職當  
憂戚伏衾枕况乃遲暮加煩促朋知來問腆我顏  
杖藜強起依僮僕語盡還成開口笑提攜別掃清  
谿曲酒肉如山又一時初筵哀絃動豪竹共指西  
日不相貸喧呼且覆杯中綠何必走馬來爲問君  
不見嵇康養生被殺戮

久雨期王將軍不至

天雨蕭蕭滯茅屋空山無以慰幽獨欽頭將軍來

詩紀

盛唐卷之十

五

何遲令我心中苦不足數看黃霧亂玄雲時聽嚴  
風折喬木泉源泠泠雜猿狖泥潭漠漠饑鴻鵠歲  
暮窮陰耿未已人生會面難再得憶爾腰下鐵絲  
箭射殺林中雪色鹿前者坐皮因問毛知子一作者  
歷險人馬勞異獸如飛星宿落應弦不礙蒼山高  
安得突騎只五千峩然眉骨皆爾曹走平亂世相  
催促一豁明主正鬱陶憶昔范增碎玉斗未一作來  
使吳兵著白袍昏昏闇闇閉氛祲十月荆南雷怒  
號

嚴氏谿放歌

天下甲兵一作兵馬未盡銷豈免溝壑常漂漂劔南歲  
月不可度邊頭公卿仍獨驕費心姑息是一役肥  
肉大酒徒相要嗚呼古人已糞土獨覺志一作士  
甘漁然况我飄轉一作蓬蓬無定所終日感感忍羈旅  
秋宿霜谿素月高喜得與子長夜語東遊西還力  
實倦從此將身更何許知子松根長茯苓遲暮有  
意來同煮

丈人山

詩城山記云此山爲五嶽之長故名丈人有丈人觀

詩紀

盛唐卷之十

六

自爲青城客不唾青城地爲愛丈人山丹梯近幽  
意丈人祠西佳氣濃綠雲擬住最高峯掃除白髮  
黃精在君看他時冰雪容

岳麓山道林二寺行

玉泉之南麓山殊道林林壑爭盤紆寺門高開洞  
庭野殿脚插入赤沙湖五月寒風冷佛骨六時天  
樂朝香爐地靈步步雪山草僧寶人人滄海珠塔  
劫宮牆壯麗敵香厨松道清涼俱蓮花交響共命  
鳥金榜雙迴三足鳥方丈涉海費時節玄圃尋河

知有無暮年且喜經行近春日兼蒙暄煖扶飄然  
斑白身奚適旁此煙霞寧可誅桃源人家易制度  
橘州田土仍膏腴潭府邑中甚淳古太守庭內不  
喧呼昔遭衰世皆晦迹今幸樂國養微軀依止老  
宿亦未晚富貴功名焉足圖久爲謝一作客尋幽  
慣細學何顒免興孤一重一掩吾肺腑山鳥山花  
吾友于宋公放逐曾題壁物色分畱與老夫自注云宋

大覺寺高僧蘭若

自注云和尚去冬  
往河南若爾者切

詩紀

盛唐卷之八

七

巫山不見廬山遠松林蘭若秋風晚一老猶鳴日  
暮鐘諸僧尚乞齋時飯香爐峯色隱晴湖種杏仙  
家近白榆飛錫去年啼邑子獻花何日許門徒

發劉郎浦

挂帆早發劉郎浦疾風颯颯昏亭午舟中無日不  
沙塵岸上空村盡豺虎十日北風風未回客行歲  
晚尤相催白頭厭伴漁人宿黃帽青鞋歸去來

發閬中

前有毒蛇後猛虎谿行盡日無村塢江風蕭蕭雲

拂地山木慘慘天欲雨女病妻憂歸意速一作秋  
花錦石誰復一作能數別家三月一得書避地何時  
免愁苦

乾元中寓居同谷縣作歌七首

有客有客字子美白頭亂髮垂過耳歲拾橡栗隨  
徂公天寒日暮山谷裏中原無書歸不得手脚凍  
皸皮肉死嗚呼一歌兮歌已哀悲風爲我從天  
來

長鑱長鑱白木柄我生託子以爲命黃精無苗山

詩紀

盛唐卷之八

八

雪盛短衣數挽不掩脛此時與子空歸來男呻女  
吟四壁靜嗚呼二歌兮歌始放閭里爲我色悵

有弟有弟在遠方三人各瘦何人彊生別展轉不

相見胡塵暗天道路長東飛鴛鴦後鵲鵲安得送

我置汝傍嗚呼三歌兮歌三發汝歸何處收兄

有妹有妹在鍾離良人早歿諸孤癡長淮浪高蛟

龍怒十年不見來何時扁舟欲往箭滿眼杳杳南

國多旌旗嗚呼四歌兮歌四奏林猿爲我啼清

四山多風谿水急寒雨颯颯枯樹濕黃蒿古城雲

不開白狐跳梁黃狐立我生何爲在窮谷中夜起  
坐萬感集嗚呼五歌兮歌正長竟招不來歸

故鄉

南有龍今在山湫古木龍從枝相樛木葉黃落龍

正蟄蝮蛇東方水上遊我行恠此安敢出拔劍欲

斬且復休嗚呼六歌兮歌思遲谿壑爲我回

春安

男兒生不成名身已老三年饑走荒山道長安卿

相多少年富貴應須致身早山中儒生舊相識但

話宿昔傷懷抱嗚呼七歌兮悄終曲仰視皇天白

日速

詩紀

盛唐卷之十

九

歎庭前甘菊花

庭一作舊前甘菊移時晚青藥重陽不堪摘明日蕭

條盡醉醒殘花爛熳開何益籬邊野外多衆芳采

擷細瑣升中堂念茲空長大枝葉結根失所纏風

霜

可歎

天上浮雲如白衣斯須改變如蒼狗古往今來共

一時人生萬事無不有近者抉眼去其夫河東女

兒身姓柳丈夫正色動引經鄴城客子王季友羣

書萬卷常暗誦孝經一通看在手貧窮老瘦家賣

履好事就之爲攜酒豫章太守高帝孫引爲賓客

敬頗久問道三年未曾語小心恐懼閉其口太守

得之更不疑人生反覆看亦一作醜明月無瑕豈

容易紫氣鬱鬱猶衝斗時危可仗直豪俊二人得

置君側否太守頃者領山南一作在邦人思之比

父母王生早曾拜顏色高山之外皆培塿用爲義

和天爲成用平水土地爲厚王也論道阻江湖李

也疑小曠前後死爲星辰終不滅致君堯舜焉肯

詩紀

盛唐卷之十

十

朽吾輩碌碌飽飯行風后力牧長回首

釋悶

四海十年不解兵犬戎也復臨咸京失道非關出

襄野揚一作揭鞭忽是過湖城豺狼塞路人斷絕烽

火照夜屍縱橫天子亦應厭奔走羣公固合思昇

平但恐誅求不改轍聞道壁壘能全生江邊老翁

錯料事眼暗不見風塵清

憶昔二首

憶昔先皇巡朔方千乘萬騎入咸陽陰山驕子汗

血馬長驅東胡胡走藏鄴城反覆不足恠關中小  
兒壞紀綱張后不樂上爲忙至今今上猶撥亂勞  
心焦思補四方我昔近侍叨奉引出兵整肅不可  
當爲留猛士守未央致使岐雍防西羌大戎直來  
坐御冰百官跣足隨天王願見北地傅介子老儒  
不用尚書郎

憶昔開元全盛日小邑猶藏萬家室稻米流脂粟  
米白公私倉廩俱豐實九州道路無豺虎遠行不  
勞吉日出齊統魯縞車斑斑男耕女桑不相失宮

詩紀

盛唐卷之十

十二

中聖人奏雲門天下朋友皆膠漆百餘年間未災  
變叔孫禮樂蕭何律豈聞一絹直萬錢有田種穀  
今流血洛陽宮殿燒焚盡宗廟新除狐兔穴傷心  
不忍問耆舊復恐初從亂離說小臣魯鈍無所能  
朝廷記識蒙祿秩周宣中興望我皇灑血江漢長  
衰疾

曲江三章章五句

曲江蕭條秋風高菱荷枯折隨風濤游子空嗟嗟  
二毛白石素沙亦相蕩哀鴻獨叫求其曹

事非今亦非古長歌激越梢林莽比屋豪華固  
難數吾人甘作心似一作死灰弟姪何傷淚如雨  
自斷此生休問天杜曲幸有桑麻田故將移住南  
山邊短衣疋馬隨李廣看射猛虎終殘年

自平

自平宮中呂太一收珠南海千餘日近供生犀翡  
翠稀復恐征戍干戈密蠻谿豪族小一作動搖世  
封刺史非時朝蓬萊殿裏諸主將才如伏波不得  
驕

詩紀

盛唐卷之十

十三

漁陽

漁陽突騎猶精銳赫赫雍王都節制猛將飄然恐  
後時本朝不入非高計祿山北築雄武城舊防敗  
走歸其營繫書請問燕耆舊今日何須十萬兵

青絲

青絲白馬誰家子籠豪且逐風塵起不聞漢主放  
妃嬪近靜潼關掃蜂蟻殿前兵馬破汝時十月卽  
爲齋粉期末如面縛歸金闕萬一皇恩下玉墀

近聞



近聞犬戎遠遁逃牧馬不敢侵臨洮渭水逶迤白日靜隴山蕭瑟秋雲高崆峒五原亦無事北庭數有關中使似聞贊普吐蕃號君長爲贊普更求親舅甥和好應難棄

引水

月峽墮澗雲作頂亂石崢嶸俗無井雲安沽水奴僕悲魚復移居心力省白帝城西萬竹蟠接筒引水喉不乾人生留滯生理難斗水何直百憂寬

秋風二首

詩紀

盛唐卷之十

三

秋風淅淅吹巫山上牢下牢修水關吳檣楚柁牽百丈煖向神都寒未還要路何日罷長戟戰自青羌連白蠻中巴不得消息好瞑傳戍鼓長雲間秋風淅淅吹我衣東流之外西日微天清小城擣練急石古細路行人稀不知明月爲誰好早晚孤帆他夜歸會將白髮倚庭樹故園池臺今是非

晚晴

高唐暮冬雲壯哉舊瘴無復似塵埃崖沈谷沒白

皚皚江石缺裂青楓摧南天三旬苦霧開赤日照耀從西來六龍寒急光徘徊照我衰顏忽落地口中吟詠心中哀未忤及時少年子揚眉結義黃金臺汨乎吾生何飄零支離委絕同死灰

復陰

方冬合沓玄陰塞昨日晚晴今日黑萬里飛蓬映天過孤城樹羽揚風直江濤簸岸黃沙走雲雪埋山蒼兕吼君不見夔子之國杜陵翁牙齒半落左耳聾

詩紀

盛唐卷之十

五

夜歸

夜來歸來衝虎過山黑家中已眠臥傍見北斗向江低仰看明星當空大庭前把燭噴兩炬峽口驚猿聞一箇白頭老罷舞復歌杖藜不睡誰能那

清明

著處繁華矜是日長沙千人萬人出渡頭翠柳豔明眉爭道朱蹄驕鬣膝此都好遊湘西寺諸將亦自軍中至馬援征行在眼前葛強親近同心事金鐙下山紅粉晚牙檣揆施青樓遠古時喪亂皆可



知人世悲歡暫相遺弟姪雖存不得書干戈未息  
苦離居逢迎少壯非吾道况乃今朝更夜除

風雨看丹前落花戲爲新句

江上人家桃李枝春寒細雨出疎籬影遭碧水潛  
勾引風妬紅花却倒吹吹花困嬾旁舟楫水光風  
力俱相怯赤憎輕薄遮人懷珍重分明不來接濕  
飛遲半欲高縈沙惹草細於毛蜜蜂蝴蝶生情  
性偷眼蜻蜓避百勞

夜聞感策

詩紀

盛唐卷之十

五

夜聞感策滄江上衰年側耳情所嚮鄰舟一聽多  
感傷塞曲三更歛悲壯積雪飛霜此夜寒孤燈急  
管復風湍君知天地干戈滿不見江湖行路難

王兵馬使二角鷹

悲臺蕭瑟石龍從哀壑杙枒浩呼洶中有萬里之  
長江迴風陷日孤光動角鷹翻倒壯士臂將軍玉  
帙軒勇氣二鷹猛腦條徐墜目如愁胡視天地杉  
雞竹兔不自惜孩虎野羊俱辟易韞上鋒稜十二  
翻將軍勇銳與之敵將軍樹勲起安西崑崙虞泉

入馬啼白羽曾肉三後猊敢決豈不與之齊荆南  
芮公得將軍亦如角鷹下翔雲惡鳥飛飛啄金屋  
安得爾輩開其羣驅出六合梟鸞分

詩紀

盛唐卷之十

六

盛唐第八十

盛唐第八十一

唐詩紀一百四十一

鄭郡吳中珩彙編

鄭郡俞體初同校

杜甫

十三

言律詩

晚出左掖

晝刻傳呼淺春旗簇仗齊退朝花底散歸院柳邊  
迷樓雪融城濕官雲去殿低避人焚諫草騎馬欲  
雞栖

詩紀

盛唐卷之八十一

春宿左省

花隱掖垣暮啾啾栖鳥過星臨萬戶動月傍九霄  
多不寢聽金鑰因風想玉珂明朝有封事數問夜  
如何

端午日賜衣

官衣亦有名端午被恩榮細葛含風軟香羅疊雪  
輕自天題處濕當暑著來清意內稱長短終身荷  
聖情

戲題寄上漢中王三首

白注云時王在梓  
州初至斷酒不飲

篇中  
有戲

西漢親王子成都老客星百年雙白鬚一別五秋  
螢忍斷杯中物祗一作看座右銘不能隨皂蓋自  
醉逐浮萍

策杖時能出王門異昔遊已知嗟不起未許醉相  
留蜀酒濃無敵江魚美可求終思一酩酊淨掃鴈  
池頭

羣盜無歸路衰顏會遠方尚憐詩警策猶憶酒顛  
狂魯衛彌尊重徐陳畧喪亡空餘枚叟在應念早  
詩紀

盛唐卷之八十一

二

升堂

巴西驛亭觀江漲呈竇使君

宿雨南江漲波濤亂遠峯孤亭凌噴薄萬井逼春  
容霄漢愁高鳥泥沙困老龍天邊同客舍攜我豁  
心胸

又一首

轉驚波作怒一作只恐岸隨流賴有杯中物還同  
海上鷗關心小剡縣傷眼見揚州爲接情人飲朝  
來減片愁

又呈寶使君

向晚波微綠連空岸脚青日兼春有暮愁與醉無  
醒漂泊猶杯酒踟躕此驛一作亭相看萬里客作  
外同是一浮萍

觀作橋成月夜舟中有述還呈李司馬

把燭橋成夜迴舟客坐時天高雲去盡江迴月來  
遲衰謝多扶病招邀屢有期異方乘此興樂罷不  
無悲

路逢襄陽楊少府入城戲呈楊四員外綰

詩紀

盛唐卷之八十一

三

自注云甫赴華州  
日許寄員外荻苳

寄語楊員外山寒少荻苳歸來稍暄一作候和煖當爲

斲青冥翻動一作倒神仙窟封題鳥獸形兼將老藤

杖扶汝醉初醒

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩  
稀門鵲晨光起橋烏宿處飛寒江流甚細有意待  
人歸

西閣口號呈元二十一

山木抱雲稠寒江一作空繞上頭雪崖纔變石風慢  
不依樓社稷堪流涕安危在運籌看君話王室感  
動幾銷憂

覽鏡呈柏中丞

渭水流關內終南在日邊瞻銷豺虎窟淚入犬羊  
天起晚堪從事行遲更覺仙鏡中衰謝色萬一故  
人憐

翫月呈漢中王

夜深露氣清江月滿江城浮客轉危坐歸舟應獨

詩紀

盛唐卷之八十一

四

行關山同一點世本作照烏鵲自多驚欲得淮王術風

吹暈已生

江閣卧病走筆寄呈崔盧兩侍御

客子庖厨薄江樓枕席清衰年病祗瘦長夏想爲  
情滑憶雕胡飯香聞錦帶羹溜匙兼煖腹誰欲致  
杯甕

贈陳二補闕

世儒多汨沒夫子獨聲名獻納開東觀君王問長  
卿皂鵬寒始急天馬老能行自到青冥裏休看白

髮生

贈高式顏

昔別是何處相逢皆老夫故人還寂寞削迹其艱  
虞自失論文友空知賣酒壚平生飛動意見爾不  
能無

奉贈嚴八閣老

扈聖登黃閣明公獨妙年蛟龍得雲雨鵬鶚在秋  
天客禮容疎放官曹可接聯新詩句句好應任老  
夫傳

詩紀

盛唐卷之八十一

五

贈畢四曜

才大今詩伯家貧苦宦卑饑寒奴僕賤顏狀老翁  
為同調嗟誰惜論文笑自知流傳江鮑體相顧免  
無兒

奉贈王中允維

中允聲名久如今契闊深共傳收庾信不比得陳  
琳一病緣明主三年獨此心窮愁應有作試誦白  
頭吟

寄贈王十將軍承俊

將軍膽氣雄臂懸兩角弓纏結青驄馬出入錦城  
中時危未授鉞勢屈難為功賓客滿堂上何人高  
義同

孟氏

孟氏好兄弟養親唯小園承顏抵手足坐客強盤  
餐負米力一作葵外讀書秋樹根卜鄰慙近舍訓

子覺先門

吾宗白注云衛舍弟曹崇簡

吾宗老孫子質朴古人風耕鑿安時論衣冠與世

詩紀

盛唐卷之八十一

六一

同在家常早起憂國願年豐語及君臣際經書滿  
腹中

官定後戲贈白注云時免河西尉為右衛率府兵曹

不作河西尉淒涼為折腰老夫怕趨走率府且逍  
遙耽酒須微祿狂歌託聖朝故山歸興盡迴首向  
風颭

春日憶李白

白也詩無敵舊本數飄然思不羣清新庾開府俊逸  
鮑參軍渭北春天樹江東日暮雲何時一樽酒重

與細論文

冬日有懷李白

寂寞書齋裏終朝獨爾思更尋嘉樹傳不忘角弓

詩稔謁音風霜入還丹日月遲未應今本乘興去作因

空有茂門期

天末懷李白

涼風起天末君子意如何鴻鴈幾時到江湖秋水

多文章憎命達魑魅喜人過應共冤冤語投詩贈

汨羅

詩紀

盛唐卷之八十一

七

江閣對雨有懷行營裴二端公

南紀一作風濤壯陰晴屢不分野流行地日江入

度山雲層閣憑雷殷長空面水文雨來銅柱北應

洗伏波軍

舟中夜雪有懷盧十四侍御弟

朔風吹桂水大雪夜紛紛暗度南樓月寒深北渚

雲燭斜初近見舟重竟無聞不識山陰道聽雞更

憶君

月夜憶舍弟

戍鼓斷人行邊秋一鴈聲露從今夜白月是故鄉  
明有弟皆分散無家問死生寄書長不達况乃未  
休兵

憶第二首

自注云時歸在陸渾莊

喪亂聞吾弟饑寒傷濟州人稀書不到兵在見何

由憶昨狂催走無時病去憂即今千種恨惟共水

東流

且喜河南定不問鄴城圍百戰今誰在三年望汝

歸故園花自發春日鳥還飛斷絕人煙久東西消

息稀

盛唐卷之八十一

八

憶幼子

公之幼子宗武小名鵬子

驥子春猶隔鶯歌煖正繁別離驚節換聰慧與誰

論澗水空山道柴門老樹村憶渠愁只睡一作炙

背俯晴軒

寄高三十五書記

歎息高生老新詩日又多美名人不及佳句法如

何主將收才子崆峒足凱歌聞君已朱紱且得慰

蹉跎



寄高適

楚隔乾坤遠難招病客魂詩名唯我共世事與誰  
論北闕更新主南星落故園定知相見日爛熳倒  
芳樽

寄楊五桂州譚

自注云因州參軍段子之任

五嶺皆炎熱宜人獨桂林梅花萬里外雪片一冬  
深聞此寬相憶為邦復好音江邊送孫楚遠附白  
頭吟

寄賀蘭二鉅

詩紀

盛唐卷之八十一

九

朝野歡娛後乾坤震蕩中相隨萬里日一作總作  
白頭翁歲晚仍分袂江邊更轉蓬勿云俱異域飲  
啄幾迴同

寄高三十五詹事

安穩高詹事兵戈久索居時來知一作宦達歲晚  
莫情疎天上多鴻鴈池中足鯉魚相看過半百不  
寄一行書

赴青城縣出成都寄陶王二少尹

老被樊籠役

一作老恥妻孥笑

貧嗟出入勞客情投異縣

詩態憶五曹東郭滄江合西山白雪高文章差底  
病迴首興滔滔

廣州段功曹到得楊五長史書功曹却歸

聊寄此詩

衛青開幕府楊僕將樓船漢節梅花外春城海水  
邊銅梁書遠及珠浦使將旋貧病他鄉老煩君萬  
里傳

九日奉寄嚴大夫

九日應愁思經時冒險艱不眠持漢節何路出巴

詩紀

盛唐卷之八十一

十一

山小驛香醪嫩重巖細菊斑遙知簇鞍馬回首白  
雲間

寄邛州崔錄事

邛州崔錄事聞在果園坊久待無消息終朝有底  
忙應愁江樹遠怯見野亭荒浩蕩風塵一作外誰  
知酒熟香

寄杜位

自注云頃者與位同在嚴尚書幕

寒日經簷短窮猿失木悲峽中為客恨江上憶君  
時天地身何往風塵病敢辭封書兩行淚霑灑衰

新詩

奉寄李十五秘書文嶷二首

避暑雲安縣秋風早下來暫留魚復浦同過楚王臺猿鳥千崖窄江湖萬里開竹枝歌未好自注云竹枝歌

已渝之遺音也畫舸且一作遲迴

行李千金贈衣冠八尺身飛騰知有策意度不無神班秩兼通貴公侯出異人玄成負文采世業豈沈淪

第五弟豐獨在江左近三四載寂無消息

詩紀

盛唐卷之八十一

十二

覓使寄此二首

亂後嗟吾在羈棲見汝難草黃驕驥病沙煖鵲鴿寒楚設關城險吳吞一作容水府寬一作年朝夕淚衣袖不曾乾

聞汝依山寺杭州定越州風塵淹別日江漢失清秋影著啼猿樹魂飄結蜃樓明年下春水東盡白雲求

元日寄韋氏妹

近聞韋氏妹迎在漢鍾離郎伯姝方鎮京華舊國

移春一作秦城迴北斗郢樹發南枝不見朝正使啼痕滿面垂

戲寄崔評事表姪蘇五表弟韋大少府諸姪

隱豹深愁雨潛龍故起雲泥多仍徑曲心醉阻賢羣忍待江山麗還披鮑謝文高樓憶踈豁秋興坐氤氲

軍中醉飲寄沈八劉叟

詩紀

盛唐卷之八十一

十二

酒歇愛江清餘酣漱晚汀軟莎歌坐穩冷石醉眠醒野膳隨行帳華音發從伶數杯君不見都一作醉已遣沈冥

重簡王明府

甲子西南異冬來只薄寒江雲何夜靜蜀雨幾時乾行李須相問窮愁豈自一作有寬君聽鴻鴈響恐致稻梁難

敬簡王明府

葉縣郎官宰周南太史公神仙才有數流落意無窮驥病思偏秣鷹愁一作秋怕苦籠看君用高義恥

與萬人同

奉簡高三十五使君

當代論才子如公復幾人  
驂騑開道路鷹隼出風塵  
行色秋將晚交情老更親  
天涯喜相見披豁對吾真

行次鹽亭縣題四韻奉簡嚴遂州蓬州兩使君咨議諸昆季

馬首見鹽亭高山擁縣青  
雲谿花淡淡春郭水泠泠  
金蜀多名士嚴家聚德星  
長歌意無極好爲老

詩紀

盛唐卷之八十一

十三

夫聽

正月三日歸谿上有作簡院內諸公

野外堂依竹籬邊水向城  
蟻浮仍臘味鷗泛已春聲  
藥許鄰人斲書從稚子擎  
白頭趨幕府深覺負平生

官亭夕坐戲簡顏十少府

南國調寒杵西江浸日車  
客愁連蟋蟀亭古帶蒹葭  
不返青綵韁虛燒夜燭花  
老翁須地主細細酌流霞

纜船苦風戲題四韻奉簡鄭十三判官

楚岸朔風疾天寒鴈鵠呼  
漲沙蘆草樹舞雪渡江湖  
吹帽時時落維舟日日孤  
因聲置驛外爲覓酒家壚

示姪佐

自注云佐草堂在東柯谷

多病秋風落君來慰眼前  
自聞茅屋趣只想竹林眠  
滿谷山雲起侵籬澗水懸  
嗣宗諸子姪早覺仲容賢

佐遷山後寄三首

詩紀

盛唐卷之八十一

十四

山晚黃雲合歸時恐路迷  
澗寒人欲到林一作村黑

鳥應棲野客茅茨小田家樹木低  
舊諳疎嬾叔須汝故相攜

汝故相攜

白鷺黃梁熟分張素有期  
已應春得細頗覺寄來遲  
味豈同金菊香宜配綠一作紫葵  
老人他日愛正想滑流匙

幾道泉澆圃交橫落幔坡  
葳蕤秋葉少隱映野雲多  
隔沼連香芰通林帶女蘿  
甚聞霜薤白重惠意如何

舍弟占歸草堂檢校聊示此詩

久客應吾道相隨獨爾來孰知江路近頻爲草堂  
回鵝鴨宜長數柴荆莫浪開東林竹影薄臘月更  
須栽

熟食日示宗文宗武

消渴遊江漢羈棲尚甲兵幾年逢熟食萬里逼清

明松柏<sup>一作</sup>山路風花<sup>一作</sup>白帝城汝曹催我

老回首淚縱橫

又示兩兒

詩紀

盛唐卷之八十一

十五

令節成吾老他時見汝心浮生看物變爲恨與年  
深長葛書難得江州涕不禁團圓思弟妹行坐白  
頭吟

和裴迪登新津寺寄王侍郎

自注云公時爲蜀安

何恨倚山木吟詩秋葉黃蟬聲集古寺鳥影度寒  
塘風物悲遊子登臨憶侍郎老夫貪佛日隨意宿  
僧房

奉荅岑參補闕見贈

竊窕清禁闥罷朝歸不同君隨丞相後我往<sup>一作</sup>

日華東冉冉柳枝碧娟娟花藥紅故人得佳句獨  
贈白頭翁

奉酬李都督表文早春作

力疾坐清曉來<sup>一作</sup>詩悲早春轉添愁伴客更覺

老隨人紅入桃花嫩青歸柳葉新望鄉猶<sup>一作</sup>未

已四海尚風塵

酬高使君相贈

古寺僧牢落空房客寓居故人供祿米鄰舍與園

蔬雙樹容聽法三車肯載書草玄吾豈敢賦或似

詩紀

盛唐卷之八十一

十六

相如

奉酬冠十侍御錫見寄四韻復寄冠

往別郇瑕地于今四十年來簪御府筆故泊洞庭

船詩憶傷心處春深把臂前南瞻按百越黃帽待

君偏

酬韋韶州見寄

養拙江湖外朝廷記憶疎深慙長者轍重得故人

書白髮絲難理新詩錦不如雖無南過鴈看取北

來魚

酬孟雲卿

樂極傷頭白更深愛燭紅相逢難一作難袞袞告別  
莫忽忽但恐天河落寧辭酒盞空明朝牽世務揮  
淚各西東

詩紀

盛唐卷之八十一

十七

盛唐第八十一

盛唐第八十二

唐詩紀一百四十二

鄆郡吳中珩彙編  
鄆郡俞體初同

杜甫十四

五言律詩二

送翰林張司馬南海勒碑

自注云相國製文

冠冕通南極文章落上台詔從三殿去碑到百蠻  
開野館濃花發春帆細雨來不知滄海上天遣幾  
時迴

詩紀

盛唐卷之八十二

一

送賈閣老出汝州

西掖梧桐樹空留一院陰艱難歸故里去住損春  
心官殿青門隔雲山紫邏深人生五馬貴莫受二  
毛侵

送張二十參軍赴蜀川

一作州

因呈楊五侍

御

好去張公子通家別恨添兩行秦樹直萬點蜀山  
尖御史新駟馬參軍舊紫髯皇華吾善處於汝定  
無嫌



送遠

帶甲滿天地胡爲君遠行親朋盡一哭鞍馬去孤

一作城草木歲月晚關河霜雪清別離已昨一作

日因見古人情

送人從軍

弱水應無地陽關已近天今君渡沙磧累月斷人  
煙好武寧論命封侯不計年馬寒防失道雪沒錦

鞍韉

送裴五赴東川

詩紀

盛唐卷之八十二

二

故人亦流落高義動乾坤何日通燕塞相看老蜀  
門東行應暫別北望若銷魂凜凜悲秋意非君誰

與論

奉濟驛重送嚴公四韻

遠送從此別青山空復情幾時杯重把昨夜月同  
行列郡謳歌惜三朝出入榮江村獨歸處寂寞養  
殘生

送段功曹歸廣州

南海春天外功曹幾月程峽雲籠樹小湖日蕩船

今本作明交趾丹砂重韶州白葛輕幸君因估一作  
落江非

客時寄錦官城

一 郾城西原送李判官兄武判官弟赴成都

府

憑高送所親久坐惜芳辰遠水非無浪他山自有  
春野花隨處發官柳著行新天際傷愁別離筵何  
大頻

泛江送魏十八倉曹還京因寄岑中允參

范郎中季明

詩紀

盛唐卷之八十二

三

遲日深江一作水輕舟送別筵帝鄉愁緒外春色

淚痕邊見酒須相憶將詩莫浪傳若逢岑與范爲

報各衰年

泛江送客

二月頻送客東津江欲平煙花山際重舟楫浪前  
輕淚逐勸杯落愁連吹笛生離筵不隔日那得易  
爲情

送何侍御歸朝

自注云去歲在廣州  
泛舟送客

舟楫諸侯餞車輿使者歸山花相映發水鳥自孤

飛春日垂霜鬢天隅把繡衣故人從此去寥落寸心違

江亭送眉州辛別駕昇之得燕字

柳影含雲幕江波近酒壺異方驚會面終宴惜征途沙暖一作遠低風蝶天晴喜浴鳬別離傷老大意緒日荒蕪

涪江泛舟送韋班歸京得山字

追餞同舟日傷春一水間飄零爲客久衰老羨君還花雜一作遠重重樹雲輕處處山天涯故人少更

詩紀

盛唐卷之八十二

四

憶鬢毛斑

送元二適江左

自注云元結也

亂後今相見秋深復遠行風塵爲客日江海送君情晉室丹陽尹公孫白帝城經過自愛惜取次莫論兵

送李卿曄

王子思歸日長安已亂兵霑衣問行在走馬向承明暮景巴蜀僻春風江漢清晉山雖自棄魏闕尚含情

送裴二虬作尉永嘉

孤嶼亭何處天涯水氣中故人官就此絕境與誰同隱吏逢梅福遊山憶謝公扁舟吾已就把釣待秋風

送韋書記赴安西

天子欽通貴雲泥相望懸白頭無藉在朱紱有哀憐書記赴三捷公車留五年欲浮江海去此別意茫然

江亭王闌州筵餞蕭遂州

詩紀

盛唐卷之八十二

五

離亭非舊國春色是他鄉老畏歌聲斷一作短愁從

舞曲長二天開寵餞五馬爛生輝一作輝光川路風煙

接俱宜下鳳凰

送韋郎司直歸成都

竄身來蜀地同病得韋郎天下兵戈滿江邊歲月長別筵花欲暮春日鬢俱蒼爲問南谿竹抽梢合過牆自注云余草堂在成都西郭浣花里

送舍弟穎赴齊州三首

岷嶺南蠻北徐關東海西此行何日到送汝萬行

啼絕域惟高枕清風獨杖藜危時暫相見衰白意都迷

風塵暗不開汝去幾時來兄弟分離苦形容老病催江通一柱觀日落望鄉臺客意長東北齊州安在哉

諸姑今海畔兩弟亦山東去旁干戈覓來看道路通短衣防戰地匹馬逐秋風莫作俱流落長瞻碣石鴻

別常徵君

詩紀

盛唐卷之八十二

六

兒扶猶杖策卧病一秋強白髮少新洗寒衣寬總長故人憂見及此別淚相忘各逐萍流轉來書細作行

送李功曹之荊州充鄭侍御判官重贈

曾聞宋玉宅每欲到荊州此地生涯晚遙通一作悲

水國秋孤城一柱觀落日九江流使者雖光彩青

楓遠自愁

送王十六判官

客下荆南盡君今復入舟買薪猶白帝鳴櫓少一作

沙頭衡霍生春早瀟湘共海浮荒林庾信宅爲仗主人留

奉送卿二翁統節度鎮軍還江陵

火旗還錦纜白馬出江城嘹唳鳴作今本笳發蕭條

別浦清寒空巫峽曙落日渭陽情一作明留滯嗟衰

疾何時見息兵

送鮮于萬州遷巴州

京兆先時傑琳琅照一門朝廷偏注意接近與名

藩祖帳維舟數寒江觸石喧看君妙爲政他日有

詩紀

盛唐卷之八十二

七

殊恩

奉送十七舅下邵桂

絕域三冬暮浮生一病身感深辭舅氏別後見何

人縹緲蒼梧帝推遷孟母鄰昏昏阻雲水側望苦

傷神

送十五弟侍御使蜀

喜弟文章進添余別興牽數杯巫峽酒百丈峽人

牽大繩內江船未息豺狼聞空催犬馬年歸朝多便

道搏擊望秋天

舍弟觀歸藍田迎新婦送示二首

汝去迎妻子高秋念却迴卽今螢已亂好與鴈同  
來東望西江永南遊北戶開卜居期靜處會有故  
人杯

楚塞難爲路藍田莫滯留衣冠判白露鞍馬信清  
秋滿峽重江水開帆八月舟此時同一醉應在仲  
宣樓

奉送韋中丞之晉赴湖南

寵渥徵黃漸權宜借寇頻湖南安背水峽內憶行

詩紀

盛唐卷之八十二

八

春王室仍多故蒼生倚大臣還將徐孺榻處處待  
高人

送田四弟將軍將

一作歸

夔州柏中丞命起

居江陵節度陽城郡王衛公幕

一題作夔府送田將

軍歸江陵

離筵罷多酒起地發寒塘回首中丞座馳箋異姓  
王燕辭楓樹日鴈度麥城霜空醉山翁酒遙憐似  
葛疆

送孟十二倉曹赴東京選

君行別老親此去苦家貧藻鏡留連客江山憔悴  
人秋風楚竹冷夜雪輦梅春朝夕高堂念應宜綵  
服新

贈韋贊善別

扶病送君發自憐猶不歸祇應盡客淚復作掩荆  
扉江漢故人少音書從此稀往還二十載歲晚寸  
心違

巫山縣汾州唐使君十八弟宴別兼諸公

攜酒樂相送率題小詩留于屋壁

詩紀

盛唐卷之八十二

九

卧病巴東久今年強作歸故人猶遠謫茲日倍多  
違接宴身兼杖聽歌淚滿衣諸公不相棄擁別借  
光輝

夏日楊長寧宅送崔侍御常正字入京探

韻得深字

醉酒楊雄宅升堂子賤琴不堪垂老鬢還對欲分  
襟天地西江遠星辰北斗深烏臺俯麟閣長夏白  
頭吟

公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞鴈一行  
鳴南紀連銅柱西江接錦城憑將百錢卜飄泊問  
若平

潭州送韋員外牧韶州

炎海韶州牧風流漢署郎分符先令望同舍有輝  
光白首多年疾秋天昨夜涼洞庭無過鴈書疏莫  
相忘

晚秋長沙蔡五侍御飲筵送殷六參軍歸

澧州觀省

詩紀

盛唐卷之八十二

十

佳士欣相識慈顏望遠遊甘從投轄飲肯作置書  
郵高鳥黃雲暮寒蟬碧樹秋湖南冬不雪吾病得  
淹留

送趙十七明府之縣

連城爲寶重茂宰得才新山雉迎舟楫江花報邑  
人論交翻恨晚卧病却愁春惠愛南翁悅餘波及  
老身

巴西聞收京闕送班司馬入京

聞道收京廟鳴鑾自陝歸傾都看黃屋正殿引朱

衣劍外春天遠巴西敕賜稀念君經世亂匹馬向  
王畿

送司馬入京

羣盜至今日先朝忝從臣歎君能戀主久客美歸  
秦黃閣長司諫丹墀有故人向來論社稷爲話滄  
霑巾

送靈州李判官

羯胡腥四海回首一茫茫血戰乾坤赤氛一作迷

日月黃將軍專策畧幕府盛才良近賀中興主神

詩紀

盛唐卷之八十二

十一

兵動朔方

送竇九歸成都

文章亦不盡竇子才縱橫非爾更苦一作持節何人

符大名讀書雲閣觀問綃錦官城我有浣花竹題

詩須一行

奉送崔都水翁下峽

無數涪江筏鳴橈總發時別離終不久宗族忍相  
遺白狗黃牛峽朝雲暮雨祠所過漸聞訊到日自  
題詩



隨章留後新亭會送諸君

新亭有高會行子得良時日動映江暮風鳴排檻  
旗絕軍終不改勸酒欲無詞已墮峴山淚因題零  
雨詩

東津送韋諷攝閬州錄事

聞說江山好憐君吏隱兼寵行舟遠泛惜別酒頻  
添推薦非承乏操持必去嫌他時如按縣不得慢  
陶潛

閬州奉送二十四舅使自京赴任青城

詩紀

盛唐卷之八十二

十二

聞道王喬烏名因太史傳如何碧雞使把詔紫微  
天秦嶺愁回馬涪江醉泛船青城漫污雜吾舅意  
淒然

送王侍御往東川放生池祖席

東川詩友合此贈怯輕爲况復傳宗近空然惜別  
離梅花交近野草色向平池儻憶江邊卧歸期願  
早知

惠義寺送王少尹赴成都分得峯字

冉冉谷中寺娟娟林表峯關干上處遠結構坐來

重騎馬行春徑衣冠起晚鐘雲門青寂寂此別惜  
相從

送惠二歸故居

今本題作聞惠子過東谿

惠子白駒

一作驢

瘦歸谿惟病身皇天無老眼空谷

滯斯人崖蜜松花白

一作煎

山杯竹葉新

一作春

柴門

了生事黃綺未稱臣

衡州送李大夫人七丈勉赴廣州

斧鉞下青冥樓船過洞庭北風隨爽氣南斗避文  
星日月籠中鳥乾坤水上萍王孫丈人行垂老見

詩紀

盛唐卷之八十二

十三

飄零

別崔湜因寄薛據孟雲卿

自注云內弟湜赴湖南幕職

志士惜妄動知深難固辭如何久磨礪但取不磷

緇夙夜聽憂王飛騰急濟時荊州遇薛孟爲報欲

論詩

贈別何邕

生死論交地何由一見人悲君隨燕雀薄宦走風  
塵綿谷元通漢沱江不向秦五陵花滿眼傳語故  
鄉春

贈別鄭鍊赴襄陽

戎馬交馳際柴門老病身把君詩過目一作念此

別驚神地闊峨眉睂晚一作曉天高峴首春爲於耆舊

內試覓姓龐人

魏十四侍御就敝廬相別

有客騎驄馬江邊問草堂遠尋留藥價惜別到文

場入幕旌旗動歸軒錦繡香時應念衰疾書跡一作

及滄浪

巫峽敝廬奉贈侍御四舅別之澧朗

詩紀

盛唐卷之八十二

十四

江城秋日月一作落山鬼閉門中行李淹吾舅誅茅

問老翁赤眉猶世亂青眼只途窮傳語桃源客人

今出處同

留別賈嚴二閣老兩院補闕得聞字

田園須暫住一作戎馬惜離羣去遠留詩別愁多

任酒醺一秋常苦雨今日始無雲山路晴一作吹

角那堪處處聞

暮秋將歸秦留別湖南幕府親友

水闊蒼梧野天高白帝秋途窮那免哭身老不禁

愁大府才能會諸公德業優北歸衝雨雪誰憫敝  
貂裘

詩紀

盛唐卷之八十二

十五

盛唐第八十二

盛唐第八十三

唐詩紀一百四十三

鄆郡吳中珩彙編

鄆郡俞體初同校

杜甫 十五

五言律詩三

陪鄭廣文遊何將軍山林十首

不識南塘一作唐路今知第五橋名園依綠水野竹

上青霄谷口舊相得濠梁同見招平生為幽興未

惜馬蹄遥

詩紀

盛唐卷之八十三

二

百頃風潭上千章一作重夏木清卑枝低結子接葉

暗巢鷺鮮鮒銀絲鱸香芹碧澗羹翻疑施樓底晚

飯越中行

萬里戎王子何年別月支異花開絕域滋蔓匪清

池漢使徒空到神農竟不知風一作露翻兼雨打

開折漸離披

旁舍連高竹疎籬帶晚花碾渦深沒馬藤蔓曲藏

蛇詞賦工無一作何益山林跡未賒盡一作枯書

籍賣來問爾東家

剩水滄江破殘山碣石開綠垂風折笋紅綻雨肥

榜銀甲彈箏用楊用修云用字誤舊本作卸金魚換酒來興移

無洒掃隨意坐一作苦

風磴吹陰雪雲門吼瀑泉酒醒思卧簟衣冷欲裝

綿野老來看客河魚不取錢只疑淳朴處自有一

山川

棘樹寒雲色茵陳春藕香脆添生菜美陰益食單

涼野鶴清晨出山精白日藏石林盤一作蟠水府百

里獨蒼蒼

詩紀

盛唐卷之八十三

二

憶過楊柳渚走馬定昆池醉把青荷葉狂遺白接

離刺船思郢客解水乞吳兒坐對秦山晚江湖興

頗隨

牀上書連屋階前樹拂雲將軍不好武稚子總能

文醒酒微風入聽詩靜夜分緇衣挂蘿薜涼月白

紛紛

幽意忽不愜歸期無奈何出門流水住回首白雲

多自笑燈前舞誰憐醉後歌祗應與朋好風雨亦

來過

重過何氏五首

問訊東橋竹將軍有報書倒衣還命駕高枕乃吾  
廬花妥鶯捎蝶谿喧獺趁魚重來休沐地真作野  
人居

山雨樽仍在沙沈榻未移犬迎曾宿客鷗護落巢

兒雲薄翠微寺天清一作黃子陂向來幽興極步

展過東籬

落日平臺上春風啜茗時石欄斜點筆桐葉坐題

詩翡翠鳴衣桁蜻蜓立釣絲自今幽興熟一作自逢今日

詩紀

盛唐卷之八十三

三

興來往亦無期

頗怪朝叅懶應耽野趣長雨拋金鑲甲苔卧綠沈

槍手自移蒲柳家纔足稻梁看君用幽意白日到

羲皇

到此應嘗宿相畱可判年蹉跎暮容色悵望好林

泉何日霑微祿歸山買薄田斯遊恐不遂把酒意

茫然

劉九法曹鄭瑕丘石門宴集

秋水清無底蕭然淨客心掾曹乘逸興鞍馬到荒

林一作去相尋能吏逢聯壁華筵直一金晚來橫吹好

泓下亦龍吟

與任城許玉簿遊南池

秋水通溝洫城隅進小船晚涼看洗馬森木亂鳴

蟬菱熟經時雨蒲荒八月天晨朝降白露遙想一作

看舊青氈

夜宴左氏莊

風林纖月落衣露淨琴張暗水流花逕春星帶草

堂檢書燒燭短看一作說劍引杯長詩罷聞吳詠扁

詩紀

盛唐卷之八十三

四

舟意不忘

李監宅二首

尚覺王孫貴豪家意頗濃屏開金孔雀褥隱繡芙

蓉且食雙魚美誰看異味重門闌多喜色女壻近

乘龍

華館春風起高城煙霧開雜花分戶映嬌燕入簾

迴一見能傾座虛懷只愛才鹽官雖絆驥名是漢

庭來

與鄆縣源大少府宴漢陂得寒字

應爲西陂好金錢  
盤一餐飯抄雲子  
白瓜嚼水精  
寒無計迴船下  
空愁避酒難  
主人情爛熳  
持荅翠琅玕

崔駙馬山亭宴集

蕭史幽棲地  
林間踏鳳毛  
汎流何處入  
亂石閉門  
高客醉揮金  
枕詩成得錦  
一作錦  
祀清秋多宴會  
終日困香醪

陪諸貴公子丈八溝攜妓納涼晚際遇雨

二首

詩紀

盛唐卷之八十三

五

落日放船好  
輕風生浪遲  
竹深留客處  
荷淨納涼  
時公子調水  
水佳人雪藕  
絲片雲頭上  
黑應是雨催詩

雨來霑席上風急

一作惡

打船頭越女紅裙濕  
燕姬

翠黛愁纔侵堤柳  
繫幔卷浪花浮  
歸路翻蕭颯  
陂塘五月秋

陪李金吾花下飲

勝地初相引  
徐行得自娛  
見輕吹鳥毳  
隨意數花  
鬚細草稱偏坐  
香醪懶再沽  
醉歸應犯夜  
可怕李

金吾

九日曲江

綴席茱萸好  
浮舟菡萏衰  
百年秋已半

一作季秋時欲半

九日意兼悲  
江水清源曲  
荆門此路疑  
晚來

高興盡搖蕩  
菊花期

九日楊奉先會白水崔明府

今日潘懷縣  
同時陸淩儀  
坐開桑落酒  
來把菊花

差池

詩紀

盛唐卷之八十三

六

陪王侍御宴通泉東山野亭

江水東流去  
清樽日復斜  
異方同宴賞  
何處是京  
華  
亭景臨山水  
村煙對浦沙  
狂歌遇形勝  
得醉卽爲家

奉陪鄭駙馬韋曲二首

韋曲花無賴  
家家惱殺人  
淥樽須盡日  
白髮好禁

傷

一作

春石角鉤衣破藤梢

一作枝一作蘿

刺眼新何時占

叢竹頭戴小烏巾

野寺垂楊裏  
春畦亂水間  
美花多映竹  
好鳥不歸



山城郭終何事風塵豈駐顏誰能共公子薄暮欲俱還

數陪章一作李梓州泛江有女樂在諸舫戲

爲豔曲二首以贈章近本無此三字

上客回空騎佳人滿近船江清歌扇底野曠舞衣

前玉袖凌風並金盞隱浪偏競將明媚色偷眼豔

陽天

白日移歌袖青霄一作宵近笛牀翠眉榮度曲雲鬢

儼分行立馬千山暮回舟一水香使君自有婦莫

詩紀

盛唐卷之八十三

七

學野鴛鴦

陪章一作李梓州王閬州蘇遂州李果州四

使君登惠義寺

春日無人境虛空不住天鶯花隨世界樓閣倚山

巔遲暮身何得登臨意惘然誰能解金印瀟灑共

安禪

章梓州水亭

自注云時漢中王兼道士席謙在會同用荷字韻

城晚通雲霧亭深到支荷吏人橋外少秋水席邊

多近屬淮王至高門薊子過荊州愛山簡吾醉亦

長歌

陪王使君晦日泛江就黃家亭子二首

山豁何時斷江平不肯流稍知花改岸始驗鳥隨

舟結束多紅粉歡娛恨白頭非君愛人客晦日更

添愁

有徑金沙軟無人碧草芳野畦連蛺蝶江檻俯鴛

鴦日晚煙花亂風生錦繡香不須吹急管衰老易

悲傷

陪王漢州留杜綿州泛房公西池池在漢州即房

詩紀

盛唐卷之八十三

八

琯所鑿城西池

舊相思追後春池賞不稀闕庭分未到舟楫有光

輝鼓化萼絲熟刀鳴鱸縷飛使君雙皂蓋灘淺正

相依

晚秋陪嚴鄭公摩訶池泛舟得谿字自注云池

在府內蕭摩訶所開因是得名

湍駛風醒酒船回霧起隄高城秋自落雜樹晚相

迷坐觸鴛鴦起巢傾翡翠低莫須驚白鷺爲伴宿

清谿

宴戎州楊使君東樓

勝絕驚身老情忘發興竒座從歌妓密樂任主人  
爲重碧拈春酒輕紅擘荔枝樓高欲愁思橫笛未  
休吹

宴忠州使君姪宅

出守吾家姪殊方此日歡自須遊阮巷一作舍不是  
怕湖灘樂助長歌逸一作送杯饒旅思寬昔曾如意  
舞牽率強爲看

雲安九日鄭十八攜酒陪諸公宴

詩紀

盛唐卷之八十三

九

寒花開已盡菊蕊獨盈枝舊摘人頻異輕香酒近本

作非暫隨地偏初衣衿山擁更登危萬國皆戎馬酣

歌淚欲垂

王十五前閣會

楚岸收新雨春臺引細風情人來石上鮮鱸出江  
中鄰舍煩書札肩輿強老翁病身虛俊味何幸飫  
兒童

九日諸人集于林

九日明朝是相要舊俗非老翁難早出野客幸知

歸舊采黃花賸新梳白髮微謾看年少樂忍淚已  
霑衣

陪栢中丞觀宴將士二首

極樂三軍士誰知百戰場無私齊綺饌久坐密金  
章醉客霑鸚鵡佳人指鳳凰幾時來翠節特地引  
紅妝

繡段裝簷額金花帖鼓腰一夫先舞劒百戲後歌  
鏹一作樵江樹城孤遠雲臺便寂寥漢朝頻選將應

拜霍嫖姚

詩紀

盛唐卷之八十三

十

季秋蘇五弟纓江樓夜宴崔十三評事韋

少府姪三首

峽險江驚急樓高月迴明一時今夕會萬里故鄉  
情星落黃姑渚秋辭白帝城老人因病酒堅坐看  
君傾

明月生長好浮雲薄漸遮悠悠照邊一作遠塞悄悄

憶京華清動杯中物高隨海上槎不眠瞻白兔百

過落烏紗

對月那無酒登樓况有江聽歌驚白鬢笑舞拓秋

牕樽蟻添相續沙鷗並一雙盡憐君醉倒更覺片  
心降

春夜峽州田侍御長史津亭留宴得筵字

北斗三更席西江萬里船杖藜登水榭揮翰宿春  
天白髮須一作煩多酒明星惜此筵始知雲雨峽忽  
盡下牢邊峽州有下牢戍

宴胡侍御書堂

自注云李尚書之芳鄭秘監審同集歸字韻

江湖春欲暮牆宇日猶微聞聞書籍滿輕輕花絮  
飛翰林名有素墨客興無違今夜文星動吾儕醉

詩紀

盛唐卷之八十三

十二

不歸

暮春陪李尚書李中丞過鄭監湖亭泛舟

得過字

海內文章伯湖邊意緒多玉樽移晚興桂楫帶酣  
歌春日繁魚鳥江天足芰荷鄭莊賓客地衰白遠  
來過

和江陵宋大少府暮春雨後同諸公及舍

弟宴書齋

渥洼汗血種天上麒麟兒才士得神秀書齋聞爾

爲棣華晴雨好綵服暮春宜朋酒日歡會老夫今  
始知

宴王使君宅題二首

漢主追韓信蒼生起謝安吾徒自飄泊世事各艱  
難逆旅招邀近他鄉意緒寬不才甘朽質高卧豈  
泥蟠

汎愛容霜鬢留歡上夜關

今本作上夜關非

自吟詩送老

相勸酒開顏戎馬今何地鄉園獨在山江湖墮清  
月醅酌任扶還

詩紀

盛唐卷之八十三

十三

上巳日徐司錄林園宴集

鬢毛垂領白花蘂亞枝紅欹倒衰年廢招尋令節  
同薄衣臨積水吹面受和風有喜留攀桂無勞問  
轉蓬

遊修覺寺

野寺江天豁山扉花竹幽詩應有神助吾得及春  
遊徑石相縈帶川雲自去留禪枝宿衆鳥漂轉暮  
歸愁

後遊

寺憶曾遊處橋憐再渡時江山如有待花柳更無  
私野潤煙光薄沙暄日色遲客愁全爲減捨此復  
何之

泛江

方舟不用楫極目總無波長日容杯酒深江淨綺  
羅亂離還奏樂飄泊且聽歌故國流清渭如今花  
正多

登兖州城樓

東郡趨庭日南樓縱目初浮雲連海岱平野入青

詩紀

盛唐卷之八十三

十三

徐孤嶂秦碑在荒城魯殿餘從來多古意臨眺獨  
躊躇

龍門在河南

龍門橫野斷驛樹出城來氣色皇居近金銀佛寺

開自注云山有佛寺金碧照曜最爲勝槩

往來

一作還

時屢改川陸一作

水日悠哉相關征塗上生涯盡幾廻

九日登梓州城

伊昔黃花酒如今白髮翁追歡筋力異望遠歲時  
同弟妹悲歌裏乾坤醉眼中兵戈與關塞此日意

無窮

春日梓州登樓二首

行路難如此登樓望欲迷身無却少壯跡有但羈  
棲江水流城郭春風入鼓鞀雙雙新燕子依舊已  
銜泥

天畔登樓眼隨春

一作入

故園戰場今始定移柳

未能存厭蜀交遊冷思吳勝事繁應須理舟楫長

補下荆門

上牛頭寺

按寰宇記牛頭山在梓州鄭縣南上有長樂寺

詩紀

盛唐卷之八十三

十四

青山意不盡衮衮上牛頭無復能拘礙真成浪出  
遊花濃春寺靜竹細野池幽何處啼鶯切移時獨  
未休

望牛頭寺

牛頭見鶴林梯逕遶幽深春色浮山外天河宿殿  
陰傳燈無白日布地有黃金休作狂歌老回看不  
住心

上兜率寺

按圖經兜率寺在梓州

兜率知名寺真如會法堂江山有巴蜀棟宇自齊

梁庾信哀雖久何顚好不忘白牛車遠近且欲上  
慈航

望兜率寺

樹密當山徑江深隔寺門霏霏雲氣重閃閃浪花  
翻不復知天大空餘見佛尊時應清盥罷隨喜給  
孤園

登牛頭山亭子

路出雙林外亭窺萬井中江城孤照日山春一作谷  
遠含風兵革身將老關河信不通猶殘數行淚忍

詩紀

盛唐卷之八十三

十五

對百花叢

曉望白帝城鹽山

徐步移斑杖看山仰白頭翠深開斷壁紅遠結飛  
樓日出清江望暄和散旅愁春城見松雪始擬進  
歸舟

白鹽山

卓立羣峯外蟠根積水邊他皆任厚地爾獨近高  
天白榜千家邑清秋萬估船詞人取佳句刻畫竟  
誰傳

上白帝城

城峻隨天壁樓高更一作望女墻江流思夏后風至  
憶襄王老去聞悲角人扶報夕陽公孫初恃險躍  
馬意何長

白帝城樓

江度寒山閣城高絕塞樓翠屏宜晚對白谷會深  
遊急急能鳴鴈輕輕不下鷗夷陵春色起漸擬放  
扁舟

白帝樓

詩紀  
盛唐卷之八十三  
十六  
漠漠虛無裏連連睥睨侵樓光去日遠峽影入江  
深臘破思端綺春歸待一金去年梅柳意還欲攬  
邊心

瞿塘兩崖

三峽傳何處雙崖壯此門入天猶石色穿水忽雲  
根猱獮鬚髯古蛟龍窟宅尊羲和冬馭近愁畏日  
車翻

登岳陽樓

首聞洞庭水今上岳陽樓吳楚東南坼乾坤日夜



浮親朋無一字老病有孤舟戎馬關山北憑軒涕

泗流唐子山云過岳陽樓觀子美詩不泗上字耳氣象閒放涵蓄深遠殆與洞庭爭雄

陪裴使君登岳陽樓

湖闊兼雲霧樓孤屬晚晴禮加徐孺子詩接謝宣

城雪岸叢梅發春泥百草生敢違漁父問從此更

南征

江亭

坦腹江亭煖長吟野望時水流心不競雲在意俱

遲寂寂春將晚欣欣物自私故園歸未得排悶強

裁詩

盛唐卷之八十三 十七

臺上得涼字

臺上得涼字

改席臺能一作爲迴留門月復光雲霄遺暑濕山谷

進風涼老去一杯足誰憐屢舞長何須把官燭似

惱鬢毛蒼

山寺

野寺殘僧少山園細路高麝香眠石竹鸚鵡啄金

桃亂水通人過懸崖置屋牢上方重閣晚百里見

纖毫

已上人茅齋

已公茅屋下可以賦新詩枕簟入林僻茶瓜留客

遲江蓮搖白羽天棘蔓青絲空忝許詢輩難酬支

遁詞

宿贊公房

自注云贊京師大雲寺主請此安置按贊公與房瑒遊唱得罪

贊公亦被謫

杖錫何來此秋風已颯然雨荒深院菊霜倒半池

蓮放逐寧違性虛空不離禪相逢成夜宿隴月向

人圓

詩絕

盛唐卷之八十三 十八

宿江邊閣

暝色延山徑高齋次水門薄雲巖際宿孤月浪中

翻鸛鶴追飛盡豺狼得食喧不眠憂戰伐無力正

乾坤

謁真諦寺禪師

蘭若山高處煙霞嶂幾重凍泉依細石晴雪落長

松問法看詩妄觀身向酒慵未能割妻子卜宅近

前峯

盛唐第八十三

盛唐第八十四

唐詩紀一百四十四

鄆郡吳中珩彙編  
鄆郡俞體初同校

杜甫 十六

五言律詩 四

題張氏隱居

之子時相見邀人晚興留霽一作潭鱣發發春草

鹿呦呦杜酒偏勞勸張梨不外求前村山路險歸

醉每無愁

詩紀

盛唐卷之八十四

一

重題鄭氏東亭

自注云江新安界

華亭入翠微秋日亂清暉崩石歆山樹清連曳水

衣紫鱗衝岸躍蒼隼護巢歸向晚尋征路殘雲傷

馬飛

題新津北橋樓得郊字

望極春城上開筵近鳥巢白花簷外朶青柳檻前

梢池水觀爲政厨煙覺遠庖西川供客眼唯有此

江郊

題玄武禪師屋壁

何年顧虎頭滿壁畫滄一作洲赤日石林氣青天

江海流錫飛常近鶴杯渡不驚鷗似得廬山路真

隨惠遠遊

題忠州龍興寺所居院壁

忠州三峽內井邑聚雲根小市常爭米孤城早閉

門空看過客淚莫覓主人恩淹泊仍愁虎深居賴

獨園

秋日寄題鄭監湖上亭三首

碧草連春意沅湘萬里秋池要山簡馬月靜庾公

詩紀

盛唐卷之八十四

二

樓磨滅餘篇翰平生一釣舟高唐寒浪滅一作髮

髯識昭丘

新作湖邊宅還聞賓客過自須開竹逕誰道避雲

蘿官序潘生拙才名賈誼多捨舟應卜一作地鄰

接意如何

暫住一作蓬萊閣終爲江海人揮金應物理拖玉

豈吾身羹煮秋尊滑一作杯凝露菊新賦詩分氣

象佳句莫煩煩

題栢大兄弟山居屋壁二首

叔父朱門貴郎君玉樹高山居精典籍文雅涉風騷江漢終吾老雲林得爾曹哀絃繞白雪未與俗人操

野屋流寒水山籬帶薄雲靜應連虎穴喧已去人羣筆架霑牕雨書籤映隙牕蕭蕭千里馬箇箇五花文

題鄴原郭三十二明府茅屋壁

江頭且繫船爲爾獨相憐雲散灌壇雨春青彭澤田頻驚適小國一擬問高天別後已東路逢人問

詩紀

盛唐卷之八十四

三

幾賢

過南鄰朱山人水亭

相近竹叅差相過人不知幽花歆滿樹細水曲通池歸客村非遠殘樽席更移看君多道氣從此數追隨

徐九少尹見過

晚景孤村僻行軍數騎來交新待有甚禮厚愧無才賞靜憐雲竹忘歸步月臺何當看花藥欲發照江梅

野望因過常少仙

野橋齊度馬秋望轉悠哉竹覆青城合江從灌口來入村樵徑引嘗果菜園開落盡高天日幽人未遣迴

范二負外邈吳十侍御郁特枉駕闕展待聊寄此作

野比鄰去空聞三妙歸幽棲誠簡畧衰白已光輝野外貧家遠村中好客稀論文或不愧重肯欵柴扉

詩紀

盛唐卷之八十四

四

王竟攜酒高亦同過共用寒字

王侍御掄高使君適

卧疾荒郊遠通行小逕難故人能領客攜酒重相看自愧無鮭菜空煩卸馬鞍移時勸山簡頭白恐風寒

自注云高每云汝年幾小且不小於我此句戲之

王十五司馬弟出郭相訪兼遺管草堂賢

客裏何遷次江邊正寂寥肯來尋一老愁破是今朝憂我營茅棟攜錢過野橋他鄉惟表弟還往莫辭遥

九月一日過孟十二倉曹十四王簿兄弟

藜杖侵寒露蓬門啓曙煙力稀經樹歇老困撥書  
眠秋覺追隨盡來因孝友偏清談見滋味爾輩可  
忘年

過客相尋

窮老真無事江山已定居地幽忘盥櫛客至罷琴  
書挂壁移筐果呼兒問煮魚時聞繫舟楫及此問  
吾廬

晚晴吳郎見過北舍

圃畦新雨潤媿子廢鋤來竹杖交頭拄柴扉隔一

詩紀

盛唐卷之八十四

五

徑開欲棲羣鳥亂未去小童催明日重陽酒相  
迎自撥醅

乘雨入行軍六弟宅

曙角凌雲罷春城帶雨長水花分塹弱巢燕得泥  
忙令弟雄軍佐凡才汚省郎萍漂忍流涕衰颯近  
中堂

所思

自注云得台州  
鄭司戶消息

鄭老身仍寓台州信始傳爲農山澗曲卧病海雲  
邊世已陳儒素人猶乞酒錢徒勞望牛斗無計斷

龍泉

不見

自注云近無  
李白消息

不見李生久佯狂真可哀世人皆欲殺吾意獨憐  
才敏捷詩千首飄零酒一杯匡山讀書處頭白好  
歸來

得舍弟消息

誰歸得他鄉勝故鄉直一作昔爲心厄苦久念  
與有人汝書猶在壁汝妾已辭房舊犬知愁恨垂  
頭傷我牀

詩紀

盛唐卷之八十四

六

得舍弟消息二首

近有平陰信遙憐舍弟存側身千里道寄食一家  
村烽舉新酣戰啼垂舊血痕不知臨老日招得幾  
人一作時冤

汝懦歸無計吾衰往未期浪傳烏鵲喜深負鵲鴿  
詩生理何顏面憂端且歲時兩京三十口雖在命  
如絲

逢唐興劉主簿第

分手開元末連年絕尺書江山且相見戎馬未安

居劔外官人冷關中驛騎一作疎輕舟下吳會主簿意何如

聞斛斯六官未歸

故人南郡去去索作碑錢本賣文爲活翻令室倒懸荆扉深蔓草土銍冷疎煙老罷休無賴歸來省辭眠

得廣州張判官叔卿書使還以詩代意

鄉關胡騎遠宇宙蜀城偏忽得炎州信遙從月峽傳雲深驃騎幕夜隔孝廉船却寄雙愁眼相思淚

詩紀

盛唐卷之八十四

七

點懸

得舍弟觀書自中都已達江陵今茲暮春月末行李合到夔州悲喜相兼團圓可待賦詩卽事情見乎辭

爾到江陵府何時到峽州亂離生有別聚集病應瘳颯颯開啼眼朝朝上水樓老身須付託白骨更何憂

喜觀卽到復題短篇二首

巫峽千山暗終南萬里春病中吾見弟書到汝爲

人竟答兒童問來輕戰伐新泊船悲喜後款款話歸秦

待爾嗔烏鵲拋書示鵲鴿枝間喜不去原上急曾經江閣嫌津柳風帆數驛亭應論十年事愁絕始星星

渝州候嚴六侍御不到先下峽

聞道乘轡發沙邊待至今不知雲雨散虛費短長吟山帶烏蠻闊江連白帝深船經過一作一柱觀留

眼共登臨

詩紀

盛唐卷之八十四

八

西閣三度期大昌嚴明府同宿不到

問子能來宿今疑索故要匣琴虛夜夜手板自朝朝金吼霜鐘徹花催蠟炬銷早見江檻底雙影謾飄飄

天寶初南曹小司寇舅於我太夫人堂下累土爲山一簣盈尺以代彼朽木承諸焚香瓷甌甌甚安矣旁值慈竹蓋茲數峯欽岑嬋娟宛有塵外數致乃不知興之所至而作是詩



一簣功盈尺三峯意出羣望丁疑在野幽處欲生  
雲慈竹春陰覆香爐曉勢分維南將獻壽佳氣日  
氤一作氣氲

西郊

時出碧雞坊西郊向草堂市橋官柳細江路野梅  
香傷架齊書帙看題減一作檢藥囊無人覺一作不來  
往踈嬾意何長

有客

一作有客

患氣經時久臨江卜宅新喧卑方避俗踈快頗宜

詩紀

盛唐卷之八十四

九

人有客過茅宇呼兒正葛巾自鋤稀菜甲小摘爲  
情親

爲農

錦里煙塵外江村八九家圓荷浮小葉細麥落一作  
輕花卜宅從茲老爲農去國賒遠慚勾漏令不  
得問丹砂

田舍

田舍清江曲柴門古道傍草深迷市井地僻嬾衣  
裳樺柳枝枝弱枇杷樹樹香鸕鷀西日照曬翅滿

魚梁

遣意二首

轉枝黃鳥近泛渚白鷗輕一逕野花落孤村春水  
生衰年催釀黍細雨更移橙漸喜交遊絕幽居不  
用名

唐影微微落津流脉脉斜野船明細火宿鴈聚一作  
圓沙雲掩初弦月香傳小樹花鄰人有美酒稚  
子夜能賒

漫成二首

詩紀

盛唐卷之八十四

十

野日荒荒白春江一作江流泯泯清渚蒲隨地有村逕  
逐門成只作披衣慣常從漉酒生眼邊無俗物多  
病也身輕

江臯已仲春花下復清晨仰向貪看鳥迴頭錯應  
人讀書難字過貰酒滿壺頻近識峨眉老自注云東山隱  
知余嬾是真

早起

春來常早起幽事頗相關帖石防頽岸開林出遠  
山一丘藏曲折緩步有躋攀重僕來城市餅中得

酒還

春水

三月桃花浪江流復舊痕朝來沒沙尾碧色動柴門接縷垂芳餌連筒灌小園已添無數鳥爭浴故相喧

可惜

花飛有底急老去願春遲可惜歡娛地都非少壯時寬心應是酒遣興莫過詩此意陶潛解吾生後汝期

詩紀

盛唐卷之八十四

土

落日

落日在簾鉤谿邊春事幽芳菲綠岸圓樵爨倚難舟卓字雀爭枝墜飛蟲滿院遊濁醪誰造汝一酌散千憂

獨酌

步屨深林晚開樽獨酌遲仰蜂粘落絮行蟻上枯梨薄劣慙真隱幽偏得自怡本無軒冕意不是傲當時

徐步

整履步青蕪荒庭日欲晡片泥隨燕觜花藥上蜂鬚把酒從衣濕吟詩信杖扶敢論才見忌實有醉如愚

畏人

早花隨處發春鳥異方啼萬里清江上三年落日低畏人成小築福性合幽棲門逕從榛草無心待馬蹄

除架

自注云瓜架也

東薪已零落瓠葉轉蕭疎幸結白花了寧辭青蔓

詩紀

盛唐卷之八十四

土

除秋蟲聲不去暮雀意何如寒事今牢落人生亦有初

水檻遣心二首

去郭軒楹敞無村眺望賒澄江平少岸幽樹晚多花細雨魚兒出微風燕子斜城中十萬戶此地兩三家

蜀天常夜雨江檻已朝晴葉潤林塘密衣乾枕席清不堪祗老病何得尚浮名淺把涓涓酒深憑送此生

屏跡二首

用拙存吾道幽居近物情桑麻深雨露燕雀半生  
成村鼓時時急漁舟箇箇輕杖藜從白首心迹喜  
雙清

晚起家何事無營地轉幽竹光團野色含影漾江  
流失學從兒嬾長貧任婦愁百年渾得醉一月不  
梳頭

北鄰

明府豈辭滿藏身方告勞青錢買野竹白幘岸江

詩紀

盛唐卷之八十四

十三

臯愛酒晉山簡能詩何水曹時來訪老疾步履到  
蓬蒿

倚杖

看花雖郭外倚杖卽谿邊山縣早休市江橋春聚  
船狎鷗輕白浪歸鴈喜青天物色兼生意淒涼憶  
去年

歸來

客裏有所適歸來知路難開門野鼠走散帙壁魚  
乾洗杓開新醞低頭拭小盤一作著冠憑誰給麴蘖

細酌老江干

移居夔州郭

伏枕雲安縣遷居白帝城春知催柳別江與放船  
清農事聞人說山光見鳥情禹功饒斷石且就土  
微平

不離西閣二首

江柳非時發江花冷色頻地偏應有瘴臘近已含  
春失學從愚子無家任一作任老身不知西閣意肯  
別定留人

詩紀

盛唐卷之八十四

十四

西閣從人別人今亦故亭江雲飄素練石壁斷空  
青滄海先迎日銀河倒列星平生耽勝事吁駭始  
初經

灤西寒望

水色含羣動朝光切太虛年侵頻悵望興遠一蕭  
疎猿挂時相學鷗行炯自如瞿塘春欲至定卜灤  
西居

入宅二首

奔峭背赤甲斷崖當白鹽客居愧遷次春色一作酒

漸多添花亞欲移竹鳥窺新卷簾衰年不敢恨勝槩欲相兼

亂後居難定春歸客未還水生魚復浦雲暖麝香山半頂梳頭白過眉杖杖斑相看多使者一一問函關

宋玉歸州宅雲通白帝城吾人淹老病旅食豈才名峽口風常急江流氣不平只應與兒子飄轉任浮生

一室

詩紀

盛唐卷之八十四

十五

一室他鄉遠空林暮景懸正愁聞塞笛獨立見江船巴蜀來多病荆蠻去幾年應同王粲宅留井峴

山前

卜居

歸羨遼東鶴吟同楚執珪未成遊碧海著處覓丹梯雲障寬江北春耕破瀼西桃紅客若至定似昔

一作人迷

暮春題瀼西新賃草堂五首

久嗟三峽客再與暮春期百舌欲無語繁花能幾

時谷虛雲氣薄波亂日華遲戰伐何由定哀傷不在茲

北郊

一作

千樹橘不見比封君養拙干戈際全生

康鹿羣畏人江北草旅食瀼西雲萬里巴渝曲三年實飽聞

綠雲陰復白錦樹曉來青身世雙蓬鬢乾坤一草亭哀歌時自短醉舞爲誰醒細雨荷鋤立江猿吟翠屏

壯年學書劍他日委泥沙事主非無祿浮生卽有

詩紀

盛唐卷之八十四

十六

涯高齋依一作休藥餌絕域改春華喪亂丹心破王臣未一家

欲陳濟世策已老尚書郎不息豺虎鬪空慙鵩鷺行時危人事急風逆羽毛傷落日悲江漢中宵淚滿牀

豎子至

植梨纔

一作

綴碧梅杏半傳黃小子幽園至輕籠

熟棗香山風猶滿把野露及新嘗欹枕一作欲寄江湖

客提携日月長

園

仲夏流多水清晨向小園碧谿搖艇開朱果爛枝  
繁始爲江山靜終防市井喧畦蔬繞茅屋自足媚  
盤餐

白露

白露團甘子清晨散馬蹄圃開連石樹船渡入江  
谿憑几看魚樂迴鞭急鳥棲漸知秋實美幽徑恐  
多蹊

甘園

詩紀

盛唐卷之八十四

十七

春日清江岸千甘二頃園青雲羞一作葉密白雪  
避花繁結子隨邊使開筒近至尊後於桃李熟終  
得獻金門

秋野五首

秋野日疏蕪寒江動碧虛繫舟蠻井絡卜宅楚村  
墟棗熟從人打葵荒欲自鋤盤餐老夫食分減及  
谿魚

易識浮生理難教一物違水深魚極樂林茂鳥知  
歸吾老甘貧病榮華有是非秋風吹几杖不厭北

山齋

禮樂攻吾短山林引興長掉頭紗帽側曝背竹書  
光風落收松子天寒割蜜房稀疎小紅翠駐屐近  
微香

遠岸秋沙白連山晚照紅潛鱗輸駭浪歸翼會高  
風砧響家家發樵聲箇箇同飛霜任青女賜被隔  
南宮

身許麒麟畫年衰鵝鷺羣大江秋易盛空峽夜多  
聞逕隱千重石帆留一片雲兒童解蠻語不必作  
詩紀

盛唐卷之八十四

十八

參軍

谿上

峽內淹留客谿邊四五家古苔一作生迹側格切  
地秋竹隱疎花塞俗人無井山田飯有沙西江使  
船至時復問京華

樹間

岑寂雙甘樹婆娑一院香交柯低几杖垂實礙衣  
裳滿歲如松碧同時待菊黃幾迴霜葉露乘月坐  
一作胡牀



課小豎鋤所舍北果林枝蔓荒穢淨訖移

牀三首

病枕依茅棟荒鉏淨果林背堂資僻遠在野興清  
深山雉防求敵江猿應獨吟洩雲高不去隱几亦  
無心

眾壑生寒早長林卷霧齊青蟲懸就日朱果落封  
泥薄俗防人面全身學馬蹄吟詩坐回首隨意葛  
巾低

籬弱門何向沙虛岸只摧日斜魚更食客散鳥還  
詩紀

盛唐卷之八十四

九

來寒水光難定秋山響易哀天涯稍曛黑倚杖更  
徘徊

季秋江村

喬木村墟古疎籬野蔓懸素琴將暇日白首望霜  
天登俎黃甘重支牀錦石圓遠遊雖寂寞難見此  
山川

小園

由來巫峽水本自楚人家客病留因藥春深買爲  
花秋庭風落果灤岸雨頽沙問俗營寒事將詩待

物華

自灤西荆扉且移居東屯茅屋四首

白鹽危嶠北赤甲古城東平地一川穩高山四面  
同煙霜淒野日秔稻熟天風人事傷蓬轉吾將守  
桂叢

東屯復灤西一種住青谿來往皆一作茅屋淹留

爲稻畦市喧宜近利自注云西居近市易爲近利市三倍左氏傳晏子對景

林僻此無蹊若訪衰翁語須令賸客迷

道北馮都使高齋見一川子能渠細石吾亦沼清

詩紀

盛唐卷之八十四

二十

泉枕帶還相似柴荆卽有焉所會應費日解纜不  
知年

牢落西江外參差北戶間久遊巴子國卧病楚人

山幽獨移佳境清深隔遠關寒空見鵲鷺回首憶

朝班

茅堂檢校收稻二首

香稻三秋末平田百頃間喜無多屋宇幸不礙雲  
山御袂侵寒氣嘗新破旅顏紅鮮終日有玉粒未  
吾慳

稻米炊能白秋葵煮復新誰云滑易飽老籍軟俱  
勻種幸房州熟苗同伊闕春無勞映渠益自有色  
如銀

從驛次草堂復至東屯茅屋二首

峽裏歸田客江邊借馬騎非尋戴安道似向習家  
池峽險風煙僻一作合天寒橘柚垂築場看歛積一

學楚人爲

短景難高卧衰年強此身山家蒸栗煖野飯射麋  
新世路知交薄門庭畏客頻牧童斯在眼田父實

詩紀

盛唐卷之八十四

三

爲鄰

暫住白帝復還東屯

復作歸田去猶殘穫稻功築場憐穴蟻拾穗許村  
童落杵光輝白除芒子粒紅加餐可扶老倉庾慰  
飄蓬

長吟

江渚翻鷗戲官橋帶柳陰江飛競渡日草見踏青  
心已撥形骸累真爲爛熳深賦詩新句穩不覺自  
長吟

放船

送客蒼谿縣山寒雨不開直愁騎馬滑故作泛船  
一作舟迴青惜峯巒過黃知橘柚來江流大一作翠自  
在坐穩興悠哉

詩紀

盛唐卷之八十四

三

盛唐第八十四

盛唐第八十五

唐詩紀一百四十五

鄆郡吳中珩彙編

鄆郡俞體初同校

杜甫 十七

五言律詩 五

至德二載甫自京金光門出間道歸鳳翔

乾元初從左拾遺移華州掾與親故別因

出此門有悲往事

此道昔歸順西郊胡正煩至今猶一作破膽應一作

詩紀

盛唐卷之八十五

一

有未招魂近侍

得

歸京邑移官豈

遠

至尊

無才日衰老駐馬望千門

喜達行在所三首

西憶岐陽信無人遂却迴眼穿當落日心死著寒

灰霧樹行相引蓮峯望忽

或

開所親驚老瘦辛

苦賊中來

愁思胡笳夕淒涼漢苑春生還今日事間道暫時

人司隸章初覩南陽氣已新喜心翻倒極嗚咽淚

沾巾

死去憑誰報歸來始自憐猶瞻太白雪喜遇武功

天影靜千官裏心蘇七校前今朝漢社稷新數中

興年

渡江

春江不可渡二月已風濤舟楫欹斜疾魚龍偃臥

高渚花張素錦汀草亂青袍戲問垂綸客悠悠見

汝曹

自閬州領妻子却赴蜀山行三首

汨汨避羣盜悠悠經十年不成向南國復作遊西

詩紀

盛唐卷之八十五

二

川物役水虛照魂傷山寂然我生無倚著盡室畏

途邊

長林偃風色迴復意猶迷衫裋翠微潤馬銜青草

嘶棧懸斜避石橋斷却尋谿何日干

一作

戈盡飄

飄颻老妻

行色遞隱見人煙時有無僕夫穿竹語稚子入雲

呼轉石驚魑魅杼弓落欬颺真供一笑樂似欲慰

窮途

晚行口號

三川不可到歸路晚山稠落鴈浮寒水饑鳥集成  
樓市朝今日異喪亂幾時休遠愧梁江總還家尚  
黑頭

船下夔州郭宿雨濕不得上岸別王十二

判官

依沙宿舸船石瀨月娟娟風起春燈亂江鳴夜雨  
懸晨鍾雲外濕勝地石堂煙柔櫓輕鷗外含悽

一作

覺汝賢

灩澦堆

詩紀

盛唐卷之八十五

三

巨石水中央江寒出水長沈牛咎雲雨如馬戒舟  
航天意存傾覆神功接混茫干戈連解纜行止憶  
垂堂

去蜀

五載客蜀郡一年居梓州如何關塞阻轉作瀟湘  
遊世事已黃髮殘生隨白鷗安危大臣在不一作何  
必淚長流

放船

收帆下急水卷幔逐迴灘江市戎戎暗山雲淦淦

寒荒村一作林無徑入獨鳥惟人看已泊城樓底何  
曾夜色闌

泊松滋江亭

紗帽隨鷗鳥扁舟繫此亭江湖深更白松竹遠還  
青一柱全應近高唐莫再經今宵南極外甘作老  
人星

南征

春岸桃花水雲帆楓樹林偷生長避地適遠更霑  
襟老病南征日君恩北望心百年歌自苦未見有

詩紀

盛唐卷之八十五

四

知音

舟月對驛近寺

更深不假燭月朗自明

一作

船金刹青楓外朱樓

白水邊城烏啼眇眇野鷺宿娟娟皓首江湖客鈎  
簾獨未眠

舟中

風餐江柳下雨臥驛樓邊結纜排魚網連檣並米  
船今朝雲細薄昨夜月清圓飄泊南庭老祗應學  
水仙

移居公安山館

南國晝多霧北風天正寒  
路危行木杪身遠宿雲  
端山鬼吹燈滅厨人語  
夜闌雞鳴問前館世亂敢  
求安

泊岳陽城下

江國踰千里山城僅百層  
岸風翻夕浪舟雪灑寒  
燈畱滯才難盡艱危氣  
益增圖南未可料變化有  
鯢鵬

過洞庭湖

詩紀

盛唐卷之八十五

五

蛟室圍青草龍堆隱白沙  
護堤盤古木迎棹舞神  
鴉破浪南風正回檣畏日  
斜湖光與天遠直欲汎  
仙槎

宿青草湖

洞庭猶在目青草續爲名  
宿漿依農事郵籤報水  
程寒氷爭倚薄雲月遞微  
明湖鴈雙雙起人來故  
北征

宿白沙驛

自注云初過湖南五里

水宿仍餘照人煙復此亭  
驛邊沙舊白湖外草新

青萬象皆春氣孤槎自客星  
隨波無限月一作的好

登白馬潭

水生春纜沒日出野船開  
宿鳥行猶去叢花笑不  
來人人傷白首處處接金  
杯莫道新知要南征且  
未廻

入喬口

自注云長沙北界

漠漠舊京遠遲遲歸路賒  
殘年傍水國落日對春  
華樹密早蜂亂江泥輕燕  
斜賈生骨已朽悽惻近

詩紀

盛唐卷之八十五

六

長沙

銅官渚守風

不夜楚帆落避風湘渚間  
水耕先浸草野一作火  
更燒山早泊雲物晦逆行  
波浪慳飛來雙白鶴過  
去杳難攀

雙楓浦

輟棹青楓浦雙楓舊已摧  
自驚衰謝力不道棟梁  
材浪足浮紗帽皮須載錦  
苔江邊地有王暫借上  
天廻



發潭州

夜醉長沙酒曉行湘水春岸花飛送客檣燕語留  
人賈傳才何一作未有褚公書絕倫名高前後事回  
首一傷神

石鏡

按成都記武都山精化為女子蜀王  
開明納為妃無幾物故王哀之取武  
都山土築為冢  
以石鏡表其門

蜀王將此鏡送死置空山冥冥

一作寂

憐香骨提携

近玉顏衆妃無復歎千騎亦虛還獨有傷心石埋

輪月宇間

詩紀

盛唐卷之八十五

七

琴臺

茂陵多病後尚愛卓文君酒肆人間世琴臺日暮  
雲野花留寶壓蔓草見羅裙歸鳳求凰意寥寥不  
復聞

滕王亭子

亭在玉臺觀內  
王會典此州

寂寞春山路君王不復行古牆猶竹色虛閣自松  
聲鳥鵲荒村暮雲霞過客情尚思歌吹入千騎把

霓旌

玉臺觀

浩劫因王造平臺訪古遊綵雲蕭史駐文字魯恭  
留宮闕通羣帝乾坤到十洲人傳有笙鶴時過北  
山頭

禹廟

禹廟空山裏秋風落日斜荒庭垂橘柚古屋畫龍  
蛇雲氣生虛壁江聲走白沙早知乘四載疏鑿控  
三巴

公安縣懷古

野曠已蒙營江深劉備城寒天催日短風浪與雲  
詩紀

盛唐卷之八十五

八

平瀝落君臣契飛騰戰伐名維舟倚前浦長嘯一  
含情

湘夫人祠

肅肅湘妃廟空牆碧水春蟲書玉珮蘼蕪舞翠帷  
塵晚泊登汀樹微馨借渚蘋蒼梧恨不盡淚染在  
叢筠

祠南夕望

百丈牽船索也牽江色孤舟泛日斜興來猶杖屨目斷  
更雲沙山鬼迷春竹湘娥倚暮花湖南清絕地萬

占一長嗟

瞿塘懷古

西南萬壑注勑敵兩崖開地與山根裂江從月窟來削成當白帝空曲隱陽臺疏鑿功雖美陶鈞力大哉

懷舊

地下蘇司業親情獨有君那因喪亂後便有死生分老罷知明鏡悲來望白雲自從失詞伯不復更論文

詩紀

盛唐卷之八十五

九

過宋員外之問舊莊

自注云員外季弟執金吾見知于代故有

句下

宋公舊池館零落首陽阿枉道祗從入吟詩許更

過淹留問蒼老寂寞向山河更識將軍樹悲風日

暮多

過故斛斯校書莊二首

自注云先儒艱難時病於庸蜀歎其

歿後方

此老已云歿鄰人嗟未

一作嘆亦

休竟無宣室召徒有

茂陵求妻子寄他食園林

一作昔遊

空餘總惟一作遺總

在浙浙野風秋

燕入非傷舍鷗歸祗故池斷橋無復板臥柳自生枝遂有山陽作多慙鮑叔知素交零落盡白首淚雙垂

憑孟倉曹將書覓士婁舊莊

平居喪亂後不到洛陽岑爲歷雲山問無辭荆棘深北風黃葉下南浦白頭吟十載江湖客茫茫遲暮心

廢畦

詩紀

盛唐卷之八十五

十

秋蔬擁霜露豈敢惜凋殘暮景數枝葉天風吹汝寒綠露泥滓盡香與歲時闌生意春如昨悲君白

玉盤

收京三首

仙仗離丹極妖星照

一作帶

玉除須爲下殿走不可

好樓居

一作得非羣盜起難作九重居

暫屈汾陽駕聊飛燕將書

依然七廟畧更與萬方初

生意甘哀白天涯正寂寥忽聞哀痛詔又下聖明

朝羽翼懷商老文思憶帝堯叨逢罪已日露瀝望

青霄

汗馬收官闕春城鏃賊壕賞應歌杖杜歸及薦櫻  
桃雜虜橫戈數功臣甲第高萬方頻送喜無乃聖  
躬勞

卽事

按唐史同紀助諫祿山有功請婚肅  
宗以寧國公主下嫁可汗可汗死公  
子得還

聞道花門破和親事却非人憐漢公主生得渡河

歸秋思拋雲髻

一作腰支

腰支賸寶衣羣凶猶索戰回

首意多違

詩紀

盛唐卷之八十五

十二

收京

復道收京邑兼聞殺犬戎衣冠却扈從車駕

一作馬

已還宮剋復誠如此安危

一作扶

在數公莫令回首

地慟哭起悲風

覆舟二首

巫峽盤渦曉黔陽貢物秋丹砂同隕石翠羽共沈

舟羈使空斜影龍宮

一作居

閼積流篙工幸不溺俄

頃逐輕鷗

竹宮時望拜桂館或求仙姹女凌波日神光照夜

年徒聞斬蛟劍無復爨犀船使者隨秋色迢迢獨  
上天

警急

目注云時高適  
領西川節度使

才名舊楚將妙畧擁兵機王壘雖傳檄松州會解  
圍和親知計拙公主漫無歸青海今誰得西戎實  
飽飛

王命

漢北豺狼滿巴西道路難血埋諸將甲骨斷使臣  
鞍牢落新燒棧蒼茫舊築壇深懷喻蜀意慟哭望

詩紀

盛唐卷之八十五

十二

王官

西山三首

夷界荒山頂蕃州積雪邊築城依白帝轉粟上青

天蜀將分旗鼓羌兵助鎧鋌西南背和好殺氣日

相纏

辛苦三城戍長防萬里秋煙塵侵火井雨雪閉松

州風動將軍幕天寒使者裘漫山賊營壘回首得

無憂

子弟猶深入關城未解圍蠶崖鐵馬瘦灌口米船

稀辯士安邊策元戎決勝威今朝烏鵲喜欲報凱歌歸

巴山

巴山遇中使云自陝城來盜賊還奔突乘輿恐未回天寒召伯樹地濶望仙臺狼狽風塵裏羣臣安在哉

夕烽

夕烽來不近每日報平安

按唐六典唐鎮戍烽候所至相去三十里每日

初夜放一炬

塞上傳光小雲邊落點殘照泰通

詩紀

盛唐卷之八十五

三

警急過隴自艱難聞道蓬萊殿千門立馬看

觀兵

北庭送壯士獵虎數尤多精銳舊無敵邊隅今若何妖氛擁白馬元帥待雕戈莫守鄴城下斬鯨遼海波

觀安西兵過赴關中待命二首

四鎮富精銳摧鋒皆絕倫還聞獻一作士卒足以靜風塵老馬夜知道蒼鷹饑著人臨危經久戰用意始知神

奇兵不在衆萬馬救中原談笑無河北心肝奉至尊孤雲隨殺氣飛鳥避轅門竟日留歡樂城池未覺喧

有感五首

將帥蒙恩澤兵戈有歲年至今勞聖主何以報皇天白骨新交戰雲臺舊拓邊乘槎斷消息無處覓張騫

幽薊餘蛇豕乾坤尚虎狼諸侯春不貢使者日相望慎勿吞青海無勞問越裳大君先息戰歸馬華

詩紀

盛唐卷之八十五

四

山陽

洛下舟車入天中貢賦均日聞紅粟腐寒待翠華春莫取金湯固長令宇宙新不過行儉德盜賊本王臣

丹桂風霜急青梧日夜凋由來強幹地未有不臣朝受鉞親賢任卑官制詔遙終依古封建豈獨聽簫韶

胡滅人還亂兵殘將自疑登壇名絕假報主爾何遲領郡輒無色之官皆有詞願聞哀痛詔端拱問

瘡痍

宿昔

宿昔東門裏蓬萊仗數移花嬌迎襍樹龍喜出平

池落月留王母微風倚少兒宮中行樂秘少有外

人知

能畫

能畫毛延壽投壺郭舍人每蒙天一笑復以一作

物皆春政化平如水皇恩斷若神時時用抵戲亦

未雜一作離

風塵

詩紀

盛唐卷之八十五

五

關雉

明皇好關雉又教舞馬四  
百蹄及於梨園自教法曲

關雉初賜錦舞馬既登牀簾下宮人出樓前御柳

長仙遊終一閼女樂久無香寂寞驪山道清秋草

木黃

歷歷

歷歷開元事分明在眼前無端賊盜起忽已歲時

遷巫峽西江外秦城北斗邊爲郎從白首臥病數

秋天

洛陽

洛陽昔陷沒胡馬犯潼關天子初愁思都人慘別

顏清笳去宮闕翠蓋出關山故老仍流涕龍髯幸

再攀

驪山

驪山絕望幸花萼龍登臨地下無朝燭人間有賜

金鼎湖龍去遠銀海鴈飛深萬歲蓬萊日長懸舊

羽林

提封

提封漢天下萬國尚同心借問懸車守何如儉德

詩紀

盛唐卷之八十五

六

臨時徵俊又入草竊

一作莫慮

大牟侵願戒兵猶火恩

加四海深

洞房

洞房環珮冷玉殿起秋風秦地應新月龍池滿舊

宮繫舟今夜遠清漏往時同萬里黃山北園陵白

露中

憐衣

亦知戍不返秋至拭清砧已近苦寒月况經長別

心寧辭擣衣倦一寄塞垣深用盡閨中力君聽空



外音

詩紀

盛唐卷之八十五

十七

盛唐第八十五

盛唐第八十六

唐詩紀一百四十六

鄆郡吳中珩彙編

鄆郡俞體初同校

杜甫十八

五言律詩六

秦州二十首

滿目悲生事因人作遠遊遲迴度隴怯浩蕩及關  
愁水落魚龍夜山空鳥鼠秋西征問烽火心折此  
淹留

詩紀

盛唐卷之八十六

秦州城一作北寺傳是勝跡隗囂宮苔蘚山門古

丹青野殿空月明垂葉露雲逐渡谿風清渭無情

極愁時獨向東

州圖領同谷驛道出流沙降虜兼千帳居人有萬

家馬驕朱一作珠汗落胡舞白題一作舊作斜年少臨洮

子西來亦自誇

鼓角緣邊郡川原欲夜時秋聽殷音地發風散入

雲悲抱葉寒蟬靜歸山獨鳥遲萬方聲一槩吾道

竟何之

南使宜天馬由來萬匹強浮雲連陣沒秋草徧山  
長聞說真龍種仍殘老驢驢哀鳴思戰鬪迴立向  
蒼蒼

城上胡笳奏山邊漢節歸防河赴滄海奉詔發金  
微士古形骸黑林一作旌疎鳥獸稀那堪往來戍恨  
解鄴城圍

莽莽萬重山孤城山谷間無風雲出塞不夜月臨  
關屬國歸何晚樓蘭斬未還煙塵一一作獨長望衰  
颯正推顏

詩紀

盛唐卷之八十六

二

聞道尋源使從天此路回牽牛去幾許宛馬至今  
來一望幽燕隔何時郡國開東征健兒盡羌笛暮  
吹哀

今日明人眼臨池好驛亭叢篁低地碧高柳半天  
青稠疊多幽事喧呼閱使星老夫如有此不異在  
郊垌

雲氣接崑崙冷淅淅塞雨繁羌童看渭水使客向河  
源煙火軍中暮牛羊嶺上村所居秋草靜正閉小  
蓬門

蕭蕭古塞冷漠漠秋雲一作風低黃鵠翅垂雨蒼鷹  
饑啄泥薊門誰自北漢將獨征西不意書生耳臨  
衰厭鼓鞀

山頭南郭寺水號北流泉老樹空庭得清渠一邑  
傳秋花危石底晚景臥鐘邊俯仰悲身世谿風爲  
颯然

傳道東柯谷深藏數千家對門藤蓋瓦映竹水穿  
沙瘦地翻宜粟陽坡好種瓜船人近相報但恐失  
桃花

詩紀

盛唐卷之八十六

三

萬古仇池穴潛通小有天神魚人不見福地語真  
傳近接西南境長懷十九泉何時一茅屋送老白  
雲邊

未暇泛滄海悠悠兵馬間塞門風落木客舍雨連  
山阮籍行多興龐公隱不還東阿遂疎嬾休鑷鬢  
毛斑

東柯好崖谷不與衆峯羣落日邀雙鳥晴天卷片  
雲野人矜險絕水竹會平分采藥吾將老童兒一作  
未遣聞

邊秋陰易夕不復辨晨光簷雨亂淋幔山雲低度  
墻鷓鴣窺淺井蚯蚓上深堂車馬何蕭索門前百  
草長

地僻秋將盡山高客

一作夜

未歸塞雲多斷續邊日

少光輝警急烽常報傳聲

一作聞

檄屢飛西戎外甥

國何得近天威

鳳林戈未息魚海路常難候火雲峯峻懸軍幕井  
乾風連西極動月過北庭寒故老思飛將何時議  
築壇

詩紀

盛唐卷之八十六

四

唐堯真自聖野老復何知曉藥能無婦應門亦有  
兒藏書聞禹穴讀記憶仇池爲報鵠行舊鷦鷯在  
一枝

春日江村五首

農務村村急春流岸岸深乾坤萬里眼時序百年  
心茅屋還堪賦桃源自可尋艱難昧生理飄泊到  
如今

迢遞來三蜀蹉跎又六年客身逢故舊發興自林  
泉過嬾從衣結頻遊任履穿藩籬頗無限

一作無景

太意向一作買江天

種竹交加翠栽桃爛熳紅經心石鏡月到面雪山  
風赤管隨王命銀章付老翁豈知牙齒落名玷薦  
賢中

扶病垂朱紱歸休步紫苔郊扉存晚計幕府媿羣  
材燕外晴絲卷鷗邊水葉開鄰家送魚鱉問我數  
能來

羣盜哀王粲中年召賈生登樓初有作前席竟爲  
榮宅入先賢傳才高處士名異時懷二子春日復

詩紀

盛唐卷之八十六

五

含情

寓目

一縣蒲萄熟秋山苜蓿多關雲常帶雨塞水不成  
河羌女輕烽燧胡兒制

讀作制

駱駝自傷遲暮眼喪

亂飽經過

獨立

空外一鷺鳥河間雙白鷗飄飄搏擊便容易往來  
遊草露亦多濕蛛絲仍未收天機近人事獨立萬  
憂

野望

清秋望不極，迢遞起層陰。  
遠水兼天淨，孤城隱霧深。  
葉稀風更落，山迴日初沈。  
獨鶴歸何晚，昏鴉已滿林。

空囊

翠柏苦猶食，明霞高一作朝可餐。  
世人共鹵莽，吾道屬艱難。  
不爨井晨凍，無衣牀夜寒。  
囊空恐羞涖，留得一錢看。

東樓

詩紀 盛唐卷之八十六 六  
萬里流沙道，征西過此門。  
但添新戰骨，不返舊征魂。  
樓角凌風迴，城陰帶水昏。  
傳聲看驛使，送節向河源。

春望

國破山河在，城春一作荒草木深。  
感時花濺淚，恨別鳥驚心。  
烽火連三月，家書抵萬金。  
白頭搔更短，渾欲不勝簪。

城上

草滿巴西綠，空城白日長。  
風吹花片片，春動一作湯草滿巴。

水茫茫，八駿隨天子。  
羣臣從武皇，遙聞出巡狩。  
早晚遍遐荒。

更題

只因一作應踏初雪騎，馬發荊州直。  
怕巫山雨真傷白帝秋。  
羣公蒼玉珮，天子翠雲裘。  
同舍晨趨侍，胡為淹此留。

峽隘

聞說江陵府，雲沙靜眇然。  
白魚如切玉，朱橘不論錢。  
水有遠湖樹，人今何處船。  
青山各在眼，却望峽中天。

雲山

京洛雲山外，音書靜不來。  
神交作賦客，力盡望鄉臺。  
衰疾江邊臥，親朋日暮迴。  
白鷗元水宿，何事有餘哀。

南楚

南楚青春異，暄寒早分無。  
名江上草，隨意嶺頭雲。  
正月蜂相見，非時鳥共聞。  
杖藜妨躍馬，不是故離羣。

避地

避地歲時晚，竄身筋骨勞。  
詩書遂墮壁，奴僕且旌旄。  
旄行在，僅聞信。此生隨所遭。  
神堯舊天下，曾見出腥臊。

出郭

霜露晚淒淒，高天逐望低。  
遠煙鹽井上，斜景雪峯西。  
故國猶兵馬，他鄉亦鼓鼙。  
江城今夜客，還與舊鳥啼。

對雨書懷走邀許主簿

詩紀

盛唐卷之八十六

八

東嶽雲峯起，溶溶滿太虛。  
震雷翻幕燕，驟雨落河

落

魚座對賢人，酒門聽長者。  
車相邀，愧泥潭騎

馬到堦除

西閣雨望

樓雨霑雲幔，山寒著水城。  
逕添沙面出，湍減石稜生。  
菊蕊淒疎放，松林駐遠情。  
沔沔朱檻濕，萬慮傷簷楹。

西閣夜

恍惚寒山暮，逶迤白霧昏。  
山虛風落石，樓靜月侵

門擊柝，可憐子無衣。  
何處村時危，關百慮盜賊爾猶存。

草閣

草閣臨無地，柴扉水不關。  
魚龍回夜水，星月動秋山。  
久露晴一作清初濕，高雲薄未還。  
汎舟慙小婦，飄泊損紅顏。

樓上

天地空搔首，頻抽白玉簪。  
皇輿三極北，身事五湖南。  
戀闕勞肝肺，論材愧杞桢。  
亂離難自救，終是老

詩紀

盛唐卷之八十六

九

湘潭

峽口二首

峽口大江間，西南控百蠻。  
城歆連粉堞，岸斷更青山。  
開闢當天險，防隅一水關。  
亂離聞鼓角，秋氣動

衰顏

時清關失險，世亂戟如林。  
去矣英雄事，荒哉割據心。  
蘆花留客晚，楓樹坐猿深。  
疲爾煩親故，諸侯數

賜金

自江云主人相中丞頻分月俸

東屯北崦



盜賊浮生困誅求異俗貧空村唯見鳥落日未逢  
人步聲風吹面看松露滴身遠山回白首戰地有  
黃塵

秋峽

江濤萬古峽肺氣久衰翁不寐防巴虎全生狎楚  
童衣裳垂素髮門巷落丹楓嘗恠商山老兼存翊  
贊功

地隅

江漢山重阻風雲地一隅年年非故物處處是窮

詩紀

盛唐卷之八十六

十一

途喪亂秦公子悲涼楚大夫平生心已折行路日  
荒蕪

江上

江上日多雨蕭蕭荆楚秋高風下木葉永夜攬貂  
裘勲業頻看鏡行藏獨倚樓時危思報主衰謝不  
能休

江漢

江漢思歸客乾坤一腐儒片雲天共遠永夜月同  
孤落日心猶壯秋風病欲蘇古來存老馬不必取

長途

野望

納納乾坤大行行郡國遙雲山兼五嶺風壤帶三  
苗野樹侵江濶春蒲長雪消扁舟空老去無補聖  
明朝

征夫

十室幾人在千山空自多路衢唯見哭城市不聞  
歌漂梗無安地銜枚有荷戈官軍未通蜀吾道竟  
如何

詩紀

盛唐卷之八十六

十二

垂白

垂白馮唐老清秋宋玉悲江喧長少睡樓迴獨移  
時多難身何補無家病不辭甘從千日醉未許七  
哀詩

遠遊

江濶浮高棟雲長出斷山塵沙連越雋風雨暗荆  
蠻鴈矯銜蘆內猿啼失木間弊裘蘇季子歷國未  
知還

搖落

搖落巫山暮寒江東北流煙塵多戰鼓風浪少行  
舟鵝費義之墨貂餘季子裘長懷報明王臥病復  
高秋

不歸

河間尚征伐汝骨在空城從弟人皆有終身恨不  
平數金憐俊邁總角愛聰明面上三年土春風草  
又生

遠遊

賤子何人記迷方著處家竹風連野色江沫擁春  
詩紀

盛唐卷之八十六

十一

沙種藥扶衰病吟詩解歎嗟似聞胡騎走失喜問  
京華

遊子

巴蜀愁誰語吳門興杳然九江春草外三峽暮帆  
前厭就成都卜休爲吏部眠蓬萊如可到衰白問  
羣仙

薄遊

浙浙風生砌團團月隱墻遙空秋鴈滅一作半嶺  
暮雲長病葉多先墜寒花只暫香巴城添淚眼今

夕復清一作光

客夜

客睡何曾著秋天不肯明入一作簾殘月影高枕  
遠江聲計拙無衣食途窮仗友生老妻書數紙應  
悉未歸情

客亭

秋窓猶曙色木落更天風日出寒山外江流宿霧  
中聖朝無棄物老病已成翁多少殘生事飄零任

詩紀

流似轉蓬

盛唐卷之八十六

十二

歸

束帶還騎馬東西却渡船林中纔有地峽外絕無  
天虛白高人靜喧卑俗累牽他鄉閑遲暮不敢廢  
詩篇

獨坐二首

竟日雨冥冥雙崖洗更青水花寒落岸山鳥暮過  
庭煖老須燕玉充饑憶楚萍胡笳在樓上哀怨不  
堪聽

白狗斜臨北

一作黃牛更在東峽雲常照夜江日

會兼風曬藥安垂老應門試小童亦知行不逮苦  
恨耳多聾

久客

羈旅知交態淹留見俗情衰顏聊自哂小吏最相  
輕去國哀王粲傷時哭賈生狐狸何足道豺虎正  
縱橫

獨坐

悲秋回白首倚杖背孤城江斂渚洲出天虛風物

清滄涼服一作恨衰謝朱紱負平生仰羨黃昏鳥投

詩紀

盛唐卷之八十六

十四

林羽翮輕

客舊館

陳迹隨人事初秋別此亭重來梨葉赤依舊竹林

青風慢何時卷寒砧昨夜聽無由出江漢愁緒日

冥冥

愁坐

高齋常見野愁坐更臨門十月山寒重孤城水氣

昏葭萌氏種迴左擔

蜀有左擔道

犬戎仔終日憂奔走

歸期未敢論

懷錦水居止二首

軍旅西征僻風塵戰伐多猶聞蜀父老不忘舜謳  
歌天險終難立柴門豈重過朝朝巫峽水遠遠錦  
江波

萬里橋西

一作南

宅百花潭北莊層軒皆面水老樹

飽經霜雪嶺界天白錦城曛日黃惜哉形勝地回

首茫茫

憶鄭南

此北音

鄭南伏毒寺瀟灑到江心石影銜珠閣泉聲帶玉

詩紀

盛唐卷之八十六

三

琴風杉曾曙倚雲矯憶春臨萬里滄浪

一作茫

水龍

蛇只自深

懷灞上遊

悵望東陵道平生灞上遊春濃停野騎夜宿敞雲  
樓離別人誰在經過老自休眼前今古意江漢一  
歸舟

盛唐第八十六

盛唐第八十七

唐詩紀一百四十七

鄆郡吳中珩集編

鄆郡俞體初同校

杜甫十九

五言律詩七

遣懷

愁眼看霜露寒城菊自花天風隨斷柳客淚墮清  
笳水淨樓陰直山昏寒日斜夜來歸鳥盡啼殺後  
棲鴉

詩紀

盛唐卷之八十七

二

遣興

干戈猶未定弟妹各何之拭淚霑襟血梳頭滿面  
絲地卑荒野大天遠暮江遲衰疾那能久應無見  
汝期

散愁二首

久客宜旋旆興王未息戈蜀星陰見少江雨夜聞  
多百萬傳深入褒區望匪他司徒下燕趙收取舊  
山河  
聞道并州鎮尚書訓士齊幾時通薊北當日報關

西戀關丹心破霑衣皓首啼老覓招不得歸路恐  
長迷

獨酌成詩

燈花何太喜酒綠正相親醉裏從爲客詩成覺有  
神兵戈猶在眼儒術豈謀身苦被微官縛低頭愧  
野人

草堂卽事

荒村建子月獨樹老夫家雪裏江船渡風前徑竹  
斜寒魚依密藻宿鷺起圓沙濁酒禁愁得無錢何

詩紀

盛唐卷之八十七

二

處賒

遣憤

聞道花門將論功未盡歸自從收帝里誰復總戎  
機蜂蠆終懷毒雷霆可震威莫令鞭血地再濕漢  
臣衣

遣愁

養拙蓬爲戶茫茫何所聞江通神女館地隔望鄉  
臺漸惜容顏老無由弟妹來兵戈與人事回首一  
悲哀

有歎

自注云：唐蜀官軍自國晉途。

壯心久零落，白首寄人間。天下兵常聞，江東客未還。窮猿號雨雪，老馬望<sub>一作</sub>關山。武德開元際，蒼生豈重攀。

不寐

瞿塘夜水黑，城內改更籌。驕驕月沈霧，輝輝星近樓。氣衰甘少寐，心弱恨容愁。多壘滿山谷，桃源無處求。

老病

詩紀

盛唐卷之八

三

老病巫山裏，稽留楚客中。藥殘他日裏，花發去年叢。夜足霜沙雨，春多逆水風。合分雙賜筆，猶作一飄蓬。

耳聾

生年鵬冠子，歎世鹿皮翁。眼復幾時暗，耳從前月聾。猿鳴秋淚缺，雀噪晚愁空。黃落驚山樹，呼兒問朔風。

戲作俳諧體遣悶二首

異俗吁可怪，斯人難並居。家家養烏鬼，頓頓食黃

魚。舊識難為態，新知已暗疎。治生且耕鑿，只有不

關渠。

西歷青羌坂，南留白帝城。於菟侵客恨，拒收<sub>一作</sub>上奇。

是非何處定，高枕笑浮生。<sub>自注云：頃歲自秦涉隴，從同谷縣出，遊蜀，留滯。</sub>

刈稻子詠懷

稻穫空雲水，川平對石門。寒風疎草木，旭<sub>一作</sub>日

散雞豚。野哭初聞戰，樵歌稍出村。無家問消息，作

客信乾坤。

詩紀

盛唐卷之八

四

問

瘴癘浮三蜀，風雲暗百蠻。卷簾惟白水，隱几亦青

山。猿捷長難<sub>一作</sub>見，鷗輕故不還。無錢從滯客，有

鏡巧催顏。

遣憂

亂離知又甚，消息苦難真。受諫無今日，臨危憶古

人。紛紛乘白馬，攘攘著<sub>一作</sub>黃巾。隋氏留宮室，焚

燒何太頻。



悲秋

涼風動萬里羣盜尚縱橫家遠傳書日秋來爲客

情愁窺一作歸

高鳥過老逐衆人行始欲投三峽何

由見兩京

歸夢

道路時通塞江山日寂寥偷生惟一老伐叛已三

朝雨急青楓暮雲深黑水遙夢寬一作歸

未得不

月楚辭招

旅夜書懷

詩紀

盛唐卷之七

五

細草微風岸危檣獨夜舟星垂平野闊月湧大江

流名豈文章著官應老病休飄飄何所似天地一

沙鷗

孟倉曹步趾領酒醬二物滿器見遺老夫

楚岸通秋屐胡牀面夕畦藉糟分汁滓瓊瓊落提

攜飯糲漆香味朋來有醉泥理生那免俗方法報

山妻

秋日阮隱居致薤三十束

隱者柴門內畦蔬遶舍秋盈筐承露

不待致書

求東比青芻色圓齊玉筋頭衰年關鬪冷味煖併無憂

從人覓小胡孫許寄

人說南州路山猿樹樹懸舉家聞若駭一作爲寄

小如孝預晒愁胡面初調見馬鞭許求聰慧者童

稚捧應顛

村夜

風色蕭蕭暮一作蕭蕭

風色落

江頭人不行村春雨外急

鄰火夜深明胡羯何多難漁樵寄此生中原有兄

詩紀

盛唐卷之七

六

弟萬里正含情

倦夜

竹涼侵臥內野月滿庭隅重露成涓滴稀星乍有

無暗飛螢自照水宿鳥相呼萬事干戈裏空悲清

夜徂

中夜

中夜江山靜危樓望北辰長爲萬里客有媿百年

身故國風雲氣高堂戰伐塵胡雛負恩澤嗟爾太

平人

薄暮

江水最深地山雲薄暮時  
寒花隱亂草宿鳥擇深枝  
舊國見何日高秋心苦悲  
人生不再好髮髮白成絲

春遠

蕭蕭花絮晚霏霏紅素輕  
日長唯鳥雀春遠獨柴荆  
數有關中亂何曾劍外清  
故鄉歸不得地入亞夫營

暮寒

詩紀

盛唐卷之八十七

七

霧隱平郊樹風含廣岸波  
沈沈春色靜慘慘暮寒多  
一作多戍鼓猶長擊林鶯  
遂不歌忽思高宴會朱袖  
拂雲和

歲暮

歲暮遠爲客邊隅還用兵  
煙塵犯雪嶺鼓角動江城  
天地日流血朝廷誰請纓  
濟時敢愛死寂寞壯心驚

杜位宅守歲

守歲阿戎一作威家椒盤已頌花  
盞簪喧櫪馬列炬

散林鴉四十明朝過飛騰暮景斜  
誰能更拘束爛醉是生涯

寒食

寒食江村路風花高下飛  
汀煙輕冉冉竹日淨暉暉  
田父要皆去鄰家問一作問不違地偏相識盡雞犬亦忘歸

夜

絕岸風威動寒房燭影微  
嶺猿霜外宿江鳥夜深飛  
獨坐親雄劍哀歌歎短衣  
煙塵繞閭闔白首壯心違

詩紀

盛唐卷之八十七

八

初冬

垂老戎衣窄歸休寒色深  
漁舟上急水獵火著高林  
日有一作暮習池醉愁來梁甫吟  
干戈未偃息出處遂何心

將曉二首

石城除擊柝鐵鎖欲開關  
鼓角悲荒塞星河落曉山  
巴人常小梗蜀使動無還  
垂老孤帆色飄飄犯百蠻

軍吏迴官燭舟人自楚歌寒沙蒙薄霧落月去清  
波壯惜身名晚衰慙應接多歸朝日簪笏筋力定  
如何

日暮

牛羊下來夕一作久各已閉柴門風月自清夜江山  
非故園石泉流暗壁草露滿秋原一作滴頭白明  
燈裏何須花燼繁

日暮

日落風亦起城頭烏尾訛黃雲高未動白水已揚

詩紀

盛唐卷之全七

九

波羌婦語還哭胡兒行且歌將軍別上一作換馬夜  
出擁雕戈

秋清

高秋蘇肺氣白髮自能梳藥餌憎加減門庭悶掃  
除杖藜還客拜愛竹遣兒書十月江平穩輕舟進  
所如

中宵

西閣百尋餘中宵步綺疏飛星過水白落月動沙  
虛擇木知幽鳥潛波想巨魚親朋滿天地兵甲少

來書

冬深

花葉隨天意江谿共石根早霞隨類影寒水各依  
痕易下楊朱淚難招楚客魂風濤暮不穩捨棹宿  
誰門

社日二首

九農成德業百祀發光輝報効神如在馨香舊不  
違南畝巴曲醉北鴈塞聲微尚想東方朔詠諧割  
肉歸

詩紀

盛唐卷之全七

十

陳平亦分肉太史竟論功今日江南老他時渭北  
童歡娛看絕塞涕淚落秋風鵝鷺迴金闕誰憐病  
峽中

暝

日下四山陰山庭嵐氣侵牛羊歸徑險鳥雀聚林  
深一作作正枕當星劍收書動玉琴半扉開燭影欲  
掩見清砧

夜二首

白夜月休弦燈花半委眠號山無定鹿落樹有驚

蟬暫憶江東鱸兼懷雪下船蠻歌犯星起一作重

覺在天邊

城郭悲笳暮村墟過翼稀甲兵年數久賦歛夜深  
歸暗樹依巖落明河遶塞微斗斜人更望月細鵲  
休飛

大曆二年九月三十日

爲客無時了悲秋向夕終瘴餘夢子國霜薄楚王  
宮草敵虛嵐翠花禁冷藥紅年年小搖落不與故  
園同

詩紀

盛唐卷之八

十二

十月一日

有瘴非全歇爲冬不亦難夜郎谿日煖白帝峽風  
寒蒸裏如千室焦糖幸一拌與盤同茲晨南國重舊  
俗自相歡

孟冬

殊俗還多事方冬變所爲破柑霜落爪嘗稻雪翻  
匙巫峽一作寒都薄烏蠻瘴遠隨終然減灘瀨暫  
喜息蛟螭

朝二首

清旭楚宮南霜空萬嶺含野人時獨往雲木曉相  
參後鵲無聲過饑鳥下食貪病身終不動搖落任  
江潭

浦帆一作晨初發郊扉冷未開林一作疎黃葉墜野  
靜日臨來礎潤休全濕雲晴欲半回巫山冬可憎  
昨夜有奔雷

向夕

畎畝孤城外江村亂水中深山催短景喬木易高  
風鶴下雲汀近雞栖草屋同琴書散明燭長夜始  
詩紀

盛唐卷之八

十三

堪終

曉望

白帝更聲盡陽臺曉色分高峯寒上日疊嶺宿霾  
雲地坼江帆隱天清木葉聞荆扉對麋鹿應共爾  
爲羣

晚

杖藜尋晚巷炙背近墻暄人見幽居僻手知養拙  
尊朝廷問府主耕稼學山村歸翼飛棲定寒燈亦  
閉門

人日

元日到人日未有不陰時冰雪鶯難至春寒花較遲雲隨白水落風振紫山悲蓬髮稀疎久一作無勞比素絲

九日二首

舊日重陽酒傳杯不放杯即今蓬髮改但媿菊花開北闕心長戀西江首獨回茱萸賜朝士難得一枝來

舊與蘇司業兼隨鄭廣文采花香泛泛坐客醉紛紛詩紀盛唐卷之全七 三

紛野樹歌一作歌還倚秋砧醒却聞歡娛兩冥漠西北有孤雲

熱三首

雷霆空霹靂雲雨竟虛無炎赫衣流汗低垂氣不蘇乞爲寒水玉願作冷秋菰何似兒童歲風涼出舞雩

瘴雲終不滅瀘水復西來閉戶人高臥歸林鳥却迴峽中都似火江上只空雷想見陰宮雪風門颯音開

朱李沈不冷雕胡炊屢新將衰骨盡痛被暍味空頻歛翕炎蒸景飄颻征戍人十年可解甲爲爾一霑巾

晴二首

久雨巫山暗新晴錦繡文碧知湖外草紅見海東雲竟日鶯相和摩霄鶴數羣野花乾更落風處急紛紛

啼鳥爭引子鳴鶴不歸林下食遭泥去高飛恨久陰雨聲衝塞盡日氣射江深回首周南客驅馳魏詩紀盛唐卷之全七 四

關心晚晴晚照斜初徹浮雲薄未歸江虹明遠飲峽雨落餘飛鳬一作鶴終高去熊羆覺自肥秋分客尚在竹露夕微微

晚晴村晚驚風度庭幽一作幽亭過雨霑夕陽薰細草江色映疎簾書亂誰能帙杯乾自可添時聞有餘論未恠老夫潛



對雨

莽莽天涯雨江邊獨立時不愁巴道路恐濕今作失

漢旌旗雪嶺防秋急繩橋戰勝遲西戎甥舅禮未

敢背恩私

朝雨

京氣曉蕭蕭江雲亂眼飄風鴛藏近渚雨燕集深

條黃綺終辭漢巢由不見堯草堂樽酒在幸得過

清朝

喜雨

詩紀

盛唐卷之六七

五

南國早無雨今朝江出雲入空纔漠漠灑迴已紛

紛巢燕高飛盡林花潤色分晚來聲不絕應得夜

深聞

村雨

雨聲傳兩夜寒事颯高秋犂帶看朱紋開箱覩黑

裘世情只益睡盜賊敢忘憂松菊新霑洗茅齋慰

遠遊

雨晴

雨時今本山不改晴罷峽如新天路看殊俗秋江

思殺人有猿揮淚盡無犬附一作書頻故國愁

梅雨

南京犀浦道四月熟黃梅湛湛長江去冥冥細雨

來茅茨踈易濕雲霧密難開竟日蛟龍喜盤渦與

岸迴

雨晴

天際一作秋雲薄從西萬里風今朝好晴景久雨

不妨農塞一作柳行踈翠山梨結小紅胡笳樓上

詩紀

盛唐卷之八十七

六

發一鴈入高空

春夜喜雨

好雨知時節當春乃發生隨風潛入夜潤物細無

聲野徑雲俱黑江船火獨明曉看紅一作濕處花

重錦官城

白水明府舅宅喜雨得過字

吾舅政如此古人誰復過碧山晴又濕白水雨偏

多精禱既不昧歡娛將謂何湯年旱頗甚今日醉

弦歌

對雪

戰哭多新鬼，愁吟獨老翁。  
亂雲低薄暮，急雪舞迴風。  
飄棄樽無綠，爐存火似紅。  
數州消息斷，愁坐正書空。

月夜

今夜鄜州月，閨中只獨看。  
遙憐小兒女，未解憶長安。  
香霧雲鬟濕，清輝玉臂寒。  
何時倚虛幌，雙照淚痕乾。

對雪

詩紀

盛唐卷之八十七

七

北雪犯長沙，胡雲冷萬家。  
隨風且間葉，帶雨不成花。  
金錯囊垂一作徒罄，銀壺酒易賒。  
無人竭浮蟻，有待至昏鴉。

又雪

南雪不到地，青崖霑未消。  
微微向日薄，脉脉去人遙。  
冬熱鴛鴦病，峽深豺虎驕。  
愁邊有江水，焉得北之朝。

夜雨

小雨夜復密，回風吹早秋。  
野涼侵閉戶，江滿帶維舟。

舟通籍恨多病爲郎，  
忝薄遊天寒出巫峽，  
醉別仲宣樓。

一百五日夜對月

無家對寒食，有淚如金波。  
斫却月中桂，清光應更多。  
此離放紅藥，想像嚙青蛾。  
牛女謾愁思，秋期應渡河。

月圓

孤月當樓滿，寒江動夜扉。  
委波金不定，照席綺逾依。  
未缺空山靜，高懸列宿稀。  
故園松桂發，萬里共清輝。

詩紀

盛唐卷之八十七

六

清輝

八月十五夜月二首

滿目飛明鏡，歸心折大刀。  
轉蓬行地遠，攀桂仰天高。  
水路疑一作疑霜雪，林棲見羽毛。  
此時瞻白兔，直欲數秋毫。

稍下巫山峽，猶銜白帝城。  
氣沈全浦暗，輪側半樓明。  
刀斗皆催曉，蟾蜍且自傾。  
張弓倚殘魄，不獨漢家營。

十六夜翫月

金波爽皆傳玉露秋關山隨地開河漢近人  
行舟

十七夜對月

秋月仍圓夜江村獨老身捲簾還照客倚杖更隨  
人光射潛蚪動明翻宿鳥頻茅齋依橘柚清切露  
華新

江月

江月光於水高樓思殺人天邊長作客老去一  
詩紀

盛唐卷之八

九

巾玉露溥一作清影銀河沒半輪誰家挑錦字燭  
滅翠眉頻

晨雨

小雨晨光內初來葉上聞霧交纔灑地風逆旋隨  
雲暫起柴荆一作門色輕霑鳥獸羣麝香山一半亭  
午未全分

江邊星月二首

驟雨清秋夜金波耿玉繩天河元自白江浦向來  
澄映物連珠斷緣空一鏡升餘光憶一作隱更漏况

乃露華凝

江月辭風纔江星別霧船雞鳴還曙一作曉色驚浴

自晴一作清川歷歷竟誰種悠悠何處圓客愁殊未

已他夕始相鮮

詩紀

盛唐卷之八

三

盛唐第八十七

盛唐第八十八

唐詩紀一百四十八

鄆郡吳中珩彙編

鄆郡俞體初同校

杜甫二十

五言律詩八

月

天上秋期近人間月影清入河蟾不沒搗藥兔長生只益丹心苦能添白髮明干戈知滿地休照國西營

詩紀

盛唐卷之八

二

天河

常時任顯晦秋至最分明縱被微雲掩終能永夜清含星動雙闕伴月落邊城牛女年年渡何曾風浪生

初月

光細一作常時弦欲上影斜輪未安微升古塞外已隱

暮雲端河漢不改色關山空自寒庭前有白露暗

滿菊花團

雨

萬木雲深隱連山雨未開風扉掩不定水鳥去仍回鮫館仍鳴杼樵舟豈伐枚清涼破炎毒衰意欲登臺

月

四更山吐月殘夜水明樓塵匣元開鏡風簾自上鈎兔應疑鶴髮蟾亦戀貂裘斟酌姮娥寡天寒柰九秋

雨

冥冥甲子雨已度立春時輕箠煩相一作須向織紵

詩紀

盛唐卷之八

二

恐自疑煙添纔有色風引更如絲直覺巫山暮兼催宋玉悲

雨

始賀天休雨還嗟地出雷驟看浮峽過密作渡江來牛馬行無色蛟龍鬪不開干戈盛陰氣未必自陽臺

月

斷續巫山雨天河此夜新若無青嶂月愁殺白頭人一作人迴移深一作多樹蝦蟇動半輪故園當北斗直

指一作想照西秦

雲

龍以瞿塘會江依白帝深終年常起峽一作宿每夜

必通林收穫辭霜渚分明在夕岑高齋非一處秀

氣豁煩襟

雨四首

微雨不滑道斷雲踈復行紫崖奔處黑白鳥去邊

明秋日新霑影寒江舊落聲柴扉臨野碓半濕搗

香杭

詩紀

盛唐卷之六十八

三

江雨舊無時天晴忽散絲暮秋霑物冷今日過雲

遲上馬迴休出看鷗坐不辭高軒當灑潏潤色靜

書帷

物色歲將晏天隅人未歸朔風鳴淅淅寒雨下霏

霏多病久加飯衰容新授衣時危覺凋喪故舊短

書稀

楚雨石苔滋京華消息遲山寒青兕叫江晚白鷗

饑神女花鈿落鮫人織杼悲繁憂不自整終日灑

如絲

雷

巫峽中宵動滄江十月雷龍蛇不成蟄天地劃爭

迴却碾空山過深蟠絕壁來何須妬雲雨霹靂楚

王臺

反照

反照開巫峽寒空半有無已低魚復暗不盡白鹽

孤孤岸如秋水松門似畫圖牛羊識童僕既夕應

傳呼

月

詩紀

盛唐卷之六十八

四

萬里瞿塘月一作峽春來六上弦時時開暗室故故

滿青天爽合風襟靜高堂一作窗淚臉懸南飛有烏

鵲夜久落江邊

月

併照巫山出新窺楚水清羈棲愁裏見二十四迴

明必驗升沈體如知進退情不違銀漢落亦伴玉

繩橫

長江二首

衆水會涪萬瞿塘爭一門朝宗人共挹盜賊爾誰



尊孤石隱如馬高羅垂飲猿歸心異波浪何事卽  
飛翻

浩浩終不息乃知東極臨衆流歸海意萬國奉君

心色借瀟湘闊聲驅濫潁深未辭添霧雨接上一作

下遇一作衣襟

江漲

江發蠻夷漲山添雨雪流大聲吹地轉高浪蹴天

浮魚驚爲人得蛟龍不自謀輕帆好去便吾道付

滄洲

詩紀

盛唐卷之八

五

江漲

江漲柴門外兒童報急流下牀高數尺倚杖沒中

洲細動迎風燕輕搖逐浪鷗漁人縈小楫容易拔

船頭

嚴鄭公堦下新松得霑字

弱質豈自負移根方爾瞻細聲聞玉帳踈翠近珠

簾未見紫煙集虛蒙清露霑何當一百丈歌蓋擁

高簷

嚴鄭公宅同詠竹得香字

綠竹半含箨新梢纔出牆色侵書帙晚陰過酒樽  
涼雨洗娟娟淨風吹細細香但令無翦伐會見拂  
雲長

苦竹

青冥亦自守軟弱強扶持味苦夏蟲避叢卑春鳥  
疑軒墀曾不重翦伐欲無辭幸近幽人屋霜根結  
在茲

蒹葭

摧折不自守秋風吹若何暫時花帶一作雪幾處

詩紀

盛唐卷之八

六

葉沈波體弱春苗早叢長夜露多江湖後搖落亦

恐歲蹉跎

梔子

梔子比衆木人間誠未多於身色有用與道氣傷

和紅取風霜實青看雨露柯無情移得汝貴在映

江波

高栂

栂樹色冥冥江邊一蒼青近根開藥圃接葉製茅  
亭落影陰猶合微風韻可聽一作尋常絕酒一作困臥

此片時醒

惡樹

獨遶虛齋徑常持小斧柯幽陰成頗雜惡木翦還多  
枸杞固吾有雞棲柰汝何方知不材者生長漫婆娑

江梅

梅蕊臘前破梅花年後多絕知春意早最柰客愁何  
雪樹元一作能同色江風亦自波故園不可見巫岫鬱嵯峨

詩紀

盛唐卷之八

七

庭草

楚草經寒碧庭春入眼濃舊低收葉舉新掩卷牙  
重步履宜輕過開筵得屢供看花隨節序不敢疆爲容

早花

西京安穩未不見一人來臘月巴江曲山花已自  
開盈盈當雪杏豔豔待春一作香梅直苦風塵暗誰愛客一作容鬢催

花底

紫萼扶千藥黃鬚照萬花忽疑行暮雨何事入朝霞  
恐是潘安縣堪留衛玠車深知好顏色莫作委泥沙

柳邊

只道梅花發那知柳亦新枝枝總到地葉葉自開春  
紫燕時翻翼黃鸝不露身漢南應老盡霸上遠愁人

房兵曹胡馬

胡馬大宛名鋒稜瘦骨成竹批雙耳峻風入四蹄  
詩紀

盛唐卷之八

八

輕所向無空闊真堪託死生驍騰有如此萬里可  
橫行

玉腕驕

日注云江陵節度衛公馬也

聞說荆南馬尚書玉腕驕頓驂飄赤汗跼蹐顧長  
秋胡虜三年入乾坤一戰收舉鞭如有問欲伴習池遊

病馬

乘爾亦已久天寒關塞深塵中老盡力歲晚病傷  
心毛骨豈殊衆馴良猶至今物微意不淺感動一

沈吟

鷓鴣

故使籠寬織須知動損毛看雲莫悵望失水任呼  
號六翮曾經剪孤飛卒未高且無鷹隼慮留滯莫  
辭勞

花鴨

花鴨無泥滓堦前每緩行羽毛知獨立黑白太分  
明不覺羣心妬休牽衆眼驚稻梁霑汝在作意莫  
先鳴

詩紀

盛唐卷之六

九

舟前小鷺兒

自注云漢州城西  
北角官池作

鷺兒黃似酒對酒愛新鷺引頸嗔船逼無行亂眼  
多翅開遭宿雨力小困滄波客散層城暮狸狌奈  
若何

雙燕

旅食驚雙燕銜泥入此堂應同避燥濕且復過炎  
涼養子風塵際來時道路長今秋天地在吾亦離  
殊方

百舌

百舌來何處重重祗報春知音兼衆語整翮豈多  
身花密藏難見枝高聽轉新過時如發口君側有  
譏人

子規

峽裏雲安縣江樓翼瓦齊兩邊山木合終日子規  
啼眇眇春風見蕭蕭夜色凄一作棲客愁那聽此故  
作傍人低

孤鴈

孤鴈不飲啄飛鳴聲念羣誰憐一片影相失萬里  
詩紀

盛唐卷之六

十一

雲望盡似猶見哀多如更聞野鴟無意緒鳴噪自  
紛紛

鷗

江浦寒鷗戲無它亦自饒却思翻玉羽隨意點春  
苗雪暗還須浴一作落風生一任飄幾羣滄海上清  
影日蕭蕭

促織

促織甚微細哀音何動人草根吟不穩牀下夜相  
親久客得無淚故妻難及晨悲絲與急管感激異

天真

螢火

幸因腐草出敢近太陽飛未足臨書卷時能點客  
本隨風隔幔小帶雨傍林微十月清霜重飄零何  
處歸

歸燕

不獨避霜雪其如儔侶稀四時無失序八月自知  
歸春色豈相訪衆雛還識機故巢儻未毀會傍主  
人飛

詩紀

盛唐卷之八

土

猿

裊裊啼虛壁蕭蕭挂冷枝艱難人不免隱見爾如  
知慣習元從衆全生或用奇前林騰每及父子莫  
相離

黃魚

日見巴東峽黃魚出浪新脂膏兼飼犬長大不容  
身筒桶相沿久風雷肯謂神一作泥沙卷涎沫廻  
首恠龍鱗

白小

白小羣分命天然二寸魚細微霑水族風俗當園  
蔬入肆銀花亂傾箱雪片虛生成猶拾卵盡取義  
何如

鹿

永與清谿別蒙將玉饌俱無才逐仙隱不敢恨庖  
厨亂世輕全物微聲及禍樞衣冠兼盜賊饕餮用  
斯須

鸚鵡

鸚鵡含愁思聰明憶別離翠衿渾短盡紅觜謾多  
詩紀

盛唐卷之八

三

知未有開籠日空殘宿舊枝世人憐後損何用羽  
毛奇

雞

紀德名標五初鳴度必三殊方聽有異失次曉無  
慙問俗人情似充庖爾輩堪氣交亭育際巫峽漏  
司南

歸鴈

聞道今春鴈南歸自廣州見花辭漲海避雪到羅  
浮是物關兵氣何時免客愁年年霜露隔不過一作

遇五湖秋

歸鴈二首

萬里衡陽鴈今年又北歸雙雙瞻客上二一背人  
飛雲裏相呼疾沙邊自宿稀繫書無浪語愁寂故  
山薇  
欲雪違胡地先花別楚雲却過清渭影高起洞庭  
羣塞北春陰暮江南日色曛傷弓流落羽行斷不  
堪聞

蕃劍

詩紀

盛唐卷之八

三

致此自僻遠又非珠玉裝如何有奇怪每夜吐光  
芒虎氣必騰上龍身寧久藏風塵苦未息持汝奉  
明王

秋笛

清商欲盡奏奏苦血霑衣他日傷心極征人白骨  
歸相逢恐恨過故作發聲微不見秋雲動悲風稍  
稍飛

銅餅

亂後碧井廢時清瑤殿深銅餅未失水百丈有哀

音側想美人意應悲寒髡沈蛟龍半缺落猶得折  
黃金

觀李固請司馬弟山水圖三首

簡易高人意匡牀竹火爐寒天留遠客碧海挂新  
圖雖對連山好貪看絕島孤羣仙不愁思冉冉下  
蓬壺  
方丈渾連水天台總映雲人間長見盡老去恨空  
聞范蠡舟偏小王喬鶴不羣此生隨萬物何處出  
塵氛

詩紀

盛唐卷之八

古

高浪垂翻屋崩崖欲壓牀野橋分子細沙岸繞微  
茫紅浸珊瑚短青懸薜荔長浮查並坐得仙老暫  
相將

嚴公廳宴同賦蜀道畫圖得空字

日臨公館靜畫列地圖雄劒閣星橋北松州雪嶺  
東華夷山不斷吳蜀水相通興與煙霞會清樽幸  
不空

畫鷹

素練風一作霜起蒼鷹畫作殊攫身思狡兔側



目似愁胡條綻光堪摘軒楹勢可呼何當擊凡鳥  
毛血灑平蕪

閬州別房太尉墓今本無閬州二字

他鄉復行役駐馬別孤墳近淚無乾土低空有斷  
雲對墓陪謝傳把劍覓徐君唯見林花落鶯啼送  
客聞

聞高常侍亡自注云忠州作

歸朝不相見蜀使忽傳亡虛歷金華省何殊地下  
郎致君丹檻折哭友白雲長獨步詩名在祗令故

詩紀

盛唐卷之八

五

舊傷

承聞故房相公靈櫬自閬州啓殯歸葬東

都有作二首

遠聞房太守一作歸葬陸渾山一德興王後孤鬼

久客間孔明多故事安石竟崇班他日嘉陵淚一作

仍霑楚水還

丹旆飛飛日初傳發閬州風塵終不解江漢忽同  
流劒動親身匣書歸故國樓盡哀知有處爲客恐  
長休

故武衛將軍挽詞三首

嚴警當寒夜前軍落大星壯夫思敢決哀詔惜精  
靈王者今無戰書生已勒銘封侯意疎闊編簡爲  
誰青

舞劍過人絕鳴弓射獸能銛鋒行愜順猛噬失躡  
騰赤羽千夫膳黃河十月冰橫行沙漠外神速至  
今稱

哀挽青門去新阡絳水遙路人紛兩泣天意颯風  
颭部曲精仍銳匈奴氣不驕無由覩雄畧大樹日

詩紀

盛唐卷之八

六

蕭蕭

哭嚴僕射歸櫬

素幔隨流水歸舟返舊京老親如宿昔部曲異平  
生風送蛟龍雨天長驃騎營一哀三峽暮遺後見  
君情

重哭李尚書

涕泗不能收哭君餘白頭兒童相顧盡宇宙此生  
浮江雨銘旌濕湖風井邇秋還瞻魏太子賓客減  
應劉

哭李常侍嶧二首

一代風流盡修文地下深斯人不重見將老失知音短日行梅嶺寒山落桂林長安若箇畔猶想映

招金

青瑣墀雙入銅梁阻一辭風塵逢我地江漢哭君時次第尋書札呼兒檢贈詩發揮王子表不愧史臣辭

詩紀

盛唐卷之八

七

盛唐第八十八

盛唐第八十九

唐詩紀一百四十九

鄆郡吳中珩彙編  
鄆郡俞體初同校

杜甫

二十一

七言律詩

奉和賈至舍人早朝大明宮

自注云舍人先世掌絲綸

五夜漏聲催曉箭九重春色醉仙桃旌旗日煖龍蛇動宮殿風微燕雀高朝罷香煙攜滿袖詩成珠玉在揮毫欲知世掌絲綸美池上于今有鳳毛

詩紀

盛唐卷之八十九

一

宣政殿退朝晚出左掖

天門日射黃金榜春殿晴曛赤羽旗宮草霏霏一作微承委珮爐煙細細駐遊絲雲近蓬萊常五色雪殘鳩鵲亦多時侍臣緩步歸青瑣退食從容出每遲

紫宸殿退朝口號

戶外昭容紫袖垂雙瞻御座引朝儀香飄合殿春風轉花覆千官淑景移晝漏稀聞高閣報天顏有喜近臣知宮中每出歸東省會送夔龍集鳳

池

題省中壁

披垣竹埤梧十尋洞門對雪常陰陰落花遊絲白日靜鳴鳩乳燕青春深腐儒衰晚謬通籍退食遲迴違寸心哀職曾無一字補許身愧比雙南金

贈田九判官梁丘

崆峒使節下青霄河隴降王欵聖朝宛馬總肥春昔猶將軍只數漢一作霍嫖姚陳畱玩瑀誰爭長京兆田郎早見招麾下賴君才並入獨能無意向漁

詩紀

盛唐卷之八十九

二

樵

贈獻納起居田舍人澄

獻納司存雨露邊地分清切任才賢舍人退食收封事宮女開函近一作林御筵曉漏追趨青瑣闥晴牕點檢白雲篇楊雄更有河東賦唯待吹噓送上天

贈韋七贊善

鄉里衣冠不乏賢杜陵韋曲未央前爾家最近魁三象自注云斗魁下兩時論同歸尺五天自注云

兩相此爲三台

自注云

城南北走關山開雨雪南遊花柳塞風煙洞

庭春色悲公子蝦菜忘歸范蠡船

院中晚晴懷西郭茅舍

幕府秋風日夜清澹雲疎雨過高城葉心朱實堪一作時落階面青苔先自生復有樓臺銜暮景不勞鐘鼓報新晴浣花谿裏花饒笑肯信吾兼吏隱名

江雨有懷鄭典設

春雨闇闇塞峽中早晚來自楚王宮亂波分披已

詩紀

盛唐卷之八十九

三

打岸弱雲狼籍不禁風寵光蕙葉與多碧點注桃花舒小紅谷口子真正憶汝岸高瀼滑隈西東

多病執熱奉懷李尚書

衰年正苦病侵陵首夏何須氣鬱蒸大水祿茫炎海接奇峯碑兀火雲升思霑道暍黃梅雨敢望宮恩玉井水不是尚書期不顧山陰野雪興難乘

因許八奉寄江寧旻上人

不見旻公三十年封書寄與淚潺湲舊來好事今能否老去新書誰與傳一作傳碁局動隨幽尋一作潤

竹袈裟憶上泛湖船聞君話我爲官在頭白昏昏只醉眠

至日遣興奉寄北省舊閣老兩院故人二

首一作奉寄兩院補遺○國史補云兩省呼爲閣老

去歲茲辰捧御牀五更三點入鵷行欲知趨走傷

心地一作正想氣一作氣滿眼香無路從容陪笑

語有時顛倒著衣裳何人錯憶一作窮愁日愁日

愁隨一線長

憶昨逍遙供奉班去年今日侍龍顏麒麟不動爐

詩紀

盛唐卷之八十九

四

煙上孔雀徐開扇影還玉儿由來天北極朱衣只

在殿中間孤城此日堪腸斷愁對寒雲白一作滿雪

山

暮登四一作西安寺鍾樓寄裴十迪

暮倚高樓對雪峯僧來不語自鳴鐘孤城返照紅

將斂近市浮煙翠且重多病獨愁常聞寂故人相

見未從容知君苦思緣詩瘦太向交游萬事慵

寄杜位自注云位京中舊宅近西曲江詩尾有述

近聞寬法離新州想見歸懷尚百一作憂逐客雖

皆萬里去悲君已是十年流干戈况復塵隨眼鬢髮還應雪滿頭玉壘題書心緒亂何時更得曲江

遊

王十七侍御掄許攜酒至草堂奉寄此詩

便請邀高三十五使君同到

老夫臥穩一作病朝慵起白屋寒多煖始開江鶴巧

當幽徑浴鄰雞還過短墻來繡衣屢許攜家釀一作

皂蓋能忘折野梅戲假霜威促山簡須成一醉

習池回

詩紀

盛唐卷之八十九

五

奉寄別馬巴州云時甫除京曹在東川

勲業終歸馬伏波功曹非一作復漢蕭何扁舟繫

纜沙邊久南國浮雲水上多獨把魚竿終遠去難

隨鳥翼一相過知君未愛春湖色與在驪駒白玉

珂

奉寄高常侍

汶上相逢年頗多飛騰無那故人何總戎楚蜀應

全未方駕曹劉不啻過今日朝廷須汲黯中原將

帥憶廉頗天涯春色催遲暮別淚遙添錦水波

奉寄韋十侍御

自注云時初罷梓州刺史東川副使將赴朝廷

淮海維揚一俊人金章紫綬照青春  
指麾能事回天地訓練強兵動鬼神  
湘西不得歸關羽河內猶宜借寇恂  
朝覲從容問幽側勿云江漢有垂綸

將赴成都草堂途中有作先寄嚴鄭公五

首

得歸茅屋赴成都真爲文翁再剖符  
但使閭閻還揖讓敢論松菊久荒蕪  
魚知丙穴由來美酒憶郫筒不用沽  
五馬舊曾請小徑幾迴書札待潛夫

詩紀

盛唐卷之八十九

六

處處清江帶白蘋故園猶得見殘春  
雪山丘候無兵馬錦里逢迎有主人  
休怪兒童延俗客不教鵝鴨惱比鄰  
習池未覺風流盡况復荊州賞更新  
竹寒沙碧浣花谿橋菱刺藤梢咫尺迷過客徑  
須愁出入居人不自解東西書籤藥裏封蛛網  
野店山橋送馬蹄肯藉荒亭春草色先判一飲醉如泥

常苦沙崩損藥欄也從江檻落風湍  
新松恨不高千尺惡竹應須斬萬竿  
生理祗憑黃閣老衰顏欲

付紫金丹三年奔走空皮骨信有人間行路難

錦官城西生事微烏皮几在還思歸昔去爲憂亂  
兵入今來已恐鄰人非側身天地更懷古回首風塵  
甘息機共說總戎雲鳥陣不妨遊子芰荷衣

奉侍嚴大夫

殊方又喜故人來重鎮還須濟世才  
常怪偏裨終日待不知旌節隔年回  
欲辭巴徼啼鶯合遠下荆門去鵝催身老時危思會面一生襟抱向誰開

寄常徵君

詩紀

盛唐卷之八十九

七

白水青山空復春徵君晚節傍風塵  
楚妃堂上色殊衆海鶴塔前鳴向人  
萬事糾紛猶絕粒一官羈絆實藏身  
開州入夏知涼冷不似雲安毒熱新

舍弟觀赴藍田取妻子到江陵喜寄三首

汝迎妻子達荊州消息真傳解我憂  
鴻鴈影來連峽內鵲鵲飛急到沙頭  
曉關險路今虛遠禹鑿寒江正穩流  
朱紱卽當隨彩鷁青春不假報黃牛

馬度秦山雪正深北來肌骨苦寒侵  
他鄉就我生春色故國移居見客心  
歡劇一作提攜如意舞喜



多行坐白頭吟巡簷索共一作梅花笑冷藥疎枝  
半不禁

庾信羅含俱有宅春來秋去作誰家短牆若在從  
殘草喬木如存可假花卜築應同一作蔣詡徑爲  
園須似邵平瓜比年病酒開涓滴弟勸兄酬何怨  
嗟

遣悶戲呈路十九曹長

江浦雷聲喧昨夜春城雨色動微寒黃鸝並坐交  
愁濕白鷺羣飛大劇乾晚節漸於詩律細誰家數

詩紀

盛唐卷之八十九

八

去酒杯寬知君最一作今本愛清狂客百遍相過一作看  
意未闌

陪李七司馬皂江上觀造竹橋卽日成往  
來之人免冬寒入水聊題短作奉簡李公  
伐竹爲橋結構同褰裳不涉往來通天寒白鶴歸  
華表日落青龍見水中顧我老非題柱客知君才  
是濟川功合歡一作云當却笑千年事驅石何時到  
海東

崔評事弟許相迎不到應慮老夫見泥雨

怯出必愆佳期走筆戲簡

江閣邀賓許馬迎午時起坐自天明浮雲不負青  
春色細雨何孤白帝城身過花間露濕好醉於馬  
上往來輕虛疑皓首衝泥怯實少銀鞍傍險行

簡吳郎司法

有客乘舸自忠州遣騎安置瀼西頭古堂本買藉  
踈豁借汝遷居停宴遊雲石熒熒高葉曉風江颯  
颯亂帆秋却爲姻婭過逢地許坐層軒數散愁

又呈吳郎

詩紀

盛唐卷之八十九

九

堂前撲棗任西鄰無食無兒一婦人不爲困窮寧  
有此祗緣恐懼轉須親卽防遠客雖多事使插踈  
籬却甚真已訴徵求貧到骨正思戎馬淚盈巾

示獠奴阿段

山木蒼蒼落日曛竹竿裊裊細泉分郡人入夜爭  
餘瀝穉一作子尋源獨不聞病渴三更迴白首傳  
聲一注濕青雲曾驚陶侃胡奴異怪爾常穿虎豹  
羣

和裴迪登蜀州東亭送客逢早梅相憶見

寄

東閣官梅動詩興還如何遜在揚州此時對雪遙  
相憶送客逢花今本可自由幸不折來傷歲暮若  
爲看去亂春今本愁江邊一樹垂垂發朝夕催人  
自白頭

奉酬嚴公寄題野亭之作

拾遺曾奏數行書懶性從來水竹居奉引濫騎沙  
苑馬幽棲真釣錦江魚謝安不倦登臨費阮籍焉  
知禮法疎枉沐旌麾出城府草茅無逕欲教鋤

詩紀

盛唐卷之八十九

十一

酬郭十五判官受

才微歲晚

今本

尚虛名臥病江湖春復生藥裹關

心詩總廢花枝照眼句還成只同燕石能星隕自  
得隨珠覺夜明喬口橘洲風浪促繫帆何惜片時  
程

送鄭十八虔貶台州司戶傷其臨老陷賊  
之故闕爲面別情見於詩

鄭公樗散鬢如絲酒後常稱老畫師萬里傷心嚴  
譴日百年垂死中興時蒼皇已就長途往邂逅無

端出餞遲便與先生應永訣九重泉路盡交期

送韓十四江東覲省

兵戈不見老萊衣歎息人間萬事非我已無家尋  
弟妹君今何處訪庭闈黃牛峽靜灘聲轉白馬江  
寒樹影稀此別還一作應須各努力故鄉猶恐未同  
歸

送路六侍御入朝

童稚情親四十年中間消息兩茫然更爲後會知  
何地忽漫相逢是別筵不分一作情桃花紅勝錦生

詩紀

盛唐卷之八十九

十二

憎柳絮白於綿劒南春色還無賴觸忤愁人到酒  
邊

又送辛員外

雙峯寂寂對春臺萬竹青青照客杯細草留連侵  
坐軟殘花悵望近人開同舟昨日何由得並馬今  
朝未擬回直到綿州始分首江頭樹裏共誰來

章梓州橘亭餞成都賈少尹

秋日野亭千橘香玉杯錦席高雲涼主人送客何  
所作自注云行酒賦詩殊未央衰老應爲難離別

聲此去有輝光預傳籍籍新京兆一作青史無  
勞數趙張

### 將赴荆南寄別李劍州弟

使君高義驅今古寥落三年坐劍州但見文翁能  
化俗焉知李廣未封侯路經灩澦雙蓬鬢天入滄  
浪一釣舟戎馬相逢更何日春風回首仲宣樓

### 季夏送鄉弟韶陪黃門從叔朝謁

按黃鵠云時杜

鴻漸以黃門侍郎鎮蜀既平崔旰之難遂還朝

令弟尚為蒼水使自注云韶北兼開江使通成都外江下峽舟船名家莫

詩紀

盛唐卷之八十九

三

出杜陵人比來相國兼安蜀歸赴朝廷已入秦捨  
舟策馬論兵地拖玉腰金報主身莫度清秋吟蟋  
蟀早開黃閣畫麒麟

### 送李八秘書赴杜相公幕

青簾白舫益州來巫峽秋濤天地迴石出倒聽楓  
葉下櫓搖背指菊花開貪趨相府今晨發恐失佳  
期後命催南極一星朝北斗五雲多處是三台

奉送蜀州栢二別駕將中丞命赴江陵起  
居衛尚書太夫人因示從弟行軍司馬位

中丞問俗畫熊頻愛弟傳書綵鷁新遷轉五州防  
禦使起居八座太夫人楚宮臘送荆門水白帝雲  
偷碧海春與報惠連詩不惜知吾斑鬢總如銀

### 送王十五判官扶侍還黔中得開字

大家東征逐子回風生洲渚錦帆開青青竹笋迎  
船出白白江魚入饌來離別不堪無限意艱危須  
仗濟時才黔陽信使應稀少莫怪頻頻勸酒杯

### 公安送韋二少府匡贊

逍遙公後世多賢送爾維舟惜別筵念我能書一作

詩紀

盛唐卷之八十九

三

常數字至將詩不必萬人傳時危兵甲黃塵裏日  
短江湖白髮前古往今來皆滄淚斷腸分手各風  
煙

### 長沙送李十一銜

與子避地西康州洞庭相逢十二秋遠覬尚方曾  
賜履竟非吾土倦登樓久存膠漆應難並一辱泥  
塗遂晚收李杜齊名真忝竊朔雲寒菊倍離憂

### 留別公安太易沙門

隱居欲就廬山遠屢藻初逢休上人數問舟航留

製作長開篋，竒擬心神沙。村白雪，仍含凍江縣紅梅已放春。先踏鑪峯置蘭若，徐飛錫杖出風塵。

鄭駙馬宴洞中

鄭潛曜，唐姪也。尚玄宗臨晉公主。

主家陰洞細煙霧，留客夏簾青琅玕。春酒杯濃琥珀薄，冰漿碗碧碼碯寒。悞疑茅堂屋，一作過江麓已入風磴。靈雲端自是秦樓壓，鄭谷時聞雜珮聲。珊

城西陂泛舟

青蛾皓齒在樓船，橫笛短簫悲遠天。春風自信牙

詩紀

盛唐卷之八十九

十四

檣動遲日徐看錦纜牽，魚吹細浪搖歌扇。燕蹴飛花落舞筵，不有小舟能盪槳。百壺那送酒如泉

九日藍田崔氏莊

老去悲秋強自寬，興來今日盡君歡。羞將短髮還吹帽，笑倩傍人爲正冠。藍水遠從千澗落，玉山高並兩峰寒。明年此會知誰健，醉把茱萸子細看

崔氏東山草堂

愛汝玉山草堂靜，高秋爽氣多。一作鮮新有時自發鐘磬響，落日更見漁樵人。盤剝白鷗谷口栗飯煮青泥坊底芹，何事爲西莊王給事柴門空閉鎖松筠

曲江陪鄭八丈南史飲

雀啄江頭黃柳花，鵲鵲鵲滿晴沙。自知白髮非春事，且盡芳樽戀物華。近侍即今難浪迹，此身那得更無家。丈人，一作文力猶強健，豈傍青門學種瓜

詩紀

盛唐卷之八十九

十五

曲江二首

一片花飛減却春，風飄萬點正愁人。且看欲盡花經眼，莫厭傷多酒入脣。江上小堂巢翡翠，苑邊高冢臥麒麟。細推物理須行樂，何用浮名絆此身

朝回日日典春衣，每日江頭盡醉歸。酒債尋常行處有，人生七十古來稀。穿花蛺蝶深深見，點水蜻蜓款款飛。傳語風光共流轉，暫時相賞莫相違

曲江對酒



苑外江頭坐不歸水精春一作宮殿轉霏微桃花細  
逐楊花落黃鳥時兼白鳥飛縱飲久憚人共棄嬾  
朝真與世相違吏一作合情更覺滄洲遠老大徒傷  
未拂衣

嚴中丞仲夏枉駕草堂兼攜酒饌得寒字  
竹裏行厨洗玉盤花邊立馬簇金鞍非關使者徵  
求急自識將軍禮數寬百年地僻一作柴門迴五  
月江深草閣寒看弄漁舟移白日老農何有罄交  
歡

詩紀

盛唐卷之八十九

七

宇文晁尚書之甥崔或司業之孫尚書之  
子重泛鄭監前湖

郊扉俗遠長幽寂野水春來更接連錦席淹留還  
出浦葛巾欹側未回船樽當霞綺輕初散棹拂荷  
珠碎却圓不但習池歸酩酊君看鄭谷去黃緣

望嶽

西嶽峻嶒竦處尊諸峯羅立一作似兒孫安得仙  
人九節杖拄到玉女洗頭盆車箱入谷無歸一作  
路箭括通天有一門稍待一作秋風涼冷後高尋

白帝問真源

涪城縣香積寺官閣

寺下春江深不流山腰官閣迴添愁含風翠壁孤  
雲細背日丹楓萬木稠小院回廊春寂寂浴鳬飛  
鷺晚悠悠諸天合在藤蘿外昏黑應須到上頭

登樓

花近高樓傷客心萬方多難此登臨錦江春色來  
天地玉壘浮雲變古今北極朝廷終不改西山寇  
盜莫相侵可憐後主還祠廟日暮聊爲梁甫吟

詩紀

盛唐卷之八十九

七

滕王亭子

自注云亭在玉臺觀內王曾與此州

君王臺榭枕巴山萬丈丹梯尚可攀春日鶯啼脩  
竹裏仙家犬吠白雲間清江碧石傷心麗嫩藥濃  
花滿目斑人到于今歌出牧來遊此地不知還

玉臺觀

自注云滕王造

中天積翠玉臺遙上帝高居絳節朝遂有馮夷來  
擊鼓始知羸女善吹簫江光隱見鼉鼉窟石勢參  
差烏鵲橋更有紅顏生羽翰便應黃髮老漁樵

峽中覽物



爲掾吏趨三輔憶在潼關詩興多巫峽忽如瞻  
華嶽蜀江猶一作還似見黃河舟中得病移衾枕洞  
口經春長薜蘿形勝有餘風土惡幾時回首一高  
歌

灩澦

灩澦旣沒孤根深西來水多愁太陰江天漠漠鳥  
雙去風雨時時龍一吟舟人漁子歌回首估客胡  
商淚滿襟寄語舟航惡年少休翻鹽井橫一作擲黃  
金

詩紀

盛唐卷之八十九

六

白帝

白帝城中一作頭雲出門一作若白帝城下雨翻盆高  
江急峽雷霆鬪古一作翠水長一作蒼藤日月昏戎一作  
馬不如歸馬逸千家今有百一作十家存哀哀寡  
婦誅求盡慟哭秋原何處村

白帝城最高樓

城尖徑仄旌旆愁獨立縹緲之飛樓峽坼雲霾龍  
虎睡江清日抱鼉鼉遊扶桑西枝封斷石弱水東  
影隨長流杖藜歎世者誰子泣血迸空回白頭

江陵節度使陽城郡王新樓成王請嚴侍  
御判官賦七字句同作

樓上炎天冰雪生高飛燕雀賀新成碧牕宿霧濛  
濛濕朱棋浮雲細細輕杖鉞褰帷瞻具美投壺散  
帙有餘清自公多暇延參佐江漢風流萬古情

又作此奉衛王

西北樓成雄楚都遠開山岳散江湖二儀清濁還  
高下三伏炎蒸定有無推轂幾年惟鎮靜曳居終  
日盛文儒白頭授簡焉能賦媿似相如爲大夫

詩紀

盛唐卷之八十九

九

嚴中丞枉駕見過

自注云嚴自東川除西  
川敕令兩川都節制

元戎小隊出郊坰問柳尋花到野亭川合東西瞻  
使節地分南北任浮萍扁舟不獨如張翰舊本作白  
帽應兼似管寧寂寞江天雲霧裏何人道有少微  
星

客至

自注云  
明府相過

舍南舍北皆春水但見一作看羣鷗日日來花徑不  
曾緣客掃蓬門今始爲君開盤餐市遠無兼味樽  
酒家貧只舊醅肯與鄰翁相對飲隔離呼取盡餘

杯

賓至一題作有客

幽棲地僻經過少老病人扶再拜難豈有文章驚  
海內謾勞車馬駐江干竟日淹留佳客坐百年麤  
糲腐儒餐不一作莫嫌野外無供給乘興還來看樂

欄

詩紀

盛唐卷之八十九

二十

盛唐第八十九

盛唐第九十

唐詩紀一百五十

鄆郡吳中珩彙編

鄆郡俞體初同校

杜甫 二十二

七言律詩二

題張氏隱居

春山無伴獨相求伐木丁丁山更幽澗道餘寒歷  
冰雪石門斜日到林丘不貪夜識金銀氣遠害朝  
看麋鹿遊乘興杳然迷出處對君疑是泛虛舟

詩紀

盛唐卷之九十

一

題鄭縣亭子

鄭縣亭子澗之濱戶牖憑高發興新雲斷嶽蓮臨  
大路一作天晴一作青宮柳暗長春巢邊野雀羣欺  
燕花底山峯遠趁人更欲題詩滿青竹晚來幽獨  
恐傷神

七月一日題終明府水樓二首

高棟層軒已自涼秋風此日灑衣裳條然欲下陰  
山雪不去非無漢署香絕壁過雲開錦繡疎松隔  
水奏笙簧看君宜著王喬履真賜還疑出尚方

慮子彈琴邑宰日終軍棄繻英妙時承家節操尚  
不泯爲政風流今在茲可憐賓客盡傾蓋何處老  
翁來賦詩楚江巫峽半雲雨清簾疎簾看奕碁

### 覃山人隱居

南極老人自有星北山移文誰勒銘徵君已去獨  
松菊哀壑無光留戶庭予見亂離不得已子知出  
處必須經高車駟馬帶傾覆悵望秋天虛翠屏

### 柏學士茅屋

碧山學士焚銀魚白馬却走身巖居古人已用三  
詩紀

盛唐卷之九十

二

冬足年少今開萬卷餘晴雲滿戶團傾蓋秋水浮  
堦溜決渠富貴必從勤苦得男兒須讀五車書

### 卜居

按鮑文壹云公至成都節度裴冕  
爲公卜成都西郭浣花谿作草堂

浣花谿一作之水水西頭主人爲卜林塘幽已知出

郭少塵事更有澄江銷客愁無數蜻蜓齊上下一

雙鷗鵲對沈浮東行萬里堪乘興須向山陰上小

舟

### 堂成

背郭堂成蔭白茅綠江路熟俯青郊  
楹林礙日吟

風葉自注云檉木名不材可充薪而已惟蜀地最宜種籠竹和煙滴露梢  
暫上飛鳥將數子頻來語燕定新巢  
旁人錯比楊雄宅嬾情無心作解嘲

### 江村

清江一曲抱村流長夏江村事事幽  
自去自來梁上燕相親相近水中鷗  
老妻畫紙爲棋局稚子敲針作釣鉤  
多病所須惟藥物微軀此外更何求

### 南鄰

錦里先生烏角巾園收芋栗未一作不全貧  
慣看賓客兒童喜得食階除鳥雀馴  
秋水纔深四五尺野艇

盛唐卷之九十

三

客兒童喜得食階除鳥雀馴秋水纔深四五尺野  
艇音延今本恰受兩三人白沙翠竹江村暮相送

柴門月色新

### 進艇

南京久客耕南畝北望傷神坐北牕  
晝引老妻乘小艇晴看稚子浴清江  
俱飛蛺蝶元相逐並蒂芙蓉本自雙  
茗飲蔗漿攜所有瓷甕無謝玉爲缸

### 野老

野老籬前江岸迴柴門不正逐江開  
漁人網集澄

潭下賈客船隨返照來長路關心悲劒閣片雲何

意一作行傍琴臺王師未報收東郡城闕秋生畫

角哀自注云得柳城關按趙次公云時成

赤甲赤甲夔州山名大曆二年公遷居赤甲

卜居赤甲遷居新兩見巫山楚水春炙背可以獻

天子美芹由來知野人荊州鄭薛寄書近蜀谷郗

岑非我鄰笑接郎中評事飲病從深酌道吾真

卽事

暮春三月巫峽長晶行雲浮日光雷聲忽送千

詩紀

盛唐卷之九

四

峯雨花氣渾如百和香黃鶯過水翻迴去燕子銜

泥濕不妨飛閣卷簾圖畫裏虛無只少對瀟湘

蜀相

丞相祠堂何處尋錦官城外柏森森映堦碧草自

春色隔葉黃鸝空好音三顧頻繁天下計兩朝開

濟老臣心出師未捷身先死長使英雄淚滿襟

詠懷古跡五首

支離東北風塵際漂泊西南天地間三峽樓臺淹

日月五谿衣服共雲山羯胡事主終無賴詞客哀

時且未還庾信平生最蕭瑟暮年詩賦動江關

搖落深知宋玉悲風流儒雅亦吾師悵望千秋一

灑淚蕭條異代不同時江山故宅空文藻雲雨荒

臺豈夢思最是楚宮俱泯滅舟人指點到今疑

羣山萬壑赴荆門生長明妃尚有村一去紫臺連

朔漠獨留青塚向黃昏畫圖省識春風面環珮空

歸月夜冤千歲琵琶作胡語分明怨恨曲中論

蜀主窺吳幸三峽崩年亦在永安宮翠華想像空

山裏玉殿虛無野寺中自注云山有臥龍寺先主祠在焉古廟杉

詩紀

盛唐卷之九

五

松巢水鶴歲時伏臘走村翁武侯祠屋長鄰近自注

云縣今爲寺一體君臣祭祀同

諸葛大名垂宇宙宗臣遺像肅清高三分割據紆

籌策萬古雲霄一羽毛伯仲之間見伊呂指揮若

定失蕭曹運一作福移漢祚終難一作復志決身殲

軍務勞

聞官軍收河南河北

劒外忽傳收薊北初聞涕淚滿衣裳却看妻子愁

何在謾卷詩書喜欲狂白首放歌須縱酒青春作

伴好還鄉卽從巴峽穿巫峽便下襄陽向洛陽

云余用韻在東川

### 諸將五首

漢朝陵墓對南山胡虜千秋尚入關昨日玉魚蒙  
葬地早時金甌出人間見愁汗馬西戎逼曾閃朱  
旗北斗殷作問多少材官守涇渭將軍且莫破愁  
顏

韓公韓國公張仁愿也

本意築三城擬絕天驕拔漢旌豈

謂盡煩回紇馬翻然遠救朔方兵胡來不覺潼關

詩紀

盛唐卷之九十

六一

監龍起猶聞晉水清獨使至尊憂社稷諸君何以

荅升平

洛陽宮殿化爲烽休道秦關百二重滄海未全歸

禹貢薊門何處覓堯封朝廷衮職誰爭補一作雖多預

天下軍儲自不供稍喜臨邊王相國王綰肯銷金

甲事春農

回首扶桑銅柱標冥冥氛祲未全銷越裳翡翠無

消息南海明珠久寂寥殊錫曾爲大司馬總戎皆

挿侍中貂炎風朔雪天王地只在忠良翊聖朝

錦江春色逐人來巫峽清秋萬壑哀正賴一作憶往

時嚴僕射共迎中使望鄉臺主恩前後三持節軍

令分明數舉杯西蜀地形天下險安危須仗出羣

材

### 秋興八首

玉露凋傷楓樹林巫山巫峽氣蕭森江間波浪兼  
天湧塞上風雲接地陰叢菊兩開他日淚孤舟一  
繫故園心寒衣處處催刀尺白帝城高急暮砧

夔府孤城落日斜每依北斗望京華聽猿實下三

詩紀

盛唐卷之九十

七

聲淚奉使虛隨八月槎畫省香爐違伏枕山樓粉

堞隱悲笳請看石上藤蘿月已映洲前蘆荻花

千家山郭靜朝暉日日江樓坐翠微信宿漁人還

汎汎清秋燕子故飛飛匡衡抗疏功名薄劉向傳

經心事違同學少年多不賤五陵衣馬自輕肥

聞道長安似奕棋百年世事不勝悲王侯第宅皆

新主文武衣冠異昔時直北關山金鼓振征西車

馬羽書遲魚龍寂寞秋江冷故國平居有所思

蓬萊宮闕對南山承露金莖霄漢間西望瑤池降



王母東來紫氣滿，函關雲移雉尾開。宮扇日繞龍鱗識，聖顏一臥滄江驚。歲晚幾回青瑣點，音義與點同

朝班

瞿唐峽口曲江頭，萬里風煙接素秋。花萼夾城通御氣，芙蓉小苑入邊愁。珠簾繡柱圍黃鵠，一作錦鵠纜牙檣起白鷗。回首可憐歌舞地，秦中自古帝王州。

昆明池水漢時功，武帝旌旗在眼中。織女機絲虛夜月，石鯨鱗甲動秋風。波漂菰米沈雲黑，露冷蓮

詩紀

盛唐卷之九

八

房墜粉紅關塞極，天唯鳥道江湖滿。地一漁翁見吾御，宿自逶迤紫閣峯。陰入漢陂香稻啄餘鷗，鷗粒碧梧棲老鳳凰。枝佳人拾翠春相問，仙侶同舟晚更移。綵筆昔曾干氣象，白頭吟望苦低垂。

輿別

洛城一別四千里，胡騎長驅五六年。草木變衰行劒外，兵戈阻絕老江邊。思家步月清宵立，憶弟看雲白日眠。聞道河陽近乘勝，司徒急為破幽燕。

野望

西山白雪三城戍，一作南浦清江萬里橋海內風塵諸弟隔天涯。涕淚一身遙，唯將遲暮供多病。未有涓埃答聖朝，跨馬出郊時極目。不堪人事日蕭條。

秋盡

秋盡東行且未迴，茅齋寄在少城隈。籬邊老却陶潛菊，江上徒逢袁紹杯。雪嶺獨看西日落，劒門猶阻北人來。不辭萬里長爲客，懷抱何時得好開。

詩紀

盛唐卷之九

九

野望

金華山北涪水西，仲冬風日始淒淒。山連粵雋蟠三蜀，水散巴渝下五谿。獨鶴不知何事舞，饑鳥似欲向人啼。射洪春酒寒仍綠，目極傷神誰爲攜。

撥悶

一題作贈嚴二別駕

聞道雲安麴米春，纔傾一盞卽醺人。乘舟取醉非難事，下峽銷愁定幾巡。長年三老遥憐汝，捩舵開頭鳴鑼捷有神。已辦青錢防顧直，當令美味入吾脣。

愁目注云強戲爲吳體

江草日日喚愁生，巫峽泠泠非世情。  
盤渦驚浴底，心性獨樹花發自分明。  
十年戎馬暗萬今本南國異域，賓客老孤城。  
渭水秦川今本作山得見否，人今罷病虎縱橫。

晝夢

二月饒睡昏昏然，不獨夜短晝分眠。  
桃花氣暖眼自醉，春渚日落夢相牽。  
故鄉門巷荆棘底，中原君臣豺虎邊。  
安得務農息戰鬪，普天無吏橫索錢。

詩紀

盛唐卷之九十

十

返照

楚王宮北正黃昏，白帝城西過雨痕。  
返照入江翻石壁，歸雲擁樹失山村。  
衰年肺病惟高枕，絕塞愁時早閉門。  
不可久留豺虎亂，南方實有未招魂。

黃草

黃草峽西船不歸，赤甲山下人今本作行人稀。  
秦中驛使無消息，蜀道兵一作千戈有是非。  
萬里秋風吹錦水，誰家別淚濕羅衣。  
莫愁劒閣終難據，聞道松州已被圍。

卽事

天畔羣山孤草亭，江中風浪雨冥冥。  
一雙白魚不受釣，三寸黃甘猶自青。  
多病長卿無日起，窮途阮籍幾時醒。  
未聞細柳散金甲，腸斷秦川流濁涇。

狂夫

萬里橋西一草堂，百花潭水卽滄浪。  
風含翠篠娟娟淨，雨裊紅蕖冉冉香。  
厚祿故人書斷絕，恒飢稚子色淒涼。  
欲填溝壑唯疎放，自笑狂夫老更狂。

宿府

詩紀

盛唐卷之九十

十一

清秋幕府井梧寒，獨宿江城蠟炬殘。  
永夜角聲悲自語，中天月色好誰看。  
風塵荏苒音書絕，關塞蕭條行路難。  
已忍伶俜十年事，疆移栖息一枝安。

暮歸

霜黃碧梧白鶴栖，城上擊柝復烏啼。  
客子入門月皎皎，誰家搗練風淒淒。  
南渡桂水闕舟楫，北歸秦川多鼓鞀。  
年過半百不稱意，明日看雲還杖藜。

所思

苦憶荊州醉司馬

自注云崔吏部倚

謫官樽酒

一作組定常

開九江日落醒何處一柱觀頭眠幾迴可憐懷抱  
向人盡欲問平安無使來故憑錦水將雙淚好過  
一作瞿塘灘頭堆

曉發公安數月憇息此縣

北城擊柝復欲罷東方明星亦不遲鄰雞野哭如  
昨日物色生態能幾時舟楫眇然自此去江湖遠  
適無前期出門轉眄已陳迹藥餌扶吾隨所之

小寒食舟中作

佳辰強飲食猶寒隱几蕭條戴鶻冠春水船如天

詩紀

盛唐卷之九十

十三

上坐老年花似霧中看娟娟戲蝶過開

世本開作幔片

片輕鷗下急湍雲白山青萬餘里愁看直北是長  
安

曲江值雨

城上春雲覆苑牆江亭晚色靜年芳林花著雨燕  
脂落水荇牽風翠帶長龍武新軍深駐輦芙蓉別  
殿謾焚香何時詔

一作重

此金錢會暫

一作爛

醉佳人

錦瑟傍

早秋苦熱堆案相仍

七月六日苦炎蒸

今本作熱

對食暫餐還不能每愁夜

中自足蠅況乃秋後轉多蠅束帶發狂欲大叫簿  
書何急來相仍南望青松架短壑安得赤脚踏層

水

江上值水如海勢聊短述

爲人性僻耽佳句語不驚人死不休老去詩篇渾  
謾興春來花鳥莫深愁新添水檻供垂釣故著浮  
槎替入舟焉得思如陶謝手令渠述作與同遊

雨不絕

詩紀

盛唐卷之九十

十三

鳴雨既過漸細微映空搖颺如絲飛階前短草泥  
不亂院裏長條風乍稀舞石旋應將乳子行雲莫  
自濕仙衣眼邊江舸何忽促未得安流逆浪歸

臘日

臘日常年煖尚遙今年臘日凍全消侵凌雪色還  
萱草漏洩春光有柳條縱酒欲謀良夜醉還家初  
散紫宸朝口脂面藥隨恩澤翠管銀罌下九霄

九日

去年登高鄴縣北今日重在涪江濱苦遭白髮不

相放羞見黃花無數新世亂鬱鬱久爲客路難悠  
悠常傍人酒闌却憶十年事腸斷驪山清路塵

至後

冬至至後日初長遠在劔南思洛陽青袍白馬有  
何意金谷銅駝非故鄉梅花欲開不自覺棣萼一  
別永相望愁極本憑詩遣興詩成吟詠轉淒涼

十二月一日三首

今朝臘月春意動雲安縣前江可憐一聲何處送  
書鴈百丈誰家上瀨一作水船未將梅蕊驚愁眼更

詩紀

盛唐卷之九十

十四

取楸

今本作楸

花媚遠天明光起草人所羨肺病幾時

朝日邊

寒輕市上山煙碧日滿樓前江霧黃負鹽出井此  
谿女打鼓發船何郡郎新亭舉目風景切茂陵著  
書消渴長春花不愁不爛熳楚客唯聽棹相將  
卽看燕子入山扉豈有黃鸝歷翠微短短桃花臨  
水岸輕輕柳絮點人衣春來準擬開懷久老去親  
知見面稀他日一杯難強進重嗟筋力故山違

九日

重陽獨酌杯中酒抱病起一作豈登江上臺竹葉於  
人旣無分菊花從此不須開殊方日落玄猿哭舊  
國霜前白鴈來弟妹蕭條各何在干戈衰謝兩相  
催

九日

風急天一作登高猿嘯哀渚清沙白鳥飛迴無邊落  
木蕭蕭下不盡長江滾滾來萬里悲秋一作歌常作  
客百年多病獨登臺艱難苦恨繁霜鬢潦倒新亭  
濁酒杯

詩紀

盛唐卷之九十

十五

閣夜

歲暮陰陽催短景天涯霜雪霽寒宵五更鼓角聲  
悲壯三峽星河影動搖野哭千一作幾家聞戰伐夷  
歌幾一作數處起漁樵臥龍躍馬終黃土人事音書  
舊本作依依漫寂寥

立春

春日春盤細生菜忽憶兩京梅發時盤出高門行  
白玉菜傳纖手送青絲巫峽寒江那對眼杜陵遠  
客不勝悲此身未知歸定處呼兒覓紙一題詩



暮春

臥病擁塞在峽中  
瀟湘洞庭虛映空  
楚天不斷四時雨  
巫峽常吹萬里風  
沙上草閣柳新開  
城邊野池蓮欲紅  
暮春鴛鴦立洲渚  
挾子翻飛還一叢

冬至

年年至日長為客  
忽忽窮愁泥殺人  
江上形容吾獨老  
天涯風俗自相親  
杖藜雪後臨丹壑  
鳴玉朝來散紫宸  
心折此時無一寸  
路迷何處是三秦

小至

詩紀

盛唐卷之九

六

天時人事日相催  
冬至陽生春又來  
刺繡五紋添弱線  
吹葭六琯動浮灰  
岸容待臘將舒柳  
山意衝寒欲放梅  
雲物不殊鄉國異  
教兒且覆掌中杯

人日

此日此時人共得  
一談一笑俗相看  
樽前栢葉休隨酒  
勝裏金花巧耐寒  
佩劍衝星聊暫拔  
匣琴流水自須彈  
早春重引江湖興  
直道無憂行路難

夜

露下天高秋氣清  
空山獨夜旅魂驚  
疎燈自照孤

帆宿新月猶懸雙  
作數本杵鳴南菊再逢人  
臥病北書不至鴈無情  
步檐世本作倚杖看牛斗銀漢遙應接鳳城

吹笛

吹笛秋山風月清  
誰家巧作斷腸聲  
風飄律呂相和切  
月傍一作關山幾處明  
胡騎中宵堪北走  
武陵一曲想南征  
故園楊柳今搖落  
何得愁中却盡生

燕子來舟中作

詩紀

盛唐卷之九

七

湖南為客動經春  
燕子銜泥兩度新  
舊入故園嘗識主  
如今社日遠看人  
可憐處處巢居一作室何異飄飄託此身  
暫語船檣還起去今作穿花帖今作度又水益霑巾作落

野人送櫻桃

西蜀櫻桃也自紅  
野人相贈滿筠籠  
數迴細寫愁仍破  
萬顆勻圓訝許同  
憶昨賜霑門下省  
退朝擎出大明宮  
金盤玉筋無消息  
此日嘗新任轉蓬

題桃樹



小徑升堂舊不斜五株桃樹亦從遮高秋總餽鄰  
一作人實來歲還舒滿眼花簾戶每宜通乳燕兒  
童莫信打慈鴟寡妻羣盜非今日天下車書正作  
一家

見螢火

巫山秋夜螢火飛簾踈巧入坐人衣忽驚屋裏琴  
書冷復亂簷前星宿稀却繞井欄添箇箇偶經花  
藥弄輝輝滄江白髮愁看汝來歲如今歸未歸

見王監兵馬使說近山有白黑二鷹羅者

詩紀

盛唐卷之九十

大

久取竟未能得王以

今本此下有為字

毛骨有異

他鷹恐臘後春生鶩飛避煖勁翮思秋之  
甚眇不可見請余賦詩二首

雲飛玉立盡清秋不惜奇毛恣遠遊在野只教心  
力破千人何事網羅求一生自獵知無敵百中爭  
能耻下韝鵬礙九天須却避兔經一作藏三窟莫深  
憂

黑鷹不省人間有度海疑從北極來正翮搏風超  
紫塞玄冬幾夜宿陽臺虞羅自覺今本各虛施巧春

鴈同歸必見猜萬里寒空只今本一作抵一日金眸玉爪  
不凡材

詩紀

盛唐卷之九十

九

盛唐第九十

盛唐第九十一

唐詩紀一百五十一

鄆郡吳中珩彙編

鄆郡俞體初同校

杜甫二十三

五言排律一

投哥舒開府翰二十韻

今代麒麟閣何人第一功  
君王自神武駕馭必英雄  
開府當朝傑論兵邁古風  
先鋒百戰今本在畧在畧地兩隅  
空青海無傳箭天山早挂弓  
廉頗仍走敵

詩紀

盛唐卷之九十一

一

魏絳已和戎每惜河湟棄  
新兼節制通智謀垂睿想  
出入冠諸公日月低秦樹  
乾坤繞漢宮胡人愁逐北  
宛馬又從東受命邊沙遠  
歸來御席同軒墀曾寵鶴  
敗獵舊非熊茅土加名數  
山河誓始終策行遣戰伐  
勢合動昭融勲業青冥上交  
親氣槩中未爲珠履客已  
見白頭翁壯節初題柱生涯  
獨轉蓬幾年春草歇今日暮  
途窮軍事畱孫楚行間識  
呂蒙防身一長劔將欲倚崆峒

上韋左相二十韻

左相韋見素也

鳳曆軒轅紀龍飛四十春  
八荒開壽域一氣轉洪

鈞霖雨思賢佐丹青憶老臣  
應圖求駿馬驚代得

騏驎沙汰江河濁調和鼎鼎新  
韋賢初相漢范叔

已歸秦盛業今如此傳經固絕倫  
豫章深出地滄

海闊無津北斗司喉舌東方領搢紳  
持衡畱藻鑑

聽履上星辰獨步才超古餘波德照鄰  
聰明過管

輅尺牘倒陳遵豈是池中物由來席上珍  
廟堂知

至理風俗盡還淳才傑俱登用愚蒙但隱淪  
長卿

多病久子夏索居貧一作頻回首驅流俗生涯似衆

詩紀

盛唐卷之九十一

二

人巫咸不可問鄒魯莫容身感激時將晚蒼茫興  
有神爲公歌此曲涕淚在衣巾

奉贈太常張卿均一作二十韻

方丈三韓外崑崙萬國西建標天地闊詣絕古今  
迷氣得神仙迴恩承雨露低相門清議衆儒術大  
名齊軒冕羅天闕琳琅識介珪伶官詩必誦夔樂  
典猶稽健筆凌鸚鵡銛鋒瑩鵬鵠友于皆挺拔公  
望各端倪通籍踰青瑣亨衢照紫泥靈虬傳夕箭  
歸馬散霜蹄能事聞重譯嘉謨及遠黎弼諧方一

展班序更何躋適越空顛躋遊梁竟慘悽謬知終  
畫虎微分是醯雞萍泛無休日桃陰想舊蹊吹噓  
人所羨騰躍事仍睽碧海真難涉青雲不可梯顧  
深慙鍛鍊才小辱提携檻束哀猿巧枝驚夜鵲棲  
幾時陪羽獵應指鈞璜谿

贈特進汝陽王二十二韻按唐書寧王長子璿也

特進羣公表天人夙德升霜蹄千里駿風翮九霄  
鵬服禮求毫髮推忠忘寢與聖情常有眷朝退若  
無憑仙醴求一作來浮蟻奇毛或賜鷹清關塵不染

詩紀盛唐卷之九十一三

一作雜中使日相乘晚節嬉遊簡平居孝義稱自多

親棣萼誰敢問山陵學業醇儒富辭華哲匠能筆  
飛鸞聳立章罷鳳騫騰精理通談笑忘形向友朋  
寸長世本作勝堪繾綣一諾豈驕矜已忝歸曹植何如

一作知對李膺招要恩屢至崇重力難勝披霧初歡

夕高秋爽氣澄樽壘臨極浦鳬鴈宿張燈花月窮  
遊宴炎天避鬱蒸硯寒金井水簷動玉壺冰瓢飲

唯三徑巖棲在百層一作陸謬持蠡測海况挹一作

把酒如澗鴻寶寧全秘丹梯庶可陵淮王門有客

終不媿孫登

敬贈鄭諫議十韻

諫官非不達詩義早知名破的由來事先鋒孰敢  
爭思飄雲物外律中鬼神驚毫髮無遺恨波瀾獨  
老成野人寧得所天意薄浮生多病休儒服冥搜  
信客旌築居仙縹緲旅食歲崢嶸使者求顏闔諸  
公厭襦衡將期一諾重歛使寸心傾君見窮途哭  
宜憂阮步兵

贈翰林張四學士垞按張垞說之子尚寧執公主玄宗眷之即

詩紀盛唐卷之九十一四

禁中置內宅

翰林逼華蓋鯨力破滄溟天上張公子宮中漢客  
星賦詩拾翠殿佐酒望雲亭紫誥仍兼綰黃麻似  
六經內分金帶赤恩與荔枝青無復隨高鳳空餘  
泣聚螢此生任春草垂老獨漂萍儻憶山陽會悲  
歌在一聽

贈比部蕭郎中十兄目注云甫從姑之子

有美生人傑由來積德門漢朝丞相系梁日帝王  
孫蘊藉爲郎久魁梧秉哲尊詞華傾後輩風雅藹

孤騫宅相榮姻戚兒童惠討論見知真自幼謀拙  
媿諸昆漂蕩雲天闊沈埋日月奔致君時已晚懷  
古意空存中散山陽鍛愚公野谷村寧紆長者轍  
歸老任乾坤

贈韋左丞文濟

自注云濟之元  
弟亦為給事中

左轄頻虛位今年得舊儒相門韋氏在經術漢臣  
須時議歸前列一作天倫恨莫俱鵠原荒宿草鳳  
沼接亨衢有客雖安命衰容豈壯夫家人憂几杖  
甲子混泥塗不謂矜餘力還來謁大巫歲寒仍顧

詩紀

盛唐卷之九

五

遇日暮且踟躕老驥思千里饑鷹待一呼君能微  
感激亦足慰榛蕪

奉留贈集賢院崔于二學士

崔國輔于  
休烈也

昭代將垂白

一作

途窮乃叫閭氣衝星象表詞

一作

感帝王尊天老書題目春官驗討論倚風遺鵝

路隨水到龍門竟與蛟螭雜寧無燕雀喧青雲

一作

猶契閭陵厲不飛翻儒術誠難起家聲庶已存

故山多藥物勝繁憶桃源欲整還鄉旆長懷禁掖

垣謬稱三賦在難述二公恩

奉贈鮮于京兆二十韻

王國稱多士賢良復幾人異才應問出爽氣必殊  
倫始見張京兆宜居漢近臣驕驕開道路雕鶚離  
風塵侯伯知何算文章實致身奮飛超等級容易  
失沈淪脫畧蟠谿釣操持郢匠斤雲霄今已逼台  
袞更誰親鳳穴雛皆好龍門客又新義聲紛感激  
敗績自逡巡途遠欲何向天高難重陳學詩猶孺  
子鄉賦念嘉賓不得同鼎錯吁嗟後郊詵計踈疑  
翰墨時過憶松筠獻納紆臯眷中間謁紫宸且隨  
諸彥集方覬薄才伸破膽遭前政陰謀獨秉鈞微  
生霑恩刻萬事益酸辛交合丹青地恩傾雨露辰  
有儒愁餓死早晚報平津

贈王二十四侍御契四十韻

往往雖相見飄飄媿此身不關輕紱冕俱是一作  
避風塵一別星橋夜三移斗柄春敗亡非赤壁奔  
走為黃巾子去何蕭灑余藏拙隱淪書成無過鴈  
衣故有懸鶉恐懼行裝數伶俜臥疾頻曉鶯工迸  
淚秋月解傷神會面嗟顰顰含悽話苦辛接輿還



入楚王粲不歸秦錦里殘丹竈花谿得釣綸消中

祇自惜晚起索誰親伏柱聞周史乘槎有一作漢

臣鵠鴻不易狎龍虎未宜馴客即桂冠至交非傾

蓋新由來意氣合直取性情真浪跡同生死無心

耻賤貧偶然存蔗芋幸各對松筠餽飯依他日窮

愁惟此辰女長裁褐穩男大卷書勻溯口江如練

蠶崖雪似銀名園當翠巘野棹沒青蘋屢喜王侯

宅時邀江海人追隨不覺晚欵曲動彌旬但使芝

蘭秀何須一作棟宇鄰山陽無俗物鄭驛正留賓

詩紀

盛唐卷之九十一

七

出入並鞍馬光輝忝席珍重遊先主廟更歷少城

闔石鏡通幽鬼琴臺隱絳脣送終惟糞土結愛獨

荆榛置酒高林下觀碁積水濱區區甘累跼古典切脈

稍稍息勞筋網聚粘圓鯽絲繁煮細尊長歌敲

枰瘦小睡凭藤輪農月須知課田家敢忘勤浮生

難去食良會惜清晨列國兵戈暗今王德教淳要

聞除袂偷音乙俞獸能食人休作畫麒麟洗眼看輕薄虛

懷任屈伸莫令膠漆地萬古重雷陳

奉賀陽城郡王太夫人恩命加鄧國太夫人

人自注云陽城王衛伯玉也

衛幕銜恩重潘輿送喜頻濟時瞻上將錫號戴慈

親富貴當如此尊榮邁等倫郡依封土舊國與大

名新紫誥鸞迴紙清朝燕賀人遠傳冬筭味更覺

綵衣春奕葉班姑史芬芳孟母鄰義方兼有訓詞

翰兩如神委曲承顏體鸞飛報主身可憐忠與孝

雙美畫一作麒麟

移居公安敬贈衛太夫人

衛侯不易得余病汝知之雅量涵高遠清襟照等

詩紀

盛唐卷之九十一

八

夷平生感意氣少小愛文辭河海由來合風雲若

有期形容勞宇宙質朴謝軒墀自古幽人泣流年

壯士悲水煙通徑草秋露接園葵入邑豺狼鬪傷

弓鳥雀饑白頭供宴語烏几伴棲遲交態遭輕薄

今朝豁所思

贈虞十五司馬

遠師虞秘監自注云世南今喜識玄孫形象丹青逼家

聲器宇存凄涼憐筆勢浩蕩問辭源爽氣金天豁

清淡玉露繁佇鳴南嶽鳳欲化北溟鯢交態知浮



俗儒流不異門過逢連客位日夜倒芳樽沙岸風  
吹葉雲江月上軒百年嗟已半四座敢辭喧書籍  
終相與青山隔故園

奉贈盧五丈參謀琚

自注云時丈人使自江陵在長沙待命恩

首先文  
給錢米

恭惟同自出妙選異高標入幕知孫楚披襟得鄭  
僑丈人藉才地門閤冠雲霄老矣逢迎拙相於契  
託饒賜錢傾府待爭米駐船遙鄰好艱難薄氓心  
杼軸焦客星空伴使寒水不成潮素髮乾垂領銀

詩紀

盛唐卷之九十一

九

章破在腰說詩能累夜醉酒或連朝藻翰惟牽率  
湖山合動搖時清非造次一作興盡却蕭條天子  
多恩澤蒼生轉寂寥休傳鹿是馬莫信鵬如一作為  
鴉未解依依袂還斟泛泛瓢流年疲蟋蟀體物幸  
鷓鴣孤負滄洲願誰云晚見招

奉贈蕭二十使君

昔在嚴公幕俱為蜀使臣艱危參大府前後間清  
塵自注云嚴再領蜀都參軍後參制府起草鳴先路乘槎動要津王  
鳧聊暫出蕭雉只相馴終始任安義荒蕪孟母鄰

聯翩匍匐禮意氣苑生親

自注云嚴公既沒老母在堂使君溫清之問且

又首諸孫主典撫孤之情真所謂一死生不減骨

義可以見矣張老存家事稽康有故人食恩慙鹵

莽鏤骨抱酸辛巢許山林志夔龍廊廟珍鵬圖仍

矯翼熊軾且移輪磊落衣冠地蒼茫土木身墳隴

鳴自合金玉瑩逾新重憶羅江外同遊錦水濱結

歡隨過隙懷舊憶霑巾曠絕含香舍稽留伏枕辰

停驂雙闕早回鴈五湖春不達長卿病從來原憲

貧監河受貸粟一起轍中鱗

詩紀

盛唐卷之九十一

十一

贈裴南部聞袁判官自來欲有按問

塵滿萊蕪饒堂橫單父琴人皆知飲水公輩不偷  
金梁獄書應作一本作秦臺鏡欲臨獨醒  
時所嫉羣小謗能深即出黃沙在何須白髮侵使  
君傳舊德已見直繩心

遣悶奉呈嚴鄭公二十韻

白水漁竿客清秋鶴髮翁胡為來幕下祗合在舟  
中黃卷真如律青袍也自公老妻憂坐痺幼女問  
頭風平地專欲倒分曹失異同禮甘衰力就義忝

上官通疇昔論詩，早光輝。伏鉞雄寬容，存性拙翦。  
佛念途窮露，裏思藤架煙。霏想桂叢信，然龜觸網。  
直作鳥窺籠，西嶺紆村北。南江繞舍東，竹皮寒舊。  
翠椒實雨新，紅浪簸船應。圻杯乾甕卽空，藩籬生。  
野徑斤斧任樵童，束縛酬知己。蹉跎効小忠，周防。  
期稍稍太簡，遂忽忽曉入朱扉。啓昏歸盡角，終不。  
成尋別業，未敢息微躬。烏鵲愁銀漢，駑駘怕錦幪。  
會希全物色，時一作秋放倚梧桐。

行次古城店泛江作，不揆鄙拙，奉呈江陵

詩紀

盛唐卷之九十二

上

幕府諸公

老年常道路，遲日復山川。白屋花開裏，孤城麥秀。  
邊濟江元自闊，下水不勞牽。風蝶勤依漿，春鷗懶。  
避船王門高德業，自注云：時陽城郡王衛伯玉爲江陵節度使。幕府盛。  
材賢行色兼多病，蒼茫泛愛前。

水宿遣興奉呈羣公

魯鈍仍多病，逢迎遠復迷。耳聾須盡字，髮短不勝。  
篋澤國雖勤雨，炎天竟淺泥。小江今本作紅非還積浪，  
弱纜且長堤。歸路非關北，行舟却向西。暮年漂泊

恨今夕，亂離啼。童稚頻書札，盤飧詎糝熬。我行何。  
到此物理直難齊，高枕翻星月。嚴城疊鼓聲，風號。  
聞虎豹。水宿伴鳬鷖，異縣驚虛往。同人惜解攜，蹉。  
跎長泛鷺。展轉屢聞鷄，疑疑瑚璉器。陰陰桃李蹊，  
餘波期救涸。費日苦輕齎，杖策門闌遂。肩輿羽翮。  
低，自傷甘賤役。誰啟疆幽棲，巨海能無釣。浮雲亦。  
有梯，勲庸思樹立。語默可端倪，贈粟困應指。登橋。  
柱，必題丹心老。未折時訪武陵谿。

風疾舟中伏枕書懷二十六韻呈湖南親

詩紀

盛唐卷之九十二

上

友

軒轅休製律，虞舜罷彈琴。自注云：伏羲造瑟，神農作琴，舜彈五絃歌，南風。  
尚錯雄鳴管，猶傷半死心。聖賢名古邈，羈旅病。  
年侵。舟泊常依震，湖平早見參。如聞馬融笛，若倚。  
仲宣襟。故國悲寒望，羣雲慘歲陰。水鄉靈白蜃，楓。  
岸疊青岑。鬱鬱冬炎瘴，濛濛雨滯淫。鼓迎方祭鬼，  
彈落似鴉禽。興盡纔無悶，愁來遽不禁。生涯相汨。  
沒，時物自蕭森。疑惑樽中弩，淹留冠上簪。牽裾驚。  
魏帝，投閣爲劉歆。狂走終奚適，微才謝所欽。吾安

藜不糝女貴玉爲琛烏几重重縛鶉衣寸寸鍼哀

傷同庾信

自注云庾信作哀江南賦

述作異陳琳十暑岷山葛

三霜楚戶砧叨陪錦帳坐久放白頭吟反樸時難

遇忘機陸易沈應過數粒食得近四知金春草封

歸恨源花費獨尋轉蓬憂悄悄行藥病泔泔瘞天

追潘岳持危覓鄧林蹉跎翻學步感激在知音却

假蘇張古高談周宋鐔納流迷浩汗峻址得嶽峯

城府開清旭松筠起碧潯披顏爭倩倩逸足競駸

駸朗鑑存愚直皇天實照臨公孫仍恃險侯景未

詩紀

八盛唐卷之九十一

三

生擒書信中原闊干戈北斗深畏人千里井問俗

九州箴戰血流依舊軍聲動至今葛洪尸定解許

靖力還任家事丹砂訣無成涕作霖

盛唐第九十一